















LES  
LETTRES  
D'ESTIENNE  
PASQUIER CON-  
seiller & Aduocat general  
du Roy à Paris.

*Contenans plusieurs belles matieres & discours sur les  
affaires d'Estat de France, & touchant les  
guerres civiles.*

TOME SECOND.



A PARIS,  
Chez LAVRENT SONIVS rue saint Jacques  
au Coq, & Compas d'Or.

---

M. DC. XIX.  
AVEC PRIVILEGE DV ROY.





T A B L E  
DES EPISTRES  
ET MATIERES CON-  
tenuës en ce volume.

LIVRE TREIZIESME.



Monſieur Airault , Lieutenant Cri-  
minel au ſiege Preſidial d'Angers. *Il*  
*recite le changement merueilleux qui eſtoit*  
*à la Cour.* I

A Meſſire Achilles de Harlay, Cōſeiller d'E-  
ſtat, & premier Preſident en la Cour de Parle-  
ment de Paris. *Il recite quelque choſe des conten-*  
*tions qui furent aux Eſtats ſur les libertez de l'E-*  
*gliſe , puis rend raiſon pourquoy il ne veut achepter*  
*l'eſtat d'Aduocat du Roy.* 5

A Meſſire Achilles de Harlay , Conſeiller  
d'Eſtat , & premier Preſidēt en la Cour de Par-  
lement de Paris. *Il recite fort particulièrement ce*  
*qui ſe paſſa en la tenue des Eſtats , & les prend par le*  
*commencement.*

A M. Loïſel , Aduocat en la Cour de Parle-  
ment de Paris. *Recit de diuers brouillemens d'af-*  
*ſaires & ſur tout pour la Ville d'Orleans.* 67

# TABLE.

A M. Airault Lieutenant Criminel au siege  
Presidial d'Angers. *Il recite à M. Airaut la mort  
de Monsieur de Guise & de son frere , avec toutes les  
particularitez qui s'y passerent.* 21

A Monsieur Airault Lieutenant Criminel  
d'Angers. *Discours & considerations diuerses sur  
la mort de M. de Guise , avec les prognostics & ad-  
uertissemens qui la deuancerent.* 27

A M. Pithou , sieur de Sauoye , Aduocat en  
la Cour de Parlement de Paris. *Discours & con-  
siderations sur la fin des Estats.* 47

A Maistre Nicolas Pasquier son fils, Conseil-  
ler & maistre des Requestes ordinaire du Roy.  
*Il raconte à son fils la mort de la Reyne mere avec  
quelques Eloges sur sa vie.* 50

A Maistre Nicolas Pasquier son fils, Conseil-  
ler & Maistre des Requestes ordinaire du Roy.  
*Diuers discours sur les desreglemens de la Ligue apres  
la mort de M. de Guise.* 56

A M. Nicolas Pasquier son fils , Conseiller  
& maistre des Requestes ordinaire du Roy. *Dis-  
cours sur les affaires du Roy apres la mort de M. de  
Guise, & sur tout comme il se trouua estonné.* 61

A M. Airault, Lieutenant Criminel au siege  
Presidial d'Angers. *Plusieurs rencontres sur les af-  
faires des vns & des autres.* 70

A M. Chauuet, Preuost de la ville de Blois.  
*Il recite à M. Chauuet comment le Parlement, & la  
Chambre des Comptes furent establis à Tours &*



# TABLE.

*avec quelles ceremonies.*

81

A M. le Comte de Sanzay. *Il raconte au sieur de Sanzay les trefues d'entre les deux Roys, ce qui se passa à Tours & à Poitiers.*

86

A M. le Comte de Sanzay. *Il discours sur diuers subiets, & commence à entrer en l'acheminement du siege de Paris.*

90

A M. Seruin, Conseiller d'Estat, & Aduocat general du Roy au Parlemēt de Paris. *Il décrit à M. Seruin les histoires de deux, dont l'un fut faict Roy en riant, & l'autre Empereur en plerant.*

92

A M. Seruin, Conseiller d'Estat & Aduocat general du Roy au Parlement de Paris. *Diuers accidens & infortunes arriüés à Andronic Comnene.*

99

A M. Seruin, Conseiller d'Estat, & Aduocat general du Roy au Parlement de Paris. *Il propose diuerses considerations, pour seruir d'instruction aux Princes sur les histoires precedentes.*

117

A M. Seruin, Conseiller d'Estat, & Aduocat general du Roy au Parlement de Paris. *Remarques sur la fortune du Pape Sixte 5.*

124

A M. le Comte de Sanzay. *Il recite au long la mort de Henry 3. par le coup fatal d'un Iacobin.*

130

A Madame la Duchesse de Rets. *Il tanse Madame de Rets de ce qu'elle se monstre trop reuesche à se reconcilier avec son fils, puis luy remonstre les moyens de faire la reconciliation.*

148

A Mademoiselle de Guerliere. *Il renuoye*

# TABLE.

à Mademoiselle de Guerliere son fils, avec quelques parties qu'il auoitourny pour luy, & luy donne conseil comme elle le doit gouverner. 151

A M. de Guerliere. Il luy recommande l'obeissance enuers sa mere. 153

A M. de Charneau, Conseiller d'Estat, & President en la Chambre des Comptes de Tours. Il luy raconte son voyage de Cognac, & loue la fertilité du pays. 158

A M. du Plessis-Mornay, Gouverneur pour le Roy en la ville de Saulmur. Il supplie M. Du Plessis d'empescher enuers le Roy qu'il n'establissee vne Chambre des Comptes en Guyenne. 161

A M. des Aigues, Procureur general du Roy au Parlement de Bordeaux. Il supplie Monsieur des Aigues de s'opposer à l'establissemēt d'une Chambre des Comptes en Guyenne, comme il auoit desia fait autresfois. 164

A M. de Ste. Marthe, Thresorier general de France en Poitou. Recit au long de la victoire d'Yury. 165

A M. du Plessis mornay, Gouverneur & Lieutenant general pour le Roy en la ville de Saulmur. Il discours sur les dons qu'ont custume de faire les Roys, & donne certaines reigles qu'il faudroit observer. 170

A M. le Comte Sanzay. Il raconte comment Monsieur de Guise se sauua de prison. 173

A Mademoiselle de Forges. Il la remercie du

# TABLE.

*bon bruiet qu'elle fait courir de luy.* 179

A M. Fauchet, Conseiller du Roy, & premier  
President en la Cour des Generaux des Mon-  
noyes. Il luy remonstre comme il ne doit estre fasché  
d'estre assis en la Chambre des Comptes apres les  
Maistres. 188

A Monsieur de Mille. Comment il ne doit faire  
precipitation en son mariage. 188.

## LIVRE XV.

**A** M. de Souuray, Cheualier des deux Or-  
dres Conseiller d'Estat, Gouverneur &  
Lieutenant general pour le Roy en la ville de  
Tours & pais de Touraine. *Protestation de son*  
*obeissance enuers luy, & recognoissance de s<sup>on</sup> deuoir.* 190

A Madame de Rez. Il luy repart sur vne lettre  
qu'elle luy auoit enuoyée, où elle l'asseuroit du bon ac-  
cueil qu'elle auoit receu du Roy. 191

A Messieurs Loisel & Pithou, Aduocats au  
Parlement resseant à Paris. *Ils crit en amy, & se*  
*plaint de l'iniure du temps qui empesche de faire tenir*  
*asseurement les lettres.* 192

A M. Subler, Abbé de Ferrieres. *Il s'excuse d'a-*  
*uoir tât tardé à escrire. & demande de ses nouuelles.* 193

A M. Chalopin, Seigneur de Chauron. *Re-*  
*merciement honnestes de ses bons traietemens.* 194

A M. Tambonneau, Conseiller d'Estat &  
President en la Chambre des Comptes. *Pour-*  
*quoy il n'escriit si souuent à ses amis.* 195

A M. de Charmeaux, Conseiller d'Estat, &

- President en la Chambre des Comptes. *Combien son amitié souffre pour son absence.* 196
- A Mademoiselle de. *Il se iouë avec elle, & luy monstre combien il fait estat de son amitié.* 197
- A M. le Comte de Brienne. *Combien il se sent obligé au sieur de Brienne, pour luy auoir fait sortir de Paris quelques moyens.* 198
- Au Seigneur Abel l'Angelier Libraire. *Il le remercie du liure de l'Eloquence Françoisse qu'il luy auoit enuoyé.* 198
- A Madame de Ch. *Il se iouë sur vne peinture de la Magdelaine que ceste Dame luy auoit enuoyee.* 202
- A Mademoiselle de. *Il tanse ceste Damoiselle, de ce qu'elle ne luy auoit fait aucune response à vne qu'il luy auoit escrit.* 203
- A M. de Sermoise, Conseiller du Roy, & Maistre des Requestes ordinaire de son Hostel. *Il le remercie de quelques offices qu'il luy auoit rendus à Paris.* 204
- Lettres du Seigneur Mornac, Aduocat au Parlemēt de Paris resicant à Tours, à Pasquier. *Il escrit à M. Pasquier, qu'il a leu quelques escrits qu'il adressoit aux Princes de la Ligue.* 205
- A M. Mornac, Aduocat en la Cour de Parlement seant à Tours. *Ayant respondu à la sienne, il luy dit le iugement qu'il fait de son liure de Poësie.* 206

## T A B L E.

A M. de Charlonie, Preuost d'Angoulesme.  
*Il loüe son Poëme sur le nombre quaternaire.* 208

A M. Theodore Pasquier son fils aîné, Ad-  
uocat au Parlemēt de Paris, transferé à Tours.  
*Il recite comme M. de Vitry print le party du Roy*  
*quittant la Ligue, & en suite la ville de Meaux.* 209

A M. de Serres auteur de l'Inuentaie ge-  
neral de l'histoire de France. *Il luy escrit sur la*  
*difficulté qu'il a d'escire sur l'histoire de ce tēps, &*  
*combien ils ont esté broüillez.* 211

A M. de Serres auteur de l'Inuētaire general  
de l'histoire de Frāce. *Il discours sur plusieurs re-*  
*marques de nostre histoire, & sur tout du commence-*  
*ment des troubles de France.* 217

## L I V R E X V I.

**A** Theodore Pasquier son fils aîné. *Il racon-*  
*te l'histoire de la redditiō de la ville de Lyō.* 232

A M. Theodore Pasquier son fils aîné. *Ordre*  
*de la reddition de Paris, & cōme toutes choses y fu-*  
*rent restablies.* 236

A M. de Tiart, Seigneur de Bissi, ancien E-  
uesque de Chaalō sur Soone. *Il luy proteste son a-*  
*mitié ancienne, & le prie d'en faire de mesme.* 247

A M. du Cluseau, Capitaine de cinquante  
hommes d'armes, Gouverneur de la Bastille &  
Citadelle de Noyon. *Il discours sur ce que son fils*  
*l'estoit allé treuuer, & l'en excuse, puis luy dit que son*  
*fils de Bussine peut aller au siege d'Amiens à cause*  
*de sa blesseure.* 248

## TABLE.

Au Capit. de la Ferlandiere, Pierre Pasquier son fils. *Il l'aduertit de la bleſſeure de son frere de Buſſy.* 250

A M. du Cluseau Capitaine de cinquante hōmes d'armes, Gouverneur de la ville & Citadelle de Noyon. *Il luy represente ſes apprehenſions ſur la difficulté de la priſe d'Amiens.* 251

Congratulation ſur la Paix generale faite au mois de Mars 1599. & ſur les benediſtions que le Roy a receües de Dieu. Au Roy de France & de Nauarre tres-chreſtien Henry 4. de ce nō. 256

### LIVRE XVII.

A M. de Saincte Marthe, Threſorier general de Frâce en la generalité de Poitou. *Il luy racōte au lōg la conſpiration faite contre le Preſidēt Briſſon.* 293

A M. de Saincte Marthe. *Discours & cōſiderations diuerſes ſur les executiōs ci deuāt eſcrittes.* 322

A M. de Saincte Marthe. *Il represēte la mort du Mareſchal de Biron.* 338

A M. de Saincte Marthe. *Mort du Mareſchal de Biron.* 357

### LIVRE XVIII.

A M. de Pelgé, Conſeiller du Roy & maiſtre en ſa chābre des Cōtes de Paris. *Quel iugement il fait des Eſſais de Montagne.* 377

A M. de Pelgé, Cōſeiller du Roy & maiſtre en ſa chābre des Cōptes de Paris. *Ayāt propoſé quatre braues Eſcrinains Gaſcōs, il s'arreſte à loüer le Sieur*



de Moniluc.

583

A M. de Beaurin, Cōseiller du Roy & Maître en sa chābre des Cōptes. *En se ioüāt il rapporte beaucoup de choses remarquables pour, & cōtre les singularitez des femmes.*

398

Lettres enuoyees de Rome à Pasquier par le Sieur de Bauō Viuot. *Le sieur de Bauon escrit à M. Pasquier sur ce qui se passoit à Rome.*

408

A M. de Bauō Viuot. *Responce à la precedente & discours sur l'ābassade du sieur de Breues à Rome.*

409

Lettres du sieur de la Croix à Pasquier. *Ceste lettre n'est que pour accompagner Vn Sonnet.*

411

A M. Anne d'Vrfé Conseiller d'Estat. *Remercement pour le Sonnet qu'il luy auoit enuoyé.*

414

Lettres de M. Honoré d'Vrfé cōte de Chasteau Neuf à Pasquier. *Il s'excuse de ce qu'il ne luy a pas porté son liure d'Astree luy mesme.*

417

Responce de Pasquier au Cōte de Chasteau Neuf. *Il remercie le Seigneur d'Vrfé de sō liure, & luy en donne Vn iugement fort aduantageux.*

418

A M. de Neuf-chel, Cheualier d'honneur de madame la Duchesse de Nemours. *Recit au long de la mort du feu Duc de Nemours.*

421

A Madamoiselle de Bourgō. *Il la console sur la mort de son mary, & luy donne son aduis sur ce qu'elle doit faire quant aux estudes de son fils.*

425

A M. Noyau, Procureur du Roy en l'Eslektiō & Grenier à scel de Paris. *Que les peres ne doiuent estre sous la curatelle de leurs enfans.*

428

A M. de Sainte Marthe Thresorier general<sup>l</sup>  
de France en la generalité de Poitou. *Il luy dit  
quel iugement il fait de ses Eloges, & l'aduertit cõ-  
ment il les doit manier.* 430

L I V R E X I X.

**A** Messire Edoüard Molé, Conseiller d'Estat  
& President en la grand Chambre du  
Parlement de Paris. *Il discourt sur le subiect des  
Mercuriales.* 42

A M. Nicolas de Verdun, Cõseiller d'Estat, &  
premier Presidẽt au Parlemẽt de Thoulouse. *Il  
luy enuoye vn Epigramme Latin.* 441

A M. Petau Cõseiller en la cour de Parlemẽt  
de Paris. *Que Tacite historien ne doit estre leu de tout  
le monde, & de la difficulté de le traduire.* 442

Meurtre de Pedanius Secundus Gouverneur  
de la ville de Rome. *Harangue de Caius Cassius  
Seneateur, & punitiõ esmerueillable sur les seruiteurs.*

44

A M. Petau, Cõseiller en la cour de Parlemẽt  
de Paris. *Il discourt sur le sujet de plusieurs merueilles,  
entre autres sur celle du Duc de Sauoye & du Roy.* 448

A M. Moreau, Aduocat en la cour de Parle-  
mẽt de Bourdeaux. *Il le remercie de son amitié, &  
luy dit son aduis touchãt les Escussions. dõt il faisoit  
vn liure.* 454

A M. *Il luy respond, sur le subiect de quelques  
vns qui cẽsuroiẽt quelques passages de ses Recherches.*

456



# T A B L E.

A M. Loisel Aduocat en la cour de Parlemēt de Paris. *Il raconte les causes pourquoy il ne veut re-  
venir à Paris.* 468

A M. Loisel Aduocat en la cour de Parlemēt de Paris. *Il recite le subiect de sa retraicte, & cōmēt il s'estoit rendu solitaire pour conseruer sa santé.* 470

A M. Loisel, Aduocat en la cour de Parie-  
ment de Paris. *Il le persuade d'embrasser vne cōmis-  
sion où il estoit appellé avec le President Molé.* 474

A M. Loisel Aduocat en la cour de Parlemēt de Paris. *Il specifie les occasions pourquoy il auoit fait  
plusieurs pieces de poesie tres-belles.* 477

A M. Loisel Aduocat en la cour de Parlemēt de Paris. *Il dispute fort profondemēt sur le droit &  
les loix des Romains, & en quoy il consistoit.* 488

A M. Loisel Aduocat en la cour de Parlemēt de Paris. *Il discourt fort amplement sur le fait des  
legitimes deües aux enfans.* 499

A M. Loisel Aduocat en la cour de Parlemēt de Paris. *Il continuē sur la mesme matiere, & en  
quel ordre de temps les loix Romaines surēt faites, &  
par qui.* 512

A M. Robert Aduocat en la cour de Parlemēt de Paris. *Il discourt sur le mesme subiect des loix &  
ordonnances tant de Rome que de France.* 522

A M. Tournebus, Conseiller en la cour de  
Parlement de Paris. *Il discourt sur le suiect de la  
Medecine, & par mesme occasion de la compositiō  
du corps humain.* 537

TABLE.  
LIVRE XX.

**A** M. de Raimond Conseiller au Parlement de Bordeaux. *Il soustient que les Iesuites ne doiuent auoir l'honneur seuls de soustenir le party de l'Eglise contre les heretiques.* 562

A M. Borbonius, Professeur du Roy és lettres Grecques en l'Vniuersité de Paris, & excellent Poëte Latin. *Il luy enuoye la traduction en François de quelques Vers Latins, que M. Borbonius auoit faits sur la mort du Roy Henry le Grand.* 571

Au Seigneur Louys de Sainte Marthe Lieutenant general de la Cōestablie de France. *Recueil de quelques dicts notables au feu Roy Hēry.* 582

A M. Valadier, Abbé de S. Arnoul de Mets, *Il se plaint à luy de ce qu'il ne luy auoit escrit au long, cōme sa reception auoit esté faite en son Abbaye.* 595

A M. de Raimond Conseiller en la Cour de Parlemēt de Bourdeaux. *Cōmencemēt de plusieurs Sectes, & d'oū proceda celle de Luther en l'Eglise.* 596

A M. Georges Freget, docteur en Theologie, curé de S. Ncolas du Chard. chanoine de la Ste. Chapelle de Paris. *Il s'excuse sur l'aduis de sō me-decin de ce qu'il ne peut sortir le iour de Noel.* 609

A M. Gamache Docteur en Theologie, Professeur du Roy és saintes lettres en l'Vniuersité de Paris. 653

LIVRE XXI.

**A** M. Louys de Sainte Marthe Lieutenant general du Roy en la Marschaussée de

# TABLE.

France au Palais de Paris. *Discours de l'auteur sur ce qui le rendit fameux Aduocat.* 663

A M. du Lys. *Il luy enuoye des vers qu'il auoit faits sur la Pucelle d'Orleans.* 717

A M. de Sainte Marthe. *Il s'excuse de ce qu'il ne luy auoit fait part de sa Poësie* 718

A M. Faureau étudiant en l'Vniuersité de Poitiers. *Il le remercie de la dedicace de son Mercure.* 722

## LIVRE XXII.

**A**V Seigneur d'Atichi Conseiller d'Estat & Intendant des Finances. *Il l'invite de venir en sa maison.* 726

A Messire Jean Nicolai Cōseiller d'Estat & premier President en la chambre des Comptes. *Il luy discourt de la poësie en laquelle le naturel & l'art sont requis.* 727

A M. Mangot Conseiller du Roy & maistre des Requestes, *Il luy discourt de plusieurs choses remarquables en France sous le nombre de trois.* 754

A M. Achilles de Harlay, Conseiller d'Estat. *Il luy discourt des causes de sa solitude.* 768

A M. Collard Conseiller du Roy & auditeur en la chambre des Comptes à Paris. *Il discourt de l'incertitude qui se trouue en la medecine.* 784

FIN





L E,

# T R E Z I E S M E

LIVRE DES LETTRES

D'ESTIENNE PASQUIER.

*A Monsieur Airault, Lieutenant Criminel  
au Siege Presidial d'Angers.*



Oicy le temps des merueilles. *Châgemens*  
Vn Monsieur du Bouchage a *meruesl.*  
quitté toutes les grandeurs *leux à la*  
mondaines, pour espouser v- *Cour.*  
ne vie Capucine : Vn Mōsieur *Monsieur*  
d'espersion eslongné de la pre- *du Boucha-*  
ge *Capucine.*

sence de son Roy : Vn Roy mesmes maltraité,  
non seulement par ses subiects, mais par la ville  
de Paris qu'il fauorizoit sur toutes les autres;  
Et dans cette ville, d'une Famille qu'il auoit  
gratifiée particulièrement sur toutes. Je me  
fusse grandement estonné, si ces changemens  
se fussent estanchez par la nouvelle reconcilia-  
tion faite entre luy & ses subiects. Il a pris la  
route de Blois, où il a assigné tous les Deputez  
des Estats ; Et soudain qu'il y est arriué il a  
renuoyé monsieur le Comte de Chiurny  
son Chancelier en sa maison, & le Seigneur  
de Bellieure l'un des premiers Conseillers en

Tome II.

A

*Officiers  
nouveaux  
establis au  
lieu des an-  
ciens.*

son conseil d'Estat sans rendre la raison pour-  
quoy. Le semblable a il fait des Seigneurs de  
Villeroy, Pinard, Brulard, Secretaires d'Estat;  
du Sieur de Combault, premier Maistre d'ho-  
stel, & des Sieurs de la Grangele-Roy & Mo-  
lant, Thresorier de l'Espargne; Et par vne es-  
trangement metamorphose, a choisi pour garde  
des Seaux, monsieur de Montelon, qui estoit  
simple Aduocat consultant en la Cour de  
Parlemēt; pour Secretaires d'estat les sieurs de  
Beaulieu, Ruzé, & Reuolt; celuy là qui l'a-  
uoit autre-fois suiuy, mais s'estoit retiré de son  
seruice en sa maison il y auoit douze ou treze  
ans; Cettuy cy homme tressage, qui condui-  
soit les affaires de monsieur d'espernon, & es-  
toit sur le poinct de se retirer en son pays. Il a  
voulu pouruoir du troisieme estat vn nommé  
nigeon, que ie ne cognoy: on dit qu'il l'a refu-  
sé tout à plat. S'il est ainsi, c'est vn trait admi-  
rable au milieu de la corruption de nostre sie-  
cle, que i'oppose à tous les anciens romains. Quāt  
à mōlieur de Mōtelō, il est certain que le Roy ne  
l'a choisi que pour la reputation de sa grande  
prud'homnie. Et est chose digne de vous estre  
mandee. Il n'auoit iamais veu le Roy; Et en-  
trant dans sa chambre pour le saluer, le trou-  
uant assisté des Seigneurs de Bellegarde & de  
Longnac, maistres de sa garderobe, il demanda  
lequel des trois estoit le Roy, pour ne l'auoir  
iamais veu; Les suppliant humblement de le  
vouloir excuser. A quoy le Roy luy fit respon-  
se, qu'il ne le cognoissoit aussi, que de reputa-  
tion. Ces mutations si subites & inopinées du

*Monsieur  
de Monse-  
lon entrant  
en la Chā-  
bre du Roy  
demanda le-  
quel s'estoit  
en sa pre-  
sence.*



haut en bas, & du bas en haut, propres à la ville de Blois, bastie sur vne montaigne, apprestent diuersement à gloser. Quelques vns estiment qu'elles ayent esté faites en haine de la Roine mere; d'autant que tous ces Seigneurs renuoyez auoyent trop d'intelligence avec elle comme elle pareillement avec les Seigneurs de la Ligue. Et de faict, depuis ce nouveau mesnage le Roy seul cuure les pasquets qui luy sont enuoyez, sans y admettre autres que ses deux nouveaux Secretaires. Les autres disent, que c'est pour gagner la bonne grace des Deputez, estimant qu'ils ne seront marris de ce nouveau changement. Tant y a que c'est vncoup de maistre, dont on ne sçauroit rédre la raison. Mais, quelque chose qu'il en soit, monsieur de Guise, plein d'entendement, se fait accroire & que cette assemblée, & ces changemens ne sont faits que pour se vâger de luy. C'est pourquoy deliberant de parer aux coups, il a fait vne contremine, & estably de telle façon ses affaires par toutes les Prouinces, que la plus grâde partie des Deputez sont pour luy; Et depuis qu'il est arriué en la ville de blois, tous ses seruiteurs & amis le sont venus trouuer en flote, avec monsieur le Cardinal de Guise son frere. Cinq semaines auparauât le iour prefix à l'ouuerture de cette conuocation, il m'ada marteau, Preuost des Marchands, & le Presidēt de Nully son beau pere, pour prendre langue avecques eux de ce qu'ils auoiēt à faire. Le gouvernement de Paris, pēdant son absence, est demeuré es mains de mōsieur d'Aumale, & celuy

de la Bastille à Busly le Clerc, prenant qualité de Lieutenant de Marteau. Les plus autorizez de la Ligue ont esté choisis & esleus pour presider aux Estats; Monsieur le Cardinal de Guise sur le Clergé; Monsieur de Brissac sur la Noblesse, & Marteau sur le tiers Estat. Avant que d'ouurer

*Ouverture  
des Estats  
de Blois.  
Serment de  
l'Union re-  
nouuélé.*

le pas, on a fait jeusnes, procession generale, & celebré vne messe du S. Esprit. Chacun a receu le *Corpus Domini*; Et à l'illuë, le serment de la sainte Vniõ renouuellé par toute l'assemblée.

Et mesmement par le Roy, qui en demeureroit

*Le Roy fait  
chef de la  
sainte V-  
nion.*

le chef. toutesfois il n'a peu obtenir que le peuple de Paris se desarmast, combien que le lendemain il en fist grande instance. Le Dimâche XII.

*Harangue  
du Roy  
à l'entree  
des Estats.*

d'Octobre on a ouuert les Estats; Et a le Roy fait vne belle harangue au peuple, pour luy faire paroistre de quelle deuotion il enté doit besongner au reestablissement des affaires de son

Royaume; Mais il ne s'est peu garder de dõner vne attainte fort rude à monsieur de Guise, qui lors estoit seant à ses pieds en qualité de grand maistre: Car il a dit, que s'il n'eust esté preuenü & empesché par l'ambitiõ de mesuree de quelques siens subiects, il s'asseuroit que la Religión nouvelle eust esté lors tout à fait exterminée de la France. Monsieur de Guise s'en est depuis plaint à luy: De sorte que la harangue estant mise en lumiere, cette clause a esté biffée. Qui est aucunemēt guerir la playe, qu'il luy auoit faite; mais non oster la cicatrice. Quant à moy, toute cette premiere demarche ne me plaist; Je ne sçay quelle sera desormais leur escrime. A Dieu. De Blois ce XII. de Nouembre. 1588.



*A Messire Achilles de Harlay, Conseiller d'Estat,  
& Premier President en la Cour de  
Parlement de Paris.*

**E** ne vous en pas si tost escrit, que reue-  
nant à mon meilleur penser, i'entray en  
mesme opinion que la vostre, non seulement  
pour les raisons qu'il vous a pleu de m'escire,  
mais aussi qu'il me souuient que le Prince pour  
lequel ie vouloy entrer sur les rangs estoit tres-  
froid & mauuais garéd des querelles que l'on  
entreprenoit maintenant pour luy; Ioint que  
ie pensay que monsieur d'Espesse, qui a pris en  
main la deffense des libertez de nostre Eglise  
Gallicanne, (ores qu'il n'ait esté recompensé  
qu'en iniures) ne prendroit plaisir que ie me  
misse de la partie, pour eniamber aucunement  
sur ses marches. Bien vous diray-je, qu'estant  
entré en vne amiable conferance avec l'un des  
Deputez de la Sorbonne, qui s'est roidy plus  
que nul autre contre les libertez de nostre E-  
glise, iel'ay à demy reduit à mon opinion a-  
pres auoir entendu mes raisons; Et si ay pres-  
que descouuert, que non seulement en cet arti-  
cle, mais en plusieurs autres, il n'y a que la dis-  
position du temps qui agite nos esprits. Tel de-  
mande la verification du Concile de Trente,  
qui n'en veit iamais que la couuerture, ainsi  
que ie m'en suis apperceu, gouvernât ce theo-  
logien. Qu'y feriez-vous? C'est le téps, contre  
lequel de vous heurter, ce seroit ou heresie, ou  
phrenaisie, bien que vostre opinion fut la meil-  
leure. Et neantmoins ie ne pense qu'il y ait nerf

*Il recite  
quelque  
chose des  
contentions  
qui furent  
aux Estats  
sur les li-  
bertez de  
l'Eglise;  
puis rend  
raison  
pourquoy  
il ne veut  
acheter  
l'Estat  
d'Advocat  
du Roy.*

plus grand, pour la manutention soit de nostre Estat, soit de l'Eglise Catholique & vniuerselle, que ces anciennes libertez tant recommandées par nos bons vieux Peres. Quelques vns de nos prelats mettent en auant, que c'est vne chimere, dont on ne scait ny l'origine, ny le progrès, ny en quoy elles cōsistent Mais si i'auoy à leur en faire vne anatomie, ie leur mōstrerois au doigt & à l'œil, que cette chimere prouient de leur ignorāce. Toutes-fois, puis qu'il faut caler la voile à la tempeste, ie seray tres content de ne m'exposer aux flots de cette calamité publique, & laisser iouër au temps son rolle, sans que ie monte sur l'eschauffaut. Brief de suiure en cecy vostre bon aduis. Car quāt à ce qu'en passant & cōme faisant autre chose semblez pour l'amitié que me portez, me hocher aucunemēt la bride pour entendre à l'Estat de monsieur l'Aduocat d'Espelle, le President du Lion, l'un de ses principaux amis m'en parla deslors que ie fus arriué en cette ville de Blois: & depuis m'en a parlé derechef (ie ne sçay s'il en auoit charge) me remōstrant que i'auoy moyen de le recompenser d'une partie, par mō Estat; Et que du reste il seroit ailé nous accōmoder, en baillant argent au Roy par forme de prest dont ie seroy assigné. Plusieurs de mes amis m'y conuient, le persuadans que ie seroy agreable au Roy, & non desagreable à nos Deputez (grāde pitié qu'il y falloit adiouster ce mot): Toutesfois ie n'ay iamais peu entrer en ce party avec moy: Et ne fut-ce que pour autant, qu'outre le consentemēt de mon Roy, il falloit rechercher le bon plaisir du peuple, ie n'ose dire d'une populace. D'ailleurs

regardant derriere moy, ie voy la fuite de mes ans, & apres moy la fuite de mes enfans. Quand ie vous dy de mes enfans, ie parle de la tyrânie naturelle qu'ils exercent sur moy, ne trauaillât plus que pour eux; Et de hazarder en l'aage où ie suis, vne grande partie de mon bien, dont ie ne me pense plus estre qu'un simple & court usufructier, i'en feroiy consciëce: mesme que cōbien qu'en l'exercice de cest Estat il y ait quelque feuille d'honneur, si gist elle en grāde contētion de corps & d'esprit. Ie re cognoy mō imperfection, que quelques vns estimēt vertu. Et dieu sçait, combiē en ce faisant, i'apporteroy d'agitation, & consequemment de diminution d'esprit; Et par mesme moyen de ma vie; moy qui d'ailleurs ay fait vne honnestre retraite pour paracheuer en repos le peu qui me restoit de mes ans. Au demeurāt n'est-ce pas vne ambition detestable, que pour vn Estat, auquel il n'y a gages & pension que de trois mil liures, dont on n'est payé à point nommé, estat auquel nous ne reuiuons, que de tāt que nostre suffisance le permet, à laquelle si deffaillons, nous encourōs pareille cēsūre, que le moindre Aduocat du palais, (car vn Aduocat du Roy estant tōndu de ses conclusions en vne audiēce, ce ne luy est à mon iugement moins de honte, qu'à l'autre, quand sa partie est condamnée en l'amande du fol appel) au bout de cela toutes fois on vueille vëdre cest Estat, quatorze ou quinze mil escūs? Et vrayemēt il faut biē que ceux qui en offrent tant soyent despourueus de sens commun, ou bien qu'ils y entendent vn art quint'es-

sentiel, dont ie ne sçay, ny ne veux sçauoir la pratique. Et toutesfois ie ne suis pastant Stoïque, que chatouillé d'une noble ambitiõ de paroistre (si auecques mon estat i'en eïtoy quitte pour quelque moyenne somme, & que du demeurât monsieur d'Espelle voulut courir le mesme hazard enuers le roy, quel'õ m'a proposé,) ie n'y entédisse fort volontiers. mais pour bié dire, cela n'est rien qu'un souhait, que ie cõsigne entre vos mains, à la charge de ne le cõmuniquer s'il vous plaist, qu'à vos pées, encores que ie me persuade, qu'é la deliberatiõ que monsieur d'Espelle a prise de ne retourner à Paris, plus il ira en auant, plus son estat ira en arriere; & luy aduiendra le cõtraire de ce qui aduint au Romain, lequel sur vne opinia streté de bon mesnage, acheta autât les trois liures de la Sybille, cõme il eust fait du commencement les neuf; icy tout au rebours, sur vne lögueur par luy affectee, tantost de vingt mil escus, si tant est que sans artifice ils luy ayét esté presentez, tãtost de quinze par vn qui n'auoit moyé d'y attaindre, & lequel si ie ne m'abuse n'en a traité qu'à petit semblât, ie me doute qu'il n'en trouuera en fin huit mille. Celuy qui premier ouurit le pas à cette marchãdise honteuse, n'en bailla que dix mille escus; Le S. d'Espelle, que douze, lors que la ville de Paris estoit calme; & que ceux qui bailloient les deniers auoient quelque opinion de ressource sur des partizans, auec tant soit peu de faueur de Roy. Et maintenant que l'on delibere en cette assemblée des Estats, de fermer la portetãt aux partizãs qu'aux edicts burseaux que

peut on esperer au milieu destroubles? Vous m'estimerez plein d'un grãd loisir, de vous entretenir avec tant de paroles d'un discours, auquel n'auiez aucũ interest. Mais toutes & quãtes fois que ie vous ay gouuerné, il n'a pas esté arresté entre nous deux, que ce seroit de propos de merite. Le fruit que ie pourray recueillir de cete lettre, sera parauanture de vous faire rire, & par ce moyen empescher l'importunité de vostre goutte, si elle est encores logée chez vous. A Dieu. De Bloys ce xx. Nouembre 1588.

*A Messire Achilles de Harlay, Conseiller d'Estat  
& Premier President au Parlement de Paris.*



E ne vey iamaistel desordre, comme est celuy que l'on apporte, pour donner ordre à toutes les affaires de France. La premiere proposition quel'on a mise sur le bureau en la Chambre du Tiers Estat, a esté; Si on besongneroit par Resolution, ou par supplication enuers le Roy; C'est à dire, s'il faudroit qu'il passast bon-gré mal-gré, par tout ce qui seroit par eux arresté, ou bien que l'on vlast d'humbles Remonstrances enuers luy, pour en arrester puis apres ce qu'il trouueroit le meilleur, ainsi que d'ancienneté on l'auoit tousiours obserué. Il s'y est trouué du pour & du contre; En fin la plus grande partie, non pour honneur qu'elle luy portast, ains de honte, a esté d'aduís qu'il ne falloir rien mouuoir en cét endroit. Ce pas estant avec telle liberté ouuert, vous pouuez presque iuger quelle est

*Il recite  
fort parti-  
culieremẽt  
ce qui se  
passa en la  
tenue des  
Estats, &  
les prend  
par le com-  
mencemẽt.*

toute la suite. En tout ce qui se presente contre le Roy, le chemin est aplaný & sans espines. S'il y a quelque chose contre l'Ordre de nos Deputez, ce leur sont chiffres qu'ils n'entendét point. Je commenceray par íes Ecclesiastics: l'vne de leurs plus grandes propositions est pour la manutention du Cócile de Trente, qui gist en deux points principaux, comme vous scauez: L'vn aux articles de nostre Foy, en quoy il n'y a point de difficulté, qu'il ne le falle suiure en tout & par tout: car c'est comme vn abregé de tous les anciens Conciles approuuez: L'autre en la Discipline de l'Ordre Hierarchique de nostre Eglise. Et en cettuy il y a beaucoup plus d'obscurité, d'autant que sous mots couuerts il efface toutes leurs libertez de nostre Eglise Gallicanne, dont le Roy est chef & protecteur. Ce poinct ne peut estre digeré par plusieurs, qui n'osét toutesfois dire à cœur ouuert ce qu'ils en pensent. Car le Cardinal de Guise & l'Archeuesque de Lyon considerent non seulement les paroles, ains les visages & contenance de ceux qui semblent n'approcher de ce qu'ils desírent estre fait. Or ceux qui impugnent en cét endroit le Concile, (outre la naturelle inclination qu'ils ont à nos libertez, comme bons Catholics & François) se remettét encores en memoire le temps auquel il fut fait, & plusieurs particularitez qui passerent lors. Il n'y a eu que monsieur d'Espelle, qui en qualité d'Aduocat du Roy du Parlement, pour le deuoir de sa charge a soustenu vertueusement nos droits; Auquel a esté respondu par monsieur

*Le Roy  
chef & pro  
tecteur de  
l'Eglise  
Gallicane.*



de Lyon, non par raisons; ains inuectiues, telles que la licence de cette assemblee permet. Et en consequence de cecy on ne fait point de doute d'oster au Roy non seulement les nominations des Eueschez, Abbayes, & autres Benefices consistoriaux; ains de plusieurs droits, qui de tout temps & ancienneté sont annexez à la couronne. Voyla en somme comme on le manie. Mais quand il est question de traiter entre ces messieurs des choses qui les concernent dans ce Concile, alors ils y trouuent bien à redire & controoller. Je le vous représenteray par exemple. Du temps de la primitive Eglise tout le Clergé estoit suieût à son Diocésain sans exceptiō. Toutesfois il fut par succession de temps trouué bon, de dispenser quelques communautéz de cette France de la Iurisdiction de l'Euesque: Premièrement par, Conciles Prōuinciaux, (car ainsi le furēt les Abbayes S. Denys, & de S. Germain des Prez, ) puis par autorité des Papes, au preiudice de nos Ordinaires. Si cela fut bien ou mal fait, ie m'en rap-  
*Les Abbayes de S. Denys & de S. Germain des Prez d'oñ exemption de la jurisdiction des ordinaires.*

porte à ce qui en est. Il me suffit de vous dire, que par ce Concile de Trente, on voulut reduire cette obéissance à l'ancienneté del'Eglise, & faire que tous les chapitres soyent suieët à la puissance de l'Euesque, non pas de son autorité ordinaire, & en cela on derogeoit aucunemēt à nos Libertez Gallicanes, ains cōme Vicegerants du S. Siege. Soudain que cēt article a esté mis sur le bureau; croyez que les Deputez des Chapitres n'ōt esté muets; & y ont besoigné de sorte que cēt article est demeuré indecis.

Le mesme Concile veut que chaque Beneficier ait à se cōtenter d'un seul Benefice. Ce decret, ores que tres-sainct, ne peut estre par eux digeré; & y apportent cette distinction; Bon pour l'aduenir (disent-ils) à mesure que les Beneficiers mourront; mais quant à ceux qui en sont pour le iourd'huy pourueus, ils iouiront de leur bonne fortune, pour obuier aux simonies qu'ils pourroient commettre, en iouissant du reuenu sous le nom de personnes interposees, qui n'en auroient que le titre.

Bonnes gens (dy-je à part moy, car ie ne l'ose dire tout haut) si vous estes sujets du S. Siege, si tant zelateurs du Concile general & vniuersel, qui vous fait Iuges maintenant de ces deux articles? S'il faut sans reserue executer le Concile en ce qui concerne les droicts du Roy, pour vne Constitution Conciliaire, pourquoy ne pratiquez vous le semblable en vostre faict? Ou si vous le pouuez faire au vostre, d'où vient que le Roy est de moindre recommandation que vous au sien? Bref, qui vous donne ce priuilege d'apporter modification à ce Concile, és choses qui vous regardent, & non aux libertez anciennes de nostre Eglise Gallicanne dont vous demandez à yeux bandez la suppression?

*La iournée  
des Barricades  
des appellees  
heureuses  
se aux  
Estats.* Ie vous laisse à part, qu'en vne Harangue faicte en la chambre des Deputez du Clergé, il est aduenu à celuy qui portoit la parole, d'appeller la iournée des Barricades, Heureuse & sainte iournée des Tabernacles. Qui n'est point brauer le Roy à petit semblant; & dont



il a esté aduerty. Le semblable se trouue presque en la Noblesse; Je vous dy presque; car à la verité elle y apporte quelque peu plus de sobrieté & modestie.

Vous n'ignorez point comme le Duc de *Le Duc de*  
Sauoye a indignement eschantillonné nostre *Sauoye*  
estat, pendant que par vains discours nous- *s'emparedes*  
nous amusons de le redresser sur vn tapis verd. *Marquizat*  
*de Salusses.*  
Luy Cousin Germain du Roy, auquel il a tant d'obligations, au milieu de son affliction, violant tout droit humain, sans luy denoncer la guerre s'est emparé du Marquizat de Salusses. Quelques braues Gentils-hommes ont mis en auant qu'il falloit laisser la ville de Bloys, où nous allambiquions nos cerueaux en resolutions partiales, & donner droit en Sauoye. Qu'il n'y auoit meilleur moyen de nous recôcilier tous enséble. Que ce seroit nostre Carthage, par l'object de laquelle nous pourrions nous garentir de nos guerres Ciuiles. Opinion certes d'un cœur genereux & François, toutes-fois qui a esté vaincuë & supplantée par les autres. Car aussi le Clergé & le Tiers Estat se sont iettez à la trauerse qui n'ont esté de cét aduis. Ceux-cy ont passé de nombre, & par consequant de poids. Il y auoit quelques Seigneurs, qui pour estre en mauuais mesnage avec la Ligue, estoient sur le poinct d'estre declarez criminieux de leze Majesté, pour quelques raisons particulieres; Soudain cette opinion s'est euanouye, pour estre par leurs Agentz & Entremetteurs entrez en quelques pourparlez d'accord avec ceux qui tiennent les clefs de

cette porte. Au contraire on a proposé, que le pouuoir de monsieur le Marechal de Matignon fut reuoké. Vous pouuez presque iuger pourquoy. Mais comme le Tiers Estat semble auoir plus d'intérest en cette querelle; & qu'il soit par ce moyen plus aisé de le gagner sous le masque d'une liberté; Aussi se desborde il obstinément plus que la Noblesse.

*Guerre im-  
mortelle  
proposée  
contre les  
Heretiques*

La proposition a esté generale entre les trois Estats de demander vne guerre immortelle & sans respit encontre les Heretiques. A la suite de cecy le Tiers Estat a requis le réduction des tailles au pied de l'an 1516. Et à cét effect se bände de telle façon qu'il ne se delibere passer outre, que le Roy ne luy ait accordé cét article. Ceste Requête luy est faite, à laquelle il a donné responce avec toute courtoisie & honnesteté, sans rien toutesfois resoudre sur le champ, pour la consequence. Je vous raconte chose vraye. Comme ceste Requête a esté faite en troupe, il y a eu vn de la cōpagnie qui a esté si impudent de dire tout haut, que toutes ces belles paroles du Roy n'estoient que vet. Et à l'instant le Roy a esté sommé par nostre Preuost des Marchands de luy rendre responce cathégorique, par ce qu'autrement ils estoient tous resolus de retrouver le chemin de leurs maisōs. Le Roy sagement a fait semblant de n'auoir entendu le premier, bien qu'il ait esté ouy par chacun. Et quant au second, il a respondu, qu'il les estimoit tous si bōs François, qu'ils ne s'en voudroient retourner sans auoir premierement mis fin à vn si bon œuvre qu'ils auoient encō-

mencé. Trois iours apres il les a fait r'appeller en sa chambre, & en peu de paroles leur a enteriné leur requeste, mais à la charge, de trouuer moyens de luy réplacer ce qu'il conuiendrait, tât pour l'entretènement de sa maisõ & gages de ses officiers, que pour le soustenement de la guerre par eux requise. A cette parole tous ont crié *Vive le Roy*; Et luy promettét ce qu'il demãdoit. Dés l'instant on leur a baillé vn estat des Finances de la Frâce; mais apres auoir dormy sur leur cholere, iamais gens ne furent plus empeschez; & ont recogneu qu'ils se vouloient mesler d'vn mestier auquel ils ne firent iamais leur apprentissage. Non que leur requeste ne soit de quelque merite; mais demãdant la cõtinuatiõ d'vne guerre à iamais, & retranchement des tailles tel que dessus; ce sont choses incõpatibles. Les vns frapent à l'alienatiõ perpetuelle du domaine au denier trête, fors des duchez & Cõtez; medecine plus forte que la maladie: Les autres à vne recherche generale, nõ seulement des Financiers & Partisans, ains de tous ceux qui se sont faits gras pres du Roy, du sang du peuple. Qui est vn remede nõ prõpt: Car vous sçauiez de quelle longueur sont nos procez. Et neantmoins nos affaires sont reduites en tels termes, qu'il faut argent present, puis qu'on se resout à la guerre. Dauantage de s'amuser à faire le procez à des Financiers, au milieu d'vne guerre ciuile, c'est discourir des affaires d'Estat en escoliers: d'autant que c'est par où aboutissent les guerres, quãd apres vne longue tépeste nous sõmes arriuez au port de la paix: Ioint quel'vne & l'autre inuen-

*L'entretene-  
ment d'un  
estat a tous  
jours besoin  
d'un fonds  
de finances.*

tiō, sont moyens passagers, & qui ne prennent point de traite, combien qu'il soit besoin qu'il ait tousiours fonds de finances pour l'entretènement d'un estat. Et comme vn abyfme en attrait vn autre, aussi ces Deputez, tombez d'une fieure tierce en chaud-mal, demandent vne chambre au Roy, qui soit composee de vingt-quatre Iuges, dont les six soient par luy nommez, & les dixhuiet autres par les Estats; six de chaque ordre, pour instruire & iuger les procez. Et non contents de cela font vne nouvelle recharge, que le Roy ait à leur nommer ceux qu'il veut retenir en son Conseil d'Estat, pour sçauoir s'ils sont escripts sur leur papier rouge. Le Roy voit ces fieures d'esprit, qu'il est content de passer par dissimulation. Il pense que la maladie procede d'un chef, sous l'autorité duquel tout cecy se fait, auquel il n'ose bonnement resister. Il patiente & mande particulièrement ceux qu'il estime auoir plus de credit en cette compagnie; Les prie de ne se roidir en toutes choses contre luy; Qu'ils vueillent mettre en consideration sa qualité; Et que combien qu'il falle apporter quelque reglement pour reformer la malefaçon des choses passees, si ne faut il en tout terrasser son autorité. Que si les affaires passent selon leurs souhaits, nous tomberons en cét accessoire; Que tout ainsi que le Royaume a esté affligé par les fautes, il receura d'icy en auant plus grande affliction par les remedes: Et pour obtenir d'eux quelque gré, il n'ose presque recognoistre ceux qui ont eu part à son infortune. Ce qui en of-

fense

senſe infinis. Tellement qu'il court vn bruit ſourd entre nous, qu'il vaut mieux auoir eſté contre luy, que pour. Meſmes y en a quelques vns qui d'un eſprit mordant diſent que le feu Roy Charles en l'aage de quatre & dix ans (ceſont quatorze) auoit eſté déclaré Maieur; Et que l'on vouloit rédre le noſtre Mineur vers l'aage de quatre fois dix. C'eſt vers l'aage de quarante ans. Toutesfois pour toutes ces ſoumiſſions, qui excitent aux cœurs des vns vne compaſſion, & des autres vne indignation & courroux, il ne peut obtenir de ces Meſſieurs tant en general, que particulier, qu'un rebut & meſpris de ſa Maieſté. Il n'eſt pas que toutes les Feſtes, les Predicateurs ne s'attachent contre luy & les ſiens, par inuectiues & aigres Satyres. Il a parlé à monſieur de Guiſe, cōme à celuy qu'il eſtime auoir grande authorité ſur tous ces Deputéz, afin qu'il les vouluſt rendre plus ſoupples. mais il s'en eſt fort bien excuſé; diſant n'y auoir aucune puiſſance. Voila en quels termes nous ſommes. A Dieu.

*Les Predi-  
cateurs ſont  
hardis à re-  
prendre le  
Roy.*

*A Monſieur Loifel, Aduocat en la Cour de Par-  
lement de Paris.*



Velque reformatiō d'eſtat quel on face icy, le Roy demande del'argēt. C'eſt le refrain où aboutiſſent ſes penſées. Les Deputéz deſirent non ſeulement de ſ'en diſpenſer, mais auſſi combattent pour le rabaiz & diminution des Tailles, Aides & Subſides; Et neantmoins requièrent à cor & à cry la guerre contre les Hugue-

*Recit de di-  
uers broi-  
illemens  
d'affaires  
Et ſur tout  
pour la viſi-  
le d'Orléans.*

nots, sans esperance de Paix. Quoy faisant il me semble qu'ils veulēt faire marcher vn corps sans ame. Et pendant que nous nourriſſons de cette façon les diuorces au milieu de nous, le Huguenot fait fort bien ſes affaires; non par vaines imaginations, ains par effect, ayant pris l'Isle de Marens, Beauuais ſur mer, Niort, Fôtenay, Chastelerault, ſans coup ferir. Voila le fruit qu'er'apportons de noſtre vnie-diuiſion. Le bruit eſt que monſieur d'Espernon a leué vingt compagnies, tant de gens de pied, que de cheual: Et ne ſçait on où doit fôdre cette nuee. Car il eſt malcontent, comme pluſieurs autres, & non ſans cauſe. Quelques vns eſtimēt qu'il eſt en bon meſnage avec le Roy de Nauarre; les autres avec mōſieur de Guiſe. De quelque coſté qu'il ſe tourne, il n'apportera pas vn petit poids à la balance. Il n'eſt pas que la ville d'Orleans ne ſe ſoit voulu remuer; Et voicy comment. Vous ſçauiez que monſieur d'Antragues & monſieur de Dunes ſon frere auoient toujours eſté de la Ligue: Et les chefs n'auoient iamais douté que cette ville en laquelle le Sieur d'Antragues commandoit, ne deuſt ſuiure leur party: C'eſt pourquoy ceux qui manient les affaires pres du Roy, tiennēt pour propoſition tres-aſſeuree, qu'elle n'auoit point eſté cōpriſe entre les villes de ſeurté, accordees par l'edict d'Vnion. Quand monſieur de Guiſe arriua à Chartres, il veit que ces deux freres ſ'eſtoient ſans diſſimulation rédus au Roy; meſmes que le gouuernement fut par luy baillé en chef à mōſieur d'Antragues; Et la Lieutenance à mōſieur

*Places pri-  
ſes par les  
Huguenots*

*Monſieur  
d'Espernon  
malconſent*

*Orleans  
veut re-  
muër, &  
ſous quel  
voile.*



de Dunes. C'est pourquoy les Seigneurs de la Ligue sollicitèrent sous main leurs partisans d'y faire gardes & sentineles plus estroites qu'au parauant, affin de n'estre surpris. Ce qu'ils firent. Et au lieu qu'ils auoyent fauorisé le S. d'Antraques, lors qu'il ne portoit qualité que de Lieutenant de monsieur le Chancelier de Chiuerny Gouverneur, ils commencerent de le faire prescher par vn Capucin, homme ignorant au possible, lequel toutes fois par ses inuectiues a l'ceur si bien remuer les humeurs de la populace, qu'il est malaisé que iamais elle obeisse à son Gouverneur. D'une meisme main sont arriuez en cette ville quelques Deputez d'Orleans, pour supplier le Roy qu'il luy pleust faire razer la Citadelle de leur ville, puisque toutes choses estoient en paix & vnion. Le Roy cognoissant qu'il y auoit del'artifice en cette Requeste, afin de secouer du tout le ioug de l'obeissance de leur Gouverneur, les en a esconduits tout à fait; Et tout d'une suite despesché monsieur de Dunes à Orleãs, pour dōner ordre aux affaires. mais il y a trouué vn obstacle; d'autant que les principaux Capitaines de la Ligue, Bassōpierre, Liguierac, Ioānes, faisans semblant de venir en Cour, ont seiourné dans Orleans dix ou douze iours, pēdant lesquels ils ont disposé le peuple à leur opinion. Chose dōt le Roy aduertý, craignant quelque plus grand esclādre, contremanda par deux & trois fois mōsieur de Dunes; Qui a esté contraint de retourner & laisser cest ouurage imparfait. Apres cela les habitās vsans de nouuelle recharge, pour s'affranchir tout à fait.



de leur gouuerneur, ont soustenu denāt le Roy, que leur ville estoit l'une des sept deſeurté, qui auoiet esté delaiſſées à la Ligue par les articles ſecrets del' Vniō. Et à cette propoſitiō s'est ioint avec eux mōſieur de Guiſe, qui n'est pas vn petit parrain, parce que c'est ſa propre cauſe. Le Roy inſiſte au contraire. La minute des articles, ſignée de Villeroy, eſt apportee portāt pour lās: mōſieur de Guiſe repreſente la copie, ſignée Pinard, portant le mot d'Orleans. Grands contraſtes d'une part & d'autre. Là il eſt aduenu à mōſieur de Guiſe de dire que cette ville luy auoit esté accordée, & qu'il trouueroit bien le moyen de la conſeruer. La Roine mere, qui en vne crainte de tout, perd tout; eſt d'aduis de luy en paſſer condemnation. Concluſion, la ville luy demeure, avec vn creue-cœur infinny du Roy, & de ceux qui preuoient de quelle conſequence elle eſt. Quant aux deputez des Eſtats, nouuelles leur ſont venues de pluſieurs Prouinces, que le Roy auoit fait expedier commiſſions par toute la France, portants augmentation des Tailles de quatre cens mil eſcus. Ces nouuelles courent par les trois Chambres, avec vn grand murmure de tous, diſants que le Roy les repaiſt de belles paroles ſans eſſect. Et ce qui les offeſce dauantage, eſt que depuis quelques iours en ça on auoit enuoyé de la Recepte generale d'Auuergne vingt & huit, ou trente mil eſcus, qui ſont auſſi-toſt deuenus inuiſibles, pour auoir esté dōnez à quelques particuliers Seigneurs qui ſont pres du Roy. Brief ſe ſemble qu'il y ait, ſinō de toutes parts fautes, pour

*Orleans de-  
meure à la  
Ligue.*

le moins vn mescontentement general. A dieu.

*A Monsieur Airault Lieutenant Cremnel d'Angers.*

**E** vous racôte vne histoire, mais histoire la plus tragique qui se soit oncques passée en France. Monsieur de Guise a esté *Il raconte à monsieur Airault la mort de monsieur de Guise & de son frere, avec toutes les particularitez qui s'y passerent.* tué dedans la chambre du Roy le 23. iour de ce mois de Decembre: Et le lendemain au matin, monsieur le Cardinal son frere. Je ne doute point qu'à cette premiere rencontre ne fremissiez. Mais ce que ie vous dy est tres-veritable; toutesfois, graces à Dieu, il n'y a eu autre sang espendu; Le demeurant s'est passé par fuite, prison ou pardon. Mais par ce que souhaiterez que ie vous deschiffre par le menu ces nouuelles; Sçachez que le Roy indigné de plusieurs particularitez qui se passoient en nostre assemblée à son desauantage, qu'il estimoit ne se faire que sous l'autorité de ces deux Princes; Et que plus il se rendoit souple enuers nosseigneurs, plus ils se roidissoient contre luy (tellement que c'estoit vrayement vne Hydre, dont l'vne des testes coupee, en faisoit renaistre sept autres; mesme que trois ou quatre iours auparauant monsieur de Guise estoit entré avec luy en vne dispute tant de son Estat de Lieutenant general, que de la ville d'Orleans) Il se delibera de faire mourir ces deux Princes, estimant que leur mort seroit la mort de tous ces nouveaux Conseils. La procedure qu'il y a tenu, a esté telle. Le 22. de ce mois il dit à monsieur de Guise: qu'il deliberoit le lendemain aller à la nouë, (qui est vne maison de plaisance distât de demy lieuë

du Chasteau de Blois, & la sejourner iusques au Samedy veille de Noel. Qu'il desiroit auant que de partir que tous les Seigneurs de son Cōseil des finances se trouuassent ensemble de bon matin, pour resoudre de quelques affaires qu'il leur proposeroit. D'une autre main il cōmande à dix ou douze Gentils-hommes de ses quarente cinq, de le venir trouuer au mesme temps, tous bottez & esperonnez, pour le suivre. Et à cette mesme heure remit quelques affaires, dont il estoit sollicité par les Seigneurs de Rieux & Alphonse Corse. Tous lesquels ne faillirent de se trouuer au lieu & heure à eux assignee; Corse & Rieux en son cabinet, avec ses Secretaires d'Estat, & les autres en sa chambre.

*Remonstrance du Roy auant l'exercice de son auctorité plus familiers.* Ausquels il remonstra comme on dit, qu'il y auoit trop long temps qu'il estoit en la tutelle de Messieurs de Guise; Que plus il auoit apporté de conuiuēce, plus il auoit receu de brauades. Que dès & depuis la leuee des armes par eux faite il auoit eu dix mille argumens de se mescontenter d'eux; mais qu'il n'en auoit iamais eu tant, que depuis l'ouuerture de l'assemblée des Estats. C'estoit l'occasion pour laquelle il se resoluoit d'en auoir la raison; non par la voye ordinaire de Iustice: (Car faisant faire le procez à monsieur de Guise, il s'estoit acquis tant de creance en celieu que luy mesme le feroit à ses Iuges); Partant il s'estoit resolu de le faire presentement tuër par eux en sa chambre; Qu'il estoit mesmuy téps qu'il fust seul roy, & que qui auoit cōpagnon auoit maistre. Ces paroles ainsi proferees, chacun luy promit assi-

stance. Les Seigneurs de Rieux, Corse, Beaulieu & Reuolt Secretaires d'estat, demeurâs dans son cabinet, dix ou douze des quarante cinq dans sa chambre; Monsieur le Marechal d'Aumont & le seigneur de Larchant dedans la salle du Conseil. Quelques vns estiment, que ces deux derniers en auoient eu quelque aduis du Roy, cōme l'euenement le monstra. Or cōbien que cette entreprise fust dressée avec tout ce que l'on scauroit souhaitter de prudence humaine, si ne peut elle estre conduite si sagement, que l'on n'en hale-nast quelque vent. Et de fait, monsieur de Guise fort de sa chambre pour se trouuer au conseil fut attendu de pied-coy sur la terrasse du Cha-  
steau par vn gentilhomme Auvergnac, nom-  
mé la Sale, qui l'aduertit de ne passer outre;  
d'autant qu'assurément il y auoit dessein contre  
luy. Dont il le remercia, luy disant: Mō bon a-  
my, il y a long temps que ie suis guery de cette  
aprehension. Et quatre ou cinq pas apres il re-  
ceut pareil aduis d'un Picard, nommé si ie ne  
m'abuze, Aubencour, qui l'auoit autre fois ser-  
uy. Auquel il dit, qu'il estoit vn sot. Toutesfois  
il ne fut pas si tost entré qu'il n'en vint presque  
au repentir, pour le moins en fit-il quelque  
contenance. Car ayât trouué plusieurs gardes  
du Seigneur de Larchât à la porte, puis le Ma-  
reschal d'Aumont, qui n'auoit accoustumé  
de se trouuer au Conseil des Finances: Il de-  
manda au Seigneur de Larchant, pourquoy  
ils estoient là venus? Qu'iluy respondit, que de  
sa part c'estoit pour faire payer ses Soldats de  
leurs gages, estans sur la fin de leur quartier; Et

*Monsieur  
de Guise  
aduerty de  
l'erreur  
se par un  
Gentil-  
homme  
Auvergnac  
& autres;  
dont il ne  
veut rien  
croire.*

quant à monsieur d'Aumont, il n'en scauoit la raison. Delà il se mit deuant le feu, où son mouchoir luy estât cheu, par art ou hazard, il mit le pied dessus, comme par mesgarde, lequel ayt esté releué par le Sieur de Fontenay Thresorier de l'Espargne, il le pria de le porter à pericart son Secretaire, pour luy en r'apporter vn autre; Et qu'il ne faillit de le venir trouuer prôptement. C'estoit côme plusieurs ont estimé, affin d'aduertir ses amis du danger où il pensoit estre. (Mais cela n'est qu'une opinion.) Pericart voulant entrer, le passageluy est empesché par les Archers de la garde. Cependant monsieur le Cardinal de Guise arriue avec l'Archeuesque de Lyon. L'on s'assied au Côseil. Le Seigneur de l'archant se plaingnoit, que ses Archers n'estoiét payez. Mōsieur Marcel Intendât des Finances, fait ouuerture de quelques deniers qui estoiet prôpts, pour les contenter en partie. Monsieur de Guise dit que le cœur luy faisoit mal. S. Prix valet de chābre du Roy luy apportela Boette des Brignolles du Roy. Quelque peu apres viêt Neuol Secretaire d'Estat luy dire, que le roy le demandoit. Il se leue, & mettant son manteau tantost d'un sens, tantost d'un autre, côme s'il eust maizé, il entre dans la chambre, laquelle est dés l'instant mesmes fermee sur luy. Là il se trouue inuesty par vne douzaine de Gentilshommes, qui l'attendoiet de pied-coy, & salué de plusieurs coups, qui porterent si viuement qu'il n'eust moyen que de rasler. Cela ne peut estre fait sans quelque rumeur. Le Cardinal & l'Archeuesque se doutans de ce qui estoit, y

*Monsieur  
de Guise a  
mal au  
cœur.*

*Il entre d'as  
la chambre  
du Roy.*

*Est tué.*

voulurent accourir ; mais ils en furent empêchez par le Marechal d'Aumont, qui mit la main aux armes comme officier de la couronne, & defendit à tous de bouger, sur peine de la mort. Dés lors le Sieur de Richelieu ; grand Preuost, bien fuiuy de ses Archers se transporte en la Salle du Tiers Estat, & se saisit du Preuost de Nuilly, de Marteau, Preuost des Marchands, Compan, Cotteblanche, Escheuins de Paris, & de quelques autres ; Disant que deux Soldats auoient failly de tuer le Roy ; & qu'il vouloit les en faire iuges. Dés l'heure mesme on arreste prisonniers, monsieur le Cardinal de Guise & l'Archeuesque de Lyon, & peu apres, monsieur le Cardinal de Bourbon, Messieurs de Nemours, d'Elbœuf, & le Prince de Ioinuille : le semblable fait on de Mesdames de Nemours & d'Aumale : vray, que pour le regard de cettuy-cy, la porte luy fut du iour au lendemain ouuerte. Quinze iours auparauant Madame de Guise s'en estoitallee à Paris pour y faire sa conche ; & huit iours apres, Madame de Montpensier, dont bié luy prit. Le Roy a pardonné à tous les autres Seigneurs de la Ligue ; Mesmes aux Seigneurs de Brissac & de Boisdaphin. Quant à Bassompierre, au Cheualier Breton, Rosieux & plusieurs autres, ils se sont sauuez de viffesse. L'effroy a esté grand par la ville ; toutes les boutiques fermées. Et vo' puis dire que le Ciel pleuant à versé la plus grand part de la iournee, sembloit pleurer les calamitez qui peut estre nous en aduiendront. Quelques heures apres

*Nuilly &  
Marteau  
arrestez.*

*Le Cardinal de Guise, & l'Archeuesque de Lyon  
faits prisonniers,  
avec autres*

*Pardon  
fait à plusieurs.*

*Autres se  
sauuent.*



le Roy despescha les Seigneurs d'Antragues & de Dunes pour se rendre maistres d'Orleans, par le moyen de la Citadelle qui estoit en leur possession. Mais ils y arriuerent à tard; car Rossieux & quelques autres de la Ligue auoient ja donné bon ordre, pour les empescher. Le lendemain on y enuoye monsieur le grand Prieur, accompagné de monsieur le Marechal d'Aumont avec quatre compagnies des Gardes, & deux des Suisses, pour faire espaule aux premiers. Ce mesme

*Le Cardinal de Guise tué.*

*Leurs corps bruslez.*

iour le Cardinal de Guise fut dagué dans la prison par quatre foldats du Capitaine Gast; & les corps des deux freres bruslez la nuit ensuiuant; Le Roy craignant, comme il est vraisemblable, que s'ils eussent esté enseuelis, les Parisiens eussent fait des Reliques de leurs

*L'Archeuesque de Lyon sauué par l'intercession de son neveu.*


os. Quant à l'Archeuesque de Lyon, le Roy luy a sauué la vie par l'intercession du Baron de Luz son Neveu: auquel il dit, qu'il ne feroit aucún mal à s<sup>on</sup> oncle; mais aussi le garderoit il bien de luy en faire. Et de faiçt il l'a fait coffrer en vne prison. Au regard de Nully, Marteau & Compan, la resolution du Roy estoit de les faire pendre; mais il en fut destourné par monsieur de Ris, premier President de Bretagne, qui luy conseilla de garder quelque ordre en iustice; & ne fut-ce que pour s'esclarcir des conseils & entreprises que l'on brassoit contre luy. Quoy faisant il pourroit faire trouuer bon aux yeux de tout le monde, ce qui auoit esté par luy commandé. Ce mesme iour monsieur Marcel fut depes-

*Nully & Marteau comment sauuez.*



ché pour s'asseurer du peuple de Paris, sur vne opinion que les Parisiens auoient eu autres-fois creance en luy. Dieu vueille qu'il ne luy en prenne ! comme à vn autre Marcel, sous le Regne de Charles VI. Maintenant nous sommes comme l'oyseau sur la branche, attendants nouuelles. Il y a quatre iours passez que cette tragedie est iouée, sans qu'ayons vent ny voix de Paris. Qui me fait croire que nos affaires ne s'y portent bien. A Dieu. de Bloys ce xxvii. de Decembre, 1588.

*A Monsieur Airault, Lieutenant  
Criminel d'Angers.*

 PRES vous auoir raconté l'histoire tragique de monsieur de Guise, ie ne puis que ie ne m'eschapemaintenant à moy-mêmes, pour deplorer la calamité de nous tous. Ce grand guerrier & Capitaine ( car on ne luy peut desrober cét honneur, quelque desastre qui luy soit aduenu ) lequel pensoit à cloux de diamant establir sa grandeur en cette assemblée des Estats, y a trouué non seulement le contraire, & perdu sa vie ; Mais qui pis est, i'ay peur qu'il y laisse son honneur pour les gages, & que le Roy, pour faire trouuer bon ce qu'il a fait, ne face condamner sa memoire à la closture des Estats. Tout ainsi qu'il estoit Prince infiniment genereux ; aussi ne pense-je que la France en portast vn plus ad-

*Discours  
& conside-  
rations di-  
uerfes sur  
la mort de  
monsieur  
de Guise,  
avec les  
prognostics  
& aduer-  
tissemens  
qui la deu-  
eront.*

uisé que luy, ne qui conduisit ses affaires avecques plus de discours. Chacun preuoyoit son mal-heur ; les Astres sembloient le luy promettre ; ses amis ne luy en faisoient la petite bouche ; luy seul ne l'a peu cognoistre. Dās les Centuries de Nostradamus de l'an 1553. il y a vn Quatrain, qui sembloit predire l'émotion que nous veismes l'an passé entre le Roy & les Parisiens ; & quelques couplets apres, y en auoit vn autre, dont les deux vers estoient tels.

*Vers de Nostradamus  
prognostiquants la  
mort de monsieur  
de Guise.*

*Paris coniuure vn grand meurdre commettre :  
Bloys luy fera sortir son plein effect.*

Ce que la commune voix du peuple rapportoit à luy ; Disant que les gardes que le Roy auoit posé le long des rues dans Paris, le xii. de May, n'auoient esté à autre fin que pour surprendre monsieur de Guise & ses partisans. Que ce qui s'estoit lors passé, estoit vn simple coup d'essay, auquel le Roy auoit failly ; mais que ce qui se passeroit dedans Bloys, seroit vn chef d'œuvre contre luy. Cela se disoit tout haut entre nous, dedans la Salle du Palais, dès lors que le roy arriua à Bloys. L'Almanach de Billy ne prognostiquoit rien de bon toute l'année 1588. & moins encore au mois de Decembre. Il me souuient qu'allant à Blois avec monsieur des Marquets, Thresorier general de France à Dijon, l'un de mes meilleurs amis ; nous tombâmes sur ces quatre autres vers de Nostradamus.

*En l'an qu'un œil en France regnera,*

*La Cour sera en un bien fascheux trouble ;*

*Le grand de Bloys son amy iuera,*

*Le Regne mis en mal & toute double.*

*Encor ass-  
tres a mes  
me fin.*

Vers que nous attribuyons à ie ne sçay quel mal-heur, qu'estimions deuoir tomber sur le chef de monsieur de Guile ; & disions que ce seul œil se rapportoit proprement au Roy, parauanture le plus esloigné de parenté en ligne masculine, qu'autre Roy qui eust iamais esté veu en France : Mesmes que lors il auoit esloigné de luy tout son ancien Conseil, ne voulant qu'autre eust l'œil sur toutes les affaires de son Royaume que luy. Voyla les commentaires que nous faisons sur ces magnifiques vers, craignants grandement de voir ce qui est depuis aduenu. Il n'est pas que quelques siens seruiteurs ne luy en donnassent quelques atteintes ; mais comme il auoit le cœur haut, il leur respondit qu'il s'en mocquoit. Les autres adioustent qu'il dit, que c'estoient vers à deux ententes, faisant autant pour luy, que contre. Quant à moy, ie me mocque, comme luy, de telles fantasques presciences. Mais il ne falloit estre ny Nostradamus, ny Astrologue iudiciaire pour le iuger. Car iettant l'œil sur tout ce qu'il auoit fait depuis le sousleuement des armes de l'an 1585. il y auoit assez de matiere pour apprestre à craindre à tous ses seruiteurs & amis ; Luy estant arriué à Chartres, apres la publication de l'Edict d'Union, monsieur de Seillac, qui auoit esté autrefois Lieutenant de sa compagnie de Gendarmes, le pria de se resouuenir du commande-

*Autres  
aduertisse-  
ments di-  
uers, &c  
mesprisez.*

ment expres que l'un & l'autre auoient eus, le iour sainct Barthelemy 1572. du Roy, estant lors simple Duc d'Anjou, de faire tuër l'Admiral à quelque prix que ce feust ; parce qu'il auoit fait le Roy. Que les deportemens derniers de monsieur de Guise, depuis le iour des Barricades, n'en estoient grandement esloignez : partant il le conseilloit de regagner la bonne grace du Roy par toutes sortes de soumissions non feintes ; Autrement qu'il deuoit craindre vne mesme fin que l'autre. C'est vne histoire que i'ay apprise de la bouche du mesme Sieur de Seillac. Je vous puis dire que Madame de Nemours partant de Paris, pour s'en aller à Blois, prenant congé d'elle il ni'aduint de luy dire, qu'elle ne deuoit permettre que monsieur le Cardinal son fils, qui lors estoit avec elle, y allast ; parce que l'absence de luy pourroit estre la conseruation de monsieur de Guise, & qu'ainsi en estoit-il aduenue à feu monsieur le Marechal de Montmorency, par l'abience de monsieur d'Ampleville, qui estoit au Languedoc. Estant de retour en mon logis y trouuay le Seigneur Sardigny, auquel ie recitay ce que i'auois dit à cette Princesse. Et luy le iour du mal-heur de monsieur de Guise s'en souuint, me disant que i'auois esté vn Prophete. Ce qui me faisoit entrer en ce doute estoient les exterieures faueurs, que ie voyois estre faictes sur du parchemin par vn Roy, à celui qui l'auoit offensé, lesquelles ie iugeois n'estre à autre fin, que pour le desarmer & attirer pres de soi. Et d'une mesme

suite auoir moyen de mettre en execution vne vengeance proiettee de longue main. Opinion en laquelle ie n'estois seul ; Car le Capitaine du Cluseau l'estant venu trouuer à Bloys, le xviii. d'Octobre, sans se faire voir par autre Seigneur, apres l'auoir gouuerné vne bonne partie de la nuict, luy dit qu'il y auoit dessein contre luy de la part du Roy ; le n'en fais doute, dit-il, & si i'eusse esté fils de Lieure ie m'en feusse des pieça fuy. Comme aussi est-ce la verité qu'il pensoit s'estre armé contre tous les assauts de fortune, tant auparauant son partement de Paris, que depuis dans la ville de Blois, au milieu de cette assemblee.

Voila, ie n'en diray point les fascheux prognostics ; mais bien les craintes qu'vns & autres apportoiēt au fait de ce Prince ; & moy particulierement, pour la seruitude que ie luy auois vouëe : craintes toutesfois aucunement menteuses, eu esgard au temps que nous les apportions. Voulez vous donc qu'à cœur ouuert ie vous die ce que i'en pense ?

S'il m'est permis d'interposer mon iugement sur si haut sujet, ie vous diray volontiers, que le Roy sortant de Paris le lendemain de la iournee des Barricades, ne respiroit qu'vne vangeance en son ame, pour le mal-heureux affront, qu'il auoit reçu de nous ; & que sur ce propos il se ferma à la conuocation des Estats, tant pour dōner ordre aux affaires de sō Royaume, que pour faire condāner les actions de Monsieur de Guise ; comme de fait il le mōstra clairement par vn eschâtillon de sa Harangue ;

*Diuers discours  
du Roy sur ce  
sujet.*

ne se pouvant persuader, que ses subjects eussent voulu prendre la cause d'un Prince Estranger contre luy ; & que pour les y conuier il estoignast dès l'entree ceux qu'il estimoit leur estre desagreables. Mais quand il vit la partie de monsieur de Guyse la plus forte, & la sienne d'un autre costé foible, s'estant deuiué de ses forces, pensant gratifier au peuple ; ( car il est certain, qu'il n'y auoit celuy de tous les Seigneurs par luy chassiez, qui pour la longue habitude qu'ils auoient eu en la Cour, n'eussent trouuez des confidens entre les Deputez, lesquels ils eussent flechy aux opinions du Roy ; ) se voyant, dy-je, frustré de son esperance, commença de mettre de l'eau à son Conseil, & desiroit que toutes choses se passassent par quelque douceur. Mais plus il se raualloit, plus les Deputez se haussioient, & rendoient imperieux contre luy. Vous me demanderez, quelle communauté auoient toutes ces brauades du peuple, avec feu monsieur de Guyse ? Le mal-heur voulut, que le Roy estimoit qu'on ne resoluist rien aux Estats, que premier on n'eust pris langue de luy ; Les principaux le visitoient soir & matin ; s'ils n'y venoyent, ils entendoient sa volonté par internonces. Il n'estoit pas qu'il n'enuoyast de iour à autre courriers par deuers vntas de mutins de Paris ; & qu'il n'en receut de leur part. Le Roy qui a l'esprit clair & deslié, le voyoit. Mais pourquoy ne l'eust-il veu, puis qu'on ne s'en cachoit à nul ? Toutesfois il patientoit, pour un desir qu'il auoit que les choses se passassent  
avec



avec quelque modestie. Il mandoit particulièrement vns & autres, pour les gagner & rendre plus souples; les priant qu'ils n'eussent à luy faire teste en toutes choses; Qu'ils voulussent mettre en consideration sa qualité; & que combien qu'il conuient apporter reglement pour réformer la male façon du passé, si ne falloit-il en tout terrasser son autorité; que si les affaires se passoient selon leurs souhaits, nous tomberions en cét accessoire, que tout ainsi que le Royaume auoit esté affligé par les fautes, il receuroit d'icy en auant plus grande affliction par les remedes. Et pour obtenir d'eux quelque gré il n'osoit recognoistre ceux qui auoient eu part à son infortune. Toutes-fois, pour toutes ces soubmissions & reblan- dissemens, qui excitoient aux cœurs des vns vne compassion, aux cœurs des autres vne indignation, il ne peut iamais obtenir de tous ces messieurs, qu'un rebut general de sa Majesté, soustenus comme il estimoit, par l'aduen & autorité de monsieur de Guise. Et comme il le priaist par plusieurs fois de vouloir estre mediateur entre luy & le peuple, il luy respondit rondement, qu'il n'y auoit aucune puissance. Et avec tout ce que dessus suruint la querelle pour la ville d'Orleans. Qui ne fut pas un petit rengregement à son mal-heur. Chacun voyoit tout cela, & le voyant condamnoit monsieur de Guise, encores qu'il le respectast. Quelques Ames brusques disoient qu'il meritoit un coup de balle. La voix du peuple non passionné faisoit en commun propos cét arrest. C'estoit un

*Remon-  
strances du  
Royaum  
particu  
liers des  
Deputez*



*Dixers con  
seils de  
monſieur  
de Guise.*

discours que les seruiteurs & amis de ce Prince craygoient se deuoir tourner en histoire. Madame de Nemours sa mere luy conseilla de prendre l'air d'Orleans. Luy mesme, ainsi que l'on dit, mit cela en deliberation dans son Cabinet, où les Seigneurs de Bassompierre, de Rosne & autres remonstrerent, que chacun lisoit au visage du Roy; le melcontentement qu'il couuroit dedans sa poitrine; Et qu'il n'y auoit point de feu sans fumee. Qu'on voyoit quelles estoient les forces du Roy, qui luy faisoient perpetuelle compagnie au Chasteau; Qu'au contraire celles de monsieur de Guise estoient esparces çà & là par toute la ville; & que le coup seroit plustost veu que preueu. Partant que leur aduis estoit de le preuenir; & qu'il valloit mieux vne sage retraite, qu'une fole attente. Mais quand ce vint à Monsieur de Lyon d'opiner, il dit en peu de paroles, que qui quittoit la partie, la perdoit; ioint que s'en allât il lairroit plusieurs embourbez, qui sous son pauois & respect auoient fait teste au Roy; & à tant perdroit en vn instant cette grande reputation qu'il auoit acquise de longue main, au milieu du peuple. Et comme monsieur de Guise estoit d'un cœur genereux, il se ferma en cette opinion. On ne doute point que cette deliberation ne fut tenuë sept ou huiët iours auant sa mort. Ses amis mesmes s'en preualent pour sa iustification, & disent, que s'il eust senty sa conscience chargée, il eut desesparé la place, & remis la partie à vne autre fois. Mais les autres au contraire estiment que cela ne pro-

*Opinion  
de l'Arche-  
uesque de  
Lyon.*

uenoit d'une assurance de sa conscience, ains d'une foiblesse de cœur qu'il estimoit estre au Roy. Et de fait comme monsieur de Scomberk, personnage de bon sens, luy eust remonstré au milieu de cette tempeste, qu'il deuoit craindre que le Roy ne luy mesfist; Il luy respondit, que le Roy estoit trop sage & qu'il s'en garderoit bien: Scachant que s'il l'auoit fait, les affaires de France estoient en tel train qu'il se mettroit au hazard de perdre son Estat.

Qui n'estoit pas vne responce denuée de raison; & toutesfois maliceante de la part d'un

subject enuers son Seigneur Souuerain. Or comme les choses se passoient de cette façon, il

courut un bruit sourd au milieu de nous, que

*Bruitte  
sourd aux  
Estats.*

l'opinion de monsieur de Guise estoit de rame-

ner le Roy dans Paris, apres la closture des

Estats, & de disposer tellement les affaires,

qu'il ne l'en eust osé esconduire. Quelques vns

adioustant (ie ne sçay s'il est vray ou non) que

monsieur de Mayenne dit à un Seigneur ve-

nant en Cour, qu'il ne pensoit pas qu'il deust

trouuer le Roy à Blois, d'autant qu'il auoit eu

aduis que monsieur son Frere le deuoit mener

à Paris; & pensoit que cela fut desia fait.

Ie ne veux pas dire que la deliberation fust

telle, ny que monsieur de Mayenne eust

fait cette responce; Bien diray-je, que les Pa-

risiens en auoient cette opinion, ainsi que

l'on nous rapportoit de deçà. Si telle estoit sa

deliberation, elle estoit vrayement inexcusa-

ble, de vouloir ramener le Roy contre sa volon-

té en vne ville, où il auoit receu tel affront;

& à bien dire, ce n'estoit pas l'accompagner, ains mener en triomphe dans Paris. Et si elle n'estoit telle, c'estoit un grand mal-heur pour luy, que ce bruit courust dedàs Blois; par ce que au milieu de toutes les afflictions du Roy, il auoit quelques espies si fideles & asseurees, qu'il ne couroit aucun bruit, ny ne se passoit chose chez les deux Freres Princes, ou aux Estats, d'ot il ne fut aussi tost aduerty. Et croyez que ce fascheux bruit n'apporta de petits tintouins en la teste. Adioustez qu'au milieu de toutes ces traueses, monsieur de Guise luy fit vne querelle d'Allemand. Il le vint prier de luy donner un grand Preuost de la Connestablie & des Archers, disant que cela estoit annexé à son estat de Lieutenant general de la France, & qu'ainsi en auoit en vsé à l'endroit de feu Monsieur, & du Roy mesmes, estant Lieutenant General du feu Roy Charles. Le Roy trouuant cette comparaison trop hardie, luy dit, qu'il se denoit contenter du grade qu'il luy auoit donné. Mais luy non content de cette responce, repliqua hautement, ainsi que l'on dit, que le Roy luy auoit seulement baillé du parchemin, & qu'il estoit tres-content de le luy rendre; adioustant quelques autres paroles d'argu. De ce pas monsieur de Guise vint visiter la Royne mere, ressource de ses desconuenues, à laquelle il raconta tout ce que dessus. Laquelle le mesme iour veit le Roy, le priant de le vouloir rendre content. A quoy il luy respondit, qu'il espoit dàs deux ou trois iours faire de sorte qu'il n'en seroit plus parlé. Ce qu'il fit. En

*Alors ass  
entre le  
Roy &  
monsieur  
de Guise.*

effect voyla commetoutes choses se sont passees.

Or pour me recueillir d'un long discours, ie ne doute point que le Roy n'eust plusieurs grandes occasions de malalent contre luy, & specialement de ce qui s'estoit passé dans Paris, tant le iour des Barricades, que depuis; Autrement il n'eust esté homme. Toutesfois ie m'as-<sup>Intensions</sup>seure que iamais son intention n'auoit esté de <sup>del'un &</sup>le faire tuer; & moins encores monsieur le <sup>del'autre.</sup> Cardinal son frere, lors que l'on ouuroit l'assemblée des Estats. S'il en eust eu quelque enuie, vn quart d'heure l'en pouuoit esclarcir, sans y apporter toutes les remises, que ie vous ay discourues, pour captiuer la bonne grace de ses subiects. Mais quand il veit tant de fureurs, tant de violences & brauades, tant d'outrecuidances du peuple, conduites (cōme il pensoit) sous la banniere de ces deux Princes; En fin accueillant les iniures passees avec les nouuelles, la patience luy eschappa, & fut contraint, (si ainsi voulez que ie le die) à coups de dague, de faire daguer ces deux Princes.

Et vous diray, que tout ainsi que le Roy, à l'ouuerture des Estats, ne pensoit à rien moins qu'à ce meurtre; aussi monsieur de Guise de son costé, s'estant assuré des Deputez, & ayât fait venir quelques Seigneurs siens amis, pour luy assister, toute son opinion n'estoit que de parer aux coups, en cas qu'il fut assailly du roy par vne ressouenance du passé. Mais le hazard du temps luy ayant liuré plus belle chance qu'il ne s'estoit iamais promis; (luy qui aupara-

uant estoit infiniment retenu en ses actions, & quise sçauoit aider d'une dissimulation autant & plus qu'autre Seigneur qui fust en la France ) commença de se laisser piper par les doux ap-  
 pasts de la bonne fortune, en laquelle il est plus aisé de nous perdre qu'en vne mauuaise. C'est pourquoy se voyant à toute force che-  
 ualé, picqué, elperonné, & pour mieux dire, su-  
 borné par tant de gens passionnez, en vne as-  
 semble si notable, où il y alloit de la decision  
 diffinitive de l'Estat, il s'en yura à long traits de  
 ce doux, mais mortel poison d'ambition. Et  
 vrayement il n'y a rien plus digne d'un  
 cœur genereux, quel'ambition moderee; ny  
 plus detestable, que lors qu'elle se met à l'es-  
 for. De maniere que c'est à ces depitez Depu-  
 tez qu'il doit sa mort, non à autres. Il establis-  
 soit la grandeur sur eux; & ils ont esté seule  
 cause de son mal-heur.

*Les Depu-  
 tez aux  
 Estats cau-  
 se de la  
 mort de  
 monsieur  
 de Guise.*

Or comme cette mort est vn coup d'estat, auquel la contestation sur la ville d'Orleans ala meilleure part, aussi y fait on diuers commentaires. Ceux qui, fauorisent l'opi-  
 nion du Roy, disent, qu'il n'est à presumer, que monsieur de Guise, qui auoit toute asseu-  
 rance en monsieur d'Antragues, l'un de ses  
 principaux partisans, gouuerneur d'Orleans,  
 eust voulu demander cette ville pour l'une  
 de ses villes de seurté, laquelle luy estoit assez  
 acquise par le moyen du Gouverneur. Par-  
 tant qu'il ne falloit faire de doute, que c'e-  
 stoit celle de Dorlans, ainsi que portoit  
 l'original du traicté, signé Villeroy secreta-

re d'Estat. Les autres qui ne pensent pas moins auoir de nez que ceux cy, mettent en auant, que pendant le pourparler de la pacification entre les Seigneurs de Villeroy & de Guise, celuy là enuoyé exprés par le Roy pour cét effect à Paris, il auoit sous main mesnagé avecques Dunes, le retour du seigneur d'Antragues son frere, & reddition de la ville d'Orleans, moyennant certaines conditions de recompenses, ausquelles apportants diuerfes façons, & les choses se tirants en longueur, le Seigneur de Guise auoit eu quelques aduis sourds de cette pratique; Au moyen dequoy il commença de se desfier des deux freres. Tellement que negotiant le fait de la pacification, il mit nommément entre les villes de la seurté, celle d'Orleans. Opiniõ qu'il ne voulut iamais demordre, quelque priere & instance que luy fist Villeroy au contraire.

Lequel neantmoins sagement pour fauoriser les affaires du Roy son maistre, glissa dedans les articles vn Dourlans escript en lettre si obscure, qu'on pensoit que ce fust d'Orleans; Et depuis Pinart, autre Secretaire d'Estat, les copiant pour y estre adioustee foy comme à l'Original, y auroit mis vn d'Orleans, au lieu de Dorlans, suiuant la foy hystoriale. Si cette leçon est vraye, ou non, ie m'en rapporte à ce qui en est. Car c'est vn secret qui ne vient iusques à nous.



*Parallèles  
de monsieur  
de Guise &  
de l'Admi-  
ral.*

Mais voyez, je vous prie, comme Dieu se iouë de nous. Le plus grand ennemy qu'eust iamais ce Prince, fut l'Admiral de Chastillon; & vous trouuerez que les morts de ces deux Seigneurs ont eu de grandes correspondances. L'un & l'autre melcontenterent; Celuy-là, le Roy Charles; cettuy, le Roy à present regnant, pour auoir pris les armes contre leurs grez, chacun, (comme il disoit) pour la deffence de sa Religion. l'Admiral apres auoir couru plusieurs grands hazards de guerre, ne desiroit rien tant que d'approcher le Roy, estimât que par ce moyen il gaigneroit la bonne grace, malgré ses ennemis. C'estoit le mesme souhait de monsieur de Guise; & tous deux furent sous cette opinion perdus. L'Admiral fut blessé vn iour de Vendredy, & le xxiv. d'Aoust tué; cettuy à pareil iour de Vendredy, & le Cardinal le xxiv. Decembre; L'autre, au milieu des solemnitez du mariage d'vne Fille de France; cettuy comme on estoit sur le point de solemnizer les Fiançailles de Madame la Princesse de Lorraine, petite Fille de Henry II. L'Admiral en fin fut tué par le commandement expres du Roy à present regnant, n'estant encores paruenù à la Couronne; & monsieur de Guise par le commandement du mesme Roy.

Ettout ainsi que sa fortune se conforma en plusieurs choses avec celle de son ennemy; aussi eust elle plusieurs rencontres avec celle de Monsieur son Pere. On ne peut desrober à leurs memoires qu'ils n'ayent esté deux des



premiers guerriers de nostre France. Le pere *Deux mes-*  
soustint le siege de Mets, contre ce grand Em- *sieurs de*  
pereur Charles v. & en vint à son honneur; *Guisse pere*  
Le fils, celuy de Poitiers, n'ayant que dix sept *Et fils ont*  
ans, contre ce grand Capitaine l'Admiral de *beaucoup*  
Chastillon, où il ne recut pas moins d'hon- *de rapors*  
neur. Le pere entreprit la querelle contre ceux *de l'un à*  
de la nouvelle Religion, forçant la Roine me- *l'autre.*  
re de faire prendre les armes; laquelle desiroit *Le Pere*  
que les choses se passassent à l'amiable, pour le *soussient le*  
hazard qui estoit en vne guerre civile, pendant *siege de*  
la Minorité de Messieurs ses enfans: Le fils fit *Mets contre*  
le semblable en ces derniers troubles: Car il est *Charles V.*  
certain que iamais guerre ne fut tant entrepri- *Empereur.*  
se contre l'opinion d'un Roy, comme ceste-cy. *Le fils ce-*  
Le pere fut blessé d'un coup de lance, qui luy *luy de Poi-*  
transperça le chef au dessous du front; Le fils *itiers.*  
d'un coup de poitrinal, qui luy enfonça pres-  
que tout le visage; Les deux coups estimez in- *Leurs blej-*  
curables selon l'art commun de la chirurgie: *seures su-*  
dont toutesfois ils furent gueris. Finalement *gees inu-*  
tous deux sont morts de morts violentes, mais *rables.*  
le dernier d'une mort plus grande. Car tout *Leurs*  
ainsi que Iules Cesar fut tué en plein Senat; *morts vio-*  
Aussi le fut cettuy-cy au Conseil du Roy, quoy *lentes.*  
que soit en sa chambre, sortant du Conseil. Et  
mesme en cette mort il y a quelques confor-  
mitez avec celle de Cesar; En ce que l'un &  
l'autre furent atteints du premier coup à la *Mort de*  
gorge; Tous deux receurent aduis de leurs *Monsieur*  
morts; Cesar par vn veuin; Cettuy par plu- *de Guisse*  
sieurs predictions, dont ses amis l'aduertirent *comparee à*  
Vn poinct y a de diuers à l'aduantage du no- *celle de*  
*Cesar.*

stre. C'est que Cesar allant au Senat receut vn papier en forme de requeste , par lequel on luy descouuroit la coniuration que l'on deuoit lors promptement executer , s'il passoit plus outre, lequel il ne se donna loisir de lire, estimant que ce fut vn placet : Et s'il l'eust leu, peut estre eust-il rebrouillé chemin en sa maison. Cettuy au contraire en fut deux fois aduisé allant au Conseil; Ny pour cela ne se diuertit de son chemin ; feust ou que son malheur luy seruit de guide, ou la magnanimité de son courage. Il pleut toute la iournee que Cesar fut assassiné : Le semblable est-il aduenu en celle de la mort de monsieur de Guise. Cesar souhaitoit de mourir d'une mort violente; Monsieur de Guise preuoyoit qu'il en mourroit. Il me souuient qu'un iour d'Esté estant mandé par luy, pour me trouuer en sa maison pour vne consultation , auant que Messieurs de Montelon & Verforis mes compagnons feussent arriuez, ie le trouuay sans pourpoint sur son liét, n'ayant qu'vnes greguesques sur soy; Lors ie luy dy, que c'estoit vn bon moyé pour se faire mourir. Et il me respondit, qu'il n'en falloit auoir de peur, par ce que la fin de sa vie estoit destinee à vn coup de balle. Le corps de Cesar fut brulé apres sa mort, selon l'ancienne Religion des Romains; Comme aussi fut le corps de cettuy, mais pour vne autre consideration. Conclusion, tout ainsi que la mort de Cesar ne fut la fin, ains ouuerture de plus grandes guerres, qui apporterent le chāgement de la Republique de Rome, aussi crain-ie le sem-

blable de cette cy en nostre frâce: pour le moins sur cette crainte ay-ie fait son Epitaphe de cette façõ, qui court aujourd'huy au milice de nous.

*Guisius & Cesar medio periere Senatu,*

*Hic Bruti gladio, hic Principis arte sui.*

*Epitaphe  
de Monsieur  
de Guise.*

*Scilicet ut premeret metuenda Tyrannidis arma,*

*Has Rex, has Brutus stranerat insidias.*

*Cesaris at Latia est Respublica morte sepulta;*

*Guisij an occumbet Gallia nostra, nec?*

Car pour vous dire ce que i'en pense, ie n'ay gueres leu que le succès d'une mort d'estat (ainsi appelle-ie cette cy) ait moyenné la closture finale des maux d'une Republique. Ny la mort

de Cesar dans Rome, par moy presentement toucheé; ny celle du grand Etius par l'Empe-

reur Honore; Ny du duc de Glocestre, par son neveu richard Roy d'Angleterre; ny de Iean

*Morts d'E.  
stat causes  
de plus  
grands*

Duc de Bourgogne, par Charles VII. ny d'Al-

xandre de medicis duc de Floréce, n'apporterét

*troubles*

le repos aux Seigneurs qui les procurerét, tels qu'ils s'estoient imaginez. Au contraire la mort

de Iules Cesar introduisit le Triumvirat, qui fut depuis reduit en la tyrannie d'Auguste. Celle

*Morts de  
plusieurs  
grands, qui  
tomberét à  
dessein sous  
contraires.*

d'Etius fit planche à toutes les Nations Estranges, qui eschâtillõnerent l'empire. Celle du duc

de Glocestre fit perdre la couronne à Richard, & trans ferer en la Famille de Landastre. Celle

du Duc de Bourgongne establit par l'entremise de son fils, la Domination dans cette France,

aux Anglois, l'espace de XVIII. ans. Et celle du Duc Alexandre asscura l'Estat de Floren-

ce à la maison des Medicis. Voire quasi ie ne m'abuze en mes prognostics, ie presuoy

par l'assassinat du Prince d'Orange, que les Pais-bas n'en sont pas plus asseurez au Roy d'Espagne; ains tomberont és mains de tel quin'y pensoit pas lors de cette mort. Ny le grand massacre qui fut fait des Huguenots en cette France, l'an 1572. n'estouffa pas leur party, comme le temps nous l'a depuis tesmoigné. Je ne sçay comment en tels accidents on oublie la cause pour laquelle ils sont venus; Et se remet on seulement deuant les yeux la procedure quel'on y a tenuë, que le peuple impute plus à cruauté, qu'à Iustice; espousant par ce moyen à tastons la querelle de celuy qui auoit le tort. La chemise sanglante de Cesar representee par Marc Antoine à la populace, fit oublier tous les iustes creue-cœurs qui auoient semonds Brutus & Cassius à ce meurdre; Et ie crains qu'apres la desbandade des Estats tous les Deputez soient autant de trompettes en leurs Prouinces, pour faire trouuer mauuaises & facheuses les morts de ces deux Princes; mesmes, pour auoir esté leurs corps conuertis en cendre. Quand en telles affaires on y passe par la voye de la Iustice, encores que ce ne fust que par masque, si est-ce que la chose en demeure plus asseurée au souuerain Magistrat. Iamais Seigneur n'eust plus de force, credit & autorité en France, que le Connestable de S. Pol, lequel par menées & intelligences commandoit, ou pour mieux dire, gourmandoit deux grâds Princes, le Roy Louys XI. & Charles Duc de Bourgongne. Chacun d'eux conspiroit à sa mort, qu'ils pouuoient pourchasser

*Le Connestable de S. Pol gourmandoit deux grâds Princes par ses intelligences.*

par vn assassinat, dont il est mal aisé de se garantir : Par vn Conseil plus asseuré le Roy trouuemoien de se saisir de luy ; Et d'une mesme main luy fait faire son procez, de telle maniere que par arrest du Parlement il eust la teste tranchee deuant l'Hostel de ville de Paris. Auecques la fin de son procez & de sa vie, se termina aussi toute la crainte, que l'on pouuoit auoir des siens. Nous auons presque veu le semblable en la mort de la Roine d'Ecosse, depuis quelques annees en ça, dans l'Angleterre. Car combien que ce fust vne mort d'Estat, si y voulust on interposer le pretexte de Iustice. Qui a esté de telle puissance & effect, qu'il semble que par son decez ayent esté aussi esteints tous les esclandres, qui en pouuoient sourdre. Et neantmoins il n'y eust iamais mort si hardie & extraordinaire que celle-là. Qu'une Roine ait fait mourir vne autre Roine, sur laquelle le droit humain, ny des armes ne luy bailloit aucune iurisdiction & puissance. Et n'y a qu'une façon qui puisse asseurer nos Conseils en cette voye extraordinaire de glaive sans cognoissance de cause ; C'est quand ayants encommencé par vn bout, nous paracheuions iusques à l'autre, sans acception & exception de personnes, ny d'aage, ny de qualitez. Mais tout ainsi que cette voye est horrible, abominable & detestable deuant Dieu, & deuant les hommes ; aussi ne peut elle entrer au cœur des François.

*Est descapité par Arrest de la Cour.*

*Mort de la Roine d'Ecosse mort d'Estat.*

Quant au surplus, pour le fait qui s'est passé par deçà, chacun demeure auourd'huy sus-

pens; Le Roy a esté deux ou trois iours alaigre pour auoir osté cette espine de son pied : Mais ie ne sçay si cette mesme alaigresse se loge encores en son Ame, ne receuant nulles nouuelles de Paris ; qui me fait croire que les nostres y sont les plus foibles. Car s'il y auoit rien de bon pour nous, les chemins ployeroient de Postes & Courriers, à qui en donneroit le premier aduis. Nous auons estimé, que morte la beste, le venin en seroit esteint ; toutesfois ie crains que la queue en soit longue. Mon malheur a esté tel depuis que i'arriuay en cette ville de Blois, que ie ne me suis iamais peu resoudre à quelque contentement. Les deportemens, tant de monsieur de Guise, que des Deputez des Estats, me desplaisoient ; Et ie n'ose dire que ce dernier acte du Roy me plaise. Si i'eusse esté en son lieu, peut-estre eusse-je fait le semblable, pour me despescher d'un Seigneur qui se rendoit trop populaire. Mais pour cela ie ne puis penser, que nos affaires s'en portét mieux d'or-enauant. Cesont miseres enfilees les vnes dans les autres, & commandees par vne puissance celeste, à laquelle on ne peut apporter remede. Pleust or' à Dieu, que ie me peusse en cecy tromper par quelque douce flatterie, comme i'en voy quelques vns, qui poussez d'une passion auéglee embrassent dans leurs Ames vne infinité de belles esperances, pour le repos de nous tous. Car quant à moy, il ne me peut entrer en la teste, que le peuple qui idolastroit le deffunt, en perde ailement la memoire ; Et sur tout encores que ie n'ad-



iouste foy aux prediſtions de Noſtradamus, ſi me font elles craindre, quand ie voy que des quatre vers que ie vous ay cottez ſur le commencement de ma lettre, les trois ont ſorty effect; Et qu'il n'y a plus que le quatriefme à executer, qui nous promet vn redoublement de troubles, apres la mort de celuy que le grand de Blois auroit fait tuër. A Dieu.

*A Monsieur Pithou, Sieur de Sauoye, Aduocat en la Cour de Parlement de Paris.*

**V**ous ſouuient-il point de l'hiſtoire de *Discours*  
Dionysius le tyran, lequel ayant eſté *& conſi-*  
challé de ſon Royaume, & reduit dans *razions ſur*  
*la fin des*  
la ville de Corinthe au petit pied, ſe mit à exer- *Eſtats.*  
cer la Pedantetie? Le ſemblable m'eſt il icy  
preſque aduenü; Car m'eſtant, non par hazard  
ains par diſcoursbanny (ſi ainſi voulez que ie le *Denys le*  
die) de ma maiſon; & peut-eſtre d'une Roy- *tyran de*  
auté que i'exerçoy en mon Eſtat, 'maintenant *Sicile ſe*  
*ſont edan.*  
ie ſuis deuenü nō vn pedant, ains verſificateur  
Dimanche dernier on commança de faire les  
Harangues publiques au Roy, pour clorre  
l'aſſemblee des Eſtats. Là monsieur l'Arche-  
ueſque de Bourges harangua pour le Cler-  
gé; Et apres luy monsieur le Comte de  
Briſſac, pour la Nobleſſe; Et croyez,  
qu'il contenta grandement la compagnie.  
Car, ſi i'en uis creu, ie ne veis iamais  
mieux dire, ny en termes plus legants,

accompagnez d'une bien-señce merueilleuse. La nuict nous voulut surprendre quand il conclud ; Qui fut cause que le Roy remit la partieu lendemain pour le tiers Estat. Soudain que ie fus retourné en mon logis, ie senty renaistre en moy, ie ne sçay quelle verue poëtique. Je mets la main à la plume, & enuoyay à ce Seigneur le lendemain de grand matin, ce Sonnet, dont ie vous fais part ; lequel il receut avec vne infinité de remerciemens, sans qu'il ait sceu qui en estoit l'Autheur.

*Sonnet à  
Monsieur  
de Brissac.*

*Non ie ne puis ne trompeter ta Gloire,*

*Car ie portoïs dans mon Ame ta peur,*

*Quand te monstrant un Vertueux trompeur,*

*Tu m'as fait voir ce que ie n'osoy croire.*

*Je veux grauer au Temple de memoire*

*Tes diuins traits ; Toy qui as eu cest heur*

*De rapporter, par ton braue labeur,*

*De toy, du Roy, de nous tous la victoire.*

*De dans ton cœur la crainte ne loger,*

*De t'exposer sagement au danger,*

*Cette vertu'estoit hereditaire ;*

*Mais qui eust creu, d'y moy, ieune Guerrier,*

*Qu'il te falloir r'apporter le Laurier*

*Du bien parler ainsi que du bien faire ?*

Quelques vns m'ont voulu persuader, qu'il estot bien fait mais, ie ne le veux croire, si vostre aduis est contraire. Voila comment en chantant i'en chante les afflictions que ie couure dans mon esprit, pour la tempeste publique.

Ce mesme

Cemcſine iour, qui eſtoit le xv. de ce mois, monſieur Bernard Aduocat au Parlement de Dijon, reprit les arrhemens du iour prece-  
dant pour le Tiers Eſtat; Et vous puis dire qu'il y proceda avec vne honneſte liberté, au grand contentement de toute la compagnie. Apres qu'il euſt acheué, le Roy prit la parole, puis monſieur de Montelon, garde des Seaux; Et pour conſclusion on a publié vn Edit, qui regarde le general de la France, en attendant que le Roy face droit ſur les particuliers articles. Maintenant chacun deſempare: Moy ſeul ie demeure, non vrayement courti-  
zan, car c'eſt vn meſtier auquel ie ne fis iamais mon apprentiſſage, mais plaideur. Dieu a voulu qu'eſtant arriué en cette ville de Blois, i'aye trouué vn tuteur de deux petites nieces de ma femme, lequel adminiſtroit ſa charge negligemment, qui a eſté cauſe que ie l'en ay fait deſcharger, & m'en ſuis chargé, pour reparer les breſches qu'il a faites. Toutes choſes eſtans pour le iourd'huy reduites en vne combuſtion generale, il m'eũſt eſté en mon particulier mal-ſeant de viure en paix. Mais, à propos de combuſtion, mon bon amy qu'en dites vous? Qu'en penſez vous? On dit qu'une ſaignee eſt la ſanté ou la mort d'un patient, ſelon qu'elle eſt bien ou mal ordonnée par le medecin. Ie crain que cette-cy ne ſoit noſtre mort. Car comme Dieu m'a produit d'un foible eſprit, qui en toutes mes actions crains plus que ie n'eſpere; Auffi me ſemble il voir vne rouverte & diſſolution generale de noſtre

*Harangues  
accompa-  
rees au  
chant des  
Cygnes.*

Royaume. Je crain que toutes ces belles Harangues soient (comme le chant des Cygnes) le prognostic fatal de la ruine de nostre Monarchie, & n'y a qu'une chose qui me console; C'est que rapportant toutes mes opinions à celuy duquel nous tenõs nos biens, nos corps & nos ames en foy & homage, ie recognoy qu'il est le mesme Dieu qu'il estoit, quand miraculeusement il nous garentit en l'an 1587. tant de la famine, que de la fureur barbaresque de l'Estranger, sans perte des nostres. Et que nous veismes l'an passé dans nostre ville de Paris, qu'une furieuse desbauche, que l'on estimoit irrecõciliable, s'esuanouit en vn clin d'œil sans effusion de sang de nos Citoyens. Et pourquoy doncques n'elpererons nous maintenãt de luy le semblable? Face doncques ce bon Dieu, par sa sainte misericorde, qu'en ce commencement de l'annee, que nous voyons tres-fascheux, il soit courroucé contre nous pour nos pechez, & qu'il nous menace d'un, *Quos ego*: Mais que retirant son ire de nous, la fin de l'annee soit telle, que la fin du vers, *Sed motos prestat componere fluctus*. A Dieu. De Blois ce xix. de Januier 1589.

*A Maistre Nicolas Pasquier son fils, Conseiller, &  
maistre des Requestes ordinaire du Roy.*

*Il raconte  
à son fils la  
mort de la  
Roine Mere  
avec quel-  
ques eloges  
sur sa vie.*

**¶** A Royne mere est decedee la veille des Roys derniere au grand estonnement de nous tous. Je ne doute point que les nouvelles n'en soient arriuees iusques à vous; toutesfois

peut-estre n'en auez vous entendu toutes les particularitez. Elle auoit esté grandement malade, & gardoit encores la chambre, quand soudain apres la mort de monsieur de Guise, le Roy la luy vint assez brusquement annoncer; Dont elle receut tel trouble en son ame, que deslors elle commença d'empirer à veüe d'œil. Toutesfois ne voulant desplaire à son fils elle couurit son mal-talent au moins mal qu'il luy fut possible: & quatre ou cinq iours apres voulut aller à l'Eglise, & a retour vint visiter monsieur le Cardinal de Bourbon prisonnier, qui commença avec abondance de larmes de luy imputer, que sans la foy qu'elle leur auoit baillee, ny luy ny ses neueux de Guise, ne feussent venus en ce lieu. Lors ils commencerent tous deux de faire fontaine de leurs yeux. Et soudain apres, cette pauvre Dame toute trempee de larmes retourne en sa chambre, sans souper. Le lendemain Lundy elle s'alite; & le Mcredy, veille des Rois, elle meurt. On remarque en sa mort vne chose assez memorable. Elle adioustoit grande foy aux Deuins; Et comme quelqu'un luy eust predit autrefois, que pour viure longuement elle se deuoit donner garde d'un saint Germain; sur tout elle ne vouloit aller à saint Germain en Laye, craignant d'y rencontrer sa mort: Et mesme pour ne demeurer au Louure, Paroisse saint Germain de l'Auxerrois, auoit fait bastir son Palais en la Paroisse saint Eustache, où elle faisoit sa demeure. En fin Dieu voulut qu'elle mourant elle fut logee non

*Elle se trouble pour la mort de monsieur de Guise.*

*Visite le Cardinal de Bourbon en prison.*

*Meurt.*

*Elle est rompue sur le mors de S. Germain.*

à vn sainct Germain; Ains eust pour consolateur monsieur de sainct Germain, premier Confesseur du Roy. Ainsi fut trompé par vn mot à deux ententes le grand Pompee, lequel ayant eu aduis del'Oracle de se donner garde de Cassius, redoutoit ceux qui portoient ce nom; toutesfois il ne fut outragé d'eux; mais par hazard & sans y penser, fut assassiné au mont Cassius. Trois semaines apres le Roy a fait celebrer les obseques à la Royne sa mere, selon que la commodité de ses affaires le pouuoit porter. Son corps mis en l'Eglise de sainct Sauueur, dedans vn cercueil de plomb, en attendant que la France plus calme, on la puisse transporter à sainct Denys. Vray quen'ayant esté bien embausmé, (car la ville de Blois n'est pourueüe de drogues & espiceries pour cét effect) quelques iours apres commençant de mal sentir, depuis le partement du Roy on a esté contraint de l'enterrer en pleine nuit; non d'as  
 vne voute, pour n'y en auoir aucune, ains en plain terre tout ainsi que le moindre de nous tous; & mesmement en vn lieu de l'Eglise, où il n'y a aucune apparence qu'elle y soit.

*Son corps  
 enterre de  
 nuit en plain  
 ne terre.*

Miserable certes est la condition humaine! Cette Princesse, qui n'estimoit l'Eglise de S. Denis, ancien tombeau de nos Roys, assez capable pour receuoir ny le corps du Roy son mary, ny le sien, ny de messieurs ses enfans, auoit fait travailler par trente ans au bastimét de trois chapelles hors l'Eglise pour leur seruir de Sepulchres; & fait dresser les pourtraitures en marbre, tant de son mary, que la sienne, avec vne



despenſe pareille à celle des Rois d'Ægypte, en leurs Mauſolces; La voicy aujour d'huy reduite au meſme pied que les plus pauures de la France! O bon Dieu! que grands & eſnerueillables ſont tes ſecrets! Monſieur l'Archeueſque de Bourges, qui a fait ſa Harangue funebre, l'a reſentee cōme vne Princeſſe ſans tache. Certainement l'on ne peut dire, qu'entre les Princeſſes de noſtre temps, cette-cy n'ait receu pluſieurs grandes faueurs de Dieu; Ayant eſté premierement mariee au ſecond enfant de France *Com: bien grande l'prin* qui depuis par la mort de ſon frere aiſné fut fait *ceſſe.* Roy; & que de ce mariage fuſſent iſſus ſept enfans, qui tous commanderent ſouuerainement; *Ses enfans, qui comme* François II. Charles IX. Henry III. tous l'vn *der et tous,* apres l'autre Rois de France; Meſmes cettuy-cy, Roy de Pologne; François Duc d'Alençon, lequel en pleins Eſtats fut proclamé Duc de Brabant & Comte de Flandres: Et quant aux Filles, Elizabeth aiſnee, mariee au Roy d'Eſpagne; Claude, ſeconde fille, au Duc de Lorraine; Marguerite, troiſieſme, au Roy de Nauarre. Que ſi ſa fortune fut grande, auſſi fut cette Dame douëe de pluſieurs loüables parties: d'autant qu'elle eſtoit debonnaire, acceſſible, liberale le poſſible; Dame qui ne ſçauoit que c'eſtoit d'offencer perſonne en ſon particulier: & moins de s'offencer d'autrui. Nous veſmes vn libelle diffamatoire courir cōtr'elle: *Ses Eloges Et rar s verus.* intitulé *la Catherine*; Satyre la plus mordante qui fut iamais veüe, laquelle elle leut tout au long: & toutesfois ne voulut qu'on fit recherche de l'Autheur. dauantage on ne peut denier,

qu'elle n'ait apporté tres-grande prudence à la conduite de sa fortune. Qu'elle, Princesse estrangere, apres la mort du Roy son mary ait sceu conferuer l'Estat à trois siens enfans, tous en basaage, mesmes au milieu des troubles de la France; & encores pour la Religion? Remarques vrayement non petites, tant pour le particulier que le general: & finalement elle estoit seule entremetteuse des pacifications, qui se faisoient entre le Roy & ses subjects.

Mais comme il aduient ordinairement qu'il n'y a heur, qui ne soit de fois à autre contrebalancé de quelque mal-heur; Et que là où sont les grandes & bonnes parties, l'on y trouue pareillement souuentefois de grands deffauts; aussi & cette grande fortune, & toutes ces vertus receurent diuers contrepoids, par plusieurs accidents contraires. Car pour le regard de sa fortune elle veit mourir auparauant soy, tous ses enfans masles, hormis celuy qu'elle auoit aimé dessus tous les autres. Lequel pour recompense, sans y penser, luy causa la mort, comme auez entendu cy-dessus. Et pour le regard de ses filles, elle veit aussi mourir Elizabeth Roine d'Espagne, & Claude Duchesse de Lorraine; Celle-là d'une mort funeste, si on en croit la commune voix; ne luy restant que la Roine de Nauarre, sa derniere fille, qui seule la suruesquit. Mesmes s'estant proiettee de se faire Roine de Portugal, estimant le Royaume luy appartenir, comme plus proche de la Couronne; Et à cét effect ayant enuoyé vne armee sous la conduite du Seigneur Strossly

*Elle voit  
mourir  
tous ses fils  
masles ex-  
cepte vn.*

son parent, tout passa par le fil de l'espee. Car quant aux bonnes parties de l'esprit & des mœurs que l'on remarque en elle, plusieurs luy imputent à vice, ce que les autres à vertu; D'auoir negligé les bruits qui couroient d'elle, & les tourner sur l'indifferent. Et adioustent, *Mesprise les bruits populaires.* que sur ses liberalitez immenses fut bastie la ruine de nous, estant l'une des premieres qui dona vogue aux edits burfaux, euersion generale de nostre Estat. Mesme que quelque semblant qu'elle fist de pacifier toutes choses, quand les feux estoient allumez par la France, que c'estoit elle qui les y mettoit; & en apres faisoit contenance de les esteindre: Ayant cette proposition empreinte en son ame, qu'une Princeſſe, mesmement estrange-re, ne le pouuoit maintenir en grandeur, que par les diuisions des Princes & grands Seigneurs; leçon dont elle auoit baillé instructions & memoires à la feuë Roine d'Escoſſe, lors qu'apres le decez du Roy François Second son mary, elle retourna en son Royau-me d'Escoſſe. Et de cette maxime en racom-toient plusieurs exemples, au recit desquels ie ne prens plaisir; & ne les veux, ny ne puis croire. Et de fait voulant avec toute humilité hon-norer sa memoire, ie luy ay dressé ce tom-beau.

*Cy gist la fleur de l'Estat de Florence,  
Veuſue de Roy, Mere de Rois aussi,  
Qui conserua d'un merueilleux ſoucy  
Tous ſes enfans contre la violence.*

*Tombeau  
de la Roine  
mere.*

*Le Ciel permit que par un coup de lance  
 Nostre Soleil fut du tout obscurcy ;  
 Et que le Grand aux guerres endurcy  
 Nous allumast les feux dedans la France.  
 Mais cette Daine armee d'un haut cœur,  
 Parant aux coups de la haine & rancœur,  
 Seule fermoit à nos troubles la porte.  
 En fin est morte, vne veille des Roys,  
 Et par sa mort ie crain, peuple François,  
 Qu'avec la paix, la Royauté soit morte.*

*A Maistre Nicolas Pasquier son fils, Conseiller, &  
 maistre des Requestes ordinaire  
 du Roy.*

*Divers dis-  
 cours sur les  
 desregle-  
 ments de la  
 Ligue apres  
 la mort de  
 monsieur  
 de Guise.*



O v s ne sommes plus logez au  
 Royaume, nous sommes logez  
 à l'Empire ; par ce que toutes  
 choses vont en empirant. On ne  
 sçait plus que c'est du nom de Roy dedans  
 Paris. Non seulement on ne le sçait ; mais  
 qui pis est, on le deteste & abhorre. Les nou-  
 uelles nous en auoient esté cachees sept ou  
 huit iours, maintenant nous les receuons en  
 flotte. Soudain qu'ils eurent aduis de la mort  
 des deux Freres, la reuolte fut generale le  
 propre iour de Noël. Le lendemain le Duc  
 d'Aumale fut tumultuairement fait Gouver-  
 neur de Paris, en l'Hostel de ville ; Estat qui  
 deux ou trois iours apres luy fut confir-  
 mé en plein Parlement, où il presta le Serment.  
 Le septiesme de Ianuier les Theologiens as-  
 semblez au College de Sorbône, par conclusio

Capitulaire arresterent; Qu'en consideration de ce qui estoit arriué à Blois, les suiets estoient non seulement francs & quittes du serment de fidelité & obeissance qu'ils auoient au Roy: Mais aussi que sans charge de leurs consciences ils se pouuoient armer, vnir, & leuer deniers contre luy. Le tout toutesfois, & auant tout œuvre, sous le bon plaisir du S. Siege. On n'a pas recours à sa Sainteté; Mais, sous le faux rapport de quelques Prescheurs seditieux, non de cette remise & renuoy, ains d'une resolution absoluë, les armes ont esté prises du iour au lendemain. Le Parlement mené en triomphe par vn Buffi le Clerc & ses Complices, depuis le Palais iusques à la Bastille, où ils ont trié sur le volet tels Seigneurs qu'il leur a plu pour y tenir prison close; Et ce le quinzième du mesme mois; C'est à dire le mesme iour que nous fermasmes les Estats dedans Blois. De maniere qu'il semble que cette iournée ait esté par hazard, & la closture des Estats dedans Blois, & celle de l'Estat, dans Paris. Mais considerez, ie vous prie, comme ces mots de Buffi & de Clerc sont fataux à la ruine de Paris: Car celuy qui sous le Regne de Charles vi. y introduisit le Capitaine del'Isle-Adam pour les bourguignons, par la porte de Buffi, s'appelloit le Clerc.

Les Arrests de la cour de Parlement, & les lettres de Chancellerie ne sont pas deliurez sous le nom du Roy, ains sous ce formulaire: *Les gens tenans la Cour de Parlement, ou la Chancellerie.* On y fait tres-bon marché des Bourses,

*Decret de Sorbonne contre Henry III.*

*Leuement d'armes contre le Roy. Buffi le Clerc met en prison Messieurs du Parlement.*

*Libelles dif-  
famatoires  
en vague.*

ſpécialement de celles des abſents. Cela ſ'a-  
pelle cinq & ſix cens eſcus pour le moins, pour  
ſubuenir aux affaires de la Sainte Vnion, qu'il  
faut que nos femmes trouuent, ſur peine d'eſ-  
poſer vne priſon. Les Colporteurs crient par  
les ruës vne infinité de lettres diffamatoires,  
contre l'honneur du Roy & des ſiens. Il n'eſt  
plus queſtion de guerroyer la nouuelle Reli-  
gion. Tout le but de la ville de Paris eſt la van-  
geance, que tous les officiers ont iurée & ſi-  
gnée ; meſmes quelques vns, de leur propre  
ſang. Sur cette deuotion, hommes & femmes

*Proceſſions  
& autres  
deuotions  
frequentees  
& à quelle  
fin.*

font proceſſions en chemiſe, reçoient leur  
Createur tous les Dimanches, ſe trouuent au  
ſeruice diuin depuis le matin iuſques au ſoir,  
non pour appaiſer l'Ire de Dieu, ains pour la  
prouoquer contre leur Roy ; n'ayants autre  
Foy & Religion dans leurs Ames, que la paſſiō ;  
non de noſtre Seigneur Ieſus-Chriſt, ains la  
leur ; eſtimants furieufement que la meſme paſ-  
ſibilité tombe en ce grand Dieu impaſſible.

*Coniurez  
pour tuer le  
Roy.*

Outre tout cela, on a aſſeuré le Roy que quel-  
ques hommes deſeſperez auoient iuré & con-  
iuré la mort. A cauſe dequoy apres auoir re-  
duit les quarente cinq Gentils-hommes de ſa  
garde à vingt & cinq, ils'en eſt reſerué huit par-  
ticulierement avec grande augmentation de  
gages, dont les deux chaſque iour & nuit par  
entre-ſuites ſeroient pres de luy en ſa chambre.

*Les Seze  
dans Paris  
prenant  
l'authorité*

On dit auſſi que Seze des plus ſeditieux de Pa-  
ris, gens de baſſe condition, y ont empieté tou-  
te authorité & puiffance, que l'o appelle le Cōſeil  
des Seze. C'eſt vne vraye Anarchie. Et neant-



moins beaucoup plus sage en sa fureur que celle de Tholozé, où l'on a assassiné Messieurs Dुरanty, premier Président, & Daphis Aduocat general du Roy, & exposé leurs corps au gibet. Les huguenots font leur profit de la mort du Président. Car ils disent que par permission expresse de Dieu il fut tué aux Iacobins, lieu autrefois par luy choisy, pour le massacre & boucherie de leurs confreres, en l'an 1572. Je vous diray cecy en passant, que le malheur accouru sur les premiers Présidents. Car en voicy vn tué; celuy de Paris prisonnier dedans la Bastille; celuy de Bretagne pris par le Duc de Mercœur; Et celuy de Rouën s'est garanty de naufrage par vne prompte viffesse. Que dy-ie, malheur? mais au contraire, bonheur, qui leur est tourné à grand honneur.

*Monsieur Dुरanty & Daphes assassinés dans Tholozé, & leurs corps exposez au gibet.*

*Les Premiers Présidents dejustrez.*

Je vous ay cy-dessus racomté la desbauche du Parisien, & quelque traict du Tholozain. Tournez vos yeux du tout autre part. Vous n'y trouuerez gueres plus de sagesse. C'est icy maintenant vn Empire de Galienus. Vne infinité de villes se desmantelent de l'obeissance de leur Roy. Amiens, Abbeville, Laon, Soissons, Peronne, Troye, Rennes, Rouën, Nantes, Bourges, le Mans, Rion, Lyon, Meaux, Chartres, Sens, Auxerre, Melun, Mante, & plusieurs autres, dont ie ne vous puis faire registre. Que dy-ie Villes? Il n'est pas que les prouinces entieres ne se mettent de la partie; vnes Normandie, Bretagne, Picardie, Champagne; vns Lionnois, Forest, Beaujolois. En tous lesquels païs il n'est demeuré des mains du Roy, que de petits brins.

*Plusieurs villes qui ont le party du Roy.*

*Et des Prouinces entieres.*

*Conquestes de mon-  
sieur de  
Mayenne.* Pendant ces inespérées mutations & reuol-  
tes, le Duc de Mayenne n'a pas dormy, ny lais-  
sé enuoler l'occasion de ses mains. Car apres  
s'estre asseuré de toutes les villes de son gou-  
uernement de Bourgongne, & y auoir mis  
gens à sa deuotion, il donne iusques à Orleans

*Orleans de  
liure du  
siege.*

pour le deliurer du Siege; Et deuant que d'y  
arriuer s'est fait maistre de largeau. Delà pour-  
suiuant sa pointe, il a si bien fait ses affaires, que  
mon sieur le Marechal d'Aumont a esté con-  
traint de quitter la Citadelle, & leuer par mes-  
me moyen le siege. Apres ce memorable ex-  
ploit d'armes, le Duc s'est acheminé à Paris, y  
ayant enuoyé pour auâtcoureur le bruit de ce  
qui luy estoit si heureusement aduenu dedans  
la ville d'Orleans. Et Dieu sçait avec quelle de-  
uotion il a esté embrassé & accueilly de tous

*Monsieur  
de Mayenne  
fait Lieu-  
tenant Ge-  
neral de  
l'Estat  
& Couron-  
ne de Fran-  
ce.*

les citoyens de Paris. Dés son arriuee, sans au-  
cun contraste, il a esté créé Lieutenant gene-  
ral de l'Estat & Couronne de France, dont il a  
fait la Foy & Homage au Parlement. Je veux  
dire qu'il y a presté le Serment. Soudain apres  
il a estably dans Paris vn Conseil de quarente  
personnages de diuers Estats, pour monstrier  
qu'il ne uouloit rien entreprendre de soy-mes-  
mes, de ce qui appartenoit à la police general-

*Conseil des  
Quarentes  
estably à  
Paris.*

le de France; ayant pris pour son partage les  
armes, la collation des Benefices & Offices,  
quin'est pas vn petit lot. Brief aujourd'huy  
sans coup ferir, & à petit bruit reside par de-  
uers luy dedans son party la grandeur, & au-  
thorité du Roy, hormis que ce que le Roy  
fait par ses lettres, c'est sous le mot de Com-

*mandement*, & luy par celuy de *Prieres*; mais prieres qui equipollent à commandement absolu. L'argent sembloit manquer à cette grâ-  
 deur; La fureur du peuple y donne ordre, la-  
 quelle à yeux bandez ouure sa bourse, pour  
 le defroy de cette guerre. Mais sur tout la For-  
 tune neluy veut faillir en cette necessité. Le  
 Conseil des Quarante a aduis, qu'en la maison  
 de Molan Thresorier de l'Espargne y auoit  
 quelques caches d'argent. Machault & Soly  
 Conseillers du Parlement sont Deputez pour  
 s'y transporter. Ils y trouuent en diuers ca-  
 chots huit vingts & tant de mil'escus, sur le cō-  
 mencement de Mars. Y eut-il iamais, ie ne  
 diray pas vn fluz, mais torrent de grande for-  
 tune à vn clin d'œil, tel que celuy-là? Et enco-  
 res le trouuerez-vous plus grand, quand  
 entendrez en quel estat sont pour le iour-  
 d'huy nos affaires. Ce que ie reserue à la pre-  
 miere que ie vous escriray. A Dieu.

*A Maistre Nicolas Pasquier, son fils, Conseiller  
 du Roy & Maistre des Reque-  
 stes ordinaire de  
 son Hostel.*

**E** vous ay discouru tout au long, par  
 mes dernieres, en quel estat sont les  
 affaires de la Ligue dans Paris, selon ce que  
 ie l'ay peu diuersement recueillir. Mainte-  
 nant entendez quelles sont les nostres. Sou-  
 dain que le Sieur de Guise fut mort, iamais  
 Roy ne se trouua si content que le nostre; Di-

*Discours  
 sur les af-  
 faires du  
 Roy apres  
 la mort de  
 monsieur  
 de Guise &  
 sur tout  
 comment il  
 se treuua  
 estonné.*

fant haut & clair à chacun, qu'il n'auoit plus de  
compagnon, ny consequemment de Maistre.  
Et le lendemain iour de la mort du Cardinal  
fut l'accōplissement de ses souhaits. En ce con-  
tentement d'esprit il se cōporta quelques iours,  
faisant depescher lettres de tous costez, pour  
manifeste le motif de cest accident, desquel-  
les il ne rapporta pas grand profit. Quelques  
huit ou dix iours apres, ne receuant aucunes  
nouuelles de Paris, il commença de penser à sa  
conscience, & raualler quelque chose de cette  
grande ioye. Et depuis aduertie de cette gene-  
rale reuolte, il eust grandement souhaité, que  
la partie eust esté à recommencer. Toutesfois  
comme sage Prince, il dissimuloit deuant le  
peuple son maltalent au moins mal qu'il luy es-  
toit possible. I'allay vers ce mesme temps bai-  
ser les mains à monsieur le Cardinal de Ven-  
dosme, qui me dit que le Roy d'une constance  
admirable, sans s'estonner de cette desbauche  
luy disoit, que cela luy faisoit souuenir d'un  
ieu de cartes sur vne table, qui estoit renuersé  
à terre par vne bouffée de vent, que l'on re-  
cucilloit puis apres. Et ie luy reparty là dessus,  
que la similitude estoit vraye; Mais, que pour  
la rédre accomplie, il falloit adiouter, qu'il es-  
toit plus aisé de renuerser les cartes, que rele-  
uer. Monsieur de Clairmont d'Antragues, qui  
a bonne part près du Roy, me dit qu'il luy es-  
toit aduenue de luy dire, en se plaignant,  
que l'on entreprenoit souuēt beaucoup de cho-  
ses à la legere, dont on se repētoit à loisir. Le Roy  
petit à petit commença de se desplaire de tout;

*Estonnement  
du Roy a-  
pres la mort  
de mon-  
sieur de  
Guise.*

*De deplai-  
sance ins-  
sues à soy  
mesme.*

voire de soy-mesmes. Ie le vous puis dire & escrire, cōme celuy qui en ay esté spectateur. La deffiance plus qu'auparauant se logea dedans son cœur, cōme vous entendrez presentement.

*Prisonniers  
de marque  
detenus par  
le Roy.*

Il auoit huit prisonniers, dōt les quatre Princes, monsieur le Cardinal de Bourbon, le ieune Duc de Guise auparauiant appellé prince de Iouinville, les Ducs d'Elbœuf & de Nemours: Les quatre autres, non de telle estoife, l'Archeuesque de Lyō, le President de Nuilly, Marteau son gendre, maistre des Cōptes & Preuost des Marchants de Paris; Et encores vn ieune Abbé nommé Cornac, que par malheur on auoit mis de la partie. Sur tous lesquels, specialemēt sur les sept il appuyoit la ressource de ses affaires, estimant que leur desliurance seroit vn moyē pour nous desliurer de troubles. Il pēsa que la ville de Blois n'estoit plus tenable pour luy, mais que changeāt de lieu, aussi se deuoit-il asseurer d'une prisō pour ses prisonniers. En cette deliberation il choisit le Chasteau d'Amboise, pour les y loger. Vray, quen'estant asseuré du Seigneur de Rilly Capitaine de la place, lequel toutesfois y auoit cōm' adē vingt ans entiers, avecques toute fidelité, il pour pēsa de dōner cette charge au Capitaine du Gast, tant par l'intercession du seigneur de Longnac, comme aussi qu'il sembloit estre grandemēt engagé en cette querelle, pour auoir esté employé à la mort du Cardinal. Ce choix ainsi fait & du lieu & de la personne, il se trouua pl<sup>us</sup> empesché de sçauoir entre les mains de qui il pourroit cōmettre les prisonniers, pour les transporter. Et apres plusieurs combats en son ame, il ne

64 LIVRE XIII. DES LETTRES  
trouua aucun auquel il se peust fier, qu'à luy  
seul.

*Monsieur  
d. Nemours  
se jussie.*

Les appareils sont faits dessus l'eau; Et comme il estoit sur le point de son partement, la nuit de deuant, le Duc de Nemours, apres auoir gaigné deux de ses gardes, euade. Le Roy à son leuer saluë de cette euasion, infiniment despité, se veut asseurer de la mere, & la fait embarquer avec les autres prisonniers. Je vous diray franchement, que la plus grande partie de nous, qui estiös à Blois, creuions de despit en nos ames, de voir les affaires du Roy si bas, qu'il fut contraint de se faire conducteur de ses prisonniers. A peine estoit-il demaré, que nous receuons nouuelles que le Marechal d'Aumont, ayant abandonné la Citadelle, & leué le siege d'Orleans, par la venue du Sieur de Mayenne, s'estoit retiré avec ses gens à Baugency. Plusieurs de ses soldats bleuez arriuent à Blois. Adoncques chacun de nous se fit accroire, que la conduite de ces prisonniers estoit vn pretexte exquis & recher-

*Le Roy en  
danger si  
Monsieur  
de Mayenne  
eust pour  
suy sa  
pointe.*

ché par le Roy, pour quitter avec moins de scandale la ville. Et vous puis dire que si lors le Sieur de Mayenne eust donné iusques à nous, la frayeur estoit si grande & generale, qu'il n'y eust trouué resistance, & s'estant fait maistre de Blois, toute la riuere de Loire estoit sienne; D'autant que toutes les villes branfloient: Et eust esté le Roy merueilleusement empesché de trouuer lieu pour sa retraite. Dieu nous voulut preseruer de cette mesaduanture. Arriué qu'il fust à Amboise, il  
donne



donne la garde du chasteau & des prisonniers au Capitaine le Gast; & aduertty de ce qui s'estoit passé à Orléans, rebroulle en toute diligence vers Blois, où il arriue le lendemain au rez de la nuit. Et lors chacun de nous comença de reprendre cœur par sa venuë; mais ceste assurance ne fit pas long seiour en nos Ames.

Le Roy, comme vous sçauéz, sur le commencement de l'an 1588. auoit fait deux maistres de sa garderobe, les Seigneurs de Bellegarde & de Longnac; Celuy-là pour vne affection naturelle qu'il auoit en luy; Cettuy-cy pour en auoir esté grandement prié par le Seigneur d'Espernon. Mais comme ce qui prouient du fonds de nostre nature, prend plus fortes & longues racines en nous, que l'amitié qui nous est acquise par les inductiōs d'autrui; aussi commença-il de se lasser & attedier de Longnac, spécialement depuis la mort de monsieur de Guise. Et ce pour autant qu'il auoit esté le premier qui auoit induit le Roy de commander ce meurdre, qui luy estoit si malheureusement reüssi. De maniere qu'il commen- *Longnac*  
ça de là en auant de ne le voir d'un bon œil. *disgracié, &*  
D'une chose vous puis-je assurer, que trois *pourquoy.*  
semaines auparauant qu'il quittast la Cour, quelque sage courtizan me dict: Voyez-vous ce Monsieur, quelque bonne mine qu'il face, il est du tout deserré. Car entrant deuant le monde dedas le cabinet du Roy, pour se maintenir en bonne opinion enuers le peuple, il sort tout aussi tost par la porte de derriere, & se retire dedans sa chambre, laissant la place à monsieur

de Bellegarde. Le Roy, qui ne vouloit mescō-  
 tenter tout à faict Longnac, luy auoit aupara-  
 uant donné le Gouuernement d'Anjou & de la  
 Touraine; & lui disoit souuentefois qu'il s'y  
 deuoit retirer. Mais lui preuoyant que s'il de-  
 semparoit la place, il seroit seulement Gouver-  
 neur en parchemin, & que l'effect en demeure-  
 roit par deuers ceux qui auoient le gouuerne-  
 ment des villes, demeuroit tousiours en Cour  
 pres du Roy; lequel en fin ne le pouuant plus  
 voir, lui dit; Qu'il lui auoit ja faict assez de fois  
 demonstration du peu de contentement qu'il  
 receuoit de sa presence; partant qu'il delibe-  
 rast, ou des'en aller tout à faict, ou bien qu'il  
 ne le veit plus qu'aux Vendredis, iours qu'il re-  
 seruoit pour faire sa penitēce. Lōgnac se voyāt  
 du tout debutté de la faueur de son Maistre, &  
 qu'il n'y auoit plus de respit en son faict, com-  
 mence de faire vn traict d'vn homme desespé-  
 ré, qui ne respiroit dedans son Ame qu'une vé-  
 geance: Conseil toutesfois qui ne lui est suc-  
 cedé, mais depuis a esté fort bien mesnagé par  
 vn autre. Il fend le vent vne belle nuit, & se  
 retire à Amboise avec le Gast. Quoy faisant il  
 entroit en vne ville de son Gouuernement, &  
 avecques vn Capitaine qu'il estimoit sa crea-  
 ture; le tout souz vne ferme esperance de faire  
 vn parti à part. Bien accueilli par le Gast, il  
 lui remonstre le mauuais traictement qu'il a-  
 uoit receu du Roy sans subject; Au moyen de-  
 quoy apres plusieurs & diuerses secousses, il a-  
 uoit esté contrainct de l'abandonner. Que  
 maintenant il estoit en eux de s'enrichir aux

*Et licencié  
 entierement  
 avec beau-  
 coup d'ai-  
 greur.*

*Il se retire  
 de nuit à  
 Amboise.*

*Tente le  
 Gast.*

despens de la calamité du temps; estant dedans le Chasteau d'Amboise l'un des plus riches Thresors de la France. Le Gast l'escoute, & recueille ce conseil de telle façon, qu'il ne luy tomba pas en terre. Le Roy cependant & toute la Cour se trouuent infiniment estonnez de cest inopiné partement, craignant que par ce nouveau desdain, les prisonniers d'Amboise obtinssent la clef des champs, par nouveaux trafics & negotiations. On va, on vient de la ville de Blois à Amboise. Belles promesses de la part de Longnac; disant qu'il ne luy entreroit iamais en l'Ame de rien attenter au preiudice du Roy; & qu'il luy conserueroit la ville, le Chasteau & les prisonniers avec toute fidelité. Mais pour bien dire il comptoit sans son hoste. Car il mit ceste premiere impression dans la teste de du Gast, qui en a sceu fort bien faire son profit.

Il y auoit dedans le Chasteau deux compagnies; celle de du Gast, & d'un autre dont j'ay oublié le nom, qui ne tenoit pas tant de rang quel'autre en ceste commission. Le Gast d'une finesse hardie donne un faux allarme, & fait entendre à Longnac, qu'il y auoit gens qui rodoient l'autre costé du Pont, & desiroient s'en faire maistres; Qu'il seroit bon de leur donner quelque algarade. Longnac auquel les mains demangeoient, & qui ne se des fioit en rien de du Gast, prend ceste charge, suiui de l'autre compagnie; va battre les chemins: Mais en fin il trouue que ce n'estoit rien que vent & que fumée. Et à son retour, il

*Qui le met  
hors d'Am-  
boise subti-  
lement.*

*Longnac  
se retire en  
sa maison.*

pensant r'entrer au lieu dont il estoit sorty, on luy fait visage de bois, & à tous ceux de sa suite. Vous pouvez iuger en quel miserable estat il se trouua, d'estre supplanté & de la faueur de son maistre, & du lieu dedans lequel il auoit estably la ressource de sa desfaueur. Se voyant de ceste façon escorné, il est contraint de reprendre la route ancienne de sa maison en Gascongne, & la compagnie de soldats, celle de Blois. Le Gast s'excuse de ce fait (ain-si l'ay-ie appris de sa propre bouche) D'autant qu'il auoit eu certain aduis, que Longnac estoit arriué à Amboise pour le tuër, & se rendre absolument maistre de la place. Et que pour eui-ter ce danger, il l'auoit voulu preuenir.

*Le Roy en  
grande  
perplexité.*

Encores ne fut la fortune lassée de mal-mener nostre Roy. Elle luy donne nouuelle alarme. Nouuelles luy vindrent que la Ligue negotioit avec le Gast, par grandes promesses d'argent & l'assurance d'une forte ville, sur la reddition des prisonniers. Ces nouuelles, fussent vrayes ou non, ne doutez que iamais le Roy ne fust si estonné comme il fust adonc. Car pour bien dire, en ce faisant c'estoit de farroyer en tout & par tout ses affaires. Voyez combien de males-fortunes estoient lors enchainées à la ruine de ce pauvre Prince. Pour obuier à ce mal on depesche vns & autres Seigneurs deuers le Gast, avec la carte blanche telle qu'il voudroit. Cependant on voit les Ligueurs approcher en troupe, avec forces de gens & d'argent, qui venoyent, ainsi que l'on disoit, pour arrhes & aduance de ce qu'ils auoyent

promis. Dieu sçait si cela noustenoit de plus en plus en ceruelle. Parauenture estoit-ce vn faux bruiet. Mais quel qu'il fust, il remuoit merueilleusement les humeurs en nous. En fin comme nous ne sçauions plus à quel Sainct nous vouër, on faict ceste capitulation avec luy; Qu'il prendroit des Ligueurs les dix mil escus qu'ils luy apportoyent, si tant estoit que la verité fust telle; Que le Roy luy feroit present de trente mil escus; Qu'il demeureroit Capitaine & Gouverneur de la ville & chasteau d'Amboise; Qu'il seroit tenu de remettre entre les mains du Roy, les trois Princes prisonniers; Que des quatre autres, le Roy luy en faisoit present, pour en tirer telle rançon qu'il pourroit. Ceste composition ainsi faicte, ainsi est-elle executée. Et ainsi sommes-nous sortis d'un tres-dangereux boubier. Ie dy boubier tres-dāgereux; car si la ville d'Amboise, & les prisonniers eussent esté rendus aux Ligueurs, indubitablemēt, & luy & nous tous, qui auons consacré nos fortunes à ses pieds, estions en termes de desespoir, quelque part où nous eussions voulu cy-apres butter. Maintenant nous iouissons de quelque repos. Et neātmōins manquons de gens & d'argent; tant sont les affaires du Roy descousuës, tant pres de lui, que dehors. A Dieu.

*Composi-  
tion faicte  
avec le  
Gast.*

*A Monsieur Airault, Lieutenant Criminel au  
siegé Presidial d'Angers.*

*Plusieurs  
rencontres  
sur les af-  
faires des  
uns & des  
autres.*



Usquesicy ie vous puis dire, que le Roy demeura en perpetuelles alarmes depuis la mort de monsieur de Guise ; toutesfois apres toutes ces trauerſes, il commence auiourd'huy à reprendre halaine. Quel en sera le ſucces, le téps nous en fera ſages. Maistant y a que ce que ie vous diſcourray maintenant, eſt tres-veritable. Il auoit grandement fauorizé trois Seigneurs de cette France, & depuis diuerſement diſgratiez, les Seigneurs de Souuray, d'O, & Eſpernô. Le premier fut auant tous les autres chery, lors que le Roy fut retourné de Pologne; mais quelques annees apres, las & attedié de ſa preſence, il luy donna le Gouuernement de la ville de Tours, qui eſtoit, pour bien dire, vne honneſte deſſaite pour le releguer en ce lieu. Ce que le Sieur de Souuray cognoiſſant, par vne honneſte modeſtie qui l'accompagne en toutes ſes actions, prit congé de luy, avec honneſte action de graces, & ſe vint habituer dedâs Tours, ville non grandement eſloignée de ſa maiſon, où il ſe fit aimer de tous les habitans de la ville. Quant aux Seigneurs d'O & d'Eſpernon, ils auoient concurré en faueurs avec le feu Seigneur de Ioyeuſe. Mais le premier d'eux deſfauiſé, fut le Seigneur d'O, auquel le Roy donna congé à l'impourueu, ſans luy dire pourquoy, lors de la grande pompe des nopces du Sieur de Ioyeuſe; Qui luy cauſa vn creue-cœur

*Trois Sei-  
gneurs fort  
aimés du  
Roy Henry  
3. & diuer-  
ſement diſ-  
gratiez.*

*Monsieur  
de Souuray  
ſe retire.*

*Le Sei-  
gneur d'O,  
licencié.*



infiny. Et à vray dire, s'estant retiré en la ville & Chateau de Caen, dont il estoit Gouverneur, il suiuit le party de la ligue, iusques à la pacification de l'ã 1585. Et depuis se r'aliena avec le Roy, non avecques tel vent en pouppe qu'au precedent; Mais avec vne prudence admirable, se trouuant aux entremets, comme les autres Seigneurs. Et, qui est vne chose admirable, luy qui durant sa grande fortune auoit esté grand despensier, & dissolu aux jeux de cartes & de dez, ausquels il auoit faict, tantost grandes pertes, tantost grands gaings, commença d'empieter sur le faict des Finances de France: mesmes depuis la mort de monsieur de Guise, pour le peu d'assistâce qu'auoit le Roy d'autres Seigneurs, il se rapportoit à luy non seulement de ce menage, ains de la plus grande partie des affaires d'Etat. Au regard du Seigneur d'Espernon, c'est vn placard d'histoire paradoxique; & lequel paraenture n'eust oncques son semblable. Car iamais fortune de Seigneur ne portant titre de Prince, ne se trouua si grande; & iamais fortune ne se trouua plus malheureusement renuersee tout en vn coup, sans y penser; ny plus heureusement & sagement redressée que la sienne. De tous les fauoris du Roy, il estoit demeuré le seul, apres la mort du Seigneur de Joyeuse; & de faict auoit esté gratifié de sa despoüille, & aussi de celle du Sieur de Bellegarde son cousin, Gouverneur de Xaintonge & Angoulmois. De maniere qu'il se veit en vn mesme temps, Duc d'Espernon, & Pair, Admiral de France, Co-

*Remarque  
de la fortune  
de  
monsieur  
d'Espernon.*

*Grandeur  
de monsieur  
d'Espernon.*

lonnel general de l'Infanterie François, Gouverneur de Normandie, Prouence, pais Messin, Boulonnois, Angoulmois, Xainctôge, Ville & Chasteau de Loches: Non seulement premier Gentilhomme de la chambre du Roy, sô cōpagnon ayant esté tué en la bataille de Coutras; mais aussi seul gouverneur des opinions & volonteze de son maistre. Y auoit-il Ambassadeur, qui eust affaire au Roy? Il falloit auparavant aboucher le Seigneur d'Espernon, pour en apres luy donner entree: Grandeur qui sembloit estre tellement à luy attachee, que faisant son entrée dans Roüen, suiuy d'une grande noblesse, la ville luy fit vn presët (ainsi que l'ay ouy dire) d'une fortune d'argent doré, qui le tenoit estroitement embrassé; Et au dessous estoient ces mots Italiens; *E per non lasciar ti*. Deuise prise sur la rencontre & equiuoque de son nô; pour monstrier que ceste grandeur ne pourroit estre jamais terrassée: cōme aussi est-ce la verité, que le Roy le fauorizant desmesurément, luy auoit autrefois protesté, qu'il le feroit si grand au milieu des siens, que luy-mesme n'auroit pas le moyen de le raualler, quand bien il leust voulu cy-apres. C'est vne chose que nous auons depuis apprise du Seigneur d'Espernon par vne lettre fort bien dictée qu'il escriuit, pendant sa disgrace, au Roy. Toutela fleur & essite de la Cour, adorant ce Soleil leuant, l'auoit suiuy à la foule, en son voyage de Normandie, où il prit la possession de son nouveau Gouvernement, qui estoit anciennement donné aux fils aînez de nos

*Present  
d'une For-  
tune à luy  
fait avec  
une belle  
deuise.*

*Le Roy  
mesme tes-  
moigne sa  
grandeur.*

*La Normā-  
die donnee  
en Gouver-  
nement  
autrefois  
aux fils aîs-  
nez de  
France.*

Rois ; auparauant que le Dauphiné fust vny à nostre Couronne. En toutes les villes accueilly d'vnes caresses & soubmissions nō pareilles. Le Duc de Guise non aprenty en ces negotiations, espie le poinct de son absence, voyant le Roy desmantelé de sa suite. Vous scauez ce que sa venuë apporta dedans nostre ville ; Et comme le Roy fut contraint de se tirer vers Chartres , où plusieurs Princes & grands Seigneurs le vindrent trouuer, pendant que le Sieur de Guise commendoit absolument dedans Paris. Adoncques les sombres ialouzies & rancœurs que les grands couuoient dans leurs Ames, en haine de la grandeur du Sieur d'Espernon, commencerent de s'esclorre, disants, qu'il estoit le seul motif de cette estrange tragedie, pour les grandes faueurs, dignitez & prerogatiues, qu'il auoit euës, au desauantage des autres ; Et que tant qu'il seroit pres du Roy, il ne falloit esperer la paix auecques les autres. Et parauenture le Roy n'en estoit marry, si tant est que ce que l'on a depuis dit de luy, soit veritable. Vous auez iusques icy entendu vn torrent de bonnes fortunes en luy, entendez maintenant vn conflus general de mauuaises. Soudain qu'il est retourné, sur les plaintes & clameurs des Princes, il est contraint de quitter son gouuernement de Normandie à monsieur de Montpensier, Prince du sang ; Celuy de Mets & pais Messin, au Comte de Briene son beau frere ; l'Admirauté au Sieur de la Valette son frere ; Et sur tout de desemparer la Cour & la presence du Roy,

*Monsieur  
d'Espernon  
despouillé  
tout à coup  
de la plus  
grand part  
de ses gou-  
uernemens*

& confiner toutes ses opinions ; premiere-  
ment en la ville de Loches, abandonné de tous  
ces Seigneurs qui l'auoient suiuy en Norman-  
die, & de ses principaux Confidens ; Et en a-  
pres aux moindres de ses gouuernemens, qui e-  
stoient Xaintonge & Angoulmois.

*Assié-  
gé dās  
Angoulesme*

Cen'est pas assez: Pésant estre en quelque re-  
pos dedans Angoulesme, il est salué le iour S.  
Laurent d'une nouuelle embuscade. On vient

*Comme m<sup>i</sup>  
riculeuse-  
ment ga-  
ranty par  
des degrez  
rempris a  
point nom-  
mé.*

aux mains contre luy : Il est assié-  
gé dedans le  
Chasteau. La Dame d'Espéron, l'une des plus  
sages Dames de la France, estant en l'Eglise, est  
indignement traitée par quelques mutins ;  
Luy surpris se sauue dans son cabinet ; De là  
par vne montee va plus haut, où luy passé qua-  
tre degrez se rompirent, qui fermerent le pas  
à ceux qui le poursuioient. Meurtres d'une

*Se deffend  
vingt qua-  
tre heures  
sans boire ny  
manger.*

part & d'autre. Enfin apres s'estre deffendu  
vingt & quatre heures durant sans boire ny  
manger, il fut miraculeusement garenty. Mais  
ce qui est plus estrange en ce fait-cy, c'est que  
le bruit commun fust, que l'entre-prise auoit  
esté contre luy brassée sous l'adueu du Roy.

Quoy que soit le Sieur d'Espéron en eust de-  
puis quelques aduis. Fortune non lasse de le  
bassouër, luy liure vn autre nouuel assaut: Car  
luy estant en Angoulesme le Sieur de Tagent,  
l'un de ses plus proches parents, qu'il auoit fait  
son Lieutenant general en son gouuernement  
d'Angoulmois & de Xaintonge, se fait mai-  
stre de Xaintes & de Cognac, pensant faire  
chese agreable au Roy. Encôres n'est-ce pas  
tout, les Deputez des Estats assemblez en la ville

*Accusé aux  
Estats de  
Blois.*

de Blois, coniurent vnanimement contre luy, & requierent qu'il eust à remettre es mains du Roy toutes les villes qu'il tenoit, à peine d'estre declaré criminel de leze Maiesté. Le Roy pour les contenter, ou peut estre, pour se cōtenter soy-mesme, depesche Miron, son premier medecin, pour cest effect. Auquel il fait responce, que le Roy estant en pleine liberté, il luy obeïroit, non plustost. Ceste responce offense le Roy, ne voulant estre reputé captif, au milieu de cette assemblée, encores qu'il n'y eust ses coudees franches. C'est pourquoy il luy fait nouuelle recharge, par le mesme Miron. Et à cette nouuelle recharge pareille responce. Au moyé de quoy le Roy ne doute de le desaduouër delà en auant tout à fait, sans dissimulation. Et sur ce desadueu les Deputez poursuiuans leur premiere pointe, cornerent plus qu'auparauant sa ruine. Que si ses affaires estoient en ce mauuais mesnage pres du Roy, elles nel'estoient pas moins dedans Paris, par les libelles diffamatoires que l'on faisoit imprimer contre luy.

Fut-il iamais vn plus estrange precipice de fortune que celuy-là, apres vne extremité de grandeur qui auoit regné en luy; Et neantmoins ny le cœur ny l'esprit ne luy? faillirét iamais, au milieu de toutes ses aduersitez. Toute sa fortune sembloit estre reduite en vne ville d'Angoulesme, où il auoit receu vn affront extraordinaire, dont il estoit venu à chef. Comme il est plein de moyens & d'entendement, il compose avec ragent, & luy baille quelques grandes sommes de deniers, moyenant les-



*S'accorde  
avec Mon.  
sieur de  
Guise.*

quelles il luy rend les deux places qu'il occupoit; Et par ce qu'il voyoit le ciel & la terre combatre contre luy dedans la ville de Blois, il leue vingt compagnies nouuelles de gens de guerre, dedans son Gouuernement, pour se tenir sur ses gardes; voyant que le Royluy faillloit de garand. D'une mesme main, par l'entremise du sieur de Massay, l'un des siens, il gaigne monsieur de Guise, lequel aduertty de cette leuée de gens, appaisa la cholere brusque des Deputez, leur remonstrant par ses internonces, combien il leur importoit de n'estre en mauuais mesnage avec le Seigneur d'Espéron: & deslors toutes leurs vapeurs s'esuanouirent en fumée. S'estant fait maistre paisible de son gouuernement, il fit alte, espiant quel succez prendroit la tragedie que l'on iouoit dedans Blois. Et icy ie me fermeray en ce que il concerne particulièrement.

Vous penserez parauenture, que tout ce que ie vous ay cy dessus discouru, soit vn discours fait en vain; Non est. Ie ne vous ay rié recomté des bonnes & mauuaises fortunes des Seigneurs d'Espéron, D'O & de Souuray, qui n'appartiennent grandement au subiect de cette lettre; parce que i'attribuë à l'infortune de cestrois, le commencement de la ressource des affaires du Roy.

La Maiesté d'un Prince Souuerain s'entretient par vn entrelaz de l'exercice de sa iustice avec les armes. Les affaires du Roy estoient reduites en si piteux estat, apres la rupture de l'Assemblée des Estats, qu'il ne sçauoit de quel



bois faire fleches. Pour les armes, nul ne se hastoit de le secourir; Et pour le fait de la Iustice, il sembloit manquer de ville signalée, où il peust establir son throne; Et par mesme moyé de gens, pour y employer. Car mesmes les gés de son grand Conseil, qui auoyent auparauât estably leur siege en la ville de Vendosme, auoyent esté proditoirement pris par le Gouverneur, & reduits en des estroites prisons, esquelles ils sont auourd'huy.

*Messieurs  
du grand  
Conseil  
emprison-  
nez à Ven-  
dosme.*

Le Seigneur d'Espéron, qui auoit fait la nouvelle leuee de gens, voyant le Roy infiniment affligé, & se resouuenant non du tort que l'on disoit luy auoir esté par luy pourchassé en la iournee de S. Laurens, ains des grands bien-faits & honneurs qu'il auoit de luy receus, delibere d'employer pour la garde de luy, ce qu'il auoit ordonné pour la sienne. Et enuoya par deuers la Maiesté le Comte de Brienne son beaufrere, avec quinze cens harquebuziers à cheual, six cens hommes de pied, & six vingts Gentilshommes bien montez, conduits par le Seigneur d'Ambeuille. Cettuy fut le premier secours qui arriua au Roy, luy estant en la ville de Blois, lequel occasionna plusieurs autres de faire le semblable: & commença delà en auant de reprendre ses forces & cœur tout ensemble.

*Monsieur  
d'Espérons  
enuoie de  
gens au  
Roy à son  
bon besoin.*

*Commence  
ment d'ar-  
riuer aux  
affaires du  
Roy.*

Ce premier coup d'essay ietté de cette façon en moule, le Seigneur d'O, qui estoit à la suite du Roy, ne luy voulut manquer de deuoir. Pour le fait de la Iustice, il mit en auant d'establir vn Parlement & Chambre des Comtes,

*Gens de la  
Chambre des  
Comptes  
qui se trou-  
uerent avec  
le Roy.*

*Du Parle-  
ment.*

*La ville de  
Tours apres  
quelques  
contrastes  
demeure au  
Roy.*

Quant à la chambre des Comptes il estoit plus aisé, que du Parlement; Par ce que dès le commencement de l'assemblée de Blois, le Roy auoit fait venir par deuers luy messieurs Tambonneau & de Charmeaux, Presidents; du Hamel, barthelemy & Villemor, maistres, pour la verification de quelques estats de Comptes; Avec lesquels se trouuerent ausly les sieurs de Pinsai & Feron, ausly maistres des Comptes, & Maupéou & le Comte, Auditeurs; & moy, qui par le moyen de mon estat d'Aduocat du Roy, pouuois suppléer l'absence du Procureur general mon compaignon. Mais quant au Parlement, c'estoit vn autre discours. Il n'y auoit aucun President, ains cinq ou six Maistres des Requestes, quatre Conseillers de la Cour, & monsieur d'Espesse, Aduocat du Roy. Nous fusmes assemblez au logis du Seigneur d'O, où il fut resolu d'establiir ces deux Compagnies avec conditions honnestes, comme chose de tout necessaire pour la manutention de nostre Estat. Mais du lieu nous ne sçauions où l'arrester. Dieu veut que sur ces entrefaites la ville de Tours commence de se remuer. Les aucuns, & en tres-grand nombre, sous la banniere du Lieutenant general du Verger, & d'un Prieur des Iacobins, pour la Ligue; Les autres, en plus petit nombre, mais plus fort, conduits par le Seigneur de Souray, pour le seruice du Roy. Nous estions dedans Blois aux escoutes pour sçauoir qui auroit le dessus. En fin nous receuons nouuelles, que le Roy y estoit le maistre par les fideses seruices de Souray & des siens

qui y auoient hazardé leurs vies. Deslors on commence de disputer, en quelle ville ces deux compaignies Souueraines, pour lesquelles nous estions assembles chez le Seigneur d'O; pourroient estre mises. Les vns estoient pour Moulins; les autres, pour Bourges, en laquelle du temps du Roy Charles VII. la Chambre des Comptes residoit. Ie vous diray qu'estant de la partie en cette de-liberation, ie mis en auant, specialement pour nostre Chambre des Cōptes, la ville de Tours; disant que sous le mesme regne de Charles VII. elle y auoit esté du commencement establie, & depuis trāsferée à Bourges; mesmes que de fraische memoire le Roy, estant Duc d'Aniou, y faisoit tenir sa Chambre des Comptes. Et au surplus, quel vne & l'autre Cōpagnie y deuoient estre logees; par ce qu'il ne falloit cheuaux ny charroy pour nous y porter; ains basteaux à peu de fraiz. Et que s'il plaisoit à Dieu de nous renvoyer vne paix, nous retrouvèrions par la mesme voye la ville d'Orleans par eau; Et de là celle de Paris par des Coches. Auis qui fut trouué bon, & la ville de Tours choisie. Le Roy faisant contenance de se vouloir acheminer à Moulins, nostre Compaignie auant que partir alla prendre congé de luy: Et luy avec vne douce grauité, nous exhortant la larme à l'œil de cōtinuër la fidelité que luy auis vouëe, il n'y eust celuy qui ne larmoyast, comme luy. Quinze iours auant que sortir de Blois, on auoit donné ordre d'accommoder l'Abbaye de S. Iulian de Tours, pour l'hebergement de la Cour

*La Cham-  
bre des  
Comptes à  
Bourges du  
temps de  
Charles  
VII.*

*La ville de  
Tours choisie pour  
le siege du  
Parlement  
et de la Cham-  
bre des  
Comptes.*

de Parlement, & la Threſorerie de S. Martin pour noſtre Chambre des Comptes : Lieux qui ſe ſont trouuez infiniment propres & commodés, ſelon la neceſſité du temps. Le Roy

*Le Parle-  
ment ouuert  
à Tours.  
La Châbre  
des Comp-  
tes.* a ſuiuy les deux compagnies de pres, & a eſté auſſi toſt qu'elles dedans Tours, où le Parlement a eſté ouuert, & le lendemain noſtre compagnie. On a amené à la iuriſdiction du Parlement, ce qui depend des tailles, Aides & Subſides, pour n'y auoir aujourd'huy icy aucun Officier de la Cour des Aides. Et par ce

que l'on ne pouuoit tenir l'Audiéce en public, pour l'ancien differend qui eſt entre les Maîtres des Requeſtes & Conſeillers Laiz de la Cour ; ſçauoir, qui doit preſider, par faute de Preſident ordinaire; Le Roy a pourueu le Seigneur d'Eſpeſſe del'office de Preſident, & maître Louys Seruin de celuy d'Aduocat du Roy. Au demeurant le Roy ſe voulant aſſeurer de toutes choſes, a retiré des mains de du Gaſt, le Cardinal de Bourbon, qu'il a enuoyé à Chinō ſous la garde du Seigneur de Chauigny, & a fait venir en cette ville de Tours le ieune Seigneur de Guiſe, qu'il a mis és mains de Rouuray, Lieutenant des gardes du Roy. Quant à la ville de Blois, menacee par le Sieur de Mayéne pour expier le tort qu'il dit auoir eſté fait à ſes freres, elle eſt miſe ſous la protection du Seigneur d'Eſpernon, auquel le Roy a fait preſent du Duc d'Elbœuf, qu'il a enuoyé à Loches, ſous bonne & ſeure garde, afin que ſ'il luy meſaduenoit on peult faire vn troc de ces deux Seigneurs. Si ie ne m'abuze, j'eſpere que noſtre barque.

*Blois mis  
en la prote-  
ction du  
Duc d'Ef-  
pernon.*

tre barque deormais voguera en mer plus bon-  
 nace, qu'elle n'a fait par ci-deuant. A Dieu. De  
 Tours ce ij. Auri1589.

*A Monsieur Chauuet, Preuost de la  
 ville de Blois.*

**L'**Obligation que ie vous ay est si gran-  
 de, que ie serois le plus ingrat homme  
 du monde, si apres m'estre aucunemēt  
 reconnu en ceste ville de Tours, ie ne vous re-  
 mercioy par la presente de toutes les courtoi-  
 sies que i'ay receuës de vous, dans Blois; Non  
 en intention que ceste ceremonie me serue de  
 quittance, (car ie ne le veux, ny ne puis) mais  
 souz protestation, qu'en vous remerciant ie  
 desire d'estre couché à iamais sur le papier iour-  
 nel de vos debtes, affin qu'ayez occasion de  
 m'employer, comme celui qui pour vous estre  
 redeuable, ne se lassera iamais de vous faire pa-  
 roistre, par vne infinité de bons offices, combié  
 il est vostre. Et parce que cela gist plus en effect  
 qu'en paroles, ie ne m'estendrai plus longue-  
 ment sur ce sujet, pour vous dire, que i'arriuai  
 en ceste ville à point nommé, comme l'on vou-  
 loit commettre vn autre en mon Estat, pour  
 mon absence. Le Parlement fut ouuert le 22. de  
 Mars dernier, où le Roy se trouua en person-  
 ne, pour l'installer; & le lendemain nostre chā-  
 bre des Comptes, par Messieurs le Cardinal de  
 Vendosme & garde des Seaux, avec Harâgues  
 fort fauorables & dignes de tels Seigneurs. Les  
 lettres de translation lenës par le Greffier, ce fut

*Il recita à  
 monsieur  
 Chauuet  
 comment  
 le Parlemēt  
 & la Chā-  
 bre des  
 Comptes  
 furent esta-  
 blis à Tours  
 & avec  
 quelles cer-  
 remonies.*

*Le Parle-  
 ment esta-  
 bly à Tours,  
 & la Chā-  
 bre des  
 Comptes.*



à moy de ioier mô roolle. Et d'autant que parauanture desirez sçauoir quel il fut , ie le vous diray en brief.

*Remon-  
strance de  
M. Pas-  
quier à  
l'ouverture  
du Parle-  
ment à  
Tours.*

Ie leur dy, Que toutes & quantes fois que ie considérois à part moy la calamité presente de nostre France, ie ne pouuois auoir tel commandement sur mes yeux , qu'ils ne me rapportassent ce qui estoit de leur creu, en vne personne affligée; C'estoient larmes, pleurs & gemissemens. Nous voyans tous, (si ainsi falloit que ie le disse) reduis au petit pied, dâs vne ville de tours: Et que ceste perplexité estoit encores saluée de vne nouvelle recharge; sçauoir si le roi pouuoit bonnemét faire subsister nostre Châbre, par le nôbre de dix ou douze seulement; Châbre de toute ancienneté, grande & auguste; Châbre, par laquelle nos Rois auoiet en partie regné; Chambre, qui pouuoit estre dite , la premiere Compagnie Souueraine de la France, si le Parlement ne s'y fust opposé. Mais aussi qui en contr'eschange auoit fait que la Cour de Parlemét ne fust la seule premiere, pour luy estre collatérale. Toutes fois apres auoir recueilly mes esprits, ie ne faisois aucune doute , que le Roy n'eust fait vn acte tres-digne de foy; Que celui qui anciennement se plaignoit, que l'on ne pe-soit les opiniôs des sages, ains qu'on les côtoit, vouloit dire que c'estoit par le poids, & nō par le nombre, qu'il falloit estimer les compagnies; Que le Iurisqueult qui nous enseignoit, que le troupeau d'une infinité d'animaux reduit à trois ou quatre par la mortalité, ne laissoit d'estre troupeau, tout ainsi cōme auparauant: Et à



fin que ie ne sortissè des bornes de mon sujet, il n'y auoit rié qui fraternisast tât avec la Iustice, que la Religio, cōme estàs deux pilliers de toute la republique. Or estoit-il que la vraye Eglise de Dieu estoit celle, nō en laquelle y auoit la plus grāde assemblée & congregation de peuple, ains des fidelles, ainsi deuoit-ō estimer les cōpagnies Souueraines, non celles esquelles y auoit plus grād nōbre de Magistrats: Mais bien celles qui apportoiēt plus d'obeïssāce & fidelité à leur Roy. Lors du Deluge vniuersel, l'Eglise auoit esté reduite en la famille de Noé, qui fut cōseruee dedās l'Arche de dieu; Ny pour cela, elle ne laissa pas d'estre moins Eglise, que quād depuis elle fut espādūē par tout l'vniuers. En cas séblable, lors que Charles VII. par l'iniure du tēps fut cōtraint d'establiir premieremēt à Tours, puis à Bourges, sa Chābre des Cōptes, eclipsée de celle de Paris, elle n'estoit pas moindre, ains plus grāde que l'autre qu'il auoit laissée, sous la puissance de ses ennemis. Ainsi en estoit-il de ce que nous faisiōs maintenāt; Que de propos deliberé il m'estoit aduenū de parler du rauage & inondatiō des eaux, par lesquels dans les sainctes lettres estoient figurez les tumultes & seditiōs populaires, tels que ceux qui regnoiēt pour le iour d'hui dās la Frāce. Et à tāt ie me promettois qu'ē ceste petite famille que nous estiōs, nous représenteriōs l'Arche de Noé. Et neantmoins ie ne voulois pas dire, que nos cōpagnōs de paris fussēt en leurs cœurs moins bōs sujets & seruiteurs du Roy, que nous qui estiōs à rours. m'assurāt que des six parts, les cinq estoient vouiées à son

*Compagnies Souueraines  
quelles  
doutance  
estre esti-  
mées.*

*L'Eglise en  
la Famille  
de Noé.*

seruice; Mais que la Police, ou pour mieux dire le desordre nouveau, que l'on auoit introduit dans Paris, ne leur permettoit de se manifester.

*Larmes de Pasquier.* Je vous puis dire qu'à ceste parole les grosses larmes me tomberent des yeux. Ce que i'auois du commencement proposé, estoit par vne hypocrisie d'Orateur; mais ce que ie fis en ce progres de ma Harangue, fut comme bon citoyen, ne pouuant plus dissimuler la iuste douleur, que ie portois de la misere de ce tēps. Je ne me trouuay iamais si empesché. Car par mesme moyen la parole, dont i'auois lors le plus affaire, me mourut en la bouche. Deux cēs personnes qui y estoient, le vous pourront tesmoigner. Et à la mienne volonté que ceux de Paris en eussent esté spectateurs. Toutesfois ie reuins à moy, cōme celui qui sort d'une pasmoison; & pris argument sur cēt accident inopiné, de prier mō sieur le Cardinal, d'asseurer le Roy que ce que ie venois de dire estoit veritable. Chose qu'ē vn besoing ie seellerois non de mes larmes, ains de mō sang. Que la fidelité que ie scauois resider en nos Confreres, me faisoit encores asseurer, que la fureur du peuple s'escoulant en peu de temps, comme vn torrent passager, ils seroient les premiers ministres pour reestabli toutes choses sous l'obeissance de leur Prince; Que de ce reestablisement i'auois tres-certain prognostic, en ce que ie voyois le Roy s'estre rendu en la ville de

*S. Martin  
Apostre  
Tutelaire  
de la Frā-  
ce.*

Tours, plus par mistere diuin, que par discours. Ville en laquelle hebergeoiēt anciennement les os & reliques de ce grād S. Martin, Apostre Tutelaire de la France, estant celui auquel Clo-

uis premier Roy Chrestien de nos Rois, auoit apres Dieu toute sa confiance. Celui que nos anciens auoient en telle reuerēce & honneur, que par l'espace de deux cens ans ils comptoient leurs ans par sa mort; & qu'encores nous voyōs vne remarque admirable de sa grandeur entre nous, en ce qu'aux deux ouuertures des Parlemens chacun an, la premiere se faisoit par sa Feste. Que ce bon Sainct ne nous abandonnēroit, puis qu'estions refugiez deuers lui; mais que par ses prieres enuers Dieu, il pacifieroit toutes choses. Et quāt à ce que nous faisons lors pour la Chambre, ie m'asseurois que toutes choses s'achemineroient, *Bonis Auspiciis*, Ayans eu cest heur en cest establissement & translation de Chambre, d'auoir eu deux si grands parains; monsieur le Cardinal, lumiere de nostre Religion, & monsieur le Garde des Seaux, lumiere de nostre Iustice. Pour ces causes (*Quod Faustum fœlixque Reipublicæ nostræ esset*) ie requerois que sur le reply des Lettres il fust mis, que elles auoient esté leuēs, publiees & enregistrees. Sur cela fut l'Arrest prononcé par monsieur le Cardinal, avec vne honneste preface & conclusion: & apres lui, monsieur le Garde des Seaux reprit la parole: Lesquels furent remerciez par monsieur le President Tābōneau, pour toute la compagnie. Qui leur remonstra, que ce n'estoit la premiere fois, que nostre Chambre auoit esté honoree de la presence des Princes du sang & Chancelliers, selonc que les occasions l'auoient requis, & que nos Registres en estoient pleins. Mesmes qu'il y auoit eu cinq

Châcelliers tirez autrefois du corps de la Châbre; Et de fraische memoire ce grand Chancelier de l'Hospital. Il y pouuoit adiouster, pour la grâdeur de la compagnie, que Philippe de Valois, allant faire la guerre en Flandres, lui auoit donné puissance d'ennoblir, affranchir, legitimer, naturalizer, sans lettres patentes de lui, tât & si longuement qu'il seroit en ceste expeditiō; & de sceller tels actes de Cire verte, tout ainsi ques'ils fussent emanez de luy. Sur ceste action de graces la Compagnie se departit, avec vn grand contentement de monsieur le Cardinal, qui de ce pas alla trouuer le Roy à son disner, auquel il raconta comme tout s'estoit passé, me faisant cent fois plus d'honneur que ie ne meritois. A Dieu. De Tours ce 8. Auiril 1589.

*Privilèges  
octroyez  
par Philip-  
pe de Valois  
à la Châbre  
des Com-  
ptes.*

*A Monsieuru le Comte de Sanzay.*

*Il raconte  
au Sieur de  
Sanzay les  
tresues d'e-  
tre les deux  
Rois, ce qui  
se passa à  
Tours & à  
Poitiers.*

**¶** Ay recueilli par vos lettres, que ny la distance des lieux, ny l'absence, ny le chaos de nos troubles, ne diminuoiēt en riē l'amitié que me portez. Qui n'est pas vne petite medecine à vn esprit affligé. Je vous di ceci, pour autant que plus ie pense à la calamité de ce temps, & plus ie me trouue confus. I'en voy quelques vns, qui se flattent par vaines imaginations & esperances. O gens heureux! dy-jē, à part moy, pour le moins avecz vous ce peu de bon temps, pendant que moi, par mes discours pesle-meslāt le passé avec le futur, ie ne trouue ny fōds ny riue, pour asseoir mon contentement. Quoy que soit, ie ne me puis persuader la fin de nos maux, que par vne euerſion de l'Estat. Et qui me rend plus miserable, c'est que deslors que le coup

fut faict, ie me promis, contre l'opiniõ de tous, vne reuolte generale de la France, soudain apres que les Deputez seroiẽt de retour en leurs maisons, comme il est depuis aduenu. Qui me fait craindre, que ce que ie preuoy maintenãt n'aduienne. Ceste maladie vniuerselle vient du Ciel. Il faut que les Astres fournissent à leurs cours. Trop de grands Astrologues l'auoient predite.

Quant aux nouuelles que demandez, ie ne vous puis escrire chose que ne sçachiez. La trefue est conclue entre les deux Rois: Mais sçavez vous avec quel contentement? Ce ne sont pas les deux pacifications faictes avec feu monsieur de Guise, esquelles on lisoit aux visages des princes ie ne sçay quoy de desfiãce dans leurs ames. Quelques Seigneurs & Gentilshõmes du Roy de Nauarre luy dissuadoyent de se presenter au Roy; & qu'il se souuint du iour saint Barthelemy. Neantmoins contre tous ces aduis il a franchi le pas, & est venu saluer le Roy avec vn visage si franc & ouuert, qu'il n'y auoit celuy de nous spectateurs de ceste entre-veüe qui n'en portast vne ioye incroyable dedans son Ame. Nous tous iettõs les yeux sur lui, ores que d'autre Religioẽ que la nostre, & le voyans oublions tout le malalent que lui portions auparauant. Le Roy lui a baillẽ en depost la ville de Saumur; affin qu'ẽ cas de mauuais succez, le rõt lui peust seruir de planche pour repasser Loire. A la veritẽ nostre partie estoit trop foible sans luy. Ce que la Ligue a bien cogneu apres auoir pris le 8. de May le Faux-bourg S. Sim-

*Trefues entre le Roy & le Roy de Nauarre.*

*Leur entre-veüe.*

*La ville de Saumur donnee au Roy de Nauarre.*



phorian de Tours, qui ne lui a esté qu'entrée & illué, soudain apres auoir entendu que le Roy de Nauarre estoit dans la ville. Auparauant les Ligueurs s'asseuroient de la ruine du Roy, de quelque façon qu'il voulust mesnager ses affaires. Car ou il ne prendroit aide du Roy de Nauarre; (& en ce cas ses forces n'estoient bastées) ou bien s'en aideroit; (quoy faisant il exciteroit de plus en plus la haine publique contre lui;) Mais ils contoient sans leur hôte, comme l'euement l'a monsté.

*Les habitans  
de Poictiers  
se donnent  
au Roy, &  
demandent  
d'estre trai-  
tez comme  
ceux de  
Tours.  
A quoy ils  
ont receus.*

*Les Li-  
guez chas-  
sez par la  
course.*

Ce que ie vous reciterai maintenant est de plus fascheuse digestion. Le Roy estant encores à Blois auoit promis aux citoyens de Tours, que lui ouurât les portes il les embrasseroit tous d'une mesme bienueillance, & qu'il pardonnoit à ceux lesquels pendant l'assemblée des Estats, auoient porté le parti contraire. Arriué qu'il est dedans la ville, ceux de Poictiers deleguent quelques honnestes personnes des leurs, pour le recognoistre, & supplier de les vouloir accueillir de mesme façon qu'il auoit fait les Tourangeois: & que si son plaisir estoit que de les venir voir, ils le receuroient ainsi que bons & humbles subiets deuoiét faire. Ils reçoient de lui telle parole qu'ils desiroiét. I'appris de monsieur de S. Marthe Lieutenant particulier, l'un des Deputez, que le Roy les venant visiter, il seroit le tres-bien venu. Ceux-ci s'en vont deuant lui pour faire preparer les logis. Quelques iours apres le Roy voulant entreprendre ce voyage, & se trouuant court d'argét, il est questiō d'en trouuer. On s'aduisé de le tirer des Ligueurs, que l'o



saigne fort rudement. Tel paye trois mil escus, tel mille, qui plus, qui moins. Les poiteuins de ce ad- *Les Poiteu-  
ins chan-  
gent de re-  
solution, &  
pour quel  
sujet.*  
uertis changent d'aduis, craignans qu'il ne leur en prist autant comme à leurs voisins. Pour le vous faire court, le Roy trouue à Poitiers visage de pierre, & si est sa Cornette blanche saluée de trois coups de Canon. A maniere qu'a- uon esté contraincts de retourner, ien'ozeroi dire, avecques nostre court<sup>e</sup> honte; car elle n'a esté que trop grande. Et en cecy le Conseil du Roy a esté seul forgeron de cette male-fortune.

Voila pour le regard des nouuelles que defirez. Ie viens maintenant à vous. Ie suis marry & bien-aise de vos hemorroïdes, marry pour le mal qu'elles vous font; Aise, pour estre vne maladie qui est prenoncée de nostre santé. Encore saurez-vous ce trait de flatterie de moy, qu'elles ne se logent guieres qu'en des esprits *Melancho-  
liques na-  
turellemēt  
ingenseux.*  
melancholiques, qu'Aristote disoit estre naturellement ingenieux. Vos veilles & nobles discours que dressez sur la Noblesse, meslez avec nos troubles, vous ont procuré ce mal. Au demeurant, ie vous remercie de la memoire qu'auiez de moy dans vos escrits. Si vous le faites par vniugement asseuré, ie suis perdu; par ce que ie commēceray desormais à plus croire de moy que ie n'auoy oncques pensé. Si par vne amitié particuliere que me portez; Ce ne m'est pas vn petit aduantage, qu'elle m'ait fait gagner ce beau mensonge sur vous. Tant y a que de quelque sens que ie me tourne, ie trouue assez de quoy me tromper. Vous continuerez

90 LIVRE XIII. DES LETTRES  
doncques cette volonté enuers celuy qui  
n'est point tant à soy qu'à vous, A Dieu.

*A Monsieur le Comte de Sanzay.*

*Il discourse  
sur diuers  
sujets. Et  
commence  
à entrer en  
l'acheminement  
du  
Siege de  
Paris.*

**I**L est ainsi comme le dites; Nous forgeons des nouvelles telles que desirons, encores que la verité soit autre. Mais voyez, ie vous prie, comme cela produit quelque fois de miraculeux effects. Trois semaines auant la victoire de Senlis, il courut vn bruit tout commun en cette ville, que les Parisiens y auoient esté mis en route. Ce bruit estoit seulement fondé sur vn violét souhait de quelques seruiteurs du Roy. Car non seulement cela n'estoit veritable: mais, qui plus est, nos ennemis n'auoient mis le siege deuant la ville. Enfin nous auons trouué ce discours s'estre transformé en histoire. Voila pour la premiere partie de ma lettre.

Ie veux sauter du Coq à l'Asne. Nos affaires vont maintenant de telle balance, que si l'un de nous a du bon de son costé, l'autre au mesme instant se trouue en auoir de mesme. Quand les nouvelles vindrent au Roy, que monsieur le Comte de Brienne auoit esté pris à Saint Oüin, aussi fut-il deslors asseuré, que le Marquis de Canillac, l'un des principaux Capitaines de la Ligue, y auoit esté tué. Le Roy estant deuant Poitiers, où il receut vn esmerueillable affront; Voicy deux nouvelles tres-agreables qui luy arriuent, l'une de la victoire de Senlis par monsieur de Longue-ville, assisté du Sei-

*Victoire de  
Senlis.*

gneur de la Nouë; l'autre de la deffaite des trois *Sauues*  
 Cornettes de Saucuse près Bonne-val, par le *deffait.*  
 Seigneur de Chastillon. Je ne veus aller plus  
 loing que de la Journée d'hier, en laquelle le  
 matin nous eusmes aduis de la surprise de mō- *Le Comte*  
 tercau par les nostres, & le soir de la prise de mō- *de Soissons*  
 sieur le Côte de Soissons en Bretaigne. La guer- *pris.*  
 re est comme vn ieu de dez, où ceux qui ioient  
 se liurēt chance, tantost heureuse, tantost mal-  
 heureuse; Et ne voiēt la fin du ieu, iusques à ce  
 que l'vn d'entr'eux se soit fait maistre du tapis.  
 Ainsi sommes nous taillez d'auoir, ores du bon,  
 ores du mauuais, iusques à ce que l'vn des deux  
 partis se soit fait absolument maistre. Je ne m'é-  
 tends non plus au fait des armes, qu'vn aueu-  
 gle à iuger des couleurs. Mais si souhais auo-  
 yent lieu, i'eusse desiré qu'apres la victoire de  
 Senlis, nous n'eussions donné le loisir au Pari-  
 sien de reprendre haleine. La frayeur, (que de  
 galand-homme ie veux appeller, Spauente,) qui  
 estoit dedans Paris, avec la diligence des  
 nostres pouuoit estre le comble de nostre heur.  
 On doit grandement honorer la prudēce en *Es guerres*  
 toutes nos actions; & specialement és guerres, *on ne peut*  
 où les consequēces sont telles, que l'on ne peut *faillir deux*  
 faillir deux fois; Mais vne promptitude bien *fois.*  
 choisi e me semble la plus grāde prudence que  
 l'on y puisse apporter. Ce n'est riē d'vne victoi-  
 re quine la scait visuemēt pouruiure. Cette *La victoire*  
 nonchalance perdit Hannibal, apres la victoi- *vent estre*  
 re de Cānes, & Pōpee, apres celle de Dyrachiū. *poursuiue.*  
 Et n'y a rien, qui rendit tāt redoutable vn Iules  
 Cesar, que cette vilesse dont il accōpagna tous

*Semestre  
marqua-  
bles en l'E-  
stat.*

ses grâds & magnifiques exploits d'armes. Main-  
tenât le Roy est party de cette ville avec toutes  
ses forces, en deliberation de nettoyer la Beauce  
de toutes les bicoques, qui luy font teste,  
pour apres s'acheminer à Paris. Le bon  
prognostic que ie fay de cette entreprise, est  
qu'il y a tantost deux ans que nos affaires  
vont par semestres. Le Roy chassa glorieuse-  
ment l'Estranger, sur la fin de 1587. Aussi fut-  
il receu dans Paris, avec vn magnifique arroy  
& infinies allegresses de ses subiects. Au bout  
de six mois il fit vne fascheuse retraité de Paris.  
Où au contraire monsieur de Guise fut carellé  
de le Fortune & du peuple, tout ce que l'on  
pouuoit souhaiter. Son entre-regne fut de six  
ou sept mois pour le plus. Depuis monsieur de  
Mayenne a eu ses six autres mois; Nous verrôs  
cy apres à qui les autres prochains sont deus.  
A Dieu.

*A Monsieur Seruin, Conseiller d'Estat, & Ad-  
uocat general du Roy au Parle-  
ment de Paris.*

*Il décrit à  
monsieur  
Seruin les  
histoires de  
deux, dont  
l'un fut  
fait Roy en  
riant &  
l'autre  
Empereur  
en plorât.*

**E** vous veulx maintenant racomter deux  
histoires que trouuerez merueilleusemēt  
estranges, de deux grands Seigneurs, dont l'un  
fut fait Empereur en riant, l'autre en pleurant,  
l'un & l'autre inespérément, & lors que moins  
ils y pensoient. Car pourquoy ne tromperons  
nous le temps, vous & moy; Vous en exerçant  
dignement vostre charge d'Aduocat en ce  
grand & braue theatre de la France, auquel

avez si bonne part par vostre bien dire; & moy en celle d'un homme qui apres auoir couru la fortune d'Aduocat des parties avec quelque honneur au Palais, puis celle d'Aduocat du Roy aux Comptes, ayant puis apres banny toute ambition, & auarice de moy, & encores, graces à Dieu, la necessité, i'ay voué le demeurant de ma vie à vn hermitage, & vie solitaire au milieu du peuple de Paris en ma maison? Entendez doncques s'il vous plaist, ce dont ie vous veux entretenir maintenant.

La neantize del'Empereur Galien excita plusieurs Seigneurs à se faire absolument mailtres des Prouinces qu'il leur auoient esté baillees en garde. Et entre autres vn Ingenu, Gouverneur de la Pannonie, Illiric, & Mesie: contre lequel Galien reprenant ses forces, se conduisit de telle façon, que l'entrepreneur occis, il reduisit sous sa domination ces trois

*Galien sur  
monteceluy  
qui s'estoit  
voulu esle-  
uer contre  
luy.*

Prouinces, avecques vne infinité de cruautéz contre ceux qui auoient fauorizé le defunt. Voire exterminant de l'une des villes tous les masses de quelque aage & qualité qu'ils fussent, les vns par mort, les autres par bannissement, sans esperance de retour. Punition non iamais executée que par luy. Tellement que les choses s'estants passées de cette façon, il ne deuoit plus prendre enuie à aucun de ses subiects dedans ces trois destroits de vouloir enjamber sur la Maiesté del'empereur. routes-fois quelque temps apres, Regilian, Colonel del'Ost d'Illiric ayant conuié à souper quelques Gentilshommes, & Capitaines de sa suite

*Senesiré  
trop cruelle  
de Galien.*



dont par aventure les peres, parents, & amis auoient esté homicidez par l'Empereur victorieux, aduint que pendant le souper, vn Capitaine nommé Valerian, commença par maniere de gaullerie de demander d'où estoit

*Regilian se  
trouuant  
en vn sou-  
per en com-  
pagnie*

venu le mot de Regilian: Et comme vn autre luy eust tout aussi tost respondu, qu'entre Regilian & Royaume, il n'y auoit pas grande difference, vn tiers se mettant de la partiedit, qu'il auoit doncques part & portion au Royaume: & ainsi la parole renuoyee d'une bouche à autre plusieurs dirent qu'entre Roy, regir & regner, il n'y auoit grande difference. Concluants tous en se souffriants que par vne fatalité cachee le regne & Royaume estoient deus à Regilian, lequel soudain apres la naissance auoit esté honoré de ce nom. Sur cela apres le souper s'en retournerent en leurs maisons sans

*Est ingé di-  
gne de la  
Royaute en  
riant.*

passer plus outre: Mais comme le matin chacun à son reueil se souuint des propos qui estoient passez le soir precedant, aussi toute la gendarmerie conduite par les Capitaines, vint à la porte de Regilian, qui n'y pensoit nullement, & tous d'un commun accord le proclamerent Empereur. Dignité qu'il fut contraint d'accepter, craignant d'estre occis s'il la refusoit & regna bon gré malgré l'Empereur sur ces pais là. Par vostre foy veites vous iamais en histoire telle promotion à l'Empire que cette cy?

*Puis fait  
Roy tout  
de bon.*

Or entendez maintenant vne autre en faueur de celuy qui ne disputoit autre chose qu'un fauorable respit de sa vie, & le requerant, non



seulement le trouua, ains la couronne Imperiale.

Andronic Comnene Empereur de Constantinople, cruel & aagé, qui familiarizoit grandement avecques les Magiciens, auxquels il auoit grandement creance, entendit de l'un d'eux que celuy qu'il deuoit craindre, & qui auoit à luy succéder, portoit pour les deux premieres lettres de son nom vn IS. Au moyen de quoy luy va soudain entrer en teste, que c'estoit Isaac Comnene sien parent, qui de fraische memoire s'estoit contre tout ordre de droict emparé de la Prouince de Cypre, dont il s'estoit fait Roy. Toutesfois pour en estre mieux esclarcy, il voulut sçauoir dans quel temps pouuoit aduenir ce mesfait. Dedans le temps de la feste de la Trāslation sainte Croix, respondit l'autre. Adonc l'Empereur repliqua qu'en vain craignoit il cest Isaac, comme ainsi fust que le temps ne portoit que l'on peut quitter en si peu d'espace ce Royaume de nouuel acquis, pour venir à Constantinople. Tellement qu'il estimoit vrayes tromperies, tout ce qui auoit esté predict par ce deuin. Vous dites vray, Sacree Maiesté, respondit vn Courtiza: mais vous ne dites pas, que dedans vostre Cour auez à Constantiple vn autre parent portant le nom d'Isaac Ange, duquel ne vous deuez pas moins deffier. Chose dont l'Empereur se mocqua, comme estant ce Prince sans effect, & qui tout le temps de sa vie s'estoit tel monstré en toutes les actions. Or auoit Andronic pres de

*Andronic  
Comnene a-  
uoit grande  
croyance  
aux Ma-  
giciens.*

luy vn Estienne, duquel il faisoit estat, comme de sa propre personne : Estienne, dy-ie, du tout voué à la conseruation de son maistre, qui fut d'aduis de se saisir de cest Isaac, pour obuier à tous inconueniens. Aquoy l'Empereur pour neluy desplaire condescendit; mais pour n'estre spectateur de cette iniurieuse prison, se transporta en vne sienne maison de plaisance, eslongnee de la ville deux ou trois mille. Soudain apres son partement, Isaac estant sur le poinct de monter sur son cheual, Estienne se transporte vers les vespres avecques plusieurs satellites, en bonne deliberatiō de se saisir de sa personne : & sans plus longuement marchander luy fait commandement de le suiure, & à ses supposts de le prendre, qui n'ozoient ietter les mains sur ce pauvre Prince : lequel ne sachant la cause de cette tortionnaire capture, & la demandant, sans que le preneur luy en rendit comte, adoncques l'impatience se mettant de la partie, le Prince fit vn coup d'essay, quiluy seruit de chef d'œuvre : Par ce qu'il mit la main aux armes, & de son espee vierge (ainsi l'appellay-ie, car iamais auparavant il nel'auoit tiree du fourreau) il baila vn coup à Estienne dont il rendit à l'instant l'ame en l'autre monde. Deslors ceux qui suiuoient ce defunt, commencerent à s'esparpiller çà & là, & le Prince monté sur son cheual le broche des esperons, & va vers la grande Esglise, où il se blotit, pour luy seruir de franchise contre l'Empereur, qu'il cognoissoit d'une impiteuse nature en tous ses deportements

*Isaac Com  
nene tue  
celuy qui le  
vouloit  
mettre en  
prison.*

*Se sauue en  
l'Eglise, &  
demande  
pardon en  
grande  
crainte.*

mens : combien doncques dauantage estant  
questiõ d'expier la mort del'vn de ses premiers  
faoris : Là il se prosterne deuant l'image du  
Crucifix, le supplie à iointes mains de lui moyé-  
ner pardon enuers Andronic. Le bruiet de ce  
meurtre court par la ville : le peuple sçait que  
ce Prince s'estoit mis dedans l'Eglise, plusieurs  
y acourent à la file pour estre les aucuns mieux  
informez du faict, & les autres compassionnez  
de ce nouuel accident. Ainsi se passe la nuit ;  
mais sur le resueil du iour chacun y court à la  
foule ; & voyant les pleurs, & prieres de ce pau-  
vre Prince, qui discouroit tout au long comme  
les choses estoient auenuës, que lui innocent a-  
uoit esté condamné d'espouler vne prison, que  
pour euit ce forfait il auoit esté contrainct  
d'occire celuy qui auoit charge de mettre à exé-  
cution ce detestable mandement : & qu'il sup-  
plioit vn chacun de tenir la main à ce qu'il ne  
fust rien attenté de fascheux contre sa person-  
ne. Adonc tous ceux qui estoient là, ( c'est à  
dire la plus grande partie des Bourgeois ) com-  
mencerent à s'escrier qu'il n'auoit rien faict qui  
ne fust tres-raisonnable, & que la cruauté du  
vieil Empereur estoit barbaresque. Partant  
qu'en l'occurrence de ce faict il se failloit pour-  
chasser d'vn autre Empereur qui eust toute  
puissâce sur eux. Là s'estoiét trouuez quelques  
Seigneurs de marque, & entr'autres des Prin-  
ces du sang promeuuz d'aage, qui se presen-  
toient d'vn costé pour auoir part au gasteau ;  
le pauvre Isaac d'vn autre ; qui ne demandoit  
que misericorde, & assurance de sa personne :

*Mais au  
lieu de ce,  
est fait  
Empereur.*

*Couronne  
de Consta  
ntin dont on  
auoit cou  
stume de  
couronner  
les Empe  
reurs.*

Nonobstant cela les clameurs de tous les assistans s'augmentent de plus en plus, qui disent auoir trop long temps esprouué la tyrannie des Vieillards en vn Empereur Andronic. En ce contraste sans autrement marchander, Isaac demandeur en remission, est par le peuple proclamé Empereur, & mis en vne chaire Imperiale, & la Couronne de l'Empereur Constantin, qui estoit pendue en l'Eglise, dont les Empereurs auoient accoustumé d'estre saluez sur leur auenement, mise sur le chef de ce nouuel Empereur, avec acclamation du peuple à ce accoustumee; Le tout au desauantage d'Andronic, qui se trouua sans y penser supplanté: duquel ie vous parlerai plus amplement vne autrefois. Ie vous supplie, dites moy, si cest acte n'est pas estrangement admirable, que ce Prince au milieu de ses pleurs, ne combatant que pour le sauueement de sa vie, fust esleu Empereur, luy ne le pensant, & ne le requerant? Et puis auquel des deux adiugerons nous le Laurier, ou à Regilian, qui dans la risée, ou à cestui, qui dedans les pleurs & larmes fut fait Empereur? Deux histoires vrayement pleines de grandes merueilles. Mais ce que ie vous discourray ci-apres vous sera plus esmerueillable, pour manifester la grandeur de Dieu. Chose que ie vous reserue à vne autre Lettre. A Dieu.

*A Monsieur Seruin, Conseiller d'Estat, &  
Aduocat general du Roy au Parle-  
ment de Paris.*

**I** Amais Princene receut plus d'algara-  
des de la fortune, & iamais Prince ne  
se diuersifia en tant de façons de bien &  
de mal qu'Andronic de Comnene Empereur  
de Constantinople, qui mourut au milieu de s<sup>a</sup>  
armée en la Caramanie ( anciennement nom-  
mee Cilicie ) ayant deux fils Isaac son aîné, &  
Emanuel puîné. Celuy-là estoit demeuré  
dans Constantinople, pour asséurer les affai-  
res de son pere, & qu'il ne luy mes-auint pen-  
dant le voyage qu'il entreprenoit. Cettuy-  
cy estoit pres du pere, qu'il sceut gagner de  
telle façon, qu'ores qu'il fust le puîné, toutes-  
fois le pere le fit par resignation son successeur.  
Lequel soudain que son pere eust les yeux clos,  
despescha Iean de Castruce son fauory vers les  
Constantinopolitains, qui sceut si bien iouer  
son personnage, que son maistre demeura Em-  
pereur par la voix & suffrage de tout le peu-  
ple, nonobstant toutes les menées d'Isaac, au-  
quel par vn droict d'ainesse appartenoit ius-  
tement la principauté. Cestui fut pere d'An-  
dronic Comnene, qui fut employé par Ema-  
nuel son oncle en plusieurs belles charges  
( comme plus proche du sang ) ausquelles  
il s'employoit gayement, & neantmoins luy  
pesoit grandement au cœur, que son pere  
eust esté frustré de la Couronne Imperiale,

*Divers ac-  
cidents &  
infortunes  
arriuees à  
Andronic  
Comnene.*



qu'il estimoit lui estre deuë par vn iuste droit de nature. De maniere qu'il ne se comportoit en toutes ses employes ainsi qu'il deuoit; Chose dont Emanuel s'estant aperceu, mesmes Andronic accusé d'auoir brassé vne nouuelle rebellion contre son oncle, il fut logé en vne estreote prison, où il seiourna quelque temps, & depuis estant euadé, il mesnagea de sorte son faict, qu'il se reestablit en la bonne grace de l'Empereur, & delà en auant commença de mener vne vie dissoluë. Car combien qu'il fust marié, toutesfois il entretint au veu, & sçeu de tout le monde, Eudoxe sa cousine: & se rendant incorrigible à ce deduit, l'Empereur, ou pour l'exemple, ou pour la crainte qu'il eust de luy, le meit aux fers en vne forte tour; luy donnant en outre plusieurs gardes. Où ayant esté quelques iours il aperceut vne grotte souterraine, en laquelle il entra. Ses gardes venans pour luy apporter à manger, ne le trouuans, & ne s'estans aperceu de ce destroit, estimerent qu'il s'estoit sauué par quelque autre voye. Et deslors l'Empereur en ayant eu aduis, par vn autre conseil assez bizarre fit mettre en son lieu sa pauvre femme innocente. Le prisonnier reprenant ses anciennes arrhes, & trouuant sa femme, estimoit du commencement que ce fust vn songe, ou esprit. En fin l'ayant recogneuë pour sa vraye espouse, il couchoit toutes les nuits avecque elle, & le iour se retiroit en ceste grotte, viuant en cachette du reste de sa femme lors que les Gardes

*Andronic  
mis en pri-  
son par son  
neveu, puis  
euadé.*

*Ses desbau-  
ches.*

*Renfermé  
en vne  
Tour.*

*Sa femme  
mise aussi  
en prison.*

*Comment  
ils viuēt en  
prison au  
deceu de  
tout.*



s'estoient retirez. Et ainsi continuans leur mesnage, ceste Princeſſe pour fin de jeu, se trouua grolle d'enfant du faict de son mary, qui fut nommé Iean. Fut-il iamais histoire plus eſtrange que ceste-cy ? On l'attribuë à l'un des gardes. Au moyen dequoy on les change. Lesquels ne pensans auoir en garde que ceste Princeſſe, dont ils ne se desſioient grandement, le mary trouue moyen d'euaider. Repris quel-  
 que temps apres, & remis en plus forte garde *Luy se sau-  
ue.*  
 que deuant, & l'histoire de l'enfantement auerec, la femme obtint main-leuee de sa personne; & le mary mis aux fers plus estroitement qu'auparauant, contrefaict le malade, *Est repris  
& reserré.*  
 & ioüissi bien son personnage par l'entremiſe d'un sien amy, qui luy aporte des cordes *Se sauue  
derechef.*  
 dedans vne bouteille, au lieu de vin, qu'il trouua moyen de descendre du haut en bas de la Tour; & de là en auant prit qualité d'esclaue, lequel (comme il disoit) mis aux fers s'estoit garanti par la fuite de la cruauté extraordinaire de son maistre : Quoy faisant il excitoit le peuple à pitié. Mesmes contrefaisoit le langage Grec, affin qu'on eust plus de creance à son mensonge. Quelques vns des plus aisez prenans de luy compassion le prindrent, & luy osterent les fers. Lequel se voyant ainsi deliuré, monte quelque temps apres sur l'un des cheuaux de son nouveau maistre, & ne douta de se faire cognoistre, pour le vray Andronic : Le bruit en vient iusques aux oreilles de l'Empereur, mesmes qu'il leuoit gens, & armoit en la Scitie contre luy. Lequel craignant un

nouveau remuement de meſnage, donne ordre de le rappeller à ſoy ſous le ſauſ-conduit de ſa ſoy : & lors retourné en grace, lui fut baillé par l'Empereur le Gouuernement de la Caramanie, & assigné quelque tribut ſur la Chypre en ſa faueur. Quelque peu apres il s'enamoure de Philippa ſœur de l'Imperatrix, femme d'Emanuel. De là il s'achemine à la Paleſtine, où il ioiit ſourdement de Theodora veufue de Bau-douin ſecond Roy de Hieruſalem. Emanuel ne trouuant en Andronic qu'un broüillon d'eſtat, enuoyavne bulle d'Or au païs, portant mandement exprés de tuër Andronic, ou bien de luy creuer les yeux : Puniſſion ordinaire qui lors couroit contre les grands. Si ceſte bulle euſt eſté renduë la part qu'il falloir, indubitablement c'eſtoit faiët d'Andronic : mais Dieu

*Bulle d'or  
contre luy.*

*Qu'iluy eſt  
u. rcc.* voulut qu'elle tomba és mains de Theodora, qui la luy bailla; lequel voyant le danger auquel il eſtoit conſiné, il eſpouſe ſouz main Theodora, l'enleue, & s'enſuit vers le Souldan de Chaldée avecq' ſa femme dont il auoit eu deux enfans, Alexius & Irené, & encores Iean qu'il auoit eu de ſa premiere femme, & l'auoit emmené quant & ſoy de Conſtantinople. Et combien que l'Empereur luy procuraſt toutes ſortes d'embuſches, pour le ſurprendre en ſes rets, toutesſois il s'en garentit par ſa ſage conduite. En ſin apres auoir vängué çà & là par forme de banniſſement, pour exciter l'indignation & fureur de celuy qui auoit toute puiffance de vie & de mort, s'il euſt eſté pris, illuy eſcrit lettres par leſquelles il le

supplie humblement vouloir auoir pitié, & luy permettre de se prosterner à ses pieds pour luy demander pardon. Ce qui luy fut permis de faire. Et adonc il se presenta à genoux vne chaîne de fer au col, qui luy pendoit iusques aux talons, loing del'Empereur, comme ne l'ozant approcher, luy demandant pardon de ses fautes. Et proferoit ces paroles à chaudes larmes : *Qui* *il se présente deuant l'Empereur la chaîne au col pour luy demander pardon.*

exciterent pareillement celles de l'Empereur, lequel luy commanda de se leuer pour venir à luy. Mais l'autre le supplia de l'excuser, comme estant indigne de ce faire, sinõ qu'il voulust commander à l'un des siens de le mener vers sa maiesté, pour receuoir tel pardon, ou condénation qu'il luy plairoit ordonner. Lors Isaac l'Ange, Prince du sang (qui est celui qui depuis fut fait sans y penser Empereur, comme auez ci-dessus entendu) par le commandemēt expres d'Emanuel le fit leuer, & le menāt par la chaîne, le luy presenta tout exploré. Lequel s'agenouillant vñ de toutes les soubmissions à ce requises. Surquoy l'Empereur parent, induit par les hūbles *Qu'il obtient.* prieres & supplications de l'autre, luy pardonna toutes ses fautes: & neantmoins sc̄achant que la ialousie de regner pouuoit encores resider au supliant, pour le droit d'ainellē par luy pretēdu en la personne de feu son pere, & quer'entrant en Cour il s'en pourroit louuenir, il le confina en vn lieu de plaissance auecque alimens condignes, où il pourroit digerer sa melancholie, en attendant que l'Empereur, selō la cōmodité de ses affaires, l'ēuoyeroit querir. Andronic obeit à ce commandement apres auoir remercié hū-

blement l'Empereur, faisant contenance de n'y apporter qu'une obeïllance tres-volontaire: & neantmoins il y auoit de la crainte, & de la dissimulation de sa part; cōme l'euenement le mōstra. Car ayāt esté aduertý & de la mort du pere qui auoit imperé 38. ans, & de la promotion d'Alexius ieune fils à l'Empire, qui selon la permission de son aage n'embralloit que le jeu, & rire d'enfant, Andronic par lettres au Patriarche de Constantinople & autres Seigneurs de marque, remonstre qu'il estoit le plus proche parent, que la longueur de ses ans auoit en luy escumé toute desireuse ambition, laquelle faict ordinaire compagnie aux Princes auant qu'ils soient paruenus à quelque aage. Que ce ieune Empereur auoit besoin d'homme suffisant pour luy assister de conseil, & qu'il estimoit nul n'estre plus propre que luy pour cest effect, tant pour la proximité de lignage dont il attouchoit ce ieune Prince, que pour le long aage dont il estoit comblé. Lettres qui ne furent mal recueillies par ceux ausquels elles furent enuoyces; Attendu mesmement que lors vn autre Alexius, grandement chéri par le feu Emanuel, auoit empieté telle autorité, qu'après son decez, abusant licentieusement de l'honneur de sa veufue, mere du nouuel Empereur, il n'estoit loisible d'obtenir aucun don, ny sous le nom du nouuel Empereur, ny sous celuy de sa mere, s'il n'auoit esté confirmé, & autorisé par ses lettres. Et ainsi l'auoit faict ordonner par Edict du Senat. Ce qui

*Remon-  
strances  
par lettres  
d'Andro-  
nic au Pa-  
triarche &  
autres.*

*Alexius a-  
buse de la  
mere d'A-  
lexius Em-  
pereur &  
de l'autho-  
rité.*

ne plaisoit à chacun. Qui fut cause que la plus grand part iettoit les yeux sur Andronic, & desiroit son retour pour donner ordre à toutes ces nouuelles entreprises, qu'il estimoit induës, comme nul ne luy ozant faire teste en vne querelle si iuste. Emanuel auoit de son premier liēt vne fille nommee Marie, coniointe par mariage avecques vn Seigneur Italien du nom de Cesar. Ceux cy en escriuent à Andronic, le prient de s'acheminer à Constantinople, où il trouueroit toutes choses disposées à la volonté, au profit & vtilité de l'État. Et cependant cette Princesse avecques son mary brasse vne forte coniuration contre la mere, & son mieux aimé, laquelle descouuerte ils s'enfuyent en l'Eglise de Constantinople pour leur seruir de refuge contre les assaüts des deux amants : lesquels leur font commandement de sortir en vertu d'un arrest du Senat qui estoit du tout à leur deuotion. Les mariez sçachants la consequence de ce iugement, n'y veulent obeir. Theodose Patriarche auquel ne plaisoit le mesnage de la mere, se mit de leur part : le menu peuple fait le semblable : Marie avecques son mary arment, abatent quelques maisons prochaines qui leur pouuoient nuire. La mere & son Alexius voyants que sous pretexte de iustice ils ne pouuoient obtenir ce qu'ils desiroient, estiment de l'auoir par armes, leuent gens, & aidez du nom & autorité du ieune Empereur, assiegent l'Eglise, & ceux de dedans : Armes d'une part & d'autre, les vns assaillants, les autres deffen-

*Theodose  
Patriarche  
favorise les  
poursuuis.*



dants: grands meurtres, mais principalement de ceux qui estoient sur la deffensive: Quelques perlonnages d'honneur veulent assoupir

*Marie & Cesar sor.  
tent.*

ce mal, qui en fin sains & sauues sortent par leur moyen de l'Eglise, & se mettent Marie & Cesar en seurte dedans vn Palais. Alexius & la mere voyants que le Patriarche Theodose auoit fauorizé leur party contraire, le chassent

*Theodose  
chassé du  
patriarchat*

du Patriarchat: toutesfois quelques iours apres donnent ordre de le réintégrer avecques toute dignité & honneur. Pendant lequel temps Andronic, qui couuoit dans son ame la principauté, dissimulant sa pensee, s'achemine à grandes iournees à Constantinople, bien-veignant tous ceux qui le visitoient, & les repaissant de pleurs & douces paroles dont il n'estoit auaritieux. Chose que pratiquoit aussi de son costé Alexius, à ce secours par la courtoisie & presents de sa mieux aimée. Entretenant par ce moyen son autorité ancienne au preiudice d'Andronic qu'il disoit n'auoir autre project en son ame, que se faire par faux semblants, maistre de l'Estat. Et de fait ny le gouuerneur de Nice, principale ville de la

*Nice prin-  
cipale ville  
de Bithinie.*

Bithinie, ny celuy de la Thrace, ny quelques autres ne voulurent adherer à Andronic, quelques lettres courtoises qu'ils receussent de sa part. Disants qu'il ne briguoit en soy autre chose que d'estre Empereur. Ce qui ne le diuertit pas toutesfois de poursuiure sa route avecques vne puissante armee, qui s'enfloit de plus en plus. De maniere qu'Alexius Gouuerneur delibera d'empes-



cher qu'il ne passast outre, par armee nauale, qu'il luy opposa sur les auenuës de Constantinople. Et neantmoins luy enuoya Xiphiline Ambassade expres pour le prier de se desister de son entreprise, qui n'estoit qu'un acheminement de troubles, & guerre ciuile. Qui fut renuoyé avecques sa courte honte à son maistre. Et d'une mesme main enuoya des Ambassadeurs superbes & hauts à la main à l'Empereur, pour l'aduertir que s'il vouloit demeurer Empereur, & qu'Andronic rebroustast chemin, il falloit en premier lieu que le Gouverneur Alexius forbanny de sa place rendist compte en iustice de toutes males versations, & par mesme moyen que la mere de l'Empereur confinee en un monastere pour y finir ses iours, fut tonduë, & abatit ses cheueux, comme Nonnain. Autrement que la porte luy seroit fermee à l'Empire. Que le feu Empereur mourant n'auoit entendu qu'apres son decez on meslast l'yuraye avecques le bled. Ces Ambassades ouyes l'armee nauale de l'Empereur sous la conduite de son Capitaine General se reuolte en faueur de Andronic, & dès lors Alexius Gouverneur est pris au corps, & apres auoir receu quelques opprobres est mené sur un cheual maigre & meshaigne de la ville iusques au port de la mer par les siens, qui le mirent dedans vne fregate, & le presenterent à Andronic, qui par

*Alexius la-  
uré à An-  
dronic, &  
noyé.*

la sentence de tous le condāna d'estre noyé, la  
 quelle fut sur le champ executee. Adoncques  
 chacun commença de suiure la fortune d'An-  
 dronic, mesmes le Patriarche Theodose, grād  
 personnage, lequel toutesfois apres l'auoir  
 considéré de fonds en comble, commença  
 d'estimer miserables ceux qui s'estoient ren-  
 dus à luy, lequel il preuoyoit deuoir estre in-  
 dubitablement la ruine fatale de l'Estat. Ces  
 choses de cette façon passees, l'Empereur A-  
 lexius, & sa mere Xené s'estants retirez de la  
 ville suiuant la semonce d' Andronic, pour  
 estre par luy sauez, illes vint quelques iours  
 apres trouuer, & estants en leurs chaires de  
 parade, il se prosterna deuant eux, à cause de  
 l'Empereur, luy baisant les pieds, sans faire  
 grand estat de la mere: & quelques temps apres  
 entra dedans la ville, bien & fauorablement  
 accueilly, & auant que passer plus outre visite  
 le tombeau del'Empereur emanuel son oncle,  
 auquel il fit ses Oraisons avecque pleurs & lar-  
 mes, qui luy sortoient des yeux quand il vou-  
 loit pour se rendre plus recommandable en-  
 uers le peuple. Voit les Palais & maisons des  
 Seigneurs qui tenoiēt des premiers rangs de la  
 ville, puis comme plus proche Prince du sang  
 prend le gouuernement du ieune Empereur A-  
 lexius, & pour son partage luy laisse les ieux,  
 chasse, venerienes voluptez, & delices conue-  
 nables à la ieunesse: & quant au sien, luy qui  
 par la longueur & ancienneté de ses ans estoit  
 blanc & chenu, se donne la collation des of-  
 fices, maniemēt des affaires d'Estat en fa-

*Andronic  
salue Ale-  
xius Empe-  
reur & ne  
tient conte  
de sa mere.*

ueur de ses enfans & autres qui luy reuenoient  
 à gré: & au regard des Seigneurs, il les chas-  
 tie, les aucuns de fers & prisons, les autres de *Cruantez*  
 bannissements: & aux autres fait creuer les *& iniusti-*  
 yeux, non pour crimes & forfaits par eux cō- *ces d'An-*  
 mis, ains seulement par ce qu'ils luy déplai- *dronic apres*  
 soient. Voire que le seul bruit d'auoir vail- *s'estre redu*  
 lamment combatu pour le feu Empereur, *maistre de*  
 estoit cause de leur ruine & arriuerent les af- *l'Empereur*  
 faires en telle desolation, que les peres, enfans, *& de l'Em*  
 freres, & cousins, pour complaire à Andronic, *pire.*  
 & se conseruer chacun en son particulier, es-  
 toient les delateurs & desolation les vns des au-  
 tres. Et qui plus est, pour ne manquer de suiet,  
 la plus part des accusateurs pendant leurs accu-  
 sations, estoient eux mesme accusez d'auoir  
 voulu conspirer contre Andronic, & par ainsi  
 l'accusé & l'Accusateur estoient par vn mes-  
 me moyen mis à mort. Quoy plus? Il adue-  
 noit ordinairement que ceux qui le iour pre-  
 cedant auoient esté bienvenus, chers, & em-  
 brassés par Andronic, fussent le lendemain  
 exposez au supplice. Tellement que le com-  
 mun bruit estoit, que d'estre fauorizé du Prin-  
 ce c'estoit vne emorche, voire assurance de  
 sa desolation & ruine. Et sur ce piéd la Prin-  
 cesse Marie & Cesar son mary, desquels An-  
 dronic auoit receu tant de fides & agrea-  
 bles seruices pour son aduécemēt, furēt par luy  
 mis à mort, comme desireux de la domina-  
 tion & Empire. Donne ordre de chasser Theo-  
 dose Patriarche & de surroger en sa place vn

*Sa grande*  
*ingratitude*  
*enuers ses*  
*bienfa-*  
*cteurs.*

autre : fait cependant couronner Empereur Alexius, pour monstrier qu'il ne desiroit rien tant que sa grandeur. Mais comme il viuoit d'un costé en cette hypocrisie, d'un autre costé il brasse sous main la ruine de l'Imperatrix Xené sa mere. Il accuse cette Princeesse de-

*Il fait mourir les Iuges qui ne veulent iuger à sa volonte* uant quelques Iuges, lesquels auant que passer outre veulent estre esclarcis, si cette accusation se faisoit du consentement du fils encontre sa mere. Adnronic prenant cette responce pour rebellion, expose à la mercy de l'espee tous ces pauures iuges. Chose dont seize grâds Seigneurs estonnez conspirent contre luy, & estant leur coniuration descouuerte par Andronic ; les vns prennent la fuite à bonne

*L'Imperatrix condamnée en prison à uisuer au pain & à l'eau.* heure, & les autres pris sont faits aueugles. Assemble ses Iuges du Senat, apostez non pour iuger, ains condamner l'Imperatrix, laquelle & sans cognoissance de cause fut releguee en vne penible prison, nourrie au pain & à l'eau, affligee d'une infinité d'iniures de ses gardes. Non content de cette condamnation il assemble de rechef les iuges, qui pour luy complai-

*Puis enfin massacrée, & son corps enterré dans le sable.* re condamnent cette Princeesse à mort : mais pour y bailler quelque fucille, font souscrire cest arrest de mort par le fils contre la mere : & ainsi fut cette pauvre Dame massacrée par quelques ministres d'andronic, & son corps enterré dedans arenes, non loing de la mer.

*Andronic se fait proclamer Empereur.* Et lors afranchy de tous destourbiers, il se fait proclamer Empereur avecques Alexius, l'un des deux fort ieune, l'autre vieil, sur lequel la populace mettoit toute sa confian-

ce contre toutes nouuelles seditions qui pourroient sourdre. Qui fut cause qu'Alexius fut contraint d'auoir pour agreable cette extraordinaire promotion. Et comme le lendemain il conuint à Andronic d'aller à l'Eglise pour estre couronné de la couronne Imperiale, ayant receu la sainte Hostie, & beu le Sang de nostre Seigneur, il protesta deuant tout le peuple, qu'il n'acceptoit cest Estat sinon pour le soustenement du ieune Alexius Empereur : & toutesfois quelques jours apres il le fit mourir. Car toutes ces ceremonies parfaites il fit assembler peu de iours apres le Senat, dont les aucuns estoient du tout à sa poste par amour, & le demeurant par crainte, pour sçauoir s'il estoit raisonnable qu'un enfant commendast ce grand peuple & tant de belles Prouinces : & comme tous d'un commun accord luy eussent respondu d'un vers qui est dans Homere, *Que d'auoir deux Rois c'estoit trop*, & qu'il se falloit contenter d'un seul. Et à peine eurent ils prononcé leur arrest de mort contre le ieune Alexius, que le vieil Andronic le fait estrangler d'un nerf dedans le Palais nuitammét. Sa teste couppee portee par les entremeteurs à son aduersaire, & son corps ietté à la mer. Ainsi mourut ce ieune Empereur aagé de quinze ans, le troisieme an de son Empire, non toutesfois l'ayant gouuerné de soy-mesme, (car s'il aage ne le permettoit) ains premieremét par sa mere, accompagnée d'un tyrā sien amy, puis par son parét Andronic. Et depuis ce vieillard espousa Anne fille

*Puis fait  
mourir le  
ieune Alex-  
ius, contre  
la foy de sa  
protestation*



*Sa cruauté  
enuers Eu-  
phrosine.*

*Nice se rēd  
à Andronic  
à la suasio  
de son Euef  
que.*

d'un Roy de France, fiancée à Alexius ( cōme de malheur riē ne luy estoit impossible qui luy estoit venu à la teste ) estant cette ieune Princesse aagée seulement d'onze ans. Deslōrs il se lascha toute bride, & ayant mis le siege deuāt la ville de Nice, qui n'auoit peu supporter sa tyrannie, voulant mal de mort à Euphrosine mere du prince Isaac l'Ange, illa fit attacher à l'éboucheure d'une machine, laquelle il fit lascher contre la ville, pour auoir tout d'une main & la fin de la Princesse, & de la ville tout ensemble, s'il luy eust esté possible. Mais voicy vne cruauté signalee, s'ils'é trouua iamaïs vne au monde. La ville de Nice ayant soustenu fort & ferme longuement le siege contre le vieillard Andronic, nouuel Empereur, pouuoit encores s'opposer à ses effors; toutesfois elle est cōseillēe par les importunitēz de nicolas son euesque de se rendre à Andronic. Au moyen dequoy suiuant ce conseil, l'Euesque reuestu de sa chasuble & habillē mēs pontificaux; avecque tout le Clergé, portants les Reliques de leurs Eglises, suiuis de tout le peuple sans armes, grands & petits sans exception ny acception d'aage, de sexe, ny de personnes, eux tous pieds nuds, se présentent avecques rameaux à Andronic, luy demādants avecque prosternation la paix. Conseil à la verité plein de legereté, & plus encores l'exécution : Car au parauant que l'exécuter cela meritoit bien quelque concert avecques l'Empereur pour leur seruir d'assurance : Et neantmoins cette honnestē submission meritoit bien quelque genereux traitement



tement de la part du Prince, lequel du commencement estimoit que ce fust vn longé, toutes-  
 fois apres s'estre asseuré de la verité du faict, au lieu de caresser ce peuple de la clemence dont les Empereurs & Rois font profession, il exerce toute maniere de cruantez enuers vns & autres, & par special enuers la noblesse, les vns estans enuoyez en exil, & les autresiettez du haut en bas des murailles: & autres soldats empallez vifs le long de la ville. De ce pas il s'achemine contre les Prusiens, qui faisoient contenance de nelui vouloir obeir. Leur ville est prise par force, pillée, & saccagee par les siens, qui en firent vne gorge chaude. Mais luy non content de la tyrannie par les siés exercee, voulut en apres auoir part au gasteau comme eux, & tyrannisa ceux qui restoient de nouvelles cruantez, & entr'autres vn ieune Seigneur nommé Ange Theodore, n'ayant le visage presque chargé d'aucun cotton, auquel ayant fait creuer les yeux, le faict mettre sur vn asne, & transporter hors les limites de l'Empire, puis abandonner des siens, affin qu'il fut transporté à la misericorde de la beste sur laquelle il estoit môté, & seruit de pasture aux bestes brutes. Toutesfois pris par quelques Turcs, il fut contre l'opinion d'Andronic conserué. Ce fait il fit passer par le fil de l'espee quarante Gentilshommes des premiers de la ville, qui estoient de reserve. A plusieurs il faict oster les mains, aux autres les pieds, aux autres les yeux, & à aucuns les yeux & les pieds tout ensemble. Puis retourne à Constantinople, bien venu, & em-

*Cruantez  
d'Andronic  
dans  
Nice apres  
s'estre rendu  
volontairement.*

*La ville de  
Prusiens  
pillee.*

*Cruauté  
enuers vn  
ieune Seigneur.*

*Autres  
cruantez  
estrangees.*

brallé par vns ie ne ſçay quels flatteurs qui applaudilloient à toutes ſes actions. Où il fit mourir Macro-duras, & vn autre portant le nom d'Andronic, tous deux ſes tres-fideles & affectiōnez ſeruiteurs. Car tenant toutes ſulpitiōs & imaginations qui lui venoient en la penſée contre vns & autres, pour vrays, auſſi toſt la mort ſ'enſuiuoit. Et neātmoins accompaignoit ſes cruau-tez du maſque de ſeuerité, parce qu'il faiſoit contenance de ne rien entreprendre ſans le decret du Senat, auquel il com-mandoit à baguette; Qui ne luy eſtoit pas vn petit auantage enuers le commun peuple pour authorizer ſes intétions. Toutesſois au milieu de ſes cruau-tez inhumaines, il delegua par les Prouinces, Commiſſaires, auſquels il aſſignoit bonnes & riches penſions, afin de ne mal-mener ſes ſujets, & leur diſoit auant leur partement, de quel-les peines il les chaſtieroit, contreuenant à ſes ordonnances. Ne uendoit les offices publics, ains les bailloit aux mieux meritez. Donna ordre par ſon Ediēt aprouué par ſon Senat, que contre l'ancienne couſtume des Romains, les nauires des marchands pouſſées par tempeſte & fortunal de mer, à quelques haures & ports maritimes, ne fuſſent à l'impourueu pillées, ains reſeruees à certain temps. Et à peu dire, il auoit ce commun dire à la bouche dōt il entretenoit ſes ſubjets. *Faites eſtat, ou de bien viure, ou de ne viure.* Qui n'eſtoient pas petits arrhements pour exciter la bienueillance des gens de bien. Et neantmoins au bout de cela il n'y eut iamais Prince, qui fit eſtat d'entretenir ſa grandeur par

*Ediēt pour  
les nauires  
ieſſees à  
bord par la  
mer.*

la cruauté comme luy. Car tout ainsi que l'Empereur Titus, en ses communs propos le lamentoit qu'une iournee se fust passée qu'il n'eust gratifié l'un de ses subiets de quelque bienfaict. Au contraire nul iour ne se passoit que ceul-cy n'eust faict mourir l'un des siens, & estoit grandement marry s'il ne l'auoit faict. Et qui pis est, non content & assouui de s'acheurter encontre le malfaicteur és actes où il estimoit y aller quelque chose du sien, il vouloit que les proches parens eussent part à la punition. Et de ce fut faict Edict expres à son tres-grand contentement. Vray moyen certes par lequel on desferroit la Republique de ses gens de bien, & d'honneur, mais en la cuidant desferter, on exterminoit par mesmes voyes le tyran qui se pensoit conseruer par icelles.

Comme il aduint à cest Andronic, lequel apres tant de tyrannies mises en œuvre, pensoit estre en seurte de toutes choses, & adioustant grande foy (ainsi que ie vous ay ci-dessus escrit) au Magicien qui luy dit au mois de Mars, qu'il y auoit homme qui lui succederoit dedans la Translation de sainte Croix, dont le commencement du nom portoit ces deux lettres I S. & qu'il prist diuerses asseurances en foy, par le conseil d'Estienne son grand confident: toutes-fois il fust chassé de son Empire, par le peuple de Constantinople en faueur d'Isaac Ange, autrement dit Comnene, qui lors fermé dedans l'Eglise ne demandoit que pardon. Or voyez ie vous prie comme les choses se passerent. Andronic qui lors seiournoit en vn sien Palais à

*Titus veut bien faire tous les iours à quelqu'un de ses subiets. Contraire effect d'Andronic.*

*Andronic chassé de l'Empire, & Isaac Comnene fait Empereur lors qu'il y pensoit le moins.*

trois ou quatre milles de la ville , ayant eu ad-  
uis & du meurtre inopiné d'Estienne son mieux  
aimé , & que le commun peuple estoit indigné  
des deportemens fascheux de l'Empereur , il  
depecha aussi tost lettres patentes dont la te-  
neur estoit , que sans entrer en plus grande co-  
gnoissance de cause , ce qui auoit esté faict e-  
toit faict , & que le tout demeueroit pardonné  
& esteint par le propre mouuement du Prince.  
Ces lettres ainsi apportees , le peuple en faisant  
litierre , l'Empereur estima que sa presence lui  
seruiroit plus que du parchemin : & sur ceste  
opinion rebroullé chemin en la ville , où il pen-  
soit estre bien accueilly de tous ; toutesfois au  
rebours de son opinion , il est assailli par le peu-  
ple , & lui se defendant au contraire , est con-  
traint de trouuer la fuite en la misericorde des  
vagues. En fin pris , & amené à l'Empereur I-  
saac. Et lors le peuple pour caresser Andro-  
nic , le frape & picque par les fesses , d'alcines  
& canifs. Luy arrache la barbe , & cheveux ;  
les femmes mesmes ne s'espargnent à le bien  
battre , & singulierement celles ausquelles il  
auoit faict mourir leurs maris : & sa main dex-  
tre luy est coupee : & en ceste façon fut me-  
né en la prison , sans pain & vin , ou autres vi-  
ures. Sa playe estanchée , quelques iours a-  
pres on lui creue vn œil , & mis sur vn Droma-  
daire rongneux , il est trainé par la ville en for-  
me de triomphe luyui de toute la populace , la-  
quelle pour le rassasier de son malalét , le pour-  
suit de nouvelles recharges , les vns le salüans de  
pierres volantes , les autres le barbouillant de

*Andronic  
traicté avec  
plusieurs  
opprobres  
par le peu-  
ple.*

*On luy  
creue vn  
œil.*

*Il est traicté  
en triom-  
phe par  
le peuple.*

fiante d'homme, par la face, l'appellant chien enragé : & vne fille de ioye entr'autres lui jettasur la teste deses fenestres, vne jattee d'eau chaude. Et pour fin de telles carelles, estant arriué à la grand place, il est pëdu par les pieds, *il est pendu par les* la teste contrebas. Là impudemment on luy *pieds, & ses parties honteuses* coupe les parties honteuses : & pour fin de ce *coupees.* piteux spectacle, reçoit deux coups d'espee en la face : dont il rendit l'ame en l'autre monde : *Sa mort.* n'ayant autre recours qu'à Dieu, en lui esclariant souuent ces trois mots, *Miserere mei Domine.* Et à bien dire, c'estoit rat en paille contre ce miserable Seigneur. Fut-il iamais vne telle metamorphose que ceste-cy? & en laquelle il sembleroit de prime-face qu'il faudroit dire ce que font ces folastres du monde, que nous appellons sage-mondains : *Mundum regit fortuna, non sapientia.* Et neantmoins ie ne leu iamais histoire dont i'ay prisse plus belle leçon, que de ceste cy. Qui sera pour vne autre lettre. Car maintenant ie veux faire surseance d'armes A Dieu.

*A Monsieur Seruin, Conseiller d'Estat, & Aduo-  
cat general du Roy au Parlemen: de Paris.*

**E** ne vous ay rié recité par mes deux pre- *Diuerses*  
cedentes lettres, que ie n'aye emprunté *considera-*  
de l'histoire de Nicetas, qui fut l'vn des pre- *tions pour*  
miers Seigneurs de Constantinople. Or voyez *seruir d'in-*  
le commentaire que i'y aporte, que prendrez *struction*  
pour ouurage de ma façon : & à la mienne vo- *aux prin-*  
lonté qu'il puisse seruir de leçon à ceux pour *ces sur les*  
*histoires*  
*precedentes.*



lesquels ie l'ay fait. Les Princes & grands Seigneurs viuans manient leurs actions, ores à l'ouuert, ores à couuert, selon que les necessitez publiques, ou volentez particulieres leur commandent, & estans allez de vie à trespas, les belles plumes font leurs histoires, que nous lisons; mais vaine en est la lecture, si nous, comme plus proches de nous, ne les tournons premierement en tout honneur à nostre profit: pour en faire puis apres selon les occasions, part aux autres. Voyons doncques quels iugemens i'ay fait sur ce que ie vous ay deduiet de Iean, Emanuel, Alexius, Andronic, quatre Empereurs, & Zeté mere d'Alexius: Mais foustel si, que vous aussi iugerez de mes coups: Car sous autre condition ne les vous ay-ie voiez.

Premierement ie voy vn Iean Comnene Empereur de Constantinople mourir chargé de deux fils masles, Isaac aîné, & Emanuel puisné, l'aîné seiournant à Constantinople pour la conseruation del'Estat à son pere, lors absent pour les guerres qui se presentoient: Le puisné estant pres du pere, entouré d'une forte armee. Et se voyant le pere pres de son trespas, institua par son testament pour son successeur, ou par ses importunittez, ou par vn ie ne sçay quel droict de bien-scance, le puisné estant lors present. Le tout au preiudice d'Isaac son aîné. Empire qu'Emanuel se sceut fort bien conseruer par la diligence & entremise de Iean d'Abruché son premier & principal confident. Qu'aduint-il de ce nouveau &



inaccoustumé iugement : Emanuel iouit de l'Empire : Mais Andronic qui representoit Isaac son pere apres son decés , estimoit que Iean son ayeul luy auoit faict tort , & que la Couronne apartenoit à son pere , par vn droit d'ainesse , qu'il auoit aporté du ventre de sa mere quant & soy. Delà, perpetuelle desiance entre les deux Princes : L'un desirant perdre celuy qu'il voyoit luy dresser nouueaux aguets pour le surprendre : L'autre en fuyant deçà & delà , espier ses apoints pour atteindre à son intention : l'un fondé en la disposition testamentaire d'un pere , qui n'est pas petite ; l'autre au droict coustumier de nature , qui ne semble de moindre , ains plus grand effect. L'oncles'aydoit du long laps de temps qu'il auoit iouy de l'Empire : Qui sembloit prescrire tout ce dont on se vouloit ou pouuoit ayder de la nature : le neveu se pretextoit de sa volonté , qui auoit tousiours esté empeschée en la non iouissance par la force de son ennemy. Qui luy estoit vn perpetuel destourbier infracteur de toute prescription. O combien me plaist la sentence de feu Messire Claude de Bresmont seigneur de Balanzac , Gentilhomme des plus nobles & anciennes maisons de la Xainctonge , en la memoire duquel ie pense auoir quelque part , pour auoir esté sa fille ainsee mariee avecques mon fils le Maistre des Requestes. Ce Seigneur estant sur le poinct de sa mort est sommé par la Dame de Balanzac sa femme

*Querelles  
& desfiage  
entre deux  
freres.*

*Voix digne  
d'un pere à  
la mort  
pour le fait  
de sa suc-  
cession.*

*Remarques  
pour les  
Rois &  
Princes.*

de vouloir tester, singulierement au proffit d'vns & autres ses enfans. Je n'en feray rien ( dit-il ) la Loy est plus sage que moy, laquelle y a des pieça pourueu : elle seule est mon testament. Entendant sous ce mot de Loy, la coustume du pais à laquelle il estoit naturellement obligé. Il y auoit de la sagesse en l'Empereur Iean, mais beaucoup plus en la coustume de tout temps & ancienneté pratiquée en faueur des masses aisnez. Quelque souueraineté & grandeur qui nous accompagne, vn Empereur & vn Roy doiuent fuir comme vn escueil le contentement de leurs volontez particulieres, pour mescontenter la Loy generale. Comme cela n'estant autre chose, qu'vn seminaire & pepiniere de dissentions & guerres ciuiles, vrayes meres de la ruine d'vn Estat. Et à vray dire, s'il n'y eust eu que ceste consideration en Andronic, ce nous eust esté sujet de l'excuser pour la iuste componction & douleur qui pouuoit seiourner en son ame. Mais en tous ses deportements il mesloit le bien & le mal ensemble, qui luy estoit chose indifferente, moyennant qu'il executast ses passions ordinairement desreiglees : & avecque la cruauté qui luy faisoit bonne compagnie, l'inceste en matiere de femmes & espouses, luy estoit fort familier, fueilles qui couuroient toutes les entreprises induës que il pretendoit auoir esté faictes sur son pere & luy.

Andronic s'arma de toutes sortes d'hypocrisie pour faire sa paix avecques Emanuel son oncle, qui auoit eu vn petit enfant de sa femme Zeté. Et neantmoins en paix faisant confina son neueu à Oeton lieu de plaisir, où il pourroit viure avec toute seurté de sa personne, estant entretenu d'une bonne & grande pension pour l'entretienement de luy & des siens. Mais ne voulut qu'il aprochast plus pres de luy; Sachant que la longue vie ne luy auoit rien osté de la Principauté par luy pretendue, qui n'estoit pas vn petit conseil. D'ailleurs il se voyoit assisté d'un long laps & prescription de temps. Quelque temps apres il decede delaisant pour son successeur Alexius son fils, ieune enfant. Je ne sçay si durant sa vie Zeté la femme s'estoit esperdue en vn autre Alexius l'un des principaux Capitaines de feu son mary: toutesfois apres son decés, elle ne s'en cacha pas grandement : & sous ces arrhes eux deux ayant le ieune Empereur en leur possession, prindrent le gouuernement de l'Empire. Qui occasionna le commun peuple de mutiner: voire les plus grands, & signamment la Princesse Marie fille du premier liect de l'Empereur Emanuel, qui enuoya lettre expresse à Andronic, le priant, & interpellant comme plus proche Prince du sang, de quitter son habitation d'Oeton, & venir en cour exercer ce qu'il estoit tenu de faire pour la proximité du lignage, dont il estoit attenu enuers l'Empereur Alexius pour la bassesse de ses ans. A ce commandement le Prince s'achemine, en bonne de-

liberation d'y faire de là en auant les affaires, selon qu'il auoit tousiours proiecté, mais caché dedans le fonds de son ame. Chacun s'esfioit de son acheminement: & pour le fauoriser dauantage est mis à mort l'amoureux Alexius, qui auparauants'estoit donné toute puissance sur le gouuernement de l'Empire. Arriué ce Prince bien accueilly & de l'Empereur Alexius, & de Zeté, sa mere: Ils s'employe aux affaires selon que l'ancienneté de son aage, & proximité de parentelle desiroit. Mais la presence de la mere empeschant aucunement ses desseins, elle par la faction de luy mise à mort, ils'en fit croire puis apres comme il vouloit. Demeurons là premier que de passer plus outre. Estimez-vous point qu'en ces deux morts violentes de ce grand Capitaine Alexius, & l'Imperatrix Zeté, ne fut executée la justice de Dieu par l'iniustice des hommes? Si la Princesse veufue selon le deu de sa viduité se fut contenüe en sa chasteté, & Alexius en l'obeissance de Capitaine, chacun demeurant dedans les limites de son deuoir, ny le peuple ne fut entré en gorgouille, ny le parent n'eust esté appellé, ny arriué il n'eust ozé rien attenter de nouveau sur la vie de ces deux personages. Ils furent premierement maniez d'amourettes induës: & Dieu permit aussi qu'ils furent induëment occis, pour enseigner aux Princes & Princesses, qu'ils ne doiuent mesler leurs passions priuees, auecques les affaires d'Etat. Mais voyons maintenant ce qui aduint à Andronic.

*Iustice de  
Dieu execu-  
tee par les  
hommes.*

Ce Prince plus proche de sang apres la mort de cette Princesse, pensoit auoir atteint au comble de tous ses souhaits: car il n'auoit plus en teste que le ieune & petit Empereur, luy qui d'ailleurs n'auoit autre but en l'ame que de paruenir à cette Couronne. Laisant à part plusieurs particularitez, par moy deduites par mes dernieres il recoit dieu en l'Eglise, & sur sō S. Sacremēt iure & proteste n'estre pousé d'autre desir que de la manutention du petit Empereur & de son Empire: toutes fois peu apres il le fait mourir. Et se voyant seul Empereur exerce toutes sortes de cruantez, tant contre les grands que petits, contre citoyens & Estrangers, conioint sa cruauté ordinaire avecques vn faux pretexte de iustice, pensant que par ce moyen sa tyrannie, qu'il appelloit domination, seroit entretenue: En fin adioustant foy aux predictions d'vn diable, Dieu permet pour sa folle creance, que ces predictions sortent effect à sa ruine, lors qu'il pensoit estre le plus asseuré. Et qu'il perdit son Estat par ce luy qu'il pensoit estre esabismes de toute misere, que le peuple substitue en son lieu, & meure par les mains de ses subiects, auxquels auparauant il donnoit tout loy à sa volonté.

Qu'est-ce cecy autre chose qu'vn sage doctri-

nal aux Princes, qui leur enseigne de ne se fier à leur lignage, ny à tous leurs conseils terrestres, ains à Dieu, & que toutes & quantes fois que sous pretexte de leur lignage accompaigné de leurs cruantez pour regner il l'oublieront, Dieu par mesme moyen les oubliera,

*Sage Do-  
ctrinal aux  
Princes.*

sans aucune opinion, ou esperance de ressource. En effect voila le fruit que i'ay rapporté de cette histoire. Dieu vueille qu'elle soit leuë par les Princes mesmes, & Princesses; Car c'est à eux & à elles que ie veux adresser ce paquet. Que si en trouuez quelques autres, comme estes homme qui n'ignorez rien, ie vous suppliem'en faire part, comme à celuy qui est du tout vostre pour vous obeïr. A Dieu.

*A Monsieur Seruin, Conseiller d'Estat, & Advocat general du Roy au Parlement de Paris.*

*Remarques  
sur la fortune  
du  
Pape Sixte  
V.*



Refus, puis que nous sommes vous & moy fondez en l'histoire, ie vous en veus raconter vne de laquelle receurez contentement & edification tout ensemble. Quant à moy ie veus croire n'y auoir plus grande dignité en ce bas estat que la Papauté, non seulement pour l'estofe, en laquelle il n'est question que de Dieu, & de son Eglise; mais aussi pour la façon: D'autant que ceux qui y paruiennent sont du commencement de basse qualité; mais croissant d'aage se font petit à petit grands par leurs merites & vertus, ayant banny toutes passions, quoy que soit la plus grande partie, & estans vieux sont en fin par election appelez à la Papauté inesperément, & le plus souuent lors que moins ils y pensoient. Que si entre toutes les Principautez cette cy est la plus grande, ie veus croire nostre Pape Sixte auoir esté l'un des premiers. Et

*Les Papes  
du commence-  
ment de  
basse condi-  
tion.*



parce que par mes dernieres nos discours ont esté sur le fait del'Empire de Rome, premier que de passer plus outre ie vous diray qu'entre les anciens Empereurs ie n'en voy aucun qui fust de si basse condition & vile fortune que *Basilus sorty de fort bas lieu, & dont on ne scauoit l'origine, fait Empereur y regne fort heureusement.* Basilus, duquel on ne peust iamais cognoistre qui estoient ses pere & mere. Melmes fut vendu en qualité d'esclaue à Constantinople: toutesfois il conduisit depuis ses affaires avecques tant d'heur accompagné de sagesse, qu'effeuillant auecques le temps sa bassesse, il fut en fin proclamé Empereur, & imperial'espace de vingtans entiers, auec telle preud'homnie, qu'il laissa sa Couronne successiuellement à deux siennes generations, de fils, & arriere-fils.

Vne plus signalee fortune trouuerez-vous en nostre Pape Sixte V. que i'ay aprise de nostre Marquis Pisany, vray patron de Saincteté dedans nostre siecle, qui me recita l'auoir apri-  
*Le Pape Sixte V. garde les perceaux pour son premier mestier.*  
 se par la bouche de ce grand Pontife. Lequel de son premier mestier gardoit les pourceaux. Et comme il estoit en ce bel exercice aux châps, aduint vn si grand orage de pluye, que deux Cordeliers voulant passer par vn rut, qui estoit infiniment accru par cette pluye extraordinaire, ils furent contraints d'auoir recours au porcher, lequel estant nuds pieds les passa l'vn apres l'autre sur ses espauls. Et eux le recommandant à Dieu, sans bource deslier, luy conseillèrent de se rendre des leurs en leur Monastere, & luy feroient obtenir place selon sa qualité, qui estoit de Religieux Laic, que nous appellons autrement Boute cul.

*Il se rend  
Cordelier,  
où il est  
serf.*

Offre qui ne tomba en sourde oreille. Par ce que quelque temps apres il se rendit vers eux, quiluy firent auoir place telle qu'ils luy auoient promise. Et depuis exerçant l'office de serf, s'adonna toutesfois cependant aux liures, & y profita de telle façon, qu'il fut fait Religieux avecques les autres freres Reguliers, & promu aux Ordres. entre lesquels il vesquit en telle reputation, que le General de son Ordre le fit son Procureur, & l'enuoya à Rome, où il fut long temps près du Pape Pie V. Charge en laquelle il se comporta avecques tant de sagesse, & dextérité, qu'il luy plaisoit entre tous les autres. et comme son General aucunement ialoux de cette grande faueur luy eust par lettres commandé, qu'il retournast au Couuent, & qu'il se fut présenté au Pape, pour prendre congé, suiuant le commandement de son maistre, Pie ne le voulut permettre, ains manda au General qu'il auoit affaire de son Procureur. De maniere qu'il l'enuoya quelque temps apres en Piedmont pour quelque affaire qui importoit au S. Siege. Luy party, & pendant son voyage, le General estant allé de vie à trespas, le Pape, pendant l'absence du Procureur, luy confere cette charge de General, qui est grande entre les Cordeliers. Ce Religieux est à son retour de Piedmont assiégué d'une forte pluye, & comme il se vouloit mettre à l'abry dedans un monastere de son Ordre en la Lombardie, la porte luy ayant esté ouuerte au son d'une clochette, soudain qu'il eust dit son nom le portier court au Prieur, & l'aduer-

*Puis Gene-  
ral de l'Or-  
dre en son  
absence.*

tit que leur General estoit à la porte. Adonc luy & tous les Religieux y accourent avec la Croix, la banniere, & l'eau benite, & se presentent à luy avecques vne grande soubmissiõ. *Avec quelle action il en fait la nouvelle.* Lequel ne scachant sous quel titre ils l'auoient ainsi accueilly, ils luy dirent que c'estoit l'honneur qu'ils deuoient à leur General. Chose dõt il n'auoit encores eu aduis. Et en cette façon apres auoir fait vne deuote procession, ils entrent dedans le Chœur de l'Eglise. Il est assis sur vne chaire, & adoré par les Religieux, qui tous agenouillez luy baissent l'un apres l'autre les mains, suiuant l'ancienne coustume. Et apres auoir esté en toute humilité bien-veigné par les siens, il reprit son chemin vers Rome, où il fut chery par le Pape, & apres luy auoir fidelement rédu raison de sa Legation, il fut quelques iours ensuiuant par luy gratifié d'un euesché, ainsi cõme il iardinoit (exercice auquel *il est fais Euesque.* apres auoir seruy Dieu il prenoit singulier plaisir) & quelques mois apres fait Cardinal lors que moins il y pensoit. Et neantmoins si peu *Puis Cardinal.* riche, qu'en cette grande dignité il auoit pris la charge de la vigne, c'est à dire du Palais de Plaisance de Tiouly, appartenant à monsieur le Cardinal d'est, de la maison de Ferrare. Aduiuent la mort du Pape Gregoire xiii. par laquelle les deux Cardinaux faiseurs de Pape (c'estoient les Cardinaux d'Est, & de Farnese, par deuers lesquels les autres auoient baillé diuersement leurs voix pour la Papauté, celuy d'Est pour la maison de France, l'autre pour celle d'Espagne) se trouuerent grandement

partializer, ne pouuants donner coup  
 assuré à leurs deuotions, que les bons com-  
 paignons appellent brigues : en fin furent con-  
 traints de seranger à celuy qui estoit le plus es-  
 longné du plat, sur lequel nul du Conclau  
 n'auoit auparauant ietté l'œil : Le veux dire  
 sur nostre pauvre Cardinal, lequel ayant esté  
 nommé Pape, prit le nom de Sixte V. lequel  
 se rendit du depuis si admirable par dessus tous  
 ses predecesseurs, tant à l'embellissement de la  
 ville que police generale, qu'aucun autre n'ar-  
 riuaiamais à son parangon. Et pour ne faire es-  
 tat de tout, ie diray seulement qu'il releua l'Ai-  
 guille de Virgile, que plusieurs deses deuan-  
 ciers auoient voulu releuer, mais non peu : &  
 non content de cela la fit poser tout de son  
 haut & long ; à quoy nul autre que luy n'a-  
 uoit lceu iamais atteindre. En outre extirpa  
 plusieurs Seigneurs scelerez, qui abusoient de  
 leur grandeur au preiudice du peuple & du pu-  
 blic. Et apres auoir chassé les aucuns des ban-  
 nis, qui faisoient dix mille rauages sur les pas-  
 sants, estonna de telle façon les autres des pais  
 où ils habitoient, qu'ils en furent en tout &  
 partout netoyez, au grand contentement des  
 passants. Le Seigneur Pilany estoit lors Amba-  
 sadeur pour le Roy à Rome, avecque lequel  
 ce grãd Prelat, estant seulement Cardinal, auoit  
 cōtracté amitié. Et comme depuis il se trouua  
 avecques luy sur le Chasteau Saint Ange ; a-  
 pres auoir esté appelé à la Papauté, dõt ils con-  
 temploient toute la grandeur de la ville, le Pa-  
 pe luy dit ( ainsi me l'a le Marquis depuis recité )

*Est créé Pa-  
 pe Sixte V.*

*Il releue  
 l'Aiguille  
 de Virgile.*

Vous

Vous voyez quelle part i'ay maintenant à ceste grande ville: & ie vous puis dire comme chose tres-vraye, que la premiere fois que i'y entray, i'estois pieds nuds & deschaux, portant dedans ma bezace, d'un costé mes sabots, & de l'autre mon pain pour viure. Tout ce que ie vous ay ci dessus discouru, ie le tiens en foy & hommage de monsieur de Pitany, l'un des plus sages preud'hommes que nous ayons iamais halené en ceste France. Duquel ie vous puis dire cōme d'une chose que i'ay veüe, car i'auois cest honneur de le frequenter souuent, qu'il ne beuuoit ny eau ny vin, ni toute sorte de bruuage: comme celuy qui passoit sa vie sans boire: vray que pour supplément, le fruitage dont il vsoit, luy estoit fort familier & commun. Mais tant y a, que ce que ie vous escry est aduenü de nostre temps, & merite à mon iugement d'estre sçeu pour le rang qu'il tint en la Frâce: Ayant eü le Gouuernemēt de M. le Prince de Condé, pendant sa ieunesse, proche Prince du sang entre les nostres. Mais pour ne m'eslongner de mon but, vous ay-ie rié dit en tout ce que ie vous ay discouru de nostre grand Sixte, en quoy vous ne voyez des miracles tres-expres de Dieu? Et à peu dire, vous serez bien empesché de dire auquel y en a plus, ou à l'ancien Basile Empereur, ou à Sixte nostre nouueau Pape de Rome. A Dieu.

*M. de Pi-  
any ne  
beuuoit ny  
vin ny  
eau.*



L E  
Q V A T O R Z I E S M E  
L I V R E D E S L E T T R E S  
D'ESTIENNE PASQUIER.

*A Monsieur le Comte de Sanzay.*

*Recit au  
long de la  
mort de  
Henry 3.  
par le coup  
fatal d'un  
Iacobi.*



Execrable parricide ! Qu'un Moine ait esté si malheureux & meschant d'assassiner son Roy ! Roy', di-je, le plus Catholique qui fut oncques entre tous les Catholiques ! Mais pour vous discourir tout au long de ceste detestable tragedie ; Vous sçavez que ce pauvre Prince , apres qu'il fust sorty de Tours pour aller assieger Paris, se fit voye par Iargeau , Plouviars , Ginuile, Estampes, Pontoise ; villes qu'il reduisit sous son obeïssance, les vnes par force, les autres par composition. De là s'estant du tout voüé à la prise de Paris, il se loge au pont de S. Cloud. Le bruit est que ceux de la ville reduits en vn desesperoir, sont contrains d'auoir recours à ce dernier poinct. Il y auoit au Monastere des Iacobins vn frere Iacques Clemét, autrefois soldat, natif d'un village pres de Sens. Cettuy se trouue tout propre pour l'exécution d'une si damnable entreprise, & est tellement suborné par

*Iacques  
Clement  
moine au-  
paruant  
soldat.*



les persuasions de son Prieur , nommé Bour-  
gouin, qu'il sort le dernier iour de Iuillet, bien  
deliberé de n'y faillir. Or voyez comme quand  
nostre heure est venuë, nous ne la pouuons  
fuir. Le Roy deux iours auparauant auoit re-  
ceu vn petit billet d'vne Damoiselle de bon  
lieu, qui estoit dans Paris, par lequel elle l'ad-  
uertissoit qu'il eust à se tenir sur ses gardes, par-  
ce qu'il y auoit trois hommes qui s'estoient re-  
solus à sa mort : chose qu'il descouurit à mada-  
me la Duchesse de Rez, qui l'estoit venu saluer.  
C'est celle dont i'ay entendu ceste histoire. Et  
comme elle luy eust respondu, qu'il se deuoit  
doncques mieux garder qu'il ne faisoit, & pen-  
ser que de sa vie dependoit la conseruation  
de tous ses bons & fideles subjects ; Il luy re-  
pliqua, qu'il s'en remettoit à la volonté de  
Dieu, qui le conserueroit s'il le voyoit neces-  
saire à son peuple, & s'il ne l'estoit, il se dis-  
posoit fort liberalement à la mort. Nonob-  
stant cest aduis il ne laissa de donner entree  
dans son Cabinet à ce moine ; Tant ce bon  
Prince auoit de fianceaux Ordres de Religio.  
Ce moine faignât de luy vouloir dire quelque  
chose de secret pour son seruice, le tire à part  
sur les huit heures du matin ; & apres l'auoir  
entretenu de quelques choses friuoles, tira vn  
cousteau de sa manche, dont il luy donna droit  
dans le petit ventre, au dessous du nombril, sans  
toutesfois offenser aucun boyau, ains les vaines  
mezeraiques. Il ne porte pas loing ce coup ; car  
dés l'instant il est tué ; & le iour mesmes son  
corps mort tiré à quatre cheuaux, puis bruslé.

*Aduertis-  
sement au  
Roy qu'il  
eust à se  
prendre  
garde.*

*Sa resigna-  
tion au  
vouloir de  
Dieu.*

*Coup fatal  
du Iacobi.  
Le Iacobi  
tué, & son  
corps tiré à  
quatre  
cheuaux &  
bruslé.*

En ce malheureux accident encores luy en aduint-il vn pire: Car estant couché dans son liét, ses Medecins & Chirurgiens, apres le premier appareil luy ordonnent vn Clistere, pour scauoir s'il y auoit quelques intestins offéssez. mais ne rendant aucune matiere sanglâte, ils estimerent qu'il estoit hors de danger de mort. Cependant ayant les vaines mezeraiques blessées, il vuidoit son sang peu à peu dâs son corps; Qui luy cauſoit de grandes defaillâces. Ny pour cela les medecins ne desespéroient de sa vie. Mais luy plein d'entendement donna ordre toute la matinee, & vne bonne partie de l'apresdinée à gouverner vns & autres; Mesmes le Roy de Nauarre, qu'il admonesta de prendre garde à foy; n'estimant que ceux qui lui auoient brassé ceste trahisô, le voulussent laisser de reserue. De là il enuoye quelques Gétilshômes aux troupes des Suisses nouuellement arriuees, afin que par cest inopiné changement ils ne changeassent de deuotion. Sur les neuf heures du soir, vn medecin du Roy de Nauarre, luy maniant le poux, obserua qu'il estoit affoibly de telle façon, qu'il n'y auoit plus de remede. Il estoit lors assisté des Seigneurs d'Espernon, Bellegarde, Larchant, & Clairmont d'Antragues; Qui tous le voyans deffaillir cômencerét de l'exhorter de son salut, au moins mal qu'il leur fut possible, avec grâds larmoyemets. Luy d'vn autre costé fit vne belle oraison à Dieu; & comme il s'acheuoit, Bolongne, l'vn de ses Aumosniers, luy apportela S. Hostie. On le souleue pour la receuoir; & cômme elle lui est portee iusques à la bouche, il la baise;

& des lors la parole, & toutes ses forces luy de- *Henry 3.*  
 faillent; Ne faisant de là en auant que rasser; *réd l'Ame*  
 iusques à ce qu'en fin il rendit l'Ame à Dieu, *E en quel*  
 sur les trois heures du matin; & trois iours apres *estat.*  
 les nouuelles de sa mort nous furent apportees  
 à Tours.

Je vous veux dire vne chose de moy, qui me- *Exhortatiō*  
 rite d'estre par vous sçeuë. Je composois vne *de M. Pas-*  
 exhortation aux François, pour les exciter à l'o- *quer aux*  
 beïssance de leur Roy; adressant ma parole, tã- *François.*  
 tost aux Princes, tantost aux Predicateurs, allu-  
 mettes de nos troubles & diuisions. En fin arri-  
 uant sur le commun peuple, & specialement de  
 Paris, entr'autres choses ie le priois de n'adiou-  
 ster tât de foy aux moines comme il faisoit; les-  
 quels ordinairement pendant les guerres ciuiles  
 engageoient à beaux deniers comptans & leurs  
 langues & leurs consciences aux Princes qui les  
 mettoient en besongne. Et sur cela luy remon-  
 strois, qu'il prist garde qu'en l'Euangile de la té-  
 tation faicte à nostre Seigneur, les Peintres re-  
 presentent Satan habillé en moine. Non que  
 par cela ils voulussent dire que la vie monasti-  
 que eust quelque cōmunauté avecques le dia-  
 ble, comme quelques vns publioient; mais bien  
 pour nous enseigner, qu'il n'auoit plus prompt  
 moyen de surprendre nostre simplicité, que sous  
 cet habit de pieté & de Religion. Comme ie  
 mettois au net ceste piece, nous receuons dedãs  
 Tours la nouuelle de ce malheureux parricide;  
 & dès l'instant i'abandonnay ma prise, me con-  
 tentant de mettre au dessous de mon discours  
 ces mots; *Quel'aduis, que nous en auions en presen-*

tement m'auoit fait delaisser mon ouurage. Cela est encores au milieu de mes papiers. le prie dieu, qu'il luy plaife auoir pitié de l'Amé de ce pauvre Prince, lequel apres plusieurs trauerfes, est comme ie m'aileure, en repos. A dieu. de tous ce v. d'Aoust 1589.

*A Monsieur Tambonneau, S. du Bouchet, Conseiller d'Estat, & President en la Chambre des Comptes.*

*Considerations & discours sur la mort & sur la vie de Henry 3.*

**P**Lusie passe & repasse sur la mort du feu Roy, que Dieu absolue, & plus ie me perds en mes pensers ; voyant ce grand Roy auoir esté assassiné au milieu d'une puillante armee, dedans sa Chambre, ainçois dans son Cabinet, assisté de ceux qui eullent voulu immoler leurs corps pour sa vie ; mesmes par vn petit bout de moine, apres auoir eu aduis qu'on vouloit attenter sur luy. Voire qu'il n'a pas esté que sa playe n'ait trompé ses Medecins. De moy, ie ne pense, que dés & depuis mil ans il y ait histoire de Roy, qui merite mieux de passer par les mains d'une bonne plume, comme la sienne. Iamais Prince n'eust en sa ieunesse vne fortune plus belle ; & iamais Prince sur l'aduancement de son aage ne l'eust plus fascheuse & rebource que luy. Chose que ie me delibere de vous reciter de point en point par ceste Lettre, moyennant que ie ne vous sois ennuyeux. Et vous discourray, s'il m'est possible en brief, sans rien toutesfois obmettre, toutes les vertus de l'Amé & du corps qu'auons veu reluire en luy ; & par mesme moyen les bonnes fortunes. Et en apres, comme toutes cho-

les luy tournerent visage, au grand regret de ses bons & fidelles subiects, & dommage general de toute la France.

Il estoit d'une riche taille, d'un esprit delié, d'une belle conception, de facile accez, bien emparlé, patient de labeur le possible esexercices de guerre ou de paix; Prince qui dès ses ieunes ans auoit appris de dissimuler les injures particulieres qui luy estoient faites; mais non celles qu'il estimoit frapper à l'Estat, lesquelles il portoit impatiemment; & qui est une vertu sans pair, combien que la ieunesse des Princes soit ordinairement plus disposée aux folastries que deuotions, toutesfois il se monstroït lors plein de pieté, & zelateur admirable des ceremonies de nostre Eglise. Ce que quelques esprits imputoient à hypocrisie. Mais soit que ce fut l'un ou l'autre, cela ne se pouuoit loger qu'en une Ame qui outrepassoit d'un grand traict son ieune aage; Ayant à estre quelque iour chef de part de nostre Religion, Catholique, Apostolique, Romaine, auparavant que d'arriuer à la Couronne.

Or tout ainsi qu'il fut doiüé d'une infinité de bonnes parties de l'Ame & du corps; aussi eust-il une fortune de mesme. Car apres que M. le Cō. nestable de Mōtmorency fut mort en l'an 1567. & son Estat avec lui, le Roy Charles fit ce ieune Prince, aagé lors seulement de 14. ans, son Lieutenant general par toute la France; Qui estoit à bien dire un Vice-Roy, la maison duquel estoit le ressort general de toutes les affaires du Royaume. Et encores que pour son ieune

*Ses belles  
& rares  
qualitez  
de l'Ame  
quedu  
corps.*

*Sa fortune  
variable,  
heureuse du  
commence-  
ment, puis  
fort desu-  
stree.*

*Il fut Lieu-  
tenant ge-  
neral de  
son frere  
par toute la  
France.*

*Ses deux  
victoires  
absolues.*

*Victoires  
douteuses.*

*Il est fait  
Roy de Po-  
longne en  
pleins Ce-  
mises.*

*Et Roy de  
France vn  
an apres.*

aage il n'y seruiſt du commencement que d'ima-  
ge, ſi eſt-ce qu'eſtant traité en la preſence tout  
le faiſt de la guerre & des finances, pendant  
que le Roy ſon freres'amuſoit à tous exercices  
de corps violents, ce ne luy eſtoit vne petite le-  
çon pour le faire à la longue grand Maiſtre és  
matieres d'Eſtat. Auſſi luy ſuccederent depuis  
les affaires ſi à propos, qu'il obtint deux victoi-  
res abſoluës encontre les huguenots; l'vne en la  
Iournee de Chateau-neuf, où fut occis M. le  
Prince de Condé, l'autre en celle de Mont-cô-  
tour, où l'Admiral de Chaſtillon fut bleſſé, &  
quatorze mille des ſiës tuez. Ie dy expreſſemēt  
victoires abſoluës; car ni en la bataille de Dreux  
de l'an 1561. ny en celle de S. Denys de 1567. en-  
cores qu'elles fuſſent cōduites par des premiers  
guerriers & Capitaines de noſtre ſiecle, ſi eſt-ce  
que nōs victoires tomboient en balance: chacū  
tant d'vn que d'autre party, ſe perſuadoit d'a-  
uoir eſté le victorieux; & ſur ceſte opinion ren-  
doit diuerſement graces à Dieu. Mais quant à  
celles de ce ieune Prince, ce fut tout autre ren-  
cōtre. Choe qui lui aporta tāt de renōmee par  
toute l'Europe, qu'é pleins Comices on le pro-  
clama Roy de Polōgne le iour & Feſte de la Pē-  
tecoſte 1573. & vn an apres iour pour iour il fut  
auſſi fait Roy de France, par le decés du Roy  
Charles ſon frere. Fut-il iamais plus grande &  
heureuſe fortune que ceſte-cy? Pour accom-  
pliſſement de laquelle voicy encores ce que  
Dieu permet. Le Roy Henry ſon pere auoit eſté  
caſuellement tué en vne iouſte par le Seigneur  
de Montgommery. Il n'y auoit en luy faute



aucune, sinon qu'en tels accidens signalez, les malheurs sont estimez pour grâds crimes. Aussi la Roine Mere ne deliroit rien tant en communs propos, que de voir exposer la teste sur vn elchaffaut. Dieu permit qu'apres le decés du Roy Charles, il s'empara de Danfron, S. Lo, & Carentan, dont il fut chassé, & pris par le Seigneur de Matignon. Son procès luy est fait & parfait, & peu apres il fut decapité deuant l'hostel de ville de Paris, pendant la Regence de cetté Princesse. Tellement que le commencement du Regne de Henry III. fut par occasion l'expiation de la mort du Roy Henry II. son pere. Recherchez tout l'ancienneté, vous n'y trouuerez l'histoire d'un ieune Prince plus honorable que cette-cy. I'en'en excepteray, ny celle d'Alexandre le Macedonien, ny celle d'Octauien Romain, depuis surnommé Auguste.

Iusques icy ie ne trouue rien en luy que digne d'un tres-grand Monarque. Car, à vray dire, tant qu'il eust le Roy son frere pour obiect, il fut retenu en toutes ses actions, pour le respect qu'il luy portoit; Mais soudain qu'apres la mort par un grand flux de fortune, il se vit appellé à nostre Couronne, il commença de changer de mœurs, & le changement de les mœurs raualla aussi sa fortune: De maniere que delà en auant tout ce que le commun peuple luy attribué à grand heur, si i'en suis creu, ce neluy fut que malheur. Je commenceray par sa promotion à nostre Couronne, qui estoit le plus haut poinct, qu'il pouuoit souhaiter en

*Montgomery pris  
& decapité pour auoir tué  
Henry II.*

*Changement de  
mœurs de  
Henry III.  
estant arrivé à la  
Couronne,  
luy change  
sa fortune.*

*Ses premières de Roy-  
auté mal  
digérées.*

*Ce qui luy  
occasionna  
plusieurs  
guerres.*

discours humain. Considérez, ie vous prie, quelle fut la retraite de Polongne, quelle son entrée dans la France; combien il mécontenta sa Noblesse qui l'alla d'un cœur franc saluer en Auignon; Ce qui luy aduint pour ses premiers exploits d'armes au Pouzin, & Liuró; La reddition qu'il fit de quatre villes de Piedmont, qui tenoient le Sauoyard en bride; les liberalitez premières de deux eueschez dont il gratifia le Capitaine le Gast; Tout cela représenté de son long sur un papier non passionné, par une plume hardie, ie crains qu'il n'en laidisse grandement tout ce qui estoit de beau en son hystoire précédante. Adioustez que peu apres son arriuee, n'ayant voulu embrasser tous ses subiects d'une mesme balance, ainsi que l'Empereur luy auoit conseillé de faire passant par ses païs, il fut depuis salué, non seulement de la guerre du Huguenot, dont le Roy de Nauarre, son beaufrere, estoit chef, mais aussi du Catholique malcontent associé, conduit par monsieur le Duc son frere, sous un pretexte exquis & recherché de la reformation de l'Estat.

Et toutesfois les choses se comporterent en luy les trois premiers ans de son Regne, assez passablement. Les afflictions des guerres ciuiles le firent demeurer en soy; Celle du frere fut assoupie par la dexterité de la Roine leur mere; mais avec conditions grandement aduantageuses pour l'Apanage d'un puisné; Et quant à celles du beaufrere, le Roy en voulut estre le premier auteur, & suivre les enseignemens

à luy baillez par l'Empereur, dont il auoit esté  
destourné à Chambery par la Roine sa mere,  
& par son Chancelier de Birague. Il empoi-  
gne le fait de la paix en main, & enuoye les  
instructions & memoires pour y paruenir, de *Paix faite*  
cette façon qu'elle fut en fin concludë. Dont il *par luy*  
fit apres grand trophée; Par ce qu'il trompet- *qu'il ap-*  
toit en tous lieux, que cette paix estoit sienne, *pellote sa*  
de laquelle il seroit garend tant qu'il viuroit. *paix.*  
Et neantmoins il l'entretenoit de telle façon,  
que sans venir aux mains il faisoit vne forte  
guerre au Huguenot. Car n'estans les grands  
appelez aux gouuernemens des Prouinces & *Charges*  
villes, ny pres de luy; & les mediocres malaisé- *mal distri-*  
ment receus aux Estats de Iudicature & des *buees.*  
Finances, il y auoit peu de peres qui voulussent  
que leurs enfans courussent pareille fortune  
qu'eux. Quoy? y eust il iamais trait plus sage &  
magnifique, ny dont on se deust promettre  
plus de fruit, pour reduire au giron de nostre  
Eglise ceux qui estoient deuoyez? Ce nonob-  
stant ie vous puis dire, que cette paix qui fut  
faite & arrestee en l'an 1577. est le fondement  
general de nostre ruine. Iamais guerre ne cou- *Paix fon-*  
sta tant à la France comme cette paix; Et nous *dement de*  
importoit plustost d'estre tousiours plongez *nostre rui-*  
dans vne profonde guerre. Ie m'assëure que *ne.*  
de prime-face iugerez cette proposition pro-  
uenir d'un cerueau bizarre: & neantmoins ie  
ne vous dy rien, qui ne soit vray. Car le natu-  
rel du Roy estoit de demeurer en ceruelle,  
quand il se voyoit affligé; Et au contraire de  
se lascher trop aisément la bride, lors qu'il e-

estoit en prosperité. Ce qui luy aduint apres  
 qu'il eust pacifié toutes choses ; d'autant que  
 pensant estre au dessus du vent pour n'auoir  
 plus aucun ennemy ouuert par la France, il se  
 laissa emporter à la mercy de ses volonte<sup>z</sup>. Et  
 sur ce pied, estimant que toutes choses qu'il  
 desiroit, luy estoient loissibles, il espousa en  
 son particulier ie ne sçay quels petits passetemps  
 & deduits domestiques, dont il changeoit de  
 six en six mois, ou d'an en an pour le plus; Qui  
 le firent tomber au mespris de ses subiects, au-  
 parauant idolatres de sa fortune. Et quant au  
 general, il se dispensa en vne infinité d'opiniōs  
 & de liberalitez extraordinaires, qui reduisi-  
 rent ses affaires en vn abyssine, dont ie laisse  
 l'inuentaire au Suetone qui fera sa vie. De sor-  
 te qu'en peu de temps il accueillit, & le mes-  
 contentement des plus grands, & la haine des  
 moyens & petits au grād creue-cœur de ceux  
 qui luy auoient voué vne obeissance absoluë  
 dans leurs ames : preuoyans que ces mespris,  
 ces mescontentemens, ces haines ne luy pou-  
 uoient au long aller, apporter que les defastres  
 que nous auons depuis vus.

*Henry III.  
 par certai-  
 nes siēnes  
 volonte<sup>z</sup>  
 particule-  
 res se rend  
 mespris-  
 le au  
 suple.*

Encores auoit-il vne espine au pied, qui au  
 milieu de cette paix sembloit arrester le cours  
 deses contentemens. Car combien qu'il ne fut  
 en mauuais mesnage, - par apparence, avec  
 monsieur le Duc, son frere, si estoit il vn se-  
 cond Roy, qui auoit sa Cour, & ses fauoris à  
 part, tantost en vne ville de Tours, tantost es  
 autres de son apanage; lequel auoit ses opiniōs  
 tant eslongnees de celles du Roy, que iamais

*Monsieur  
 le Duc son  
 frere vn se-  
 cond Roy*

il ne voulut, que luy ny les siens fussent grati- *Ne veut*  
 fiez de l'Ordre du S. Esprit. D'ailleurs, son A- *recevoir*  
 panage estoit si grand, qu'il absorboit vne *l'Ordre du*  
 bonne partie de la France. Auoit sa chambre *S. Esprit.*  
 des Comptes dedans Tours, son eschiquier à *son apa-*  
 Alençon, qui iugeoit souverainement des cau- *nage trop*  
 ses du Duché, tant ciuiles que crimineles. Et *grand.*  
 encores ce Prince pouruoyoit aux Euechez  
 & Abbayes de son Apanage ceux qu'il vou-  
 loit, pour estre nommez au Pape par le Roy,  
 suiuant le Concordat. Toutes grandeurs au-  
 cunement conformes à celles du Roy, qui luy  
 pouuoient causer des ialouzies en l'Ame, ores  
 qu'il les dissimulast sagement. Aduint en l'an  
 1583. que monsieur le Duc decede; Et par sa  
 mort est reüny son Apanage à la Couronne.  
 Ceux qui gouernoient le Roy en firent feus  
 deioyes en leurs ames; Et luy mesmes mani-  
 festa assez, de combien il pensoit son Estat estre  
 creu, quand il escriuit de sa propre main des *Le Roy es-*  
 reglemens de sa grandeur; voulant que son *crit de sa*  
 Chancelier, seant en son Conseil, fut reue- *propre main*  
 stu d'une toque & robe longue de velours cra- *les reglemens*  
 moisi, & ses Conseillers d'Estat de satin vio- *de sa gran-*  
 let; ses Huissiers & valets de Chambre eussent *deur, & de*  
 pourpoints de velours, & au dessus la grosse *quelle façon*  
 chaisne d'or pendue à leurs cols; puis diuerses *vouloit que*  
 aduenuës de Chambres, auant qu'il peust estre *ses officiers*  
 gouuerné: Vn long ordre de Seigneurs qui *fussent ve-*  
 deuoient marcher deuant luy, allant à l'Egli- *us.*  
 se. A la verité cette mort au premier œil ne luy  
 promettoit qu'un long repos; Et neantmoins  
 ce fut la consommation de son malheur & de

*Mort de M.  
le Duc,  
consomma-  
tion du  
malheur  
du Roy.* tout la France. Car si monsieur le Duc eust  
vescu, tous pretextes eussent defailli aux entre-  
preneurs de la Ligue. Il ne falloit de son viuant  
disputer, aduenât que le Roy mourust sans en-  
fans, qui deuoit estre successeur à la Couronne,  
& moins encores qui successeur Catholic. On  
ne doutoit de l'une & l'autre qualité en lui. Et  
quād bien on eust reuoué en doute sa Catho-  
licité, les deux freres avecques leurs vasselages  
qui estoient grands, se fussent vnis contre ceste  
nouuelle pepiniere de diuision, en laquelle on  
eust trouué peu de partizans contr'eux. C'est  
pourquoy soudain apres son decez, en l'ā 1584.  
les Princes de la Ligue ne douterent d'esclorre  
le mescontentement qu'ils couuoient, reuestu  
du manteau de la Religio Catholique Aposto-  
lique Romaine. Dites-moi doncques, ie vous  
prie, si i'ay eu tort, vous disant que les trois cir-  
constances sur lesquelles le commun peuple ap-  
puyoit principalement la grandeur de nostre  
Roy, furent les principaux fondemens & mo-  
tifs de son raualement?

*Lions &  
Ours nour-  
ris par le  
Roy.*

Or est-ce vne chose tres-remarquable, que ie  
ne puis passer sous silence. Il nourrissoit au Cha-  
steau de Madric des Lions, des Ours, des gros  
Magots & autres bestes sauuages, qu'il faisoit  
souuent combattre dans la Cour du Louure, à  
huis clos, tantost les vns contre les autres, tātost  
contre des Taureaux eschauffez. Il songea vne  
nuict entr'autres, que ces Lions l'auoient voulu  
deuorer: & s'esueillāt en ce transe, soudain qu'il  
fut resueillé il commanda à leur gouuerneur de  
les tuër tous. Ce qui fut aussi tost executé; & en

*Et pour-  
quoy me?*



leur lieu il y fit mettre plusieurs meutes de petits chiens de Lyon, dont Drouillon, l'un de ses valets de chambre, eut la charge. Le dy lors à quelque mien ami en l'oreille, que ce n'estoient pas ces Liôs contre lesquels il deuoit descocher les fleches; & qu'il y en auoit d'autres à deux pieds beaucoup plus à craindre par lui que ceux là. A vrai dire, tout ainsi que ce songe estoit facheux, aussi sembloit-il par enigme représenter quelques mauuais traitemens contre lui, de ceux qui pour leur grandeur refiguroient les Lions. Dieu souuent par songes & visions nocturnes descouure aux Grands, les heurs ou malheurs qui leur doiuent aduenir.

Grandepitié ! Quand la fortune lui voulut tourner visage, tous les Cōseils dont il vſa pour la destourner & rabattre; non seulement ne lui réussirent, mais au contraire lui furent grandement dommageables. En la iournee des barricades il fit disposer par les principales ruës de Paris ses gardes Françoises & estrangeres, avec commandement expres de ne point combattre; pensant, comme il est à croire, chasser de la ville par vne seule frayeur, ceux desquels la presence ne lui estoit agreable. Et vous sçauiez quel fruit il en rapporta. Pour r'habiller ceste faute & se venger du tort qui lui auoit esté faict dâns Paris, il fit assembler ses Estats à Blois, faisant toutesfois contenance que c'estoit pour autre effect. Il ne pouuoit prendre pire conseil que cestuy; le maltalent general du peuple estant cōtre lui, pour ses deportemens precedés:

*Ses conseils  
luy sont  
domma-  
geables.*

Car ce fut vn rendez-vous general de tous les Deputez des Prouinces, qui se fussent malaisement rencontrez ailleurs, pour prendre langue ensemblement. Pour captiuer la bienvueillance de ces Deputez, auant que d'ouurer la porte à cette assemblée, il chassa les principaux Officiers, qui de longue-main estoient à sa suite, gens pratics en matieres d'Estat. Et en choisit de nouueaux, qui n'auoient ny langue ny creance parmy le peuple. Et il cognut en peu de iours, combien ce changement nuisit à ses affaires, ne pouuant estre secondé par ceux qu'il auoit appellez de nouueau, contre les brigues que l'on faisoit ouuertement en cette assemblée, à son preiudice. Voyât que tous autres moyens luy manquoient, il fit mourir les deux freres Lorrains, estimant qu'estans abatus, la frayeur se logeroit au cœur du menu peuple. Et contre son esperance & la maxime commune, cette frayeur se tourna en fureur telle que nous auons veüe, & voyons. Finalement, ayant avec vne longue patience & prudence dressé vne puissante armee, comme il estoit sur le poinct de r'entrer dedans la ville, où il auoit receu la premiere escorne de ses malheurs; Voicy vn Moine desesperé, qui met fin à sa vie & son entreprise. Et ien trouue rien en tout cecy qui fauorize son histoire, sinon l'opinion generalle de tous, que sans ce detestable assassin, il auoit si bien ourdy & tramé son fait, qu'indubitablement il fut entré malgré tous les ennemis dans Paris, & eust comme vn autre Fabius Maximus, r'estably en patien-

*Nouueaux  
officiers  
nuisibles.*

*Tué par vn  
moine.*

en patientant les affaires.

Dés le commencement des troubles de quatre vingts huit, ie quittay ma femme & maison, deliberé de suiure sa fortune, iusques au dernier soupir de ma vie. Et ay senti beaucoup d'afflictions en ma famille dans Paris, pour luy auoir esté fidelle seruiteur. Mais le recognoissant pour mon Prince legitime & naturel; & mesmement Prince auquel i'auois en ma petite fortune, quelques obligations particulieres, ie voulu oublier toutes ces afflictions, & lui rendre tout le deuoir qu'un bon subiect doit à son Roy. Et neantmoins i'ay tousiours craint en sa fortune les malheurs, que ie lui ay veu aduenir. De ceste crainte i'auois quelques particuliers prognostics, que ie ne douterai de vous escrire. Ie ne suis du nombre de ceux qui superstitieusement se lient à ie ne sçai quelles coniectures; mais aussi ne les reiette-ie aisément, non plus que les anciens. Peut-estre vous moqueriez vous de ce que ie dirai, peut-estre non; Mais soit l'un ou l'autre, la pierre en est jettee. La premiere fondation que fit hugues Capet, premier Roy de la troisieme lignee de nos Rois, fut celle de l'Abbaye S. Magloire dans Paris; Et combien que le nom de Magloire soit celui d'un Saint, si est-ce qu'en ceste premiere fondation il sembloit que ce Prince eust establi le fondement de la Gloire des siens, par la rencontre du mot. Le malheur voulut que la Royne Mere, absoluë en ses volontez, pour accommoder le nouveau palais par elle basti, prit par permission du pape, l'Eglise des Filles repenties & tout leur enclos;

*L'Abbaye  
S. Magloire  
à Paris  
fondée par  
Hugues  
Capet.*

*Où la* Et pour les recôpenfer les logea en l'Abbaye de  
*Royne Me-* S. Magloire; trāsportāt la famille des religieux  
*re loge des* hors la ville és fauxbourgs en l'Eglise de S. Iac-  
*filles au* ques du haut-pas. Vistes-vous iamaïs vn remuë-  
*lieu des* mēt si farouche, ny de si mauuais exēple que ce-  
*moines qui* stuy? Aussi dieu, pour monstrier cōbien cela luy  
*estoit.* auoit esté desplaisant, lāça six sepmaines apres  
*Moines de* son foudre sur le clocher de l'Eglise de S. Ma-  
*S. Magloi-* gloire. Sinistre presage, disoy-ie lors, d'un plus  
*re trans-* grand tonnerre qui tomberoit sur le chef de  
*fere & à S.* nostre Roy, pour auoir banny de sa ville prin-  
*Jacques* cipale, & relegué à vn faux-bourg la Gloire.  
*du Haut-* de son premier deuancier. Le plus beau  
*pas.* ioyau que nous auions de la Royauté, &  
*Le Clocher* comme l'ancien Palladiō de la ville de Troye,  
*fondroyé.* estoient les deux vrayes Croix, que de toute  
*Les deux* ancienneté on gardoit avec grande deuotion  
*vrayes* dedans la S. Chapelle de Paris, dont l'une fut  
*Croix en la* derobee so' le regne du feu Roy, sās que iamaïs  
*sainte* on ait peu descouurir qui en auoit esté le larrō.  
*Chapelle.* Il n'est pas que hors ce grand Temple de S.  
*Dont l'une* Denys, Sepulchre anciē de nos Rois, la Roine  
*est derobee.* Mere n'eust fait bastir trois ou quatre Chapel-  
*Chapelles* les, pour y loger le corps du Roy son mary,  
*basties à* puis le sien, & ceux de messieurs leurs enfans;  
*S Denys* cōme si l'Eglise n'eust esté allēz digne de leurs  
*pour la se-* sepultures. Qui me sembloit ne leur promet-  
*pulture de* tre rien de bon, pour le respect ancien que nos  
*Henry II.* Rois mourants auoyent porté à cette Eglise,  
*& les siēs.* de voir tous ces princes se preparer, apres leurs  
 morts, logis hors d'icelle. Nous tenons d'une  
 lōgue ancienneté, qu'il y a quelque puissance  
 aux nombres. Et de là vient, que nous craignōs

de mourir le 63. an, comme estât le Clymacteric de nostre aage. Et ie voyois que Bôdin, & le Seigneur de la Nouë apres lui, auoient remarqué en nostre roy, qu'il estoit le 63. de nos rois, depuis Pharamond; Et si nous voulions adiouster foy à ceste nouuelle superstition, qui s'est insinuee depuis quelques annes dedans ceste France, que se trouuans treize à table pour repaistre, il y en auoit l'un de la troupe qui mourroit dedâs l'an, nostre Roy se trouuoit le 13. depuis Philippe de Valois. Mais sur tout, ce qui me faisoit plus craindre, estoit, que pour conseruer sa santé, il portoit la teste raze, par le conseil de ses Medecins, vsant d'une faulx perruque. Et ie disois, que la longue cheuelure, souz la premiere lignee de nos rois, auoit esté la plus signalce remarque de leur Royauté. Finalement i'adioustois à tout cela le songe par luy fait, que ie vous ay ci-dessus recité. Toutes lesquelles particularitez ramassées, par vne humeur Saturnienne & melancholique, qui me fait quelquefois bône compagnie, me faisoient craindre de luy, ce que i'ay veu depuis aduenir. Ioint que ie le voyois assez disposé à se perdre, par ses actiôs & deportemens. Il n'est pas qu'é les principaux fauoris on n'y ait veu du malheur : Car les vns furent tuez de morts violentes, qui par assassin comme Lignerolles, le Gast, S. Maigrin: qui par Duël, comme Cailus & Maugiron; & le dernier en bataille rangee, comme le Duc de Joyeuse : & les autres disgraciez par leur maistre, comme Souuray, Sainct Luc, D'O, Puybrac, Roissi, Vie-de-ville. Il

*Fauoris de  
Henry 3.  
ont eu du  
malheur,  
& en  
leurs vies  
& en leurs  
morts.*

*Quel il e-  
stoir en ses  
amitez.*

aimoit sans mesure ceux qu'il fauorisoit, s'as-  
sauer pourquoy; & pendant ceste opinion il les  
gratifoit aussi d'une infinité de liberalitez sans  
mesure. Et à la fin les licentioit aussi, sans sça-  
uoir pourquoy, sinõ qu'il en estoit las. Le Sieur  
d'Espernon, qui est celui qui commanda plus  
long temps à ses volonte, ne s'en peut en fin  
dispenser. Toutes ces circonstances m'ont pas-  
sé, pendant son regne, deuant les yeux, qui ne  
me presagissoient rien d'agrecable. Et neantmoins  
pour tout cela il ne m'est iamais entré en la te-  
ste de quitter l'obeïssance que ie luy deuois,  
pour m'adonner à autre parti, puis qu'il auoit  
pleu à Dieu de me l'ordonner pour mon Roy.  
Ainsi me delibere-je viure & mourir sous ce-  
luy qui nous gouuenera desormais, sans en-  
trer en aucun examen de sa conscience: car tel  
que Dieu nous l'a donné, il nous le faut prendre.  
Dieu sçait mieux ce qu'il nous faut, que nous-  
mesmes. A Dieu.

*A Madame la Duchesse de Rez.*

*Il tice ma-  
dame de  
Rez de ce  
qu'elle se  
monstre  
irip rieuse-  
che à se re-  
concilier a-  
uec son fils,  
puis luy re-  
monstre les  
moyens de  
faire la re-  
conciliation.*



Vand ie pris congé de vous, ie pen-  
sois qu'eussiez fait non seulement  
trefue, ains pleine paix avec vos  
yeux: Toutesfois monsieur de Lié-  
cour m'a dit qu'il vous a laissé en mesme de-  
sarroy qu'estiez le premier iour des nou-  
uelles. S'il est ainsi, ie suis d'aduis, qu'il  
ne faut plus que vos seruiteurs & amis fassent  
estat de vous consoler; mais bien de vous tanfer  
à bonnes enseignes. Car pour dire ce que i'en  
pense, vous n'estes tant affligée, comme prenez



plaisir de vous affliger. Monsieur le Marquis n'a fait acte de fils en vostre endroit. Vous en esmerucillezvous, puisque ne faites auourd'huy acte de mere enuers vos autres enfans ? Il n'a pitié de vous, qui estes sa mere; Et vous n'avez pitié des autres, auxquels voulez en contr'-échange faire porter la penitence du peché d'autrui. Quoy? si en vous opiniastrant mal à propos en vostre affliction, il aduenoit faute de vous, combien de morts trouuerions nous en vne mort, de laisser vos deux pauvres filles innocentes eslongnees de pere, d'oncle & de tâte? Ces deux obiects, qui se presentent iournallement deuant vostre face, ne vous doiuent ils aucunemét retenir? Vous avez aimé monsieur vostre fils, sur tous vos autres enfans. C'est vostre grief, dites vous. He! vraiment ie n'en doute point. Car vous le monstrez assez par effect, sans le dire. Mais pour cela vous faut-il auourd'huy rédre ennemie de vous & des vostres? Quand aurez mis la main sur vostre conscience, parauenture trouuerez vous, que vous seule estes cause de vostre mal; par ce qu'il aduient, que dieu, le grand pere de nous tous, pour nous enseigner d'aimer reglément nos enfans, nous afflige ordinairement par celuy sur lequel nous auions ietté nostre affection, au desauantage des autres: Et neantmoins si l'avez aimé, de tant plus serez vous contente à l'aduenir, quand aux premieres nouuelles que receurez de iuy, entendrez, qu'il se conformera en tout & par tout à vos volontez. Ielçay bien que vous me direz, que quand cela aduiedroit,

*Penitence  
de Dieu  
sur les pe-  
res qui ai-  
ment des-  
obeyssance  
ment quel-  
ques uns de  
leurs enfans*

la cicatrice ne lairoit tousiours de paroistre en vostre famille. Car pour bien dire, c'est ainsi que plus nous auons d'entendement, & plus nous nous flattons, pour nous nourrir en nos aduersitez & miseres. Mais, dites moy ie vous supplie, en quoy a-il encores failly? En vne volonte seulement; d'autant qu'il n'est arriué iusques à l'effet. Quand il auroit passé outre, & qu'auec vne penitence condigne il changeroit maintenant d'opinion, pour vous rendre l'obeissance qu'il doit, ne le deuriez-vous embrasser de meisme deuotion que deuant? En vn mot, c'est ce que Iesus-Christ nous a representé par la parabole de l'Enfant Prodigue. Cela n'est pas encores aduenue au vostre; le le veux. Mais ie ne fais aucune doute, qu'il aduiendra, si vsez de la medecine que i'entends vous donner. Vous auez parlé à luy par lettres. Il est vostre fils, vous sa mere: Il vous recognoistra ie m'asleure. Parlez maintenant à Dieu de tout vostre cœur. Il est vostre pere, vous sa fille; ie m'asleure qu'il vous traitera, com ne enfant. Quand ie vous dy, que parliez à Dieu, ie desire que laissiez ces ceremonies de Cour, qui ne sont que singeries: (I'vseray de cette honneste liberté enuers vous;) Garder la chambre, ou le liét, pour estre visité des vostres. C'est apporter quelque allegement au mal, mais non la vraye medecine. Ce n'est rien d'estre visitée par les autres, si n'estes visitée par vous: La plus belle retraite que puissiez auoir, est d'un Oratoire, ou bien faire vn Oratoire en vous de vous mesmes. Vser de vos larmes, non assu

*Singeries  
de Cour.*

de seruir de malediction encontre vostre fils pour vne vangeance que rongez contre luy; mais bien de benediction enuers Dieu, affin que par la bôté infinie, il le vueille remettre en son ancien chemin. Toutes ces extremitez de l'auoir trop aimé par le passé, & sur l'occurrence de ce qui s'offre, le trop haïr, sont vitieuses. Les deuotes prieres d'une bonne mere reduisirent S. Augustin au sein del'Eglise, dont il s'estoit destourné. C'est le remede qu'il vous faut prendre, pour appaiser l'ire de Dieu, & par mesme moyen celle du peuple; La quelle toutefois ne deuez mettre en ligne de compte, estant d'ailleurs asseuree de vostre conscience. Et si apres en auoir vſé de cette façõ n'obtenez de ce grand consolateur ce que desirez, il faut auoir recours à ce general refrain, qu'il nous ordonne pour nos prieres: *Seigneur ta volonté soit faite, non la nostre*: & accompagner vos oraisons d'une patience: Car quant à moy, i'espere qu'en fin, tout ainsi que la maladie est venue inespérément, aussi s'en retournera-elle tout de la mesme façõ, lors que penserez estre plus eslongnee de tout remede. A Dieu.

*Les prieres  
de la mere  
reduisirent  
S. Augustin  
au sein de  
l'Eglise.*

*A Mademoiselle de Guerliere.*

**E** vous renuoye vostre fils, en obeissant à vos lettres; Et tant s'en faut qu'on puisse trouuer mauuais (comme craignez) le desir qu'avez de le reuoir, qu'au contraire il n'y a homme d'entendement, qui ne louë vostre affection. Il sera deormais en bõ-

*il renuoye à  
Mademoi-  
selle de  
Guerliere  
son fils a-  
uec quel-  
ques par-*

*ties qu'il ne* eschole. La seule preséence d'une sage mere  
*avoit four-* peut plus enuers ses enfans, que les exhortatiōs  
*xy pour* de cent autres: Il est bié nay, mais vn peu ferme  
*luy: & luy* en ses volonte, maladie qui luy est aucunemēt  
*donne con-* hereditaire de la part du pere, à laquelle saurez  
*seil comme* bien remedier, mesmement pour la despense.  
*elle le doit*  
*gouverner.*

Croyez que ie suis honteux des parties, que ie vous éuoye, vous asseurāt qu'il m'a plus cousté de choleres en les fournissant, qu'il ne vous coustera d'argent en les acquittant. Car quelque chose qu'il me promist, m'importunant par belles paroles, si est-ce qu'apres le grosourny, il ne rabatoit rien en fin deses opiniōs. Il falloit qu'il feust satisfait à son poinct, & en estoit quitte pour vne mienne cholere, que ie tournoy apres en rizée. Quant à ce que me souhaitez par de là, ie vous en remercie; Et vous diray que ie n'ay souhait plus grand que celuy-là, pour le peu d'esperance que i'ay de vous reuoir. Bien vous diray-ie, que serez toujours presente dans mon ame. Le gage que i'auoy de vous chez moy, n'estoit vn grand contentement; Et me seroit vn merueilleux desplaisir de le perdre, n'estoit le plaisir que ie prens au plaisir que receurez le reuoyant. Et parce que ie fay mon propre de ce qui vous touche, ie me trouue bien empesché de ce qu'aurez à faire, apres auoir contenté les premiers mouuemens de vostre opinion. Si le retenez avec vous, ie crains que cette demeure ne luy soit vn ancantissement. De le renuoyer bien tost par decà, ie n'en suis aucunement d'aduis. Il y a en cette ville plusieurs belles

*Aduis à la*  
*mere sur ce*  
*qu'elle doit*  
*faire de son*  
*fils.*

Damoiselles, qu'il frequente. Il est beau, riche, bien aduenant, agreable en toutes cōpagnies & d'un aage disposé à l'amour. Ce qu'il veut, il le veut trop. S'il retournoit, ie craindroy vne chose, que ie ne desire voir. Tout ce que ie luy chantoy, estoit que voyant ces beautez, elles se deffendissent de leur honneur si elles pouuoient; mais luy sur tout, d'un mariage: Et au surplus, qu'en sa ieunesse s'il faisoit autrement qu'à point, il apprendroit de haïr vne femme auât qu'il se feust dōné le loisir de l'aimer. C'est pourquoy ie pense que Dieu vous a inspiré de l'enuoyer querir maintenant. Non que pour cela ie vueille qu'entriez en vne mauuaise opinion de luy: Car ie le vous pleuuy pour l'un des plus accompliz gentilshommes qu'il y eust en cette ville. Mais plus il est accomply, plus il faut tascher de le conseruer. Vous vous donnerez bien garde, s'il vous plaist, de luy en faire aucun semblant, autrement me feriez tort; Et parauenture à vous-mesmes. Ce sont choses auxquelles les peres & meres peuuent remedier, sans mot dire. Je deuoy cet aduis à l'honneur que ie vous porte, & vous deuez celsilence à l'amitié que me portez. A Dieu.

*A Monsieur de Guerliere.*

**J**E receu dernièrement des lettres de vous, telles que ie me promettoy; ie il luy recommande l'obeissance enuers sa mere. veux dire pleines d'amitié & douceur, dont ie vous remercie. Elles m'ont infiniment contenté, pour la bonne souuenâce qu'auex



euë de moy. Au demeurant ie ne doute point, que ne vous comportiez de telle façon avec Madamoiselle vostre mere, que demeurerez grandement contents l'un de l'autre. Elle est non seulement mere, ains bonne & sage mere, n'ayant rien tant en affection apres Dieu, que vostre aduancement. En quoy la deuez seconder, & pour ce faire conformer toutes vos volontez aux siennes, & ne croire facilement vos premieres apprehensions. Le meilleur moyen que pourrez auoir pour obtenir d'elle ce que desirerez; voire de luy commander, (s'il m'est permis vser de ce mot) est en luy obeïssant. Les vrayes images de Dieu sur la terre, sont les Peres & Meres enuers leurs enfans. Et tout ainsi que l'obeïssance est le principal sacrifice que Dieu desire de nous; ainsi est-il des Peres & Meres à l'endroit de leurs enfans. Je ne vous prescheray avec vn plus long discours ceste obeïssance, pour vous y voir assez enclin & disposé de vous mesmes. Bien vous prieray-je, de penser, que pour la longue & ancienne amitié que i'ay à vostre famille, ie penseroiy faillir à mon deuoir, si ie ne vous ramenteuois ce que ie pense estre du vostre. A Dieu.

*A Madame de Ferriere.*

*Il luy re-  
présente les  
malheurs  
qui luy e-  
stoient ar-  
ruez, en  
peu de tēps,  
tant par la*

**¶** E ne pense qu'il y ait homme dedans la France qui en son particulier ait eu plus de part à la calamité publique, que moy en moins de six ou sept mois. Car le dernier de mes enfans fut tué au mois de May en la ville de Mehun par la Ligue: ma femme constituée prisonniere dedans Paris au mois de Iuillet en-



fuiuant, & finalement eftant arriuee le quin- *mort de son*  
 ziefme d'Octob. 1590. en cefte ville de Tours, *filz, que par*  
 pour viure en quelque repos avec moy, qua- *celle de fa*  
 tre iours apres tomba malade d'une maladie *femme.*  
 dont elle deceda le dernier du mois. Encores  
 que les deux premiers accidens m'euffent infi-  
 nimét affligé, toutes fois recueillât mes efprits,  
 apres auoir donné à nature ce que ie ne luy  
 pouuois denier, ie me confolois, que mon filz  
 eftoit mort au fervice du Roy. Et que fa mort  
 & la prifon de fa mere me fembloient auoir  
 eu ce bien, Quel'un auoit eu cefte heur & hon-  
 neur des'estre opiniaftre dedans vne Tour, à la  
 defenfe du fiede de Mehun pour le fervice du  
 Roy, & en cefte opinion lui feul auoir efté occis  
 d'une canónade, fans autre meurtre du demeu-  
 rant, parce que la ville fe rendit tout auffi toft  
 à la Ligue, par compofition : & l'autre feule  
 d'entre toutes les femmes des abfens de Paris,  
 auoit efté honoree d'une prifon dedans le Lou-  
 ure, pour n'auoir voulu contribuër à vne taille  
 quel'on auoit impofee fur les Royaliftes. Et de  
 ces deux rencontres ie faisois dedans mon ame  
 trophee. Mais quãd c'eft venu à la mort de ma  
 femme, i'ay tout à fait quitté la partie. Car au-  
 parauant ie me faisois accroire, que mon ab-  
 fence de deux ans me feroit vne bonne leçon  
 pour m'apprendre à fupporter patiemment v-  
 ne viduité, fi elle m'arriuoit : Toutes fois ie  
 me fuis trouué fi faifi, que ie vous iure le *Larmes de*  
 Dieu viuant, ne penfer iamais à ma perte *M. Pas-*  
 (& ien'y penfe que trop fouuent) que ie ne *quier pour*  
 face vne fontaine de mes yeux, voire à *la mere de*  
*fa femme.*

ceste heure que ie vous elcris, ie serois hôteux  
 si on me voyoit. De prendre consolation par  
 les remonstrances de mes amis, qui ne me man-  
 quent, ie trouue la medecine non seulement  
 foible, ains rengrement de douleur. De la  
 trouuer dedans la longueur du temps, comme  
 on me dit que c'est vn fidelle remede, ie ne l'ay  
 encores espreuë. Bien vous dirai-je, que la  
 plus grande consolation que i'aye eüe, a esté  
 par la venuë de monsieur d'Atichy vostre gé-  
 dre, & de vostre fils, i'ay cuidé dire vostre petit  
 mignon : mais ie l'ay trouué estre deuenü si  
 grand, & de corps, & d'esprit, que ie ne l'oze-  
 rois plus ainsi appeller. Ils me vindrent voir le  
 iour des Innocens sur les huit heures du soir,  
 & pour vous dire le vray, de premiere entree  
 ie ne les recognu, estans tous deux habillez de  
 bure à la soldade: Mais soudain qu'ils se furent  
 donnez à cognoistre, ie lalchay toute bride  
 aux accolades, mesmes pour voir en l'vn l'ima-  
 ge d'un personnage que i'auois pendant sa vie  
 aimé, respecté, & honoré par dessus tous les  
 autres du monde. Estans entrez dedans ma sa-  
 le, ie m'esmoie d'eux quelle estoit leur delibe-  
 ration: & apres vn long pourparler, le sieur  
 d'Atichy m'ayant dict qu'ils alloient ensem-  
 blément en Auvergne visiter les Seigneuries  
 qu'il auoit acquises de la deffunte Royne Me-  
 re: Adonc d'une belle faillie ie me laissay em-  
 porter par l'impatience, & luy dis, que d'une  
 main souueraine ie me voulois saisir du fils:  
 Scachant combien la mere porteroit impatié-  
 ments'illuy mesauenoit quelque defastre sur

les champs, & encores plus quand il me fau-  
droit aux deux. Ils m'é payerent lors en la me-  
me monnoye que font les deffendeurs en vo-  
stre pais de Normandie, lesquels au bout de  
leurs deffenses, (ainsi que i'ay ouy dire) ont ac-  
coustumé de mettre ceste protestation, qu'ils  
retiennent à dire. Estans sur ce pied partis, le  
lendemain ils me firent cest honneur de ve-  
nir prendre vn mauuais disner avec moy, &  
lors monsieur d'Atichy me bailla deux lettres  
de vostre part; L'une que luy enuoyez, & l'aut-  
re à moy, par laquelle me priez de me char-  
ger de vostre fils, si ma commodité le pouuoit  
porter. Et par la sienne de ne me presenter la  
mienne, sinon qu'il me veit disposé à ce que  
desiriez. He! vraiment, dy-ie lors, vous estes  
vn maistre guerrier, d'auoir vsé de ce stratage-  
me, & Madame vostre belle Mere trop rete-  
nuë enuers celuy qu'elle sçait luy estre dés pie-  
ça acquis. Je vous laisse le demeurant de ce qui  
s'est passé entre nous, pour vous dire en peu de  
paroles, que ie suis infinimēt glorieux de voir  
que me priez d'une chose, dōt ie m'estois moy  
mesme prié auant que d'auoir veu vos lettres;  
Vous asseurant, Madame, que vostre fils rece-  
dra de moy tout pareil traitement que les miés  
propres, en attendant que par la croissāce de  
son aage & discretiō, nous puissiōs cognoistre  
en quelle emploie sō naturel se disposera. Na-  
turel que i'estime la vraye touche en telles af-  
faires, sans nous amuser à ce qui est de nos par-  
ticulieres volontez. Il n'a que trop d'esprit &  
de cœur pour se faire vne belle fortune en

*A Monsieur de Charmeaux, Conseiller d'Etat,  
& President en la Chambre des Comptes  
de Tours.*

*Iluyra-  
conte son  
voyage de  
Cognac,  
& loue la  
fertilité du  
pais.  
Ligueurs en  
Soldats  
desguisez.*

*Sainte Li-  
gue bien  
nommee.*

*Pauvreté  
du pais  
extreme.*

**N**Ous sommes en fin arriuez à Cōgnac,  
où quand ie me seray recognu, i'en-  
uoyeray Messagers de toutes parts  
pour executer la Commission de la Chambre,  
encores que les chemins ne soyent bonnemēt  
ouuerts aux comptables. Car il y a tant de  
voleurs sur les champs, qui sous le masque de  
Soldats se diuersifient tantost en Ligueurs, tan-  
tost en Royaux, pour tirer rançon des pas-  
santz, qu'il est malaisé de s'exposer sur les chāps  
sans hazard de sa personne ou de sa bourse.  
Au demeurant nostre voyage a esté long, pour  
les grandes troupes que monsieur d'Espernon  
conduisoit; pēdant lequel sans liures ie me suis  
amusé à lire les miseres du plat pays, & ay trou-  
ué que ce n'est pas sans raison, que les Ligueurs  
ont appellé leur party Sainte Ligue. Car si le  
fondement de nostre Religion fut estably sur  
la pauvreté, croyez que nous leur sommes grā-  
dement redevables, nous ayant reduicts non  
à pauvreté, ains mendicité. Nous sommes pas-  
sez par tel grand Bourg, dans lequel n'y auoit  
que quatre ou cinq pauvres mehnages, & ce-  
pendant voulans nous loger representations ce  
que l'on dit de saint Iean Baptiste; *Vox clamā-  
tis in deserto.* Voire qu'il y en auoit quelques  
vns des nostres, qui pour se garentir de la faim,

auoient recours à vne mauuaise paillasse, combien que ce soient choses mal compatibles ensemble, que la faim & le sommeil. Ny pour cela, nos soldats n'estoient pas plus gens de bié, és lieux où ils trouuoient à prendre. Iusques icy vous auez eu part à mon purgatoire; maintenant ie vous parleray de mon Paradis. Apres auoir senti les incommoditez d'un chemin de quatorze iours, ie suis en fin arriué à Cognac; Je veux dire en vn país de permission. Il ne faut plus qu'on me solemnise nostre Touraine, pour le iardin de la France; Il n'est pas en rien comparable à cestuy, où s'il est iardin, cestuy est vn Paradis Terrestre. Ie n'ay iamais telle abondance de bons fruiçts, grosses Pauies, Auberges, Muscats, Pommes, Poires, Pesches, Melons les plus sucrés que j'aye iamais mangé. Je vous adiousterai Saffran, & Truffes; Avec cela bonnes chairs, bon pain, bonnes eaux le possible; Et qui est vne seconde Ame de nous, bons vins tant blancs que claires, qui donnent à l'estomach, non à la teste. Grosses Carpes, Brochets, & Truites en abondance. Ceste grande Riuiere incogneue, qui passoit au trauers de l'ancien Paradis Terrestre, s'est transformee en celle de la Charente, laquelle depuis la ville d'Angoulesme iusques à S. Sauinien, où elle va fondre en la Mer (qui disent 45. lieues) est bordée de Prez; & pour n'estre malgisante, comme vostre Loire, iamais ne se desborde que pour le profit du país (ainsi que le Nil en Ægypte) &

*Loiange  
de la ferti-  
lité du país  
de Cognac  
en toute a-  
bondance  
de biens.*

*La Choren-  
te belle &  
fertile ri-  
uiere.*

pour abreuer les prairies, quand elles se trouuent alterees. Elle est encores secondee d'une petite riuier enõmee la Touure, que Theuet disoit estre puee de truites, tapissèe de cygnes & bordée d'elcreuillès, qui dure enuiron quatre lieuës. Nous auons encores en cestuy nostre paradis vne particularité qui n'estoit en l'autre. Car nous n'y auons le fruiçt de science qui perdit Adam, pour le moins ignorons tous les mauuais bruiçts de ce temps, qui ne font que nous affliger, sans y pouuoir mettre remede. Qui fait que viuons en quelque tranquillité d'esprit au milieu de nos malheurs. Brief on appelle ce pais, la Châpaigne, qui est de cinq ou six lieuës d'estendue. Et ie crain que le semblable ne m'aduienne, qu'à ce grand guerrier Hånibal, quand il se perdit *in deliciis Campanis*. Vous penserez parauenture que ie me truffe. Or afin de ne rēdre point vostre pēser vain, ie vous enuoye vn paquet de Truffes, qui est le present d'un mien bois, que ie vous prie receuoir de tel cœr qu'il vous est enuoyé. A Dieu.

*A Monsieur du Plessis Mornay, Gouverneur  
pour le Roy en la ville de  
Saulmur.*

*Il supplie*  
*M. du*  
*Plessis*  
*d'empe-*  
*cher enuers*  
**E** parleray à vous cõme à vous; Ie veux dire cõme à celuy que ie m'assẽure estre grandement zelateur du bien public; C'est pourquoy estant poullé d'un mesme zele, ie vous escriray la presente d'un telle liberte, que le deuoir



le deuoir de ma charge me le commande. L'õ *le Roy qu'il*  
 auoit souz le feu Roy fait vn Edict portant Ye- *n'establisfe*  
 stablissement d'vne nouuelle chambre des Cõ- *une chãbre*  
 ptes en la Guyenne ; Cest Edict presenté au *des Com-*  
 Parlement de Bordeaux pour le verifier, est *ptes en*  
 vertueusement refusé. Qui fut cause d'en faire *Guyenne.*  
 sursoir la poursuite. Dieu nous a depuis enuoyé  
 le Roy à present regnant, souz lequel toutes  
 gens de bien se promettent vn reestablissement  
 de toutes choses de mal en bien, & de bien en  
 mieux. Il n'est point nourry en ceste marchan-  
 dise d'Edicts burdeaux, lesquels il doit sur tout  
 abhorrer, comme ayans cy-deuât causé la sub-  
 uersion generale de l'Estat.

Toutesfois ie ne sçay quels hommes, qui n'õt  
 moyen de s'enrichir que de la despoüille du peu-  
 ple, veulent au iourd'huy remettre cet Edict en  
 auant. Si quelques personages d'honneur s'en  
 rendoient instigateurs, certainement ie m'en  
 tairoy; mais estât poursuui par vne vermine de  
 gens, que par vn mot malheureusement nou-  
 ueau nous auons nommé Partizans, ie vous en  
 escriray plus hardiment ce que i'en pense. Ie  
 sçay bien qu'ils promettent quelque argent au  
 Roy pour subuenir au defroy de la guerre;  
 Mais fainants de s'estudier à la conseruation *poule d'E-*  
 de l'Estat, ils le perdent. C'est proprement la *sope qui*  
 poule d'Æsope, qui produisoit tous les iours vn *faisoit tous*  
 œuf d'or, que son Maistre voulut tuër, pensant *les iours vn*  
 la trouuer toute d'or dedans ses entrailles; & n'y *œuf d'or.*  
 trouua qu'vne semence de petits œufs non for-  
 mez; perdant & sa poule & son reuenu quoti-  
 dien tout ensemble. Tournez vostre esprit de

quelque façon que voudrez; vous ne trouuerés en tout ce mesnage que ruine, diminution de reputation du Roy enuers les bons & fideles subiects, qui ne craignent rien tant que telles noualitez, matiere de mesdisance de la part de ses ennemis, qui diront que c'est vne traitte & continuation des anciennes ruines, & que nous auons changé de personnes, non de mœurs. Surcharge infinie du pauvre peuple, sur lequel on assignera le payement de ces nouveaux gages, ores que ia il soit accablé de tailles, taillon, aides & subsides. Je vous dy nommément surcharge infinie: Car si vous considererez le peu de deniers qui entreront és coffres du Roy, & les mettez en la balance contre les gaiges qu'il faudra payer, il seroit plus expedient au Roy, qu'il prist argent à interest à vingt pour cent. Mais sur tout ie vous prie de considerer, qu'il n'y a rien qui puisse tant nuire aux affaires du Roy, que de demembrer la grãd chambre des Comptes, qui seiourne auourd'huy à Tours, & laquelle sera, si Dieu plaist, bien tost restablie en son ancien manoir. Le malheur de nostre siecle est tel, qu'il n'y a presque Gouverneur de Prouince, qui ne vueille trancher du Prince souuerain, dedans son gouuernement. Adioustez luy avec cela vne chambre des Comptes, vous en ferez vn petit Roy, qui disposera des deniers Royaux à son plaisir & sans controolle. Par ce que cette nouvelle Chambre, exposee à sa mercy, ne sera pas assez forte pour luy faire teste. Je ne le dy point pour monsieur le Marechal de Matignon, que ie

*Gouuer-  
neurs des  
Prouin-  
ces comme  
petits Prin-  
ces.*

recognoy pour trop sage & vertueux Seigneur:  
 Mais apres luy il pourra arriuer vn autre au  
 gouuernement de la Guyenne, dont on ne fera  
 pastant aisé. Tant y a que c'est emorceller  
 la Maiesté du Roy en autant de parcelles, cō-  
 me vous faites de Châbres. Puis que les finâces *Les Finances*  
 sont les principaux nerfs de la chose publique, il *ces princi-*  
 faut necessairement qu'il y ait vn grâd College *aux nerfs*  
 en cette France, pour soustenir les droits du *de la chose*  
 Roy, & s'opposer aux entreprisedes de ceux qui *publique.*  
 quelques fois licentieusement en abusent. Le  
 Roy se paye de raison. Il a tres grand interest  
 de n'offenser point tout d'un coup deux grâdes  
 compagnies, nostre chambre des Comptes, &  
 la Cour de Parlement de Bordeaux; laquelle a  
 desia refusé la verification de cest Edit: Quand  
 nos Rois se regleront par les remonstrances  
 honnestes de leurs Cours Souueraines, ils cō-  
 manderont fort aisément à leurs subiects. De-  
 puis que d'une puissance absoluë le feu Roy  
 s'en dispensa, quatre & cinq armées ne furent  
 bastantes pour le faire obéir. Vous auez l'au-  
 reille de nostre bon maistre, comme celuy qui  
 pendant ses afflictions luy auez seruy d'un Cy-  
 neas. Il est assiégué de plusieurs importuns,  
 nourris en la desbauche de l'autre Regne. Je  
 vous prie que par vostre moyen cette lettre luy  
 serue d'instructions & memoires sur ce qu'il  
 aura à faire en l'erection de cette nouvelle  
 Chambre. A Dieu.

*A Monsieur des Aigues, Procureur general du  
Roy au Parlement de Bordeaux.*

*Il supplie  
M. des Ai-  
gues de s'o-  
poser à l'e-  
stablissement  
d'une cha-  
bre des  
Comptes en  
Guyenne,  
comme il a-  
uost desia  
faict autre-  
fois.*



'Ancienne habitude que nous auons  
euë autrefois ensemble, estans Aduo-  
cats des parties, faict que vous & moy  
representans aujour d'huy le public, ie m'adres-  
se avec plus de confiance à vous pour vne affai-  
re qui se presente, sur l'erection d'une nouvelle  
chambre des Comptes en la Guyenne, dont  
quelques partizans poursuient la verificatiõ.  
Et en cecy ie me preparerois volontiers pour  
vous induire à vous roidir encontre ceste nou-  
ueauté par vne infinité de raisõs; mais ie ressem-  
blerois cefot Phormion, qui voulut faire le-  
çon de l'art Militaire à ce grand Capitaine Hã-  
nibal. Les conclusions qu'avez autrefois pri-  
ses sur ceste affaire, & l'Arrest de la Cour por-  
tant le refus del'Edict, me seruent d'une bonne  
consultation, non pour vous persuader, ains  
pour me persuader moy-mesme, de ce qui doit  
estre fait. Si vous le fistes en vn regne, auquel la  
porte estoit ouuerte à vne confusion d'Edicts  
pecuniaires, dont le feu Roy vsoit à grãde per-  
te de Finances, ie m'asseure que vous tous ne  
serez aujour d'hui moins retenus, ayans affaire à  
vn Roy qui ne respire que le reestablissement du  
Royaume. Je vous supplie doncques, Mõsieur,  
vouloir paracheuer cet ouurage, de mesme  
vœu & vertu que l'avez encommencé. Quoy  
faisant, le Roy, le peuple & la posterité vous  
auront de l'obligation; & quant à moy, outre

la qualité que ie soustiens pour le public, si en mon particulier ie puis m'en reuanger; croyez que vous aurez tout le temps de ma vie, en moy vn homme qui se disposera de vous seruir. A Dieu.

*A Monsieur de S. Marthe, Tresorier general de France en Poitou.*

**V**ictoire, Victoire, Victoire ! Car pour-  
 Recit au  
 long de la  
 victoire  
 d'Iury.  
 quoy ne corneray-je par tout l'Vniuers la  
 miraculeuse victoire du Roy à Iury ? Et  
 afin qu'en entendiez tout au long les particu-  
 laritez, telles qu'on me les a escrites : Le Roy  
 ayant fait leuer le Siege de Meulan, où la Ligue  
 s'oppinia-  
 st six  
 semaines au  
 siege de  
 Meulan.  
 Dreux as-  
 siegé par le  
 Roy.  
 festoit opiniastrée l'espace de six sepmaines,  
 depuis pour ne demeurer sans mestier mener,  
 il assiegea la ville de Dreux; pendant lequel  
 Siege vint à l'ennemy, nouueau secours des  
 pais-Bas de mille bons cheuaux, & pareil nom-  
 bre de harquebuziers, conduits par le Comte  
 d'Aiguemont; Qui l'occasionna de passer l'eau  
 en deliberation de faire leuer le siege, ou don-  
 ner vne bataille, dont il se promettoit le dessus,  
 comme celuy qui auoit trois hommes pour vn.  
 Le Roy de ce aduerty nous en escript à Tours,  
 & commande de faire prieres publiques pour  
 luy, en nostre Eglise. Ce luy est vne coustume  
 fort familiere de commencer toutes ses actions,  
 par le nom & aide de Dieu. Nous faisons pro-  
 cession generale. Le Roy estoit de beaucoup  
 le plus foible en nombre de gens : Toutes-fois  
 poussé de l'assurance qu'il auoit en Dieu & en



*Secours  
arrivé au  
Roy fort à  
propos.*

son bõ droit, delibera de ne refuser le combat, encores qu'il en fust dissuadé par plusieurs grands Capitaines. Or voyez comme Dieu luy assiste en toutes ses deliberations. Deux iours auparauant la bataille, voicy monsieur de Montpensier avec cinq cens bons cheuaux : & le lendemain les Seigneurs de la Guiche & du Pleffis Mornay, avecques trois cens; conduisants outreplus, quatre-vingts mil escus, que l'on apportoit de la Rochelle, que le Roy dès l'instant mesmes fit distribuer à son armee, pour tenir chacun en haleine; Ne se reseruant pour luy autre chose, que l'esperance de la victoire. Je ne vous oublieray vne seule parcelle de ce qui s'est passé. Le Mardy, dont le lendemain on combattit, fut tenu conseil avec Messieurs les Princes & Marefchaux de France, où il luy fut proposé que l'on ne donnoit point de batailles, sans s'asseurer d'un lieu de retraicte, en cas de malheureux succez. Mais luy, d'un cœur genereux & magnanime, leur dit, qu'il les estimoit tous de mesme opinion que luy; & que de sa part il ne designoit autre lieu de retraite, que le champ, où se donneroit la bataille; voulant dire, qu'il estoit resolu d'y vaincre, ou de mourir. Recherchez les Apophthegmes de tous ces anciens guerriers, tant de la Grece que de Rome, vous n'en trouuerez point vn plus beau. Le Mercredy on vient aux mains, où nostre

*L'avant-  
garde es-  
branlée par  
trois fois.*

avant-garde se trouua du commencement par deux & trois fois esbranlée; Mais fut vertueusement soustenuë par Messieurs les Princes de Conty & Duc de Montpensier, & de mon-



sieur le Marechal d'Aumont. Le Roy voyant lors ses affaires en mauuais termes, commence d'exhorter en peu de paroles les siens; & quelques vns faisans contenance de fuir; Tournez visage ( leur dit-il ) afin que si ne voulez combattre, pour le moins me voyez mourir. Sur ceste parole luy & les siens, ayans vn *Vive Dieu* en la bouche, pour le mot du guet, il broche son cheual des esperons à la teste de tous les gens, & entre dans la meslee avec telle generosité, que ses ennemis ne firent plus que con-  
niller. Il seroit impossible de dire les grands exploits d'armes qu'il fit. Sur ces entrefaites, voici vn autre nouveau surcroist, qui luy sur-  
uient inopinément. Monsieur de Humieres arriue avecques trois cens cheuaux, qui se jette pesse mesle dans les ennemis, lesquels estimans que ce fust l'armee de monsieur de Longueuille, conduite souz son autorité, par le S. de la Noüe, prennent l'espouuante & se mettent à  
vauderoute: Leurs Suisses baissant leurs pic-  
ques se rendent à nostre mercy. Le Roy poursuit les fuyards avecques six-vingts cuir-  
aces, dont petit à petit il fut abandonné, ne luy en restant que dix & sept. Et comme il estoit en cette chasse, deux Cornettes Espa-  
gnoles passent d'vn costé, & trois del'autre, qui apportèrent quelque desfiance au Roy, lequel estant lors peu accompagné, choi-  
sit vn petit tertre, pour ne rien hazarder temerairement: Mais ces Espaignols n'a-  
yans cœur qu'à la fuite, passent outre:

*Vive ex-  
hortation  
du Roy.*

*Secours ar-  
riué fort à  
propos.*

*Les enne-  
mis s'es-  
branlent,  
& se met-  
tent en fuit-  
te.*

*Chasse du  
Roy.*

Et à leur queue se trouuent quatre vingts cheuaux. Ceux cy, dit-il lors, nous seruiron de curee. Et à l'instant les charge avec vne poignée de gens si à propos, qu'il les desfit tous. De ce pas il retourne, ayant le bras tout sanglant, & enflé des horions qu'il auoit donnez. Les nostres estimoient qu'il se fust perdu dedas le gros des ennemis; mais le voyant commencer de crier, *Vive le Roy*, avec vne fanfare & allegresse infinie. Le Comte d'Aiguemont rend les abois, demeurans les chemins jonchez d'une infinité de corps de nos ennemis. Et est vne chose digne vraiment de nostre Roy, que dedans la meslee, il auoit ceste parole souvent en la bouche, que l'on espargnast le sang des François le plus qu'il seroit possible. Les choses estans racoifées, le lendemain vn Gentilhomme, voulant faire le bon valet, luy representa son espée toute sanglante & pleine de haches, où il y auoit de la chair & des poils attachez; voulant en cela le flatter & monstrier de quelle hardiesse il s'estoit comporté le iour de deuant: Mais il commanda aussi tost qu'on la luy ostast; ne se voulant ressouuenir des hideurs à quoy vn champ de bataille l'auoit contrainct. Cela me remet en memoire d'un autre traitt de luy admirable; Car ayant obtenu vne autre grande victoire en la bataille de Coutras, où vne bonne partie de la Noblesse de France estoit morte; Luy estant encores au champ de bataille, les principaux Capitaines, pour luy congratuler, luy montrants vne grâde couche de morts sur la place; *Ie ne m'en puis* (dit-il) *resjouir, voyant que*

*Le Roy  
seul espargner le sang  
François.*

*Il ne veut  
voir son espée  
si sanglante.*

mon malheur m'a faict sauuer ma vie par ma mort; *Dist notable du Roy en la iournee de Contras.*  
 chercher mon gain en ma perte, & mon aduancement dedans ma ruine. Ie vous ay remarqué cecy en passant. Quant au surplus; En cette Bataille d'Iury le Roy n'auoit de gens de pied que six mille, & deux mille hommes de cheual, dont *Nombre des hommes qui auoit le Roy à la iournee d'Iury.*  
 les huit cens luy estoient inopinément arriuez deux iours deuant la bataille: L'ennemy douze mil hommes de pied, & quatre mille cheuaux. Qui plus est, le Roy eust le loisir de choisir le lieu, le iour, le temps & occasiõ pour combattre; s'estant fortifié d'un valon, dont on ne le peut faire desloger le iour precedent. Et qui est vne particularité fort remarquable, Lorsque la bataille commença, on faisoit vne *Procession dans Tours lors que la bataille commença.*  
 Proceßiõ generale dedans ceste ville de Tours, où estoient tous les pauures Mendiants, & encores les petits enfans, qui n'auoient autre mot en bouche parmi les ruës qu'un, *Vive le Roy.* Ceste Proceßion dura iusques vers le midy, qui fut le temps auquel la bataille prit fin, comme si la victoire de nostre Roy n'eust dependu que des Oraisons de son peuple, tout ainsi que celles de Iosué Capitaine general des enfans d'Israël, des prières de Moïse. Les nouuelles de ceste victoire apportees à Tours par Armaignac valet de chambre; iamais on ne vid plus d'allegresses. Messieurs les Cardinaux, la Cour de Parlemēt & chambre des Comptes s'assemblerent dès le matin à saint Gatien, où fut chanté un *Te Deum.* Tout le peuple ferma ses boutiques toute la iournee, pour contribuer à ceste action de graces; & le soir, sans aucune inionction du Ma- *Te Deum chanté à Tours.*

*A Monsieur du Plessis Mornay, Gouverneur, &  
Lieutenant general pour le Roy en la Ville  
de Saulmur.*

*Il discours  
sur les dons  
qu'ont cou-  
stume de  
faire les  
Rois, &  
donne cer-  
taines re-  
gles qu'il y  
faisdroit  
observer.  
Dons im-  
mensés  
perdent  
l'Estat.*



Ly a enuiron deux mois, que ie vous es-  
criuy les raisons pour lesquelles i'esti-  
moy la nouuelle erection de la Cham-  
bre de Guyenne estre d'un tres grand prei-  
dice à la France: affin qu'en attendant la venuë  
de nos Deputez deuers le Roy, vous le peuf-  
siez rendre cependant capable aucunement de  
ce fait là. Maintenant qu'ils sont arriuez, ie  
vous entretiendray d'un autre suiet, qui me  
semble d'aussi grande importance. L'immésité  
des Dons du feu Roy a perdu l'Estat. Depuis  
qu'il a pleu à Dieu appeller le Roy à present  
regnant à la Couronne, il n'y a hommé de bien  
qui ne soit entré non seulement en esperance,  
ains en vne ferme creance, qu'il reduira toutes  
choses en leur ancien mesnage, pour estre &  
tres-capable & tres-disposé à ce faire. Tout es-  
fois ie ne scay comment le malheur de la Frâce  
est tel, que depuis sept ou huit mois on nous a  
enuoyé des dons de trente, quarante, & cin-  
quante mil escuz, pour verifïer; mesmes par  
vn nouveau formulaire. Ceux qui sçauent la  
desbauche de l'autre regne, s'associent avec les  
Seigneurs qui ont bonne part aux graces du  
Roy; Les vns administrant les inuentions;  
les autres la fayeur; tellement que par vnes

mesmes Lettres ils se trouuent deux donataires, & vont deux à deux, comme les freres mendiants: asseuré prognostic que cette voye prenant trait, on reduira sans y penser le Royaume en mendicité. Le malheur est tel, pendât vne guerre ciuile, que le reuenu de trois & quatre Royaumes, tels que le nostre, n'est suffisant pour assouuir la concupiscence de ceux qui assistent leurs Rois. Soudain qu'un Prince est embarqué dans telles tempestes, ce ne sont que demandes & importunitéz induës. Les Seigneurs & Capitaines se font accroire, que receuant beaucoup de leur Roy, encores leur doit-il de retour. Contentez leurs opinions, vous perdez le Royaume; Ne les contentez, vous-vous perdez. S'ils ne vous brauent de paroles, ils vous morgueront de fascheus semblants; feront contenance de vouloir sonner la retraite en leurs maisons, & de vous abandonner au plus fort de vos affaires. Considerations vrayement, qui doiuent aucunement excuser les liberalitez extraordinaires d'un grand Prince, lequel en telles occurrences est contraint, comme le sage Nautonnier, caller la voile à la ré peste. Cependant les moyens d'un Roy s'espuisent, & s'espuisants, en pensant conseruer son estat, il le perd. Vous me demanderez, quel moyen il y a doncques entre ces deux extremitez? Je vous diray en peu de paroles. Le naturel d'un Roy est d'auoir les mains ouuertes à tous ceux qui luy demandent: Que le Roy donne tant qu'il luy plaira; Mais qu'en donnant il face ceste reserue, que les gens de sa

*Dans im-  
mensés  
perdent  
l'Estat.*



*Prudence à  
remarquer  
à un Roy  
en matiere  
de dons.*

chambre des Comptes, estans les anciens mes-  
nagers, ne furent point establis par nos ances-  
tres pour estre comme simples Tabellions, qui  
sans cognoissance de cause sont contrains de  
grossoyer la minute des contractz qui leur sont  
presentez, affin de les pouuoir puis apres met-  
tre à execution; ains qu'ils peuuent modifier  
les Dons, tant selon leurs consciences, que re-  
glement de l'ordonnance. Ce n'est pas vn petit  
secret en matiere d'Estat, qu'un Roy assiegé  
d'une infinité d'importuns, leur accorde ce  
qu'ils luy demandent; Et neantmoins que sans  
se fascher il permette à la Chambre d'exercer le  
deu de sa charge. Car en ce faisant, il fait deux  
vrais actes du Roy, l'un en donnant; l'autre en  
n'enfraignant point les ordres anciens de sa Re-  
publique. Et dauantage il reiette tout l'enuie  
sur la Chambre; laquelle faisant son deuoir, ne  
se donne beaucoup de peine d'estre vne bute  
de mescontentement à tous ceux qu'elle es-  
conduit. S'il fait estat de ne reuoquer ai-  
sément les Arrests de la Chambre par Iussions,  
qui ne sont que trop familiares au grand Seau,  
ce ne sera pas vn petit moyen, pour l'auance-  
ment de ses affaires. Non que ie vueille dire,  
que ceste regle doie estre perpetuellement  
obseruée. Mais quand de son propre mouue-  
ment, pour certaines bonnes considerations, il  
voudra faire sortir plein effect à ses volonte, il  
y a des moyens pour le contenter. I'adiouste-  
ray, que nous comptions anciennement par Li-  
ures en France. Dés & depuis l'an 1577. nous  
auons compté par escus. Et au lieu que per-



dions auparauint la France par Liures, nous la perdons maintenant par Escus. C'est à dire, de deux fois plus, que nous ne faisons: Ne coustât non plus à vn Roy de donner dix mille escus, que dix mille Liures. Si mon souhait auoit lieu, ie voudrois qu'en toutes choses on comptast par escus; Mais en matiere de dons, par liures; parce que celuy qui hardimēt demande vingt-mil escus, auroit honte de demander soixante mille liures. Je vous escri ceci librement, d'autāt que le deu de ma charge, & la deuotion que ie porte au seruice du Roy, me le commandent; vous priant de me conseruer en vos bonnes graces. A Dieu.

*A Monsieur le Comte de Sanzay.*

**L**E quinziesme de ce mois d'Aoust, *Il raconte*  
iour del' Assomption nostre dame, *comment*  
est aduenu en ceste ville de Tours le *M. de Gui-*  
plus admirable trait d'hïstoire que *se se sauua*  
*de prison.*  
l'on ait iamais leu ny veu. Mōsieur de Guise s'est  
sauué. Vous sçauiez que le feu Roy l'auoit bail-  
lé en garde à Rouuré, Lieutenant du Seigneur  
de Larchant; & apres luy auoir fait changer de  
diuerſes prisons, en fin choisit pour sa demeure  
le Donjon du Chasteau de Tours, luy baillant  
quelques Gardes Françoises, Escossoises & de  
Suiſſes, affin d'oster tous moyēs de corruption. *Monsieur*  
L'ordre que Rouuré y tenoit, estoit, que ce *de Guise*  
ieune Prince estoit tousiours fuiui d'vn exempt *comment*  
des Gardes & de quatre soldats, qui ne le per- *garde par*  
*Rouuré.*

doiët de veuë, ores qu'il luy permit de picquer cheuaux dans la Cour, tirer des armes & tous autres nobles exercices. Luy qui n'auoit autre chose en l'opinion, que de sortir à quelque cōdition que ce fust, voire au prix de sa vie, dōne aduis à monsieur de la Chastre de l'entreprise qu'il brasloit, comme à celuy auquel il auoit entiere confiance, pour le lieu qu'il auoit tenu pres de feu son pere. Le Seigneur de la Chastre, qui lors estoit à Orleans, depesche son fils avecques plusieurs troupes vers Selles, qui s'approche iusques à vn quart de lieuë de nostre ville; Qui nous apporta vn grand estonnement.

*Ceux de  
Tours fort  
troubiez, à  
la veuë des  
Barons de  
la Chastre.*

Et comme Dieu esbloiit les yeux des plus clairvoyants, quand il veut que quelque chose s'execute, aussi nul de nous ne jette sa veuë sur le prisonnier, ains sur vn autre grand Seigneur qui estoit dans la ville, quel'on disoit lors estre en mauuais mesnage avec le Roy. Chacun s'arme la veille de nostre Dame, & se met en place: La plus part en resolution de mettre barricades deuant le logis de ce grand Seigneur; Disants qu'il auoit quelque intelligence avec le Baron de la Chastre. Ceste iournee se passe avec vne emotion admirable; toutesfois le lendemain les choses se trouuerent si r'acoisées, que vous n'eussiez pas dict que le iour precedent il y eust eu aucun murmure. Cela me faisoit souuenir du iour de Quaresme-prenant, où le commun peuple est si enragé en desbauche, qu'il semble ne deuoir estre iamais sage. Ce neantmoins le lendemain iour des Cendres, chacun se trouue si peneux, que nul ne penseroit que

le iour precedent la foliesse fust donné aucun  
 priuilege sur nous. Ceste rumeur generale de  
 la ville sembloit estre vn suffisant moyen, pour  
 tenir monsieur de Guise en ceruelle, & l'em-  
 pescher de passer plus outre à son dessein :  
 Toutesfois, passant par dessus tous destourbi-  
 ers, voicy comme il meine son faict. Il auoit don-  
 né ordre quelques iours auparauant de se fai-  
 re apporter des cordes dans du linge blanc, par  
 vne Lauandiere. Le iour de l'Assomption il  
 fait ses Pasques, & avec luy Penard Exempt  
 des Gardes, qui le deuoit accompagner ce  
 iour là. De là ils se mettent à table, & avec-  
 ques eux vn autre Exempt, nommé Monglart,  
 homme facetieux, que ce ieune Prince pria de  
 s'en aller; parce qu'il vouloit employer toute  
 ceste iournee à deuotion, non à rire. Apres  
 dîner il descend en la Cour avecques Penard,  
 ainsi que les Gardes disnoient en son anti-châ-  
 bre. Pendant ces choses, deux de ses gens don-  
 noient ordre d'attacher les cordes au plus haut  
 du Chasteau, qui regarde sur la Riuere pres  
 du Pont. Cela se dresseoit à vnze heures du  
 matin, iusques à vne heure, pendant lequel  
 temps les portes de la ville sont fermées,  
 chacun estant lors retiré en sa maison, pour  
 prendre son repas. Qui est vne discipline  
 que l'on a apporté presque en toutes les vil-  
 les de dessus Loire. Comme ce Prince estoit  
 en bas, il propose vn nouveau jeu à Penard, qui  
 seroit celuy d'eux, qui auroit le premier gaigné  
 le haut d'vn long escallier à cloche-pied.  
 Luy qui estoit prompt en jambe, gaigne

*Les cordes  
 luy sont  
 apportees  
 en du linge  
 blanc.*

*Traict de  
 souplesse  
 fort subtil-  
 ment soüé  
 par M. de  
 Guise.*

*Comment  
il se faisoit.*

le deuant; & se voyant au dessus de luy de douze ou quinze degrez, commence à toute courle de iouer des deux jambes, suiuy de mesme vitelle par l'autre; passe au trauers de l'anti-chambre, où les soldats prenoient leur refection, & entrant en vne autre chambre ferme la porte sur soy au verrouil; disant que c'estoit gageure. Penard le somme d'ouurir, ou qu'il rompra la porte. Cepédât il entre en vn petit escallier, sur lequel il ferme vne autre porte sur soy, & môte au dessus de la Tour, où il est descendu par deux siens valets, lesquels se descendent apres luy. Les Gardes se doutans de ce qui estoit, rompent l'une & l'autre porte, & montez au dessus de la Tour, trouuent qu'il n'y auoit plus que le nid, & que l'oiseau s'en estoit enuolé. Infiniment estonnez ils donnent l'alarme chaude par toute la ville. Tout cela ne pouuoit estre sans quelque bon entreiect de temps, durant lequel le prisonnier ayant gaigné le bas, eust loisir de gaigner le haut : Mais d'une façõ qui merite d'estre sceüe. Cõme il couroit le long de la Riniere sans chapeau, suiui de ces deux seruiteurs; quelque femme de delà l'eau s'escria, que le prisonnier eua-doit, mais sa voix fut ou negligee, ou non recueillie du voisiné. Luy d'un autre costé trouue vne Boulangere, qui abreuuoit vne meschante Iument chargee d'un Bast: Il monte dessus; & apres auoir longuement tracassé, finalement il passe la Riniere du Cher, avec ses gens dans vne Nasse. De là courant à toute bride, sans sçauoir quelle route il deuoit tenir, il est accueilli par vn soldat Ligueur, nommé Corbeau, autrefois  
Sergent

Sergent des Tailles en l'Election de Tours. Cestuy bien monté luy commande de demeurer. Monsieur de Guise, estimant que c'estoit quelque soldat de la garnison de la ville, qui fust en queste pour le reprendre, Luy dit, qu'il se rendoit à luy, & qu'au fort il en seroit quitte pour retourner en sa prison. Le soldat esmerueillé de ceste response, demande son nom. Il luy respond qu'il estoit Guise. A ce mot le soldat descend, luy embrassant les genoux, & le monte sur son cheual, allant trouver le demeurant des troupes, qui rodoient ceste plaine attendans pleines nouvelles de ce Seigneur. De là, apres plusieurs caresses ils s'en allerent à Selles, où ils arriuerent sur la minuit. Et les nostres qui s'estoiēt mis par les champs pour le reprendre, s'en retournerent sans aucun effect; estant chacun infiniment estonné de cette inesperee euasion. Maintenant chacun de nous fait diuers commentaires; Les Mefdisans se font accroire, que si le Roy en est fasché, monsieur de Mayenne ne le fera pas moins. Par ce que ce luy sera bailler vn corriual de sa grandeur, fôdé sur la seule memoire de son pere. En quoy, à mon iugement, il y eust eu quelque apparence, si apres la mort du pere, le fils n'eust esté emprisonné; Mais pendant l'espace de trois ans, toutes les seruitudes quel'on auoit vouees au defunct, se sont oubliees, & ont pris nouvelles racines en la grâdeur de monsieur de Mayene. Au demeurant ie ne vous puis dire quelle sera la fortune de ce ieune Prince. Mais remettant deuant mes yeux & la Sagesse, & la Magnani-

*Est reconnu  
& monté  
par un sol-  
dat Li-  
gueur.*

*Iugements  
diuers sur  
ce fait.*

*Sagesse &  
magnani-  
mité re-  
marquee  
en cest ac-  
te.*




mité & l'heur qui se font trouuez en cet acte, ie ne me puis rien promettre de petit deluy à l'aduenir; Sageste, en ce qu'il choisit vn iour de deuotion tel que celuy-là, & heure en laquelle il ne pouuoit estre bonnement veu ny promptement recoux; mesmes qu'il fit ce iour là ses Pasques: Car s'il le fit par Religion, c'estoit assureur son Ame, si en descendant il fust mesadueni de sa vie; si pour amuser les gardes, c'estoit vn conseil qui passoit grandement sa ieunesse. Ie vous adioust de quel artifice il donna la muse à Penard, & pareillemét aux autres gardes: Magnanimité, de s'estre exposé à tel dāger, veu la hauteur du lieu d'où il descendoit. Et finalement vn Heur, qu'apres auoir tracassé d'une part & d'autre, sans tenir sentier ny voye assuree, il soit arriué à port de salut. Les ieunes des Princes assiegees comme de cettuy, sortants du danger où elles estoient, ne promettent puis apres que toute grandeur; Ioint que plusieurs en matieres de guerre adorent plus le Soleil leuant que couchāt. Ie vous veux icy adiouster, que ce mois d'Aoust a porté quatre ou cinq visages d'histoire dignes d'estre ramenteux à vne loque posterité. Car en iceluy on a publié au Parlement de Tours vn Edict, par lequel il est permis à tous ceux de la Religio nouvelle, d'estre promeus à toutes sortes d'Estats. D'ailleurs a esté donné arrest solemnel, par lequel il est ordonné que la Bulle du Pape, qui nous auoit tous excommuniez, pour suiure le party de nostre Roy, seroit non seulement laceree, ains arse & brulee en plein marché. Ce

*Choses remarquables arriuees au mois d'Aoust de l'an 1591. Edict en faueur de ceux de la Religion nouvelle. La Bulle du Pape laceree & brulee en plein marché.*



qui a esté fait par l'executeur de la haute iustice. *Capitaines*  
 Deux braues Capitaines morts; La Nouë tué *morts.*  
 en la Bretaigne, & Chastillon fils de l'Admiral,  
 mort de maladie en son liët. Et en fin la rupture  
 des prisons de monsieur de Guise. A Dieu. De  
 Tours le dernier du mois d'Aoust mil cinq  
 cens nonante & vn.

*A Mademoiselle de Forges.*

 'Ay veu le gentilhomme dont m'auiez *Il la re-*  
 escript. La bonne bouche que semez de *mercie de*  
 moy a esté cause de nostre entre-veuë. *bon trust*  
 Je nescay si ie vous en doy scauoir gré, crai- *qu'elle fait*  
 gnant que l'honneur que me faites ne me *courir de*  
 trouue à deshonneur: Par ce que trompetez *luy.*  
 tant mes valeurs en mon absence à ceux qui  
 vous gouernent, qu'il est impossible que ma  
 presence y satisfasse; & que celuy qui m'halene  
 apres, ne se trouue deceu d'outre moitié de  
 iuste prix; si ce n'est que charmé de vostre bien  
 dire, il pense voir en moy plusieurs choses qui  
 n'y sont. Nous ressemblons aux paisages des  
 peintres, ausquels de loing vous pensez voir,  
 qui hommes & femmes dançants ensemble,  
 qui des troupeaux de diuerses bestes; mais  
 plus vous en approchez, moins vous y trouuez  
 de ce qu'en premiere apparence vous pensiez;  
 Ainsi est il de nous tous, plus on aproche de  
 nous par communications mutuelles, &  
 moins on y trouue ce que l'on s'estoit pro-  
 mis de nous. De moy, ie vous diray libre-  
 ment, que ie n'ay autre perfection, que de  
 recognoistre mes imperfections; Glorieux

toutes-fois, que i'aye peu gagner sur vostre bel esprit ceste opinion qu'avez du mien; Qui m'est vne obligation de bien faire, & de demeurer à iamais, vostre seruiteur. A Dieu.

*A Monsieur Fauchet, Conseiller du Roy, & premier President en sa Cour des Generaux des Monnoyes.*

*il luy re-  
monstre  
comme il  
ne doit es-  
tre fâché  
d'estre assés  
en la cha-  
bre des  
Comptes a-  
pres les  
Maistres.*

**E** suis tres-aïse qu'au milieu de nos troubles & orages, soyez en fin surgi à bon port dedans la ville de Tours, & que Messieurs de nostre chambre des Comptes ayent avec eux, & vous & quelques vns de vostre compagnie pour l'exercice de vos charges, marry toutesfois que soyez marry d'auoir seance au dessous des Maistres : mesmes qu'en vouliez faire quelque instance. Et parce que sçauvez combié ie vous ay seruy à vostre reestablissemēt, ie m'assure qu'apres m'auoir entēdu, fermerez le pas à vostre nouuelle opinion. Encōres que ie ne la trouue point trop estrange, non qu'en vostre particulier, ie ne la pense bonne, mais pour les martels & tintoins que l'honneur remuē en nos ames.

*Trois especes de biens entre nous.*

Il y a trois especes de biens entre nous, de l'ame, du corps, de fortune : La vertu, la santé, la richesse. Toutesfois i'oze presque dire qu'il y en a vne quatriesme, qui est comme quint'essentielle allambiquee de ces trois : C'est l'Honneur.

*L'honneur participe de toutes les trois.*

Que s'il vous plaist balancer les choses à leur vray poinēt, l'Honneur en soy n'est ny richesse, ny santé, ny vertu, & neantmoins il participe

de ces trois. Par ce que l'homme riche appete l'honneur, voire l'achapte à prix d'argent; l'ambition du malade est de guerir: Mais en pleine sâté, il est fort aisé mêt chatoüillé de cest hõneur: & encores que la vertu qui affecte l'honneur se réde par ce moyen vitieuse; d'autât qu'il la faut aimer à cause d'elle seulement: Si est ce qu'il aduient ordinairement qu'elle soit suiuiue de l'Honneur: & qui plus est, que par l'opinion commune, l'Honneur soit vn acheminement à icelle. Qui fut cause que les Romains bastirent deux Temples attenants l'un de l'autre, celuy d'Honneur & de la Vertu: Temple d'Hõneur (dy-ie) par lequel, comme par vn porche, on entroit dedans celuy de Vertu. Cela est cause que l'honneur estant façonné de ces trois piéces, il produit des effects estranges, & parauenture plus grands que les trois autres separément. Quelques vns font estat de la vertu; mais c'est de tant & entant que la commodité de leurs affaires les y pousse. Nous estudions à nostre santé, mais c'est pour viure plus longuement & à nostre aise. Nous trauaillons d'auoir des biés & richesses, il ne se faut enquerir pourquoy. Au contraire, le guerrier qui se met l'honneur en bute, passe par dessus sa vie, la foule aux pieds, & ne luy est rien de viure si son hõneur se trouuetant soit peu engagé. C'est pourquoy vous voyez le soldat aller d'un cœur franc à la bresche, avec vn ferme propos de mourir; mais de mourir (comme l'on dit) au liêt d'hõneur. Vous voyez encores les Gentilshommes en chemise, avec l'espee & la dague, s'immoler au Dieu

*Temples de  
l'Honneur  
& de la  
Vertu  
pourquoy  
bastis atten-  
nants l'un  
de l'autre.*

*L'Honneur  
combien  
forte touche*

*Mourir au  
liêt d'hon-  
neur.*

Mars, pour le soubstenement de leur honneur.

Voilà comme se maintient l'Honneur par ceux qui manient l'espe: & à vray dire, ils nous enseignent qu'en quelque estat auquel soyons appelez, nous ne laissons aisément enjamber sur nos marches. Voyons maintenant quel est celuy de la plume. Si ie ne m'abuze il gist en deux fonctions: L'une qui despend de nostre fonds & estoc, l'autre de la ceremonie. L'appelle de nostre fonds, combattre à qui mieux mieux en l'exercice de nos Estats, r'enuier contre nos compagnons de nos restes en bien faisants: & faire paroistre à chacun qu'on est le premier de la compagnie, ores que le dernier en seance. Ainsi qu'il aduint autrefois au grand Epaminondas dedans Thebes, lequel pour raualler la grande authorité que par ses merites il auoit empietee sur les concitoyens, fut en pleins comices pourueu du plus-vil Estat de la ville. Toutesfois il s'y comporta avec tant de dignité, dextérité & adresse, que sa charge estant expirée, elle fut ambitieusement pourchassée par ceux qui tenoient le plus grand rang. O que c'est vne belle chose, & digne d'un grand Magistrat, quand on dict que la dignité ne nous honore pastant, que nous l'honorons. Mais qui est celuy de nous tous, qui entre en ce noble champ de bataille? Nous auons seulement recours au second point de l'Honneur, qui gist en la ceremonie. Soudain que sommes entrez en vn Estat, nous combatons pour la prefféance des Processions, offrandes, portes, tables, d'auoir le dessus par la ville; & pédât que

*Charge  
vne enno-  
blie par un  
digne Ma-  
gistrat.*

mettons toute nostre estude en ces ceremonies (que volontiers ie nommerois cingeries) nous ne nous dōnons pas grande peine de faire correspondre nos suffisances & grādeurs, à la grandeur de nos Estats. Qui me semble vne ambition inepte.

Ie ne veux pas vraiment dire qu'il faille negliger ce point; bien diray-ie, qu'en tout autre temps la dispute de la prelléance estoit plus scāte qu'ē cestuy, mesmes à vous, qui estes encores tout mouillé, & à peine auez recueilly les aix de vostre naufrage. Maintenant que ie voy toute nostre Frāce en armes, & l'Espagnol nostre enemy, auoir esté mené par la main dedans la ville de Paris, à nostre ruine, il me semble que ie songe quand ie voy que nous autres pauvres refugiez combatōs, non pour estre reintegrez dans nos biens, ains pour nos prelléances.

Et neātmoins affin que despoüillez ceste vaine opinion de vostre entendemēt, il ne faut point faire de doute qu'anciennement nostre Chābre auoit la cognoissance & iurisdiction sur le faict des Mōnoyes, comme sur celuy des Comptes; Chose que ie verifierois par vne infinité de tesmoignages, si ma Lettre les pouuoit porter; Ioinct qu'en ceste affaire parauenture m'aduiēdroit-il ce que l'on dit en commun prouerbe, de parler Latin deuant les Clercs. Depuis petit à petit on chāgea l'anciēne Police, & le premier de nos rois qui y frappa coup plus hardimēt, fut Philippe de Valois, sous lequel furent introduites plusieurs noualitez, qui ont pris leurs accroissements avec le temps, tels que nous voyōs

*La chābre  
des Comp-  
tes auoit  
sadis co-  
gnoissance  
sur le faict  
des Mon-  
noyes.*



aujour d'huy. Or quelque remuement de mes-  
 nage qu'il y eut pour cet effect, si est-ce que  
 pour la verification de mon dire, il n'en faut  
 plus assëuré tesmoignage que l'assiette de la  
 chambre des Monnoyes, que l'on voit proche  
 de la nostre, comme sa fille. Et combien qu'on  
 en fit vne Cour pour iuger des Monnoyes en  
 dernier ressort, toutesfois nul Maistre des Mō-  
 noyes n'estoit receu qu'il ne fit le sermēt en no-  
 stre Chambre. Voire qu'à l'auenement du Roy  
 Louys XII. à la Couronne, le Roy ayant de-  
 cerné ses Lettres de confirmation aux Gene-  
 raux des Monnoyes qui estoient huit, vn Ad-  
 uocat, vn Procureur du Roy, vn Greffier, vn  
 Receueur, & vn Essayeur general des Mon-  
 noyes, ils presenterent leurs Lettres à nostre  
 Chambre, & y firent tous le serment le hui-  
 tiesme de Mars, 1498. Le premier qu'eustes  
 iamais pour President, fut maistre Charle le  
 Coq, qui presta aussi le serment en la Chambre  
 le vingt-sixiesme de Mars 1522. sous le regne du  
 Roy François I. de ce nom : & continua ceste  
 police iusques au commencement du regne de  
 Henry II. en la reception de tous les Maistres  
 generaux des Monnoyes; Ny pour cela n'a-  
 uoient seance au Bureau avec les Maistres, ains  
 auoient sieges separez. Et quelque dignité qui  
 fut à l'un d'eux sur ses compagnons, on ne fit ia-  
 mais de doute que le Maistre des Comptes ne  
 le precedast. Le Roy Philippe de Vallois en l'an  
 1348. fit & crea vn Iean Poleuin, Ordinateur  
 & gouuerneur General des Monnoyes, par des-  
 sus les quatre maistres generaux qui lors estoient

*Offices esta-  
 blis aux  
 Monnoyes,  
 present le  
 serment en  
 la chambre  
 des Cōpres.*

*Ordinateur  
 & Gou-  
 uerneur  
 General des  
 Monnoyes.*



dedans Paris. C'estoit comme vn President entre ces Maistres des Monnoyes. Et de fait, il est quelquefois appellé Souuerain des Monnoyes, qui valoit autant comme President; parce que ceux qui furent premierement Presidents tant au Parlemēt, qu'aux Comptes, furent appelez Souuerains. Poleuin fut pourueu d'un Estat de Maistre des Comptes, exerçant tous les deux ensemble. Et en la generale suppression des offices (qui fut faite pendant la prison du Roy Iean, par les brigues du Roy de Nauarre en l'assemblée de trois Estats) cestuy auoit esté mis au rang des interdits: & quelques mois apres la fureur du peuple estant raquoisée, il fut restably par Charles V. lors Regent. Or par les Lettres generales de reestablishement du 24. de May, 1458. quand on parle particulièrement de Poleuin, qui fut restably, il est porté en ces mots. *Iean Poleuin, Maistre de la chambre des Comptes: General & Souuerain Maistre des Monnoyes du Royaume.* Vous voyez la Souueraineté des Monnoye smarcher apres la Maistrise des Comptes. Ie vous coteray encores vn autre exéple, que trouuerez plus palpable que cestui-cy. Ie vous ay dict, que les Maistres Generaux des Monnoyes lors de leurs receptions faisoient le serment à la chambre des Comptes; Ie ne vous ay rien touché de leur instalation. Ie la vous diray maintenant. La forme que l'on y obseruoit, estoit, que celui qui se presentoit pour faire le serment, estoit auparauant certifié capable par les Generaux des Monnoyes, puis faisoit le serment à la Chambre. Le serment faict, elle

*Forme obseruée en l'instalation des Generaux des Monnoyes anciennesmēt.*

cômettoit tel de messieurs les Maistres des Cômptes qu'il luy plaisoit : lequel se transportoit au Bureau des Monnoyes, & là se mettait au dessus des Presidens des Monnoyes en leurs chaires, installoit le nouveau receu. Cela se trouue en la reception de Maistre Gabriel Chirot General des Monnoyes, qui fut le douzième Juillet 1574. portant le Registre, *Que Chirot auoit esté installé par Maistre Nicole du Pré, Conseiller & Maistre des Comptes, seant en la chambre des Monnoyes au haut lieu, & au dessus de Maistre Charles le Coq, Conseiller & Presidēt d'icelles Monnoyes.* Le semblable se trouue en Maistre Iacques de Tarennes, par Maistre Iean de Bisdouuilliers 1527. & depuis en Maistre Iean Bernard, par le mesme Bisdouuilliers, qui fut commis par la Chambre pour l'installation de l'un & de l'autre; & se trouue nommément qu'en les installant il prit son siege au dessus du Coq President. Si en vostre Chambre, où les presteances deuoient naturellemēt estre plus gardees à vos Presidents qu'ailleurs, ils quitterent ce grade, quelquefois au moindre de nos Maistres des Comptes ( car il est certain que la Chambre ne comettoit les plus anciens Maistres à ces installations, ains quelquefois les derniers venus ) vous ne deuez trouuer estrange que maintenant en ce Bureau ils vous precedent. Iamais il n'auoit esté veu qu'eussiez seance en nostre Bureau. Si on vous mandoit, on vous donnoit siege dehors. La necessité du temps a fait que la cognoissance des Monnoyes nous appartienne maintenant. Quoy

faisant ç'a esté remettre les choses en leur ancienne nature. Vray que la Chambre par vne debonnaireté qui luy est familiere, n'a point esté marrie qu'eussiez seance au Bureau, aux iours que l'on traicteroit des Monnoyes. Mais voyons si en cecy vous auez esté pirement traicté que les autres. Vous n'estes pas de meilleure condition que les Thresoriers Generaux de France, lesquels estoient anciennement de leur originaire nature de nostre corps. Quand ils viennent à nostre Bureau, on leur baille seance, voire à leurs Presidents, au lieu mesmes qu'on vous a assigné & aux vostres, au dessous de nos Maistres des Comptes. Et ne le trouuent estrange. • Quand Messieurs du Parlement y viennent, on leur baille la mesme seance; Mais ils y viennent pour les affaires qui concernent le Parlement, direz vous. I'en suis d'accord, vous aussi y estes pour celles qui regardent vos Monnoyes. Partant ne deuez estre de plus grand priuilege, que ces Messieurs là. Quand vous recueillirez toutes les particularitez par moy cy-dessus touchees, i'estime que vous mesmes ferez le Iuge de vostre cause pour vous condamner. Il y eut anciennement deux ambitions contraires en deux personnages de marque dedans Rome. Celles de Iules Cesar, & Sertorius. Iules Cesar en vne petite ville se voyant le premier des autres disoit, qu'il aimoit mieux estre là le premier, que le trois ou quatriesme à Rome. Sertorius au cōtraire cōmandant absolument sur les espagnes, & Capitaine general d'une grāde armee, disoit qu'il eust mieux

*Seance de ceux des autres Châmbres quand ils viennent à la Châbre des Cōptes.*

*Ambition diverse de Cesar & de Sertorius.*

aimé estre le dernier Senateur dedans Rome, que de tenir le lieu qu'il auoit acquis en Espaigne. Je pense qu'il vous est plus seant d'estre pres de Messieurs des Comptes en ce Bureau, que celuy qu'estes en la chambre des Mónoyes separee d'auec nous. A Dieu.

*A Monsieur de Mille.*

*Comment  
il ne doit  
rien faire  
precipita-  
ment en  
son maria-  
ge.*



À resolutiõ que prenez de n'espouser iamais autre damoiselle que vostre maistresse, monstre combien vous l'aimez, & croy que n'entriez en ce vœu, si elle ne vous rendoit pareille deuotion. Sur tout iem'asseure que serez si sage de ne rien entreprendre sans le consentemēt de sa mere. Je plain en vostre resolution la longueur du temps, la patience extraordinaire de l'un & de l'autre, la desbauche de vostre estat, en laquelle il me semble que depuis toutes ces poursuites estes deuenu Maistre passé. Et à peu dire, tout ainsi que par autres miennes lettres ie vous mandois que ie ne pensois que ce mariage sortist si prompt effect qu'esperiez : En quoy mon prognostic n'a esté menteur; Aussi crainje qu'aprestant d'allees & venuës, quand il sera conlommé, ne receuiez tous deux le contentement reciproque que l'on desire en telle affaire. Ainsi l'ay-ie veu auenir en plusieurs autres mariages, qui se sont faits par amourettes. Vous m'en direz quelque iour des nouuelles, si la honte ne vous en empesche. Il est beaucoup plus mal-aisé de nous retenir en nos bõnes que

mauuaifes fortunes. Maintenant que pensez estre au dessus du vent en vostre maison, il me semble qu'avez recherché ce ioüet pour vous affliger. Souuenez vous seulement qu'estes fils, & que le plus bel heritage que feu monsieur vostre pere vous ait laissé en mourant, est la memoire de son nom, & de ses vertus, contre laquelle ie vous prie rien entreprendre mal à propos. A Dieu.







L E

## QVINZIESME

## LIVRE DES LETTRES

D'ESTIENNE PASQUIER.

*A M<sup>o</sup>sieur de Souvray, Cheualier des deux Ordres,  
Conseiller d'Estat, Gouverneur & Lieutenant Ge-  
neral pour le Roy, en la ville de Tours  
& pais de Touraine.*

*Protesta-  
tion de son  
obeissance  
enuers luy,  
& reco-  
gnissance  
de son de-  
voir.*



Yant receut tant d'honneur, faueur,  
& courtoisie de vous, lors que i'e-  
stois vostre vassal, ie serois le plus in-  
grat homme du monde, si apres m'e-  
stre aucunement recognen en ceste ville de Me-  
lū, ie ne vous faisois encor' la mesme foy & hō-  
mage que ie vous-ay faicte à Tours. Ceste cy  
sera doncques, Monsieur, non pour vous man-  
der des nouuelles de ce qui se passe par deça, dōt  
estes assez informé ; ains des nouuelles toutes  
vieilles, lesquelles toutesfois ne vieilliront ia-  
mais en moy : C'est que, ny par la longueur du  
temps, ny de la distāce des lieux, ny de quelque  
eslongnemēt que ie face de vostre presence, ia-  
mais ne s'eslongnera de moy l'enuie que i'ay de  
vous faire tres-agreable seruice. Chose que de-  
sirant vous faire paroistre par effect, & non de



LIV. XV. DES LET. D'EST. PASQ. 191  
paroles, ie fermeray icy mes lettres , avec mes  
tres-humbles recommandations à vos bonnes  
graces. A Dieu.

*A Madame de Rez.*

**V**ous ne m'escriuez rien, que ie n'aye pre- *il luy re-*  
ueu deslors que partistes de ceste ville de *part sur vi-*  
Tours , non seulement pour la debon- *ne qu'elle*  
naireté & courtoisie de nostre Roy , qui ne re- *luy auoir*  
çoit comparaisson; mais aussi par ce que le meri- *ennoyé, où*  
tez entre toutes les Dames de la France. Il me *elle l'assèn-*  
souuient que le feu Roy traictant la trefue a- *roit du bon*  
uecquesluy , auant leur entreueuë, dict à Ma- *accueil que*  
dame d'Angoulesme , qui l'auoit gouverné à *elle auoir*  
Saumur, que mal-aisément se pourroit-il con- *receu du*  
tenter de luy , s'il n'abiuroit sa Religion. A *Roy.*  
quoy elle respondit, qu'il ne le falloit d'ocques  
voir ny parler à luy, parce que l'halenant on e-  
stoit contraint de l'aimer. Or ce qu'elle dict de  
luy, ie le veux dire de vous. Il ne vous faut  
gouverner, qui ne veut deuenir amoureux de  
vos vertus. Cen'est doncques pas tant à luy,  
que demeurez redeuable du bon accueil qu'il  
vous a fait , comme à vous mesmes. Et de-  
uez vous en remercier seulement. Et vous  
donnant cét aduantage sur luy, il est si bon  
Prince, qu'il n'en fera point marry, ny vous  
pour cela n'en deuiendrez pas plus hautai-  
ne. Mais à bon escient , Madame , auez-  
vous esté si hardie de vous trouuer dans les  
tranchees ? He vraiment ! si le Roy auoit  
beaucoup de telles Amazones , il ne luy

faudroit rechercher secours estrange. Car quant à moy, ie ne pense point que nostre siege de Rouën porte vn plus grand guerrier que vous. Les autres prennent des prisonniers; mais ce sont ceux qui par malheur, ou faute de cœur tombent en leurs mains; Et vous par vos belles lettres m'avez fait vostre prisonnier; prisonnier (dy-ie) de si bonne guerre, que ie veux recognoistre n'auoir non autre Maistresse, ains Maistre que vous; disposé de receuoir en tout honneur vos commandements. A Dieu.

*A Messieurs Loysel & Pithou, Aduocats au Parlement resseant à Paris.*


*Il escrit en Amy. & se plainct de l'iniure du temps qui empesche de faire tenir asseurement les lettres.*

**L**E plus grand contentement que i'aye, est quand la voye m'est ouuerte pour vous escrire; Et combien que iescache que le plus du temps c'est à coup perdu pour la difficulté des passages, si est ce que les escriuant ce m'est vn plaisir infiny. Ie deuise avec vous sur le papier, non obstant le malheur du temps, me faisant accroire qu'estes presents, & bien aises d'estre gouuernez par celuy que scauez vous estre ancien Amy. En cette opinion ie me flatte, ou pour mieux dire, m'éyure, de sorte que ie mets toutes mes fascheries sous pieds. Il n'est pas dit que tous nos cōtētemēts doiuent estre tousiours veritables. On en reçoit quelque fois en songe. Mais pourquoy dy-ie, en songe, si tous mes plaisirs dependent plus de l'imagination que de l'effect? Cest pourquoy la voix commune du peuple dit, que nul n'est malheu-

malheureux que celuy qui le pense estre. Je m'estime doncques heureux vous escriuât, orès que pour l'empeschement des chemins, mes lettres ne vous soyent rendues, sous vne ferme assurance que i'ay, qu'estes assurez, qu'il n'y a paresse, ny oubliance en moy du deuoir & amitié que ie vous ay des pieça voüee. A Dieu.

*Nul mal-  
heureux  
que celuy  
qui le pensa  
estre.*

*A Monsieur Sublet, Abbé de Ferrieres.*

 Vand ie considere que depuis mon partemēt de blois, ie ne vous ay gouuerné par mes lettres, il me semble auoir esté enuveloppé d'un profond somne, ou malade d'une lethargie, qui m'a fait oublier mon deuoir; Maintenant que ie me resueille, ie veux aussi vous resueillir. Que faites vous? Que dites vous? A quoy passez vous le temps? Quelles nouuelles de vostre bonne Ville de Blois? Que iugez vous de nos affaires? vne courte paix? vne longue guerre? Voyla beaucoup de demandes en vn coup, & assez pour empescher vne plume; non toutes-fois telle que la vostre, qui n'est point chiche de son ancre. Combien que ie demande beaucoup, si me contenteray-ie de peu, & me suffira de receuoir deux mots de lettre de vous, pour cognoistre quelle part i'ay en la continuation de vos bonnes graces. A Dieu.

*Il s'excuse:  
d'auoir tāt  
tardé à es-  
crire, &  
demande  
de ses nou-  
uelles.*

*A Monsieur Chalopin, Seigneur de  
Chauron.*

*Remerci-  
ment bon-  
nesté de ses  
bons tras-  
tements.*

**E** vous conseille d'estre desormais plus discourtois enuers vos hostes & bons amis. Sça'-vous pourquoy? Les honnestetez dõt auez vlé en mon endroit, me coustét maintenant si cher, qu'il ne me reste qu'un lög & fascheux regret d'auoir quitté vostre maison. Si vous eussiez quelquefois tourné vostre bon visage à gauche, ce me seroit aujourd'huy quelque consolation; mais de m'auoir toujours montré vne amitié sans respit, ç'a esté un charme pour mē rendre, non vostre hoste, ains vostre prisonnier à iamais. I'adiouste avec cela, l'honneste conuersation de vostre voisiné; mesmes des Damoiselles qui vous atouchent, suffisants objects pour faire perdre par leurs vertus les plus retenus Philosophes du monde. Or maintenant, que comme enfant perdu ie vous ay laissez, si me veux-ie retrouver en vous tous par ceste lettre; vous priant asseurer de ma part toutes ces honnestes compagnies, qu'elles auront en moy tousiours un homme prest à les seruir; & vous en vostre particulier en ferez estat, non entre, ains par dessus vos plus fidelles & asseurez amis. A Dieu. De Melun 1573.

A Monsieur Tambonneau, Conseiller d'Estat,  
& President en la Chambre des  
Comptes.

**D**ieu m'a fait d'une nature si hagarde, *Pourquoy*  
que ie ne crain rien tât, que d'escrire à *il n'escrie si*  
mes bons Seigneurs & amis. De me ra- *souuent à*  
menteuoir à leurs bonnes graces par lettres, & *ses amis.*  
n'auoir autre subiect, il me semble que ce sont  
parfums de Cour; De les repaistre de bayes ou  
baliuernes, ie ne le veux. C'est vn mestier que  
ie remets au tour de l'oreille passager, & non à  
vn papier permanent. De leur mander des  
nouuelles du temps, ie ne l'oze, & moins enco-  
res les prognostics que i'en fais. Brief, ce m'est  
vne vraye penitence, quand i'escry. A quel  
propos tout cela? Pour vous prier, Monsieur,  
de penser, que si i'ay vsé de ce mesme priuilege  
en vostre endroit, ce n'a esté par oubliance de  
vous, ains de moy. Bien diray-je, que vous es-  
criuant maintenant, ce ne m'est pas vne peni-  
tence; Et neantmoins ie ne vous escry à autre  
fin, que pour faire penitence de ma faute. I'en  
suis conpez & repens; & vous prie m'en donner  
l'absolution. Qui sera telle, s'il vous plaist, qu'e  
m'accusant vous m'excuserez; A la charge que  
quand i'auray cest heur de vous gouverner en  
presence, ie vengeray par tant de bons offices  
cet tort, que connoistrez que ie suis à vous en  
propriété, & aux autres seulement par em-  
prunt. A Dieu. De Melun.

*A Monsieur de Charmeaux, Conseiller d'Etat,  
& President en la Chambre  
des Comptes.*

*Combien  
son amitié  
souffre  
pour son  
absence.*

**E** ne pensoy point, qu'une amitié produisist des effects si estranges, que l'espreuve maintenât; n'ayant aujourdhuy autre desir dans mon ame que d'estre du tout sans memoire; Affin que la souvenance que j'ay de vostre douce conuersation n'engendrast plus dans moy vne infinité de regrets, qui me font ordinaire compagnie. Car ne pensez pas, ie vous prie, que ie n'aye en cette ville de Melun tout subiect de contentement depuis les plus Grands, iusques aux plus petits; aimé de mōsieur de la grange-le-Roy, nostre Gouverneur, pour l'ancienne amitié qui est entre luy & moy. L'un de mes enfans, qui commande sous luy à vne compagnie de gens de pied, pres d'une partie de mon bien; & ie ne tourne iamais mon penser vers vous, que soudain ie ne transforme mon plaisir en desplaisir. Ce sont les miraculeux effets de vostre bel esprit. Vous m'honorerez doncques, s'il vous plaist, de vos lettres; affin que ce soit vn refrigerer à ma douleur; Autrement ma maladie sera incurable. A Dieu.



*A Mademoiselle de.*

**N**E nous venez plus voir en cette Ville Il se iouë  
 sous tels gages. Comment! Qu'à vo- avec elle, &  
 stre partement ayez emporté quant luy montre  
 & vous tout le contentement, & n'a- combien il  
 yez laissé à vos amis qu'un fascheus regret? fait estat  
 C'est payer vos hostes en tres mauuaile mon- de son ami-  
 noye. Et quant à moy, ie ne dormiray iamais tie.  
 en repos, que ie ne m'en soyevangé. Ie dy d'un  
 ne braue vangeance, & digne d'un grand Ca-  
 pitaine, tel que ie suis. Car bon gré, malgré, il  
 faut que repreniez nos brizees; & quand ierez  
 en cette Ville, ne pensez pas estre mon hostesse,  
 comme feustes l'autre voyage. Ie vous feray  
 ma prisonniere de bonne guerre, nonobstant  
 tous vos passeports. Il n'est point en la puissâce  
 des Princes, tant d'un que d'autre party, de  
 faire que ne soyez de bonne prise; & de ce en  
 feray iuges ceux qui vous appartiennent. Ie  
 scay bien que par vne folle presumption direz  
 que l'ancienneté de mon aage m'en dispense,  
 ou bien que pensant vous faire ma prisonniere,  
 ie deuiendray moy mesme le vostre. C'est tout  
 un; alors comme alors. Car y deusse ie  
 perdre la vie, il faut que me repariez ce tort.  
 A Dieu.

*A Monsieur le Comte de Brienne.*

*Combien il  
se sent obli-  
gé au Sieur  
de Brienne  
pour luy a-  
voir fait  
sortir de  
Paris  
quelques  
moyens.*

**A**'Attendez que ie vous remercie de la peine qu'il vous a pleu prendre, pour faire sortir de Paris en seurté le peu qui m'y restoit de ma ruine; d'autant que ie n'enregiltre ce bon office au chapitre des plaisirs, ains des tyrannies qu'exercez sur vos seruiteurs. Ie vous estois acquis dès pieça, maintenant vous m'avez rendu vostre esclave, sans esperance de retourner iamais en mon ancienne liberté. Vous aduiserez doncques, Monsieur, de me commander. Car ie n'auray iamais repos en mon Ame, iusques à ce que par quelque bon seruice ie m'ésois reuangé. Cependant ie vous lairray vne bonne volonté pour ostage, qui ne prendra iamais fin. Et si apres la mort y a quelque ressentiment du passé, tousiours demeurera dans moy engrauee la memoire du bien & honneur qu'il vous a pleu me pourchasser. A Dieu,

*Au Seigneur Abell' Angelier, Libraire.*

*Il le re-  
mercie du  
Livre de  
l'Eloquence  
Françoisse  
qu'il luy a-  
uois enuoyé*

**A**'Ay receu ces iours passez le bel œuure que m'avez enuoyé, dont ie vous remercie. La Frâce doit beaucoup à l'Autheur. Et me semble, qu'il s'est fait grand tort, d'auoir teu son nom. Il est permis aux laides Da-

moiselles de se masquer, pour n'estre cognuës; Mais quant aux belles, ie les condamne d'aller à visage descouuert. S'il se fust nommé, il luy en fust pris comme à ceux qui pour contre-faire les Stoïques font vn traicté du mespris de la Gloire; toutesfois y mettans leurs noms demettent leurs œuures, par le moyë desquels ils veulent acquerir ce loz & honneur qu'ils font contenance de mespriser. Ainsi cestuy s'estât proposé de nous monstrier, combien nostre Eloquence Françoisse degenerate de l'ancienne Gregeoise ou Romaine, eust faict paroistre par son bien dire, qu'il le r'enuioit sur toute l'ancieneté; & eussions opposé son nom, pour faire contrequarre aux Demosthenes & Cicerons. S'il est hōme que cognoissiez, (comme ie m'asseur que faites) vous luy direz de ma part, que ie veux demeurer son valet; & tout d'une main qu'il entende les trauerses que ie me suis donné en le lisant. Ie recognoistray que du premier œil, ie me trouuay aucunement degousté de sa lecture; par ce qu'à la troisou quatriesme ligne il nous sert de ce mot, *Empirance*, que ie n'auois iamais leu qu'en luy, encores que la metaphore soit empruntée des Monnoyes; toutesfois vaincu de la beauté du titre, ie voulu poursuiure ma route; & vous diray franchement, qu'il m'aduint tout ainsi qu'aux yurongnes, lesquels rencontrés de bon vin, ne le laissent iusques à ce qu'ils soient yures; Ainsi me laissât emporter par ce bel esprit, ie me trouuay tellement surpris, que lisant sa premiere protestation, par laquelle il disoit ne vouloir parler

*Recit des  
particulie-  
res actions  
que tint  
M. Pasquier  
en lisant  
ce beau Li-  
ure.*

des viuants, pour n'encourir tache de flaterie ou enuie; & voyant les beaux eloges dont il honnoroit quelques Aduocats de marque qui sont morts, ie commencay de vouloir mal à ma vie, estimant que si dieu m'eust voulu fauorizer d'un belle mort, peut estre eusse-je esté enregistré dans ce noble Kalendrier. Vray que sur la fin il ferme le pas, par vn personnage viuant, duquel il fait grande commemoration sans le nommer. O que ie seroy (dy-je lors) heureux, si ce benefice tomboit dessus moy ! non pas que ie le merite, mais par ce que ie le voudroy meriter. Puis tout à coup reuenant sur mon mieux penser, ie fy cest arrest en moy, que c'estoit à luy seul, auquel il falloit reseruer ce placard. A l'heure mesme ie me souuin, que tout ainsi qu'à la suite de son discours, il a voulu habiller Demosthene à la Françoisse, au plaidoyé le plus recommandé des siens; aussi ay-je autre fois fait le semblable en celui de Ciceron, pour Milon; vous assurant que ie n'euy iamais tant de peine redigeant mes inuentions par escript, comme i'ay eu par cette traduction; Qui est vn labour merueilleusement miserable, ingrat & esclau; Et vous diray, qu'en mon epistre liminaire, ie me proposay, comme luy, de parler de nostre eloquence Françoisse: vray qu'il ne m'est point aduenue de passer vne condamnation si franche à nostre desauantage, cōme il fait. Car encores que ie soye d'accord, que pour estre nez sous vne Monarchie, nous n'ayons de si grands maistres & ouuriers de l'eloquence, comme en grece ou Rome, où ils

*Traduire  
labour mi-  
serable, in-  
grat & ef-  
clau.*

viuoyent sous vn Estat populaire; Si veulx ie  
 croire, que s'il y a quelque tare chez nous, elle  
 prouient de la disette de nos esprits; & non *Nostre vul-*  
 de nostre vulgaire, que i'estime autant capable *gaire au-*  
 & susceptible de tous beaux subiects, comme *tant susce-*  
 la langue Gregeoise ou Latine. En vn mot, si ie *prible des*  
 n'estois mis au rang des disgratiez de Paris, *beaux su-*  
 croyez que ie donneroy ordre, que vous ou *jets que le*  
 quelqu'autre imprimeriez; & le Plaidoyé pour *grecos*  
 Milon, que i'ay fait François, & l'Argument *Latin.*  
 qui est long, où ie pense auoir recueilly tout ce  
 que l'ancienneté en a dit; & par mesme moyen  
 mon Epistre, dont ie suis aucunement amou-  
 reux. Bien vous diray ie, que par vne outrecui-  
 dance admirable, ie souhaiteroy que d'un costé  
 fust le Latin; & de l'autre le François, pour les  
 assortir ensemble, encores que ie sçache bien  
 qu'une traduction ne viét iamais au parangon  
 d'une inuention: Et si seroy si brauache d'y  
 mettre mon nom, à la charge d'estre en mon  
 absence nazardé par quelques sots, qui pour  
 ne pouoir rien faire de leurs plumes, ne re-  
 tirent aucun aduantage de leurs sottises, qu'en  
 vilipendant les œuvres d'autrui. Voila en som-  
 me ce que ie voulois vous escrire, tant pour  
 vous remercier, que pour le communiquer à  
 ce noble esprit, aux bonnes graces duquel ie  
 desire estre recommandé. Je vous puis dire, a-  
 uant que de clorre ma lettre, que i'ay paracheué,  
 corrigé & mis au net les quatre derniers liures  
 de mes Recherches, prests d'estre mis sous la  
 presse; esperât faire vn recueil de toutes les let-  
 tres que i'ay escrites depuis ces dernier trou-

blés. C'est en quoy ie trompe les malheurs de ce temps, attendant que Dieu, par sa sainte grace, nous reünisse tous ensemble. Quand verrez messieurs Loisel & Pithou, ie vous prie leur baiser les mains de ma part. De Melun ce xv. de Mars 1594.

*A Madame de Ch.*

*Il se ioie  
sur une  
peinture  
de la Mag-  
delaine que  
cesle Da-  
me luy  
auoit en-  
uoyé.*

**E**Ntre toutes les bonnes parties que i'ay remarquées en vous, i'auoy tousiours fait estat de vostre bon iugement; mais maintenant i'en suis plus confirmé que iamais par le Tableau de la Magdelaine qu'il vous a pleu me donner. Car en somme, vous auez sagement reconnu, que mon aage n'estoit plus disposé à l'amour qu'en peinture. Et en outre auez estimé, que tout ainsi que la Magdelaine fit penitence de ses amours, aussi deuoy ie faire le semblable, si tant estoit que mon Ame eust esté autrefois trauessee de cette passion. Et neantmoins quelque chose qu'il en soit, si me dispenseray ie encores d'estre idolatre. (Il faut que cette parolle m'eschappe) de toutes les perfections que nature a pourtraies au vif en vous tant de corps que d'esprit. Ce sont les miracles que faites de rajeunir le vieux, renforcer les alangouriz; voire de faire reuiure les morts. Je tourneroy volontiers le feuillet & diroy, de faire aussi mourir les viuants. Car à vray dire, vous exercez par vn mesme moyé l'vn & l'autre. D'vne chose me veux- ie plaindre, qu'ayez eu si peu de fiance en moy, de pen-



fer que si i'ay faict quelque chose pour vous, c'ait esté souz l'opinion d'un present : Toute mon ambition est d'auoir ceste faueur d'estre aimé de vous, de mesme balance que ie vous honnore & respecte. Tout le demeurant ne gist qu'en peinture. A Dieu.

*A Mademoiselle de.*

**E**stimez vous en estre quitte pour vous taire, Mademoiselle la glorieuse? Quoy? que ie vous aye escrit vne grande feuille de papier, que ie sçay vous auoir esté renduë, & que ne m'avez daigné mander l'auoir receuë? Car de me rescrire, qu'elle vous eust esté agreable, ie ne l'attendois nullement, sçachant qu'eussiez esté menteuse. Je sçay que les medecines coustent infiniment à prendre: elles sont en les prenant ameres en la bouche, & estans prises causent vne infinité de tranches, aupauiant quel'on cognoisse leurs saines operations. Le semblable est-il de ma lettre. C'est vne medecine pour guerir le mal d'esprit qui vous comâde maintenant. Auant que la puissiez, ie ne diray digerer, ains gouter, bon Dieu que ie ly en vostre visage de renfronemens, & en vostre Ame de trauerses entre l'Ouy, & le Nenny! Et neantmoins croyez que ie l'ay faicte en amy: & si la sçauiez bien prendre, iamais Damoiselle ne s'en trouua mieux. Vous me direz: Medecin pense toy, toy mesmes. Et ie vous respondray par vne parole que nous enseigne nostre grâd & souuerain Medecin: M'amie faites ce qu'ils vo' disët, & nō ce qu'ils fōt. C'est vrayemēt vne

*Il tance ce-  
ste Damois-  
selle de ce  
qu'elle ne  
luy auoit  
fuit auoir ne  
responſe a  
vnequ'il  
luy auoit  
escrit.*

204 LIVRE XV. DES LETTRES  
belle chose à toute honneste Damoiseile, telle  
que vous, de penser à vn mariage: mais aupara-  
uant que d'y entrer, il y a vne infinité de consi-  
derations, tant en general que particulier, les-  
quelles ie vous ay represétees par mes dernie-  
res, comme vn frere feroit à sa sœur. A Dieu.

*A Monsieur de Sermoise, Conseiller du Roy,  
& Maistre des Requestes ordinaire  
de son Hostel.*

*Il le remer-  
cie de quel-  
ques offices  
qu'il luy  
auoit ren-  
dus à pa-  
ris.*

**E** vous remercie de la peine qu'auuez pri-  
se pour moy, mon fils de Bussi estant à pa-  
ris pour recueillir ce qui me restoit de mō nau-  
frage. Ce plaisir est d'autant plus recomman-  
dable, que ie ne vous en auois osé prier, craignāt  
que le malheur des troubles eust enseuely dans  
vous, la memoire de nostre ancienne amitié.  
I'espere que dieu nous fera la grace de nous re-  
cognoistre tous dans quelques iours en vostre  
Paris; car nostre, ie ne l'osé encores dire. Et  
croyez que ie me feray lors payer par vous; &  
en cas semblable, vous, par moy, des arrerages  
des bons offices dont nous sommes demeurez  
reliquataires l'vn enuers l'autre. Nostre amitié  
est fonciere; & ores qu'elle fust courāte, les cinq  
ans de l'Ordonnance ne sont encores expirez;  
Ioint qu'é temps de troubles & d'hostilité, nul-  
le prescription n'a cours; & en tout euenement,  
ie vous prie que ceste missiue nous serue d'in-  
terruption. A Dieu.

*Lettres du Seigneur Mornac, Aduocat au Parle-  
ment de Paris resseant à Tours, à Pasquier.*

**A**y leu auidement, non vne fois, ains deux, le discours par vous faict en qualité de Ligueur, adressé au Prince de la Ligue, dedans lequel combié que vostre nom n'y soit, & que soyez recognu pour vn naturel contre-Ligueur, toutesfois nous l'auons tous iugé en ceste ville estre de vostre creu, quelque masque & faux semblant dont l'ayez voulu reuestir. Car aux œuures qui sortent de vous, *Licet ipse sileas, totus es in vuln.* Et à la mienne volonté que chacun fust aussi bon François que vous, & apportast mesme deuotion que vous pour le repos general de nostre France. Je sauteray maintenant de vous à moy, pour vous dire qu'apres auoir plaidé ma cause contre la calomnie de ceux, qui pour empescher ma reception, soustenoient que dedàs mon nouveau Poëme des troubles, il y auoit quelque grain de la Ligue, en fin i'ay esté receu par Arrest en ma charge d'Aduocat. Du depuis non content de ce qui regardoit l'Estat, i'ay voulu cōferer avec le Seigneur de l'Escale, de ce qui concernoit l'œconomie de mon Liure, & singulierement de la description des villes, esquelles i'ay pris plaisir de m'esbaucher. Lequel n'y a trouué rien à redire. De maniere que ie me delibere d'orenauant, *Scaligero auspice*, à ma premiere commodité de l'exposer en lumiere. Mais c'est assez : *Ego enim Noctuum Athenas*, comme l'on dict. Les obligations, mō-

*Il escrit à M. Pasquier qu'il a leu quelques escripts qu'il adreſsoit aux Princes de la Ligue.*

sieur, que ie vous ay, & l'honneur que me faites de m'aimer, m'ont excité à passer ceste se-  
ree pour vous escrire le plaisir que i'ay eu à lire  
ce qui a esté à l'instant reconnu venir de vous ;  
& vous prie de me tenir pour vostre tres-hum-  
ble & tres-affectionné seruiteur, A Mornac.

*A Monsieur Mornac, Aduocat en la Cour de  
Parlement scant à Tours.*

*Ayant res-  
pondu à la  
siennes luy  
dit le inge-  
ment qu'il  
fait de son  
Livre de  
Poésie.*

**N**E pensez pas que le discours, dont  
me gratulez, soit prouenu de  
moy. C'a esté vne iuste douleur qui  
a aiguillé & mon esprit, & ma plu-  
me, pour le repos de nous tous. *Dole tantum*  
(disoit Ouide) *Sponte disertus eris*: Et neant-  
moins ie ne suis point si mal apriuoisé de moy,  
que ie ne reconnoisse fort bien, que l'hon-  
neur que me faites, est deu à vne belle affection  
que me portez, & non à l'estoffe ou bonne fa-  
çon de l'ouurage. S'il est bié fait, i'en dois redre  
graces à Dieu: Si mal, c'estes vous que ie doy  
remercier, qui en me loiant me donnez taiti-  
blement aduis de mieux faire. Mais cepédant  
prenez garde, que m'accablant de louanges,  
ne me faciez succomber sous le faix, me faisant  
d'un fol deuenir enragé. Nous, qui mettons  
quelque fois la main à la plume, ne sommes  
que trop idolatres de nous le plus du téps, sous  
faux gages. C'est pourquoy ie ne reçoys ces  
louanges de vostre part, sinon de tant, que  
ie les estime vray pourtrait de vostre amitié.  
Quant à vostre œuvre Poétique, ie ne le

ſçauroy aſſez haut-loüer, tant auez heureu-  
 ſement représenté les malheurs de noſtre  
 France, meſmes ayant le Doctel'Eſcalle pour  
 parrain. Toutesfois, ſi me permettez vſer de  
 l'honneſte franchise dont i'vſe enuerſtous mes  
 amis, il me ſemble qu'eſteſtrop fréquent aux  
 deſcriptions des villes dont parlez. Ny ce grãd  
 Lucain, dont ie vous voy imitateur, ny tous les  
 autres anciens Poètes de nom, ſur le moule deſ-  
 quels deuez compoſer voſtre Poème, n'en ont  
 vſé de cette façon. Ie vous prie en aduertir  
 voſtre Ariſtarque; Et ſ'il condamne mon ad-  
 uis, i'acquieſceray volontiers au ſien. La plus  
 grande faute que nous faiſions en compoſant,  
 eſt de ne pouuoir oſter nos mains du Tableau  
 que traçons; eſtimant que d'en retrancher  
 quelque choſe, ce ſeroit nous couper vn doigt.  
 Or quant à moy, il me ſemble qu'on doit plus  
 priſer deux ou trois Tableaux mis en leur iour,  
 qu'une centaine ſur leſquels ie ne me pour-  
 ray donner le loisir d'aſſeoir ma veüe, ny  
 mon iugement. Ne ſçauſez vous que le touf-  
 fe & multiplicité de ſentences aiguës de Se-  
 neque le fit autresfois deſdaigner par quelques  
 Autheurs anciens? Au contraire, que Plutar-  
 que, pour y auoir eſlé plus ſobre, ſerendit ad-  
 mirable à la poſterité? Si ie ne m'abuse, trois ou  
 quatre deſcriptions des villes principales de la  
 France, rendoient voſtre labeur plus accom-  
 ply. Et pour ne perdre rien des fruicts de voſtre  
 Iardin, i'aimerois mieux que fiſſiez vn Liure  
 à part, où deſcriuiez par Chapitres toutes  
 les autres villes, comme fit anciennement

*Senèque  
 deſdaigné  
 pour ſon  
 trop de ſen-  
 tences.  
 Et Plutar-  
 que recom-  
 mandé pour  
 en auoir  
 eſté plus ſo-  
 bre.*

nostre Aufone. Voyez comme ie m'acquitte enuers vous de ma debte. Vous m'avez fait cest honneur de me louer; & moy en contr'echange, ie vous controle, mais en cettuy il n'y a pas moins d'Amitié, qu'en l'autre. Et quand ne voudrez receuoir ce mien Conseil pour bõ &valable; pour le moins fera ce vous occasiõner de me respondre, & par mesme moyen receuoir nouuelles de vous. A Dieu.

*A Monsieur de Charlonie, Prenoſt  
d'Angoulesme.*

*Il louë son  
Poëme sur  
le nombre  
quaternai-  
re.*



E vous remercie de l'honneur qu'il vous a pleu me faire par vos lettres; nõ seulement sans l'auoir merité, mais sans que m'ayez iamais cognu de veuë. Si ie ne suis tel que dites, c'est me donner l'esperon de l'estre pour ne vous faire menteur. Entre tous les vers que m'avez enuoyez, ie louë vostre petit poëme du nombre Quaternaire. Qui est vne belle imitation de celui d'Aufone, sur le Ternaire; Et de vos deux ieuz mis ensemble, on peut faire le septenaire; que l'on estime le plus parfait de tous les autres: Sur lequel aussi Philippe Beroalde se voulut autrefois iouer. Au demeurant il semble, que par forme de remplissage vous pouuez adiouter, que ce grand & inefable nom de Dieu, est en plusieurs langues seulement composé de quatre lettres; Et pour cette cause appellé par les grecs *παραχρηματις*; en Hebrieu, *Iehoa*; en Grec, *Σις*; en Latin *Dens*, en François, *Dieu*, en Italien, *Idio*; en Espagnol

*Le nom de  
Dieu en  
plusieurs  
Langues  
composé de  
quatre let-  
tres.*



Espagnol, *Dios*, en Allemand, *Godt*.

Qui est vne piece, laquelle bien mise en œuvre, n'empirera point vostre ouurage; voire merite d'estre employee au frontispice, pour faire ce que disoit le Poëte; *Abs l'oue principium*. C'est la monnoye, de laquelle i'entends vous payer, en recompense de ce que m'avez presté. A Dieu.

*A M. Theodore Pasquier, son fils aisné, Aduocat au Parlement de Paris, transferé à Tours.*

**L**E Seigneur de Vitry s'est depuis quelques iours en ça reduit sous l'obeïssance du Roy, & à sa suite la ville de Meaux, dont il auoit le Gouvernemēt sous l'autorité de la Ligue. Je veux que l'on entende dedans Tours, comme toutes choses se sont passees. Luy voyant la conuersion du Roy, ne se voulut du premier coup rendre des siens, craignant qu'il y eust de la dissimulation telle qu'un tas de Moines cassards, qui s'enrichissent des troubles, trompettent ordinairement dans leurs chaires. C'est pourquoy la trefue ayant esté iuree, il se donna loisir l'espace de cinq mois entiers, de considerer les deportemens, tant du Roy; que de la Ligue. Il voit que quelques traueses que le Legat, & autres telles Ames Espagnoles eussent apporté contre la conuersion du Roy; toutes fois ce bon Prince auoit enuoyé à Rome monsieur le Duc de Neuers, (qui entre tous les Catholiques porte son sauf-conduit sur le front) pour baïser de sa part les genoux du S.  
Il recite  
comme  
M. de Vi-  
try print le  
party du  
Roy quit-  
tant la Li-  
gue, & en  
sistre la  
ville de  
Meaux.  
M. de Ne-  
uers à Ro-  
me pour  
faire à sa  
Sainteté  
les submis-  
sions de sa  
Majesté.

pere, & recevoir pour luy absolutiõ de sa Sain-  
 cteté. Que d'ũ autre costé les vrais supposts de la  
 Ligue n'auoient aucune veine qui tendist à la  
 reconciliation avec leur Prince legitime & na-  
 turel. En fin voyant la trefue sur le poinct d'ex-  
 pիր, & que de là en auant il n'estoit plus temps  
 de conuiuer, il delibera de franchir le pas, & se  
 rendre sous la subiection de son Roy, auquel il  
 n'y auoit plus de si, qui empeschast de le reco-  
 gnoistre. Il s'achemine avec sa famille à Meaux,  
 en fait sortir les garnisons, & la remet en son  
 ancienne liberté. Là il fait vne assemblee gene-  
 rale en l'Hostel de la ville, où apres auoir re-  
 mercié tous les habitans de l'honneur qu'ils lui  
 auoient faict estant leur Gouverneur; les prie  
 de l'excuser si toutes choses ne s'estoient passées  
 à leur contentement; Et leur declara que sa  
 resolutiõ estoit de suiure le Roy, & le motif qui  
 l'induisoit à ce faire. Et par ce qu'il entendoit de  
 les laisser en leur franc-arbitre, leur remet-  
 toit toute la charge & intendance qu'il auoit  
 eüe sur eux. A ce mot, comme il estoit sur  
 le poinct de se leuer, ils le supplient de conti-  
 nuër ceste charge comme auparauant. Ce  
 dont il les remercia, & se retira à vn Chasteau  
 voisin; où estant les habitans cognoissants que  
 il ne s'agissoit plus du faict de la Religion pour  
 le soustenement de la Ligue, ils se resolurent  
 de suiure la piste de leur Gouverneur; & crie-  
 rent vn, *Vive le Roy*, par toute la ville, chas-  
 sants quelques particuliers mutins, qui euf-  
 sent peu apporter destourbier à leur nouuelle  
 deuotion. Et tout d'vne main porterent vers

*Remerci-  
 ment de M.  
 de Vitry à  
 ceux de  
 Meaux.*

*Se retire en  
 vn sien  
 Chasteau.*

*Meaux re-  
 duitte au  
 seruice du  
 Roy.*

les Festes de Noël les clefs de la ville au Roy; Lequel y a faict son entree à ce commencement de l'an. Et deslors mesmes a remis le Seigneur de Vitry en sa charge, au gré & contentement de tout le peuple. Cest exemple, comme ie m'aïeure, seruira de miroir aux autres Seigneurs de la Ligue, pour le rang & reputation que cestuy tenoit au milieu d'eux. Et en aduiendra autant aux villes Ligueuses, en se reduisant sous la puissance de nostre Roy, comme il aduint au feu Roy, sur le declin de sa fortune, quand elles se rebellerent en flotte, & à l'enuy les vnes des autres contre luy. Pour le moins voy-je, que par vn mystere caché de Dieu, tout ainsi que la rebellion de Paris aduint la veille de Noel mil cinq cens quatre-vingts huiet; aussi à pareil iour & heure mil cinq cens nonante quatre, est aduenue la reduction de Meaux, qui est la premiere des villes rebelles, qui s'est volontairement remise sous l'obeissance de leur Roy. A Dieu. De Melun, ce 6. Ianuier 1594.

*Le S. de  
Vitry remis  
en sa  
charge.*

*A Monsieur de Serres, Auteur de l'Inuentaire  
general de l'Histoire de France.*

**O**N m'a dict que trauailliez sur l'Histoire de nos troubles: ie louie vostre intention. L'entreprise est grande, mais infiniment chatoüilleuse. Car il est fort malaisé qu'au milieu de nos guerres ciuiles, vn homme soit composé d'un esprit si calme, qu'il ne suine ou l'un ou l'autre party, & par mesme moyen ne laisse emporter

*Il luy escrie  
sur la diffi-  
culté qu'il y  
a d'escrire  
sur l'Hi-  
stoire de ce  
temps, &c.  
combien ils  
ont esté  
broüillez.*

sa plume à la mercy du vent qui la pousse : Auquel cas voulant garentir nostre histoire, il est grandement à craindre qu'il ne la perde. Ou s'il ne veut balancer d'une part & d'autre, qu'il ne se perde. Vous faictes le procès aux Rois, Princes & grâds Seigneurs, & tout d'une main à vous-mêmes, discourant toutes les particularitez qu'il est requis en telles matieres, la verité accueille contre vous une haine generale de ceux qui ont puissâce de vous nuire. C'est pourquoy en telles affaires, viuant sous une Monarchie, les Sage-mondains sont d'aduis, qu'il faut commencer de faire le procez à son Liure, & le condamner en une obscure prison pour long temps; afin que la vie de l'enfant ne soit cause de la mort du pere. Dieu vueille que ie soye menteur; Toutesfois remettant deuant mes

*Changement  
estrange en  
la France.* yeux ce que i'ay veu autrefois, & ce que ie voy maintenant, ie ne veux pas dire qu'il y ait changement d'Estat ( la parole seroit trop hardie )

mais si quelqu'un auoit dormy l'espace de 40. ans entiers, iusques à huy, il penseroit voir nō la France, ains un cadauer de la France, ou bien chercher la France au milieu de la France sans la trouuer. Qu'ainsi ne soit, ie vous prie considerer par pieces quel estoit nostre Royaume deux ou troisans auparauant la mort du Roy Henry

*La Sauoye  
& le Pied  
mont pos-  
sede par  
les François.  
La Bretai-  
gne unie à  
la Couronne.*

II. Et quel il est aujourd'huy. Outre l'ancienne enceinte des Prouinces dont nos vieux Rois auoient iouy, il possédoit la Sauoye & le Pied-mont, qu'il auoit estendu iusques a la ville de Casal; Auoit vny à la Couronne le Duché de Bretagne, comme principal heritier de la Roi-

ne Claude sa Mere ; s'estoit emparé de Toul, Verdun, Mets & pays Messin, souz le titre de Protecteur ; Auoit cōquis sur le Luxembourg, les villes de Montmedy, Yuoy, & Dompvilliers ; Sur les païs-Bas, Mariembourg ; & quelque temps apres Calais & Thionuille : En Italie l'Isle de Corse, & Montalcin. Maintenant qu'est deuenue tout ce grand territoire ? Non seulement nous ne le possédons, mais à peine nous souuenons-nous de l'auoir possédé. Nous n'auions lors qu'une Religion en France. De parler d'autre que de l'ancienne, c'estoient feus. Maintenant nous en auons deux. Et de vouloir supprimer la nouuelle, paraenture seroyent-ce autres feuz. En nostre Eglise Romaine, c'eust esté chose inexpiable de vendre le temporel, pour subuenir au defroy des guerres ; Depuis les troubles ce ne nous a esté que jeu. Et ceux-mesmes qui tindrent les premieres dignitez del'Eglise, en furent les premiers courratiers, pour s'aduantage en credit pres de nos ieunes Rois. Les Eueschez, Abbayes, & benefices se conféroient à personnes Ecclesiastiques. Et combien que de fois à autre il y eust del'abus, pour les dispenses des aages, Commandes & pluralité de benefices, si ne recognoissions nous lors, ny œconomes, ny confidentiaires : Chacun les possédoit pour soy avecques dignité & honneur. Maintenant ils sont donnez à huis ouuert aux Princes, Gentilshommes, & Capitaines ; voire quelque fois à des femmes, pour auoir fait bon marché de leurs corps ; & pen-

*Vne seule  
Religion  
autrefois  
en France.*

*Abus &  
desordres  
au fust des  
benefices.*



sons que Dieu nous en doit de reste, quand nous nous appropriâmes le reuenu, faisans bail-  
 ler le titre, & quelque pension à vn Capellan  
 ignorant, lequel avec vne grande Soutane,  
 contrefaiçt au milieu de nous le Prelat, qui est  
 vne vraye Mommerie enuers Dieu. Il n'est pas  
 quen'ayons introduit l'action de perfidie, con-  
 tre ceux qui nous veulent en cest endroit man-  
 quer de parole. Adioustez, que les grands Sei-  
 gneurs veulent rendre les benefices hereditai-  
 res en leurs familles. On ne recognoissoit an-  
 ciennement autres Gardes que celles du Roy.

*Le Roy seul  
 dest auoir  
 des gardes  
 en France.*

Il me souuient que le feu Roy de Nauarre, nou-  
 vellement pourueu de sa Couronne, venant  
 en Cour avec ses Gardes, pour baiser les mains  
 au Roy Henry II. on l'aduertit au Bourg-la-  
 Reine de les y laisser. Par ce que nul n'auoit  
 ceste prerogatiue en ceste France, que nostre  
 Roy. Depuis combien auons-nous veu de  
 Princes ou Gouverneurs de Prouinces qui en  
 auoient; diminuans d'autant la dignité du  
 Roy, qu'ils augmentoient la leur? Nuls n'e-  
 stoient appelez au Conseil Priué, que les Sei-  
 gneurs qui auoient esté employez aux grandes  
 charges & Ambassades; D'ailleurs on n'y trai-  
 toît qu'affaires d'Estat. Auioird'huy la por-  
 te y est presque ouuerte à toutes sortes de gens  
 & de causes. Tely est appellé, qui en son Ame  
 s'esbañit, ou, pour mieux dire, a honte de s'y  
 voir assis. Et si vous auiez assemblée en vne gran-  
 de Sale, tous ceux qui en portent le tiltre, vous  
 y en trouueriez cinq cens & plus. Nous auons  
 l'Ordre de S. Michel, que nos Rois donnoient

*Ordre de  
 l'Estat  
 peruertý.*

*Ordre de S.  
 Michel d'où  
 venu a  
 mespris.*



avec tout respect, aux grands guerriers apres auoir sagement commandé aux armées, ou aux Prouinces, comme Lieutenants de Roy. Depuis nos troubles nous le baillâmes en tasche. Et pour corriger ce deffaut introduisimes l'Ordre du saint Esprit, qui est arriué au mesme desordre. Anciennement ce mot de Gouverneur estoit incögnu, sinon aux Prouinces frontieres; Les autres viuoient sous l'obéissance du Magistrat ordinaire; Mainteuant nous en auons, non seulement au cœur du Royaume, ains en chascque ville. Par mort nos Rois gratifioient des Gouvernemens, ceux qu'il leur plaisoit. S'il ne les continué auourd'huy de pere à fils, on en fait instance. Conioignez ceste particularité avec les Gardes, n'est ce pas renoueller, sous le nom de Gouverneur, l'ancienne dignité des Ducs & Comtes? De capituler par vn subiect avec son Roy, c'eust esté crime de leze Maiesté; Maintenant c'est fidelité. Nulle Citadelle n'estoit lors dedans les villes; Et qui est auourd'huy celle qui en soit exempt? Du commencement des troubles nous les bastîmes, pour par ce moyé asseurer les villes au Roy, contre la rebellion des sujets; Et Dieu vueille, qu'õ ne les bastisse auourd'huy pour s'en asseurer, en cas de reuolte, encontre le Roy. Je vous laisse à part la faillite de l'Hostel de ville de Paris; C'est à dire de l'Estat, sur lequel ses rentes sont assises; Villes non renduës, ains venduës au Roy sans les liurer; & vne infinité d'autres ruines quel'on est cötraint d'introduire, pour nous garetir d'une

*Gouver-  
neurs iadis  
seulement  
sur les fron-  
tieres.*

plus grande ruine. Et au bout de tout cela ne pouuons-nous dire, qu'en ce grand corps de nostre France, il y a vne dissolution generale de tous ses membres, prognostic tres-certain de sa fin, si Dieu n'a pitié de nous?

*Deux es-  
peces de  
troubles,  
pour le fait  
de la Reli-  
gion, &  
pour la Li-  
gue.*

Nous auons eu deux especes de troubles: Les premiers sous le nom de Huguenot; les seconds, sous celuy de Ligueur. S'il vous plaist repasser sur les lettres que ie mis en lumiere l'ã 1586. Specialement celles que i'escrui aux Seigneurs de Fossomme, & d'Ardiulliers, vous y trouuerez le commencement, progres, relasche, puis reprise de nos premiers troubles; Et par mesme moyen vne bonne partie de tous les changements que ie vous ay cy dessus marquez. Cela vous pourra seruir d'un crayon, que reuestirez d'enrichissements. Car quant aux derniers suruenus sous le nom de la sainte Ligue, ie les remets à la diligence & fidelité de vostre plume. Me donnant loy de penser ce que ie crain pour l'aduenir, & à vous permission de l'escire. A Dieu.

*A Monsieur de Serres, Auteur de l'Inuentaire  
general de l'Histoire de France.*

**P** Vis qu'avez entrepris nostre Histoire, *Il disoit*  
 si les prieres d'un amy tiennent lieu de *sur plu-*  
 commadement dessus nous, ie vous sup- *sieurs re-*  
 plie de ne separer les affaires d'Estat, d'avec les *marques de*  
 iugemens de Dieu; comme font vn tas de cor- *nostre Hi-*  
 rompus courtisans, qui n'ont autre Religion *stoire, &*  
 en leurs Ames, que celle qui despend de leurs *surtout*  
 commoditez & profits. Je souhaite que soyez *des commẽ-*  
 vn Philippe de Commines au milieu de nous. *cement des*  
 Et neantmoins, par forme d'auant-jeu, ie vous *troubles de*  
 diray l'observation que j'ay faicte sur nos cala- *France.*  
 mitez & miseres. Quand Dieu veut ruiner vne *Guerres*  
 Republique, il y enuoye les guerres ciuiles, en- *Ciuiles en-*  
 tre lesquelles il n'y en a nulles de plus dange- *uoyees de*  
 reux effect, que celles qui s'entreprenent pour *Dieu pour*  
 la Religion; & sur tout n'y a rien qui soit tant *chastier les*  
 à redouter, que quand vn Royaume tombe *Republi-*  
 sous le basaage d'un Roy; Car en l'un ou l'autre *ques.*  
 de ces cas, les grands Seigneurs, qui mettent *Celles pour*  
 leurs esperances à l'essor, trouuent assez de su- *la Religion*  
 jet pour exercer leurs ambitions. Cest trois ren- *les pires.*  
 contres se trouuerent en mesme temps, quel- *Ieunesse du*  
 que peu apres la mort du Roy Henry second; *Prince fort*  
 mesmes en ieunes Princes, assistez principa- *dangerense*  
 lement d'une Princesse estrangere, leur Mere, *à vn Estat.*  
 qui pour n'auoir autre support, que de son es-  
 prit, temporizoit aux tempestes, ou, si ainsi  
 voulez que ie le die, se diuersifioit, comme le

Polype, selon les objects qui se presentoient. Estimez-vous qu'en tout cecy il n'y ait eu vn mystere tres-expres de Dieu? N'en faictes doute. Et voicy comment. Nous veismes l'Em-

*Charles V.  
arme contre  
ses subiects  
rebelles à  
cause de  
l'heresie de  
Luther.*

*Les Alle-  
mands im-  
plorent le  
secours des  
François, &  
pourquoy.*

*Henry II.  
decie pro-  
tecteur de  
la liberie  
Germani-  
que.*

perceur Charles V. faire la guerre aux Allemands ses vassaux, pour auoir embrassé l'heresie. Ie vous prie ne vous scandalizer de ce mot en tous les discours que ie feray cy-apres de Martin Luther. Ses affaires luy succedoient à propos; Au moyen dequoy ils implorerent nostre aide. Y auoit-il rien plus plausible en matiere d'affaires d'Estat, telle que le courtizan se figure, que de prendre leur faict en main, pour ne permettre qu'un grand Prince s'agrandisse dauantage à nos portes, par la ruine de tous les Seigneurs d'Allemagne? Mais aussi y auoit-il rien plus iniuste, que de secourir vn subiect contre son Seigneur naturel? Et encores prendre la cause d'un Heretique, contre vn Empereur Catholic, qui ne combattoit que pour l'honneur de Dieu & de son Eglise? Nostre Roy estoit Prince Catholic, comme aussi les Seigneurs qui auoient meilleure part en ses bonnes graces; ce nonobstant nous prenons la protection de l'Heretique Allemand; & par vn titre magnifique le Roy en plein Parlement se faict proclamer, *Protecteur de la Liberie Germanique*; C'estoit à dire de l'heresie Germanique; & comme tel fit forger monnoye portant ceste inscription. Souz ce beau titre entreprismes le voyage avecques vne puisante armee. En quoy les choses nous reüssirent de telle façon, que sur la seule renommee de nostre en-

treprise, estans sur le point de passer le Rhin, l'Empereur fut contraint de passer les choses à l'amiable avec ses subiects, & leur accorder plusieurs passe-droits contre l'honneur de Dieu & de sa conscience, qu'il n'eust autrement tollez. Quant à moy, ie veux croire, que Dieu nous voulut depuis chastier de mesmes verges, dont nous affligeasmes l'Empereur; Ayant permis qu'apres le decez de Henry, ses enfans mineurs fussent guerroyez par leurs subjects, pour le soustenement d'une opinion plus violente que celle de Luther; & qu'ils s'aidassent des Princes Allemands contr'eux. Et quand Dieu voulut exercer sa vengeance sur nous, il fut hors de toute puissance humaine d'y remedier, & fit que tous les remedes que nous y auions pensé apporter, se tournassent à nostre ruine. Chose que ie vous veux discourir comme vn placard de nostre Histoire, qui merite d'estre solemnisé.

*Punition  
de Dieu sur  
la France.*

Au retour de ce beau voyage d'Allemagne, Calvin en  
Caluin commença de solliciter vns & autres *quel temps,*  
par lettres, qui se laisserent aisément surprendre, *Et par*  
estimants, comme il est à croire, que puisque *quels com-*  
le Roy & son Conseil auoient pris la protectiō *mencemēts*  
des Lutheriens, ils estoient en leurs Ames de pa *ietta la pre-*  
reille Religion. Ainsi s'espandit petit à petit vn *miere se-*  
seminaire de nouuelle Religion par la France, *mence de*  
laquelle vint en fin iusques aux parties nobles, *ses opinions*  
ie veux dire iusques aux Princes & grands Sci- *neuuelles.*  
gneurs. Qui fut cause que le Roy delibera y  
remedier. Ce qu'il pouuoit faire aisémēt pédāt  
la trefue del'an mil cinq cēs cinquāte-six, par ce

que soudain apres qu'elle fut faite, l'Empereur s'estant despoüillé de tous ses Estats sur le Roy Philippe son fils, il auoit choisi vne vie solitaire & recluse. Mais comme Dieu esblouit les yeux de ceux qu'il veut chastier à bonnes enseignes; aussi laissasmes nous enuoler cette occasion.

*Espee fatale  
le enuoyee  
par le Pape  
Theatin au  
Roy, l'inci-  
tant à re-  
couurer le  
Royaume  
de Naples.*

Et pour rendre sa punition plus exemplaire, voulut qu'un Pape Theatin fust le premier parrain de nos malheurs, quand il enuoya l'espee fatale à nostre France, par le Cardinal de Caraffe son nepueu, peu auparauant soldat; Nous conuiant par ce beau present à la rupture de la trefue & recouffe du Royaume de Naples, dont luy & toute sa famille auoyent esté chasséz par l'Empereur. Nous y prestames l'aureille. Et comme nos miseres furent depuis enfilees de l'une en l'autre, aussi pendant que la fleur de nostre Noblesse Françoisise estoit en ce

*Journee de  
S. Laurent  
desastree  
pour nous.*

voyage d'Italie, aduint en l'an 1557. la grande Route pres Saint Quentin, le iour S. Laurent, où la plus part de nos Princes & grands Seigneurs furent, qui pris, qui tuez. Et trois iours apres on surprit dans Paris deuant le College

*Assemblée  
de Calui-  
nistes à  
Paris de-  
uant le  
College du  
Plessis.*

du Plessis vne infinité de gens qui faisoient leur assemblée, tout ainsi qu'on fait à Geneue. Deux iournees vous puis-je dire, que Dieu voulut estre si proches l'une de l'autre, comme celles qui deuoyent estre le fondement de nostre ruine. Le Roy voyant, qu'il auoit de là en auant deux guerres sur les bras; l'une sur la frontiere contre l'Estranger, l'autre au cœur de la France contre son subiect; Qu'en l'une il y alloit du corps, en l'autre del'Ame, se re-



solut à quelque prix que ce fust de faire la paix avec l'Estranger, en deliberation de s'armer cōtre les Heretiques de son Royaume. Ainsi le public depuis en plein parlement Charles Cardinal de Lorraine. Et ainsi fut la paix concludē, par laquelle nous quittames en vn iour sans coup ferir, par vn trait de plume, tout ce que par le temps & espace de trente ans nous auīōs conquis par les armes, aux despens de nos vies, avec vne infinité de fatigues. Rendimes au Sauoyard la Sauoye & le Piedmont ( ancienne eschole de nostre discipline militaire ) Aux Geneuois l'Isle de Corseque, & Mōtalcin; A l'Espagnol les villes d'Yuoy, Montmedy, Domuilliers, Mariembourg, Thionuille: En contr'eschange dequoy on nous rend les prisonniers, & la ville de S. Quentin, avec Han & le Chastellet, lors Bicoques. Et pour conclurre cette tragedie, on l'accompagne de deux mariages, l'vn de la fille du Roy avec le Roy Philippe; l'autre de sa sœur avec Philibert Emanuel de Sauoye. Paix non moins honteuse à la France, que celle de l'Empereur Iouinian avec le Roy de Perse, tant descriée par toute l'ancieneté. Voila le premier plan de nos maux; Et paraenture de l'Histoire qu'entreprenez.

Entendez maintenant la suite. Quelques iours apres la conclusion de cette paix, cōme l'on dresseoit les preparatifs des nopces & festins dans le Palais de Paris, le Roy suiuy de ses principaux fauoris vint liurer le premier assaut dans son Parlement, qu'ilors siegeoit

*La Sauoye  
& le Pied-  
mont ren-  
duës à leur  
Duc.  
Corseque,  
& Mon-  
talcin ren-  
duës aux  
Genois.  
Villes ren-  
duës à  
l'Espagnol.  
Mariages  
celebres.*

aux Augustins, où ayant proposé de rechercher tous les remedes pour estouffer ce nouveau feu, quelques Conseillers furent d'aduis de remettre ceste deliberatiõ à la decision d'un Concile general. Le Roy voyant que par ceste opinion ils reuouquoient plusieurs articles de nostre Eglise en doute, commanda à Montgommery, Capitaine de ses Gardes, de se faire de cinq Conseillers, & les loger dedans la Bastille, comme il fit. Et quelques iours apres il sceut du President Minart, les noms des autres qui estoient entachez de ce mal; bien deliberé de leur faire espouser mesme prison qu'aux cinq autres. Ce conseil, selon le discours humain, estoit grand: car quand on voit un mal pulluler, il se faut attacher aux grands, pour intimider les plus petits. Toutesfois Dieu voulut, qu'inesperément le Roy fut tué courant la Lance, le iour mesmes qu'il auoit concerté avec Minart; Et par la main de Montgommery. De maniere que par sa mort ce nouveau dessein reuint à neant; Et n'y eut que l'Estranger qui par ceste fascheuse paix fit son profit de nostre perte. Ce premier project estoit grand, en sens humain; Mais le second dont ie vous parleray maintenant, non seulement ne luy ceda, mais l'exceda de toutes façons. Le Roy François second du nom, ieune Prince, succede à la Couronne. Il auoit espousé Marie Stuart Roine d'Escoffe, niepce des Seigneurs de Guise, lesquels sous ce pretexte empieterent sans contredit, & la personne du Roy, & le Gouuernement du

*Conseillers  
mis en la  
Bastille  
pour auoir  
soustenu  
l'opinion  
Calumnieuse*

*Le Roy fa-  
talement  
tué.*

*François II.  
succede à  
son pere,  
marié à  
Marie  
Stuart  
Roine  
d'Escoffe.  
Messieurs  
de Guise  
d'où em-  
pieterent  
l'autorité  
en Cour.*

Royaume; reculans de la Cour tous ceux qui auoient tenu les premiers rangs pres du feu Roy. Leur Gouuernement despleut à plusieurs, comme trop violent. Mais eux, pleins d'entédement, estimerét n'y auoir conseil plus agreable, non seulement au menu peuple; Mais aux Cours souueraines, que de reprendre les derniers arrhements du Roy Henry, à l'extermination des Heretiques; & ce par vne commune proposition, qui court par la bouche de tous; Qu'il n'y a rien tant à craindre en vne Republique, que le changement d'vne Religion ancienne. C'est pourquoy ils pourchasterent la mort de Maistre Anne du Bourg l'vn des cinq Conseillers prisonniers, lequel fut executé à mort deuant l'Hostel de ville de Paris. Et depuis donnerent plusieurs attaintes à ceux de la nouuelle Religion; Lesquels pour parer à ce coup, commencerent de coucher de l'Estat: Disants que ce n'estoit la raison, que des Princes Estrangers tinssent en leur possession ( qu'ils appelloient prison ) ce ieune Roy, au preiudice des Princes du sang. Et sur cela fut concluë l'entreprise où l'on diët que le Prince de Condé presida; laquelle estant prestee de sortir effect dans Amboise, fut descouuverte, & les entrepreneurs diuersement chastiez. A la verité, c'estoit à Messieurs de Guise que l'on en vouloit, non au Roy, si vous en croyez la leçon commune. Toutesfois eux sages, se donnerent bien garde d'en faire le semblant; Mais tout ainli' que leurs ennemis, pour donner fueille à leur faction, auoient

*Changemēt  
de Religion  
grandemēt  
à craindre.*

*Anne du  
Bourg exe-  
cuté pour la  
Religion.*

*Entreprise  
d'Amboise  
descouuerte*

seulement couché de la deliurance du Roy; Aussi d'un mesme artifice ces Princes firent courir vn bruit par la France, que l'on s'estoit voulu emparer de luy, pour establir sous son pretexte & autorité la nouuelle Religion; Non en cela peut-estre abusez. Et sur ces arthes apportent tout ce que l'on scauroit desirer de prudence. Car quand ils s'agit du salut du Roy, & de nos Ames, ne deuons-nous pouf-

*Le Regimēt des Gardes du Roy quand establi, & à que' dessein.* ser de nos restes? Ils creent vn nouveau Regiment d'harquebuziers François, (outre les anciennes gardes) qui seroit continuellemēt pres du Roy. C'est celuy que nous appellons encores aujour d'huy, Regiment des gardes du Roy. Establissent nouveaux Gouverneurs au milieu de la France, contre l'ancien ordre; celuy d'Orleans, qu'ils font donner à Cipierre, brave caualier, & leur confident; l'autre de Touraine, Anjou & le Maine, dont ils firent pouruoir le Duc de Montpensier, tant par ce qu'ils le recognoissoient ennemy iuré de l'heresie, que pour faire paroistre, contre les calomnies de leurs ennemis, qu'ils fauorisoient les Princes du sang. Dedans Fontainebleau par vn nouveau desordre, font donner l'Ordre de S. Michel, à dix & sept braues Seigneurs & Capitaines, qui estoient autant de creatures qu'ils se faisoient. En celieu mesme en vne grande assemblee de personnages de marque, commencent de donner vn plus chaud allarme, qu'au precedent à la nouuelle Religion, affin de rechercher les voyes & moyens de la supprimer; Font proclamer à certain iour la conuocation

*Gouuerneurs nouveaux establis.*

*Estats d'Orleans proclamez.*

destrois

des trois Estats dedans la ville d'Orleans; Au moyen desquels ils se promettoient, ayans l'autorité par deuers eux, de faire condamner sans exception de personnes, tous ceux qui se trouueroient entachéz de ceste nouuelle maladie. Disposent sur les aduenuës à vingt lieues à la ronde, vne infinité de Gendarmes, pour obuier à toutes conjurations & surprises. Et par ce que ils auoient esté asseurez, que le Prince de Condé auoit esté de la partie d'Amboise, & que le Roy de Nauarre son frere aîné, ne s'en estoit grandement esloigné, ils donnent ordre de les faire venir en Cour, tant par belles paroles que menaces. Arriuez qu'ils sont, on fait le procez *Le procez fait au Prince de Condé.* extraordinaire au Prince; le Roy de Nauarre n'attendant que sa ruine, par la ruine qu'il voyoit preparee à son frere; & donnent ordre de conuoyer les trois Estats, afin, comme il est vray-semblable, d'y faire condamner ces deux Princes du sang. Repassez par toute l'ancienneté, vous ne trouuerez point conseils bastis à chaux & ciment comme ceux-cy. Le Roy Henry II. pour paruenir à son but, auoit couché de son Parlement; Ceux-cy le reuenient de l'assemblée des trois Estats; Le Roy s'estoit heurté contre des Conseillers de Cour souveraine; Ceux-cy, contre les deux premiers Princes du sang; ayants de telle façon eschaffaudé leurs affaires, qu'estans assistez de la force telle que dessus, ioint le pretexte des trois Estats, il estoit, ie ne diray point mal-aisé, mais impossible en sens commun, qu'ils ne fussent venus à chef des Caluinistes; & par mesme moyen, que



*François II.* ils ne se fussent authorizez en grandeur par  
*meurt a-* dessus tous, malgré l'enuie. Sur ces entrefaites  
*pres trois* le Roy meurt inopinément. Sa maladie n'est  
*sours de* que de trois iours. En tout cecy il est certain,  
*maladie* qu'il ne seruoit que d'image. Car sa ieunesse  
*seulement.* le dispensoit de toutes ces pratiques. Ceneant-

*Chance*  
*changee en*  
*fort peu de*  
*temps.*

*Le Roy de*  
*Navarre*  
*faict Lieu-*  
*tenant Ge-*  
*neral du*  
*Roy par*  
*toute la*  
*France.*

*La Religion*  
*nouvelle*  
*s'establit a-*  
*uec plus de*  
*prest lors*  
*qu'on la*  
*pensoit a-*  
*battre.*

moins sa mort faict en vn tour de main esua-  
 nouir tous ces cōseils, comme vn tourbillon, en  
 fuinee. Les Seigneurs de Guise sont abandon-  
 nez, par les espreuiers de Cour, qui ne suiuent  
 que le vent. Et ceux que l'on auoit appelez  
 pour les ruiner, sont luiuiz, voire qu'il sem-  
 bloit qu'on leur eust à poinct nommé baillé  
 leur rendez-vous dans Orleans, pour leur e-  
 xaltation. Deslors nouvelle face d'affaires; Vn  
 Roy de Navarre estably Lieutenant general  
 du Roy, par toute la France: vn Prince de  
 Condé, qui auparauant auoit conuillé aux  
 coups, Demandeur en declaration d'innocen-  
 ce; Qualité en matiere criminelle non iamais  
 auparauant prise. Vn Seigneur de Chastillon  
 Admiral, & ses Partizans de la nouvelle Re-  
 ligion commencent par pratiques sottes de  
 remuer l'humœur des Estats, & de s'en faire  
 croire, en faueur des Princes du sang, dont ils  
 se targuoient. Ceux-cy demeurent en Cour  
 pres du Roy, & manient tout le Royaume,  
 sous l'autorité de la Roine Mere, assistee du  
 Chancelier de l'Hospital. Tous les autres  
 Princes estrangers & grands Seigneurs se reti-  
 rent à la file dedans leurs maisons. De manie-  
 re que la nouvelle Religion, auparauant, ie ne  
 diray point harassée, ains terrassée, commença



de leuer les cornes , & se loger au milieu de nous d'vne furieuse insolence. Nous la veismes estre preschee , non en lieux sombres & escartez , ains à huis ouuert en la maison de la Comtesse de Senigant , dans ceste ville de Paris; & au mesme temps par le Ministre Malo , dans les folliez du faux-bourg de saint Iacques, comme s'il eust voulu escheller la ville; & depuis par iours alternatifs au Patriarche , & à Popincour , par le mesme Malo & la Riuiere Ministres. Nous vismes vne sedition scandaleuse & pleine de honte , aduenüe par mesme cause dans l'Eglise de saint Medar : Images rompuës, hommes blesez, Fonds Baptismaux abbatus, par la conniuece de ceux qui gouuernoient en Cour. Vn Gabaston Cheualier du Guet , vn Rouge-aureille, Preuost des mareschaux de l'Isle de France avec leuts Archers faire espaule contre l'autorité du Parlement. Chacun le voyoit , chacun lamentoit en son Ame , & nul n'en osoit parler. La ville de Geneue produisoit vne pepiniere de nouueaux Ministres. Iamais gens ne penserent estre plus asseurez qu'eux. Car & le Colloque de Poissi, pas de Clerc du Cardinal de Lorraine, pour faire monstre de son esprit contre Theodore de Beze, & l'Edict du mois de Ianuier de l'an mil cinq cens soixante & vn , sembloient en tout les fauorizer ; Quand voicy. inesperément le Roy de Nauarre , qui change de Religion pour vn Royaume imaginaire de Sardaigne qu'on luy promet ; & tout

*Presches à Paris.*

*Sedition à S Medar, & quelle insolence.*

*Le Roy de Nauarre se quitte la Religion nouvelle.*

d'une suite fait nouvelle Ligue avec le Duc de Guise, qu'il tenoit peu auparavant pour ennemy capital de sa maison; & de ceste partie sont les Condestable & Marechal de saint André. Se ligue, dy-je, contre le Prince de Condé son frere & l'Admiral, & les Huguenots, qui avoient esté les principaux instrumens de sa grandeur, lors de l'advenement du Roy Charles IX. à la Couronne. Y eust-il jamais metamorphose plus paradoxe que celle-là? Monsieur de Guise arriva à Paris (apres l'exploit sanglant de poissy) accueilly d'un applaudissement general de tout le peuple. Adoncques Procession generale pour expier tout ce qui s'estoit passé; Ruine du Patriarche & de Popincour; où les presches s'estoient exercez; Retablissement de l'Eglise de S. Medar; Punitions exemplaires des seditieux; vns Cagers pere & fils pendus; vn Gabaston decapité; massacre par la populace, de ceux qui estoient seulement soupçonnez; Et à cela pareille conuiuëce du Magistrat, comme il avoit faict aux Presches. Dessors s'espandit vn chaos par tout la France; Nous veismes

*Retour de fortune estrange.* deux partis armez; L'un se disant Catholic, sous l'authorité du Roy de Navarre; l'autre Huguenot, sous celle du Prince de Condé. En celuy là le Duc de Guise, & en cestuy l'Admiral de Chastillon, tenans diuersement les premiers lieux, sous ces deux Princes. Les vns s'emparent du petit Roy, & de Paris; les autres d'Orleans. Chacun d'eux se vantoit de combattre pour le service de Dieu & du Roy; & iamaï service de Dieu & du Roy ne fut en tel desarroy comme

*Retour de fortune  
estrange.*

*Ceux de la  
Religion  
persecuez,  
& qu'elles  
punitions.*

*Deux partis  
diuers  
en France.*

*Orleans  
prise par  
les Hugue-  
nots.*

lors. Ce grand Châcelier de l'Hospital ne pou-  
 uoit adherer à la prise des armes, pour les incō-  
 ueniens qu'il preuoyoit en deuoir aduenir. Son  
 opinion ne seruoit que de chiffre aux grands,  
 & aux petits de scâdale. Aussi à vray dire, celuy  
 est fol, qui pense par police tolerer deux Reli-  
 gions contraires en vne Republique, si l'vne ne  
 fieschit, comme serue, souz la commune du  
 païs; comme l'autre, qui veut exterminer la  
 nouuelle, par la violence des armes. Le Hugue-  
 not se saisit de la ville de Rouën; l'on mit le sie-  
 ge deuant. Là est tué le Roy de Nauarre, & la  
 ville prise; bataille donnee deuant Dreux, où le  
 Marechal de saint André est tué, & le Prince  
 de Condé pris par les nostres, & le Connesta-  
 ble par les ennemis. Monsieur de Guise n'auoit  
 plus aucun destourbier de sa grandeur, tous ses  
 Corriuaux estans ou pris, ou tuez. Et à peu di-  
 re, il estoit le reduit seul & general de tout le  
 party Catholic. Il assiege la ville d'Orleans,  
 prend d'emblee le Portereau, dont il seruoit  
 fort aisément à couuert son ennemy, qu'il re-  
 duisit en toute extremité & disette. Il auoit  
 lors acquis non moins de creance entre les no-  
 stres, qu'un Charles Martel, sous la premiere  
 lignee de nos Rois, ou Hugues le Grand, souz  
 la seconde. Et s'il fut venu à fin de son entrepri-  
 se, comme chacun s'asseuroit qu'il feroit, le par-  
 ty Huguenot estoit tout rompu, sans esperance  
 de ressource. Dieu permet qu'en ce conflus de  
 tant d'heurs, il fust assassiné par un Poltrot,  
 vrayement poltron. Et par sa mort ceux de la  
 Religion nouuelle reprindrent haleine plus

*Rouën pri-  
 je par eux,  
 mais assie-  
 gee & le  
 Roy de Na-  
 uarre tué.  
 Bataille de  
 Dreux.*

*Orleans  
 assiegee.*

*Creance de  
 M de Gui-  
 se entre les  
 Catholics.*

*Mais est tué  
 par Poltrot.*

qu'auparavant par l'Edict de pacification qui fut fait. Je ne fouille point dans les consciences de tous ces Princes & grands Seigneurs; les voulant tous reconnoistre auoir esté bons & fideles seruiteurs de nostre Couronne; Mais aussi les recognoy-ie auoir esté hommes, & entre les hommes, les premiers guerriers de leur tēps. Et par ceste cause vne victoire absolüe, qui feust arriuee tāt à l'un que l'autre party, estoit d'une mesme façon à craindre, pendant la minorité d'un ieune Roy. L'enuie de regner produit de grands tintoins dans nos testes, quand les occasions s'y presentent. Tellement que pour conclusion de ma lettre, ie suis contraint de dire, & que la mort du Roy Henry II. & celle de François son fils, & la conuersion du Roy de Nauarre, & l'assassinat du Duc de Guise, furent coups du Ciel; Non pour authorizer la Religion nouvelle comme meilleure, mais biē par ce que Dieu vouloit qu'elle fust le fleau de nos Rois & de leurs subiects; & par mesme moyen le iouēt de l'ambition des grands, si l'on croit aux commētaires de quelques esprits visqueux. Dieu executant son iugement pour le peché du pere contre les enfans, fit que la sagesse des hommes n'en peut empescher l'exécution; mais aussi voulut-il aucunement pardonner à l'aage d'innocence de nos ieunes Princes, & contre toutes les propositions politiques empescher, qu'au milieu d'une guerre ciuile, pendant leurs minoritez, leur Sceptre ne fust arraché de leurs poings.

Pareille balance trouuez-vous aux trou-

*Coups  
merueilleux du  
Ciel, qui a  
grandirent  
la Religion  
nouuelle.*

*Iugements  
de Dieu  
admirables*

bles derniers, entrepris sous le nom de la S. Ligue. Vn Roy Henry III. apres la victoire qu'il obtint en l'an 1587. contre l'Estranger, rentrer enflé d'honneur & d'applaudissement populaires dans la bonne ville de Paris; six mois apres, y receuoir vne escorne estrange: Au contraire monsieur de Guise vne faueur inestimable; Et au bout de six autres mois, estre tué au milieu de l'assemblée des Estats. En fin nostre Roy, pensant estre sur le point d'un establissement general de toutes ses affaires, auoir esté assassiné par la main d'un moine. Croyez qu'en tout cela il y a de grands & tres-expres iugements de Dieu, que vous sçaurez bien employer en deployant vostre plume, & vostre papier sur ce subiect. Quant à moy, ie ne pèse point que depuis milans il y ait histoire plus admirable que la nostre. A Dieu. De Paris, ce premier de Ianuier 1595.

*Troubles de la Ligue, avec un petit sommaire des actes principaux.*





L E  
S E I Z I E S M E  
L I V R E D E S L E T T R E S  
D'ESTIENNE PASQUIER.

*A Theodore Pasquier, son fils aîné.*

*Il raconte  
l'histoire  
de la reddi-  
tion de la  
ville de  
Lyon au  
Roy.  
Pierre Bar-  
riere solici-  
té par qua-  
tre moines  
part de  
Lyon pour  
venir assas-  
siner le  
Roy.  
Est pris &  
executé à  
Melun.  
Lyon prend  
le party du  
Roy.*

**E** vous ay depuis quelques iours en-  
uoyé l'Histoire de ce qui s'estoit passé à  
Melun, par forme de manifeste, que le  
Roy m'auoit commandé de faire ; & comme  
quatre moines de Lyon auoient malheureuse-  
ment suborné vn Pierre Barriere dict la Barre,  
pour assassiner nostre Roy ; Que ce meschant  
homme estoit party expres de Lyon pour cest  
effect ; & que comme il estoit sur le poinct d'e-  
xecuter son entreprise, il auoit esté pris, cōuin-  
cu & executé à mort en ceste ville de Melun. Or  
entendez maintenant quel succez a eu tout ce-  
cy. Le Roy passant n'agueres par la mesme ville  
pour aller à Fontainebleau, & delà à Chartres,  
où il se vouloit faire sacrer, receut Lettres du  
Seigneur Alphonse Corse, par lesquelles il  
passeuroit que la ville de Lyon s'estoit renduë  
sienne, par Pentremise & fidelité de quelques  
bons Citoyens. Ces nouuelles luy arriuerent



sur le soir ; & deslors par son commandement fut chanté vn, *Te Deum*, & le lendemain faite Proceſſion generale, en laquelle l'Abbé de Saincte Geneuiefue, nouuellement refugie en ceste ville, fit l'office. Qui n'est pas vn petit presage de nos heurs. Car il est Abbé de l'Eglise, où le corps de la Saincte Tutelaire de Paris repose, & est enchassé, laquelle sera deormais, ainsi comme i'espere, des nostres.

De vous discourir par le menu toutes les particularitez, concernant la reduction de Lyon, ie ne puis. Bien vous diray-ie en gros, que monsieur de Nemours, Gouverneur pour la Ligue en ce lieu, fauorizant ses opinions plus qu'il ne deuoit, auoit offensé monsieur de Mayenne son frere, & tout le peuple ; monsieur de Mayenne (vous dy-je) pour ne le vouloir recognoistre tel qu'il estoit en leur party ; le peuple, en le surchargeant de commandements extraordinaires, lequel ne s'en osoit plaindre. Et au milieu de ces commandements ce ieune Prince faisoit bastir vne Citadelle, qui eust esté vn asseuré bouleuert de ses volonteز absolues encontre toute la ville. Monsieur de Mayenne Prince tres-aduisé, voyant que les deportements de son frere desarroyoient aucunement son autorité, donne ordre, (ainsi que l'on dit, car autrement ne le veux-je asseurer) que l'Archeuesque de Lyon l'un de ses principaux confidens, scait tellement attirer à soy par beaux semblants ce ieune prince, qu'en fin l'ayant encheuestré dans ses

*Te Deum chanté, & Proceſſion ſolemnelle pour ce ſujet.*

*M. de Nemours ne veut recognoſtre M. de Mayenne pour chef de leur party.*

*Est mis en prison.*

rets, il le confine en vne prison. Chose dont il ne fut empesché par le peuple, pour la haine qu'il luy portoit; prison depuis aduoüee taiblement par le Duc de Mayenne, qui donna

*Le Gouvernement de Lyon & pais Lyonnais*  
*Le Gouvernement de Lyon*  
*donné à l'Archeuesque.*  
 le Gouvernement de Lyon & pais Lyonnais à l'Archeuesque, au preiudice de son frere: Feuardent, Cordelier, l'un des plus seditieux prescheurs, qui soit dans Paris, n'a douté de dans sa chaire d'en donner plusieurs attraits au Duc. Qui l'a mandé par deuers loy, pour

*Feuardant*  
*predica-*  
*teur seditieux, Sauoyard.*  
 luy apprendre de mieux parler, en bonne deliberation de la chastier; Toutésfois ayant entendu qu'il estoit Sauoyard de nation, il l'excusa aucunement, comme celuy qu'il voyoit fauorizer vn Prince de Sauoye. Huit iours apres cest emprisonnement, le peuple souz la cõduite de sept notables Bourgeois, dont Iac-

*Iaques Ia-*  
*ques Esche-*  
*uin de Lyõ*  
*principal*  
*auteur de*  
*la reddi-*  
*tion de la*  
*vill.*  
 ques Iacquet, Sieur de la Verriere, premier Escheuin de la ville, fut le conducteur, dressé barricades contre l'Archeuesque de telle façõ, que le plus beau party qu'il a peu choisir, a esté d'obtenir permission de sortir ses bagues saufues. Et ainsi a esté la ville rendue le 8. de

*Alphonse*  
*Corse se*  
*treuve à la*  
*reddition*  
*de Lyon.*  
 Feurier dernier au Roy, avec l'aide du Seigneur Alphonse Corse: La Verriere l'auoit souz main semonds de leur vouloir donner aide, luy mandant le iour & l'heure que l'entreprise s'excuteroit. A quoy ce braue guerrier ne voulut faillir, pour la fidelité infinie qu'il a voüée au Roy, son maistre. Voyez, ie vous prie, comme la fortune se mocque de nous, quand elle commence de nous abandonner. S'il m'est permis, comme spectateur, de iuger aux despens de

ma bourse des coups de ceste malheureuse tragedie qui se ioue sur ce grand theatre de la France, ie vous diray que les deux plus sages & recommandables traits de nos troubles, aduenus du party de la Ligue, ont esté premierement les executions & penderies des quatre mutins de Paris, puis l'emprisonnement du Duc de Nemours; encores que ce dernier recoiue quelque controle, pour l'affliction que la mere commune des deux freres en peut receuoir en son Ame. Mais en discours politic on met souz pieds toutes compassions domestiques, quand il est question de le maintenir en son grade. Il importoit à la grandeur d'un qui se dit Lieutenant general del'Estat & Couronne de France, que ce qui auoit esté fait furieusement par vne vermine de peuple dans Paris, contre vn President & vn Conseiller du Parlement, ne demeurast impuny: & pareillement que la prison d'un ieune Prince seruist d'exemple aux autres grands Seigneurs du party pour se contenir dans les bornes de leur deuoir, & pour recognoistre le Seigneur de Mayenne tel qu'il est par dessus eux; autrement il n'eust plus esté Magistrat souverain sur tous ceux qui se sôt voiez à la suite, que par image & en peinture. Et toutesfois qui voudra approfondir de pres ces deux actes, il trouuera qu'ils ont esté les deux principaux instruments de son raulement. Car par le supplice des quatre fut esteinte dedans Paris la puissance monstrueuse des Seze, Quint'essence de tyrannie populaire, qui par vn general desordre donnoit

*Deux  
traictis fa-  
ges & re-  
commanda-  
bles de la  
Ligue.*

*Autorité  
des Seze à  
Paris e-  
steinte par  
la penderie  
de quatre  
d'eux.*

*Authorité  
du Parle-  
ment re-  
stablée.*

la loy à tous les Ordres generaux de Paris: Et par sa fin reprit viel'authorité du Parlement, qui a depuis fait voler plusieurs beaux esclairs de sa dignité ancienne, pour le restablissement de nostre Estat contre les brigues Espagnoles. Et quant à l'emprisonnement, ie tien pour chose tres-asséuree, que si le Duc de Nemours feust demeuré en sa pleine liberté, le peuple de Lyon n'eust iamais osé leuer la teste pour se rachepter de la captiuité en laquelle il estoit detenu. En quoy ie me fay accroire, que tout ainsi que la bonne fortune tournant le visage au feu Roy, quelque sage conseil qu'il estimast prendre pour fauorizer ses affaires, il se tournoit au rebours de son intention; Ainsi en prédra-il desormais à la Ligue, puisque tout la sagesse du Chef se tourne à son preiudice. Soyons doncques maintenant aux escoutes, & voyons comme d'une eschauguette de quelle façon ses affaires se tourneront. A Dieu. De Melun ce premier iour de Mars 1594.

*A M. Theodore Pasquier, son fils aîné.*

*Ordre de la  
sedition  
de Paris,  
& comme  
toutes cho-  
ses y furent  
restablies.*



Pres les reductions souz l'obeissance du Roy, des villes de Meaux, Orleans, Bourges, & Pontoise, nous sommes r'entrez dedans Paris le xxij. de ce mois de Mars. Courage; la partie est maintenant nostre. Dieu a exaucé nos prieres. Mais par ce que peut-estre auant vostre partement ces Messieurs qui sont à Tours, desireront en entendre quelques

particularitez; ie vo<sup>r</sup> diray que le Sieur de Serillac, neveu de monsieur de Belin, arriva le 20. de ce mois, sur le soir, en ceste ville de Melun, avec commandement expres du Roy de luy faire mener les garnisons de Melun & Corbeil, recitant par le menu les intelligences fourdes & asseurees qu'il auoit dedans Paris. Soudain monsieur de la Grange-le Roy, nostre Gouverneur fait fermer les portes de la ville, affin que si quelque Ame Ligueuse en auoit le vêt, il n'eust moyen d'en porter les nouvelles à Paris. Le lendemain de bon matin il faict embarquer dans deux grands vaisseaux, la compagnie du Seigneur de la Salle, & celle de vostre frere de la Ferlandiere; Avec lesquels se mettent de la partie plusieurs soldats volontaires; & nommémēt vostre frere de Bussi, en intention d'y faire vn bō & fidele seruice au Roy, ou d'y perdre la vie. Vous eussiez dict qu'ils alloient aux nopces. Quand vos freres vindrent prendre congé de moy, ie leur donnay ma benediction la larme à l'œil, comme à ceux que ie pensois ne reuoir iamais; & neantmoins bien-aïse qu'en si bon subiect ils immolassent leurs vies. A vray dire, ie ne doutois point que monsieur de Mayenne, qui auoit quelques sepmaines auparauant quitté la ville avec toute sa famille, ne pensast la place n'estre plustenable pour luy: Mesmes que par vnenuelle desfiance les Gouverneurs auoient fait denouveau murer quelques portes d'icelle. Mais ceste desfiance mere de seurté, me faisoit grandement craindre en l'accomplissement de nostre dessein. Nos troupes s'estans embar-

*M. de Mayenne s'iray de Paris.*

*Portes murées à la ville.*



quees le Lundy au matin, sous la conduite du Sieur de Serillac, se joignirent le mesme iour à celles de Corbeil, & arriuerent à Conflans, sur les dix heures de soir, où elles demeurèrent fermes iusques sur les trois ou quatre heures du Mardy matin, & lors descendirent à cent pas pres de la Rapee, où le Sieur de Serillac commanda à vostre frere de Bussi d'entrer dans vne nacelle pour prendre langue avec le Capitaine grossier, qui estoit de nostre party. Cetzuy s'estant fait de battellier, braue soldat pour la Ligue, commandoit à vn grand batteau armé au dessus du bouleuert, pour empêcher que la nuit on ne passast de ce costé-là sur l'eau. Il le rencontre à deux ou trois jets d'arc, avec quelques nasses, pour conduire les nostres deuers l'Arcenac, où estoit nostre rendez-vous. Estant impossible que nos batteaux y peussent passer sans s'escueillir sur les pieux qui estoient fichez dans la riuiera au dessus de la ville. Mais comme ils estoient sur le point d'aduancer, le Sieur de Serillac reçoit commandement du Roy, de mener nos troupes à la porte de Saint Martin. De vous dire comme les choses se passerent dans la ville, ce me sont lettres closes, fors & excepté que ie sçay que monsieur l'Anglois, Aduocat au Parlement, & Escheuin de la ville, en fut le premier conducteur. Nos gens trouuerent à poinct nommé la porte ouverte, & y entrent le tambour battant, gagnants pied à pied la ville avec barricades, conduits par le Seigneur de Vitry, qui les estoit venu receuoir. Sur les huit heures, nouuelles

*M. l'Anglois Escheuin de Paris premier conducteur de la reddition de la ville au Roy. La porte S. Martin.*



leur vindrent que toute la ville estoit no-  
stre ; Et voicy comment. Le Roy estant hors  
la porte Neufue du Louvre avec le gros de son  
armée deliberoit d'y entrer des premiers pour  
sonder le gay, & recognoistre s'il n'y auoit  
point en cette entreprise quelque appast pour  
le surprendre ; Mais il en fut dissuadé par  
monieur le Marechal de Matignon, qui prit  
cette charge, luiui de plusieurs braues Sei-  
gneurs, lesquels trouuants à l'entree quelques  
lanfquenets, qui leur voulurent resister, ce  
leur fut vne gorge chaude ; Car ils furent tail-  
lez en pieces. De là passants outre, & prenans  
leur departement en diuers quartiers, les sol-  
dats estrangers se trouuerent si estonnez, qu'ils  
mirent les armes bas. Adonc le Roy entre dans  
la ville, salué du Seigneur de Brissac Gou-  
uerneur, auquel il donne l'escharpe blanche,  
& de ce pas va droit à l'Eglise nostre Dame,  
pour rendre grâces à Dieu ; luiuy d'un *Vive*  
*le Roy*, & acclamations generales de tout le  
peuple, par vne correspondance admirable de  
seurté du Roy enuers les nouueaux subiects, &  
des subiects enuers leur Roy.

La Bastille seule n'est pas renduë, dans  
laquelle le Capitaine du Bourg commandoit.  
Le Roy commande sur les vnze heures aux  
garnisons de Melun & Corbeil de l'in-  
uestir. Celle de Melun tint la main gauche,  
& selogeale Mecredy, tant sur la contr'escar-  
pe, que sur le portail saint Antoine, où la  
Ferladiere atitra dix mousquetaires, qui offen-  
ferent grandemét ceux qui estoient sur l'esperô

*uerie, par  
où les trou-  
pes du Roy  
entrent.*

*M. de Ma-  
tignon en-  
tre le pre-  
mier à Pa-  
ris.*

*Le Roy en-  
tre.  
Donne l'es-  
charpe blan-  
che à M. de  
Brissac  
Gouver-  
neur.  
Va à N.  
Dame ren-  
dre grâces*

*La Bastille  
assiégée.*

hors la ville. La garnison de Corbeil, cōduite par monsieur de Treigny, prit à main droite, & se logea iusques au Tape cul de la Bastille. Et en toute cette faction n'y a eu perte que du pauvre la Forest, Lieutenant de vostre frere. Monsieur d'O, Gouverneur de l'Isle de France voulut vingt & quatre heures apres les réuoyer en leurs Garnisons, & y poser des compagnies de l'armee, ainsi qu'on a coustume de faire. Toutesfois vostre frere le disputa pour luy & ses compagnons; luy remontrant, que puisque ils auoyent eu cest-heur de gagner les logis, ce ne leur seroit pas moins d'honneur de les conseruer; Et à tant le supplioit de ne les changer; ce que monsieur d'O luy accorda fauorablement. Et le Samedy 26. le Sieur de Bourg rendit la place par vne capitulation, qui luy fut tres honorable: C'est à sçauoir, que luy & ses soldats sortiroiēt avec leurs armes, & bagage, le tambour battant, la mesche allumee, la balle en bouche, & qu'on leur payeroit vne monstre. Le Roy ayant fait vne entree si heureuse dedans sa bonne ville de Paris, ne la voulut obscurcir, ou sanglanter par la mort des siens, s'il luy eust conueni opiniastrer ce siege par bresche ou escallades. Comme les choses se manioient de cette façon, on depesche quelques compagnies vers le Chasteau de Vincennes, qui leur fut rendu à petit bruit, & sans contraste,

*Renduë par  
M. de Bourg  
avec vne  
capitula-  
tion si  
honorable.*

*Le Cha-  
steau de  
Vincennes  
rendu au  
Roy.*

Voila pour le fait des gens de guerre. Je vous discourray maintenant quel ordre on a tenu pour le restablissement de la iustice; Lequel a esté

a esté tout autre que celuy qui fut pratiqué sous le regne de Charles VII. Car le Connestable de Richemont, ayant au mois d'Avril, 1436. réduit la ville sous l'autorité du Roy son maistre, permit aux gens de iustice de continuer leurs charges tout ainsi comme auparavant ; Toutes-fois ils furent au mois de May interdits par lettres Patentes du Roy, iusques à ce que tous les Conseillers, tant du Parlement tenu à Poitiers, que chambre des Comptes, à Bourges, fussent arriuez. Et ne leur fut la porte ouuerte à l'exercice de leurs charges, que le 26. Nouembre ensuiuant. Mais en cette réduction dernière, le Roy a voulu que chascun, sans discontinuation, entrast en sa charge, tout ainsi comme si iamaïs nous n'eussions esté partialisez.

La question n'est pas petite, de sçauoir laquelle des deux voyes a esté la plus politique ; Et ya prou de subiect pour exercer les beaux esprits d'une part & d'autre. Quant à moy, ie suis pour la dernière. La première nourrissoit en cette nouvelle recôciliation, ie ne sçay quoy de diuision, & faisoit faire vne forme d'améd honorable à ceux qui en la reddition de leur ville, n'auoyent douté d'exposer leurs vies pour reparer les fautes, qui s'estoyent passées, & rendre le Roy du tout maistre, contre les Bourguignons & Anglois. En la dernière, tout ainsi que ; dès le premier abord le Roy & le peuple se sont recognus avec vn contentement reciproque, sans se ressentir des choses passées, aussi estoit il bien raisonnable,

*La iustice  
restablie à  
Paris sans  
rien chan-  
ger ny ab-  
terer*

que la iustice y eust part, & qu'entrants dedans Paris nous fussions tous reconciliez les vns avec les autres, sans respit. Chacun de nous se doit diuersément glorifier avec toute humilité d'auoir fidelement seruy son Roy. Celui qui estoit refugié à Tours, de l'auoir fait regner pendant les troubles, au milieu de sa iustice, l'espace de cinq ans entiers; Chose qui a dedans les ronces & espines aplaný vne belle voye à la prosperité; L'autre qui estoit demeuré dedans Paris, d'auoir moyenné que deormais il regnera, si Dieu plaist, avec toute magnificence & splendeur. Partant, quand nous commencerons de nous recognoistre en nos compagnies, il faut que nostre absence de cinq ans soit reputée, du iour au lendemain, comme vne presence, sans y apporter esbahissement ou reproche.

Sur cette proposition se sôt les affaires passées. Le Dimanche 27. monsieur le Chancelier fit appeller monsieur Loisel, & luy dit que le Roy l'auoit expressement choisi pour son Aduocat, & monsieur Pithou pour son Procureur general, au reſtablishement de la iustice qu'il entendoit faire le lendemain: d'vne mesme main leur furent lettres Patentes decernees à cest effect. Encores que le temps fust court, si est-ce que monsieur Loisel, qui a vn ample fonds, & magazin de doctrine, ne fut pris à l'impourueu. Le Lundy matin monsieur le Chancelier accompagné de plusieurs Princes & Seigneurs du Conseil d'Estat, viennent au Palais, où seants en la grand Chambre, à huis clos, fut premierement publicc

*M. Loisel  
choisi par le  
Roy pour  
son Aduo-  
cat. Et M.  
Pithou  
pour son  
Procureur.*

*Le Parle-  
ment ouuert  
& establi.*

par monsieur l'Huillier Greffier d'Estat, la commission concernant nos deux amis. Ce fait tous ces Seigneurs estans assis aux hauts sieges, & messieurs Loisel & Pithou, en la place ordinaire des gens du Roy, il fut ordonné, que les portes seroyent ouuertes. Ne doutés que la grâde Chambrene fut tout aussi tost remplie d'une infinité de gens desireux de voir ce nouveau spectacle. Là est publié l'Edict de l'abolition qui regardoit toute la ville, puis celuy du reestablisement des officiers du Parlement. La lecture faite, messieurs Loisel & Pithou se leuerent. Et lors Loisel representa par le menu l'obligation que tout le peuple de Paris auoit au Roy; l'obeïssance que de là en auant il luy deuoit porter, comme à son Seigneur legitime; la clemence dont il auoit usé; Et desploya plusieurs autres traitts de mesme pareure. Requeroit que les deux lettres Patentes en forme d'Edicts fussent veriffiees. Sur cela monsieur le Châcellier recueille les voix & opinions des Princes & Seigneurs, puis se remettant en sa place, prononce l'Arrest conformement aux conclusions & requisitions des gens du Roy. Et à l'instant est enioint au peuple de sortir. Les portes fermées, on mande messieurs du Parlement, qui estoient attendans en la sale de S. Louys, lesquels arriuez firent tous le serment de fidelité au Roy, l'un apres l'autre, entre les mains de monsieur le Chancelier. Le premier fut monsieur Chartier, non en qualité de President, dont il auoit esté honoré par monsieur de Mayenne, ains de plus ancien Conseiller;

*Edict d'abolition, & celuy du reestablisement des officiers publiés.*  
Harangue de M. Loisel.

*Serment de Messieurs du Parlement.*

comme aussi fit le semblable monsieur Molé son gendre, non comme Procureur general, ains de Conseiller selon l'ordre de sa receptiõ. Le Maistre faict President, & Hottoman faict Aduocat du Roy par la Ligue n'entrèrent aussi en ceste lice, ains retournerent à leurs anciens rangs d'Aduocats simples, qu'ils exerçoient auant les troubles. Ceste ceremonie ainsi obseruee, monsieur le Châcellier fait le semblable le iour mesme en la chambre des Comptes, puis en la Cour des Generaux des Aides. Et le lendemain 29. chacun retourna en sa chacune, & retrouua son ancienne place, sous l'autorité de son Roy.

*Puis des  
autres  
Cours.*

*Officiers  
establis par  
la Ligue.*

La iustice estant de ceste façon non restablie, ains establie, en son general, il a esté question de recompenser les particuliers qui auoient contribué à vn œuure si meritoire. Comme les affaires s'estoient comportees deslors des premiers & plus grands feuz dans Paris, maistres Iean le Maistre & Louys d'Orleans Aduocats des parties, auoient esté crez Aduocats generaux, & monsieur Molé, Conseiller, Procureur general du Parlement, duquel ie vous diray par maniere de paranthese, que comme il est d'un esprit calme, aussi pendant l'exercice de ceste nouvelle charge, il para à plusieurs coups orbes, que quelques enuieux de nostre Couronne voulurent ruër contre les Loix anciennes & fondamentales de nostre Estat. Si vne Ame seditieuse & trauersiere y fust entree, il en fust tres-mal allé pour la France. Tant que monsieur Brisson vesquit, il n'y eut autre Presi-



dent du Mortier queluy, dedans la grand'Chambre. Apres la mort le Duc de Mayene y en crea quatre, Messieurs Chartier, Conseiller au Parlement, Haqueuille, premier Presidēt au grand Conseil, Nuilly aussi premier President en la Cour des generaux des Aides, & le Maistre, par la promotion duquel Hottoman fut fait Aduocat genaral en son lieu. Quant à la Iustice du Chastellet, la Bruyere se donna, sans tiltre, par vn droit de biēseāce l'Estat de Lieutenant Ciuil. Cestuy-cy a gagné le haut. M. le Côte de Brisface estoit Gouverneur de Paris, lequel a apporté grande diligence, deuotion & autorité à la reduitiō de Paris, pour recognoissance dequoy le Roy l'a gratifié de la dignité de Marechal de France (dont il auoit esté quelque temps auparavant pourueu, pendant la trefue par le Sieur de Mayenne) & encores luy a donné deux cens mil escus à leuer sur vn nouuel impost des vins, qui passeroient dessous les Ponts de la ville de Corbeil, de laquelle il luy a baillé le Gouvernēt, pour en faciliter la leuee. Messieurs de Haqueuille, Chartier, Molé, Hottomā sont retournez en leurs anciennes charges. M. le Maistre a esté créé septiesme President au parlement; & y a depuis fait le serment, cōme aussi M. du Vair Conseiller, & l'Anglois, Aduocat ont esté faits Maistres des Requestes del'Hostel du Roy, & M. l'Huillier Maistre des Comptes & Preuost des Marchands y a esté créé neufliesme presidēt: le tout en vertu de nouveaux Edits. Et comme toutes choses se sont passées par vne clemence admirable du Roy, aussi n'a il permis que l'on

*Quatre  
Presidents  
establis par  
M. de Ma-  
yenne.*

*M. de Bris-  
face cree  
Marechal  
de France.*

ait affligé aucun en son corps, ou biens, quelque esprit de sedition qu'on luy imputast; comme il aduient fort souuent qu'en tels inesperez changements on preste plusieurs charitez à vns & autres: Mais a voulu, que tous les signalez Ligueurs, au lieu d'espouser vne prison clause, eussent les champs pour prison, ou pour mieux dire, la clef des champs. Il n'est pas que par vne debonnaireté infinie, il n'ait pardonné au College des Iesuites, lesquels il scauoit estre, nō seulement autheurs & fauteurs de la rebellion, mais aussi seducteurs des Ames foibles pour le faire assassiner.

*Le Roy  
pardonne  
au Collège  
des Iesuites  
fauteurs de  
la rebellion.*

Il faut que ie vous die le iugement que iefay en passant sur toutes ces recompenses. Combien que ie loüe grandement ceux qui ont esté recompésez; si est-ce que ie n'estime pas moins les quatre, qui sans importunité se sont contentez de r'entrer à petit bruit en leurs anciennes & premieres charges. Ceste ambition me plaist grandement. Mais sur tout ie ne puis assez haut louer celle de monsieur Chartier, lequel ayant esté, apres la mort de monsieur Brisson, appellé pour sa prud'homnie à l'Estat de premier President au Parlement, par le Seigneur de Mayenne, ores qu'il eust accepté ceste dignité pour neriens esmouuoir dās la ville par son refus; & qu'auparauant il allast journellement au Palais; Toutesfois il s'en bannit depuis tout à fait, se confinant dedans sa maison comme vn Religieux solitaire: solitude qu'il pretextoit tant sur l'ancienneté, qu'incommodité de son aage; combien

*M. Chartier  
fait President  
des exé-  
ptes du Pa-  
lais.*

que les plus clair-voyants veüssent bien, que ce volontaire bannissement prouenoit, pour ne vouloir exercer cest Estat par l'autorité de celuy qui n'estoit son Roy. Exemple certes esmerueillable, & par lequel nous apprenons, combien vne conscience timoree, a de puissance sur vne ambition bien reglee.

Maintenant que sommes reuinis, nous attendons dedans Melun le retour des nostres. Car combien que pour la proximité des lieux, puissions gagner le deuant, si ne voulons-nous faire nostre entree en la Chambre, que toute nostre compaignie qui est à Tours, ne soit retournée. C'est l'honneur que luy faisons. Je vous prie de communiquer ceste lettre non seulement à nos amis, ains à tous ceux que pensez estre sans dissimulation fidelles seruiteurs du Roy. A Dieu. De Melun ce dernier iour de Mars, mil cinq cens nonante quatre.

*A Monsieur de Tiart, Seigneur de Bissi,  
ancien Euesque de Chalon sur  
Saulne.*

**N**ostre amitié est contractee de si longue main, & d'un lien si estroit, qu'en toute affaire que ie scauray vous concerner, ie me prieray tousiours pour vous sans attendre autre recommandation ou semonce de vostre part. Ny pour cela ie n'entens acquiescir aucune nouuelle obligation sur vous, ains m'acquitter de mon ancienne. C'est pourquoy il me semble que vous-vous faites tort, & à

*Il luy proteste son amitié ancienne, & le prie d'en faire de mesme.*

moy de me remercier par vos lettres, si ce n'est  
 quel'ayez fait pour auoir occasiõ de m'escire.  
 Permettez moy, ie vous prie, de faire cette  
 faillie d'un vieillard qui se chatoüille pour rire.  
 Si ie ne m'abuse, vous & moy restons presque  
 seuls en cette France de cette belle brigade,  
 que produisit le regne du Roy Henry II. Puis  
 qu'il a pleu à Dieu de nous conseruer iusques à  
 huy, employons ie vous prie ce qui reste de nos  
 iours à nous entretenir, non du corps, ains de la  
 plus belle & noble partie de nous, des yeux de  
 l'esprit. Si me faites cest honneur, croyez que  
 ce fera à beau jeu beau retour, ou comme l'on  
 dit autrement; à bien assailly, bien deffendu.  
 Il faut tromper la mort, qui est aux aguets pour  
 nous surprendre. Vous receurez doncques de  
 moy cette lettre, comme vn cartel de deffi  
 que ie vous enuoye. Vous priant, Monsieur,  
 me conseruer tousiours en vos bonnes graces.  
 A Dieu.

*A Monsieur du Cluseau, Capitaine de cinquante  
 hommes d'Armes, Gouverneur de la ville &  
 Citadelle de Noyon.*

*Il discours  
 sur ce que  
 son fils e-  
 stoit alle  
 treuer, &  
 l'en excuse,  
 puis luy dit  
 que son fils  
 de Buße ne*



A penitence qu'ordonnez à vostre  
 fils est digne de vous & de luy. Car  
 s'il a commis quelque faute, elle est au-  
 tant vostre que siene. Comment? estimez-vous  
 que le fils de M. du Cluseau peut estre reclus  
 dedans vne ville comme vn moine dedans son  
 Cloistre, pendant que la France est en armes cõ-  
 tre son anciẽ ennemy? Ne vous osant aller trou-

uer, il s'estoit voulu faire voye la part où il es-  
 roit d'estre employé, sans entrer en cognoissance  
 du merite ou demerite de la cause. Sa ieuneſſe  
 n'estoit capable pour en iuger. Tellement que  
 c'est vne belle faillie de nature, dont ne le de-  
 uez meſeſtimer, ains aimer. D'apprendre à  
 mignarder vn luth dedans vne chambre; me-  
 ner vn cheual à riſon en vn manege; tirer  
 des armes dedas vne ſale, tout cela eſt beau; mais  
 en fin ce ſont exercices ombratiles. Sõ aage qui  
 commence de poindre, deſire la lumiere du  
 Soleil. Ie vous ay dit quelque fois, que la plus  
 belle eſchole qu'il pouuoit ſuiure pendant la  
 guerre, eſtoit d'estre ſpectateur de vos actions,  
 participer aucunement à vos conſeils & en-  
 trepriſes, & luy faire cognoiſtre qu'il eſt fils de  
 maĩſtre; c'eſt ſa leçon; C'eſt la voſtre, croyez  
 m'en, encores qu'il me ſoit mal ſeant de parler  
 d'vn meſtier auquel ie ne fis iamais, mon ap-  
 prentiſſage. Ainſi le pratiqua monſieur de gui-  
 ſe, grand guerrier, enuers ſeu monſieur de gui-  
 ſe, dernier mort ſon fils, & en fit vn bon & vail-  
 lant Capitaine. Si ainſi en vſez, ie m'aſſeure  
 qu'en rapporterez vn tres-grand contente-  
 ment. Mais eſcoutez, eſtant pere, il faut aucu-  
 nement oublier de ſ'eſtre. Cette ſeuverité trop  
 grande que voulons apporter pour la conſer-  
 uation de nos enfans; le plus du temps nous  
 le perd. Ie deſire que les peres leur laſchent la  
 bride, & la tiennent courte tout enſemble. Au  
 demeurant ie ne ſouhaite qu'à ce premier coup  
 d'eſſay, auquel luy auez fait bailler vne  
 compagnie de gens de pied, vueillez qu'il

*peut aller  
 au ſiege  
 d'Amiens  
 à cauſe de  
 ſa bleſſeu-  
 re.*

face vn chef-d'œuvre. Le temps & le champ vous y donneront conseil : en voulant qu'il face bien , il ne le faut perdre aisément. Voila pour le vostre. Quant à mon Bussi, vostre Enseigne , croyez qu'il a esté frappé au vif en la jambe , & qu'il luy est impossible de retourner à vostre siege d'Amiens , comme il desireroit. Qui luy cause vne maladie d'esprit plus grande que celle du corps. Celuy est vn grand malheur , qu'il ne puisse estre si promptement des vostres ; non pour auoir part au butin , ains à l'honneur que les gens de bien pourront chacun en leur endroit rapporter en ceste haute entreprise du Roy. A Dieu.

*Au Capitaine de la Ferlandiere , Pierre  
Pasquier, son fils.*

*Il l'aduer-  
tist de la  
blessure de  
son frere  
de Bussi.*



N m'a rapporté sur des branquarts vostre frere de Bussi, fort blessé en vne jambe d'un coup de bale, qui luy a rompue le petitos. Puisque ce mal luy est adueni en bien faisant, ie le porte plus patiemment ; & au surplus grandement aise, qu'il soit maintenant avec moy, pour estre pensé. I'ay vne grande obligation à Messieurs du Laurent & Portail , d'auoir eu soin de luy en l'armée , de leur propre instinct , l'ayant recognu estre mien. Dieu me fera s'il luy plaist la grace , de leur faire



quelque bon & agreable seruice pour recompense. Soudain apres son arriuee, il me dict qu'estiez mal disposé de vostre personne, & qu'il craignoit pis de vous. En quoy ie balançois entre deux opinions. Car d'un costé, il me sembloit que pour vous guerir deuez reprendre la route de nostre maison; & qu'une retraite faicte à propos n'est pas de moindre gloire qu'un combat. D'un autre costé, ie craignoy qu'on vous imputast ceste maladie à hypocrisie pour fuir les coups. Graces à Dieu ny vous, ny vos freres, n'avez iamais appris ceste leçon; Telsmoin ce qui est fraichement arriué à vostre frere de Bussi, & ce qui aduint à la Mirauldiere vostre cadet au siege de Mehun sur Loire, où opiniastrât la descente d'une Tour il fut tué d'un coup de mousquet, tous ses compagnons s'estans rendus par composition au Seigneur de la Bourdeziere. Comme i'estois sur ce mot, i'ay presentement receu vnes Lettres de vous, par lesquelles me mandiez, que repreniez vostre embompoint. Ie ne vous exhorteray doncques maintenant à ce qui est de vostre deuoir, sçachant en quelle recommandation vous l'avez. A Dieu.

*A Monsieur du Cluzeau, Capitaine de cinquante  
hommes d'armes, Gouverneur de la ville &  
Citadelle de Noyon.*



Vous m'escriuez, qu'il faut ou que la ville *Il luy re-*  
d'Amiens parlemente, ou que la bataille *présente*  
se dône. Prenez garde s'il n'y a point vne *les appre-*

*benfions  
sur la  
difficulté  
de la prise  
d'Amiens.*

troisieme voye, dont nos ennemis tascheront de nous escorner; ou en temporizant, comme fit le Duc de Parme à Roüen, ou en assiegeant autres villes, comme nous esprouuâmes au siege de la Fere, ou bien en nous amusant par escarmouches feintes, pendant qu'ils feront glacer des ponts sur la riuere de Somme, & sur iceux passer gens, pour secourir la ville. Car quant à moy, n'estoit l'assurance que i'ay de vostre bon iugement & experience au faict de la guerre, ie serois vn autre saint Thomas, & ne croiroy rien de ce que vous-vous promettez, iusques à ce que ie l'eussé veu. Ie voy vne ville bien forte, garnie de gens de guerre, qui ne manquent de moyens, experience & bonne volonté, pour le seruice de leur Roy: & de nous promettre telle issue que faictes, mesmes si promptement que m'escriuez, ie ne le puis. Vray qu'à cette mienne opiniõ s'oppose, qu'le Roy est vn grand guerrier, qui ne se fust vraisemblablement engagé à ce siege, sans sçauoir quelle fin il en deuait auoir. Mesmes que la consequence en est telle, qu'es'en reuenant sans rien faire, il perdroit la ville, la Picardie, & sa reputation tout ensemble. De maniere que ie m'assure qu'il couchera plustost de sa reste qu'il n'en vienne à chef. Et comme Dieu m'a fait d'un naturel plus plein de desfiance, que d'espoir, aussi crain-je qu'il ne luy aduienne comme au Roy Alexandre le grand, ayant esté six mois deuant la ville de Tyr sans la prendre; en fin fit acte de soldat, pour exciter les siens à bien faire. Quoy faisant il la prit, mais aussi fut-ce au prix de son sang, &

*Importance  
de la prise  
d'Amiens.*

*Alexandre  
se rend sol-  
dat pour  
animer les  
siens, &  
prend Tyr.*

faillit d'y perdre la vie. Si Dieu nous disgratioit de tant d'enuoyer quelque meschef au Roy, en voulant gaigner vne ville nous serions perdus. C'est pourquoy ie vous diray franchemét, que de quelque costé que ie me tourne, ie tien le loup par les aureilles. Brief ie ne puis croire que l'ennemy expose ses forces à la decision d'une bataille, recognoissant nostre Roy en ce mestier trop rude ioueur, ny que la ville soit si tost renduë comme m'escriuez. Mais vous seriez bien esbahy, si tout ainsi qu'autrefois deux armées se trouuants deuant la mesme ville, causèrent vne paix entre le François & Espagnol; aussi le semblable aduenoit maintenant au mesmelieu. Vray que ie ne souhaite point vne paix si honteuse que l'autre, par laquelle l'Espagnol gaigna plus par vn trait de plume, que nous n'auions fait par les armes encontre luy & ses alliez l'espace de vingt & deux ans. A Dieu.

*A Monsieur de S. Marthe, Conseiller du Roy, &  
Thresorier general de France  
en la generalité de  
Poitou.*

**A**y receu de vous, par les mains de Ille remer-  
cie de ses  
Eloges sur  
les hom-  
mes de  
merre de  
son temps,  
Es luy en-  
uoye sa  
monieur vostre fils aisné, les Eloges  
qu'avez fait & mis en lumiere, en faueur de  
tous les hommes, qui de la memoire de nos  
ayeux & peres iusques à huy se sont rendus re-  
commandez par les bonnes lettres en cette  
France, dont ie vous remercie humblement.

Nostre ſiecle vous a beaucoup d'obligation de donner la vie aux morts, en la vous donnant à vous-mêmes. Je n'ay iamais rien veu de plus beau; vne diligente recherche; vn ſtyle Latin doux-coulant; paroles de choix, non toutesſois affectees; belles pointes de voſtre creu; Quoy faiſant vous rendez non ſeulement la vie aux noſtres, ains faites miraculeuſemēt renaître en vous, l'ancien Ciceron. He! vrayment ie commence de me flatter, recognoiſſant que le Quatrième Liure de mes Epigrammes eſt tres-veritable.

*Sen Latios ſcribat, ſeu Gallos Scauola verſus,  
Nil Latia, aut majus Gallica Muſa tulit.  
Roma ſuum jaſcet, miretur Gallia noſtrum:  
Cur ita? pro Patria vouit uterque manum.*

J'auois aſſis ce iugement ſur vos vers Latins & François, qui triomphoiēt d'une meſme balance, bien empeſché auſquels des deux ie deuois bailler le deſſus. Maintenant que ie voy vos Eloges faits d'un fil continu, & embellis de tous les riches traits que l'on peut deſirer de la Langue Latine, ie perds pied & ſuis contraint de confeſſer, que voſtre plume prend ſon vol plus haut que i'en'auois eſtimé. Or puis qu'il vous a plu m'honorer de ce beau preſent, ie vous enuoye pour contr'eſchange, non l'Eloge d'un homme mort, ains vne Cōgratulation que j'ay faiſte au peuple de France, ſur la paix generale de l'an paſſé, & benediſtions que le Roy a receu de Dieu. Je l'auoy dreſſée, comme il eſtoit encores en Bretagne, en deliberation de la luy

*Congratu-  
lation de  
M. Paſ-  
quier au  
peuple de  
France ſur  
la paix.*

présenterà son retour; mais n'estant lors encores mise au net; & luy ayant pris le chemin de Monceaux, où il demeura longuement malade, ie differay ce present iusques à son retour, qui fut sur le commencement de l'an 1599. Ie me trouuay sur la fin de son disner pres de luy, où ayant tourné l'œil sur moy, il me demanda, qui m'amenoit en ce lieu; Pour vous importuner, Sire, (luy dy-je) mais d'une autre importunité *Qu'il presente au* que tous vos autres subiects; lesquels se presen-  
*Roy.* tent à vostre Maiesté, pour vous demander; & moy pour vous estrener de ce mié petit ouura-ge. A ce mot ie le luy presente. Il lit le Sixain, qui luy pleust; Puis vne page entiere, me faisant cest honneur de m'en remercier, & me dire, qu'il le liroit tout au long, ou feroit lire deuant luy. Ie me suis contenté de ce bon œil, sans m'estre enquis de ceux qui l'approchent, s'il auoir pris ce loisir, qu'il m'auoit promis. Tel qu'est-ce discours, ie le vous enuoye; bien delibéré de luy bailler dans quelque temps plus grand iour; non pour la façon que ie luy aye donné, ains seulement pour son estoffe. A Dieu.

CONGRATULATION  
*sur la Paix generale, faicte au mois  
 de Mars 1598. Et sur les Bene-  
 dictions que le Roy a receuës  
 de Dieu.*

A V ROY DE FRANCE  
 & de Nauarre, tres-Chrestien, Henry  
 IIII. de ce nom.

**A** Pres auoir sur tous les anciens guerriers  
 Couronné vostre chef de mille verds Lauriers,  
 Et planté maintenant dans vos pais l'Oline,  
 Il vous faut mon grand Roy, couronner vos exploits  
 Dorenavant de mil' & mille belles Loix;  
 Affin que dans la Paix, en Paix un chacun viue.



omme celuy, qui ayant esté agité  
 d'une longue tourméte, apres qu'il  
 est surgy à bon port, leue les mains  
 & les yeux au Ciel, va à l'Eglise ac-  
 quitter ses vœux, raconte à ses voisins & amis le  
 danger dont il est eschappé; & à peu dire, le cō-  
 tentement qu'il a d'estre sur la terre ferme, luy  
 fait oublier toutes les trauerfes passees; Aussi a-  
 yants depuis quinze ou seize ans en ça couru  
 toutes sortes de calamitez & miseres, au milieu  
 des troubles de ce royaume, il est meshuy téps,  
 Messieurs,

Toutes sor-  
 tes de cala-  
 mitez en  
 France du-  
 rant l'espa-  
 ce de quin-  
 ze ou seize  
 ans de  
 troubles.



Messieurs, que nous reprenions haleine, pour louer Dieu, le magnifier, luy rendre graces à iointes mains, de la paix generale qu'il nous a inespérément enuoyee; Brief, que par vne transformation singulieré, nous eschangions le souuenir horrible du passé, en vne allegresse presente, sans qu'il reste desormais en nos Ames vne teule estincelle de mauuaise volonté des vns contre les autres. Et par ce qu'au subiect que i'entends maintenant traicter, ie me suis mis en bute les miracles que Dieu a exercez enuers nostre Roy; le bon traictement qu'il nous faut esperer de luy; l'obeïssance que luy deuons rendre, & la concorde generale entre nous, encores qu'en ce faisant ie ressembleray proprement à celuy qui veut bailler l'espeçon au cheual, qui n'en a besoin; Si est-ce que ie vous supplieray humblement vouloir receuoir mes discours d'une mesme deuotion, que ie vous en fay present; souz protestation de ne rien dire au desauantage des vns, pour aduancer les autres. Il me seroit mal-seant, voulât publier l'vnion, que toutes choses ne fussent maintenant d'une mesme façon vnies.

Quand ie remets deuant mes yeux tout ce qui s'est passé par la France, depuis le mois de Mars mil cinq cens quatre-vingts cinq, auquel nous receusmes les premieres nouuelles du souleuement des armes qui estoit en Champagne, ie ne pense point qu'entre toutes les Histories, tant anciennes que modernes, il y en ait iamais eu vne plus prodigieuse que ceste-cy. Je ne vous en rafraischiray la memoire.

*D'où vient  
la source  
des ma-  
heurs de la  
France.  
Pour nos  
pechez.*

Cela se peut mieux sentir dās nos Ames; qu'exprimer de bouche. Comme aussi seroit-ce reuerdir vne playe, que ie desire estre reconsolidée. Je me contenteray seulement de sonder au moins mal qu'il me sera possible, d'où nous pouuoit estre prouenuē ceste desbauche generale. Du commencement i'en reiettoy la cause dessus nos pechez. Car pour bien dire, ceste consideration est la vraye touche du Chrestien affligé: affin qu'ayons recours à Dieu, luy demandant pardon de nos fautes, & qu'il luy plaise destourner son ire de nous; Mais recueillant apres mes esprits, ie disoy: Il n'y a nation qui n'abonde en fautes, il n'y a rien en ce bas estre, pour lequel il n'y ait assez de subiect au Ciel de nous chastier; & neantmoins Dieu ne permet que les partialitez, diuisions & guerres ciuiles, se logent pour le iourd'huy ailleurs. Nous seuls entre tous les peuples de l'Europe auons esté choisis pour ce subiect. Bon Dieu! disoy-je à part moy, d'où vient, que tu brandis le foudre de ta fureur particulièrement contre nous! Voila comme i'entretenoy mes pensees. Et volontiers, si vous me permettez de le dire, i'eusse fait le procez au Ciel sur ceste querelle: Toutesfois, tombant d'un penser à autre, & voyant par le menu quel succez prenoient nos affaires, ie commençay de me resoudre, me faisant accroire que tout ainsi que du vieux chaos s'escloit l'ordre general de ce grand vniuers; aussi par vn mystere caché, Dieu auoit permis vn nouveau pesse-mesle de toutes choses dedans nostre France, pour y faire

*par un secret du  
Ciel, qu'il  
faisoit pour  
exalter le  
Roy.*

florir vn reietton de cest ancien Tige de S. Louys; Je veux dire, pour establir, exalter & magnifier nostre Roy, lequel avec le temps reduiroit toutes les affaires de nostre Royaume en bon train.

Ne penſez pas, ie vous prie, que ie parle icy par cœur. Je le vous mōstreray au doigt & à l'œil cy-apres. Je ne veux point fouiller dās les cōſciēces de ceux qui exciterent les armes contre luy: Car quant à moy, ie croy que le zeſe de la Religion les pouſſa. Bien vous diray-ie, que l'Edit d'Vnion (ainſi l'appellafmes nous) ayant eſté publiē au mois de Iuillet ſous le tiltre de la Religion Catholique, Apoſtolique Romaine, on ſonna auſſi toſt le tochain par tous les quantons de la France. Nous y accourufmes comme au feu, non pour l'eſteindre, ains pour le r'allumer encontre le Roy de Nauarre; (ainſi l'appelloit-on lors) & pour rendre ceſte guerre immortelle, le Diable ſe mit de la partie. Auparauant il n'y auoit que deux partis; Le Catholique & le Huguenot. On s'aduife de diuiſer le party Catholique en deux, dont les vns eſtoient appelez Ligueurs, qui affectionnoient la guerre, leſquels eſtoient les bien-uenus; & les autres politiques, eſtimez de pire condition que les Huguenots; par ce qu'ils deſiroient la paix. Miſerable ſpectacle, & que la poſterité ne croira pas aiſément. Il n'y a remede, il faut que ceſte ſaillie m'eſchappe. En toute Republique bien ordonnē, on a touſiours abhorré le mot de la Ligue, comme ne ſonnant au-

*Edit d'Vnion public  
excite de  
plus grands  
braſiers.*

*Trois parties pour  
deux.*

*Les Ligueurs.*

*Les Politiques*

*Mot de Ligue abhorré  
en toute  
Republique.*

tre chose que faction contre l'Estat ; Au contraire on a tousiours embrassé les esprits qui estoient politics , comme zelateurs du repos public : & en ceste nouuelle desbauche , nous par vn iugement renuersé , en vsâmes tout au rebours. Chose dont vous pouuez recueillir , combien la main de Dieu nous auoit touchez. Sur ce fondement fut basti le grand chaos que nous auons veu ; & sur ce mesme chaos fut bastie la grandeur du Roy de Nauarre , ainsi le nommeray-je par tout ce discours , iusques à ce que j'arriue au temps qu'il fut Roy de France. Il n'y a eu annce depuis ce temps-là , que Dieu n'ait espandu ses benedictions dessus luy. Mais auant que de passer plus outre , ie vous prieray de ne penser , qu'en ce que ie deduiray cy-apres , il y ait tant soit peu de fiel dans ma plume. Je raconteray en brief l'histoire qui s'est passée aux yeux de la France , plus par la maladie du temps qu'autrement ; Qui me faict excuser toutes choses.

*Six armées  
rout à la  
fois contre  
les Hugue-  
nots.*

En l'an mil cinq cens quatre-vingts six , le feu Roy , que Dieu absolue , deliberant de iouier à quitte ou à double ; met tout d'un coup six armées sur les champs ; l'une en Poitou ; deux en la Guyenne ; l'autre en Auvergne ; l'autre en Dauphiné ; & la dernière en la Champagne , pour fermer tout passage au secours estranger. Et comme s'il eust poussé de sa reste , vend par permission du saint Siege , plusieurs grands Domaines del'Eglise ; fait reuiure vne infinité d'Estats supprimez dés & depuis l'an mil cinq cens quatre-vingts & vn : en

crée plusieurs autres nouveaux ; fouille par emprunt aux bourses de ses plus aisez subiccts, affin de faire vn grand fonds pour le deffroy de ces armées. Fut-il iamais vne plus hardie demarche que ceste-cy, pour terrasser vn Prince que l'on prenoit au despourueu ? Ce neantmoins le Roy de Nauarre pare aux coups ( si ainsi faut que ie le die ) avec vne espee rabatuë. Il se tient sagement sur ses gardes, clois & couuert dans quelques villes ; tire les choses en longueur ; laisse passer la cholere. Quoy plus ? ces six armées s'esuanouïrent en fumee, sans sçauoir qu'elles deuindrent. Et Dieu sçait quels inuentaires elles firent des biens des pauures gens & habitans du plat país. Pour reparer ceste bresche, on leue en l'an mil cinq cens quatre-vingts & sept, vne puissante armee, sur laquelle commandoit feu monsieur de Ioyeuse, avec commandement tres-expres de combattre, à quelque prix & condition que ce fust. Les deux armées se rencontrent à Coutras. Vous sçavez ce qui en aduint. Car ce fut vne autre iournee d'Azincour, où la plus grande partie de nostre noblesse passa par le tréchant de l'espee avec le General de l'armee. En l'an mil cinq cens quatre-vingts huit, on voulut obtenir dans Blois par dessein, ce que l'on n'auoit peu par les armes. Iamais entreprise ne fut conduite de plus grand sens. Toutesfois voicy inopinément la rupture de toute ceste poursuite, par la mort d'un Prince qui donnoit de grands auancements à ce conseil ; & qui est vne chose grandement remarquable, remettez les dix iours au

*Qui s'esuanouïssent en fumee.*

*Journee de Coutras.*



*Naissance  
de Henry  
IV. & mort  
de M. de  
Guise à  
mesme  
iour.*

*Henry III.  
assassiné  
deuant  
Paris.*

*Henry IV.  
reconnu  
pour Roy  
en l'armée  
par la No-*

Kalendrier, que nous en auons ostez, vous trouuerez qu'il mourut le mesme iour que le Roy de Nauarre auoit pris naissance. Cette mort en l'an 1589. fait tourner toute la haine publique contre le feu Roy. Les villes s'armēt contreluy. Il est contraint d'appeller à son secours le Roy de Nauarre, lequel dès son arriuee desliure la ville de Tours d'un siege, où il n'y alloit que du hazard de l'Estat. Le feu Roy s'estant acheminé deuant la ville de Paris pour la reprendre, il y est malheureusement assassiné. Il sembloit que les affaires du Royaume deussent lors changer de face; & que le Roy de Nauarre deust estre abandonné de tous, en haine de sa Religion; En quoy il y auoit quelque apparence, selon le iugement humain. Toutesfois contre ce malheureux conseil, Dieu en ordonna tout autrement, & voulut que le sang genereux de la Noblesse Françoisle, pour venger ce detestable parricide, se vouast du tout à son nouveau Roy, lequel se trouua à poinct nommé deuant la ville capitale de France, au milieu de tous les Princes du sang, & officiers de la Couronne, & d'une puissante armee, pour estre par eux tout d'un coup, & non à la file, reconnu pour leur vray, naturel & legitime Roy.

Je vous ay raconté l'histoire de quatre anneés en gros, en chacune desquelles vous voyez que Dieu conduisoit sa fortune par la main, tout ainsi que celle de Moysé. Permettez moy maintenant de faire vn commentaire sur ce que ie vous ay deduit. A qui doit-il rendre



graces de toutes ces benedictions ? A Dieu premierement, puis à ceux qui faisoient lors profession de la haine contre luy, lesquels en furent les principaux outils, leur estat plus redeuable, que il ne feust onc à ses amis. Car si sans refuseiller par vne anticipatiõ de temps les armées, ils l'eussent laissé croupir dans leur arrierecoin de la France, il eust aussi laissé à la longue enrouïller & son esprit, & ses armes. On le contraignit de se mettre sur la deffensive. En vn instant d'apprenty il deuint maistre, luy qui d'ailleurs estoit perdu, si les ennemis ne l'eussent voulu perdre. Car & sa Religion, & le peu de cognoissance que nous auions de ses mœurs & de sa valeur n'eussent pas aisément permis de le fauorizer apres le decez du feu Roy. dauantage où eust-il trouué les passages des riuieres ouuerts, pour donner iusques à la ville de Paris, où eust-il peu rencontrer armee toute preste pour le secourir ? Vne mort naturelle du feu Roy ; vn esloignement de pais, eslongnoient en tout & par tout ses affaires. Brief il doit & sa Couronne & ses forces à ceux qui par toutes sortes d'artifices humains s'estudierent de la supplanter : ne les ayants combatus que de la force de Dieu.

*Henry IV.  
trouue son  
plus grand  
bien & sa  
gloire en son  
plus grand  
maheur.*

Depuis son aduenement à la Couronne, ie vous laisse à part sa miraculeuse victoire de Dieppe, avec vne poignée de gens, contre ceux qui ne se promettoient autre chose, qu'une fuite honteuse de luy par la Mer, comme derniere ressource, ou de sa vie, ou de sa

*Victoire de  
Dieppe.*

fortune. Je vous laisse l'entree qu'il fit aux faubourgs de ceste ville de Paris, en l'an mil cinq cens quatre-vingts neuf, où Dieu, pour le conduire seurement, espendit vne grande nuée de broüillas, à fin qu'il fust plustost veu que preueu. Je vous laisse les conquestes qu'il fit du Vandosmois, du Maine, Alançon, Lizieux, Eureux, & sur tout les villes de Melun & Falaize par luy miraculeusement reconquises : La grande victoire d'Iury, où son ennemy auoit trois soldats encôtre vn; vne autre du mesme iour en Auvergne: l'escarmouche à Aumalle, en laquelle estant desarmé, il fit teste à ses ennemis; La glorieuse reprise de Corbeil, en vn clin d'œil, où ce grand abbateur de murailles, le Duc de Parme auoit seiourné six sepmaines entieres pour le prendre avec vne puissante armee. Je vous laisse encores ce qui se passa miraculeusement contre le Cheualier d'Aumalle dans la ville de saint Denis, sous la conduite du Seigneur de Vicq, & vne infinité d'autres particularitez; en la deduction desquelles le temps me deffaudroit plustost que la plume.

Je feray icy vne pose; car il me semble lire dans vos Ames vne demande que me ferez. Comment se peut-il faire (direz-vous) que Dieu ait voulu embrasser la querelle d'un Prince qui estoit d'autre Religion que la nostre? A cela ie vous respond, que les iugemens de Dieu sônt inenarrables, & que de vouloir asseoir le iugement humain sur iceux; c'est comme les temeraires geants, vouloir à nostre confusioescheller le Ciel. D'ailleurs ie compare la maladie

*Victoire  
d'Iury.*

*Escarmou-  
che d'Au-  
male.*

*Prise de  
Corbeil.*

qui estoit en l'ame de nostre Roy, à celle du paralytique, representee par S. Ieã, qui attédit l'espace de 38. ans entiers, que quelqu'un le plôgeast dedàs la piscine, lors que l'Ange auroit troublé l'eau. Ainsi nostre Roy estoit malade d'une paralytie de l'ame. L'Ange de dieu remuoit en luy iournellement ses humeurs. Tellement qu'il n'attendoit autre chose, sinon que quelques bons & Doctes Theologiens le ietrassent dans la piscine, & rendissent capable de nostre Religion. Comme finalement il en a esté guery sur le trente & huitiesme an de son aage ou enuiron. Aussi dès son aduenement à la Couronne, il protesta au milieu de ses Princes du sang, & de tous les grands Seigneurs de la France, qu'il ne souhaitoit rien tant, que d'estudier au salut de son Ame; mais qu'il desiroit estre instruit en nostre Religion Catholique Apostolique Romaine. Et depuis il ne s'exposa iamais à entreprise hazardeuse, qu'il ne se recommandast par lettres aux prieres de nostre Eglise; & par mesme moyen ne recommandast de faire Processions publiques, & au retour de ses victoires n'ordonnast de chanter, le *Te Deum*, ancien trophée de nos bons & heureux succez. Le iour mesmes des deux grandes victoires que il obtint par la France à Iury en personne, & à Ylloire par ses Lieutenants generaux, on faisoit par son commandement Procession generale dans Tours, où tous les habitans assisterent, iusques aux petits enfans, qui en leur Vierge deuotion crierent vn *Vive le Roy*, par la ville. Et pendant que nous estions en ces Oraisons, le

*Protesta-  
tion de Hé-  
ry IV. pour  
le fait de  
sa Religion.*

*Sa Religion  
en ses ba-  
tailles.*

*Procession  
generale  
durant ses  
victoires.*

Roy cōmença de venir aux mains, & tant que la Proceſſiō dura, tant continua-il ſa victoire à Iury : en laquelle il fut principalement aſſiſté de ſa nobleſſe Catholique. Nos prieres eſtoyēt celles de Moyſe, lors que les enfans d'Iſraël combatoyent, & ſa victoire fut celle d'Aron.

Ne penſez pas, Meſſieurs, qu'il n'ait remarqué cette chaſſe & pluſieurs autres, leſquelles, (outre l'inclination qu'il auoit de ſe rendre noſtre) luy ont facilité la voye à ſa Conuerſion.

*Jour de la  
Conuerſion  
de Henry  
IV. à la Re-  
ligion Ca-  
tholique,  
&c. ou.*

Mais quand luy en prit tout à faiſt l'ennie ? A pareil iour que Dieu eſpandit, premicrement la Manne ſur les enfans d'Iſraël; puis ſon Sainct Eſprit deſſus ſes Apoſtres; ie veux dire vn 15. de May, auquel par inſpiration diuine, & pouſſé du meſme S. Eſprit, il declara dedans la ville de Mâte, en la preſence de tous les Seigneurs de ſon conſeil, qu'il vouloit eſtre endoctriné en noſtre Foy Catholique Apoſtolique Romaine. Auſſi eſt-ce la verité que iamais Prince Chreſtien n'apporta tant de ſubmiſſions pour recognoiſtre ſa faute. Car il abjura ſon erreur, non en cachette, ains deuant les premiers Prelats de la France; Non en vn arrierecoing du Royaume, ains à deux lieuës de Paris, dedans l'Eglife de ſainct Denys, ancien tombeau de nos Rois, afin que les Princes morts & viuans peuſſent teſmoigner de quelle franchise il ſe venoit rendre des noſtres. Ny ſa grandeur, ny ſa Maieſté, ny la honte de ſon peché, ny les brigues publiques, qu'il voyoit eſtre faiſtes contre luy, par le Legat, creature du Duc de Parme, ne le deſtournerent de faire ceſte emo-

*Abiure  
l'heréſie à  
S. Denys.*

logese & penitence publique, assésuré tesmoignage de l'interieur de son Ame. Et sçachant l'honneur qu'il deuoit porter au sainct siege, auant que d'estre conuertý il y auoit enuoyé par deux voyages diuers, les Seigneurs de Luxembourg & de Pisany; & depuis la Conuersion, le Seigneur Duc de Niuernois ( Prince accom- *Sa submis-*  
 ply de toute pieté & prudence ) pour faire aux *sion au S.*  
 pieds du sainct Pere, les adueuz, soubmissions *Siege de*  
 & recognoissances, que l'on peut desirer d'un *Rome.*  
 franc Catholic. Ce n'est pas vne petite victoire qu'il obtint sur soy : Mais encores est-elle plus grande du costé du Sainct Pere. Que vn Prince, lequel estant simple Roy de Nauarre, auoit autrefois fait teste aux Papes, & à deux grands Rois; Maintenant qu'il est Roy de France, ne voulant forligner de la Religion de ses ancestres, luy ait rendu l'obeissance telle que ses predecesseurs.

Messieurs, ie craindroy d'estre par vous estimé trop long, n'estoit la dignité du subiect, que j'estime vous estre autant agreable, qu'à moy. De ma part, ayant veüé ce discours, non seulement à la celebration de mon Roy, mais de l'un des plus grands Rois que nous eumes iamais en la France, ie penseroý toujours estre trop brief, quelque longueur que i'y apporte. Iusques icy ie vous ay deduit les benedictions que Dieu luy a faites auparauant sa Conuersion. Je vous diray maintenant celles qu'il a depuis receuës, mais avec vne philosophie Chrestienne. Quelque benediction qu'il receust de Dieu auparauant sa



conuersion , elle fut sanglante ; Soudain apres qu'il a esté conuertý, ores qu'il y ait eu de fois à autre quelque effusion de sang , si est ce que le general s'est passé par amiables compositiõs. Dieu nous voulant par cela monstrier, cõbien cette conuersion luy auoit esté agreable ; Conuersion, que ie vous puis dire auoir esté la Conuulsion de tous les membres de la Ligue.

Après cette Conuersion, nous tous esperions vne paix. Par ce que monsieur de Mayenne à l'ouuerture des Estats, qu'il fit tenir dans Paris, auoit par vn Manifeste déclaré, qu'il ne combattoit que pour l'Eglise Catholique Apostolique Romaine. permettez moy de parler à cœur ouuert des affaires de nostre France ; Car maintenant c'est tout autre ieu. Ceux qui viendront apres nous se donneront loy & loisir d'en iuger ; Et neantmoins n'en parleront, que par ouïr dire. Et pourquoy sera-il malseât d'en iuger à ceux qui furent spectateurs, mesmes parlants sans passion, comme ie fay ? Et de ce i'en appelle Dieu à tesmoing. De ma part, ie mets toute cette negotiation de la paix entre les premiers miracles de nostre temps ; Et de tât plus me promets-ie qu'elle sera perdurable. Le Roy la desiroit à toute instance, & auoit grand subiet de la desirer. Monsieur de Mayenne au contraire ne souhaitoit qu'une trefue, & n'estoit aussi en ce souhait denué de grande raison ; Et neantmoins la paix estoit lors la ruine des affaires du Roy ; Et la trefue vne autre ruine des affaires de monsieur de Mayenne, comme l'euenement nous l'a enseigné. Car fai-

*Manifeste  
de M. de  
Mayenne.*

*Le Roy de-  
sire la paix.  
M. de Ma-  
yenne la  
trefue.  
Mais la  
trefue est  
plus aduā-  
tageuse  
pour le Roy*



sant vne paix, l'Vnion n'estât encores desvnie,  
 le Roy eust esté contraint de la traiter avec  
 monsieur de Mayenne, pour luy & ses associoz.  
 Quoy faisant il fut demeuré chef de part, pour  
 l'exécution de la paix, tout ainsi comme aupara-  
 vant, pour la guerre, en faueur de ceux qui  
 à l'aduenir eussent remué quelques nouveaux  
 mescontentemens dans leurs testes. Dieu, qui  
 veut que mesurions nos prieres par ses volôtez,  
 sçachant mieux ce qui nous est de besoing que  
 nous mesmes, nous regardant d'un œil de pitié,  
 comme Seigneur qui retiroit son ire de nous,  
 accorde au Roy, non ce qu'il vouloit, ains ce  
 qui luy estoit necessaire. La trefue est iuree & *Qui est en*  
 concluë. Les sage-mondains crioient, & moy *fin iuree.*  
 mesmes, me faisant sottement accroire, que i'e-  
 stoy vn grand homme d'Estat. Le Roy se perd  
 à son elciant (disoy-ie) il falloit battre le fer  
 pendant qu'il estoit chaud. Les François du  
 commencement sont plus chauds & forts que  
 les hommes, & au long aller plus froids & foi-  
 bles que les femmes. Soudain apres la cōuersiō  
 nous deuions en cette nouuelle allegresse re-  
 solument combattre pour la paix; Mainte-  
 nant le peuple peu à peu se r'alentira. Cette  
 trefue est vn moyen aux autres pour s'accom-  
 moder de viures & munitions, par lesquels ils  
 nous rendront ceste guerre immortelle. Pour  
 conclusion, avec la fin de la trefue finira aussi  
 toute nostre esperance de paix. Ce discours  
 n'estoit-il en apparéce humaine, non seulemēt  
 beau, maistres-vray? Toutesfois contre l'opi-  
 nion des hommes, il en est reüssi tout autrement.

par le moyen de ceste trefue la plus-part des bons Citoyens de Paris vindrent à S. Denys, enuifager le Roy, considerant les deportemens tout autres qu'on ne publioit dans leur ville. Et nous, tant d'un que d'autre party, estans les chemins ouuerts, commençâmes de r'entrer en nos anciennes recognoissances, & de condâner nos fureurs, nous estans quittez l'un l'autre pour nous rendre esclaves de ceux que la nature auoit separez de la France d'un grand entreject de montaignes. Quel fruit en rapportâmes-nous ? La paix fut de là en auant consertee avec vns & autres Seigneurs. Chacun d'eux besongna pour soy, & Dieu pour le tout ; Ne voulants autre assurance de leurs Capitulations, que celle qui dependoit de leur vray Seigneur. En quoy ils n'ont esté trompez d'un seul poinct. Sous ceste fiance se rendirent à luy à l'enuy, & vn braue Vitry, qui premier ouurit le pas, vn sage la Chastre, qui ne voulut perdre son nepueu de veuë, vn Brissac, pourtraict des valeurs de son pere ; vn Villars second Admiral de ce nom, vn ieune Duc de Guise, heritier de la magnanimité paternelle ; & en fin ce grand & sage guerrier monsieur de Mayenne ; & à peu dire, tous les Gouverneurs tant des Prouinces que villes, hormis vn. Et m'assure que si feu monsieur de Guise viuoit, il voudroit auoir part à ceste heureuse reünion. Il auoit l'Ame trop genereuse, pour ne la ioindre à vn Roy grand & magnanime, si son heur luy eust baillé le temps & loisir de le recognoistre. Toutes les

*Acheminement à la paix par le moyen de la trefue.*

*Ordre des Seigneurs qui prirent le party du Roy.*

inimitiez precedentes, que l'iniure du temps auoit apportees, se sont par vne metamorphose admirable, transformees en vne singuliere deuotion. Le Roy les a tous non seulement embrassez, ains grandement gratifiez. Il les aime avec tels respects, que leurs dignitez desfirent, pour bānir de leurs ames toute ialouzie, mere des mescontentements qui causerent nos troubles en France. Et eux tous vnaniment ont consacré leurs vies, leurs corps & leurs biens au seruice du Roy, comme ils ont depuis fait bien paroistre, selon les occurrēces des affaires. C'est pourquoy ie vous prie, messieurs, ne trouuer mauuais, si iusques icy, parlant de fois à autre de tous ces Seigneurs, ce mot d'ennemis est eschappé de ma plume. L'ordre du temps, & la suite de l'histoire, qui n'est cachée, me commandoyent d'ainsi le faire. Maintenant qu'ils sont tous reduits, aussi veux-ie que chacun entende que ie suis leur humble & affectionné seruiteur.

Voila le premier plan de la paix, auquel vous voyez, qu'il y a eu grandement de la main de Dieu, suiuiue de la sagesse d'un grand Roy, lequel en vne negociatiō passagere de la trefue, mettāt toutes ceremonies sous pieds, ne douta d'auoir vn collateral en la signature des articles. Mais quand ce vint au gros de la paix, il se donna bien garde de tomber en cest accessoire, pour la consequence, ains voulut besongner avec tous les autres Seigneurs par pieces, affin que ils n'eussent autre garend de leurs traitez,

*Tous embrassez & gratifiez par luy.*

*Parfaicte reuision d'esprits & de vobz.*

que son inuiolable foy. N'estimez pas cependant, Messieurs, qu'en la plus part de ce qui est depuis aduenu, pour la reductiõ des villes, vous n'y trouuiez aussi plusieurs autres miracles tres-expres de Dieu. La ville de Paris recut la veille de Noël 1588. sur la soiree les nouuelles de ce qui s'estoit passé dedans Blois, sur lesquelles fut bastie la rebellion d'une grande partie des villes de la France ; Aussi à semblable iour & heure 1593. les nouuelles luy arriuerent que monsieur de Vitry auoit réduit la ville de Meaux au Roy ; Qui est le premier fondement de la reduction de toutes les autres. Dans Lyon on auoit projecté de faire assassiner le Roy, soudain apres sa conuersion ; & sur ce project il auoit esté cheualé iusques dans Melun par vn meschant homme, lequel y fut surpris & chastié. Dieu non cõtent de ceste vengeance, pour expier à bonnes enseignes ce detestable dessein, voulut depuis que la ville de Lyon se reduisit de son propre mouuement, souz l'obeïssance du Roy : & qu'il en recut aussi inespérément les nouuelles dans Melun. Mais entre toutes les reductions, celle de Paris est esmerueillable, en laquelle vous trouuerez toutes les mesmes procedures, qu'en sa rebellion. En la iournee des barricades le Seigneur de Brissac auoit esté l'un des premiers entremetteurs contre le feu Roy ; & ce fut luy qui fut le premier entrepreneur de la reünion, pour nostre Roy. Le Roy sortit de Paris par la porte Neufue du Louure ; Nostre Roy y est entré par la mesme porte. Au iour des barricades, nul ciroyen occis, hormis deux, en ceste-cy en furent

*L'assassin  
estant par-  
ty de Lyon  
pour tuer le  
Roy,  
Est pris &  
chastié.*

*Et Lyon  
reduite à  
l'obeïssance  
du Roy  
d'elle mes-  
me  
Reduction  
de Paris  
esmerueil-  
lable, &  
quelles an-  
tietheses y  
concourent.*

rent autant de tuez, & non plus. Le premier, qui en qualité de Preuost des Marchands soustrahit la ville de l'obeïssance du Roy, fut Marteau, Maistre des Comptes; & l'Huillier pareillement maistre des Comptes, & Preuost des Marchands, fut l'un de ceux qui s'entremirent grandement à ceste reduction. Quand le feu Roy sortit de Paris, la furieuse desbauche du peuple, que l'on pensoit deuoir estre sans fin, se r'acquiesça tout aussi tost. Soudain que nostre Roy y entra, on ne veit iamais rien de si calme, au milieu de l'insolence des armes. Iamais entree aux nouueaux aduenemens de nos Rois à la Couronne, ne fut plus ioyeuse que ceste-cy: Nul meurdre d'aucun citoyen, fors de deux qui se voulurent insolemment opiniastrer contre le repos de la ville; nulle maison volée ou pillée. Iamais plus de modestie ou attrempance on ne veit. Plusieurs notables bourgeois ouuroient leurs maisons à vns & autres soldats, pour les faire repaistre, obligez ce leur sembloit à ceste courtoisie par la courtoisie extraordinaire qu'ils trouuoient en eux. Les Espaignols, VValons & Neapolitains licentiez, leurs bagues saufues. Leur Duc de Feria ne se trouua iamais en telle feste, esbahy, non seulement de la surprise, mais aussi de la sagesse, vaillance & prudence d'un grand Roy de France, lequel auparauant ne luy estoit qu'un simple Prince de Bearn.

*La reduction de Paris avec combien de modestie, & de bon ordre.*

*Les Soldats estrangers licentiez & bagues saufues.*

Que si dieu a exercé plusieurs grands miracles au progrez & aduancement de la fortune, reduction de ses subiects, & de ses villes sous



son obeïllance, le semblable a il faiët pour la conseruation de sa vie. Car comme ainsi soit qu'en vn champ de bataille il n'ait le bras engourdy, pour combattre à la chaude mole ses ennemis; mais qu'il ne luy aduint iamais de faire mourir vn homme de guet-à pens, ou de sens froid; Aussi dieu non seulement n'a permis,

*Le Roy miraculeusement conserué de Dieu en plusieurs coniuurations.*

*Barriere combien de temps s'est le Roy pour s'ascher de faire son coup.*

*Achilles ne pouuoit estre occis que par le talon.*

*Jean Chastel nourry aux escolles des Iesuites.*

ains l'a miraculeusement garenty des assassins & parricides, que quelques vns voulurent meschamment commettre contre sa personne; Tesmoing vn la Barriere, enuoyé de Lyon pour cest effeët, par quatre meschants hommes, qui sous habit de Moine cououroient des Ames detestables; Lequel ayant poursuiuy sa pointe à sainët Denys, Gournay, Briconterobert & me-lun, tantost le cœur, tantost la main, tantost l'occasion luy faillirent, comme il reconnut auant qu'eüst esté exposé au supplice. Mais sur tout ne peut estre assez celebré, ny par nostre Eglise, ny par la posterité, le miracle dont ie parleray maintenant. Les anciens Poëtes Payens nous racomtent, qu'Achilles tant solemnizé par Homere, ayant dès le iour de sa naissance obtenu ce' priuilege des Dieux de ne pouuoir estre occis que par le talon, partie la plus cachee de nous, quand son heure fut arriuee, Paris le Troyen ayant descoché sur luy vne fleche, le Dieu Apollo la destourna droit au talon, bien que ce ne fust l'endroit où l'Archer eüst pris sa visee: Au contraire Dieu voulant sauuer nostre Roy, voicy ce qui luy aduint dans Paris. Jean Chastel, nourry en l'eschole des Iesuites, estant entré tout expres dans



sa chambre pour l'assassiner, auoit en belle bute & son visage & la gorge & la poictrine peu reuestuë, & prou de loilir pour ce faire; car on n'eust iamais estimé qu'un Scelerat eust esté, ie ne diray point si déterminé, ains desesperé en son Ame, d'oser attenter sur la vie de son Roy dans sa chambre, pleine de Princes & grands Seigneurs. Ce malheureux routes-fois ne douta de l'enuahir, mais le Diable qui conduisoit cestemain, ayant tous les membres à sa mercy, n'eust iamais moyen de l'attaindre qu'en la bouche, où il trouua vn fort rempar *Blesse le Roy à la bouche.* de ses dents, qui aussi tost arresta le coup. En somme voila deux tres-grands guerriers, l'un qui ne pouuoit estre offensé, lequel fut tué en la partie plus cachée; & dont on se doutoit le moins; l'autre, qui pouuoit estre blessé en chacun de ses membres, lequel fut feru & touché en la partie la plus voyable; & neantmoins conserué. Fut-il iamais vn miracle plus apparent que cestuy? Quand vous voyez dedans la fable d'Achilles, qu'un Apollo conduisit la fleche au talon, les anciens Payens nous voulurent figurer par enigme, les effects de la puissance diuine; & qu'il y a vn grand Dieu au Ciel, qui lance ou rabat les coups, comme il luy plaist, à la confusion ou conseruation des plus grands: C'est celuy mesmes qui para pour le Roy au coup. Hé! vraiment il se peut seulement armer contre toute la force humaine, puisque tant en particulier, que public, il a vn si grand Seigneur pour parrain.

Ny pour tout cela, ne pensez pas qu'il n'ait esté quelquefois visité de Dieu à bonnes enseignes. Tout ainsi que les corps humains, aussi les fortunes des Princes ayans leurs maladies, ie vous puis dire, que combien que les affaires du Roy eussent miraculeusement prospéré iusques à la reduction du pais de Bourgogne : & que lors à Fontaine-Françoise, qui luy fut vrayement Françoise, il eust faict vn exploit d'armes dont la posterité bruira tant que le monde sera mōde, contre l'Espaignol; si est-ce que peu apres il receut quelques escornes de la fortune, quand les Espaignols prindrent sur nous la Capelle, le Catelet, Dourlan, Cambray, Calais & Ardres; Et specialement en la surprise de la ville d'Amiens, que nous estimions auparauant vn tres-assuré bouleuert de nostre France. Ville lors pleine de viures, & en laquelle nous auions mis toutes nos munitions de guerre; Ville toutes-fois qui fut prise par l'Espaignol, sans coup ferir, & sang espandre. Pendant que nous faillions dedans Paris des balais, Dieu voulut aussi faire des verges au Ciel pour nous chastier. Nous demeurasmes lors tous estonnez. Car il sembloit que le Roy eust perdu & sa bonne ville, & sa reputation, & le cœur de ses subiects, tout ensemble. Chose que plusieurs estimoiēt attirer quand & soy la perte generale du Royaume; Toutes-fois il luy importoit de faire ceste grande perte, pour auoir par ce moyen matiere à l'aduenir de magnifier la grandeur plus qu' auparauant; & c'est en quoy il a receu vne grace speciale de dieu par dessus toutes les autres. Vous trouue-

*Journee de  
Fontaine-  
Françoise.*

*Villes pri-  
ses par  
l'Espaignol  
sur le Roy.*

*Amiens.*

*Estonne-  
ment gene-  
ral.*

rez cecy Paradoxe & contre l'opinion commune; mais ce que ie dy est tres-vray, & vous supplie vouloir suspendre vostre iugement iusques à ce que m'ayez tout au long entendu.

A peine eut-il receu l'aduis de ce nouueau de-  
faistre, que nous le veismes aussi tost monter à  
cheual & endosser le harnois, pour aller inuestir *Amiens*  
la ville, où il laissa monsieur le Marechal de Bi- *assiege.*  
ron, qui tint en ferre ceux de dedans, en beau-

coup plus grand nombre qu'il n'auoit. Et ce-  
pendant en peu de temps le Roy fit prouision  
de gens & d'argét, pour n'y aller à coup perdu.

Il s'y achemine tost apres, suiuy de ses princes &  
Seigneurs, passe, repasse par les tranches, reco-

gnoist les corps de Garde, gaigne pied à pied la  
muraille, soustient brauement les sorties, iouie  
trois personnages tout ensemble, de soldat, de *Et vive-*  
Capitaine & de Roy; & neâtmoins en tout cela *ment atta-*  
il ne representoit qu'un grand Roy, sur le moule *qué.*

duquel tous les siens, par vne hardie sagesse, ex-

posoient leurs vies aux dangers. Il leur eust esté

mal-seant de reboucher aux coups ayants vn tel

miroir deuant eux. Nous auions en bute vne ville

encourtinee de murs, bastions, esperons, pleine

de braues soldats, gorgée de viures & d'argent;

voire qu'il y auoit dedans plus de munitions de

guerre, que nous n'en auions au dehors. Tout  
cela faisoit tirer le siege en longueur, qui appre-  
stoit à l'Espagnol loisir de s'armer, & à nous de  
penser que nostre entreprise reüssiroit en fin à

*Le Cardi-  
nal d'As-  
triche au  
secours.*

travail ; Armee flanquee des deux costez de grands chariots , pour ne pouuoir estre combattue que de front ; Armee conduite, non comme par vn Cardinal ; ains comme par vn grand guerrier, se ressentant encores de l'ancienne generosité de l'illustre maison d'Autriche. Le Roy deliberoit non seulement de parer aux coups , ains d'assaillir & donner bataille ; Mais il en fut destourné par monsieur de Mayenne, qui luy remonstra, qu'il n'estoit point là venu pour se hazarder à la decisiõ d'une bataille, ains pour prendre la ville ; Et que liurât une bataille, de quelque sés qu'elle se terminast, c'estoit de sarroyer son premier dessein, & alfeurer tout à fait la ville à son ennemy. Cõseil qui fut trouué bon & suiuy. Toutesfois ce fut à beau ieu beau retour, & à bié assailly, bien defendu des deux costez. Nostre canõ ne chommoit non plus que celui de l'ennemy ; Lequel faignant de nous vouloir attirer au combat, & neantmoins n'ayant autre but en soy que de secourir la ville, & puis de se retirer à petit bruit, faisoit glacer sur vn pont quelques compagnies de gens de cheual & de pied, pour y entrer. Les Sieurs de Vicq & du Cluzeau, cõmandez d'aller à Piquigny, descouurēt cette embusche. Ils prennent conseil sur le champ, debusquēt à toute bride , & donnent à trauers d'eux de telle furie, que l'espouuente se logea dans les autres, de façon qu'ils furent contraints de tourner visage vers leur general ; Et luy de retourner au logis, dont il estoit sorty le matin. Soit, ou qu'il eust commandement du Roy d'Espaigne, de ne combattre, ou que la bonne

*Le Roy  
dissuadé de  
donner la  
bataille  
par mon-  
sieur de  
Mayenne.*

*Charge sur  
les Espa-  
gnols.*

fortune du Roy de France luy eust commandé de ce faire. Deslors ceux de la ville, ayant apporté tout denoir, tant à la surprendre, que bien defendre, ne douterent d'entrer en capitulation avec nous, suivant laquelle ils sortirent cōblez de biens, & le Roy comblé d'honneur & de gloire y r'entra à meilleur tiltre que ne fit le Roy Alexādre le grand en la prise de la ville de Tyr.

Cette ville d'Amiens, au iugement de tous nos *Amiens e-*  
ancestres, estoit reputée imprenable; Et de fait, *stince im-*  
sous cette opiniō ne vouloit recevoir garnisōs. *prenable.*

Dieu pour r'aualler cet orgueil, permit qu'elle fust prise par vn petit Capitaine Espagnol. Encores moins sembloit-il qu'elle peut estre reprise; Car outre ses forces anciennes, dont elle estoit emmantee, le Roy y auoit aupara- *Elle estoit*  
uant, fait vn Magazin nō pareil, en intention de *biē munie.*

donner sur les pays-Bas. D'ailleurs l'Espagnol apres la prise, y auoit mis l'eslite de tous ses *Bien forts-*  
gens de guerre, lesquels auoyent redressé tou- *fice.*  
tes les fortifications sur le modelle des ingenieurs de nostre temps. Et n'y auoit ville en France plus abondante en bleds & argent que celle-là; N'ayant iamais de tout le passé receu aucune algarade de fortune. Adioustez l'armee qui vint au secours. Et neantmoins tous ces destourbiers & obstacles ne barrerent point le cours, ny à l'entreprise, ny au bon succez du Roy. Ce grand chef-d'œuvre fit paroistre à toutes les nations estrangeres, que sa fortune estoit inuincible, là où il la vouloit exposer; Et ce mesme chef-d'œuvre luy esplanit vne voye à ce que ie diray cy-apres.



*Monsieur  
de Mer-  
cœur der-  
nier chef  
qui tint  
pour la  
Ligue.*

*Le Roy s'a-  
chemine en  
Bretaigne  
contre luy.*

*Mais il luy  
enuoye la  
carte blan-  
che à An-  
gers.*

*La Bretai-  
gne rendue.*

*Paix entre  
nostre Roy  
& celuy  
d'Espaigne.*

De tous les grands Seigneurs de la France qui auoyent suiuy ie party de la Ligue, luy restoit pour dernier mets le Seigneur de Mercœur. Le Roy apres auoir quelque peu repris son haleine, prend la route de la Bretaigne; Mais avec vn heur beaucoup plus grand que celuy de Iules Cæsar, lequel escriuant au Senat de Rome, d'vne ville par luy lors nouuellemēt conquise, mit d'vne façon brauasche cestrois mots; *Veni, Vidi, Vici*. Voulant dire, qu'aussi tost qu'il fust venu & veu, la ville luy auoit esté renduë. Mais icy le Duc de Mercœur ne donna pas le loisir au roy d'entrer dedans la prouince; Car aux premieres nouuelles de sō acheminement, il luy enuoye dans Angers le papier blâc pour receuoir de luy telle loy qu'il vouldroit. En l'autre il estoit seulement question d'vne ville; En cette-cy d'vne tref-grande Prouince; En l'autre Cæsar estoit venu, & puis auoit esté veu; Ny l'vn, ny l'autre en cette derniere victoire de nostre Roy. Son destin vouloit que la fin de ses guerres ciuiles fust couronnee d'vn si braue exploit.

La Bretaigne luy est renduë à son mot, au mois de Mars; Et quelques iours apres furent les articles de paix arrestez dedans la ville de Veruins entre luy & le Roy d'Espaigne. De sorte que dans vn mois de Mars, nous veîmes mourir le Dieu Mars, & toutes guerres, tant ciuiles qu'estrangeres, en vn mesme instant estouffees. Repassez par toute l'ancienneté, vous ne trouuerez Histoire qui vienne au parangon de cette cy. L'entree que nostre Roy fit dans



Paris, sans meurdre des citoyens, sans volerie & pillerie des maisons, au milieu de l'insolence des armes, sembloit estre la nompareille; Et toutesfois celle du Roy Charles VII. sous la conduite du Connestable de Richemont, eut quelque communauté avec cette-cy; d'auoir obtenu deux victoires en vn mesme iour, en deux batailles rangees, on le doit tenir pour vn grand miracle; Miracle toutesfois qui luy fut cōmun avec ce grand Roy Philippe, par nous surnommé le Conquerant. Car en vne mesme iournee il gaigna deux batailles; l'vne à Bouuines, contre l'Empereur Othon; l'autre contre les Anglois, deuât le Chasteau de la Roche-aux-moines. Mais d'auoir assoupy tout d'ũ coup en mesme tēps deux guerres allumees; qui sembloyēt ne deuoir iamais prendre fin; C'est vn trait d'histoire, qui est totalement sien; trait d'histoire qui ne se communique à nul autre Prince. Ny les Grecs, ny les Romains, ny toutes les natiōs de ce monde, n'en eurent iamais vn pareil; trait, dy-ie, de tant plus recommandable, que sans liurer combat, & sans exception d'vne seule ville, il est r'entré avec son subiect dans toute la Bretagne, Et pour le regard des Espagnols, ils luy ont rendu les villes de Calais, Ardres, Doullā, Catelet, la Capelle, Monthulain: & en la Bretagne Blauet, forteresse inexpugnable; Et generalement tout ce qu'ils occupoyent de nostre Royaume, depuis le dernier traité qui auoit esté fait avec eux; paix aussi de tant plus glorieuse, qu'elle efface vne paix honteuse, que nous auīōs autrefois faite. Les deux camps

*Deux batailles gaignees a mesme iour.*

*places rendues par l'Espagnol.*

qui furent deuant Amiens en l'an 1558. occasionnerent le Roy Henry II. de faire la paix avec Philippe Roy d'Espaigne, par laquelle nous rendismes tout ce qui estoit de nos precedentes conquestes; Et par le seul bruit de la reprise d'Amiens, en l'an 1598. en paix faisant, le mesme Roy d'Espaigne rend à nostre Roy Henry IV. de ce nom, tout ce qu'il auoit conquis dessus nous. Mais à qui doit nostre Roy tout cest heur? Au malheur qu'il auoit couru, perdant la ville d'Amiens; malheur, qui par le chagement d'une lettre, manifesta plus qu'aparaissant sa valeur. Et neantmoins n'estimez pas, que dedans ces mysteres de Dieu il n'y ait eu du ministere du Roy. Il n'appartenoit qu'à celuy qui sçait bié faire la guerre, de sçauoir bié faire la paix. Car tout ainli qu'au fait de la guerre, il sçait choisir ses Capitaines à point, qui portét les Lauriers sur leurs frôts, aussi a-il sceu choisir deux Seigneurs, Bellieure & de Sallery, qui pour n'auoir autre ambition dans leurs Ames, que de la paix, portoyent les Rameaux d'Oliue dās leurs mains; paix certainemēt glorieuse, (veux ie dire encores vne fois) à nostre Roy, mais non moins glorieuse au Roy, d'Espaigne, lequel apres auoir porté sur son chef plus de Couronnes Royales, que ne fist Roy Chrestien, il y a cinq cens ans passez, a voulu sur son vieil aage, auant que partir de ce monde, laisser son peuple en repos, & auoir cest honneur de dire, qu'il auoit faict vne paix, avec le plus grand Roy Chrestien qui se lise depuis mil' ans.

*Le Roy  
d'Espaigne  
a porté plus  
de Couron-  
nes Roya-  
les qu'au-  
cun Roy  
Chrestien.*

Ces deux grands Rois se sont reconciliez

par l'entremise de leurs fidelles subjects: Je vous supplie, Messieurs, & adiure au nom de dieu, que ce mesme vœu tombe vnanimemēt en nos cœurs, & oublions tous les maltalents du passé. On recite qu'un Pedant se presentant deuant Themistocle l'Athenien pour luy enseigner l'Art de memoire: Mais bien enseigne moy (dict-il) l'Art d'oubliance; par ce que ie retien plus aisémēt dās ma memoire ce que ie ne veux; que ie n'oublie ce que ie veux. Que si ce souhait doit auoir lieu; C'est principalement en matiere d'iniures, lesquelles nous grauons ordinairement dans nos Ames, comme avec le burin dans le cuiure, & les bienfaicts comme dans la cire. Mais pourquoy vous presche-je l'oubliance? Au contraire souuenez-vous des miseres qui se sont passees au milieu de nous; Le seul souuenir fera qu'aurez en horreur d'y r'entrer. Celuy se plaint à tort de la Mer, qui apres estre eschappé d'un naufrage, fait voile pour la seconde fois. Vous exhortant à l'vniō commune, j'entens par mesme moyen vous exhorter à la fidelité & obeïssance, que nous tous deuons porter au Roy; Non seulement pour estre nostre vray Rōy & legitime; mais pour estre Roy tres-sage, tres-benin, tres-victorieux, entre tous nos autres Rois; Roy en faueur duquel Dieu a fait vne infinité de miracles, tant pour la cōseruatiō de son Estat, que de sa vie; consequēment enuoyé dē luy par expres, pour remettre toutes les affaires de France en leur ancienne splendeur. N'en voyez-vous pas desia vn euident resmoignage, quand soudain apres la

*Themisto-  
de demāde  
qu'on luy  
enseigne  
plus tost  
l'art d'ou-  
blie que  
l'art de  
memoire.*

paix faicte toutes les armes par sa prudence se font en vn instant, comme vn fantosme, disparuës? Le semblable vous faut-il esperer de tout le reste. Par ce seul eschantillon vous pouuez iuger, quel sera le demeurant de la piece. Remettez vous deuant les yeux, que pour nous estre cy-deuât fouruoyez de nostre deuoir, nous en portons encor' aujourd'huy, & la peine & la penitence. Les grands se sont iouëz de nous, pour fauoriser leurs passions particulieres. Cōsiderant ce que i'ay veu passer par la France, pendant nos troubles, cela me fait souuenir de ce qu'on recite des Sauuages, lesquels ayās vn prisonnier de guerre, le traittent & nourrissent à leurs tables; & voulants en auoir la fin, luy mettent vn feston de fleurs sur le chef, donnants ordre de l'enyrurer par vne boisson à eux familiere; puis au son d'vn chariuary le font dancer avec eux. Ce miserable troublé du sens, ne sentant son mal prochain, saute, trepigne, & iouë de ses jambes avec vne grãde allegresse, iusques à ce que l'on attiltre vn homme, qui par derriere l'assomme; & estant mort, il est mangé par ses Maistres. Ainsi nous en est il pris, enyurez d'vne forcence fureur, nous sommes entrez en la dance avec les grands, qui nous honnoroient, non de guirlandes de fleurs, ains de ie ne sçay quels beaux semblants passagers, ainsi que la fleur; Ne preuoyants pas qu'apres cette dance, nous serions mangez; sinon en nos corps, à tout le moins en nos biens. Estimez-vous que ie mette? Quelle a esté la fin de la dance? elle s'est tournée en daces extraordinaires, qui courët main-

*Les sauua-  
ges com-  
ment trai-  
tent vn  
prisonnier  
de guerre.*

*Le man-  
gent.*

tenant sur nous, non de la franche volonté du Roy, qui est tout bon, ains par vne necessité violente, pour contenter ceux qui vous auoient mis en belongne; lesquels sont sortis de la presse, & vous y estes demeurez, par vniuste iugement de Dieu; pour enseigner au commun peuple l'obeissance qu'il doit à son Roy, & de n'entreuescher ses affaires avec celles des grâds. Nul n'est blessé que par soy-mesmes. Nous sommes les vrais instrumens de nos afflictions. Face le Ciel que puissions desormais deuenir sages par nos folies. Car quant au Roy, ce luy a esté jeu forcé d'employer pour medecine ce mal; afin de nous garentir d'un plus grand.

Et toutesfois, Sire, apres auoir gouuerné vos subiects il est mes-huy temps que ie gouerne vostre Maiesté. Tout le monde vous a veu, & reconnu pédant les guerres passees, Prince aussi clement & debonnaire, que grand & redouté guerrier. Vos victoires vous ouuroient tous les iours la porte, & acheminoient à nouuelles conquestes, dont rien ne vous pouuoit barrer le cours, sinon le desiré, & loüable vœu qu'avez tousiours eu au bien de la paix; Sçachant que dedans le repos des subiects se loge l'honneur des grands Rois. Aussi n'estoient les armes seul but de vostre gloire; la paix y vouloit auoir part. De maniere que dedans vne tranquillité generale de vostre France, ne reste qu'une querelle particuliere en nos ames, desçauoir quel plus grand fruit vous avez rapporté, ou de vos Lauriers au milieu des armes, ou de l'Oliue par vous depuis plantee au milieu de nous dans la

*Les daces  
extraordi-  
naires re-  
frain de la  
dance des  
troubles.*



paix. Reglant d'une telle balance vos opiniôs, que ny l'orage d'une guerre opiniâtre ne vous fit oublier le calme d'une douce paix, ny l'assurance d'une paix presente, la crainte d'une guerre future. Meſnage qui ne rend pas voſtre plume moins redoutee pendant la paix, que voſtre eſpee dedans les armes. Or comme le ſage Prince ſoit celuy ſur le moule duquelles ſubiects doiuent former leurs deportements, auſſi ay-ie voulu maintenant contribuer à ceſte noble deuotion. Et neantmoins ne penſez pas, ie vous ſupplie, que tout ce que j'ay deduit cy deſſus ait eſté pour vous flater. Ayant faiſt toute ma vie profeſſion d'une honneſte liberté, il me ſeroit tres-mal-ſeant de ſouïller ma vieilleſſe d'une flaterie. Ce n'eſt flater ny meſdire, quand on diſt vne verité. Mais ç'a eſté pour vous aduertir en toute humilité; Que plus de benediſtions il a pleu à Dieu de vous departir, plus vous auez d'obligations à luy; Premièrement, pour le recognoiſtre; & en apres vos pauvres ſubiects alangouris des longues guerres. Dieu vous a donné vne paix vniuerſelle, contre tous ceux que teniez pour vos ennemis. N'eſtimez pas, Sire, que ce ſoit vne paix abſoluë, ſi vous n'en ſçauiez bien uſer. Vous eſtes d'un cœur genereux, & comme tel la guerre ne vous eſt que jeu. Dieu vueille par ſa ſaincte grace, que ceſte paix ne vous ſoit deſormais vne guerre. Vous auez, ſi n'y prenez garde, vn grand ennemy à cōbattre; voire le premier & plus grand Prince de la France. Celuy, dont ie parle, eſtes vous.

*Le ſage  
Prince eſt  
le moule  
ſur qui ſe  
doivent ſa-  
çonner ſes  
ſubiects.*



C'est vne chose naturelle, que plus il y a de valeur en nous, plus nous sommes amoureux de nous; & plus nous sommes amoureux, plus nous en sômes ennemis. D'ailleurs au milieu d'un flus de tant de bonnes fortunes, il est mal-aisé à un Prince assiégué d'un' infinité de flatteurs, qu'il ne s'eschape à soy-mesme. C'est pourquoy, affin de vous rendre Roy de toutes façons inuincible, il vous faut estre victorieux de vo' mesmes, quand les occasions s'y presenteront. Je sçay, Sire, que ne respirez rien tant dedans vous, que le retablissement de vostre Estat. Il me souuient, qu'ayant eu vn iour cest honneur de vous faire des remonstrances, sur quelques fascheux Edits enuoyez en vostre châbre des Cōptes, pour y estre verifiez, il m'aduint de vous dire, que depuis la reductiō de Paris, ceux qui estoiet pres de vous, vouloient reestablr vostre Estat, par les mesmes voyes que le feu Roy auoit perdu le sien. A quoy vous me respondites rondemēt, qu'il falloit doncques qu'eussiez vn estat. Vous supportates selon vostre accoustumee bonté, debōnairement ma parole, encores que paraenture vn peu trop hardie, mais cōme de celuy que voyez s'affectiōner pour vostre seruice; & moy, Sire, j'ébrassay la vostre avec toute deuotiō, comme d'un Prince tres-sage, qui vouliez dire que vos affaires, par le malheur du tēps, estoiet tellemēt descouuës, & vostre Estat si deschiré, qu'estiez cōtraint, ainsi que les Medecins en vne maladie desesperée, d'employer remedes de mesmes, en attendant que le bon Dieu vous eust enuoyé vne paix. Il la vous a enuoyee; Reste maintenant de l'executer.

Or l'exécution d'icelle gist principalement en vn poinct, qui est ; Que tout ainsi qu'un Prince souuerain ne peut estre considéré sans son peuple ; Aussi doit-il estimer la cause de peuple estre toute sienne. Je passeray outre, & diray, que la cause de Dieu & du peuple, n'est qu'une à l'endroit d'un Roy. Pour regner bien heureusement, il faut qu'un Roy soit bien aimé de Dieu ; & ne peut estre de luy bien aymé, s'il n'aime pareillemēt ses sujets. Qu'il les traite doucement ; Qu'il ne les surcharge de dāces ; ce serōt autāt de benedictiōs ; autāt de descharges de sa conscience enuers Dieu, qui doit estre le seul phanal de ses actions. Qu'il les mal-meine ; ce seront autāt de mauditiōs, que Dieu souuentefois exhauce. Vous estes au milieu de nous l'image de Dieu. Et tout ainsi que ce grand Roy des Rois veut estre par nous reblandy seulement de ce doux nom de pere ; Aussi deuez-vous exercer en vostre Royauté, vne puissance paternelle dessus vos subiects. Quand i'ay dict ce mot, i'ay tout dict. O que ce fut vn beau surnom, donné au bon Roy Louys XII. quand apres son decez, par le suffrage commun de toute la France, il fut proclamé le pere du Peuple ; Aussi est-ce la cause pour laquelle ce grand Archeuesque de Thurin, Messire Claude de Scissel, l'un des premiers personages de son siecle, ne douta par vn Liure expres, de parangonner sa vie avec celles de tous nos autres Rois. Embrassez, Sire, ceste opinion de Pere, tout le demeurant ira bien.

Vous deuez cela à vostre peuple, dès le iour  
de vostre

de vostre Baptesine. Car dans vn HENRY DE BOVRBON, Dieu voulut que ce bel Anagramme fust enclos; DE BON ROY, *Anagrāme sur le nom du Roy.* BON HEVR; Afin de vous enseigner, que pour conseruer vostre bon heur, il vous falloit estre bon Roy. La ieunesse du Roy Charles VII. fut continuellement affligee des guerres, voire longuement reduite au petit pied. Mais quand par la grace de Dieu il fut au dessus du vent, alors nos ancestres veirent en luy vne infinité de belles & sainctes ordonnances, pour le reestablisement de son Estat, & soulagement de ses subiects. Les mesmes afflictions furent logees dans vostre ieune aage, maintenant vous auez atteint au mesme periode que luy; Et maintenant aussi attendons-nous pareille police de vous: Non seulement nous l'attendons, mais nous en sommes asseurez. Comme dans les grands Poëtes, le Ciel influë quelquefois vn esprit de prophetie; Aussi nostre grand Ronsard, dès vostre naissance y ayāt lors six testes, qui auoyent le deuant de vous à la Courōne, prophetiza & vostre future Royauté, & cette reformation generale de vostre part, dans vn quatrain qu'il vous adressoit, sous le nom de Duc de Beaumont, que portiez lors, dont y a quatre vers de telle teneur.

*Quand l'aage d'homme aura ton cœur atteint,  
S'il reste encor' quelque train de malice,  
Le monde adonc, ployé sous ta police,  
Le pourra voir totalement estaint.*

Sire, il n'y a celuy de nous, qui ne sçache qu'estes plein de bon zele, pour cest effect. Et de me.

part ie m'alléure, que sur ce modele ne m'aque-  
rez de bons & fideles Conseillers, qui contri-  
bueront sous vous à cette mesme deuotion. Il  
n'est pas que quelques vns ialoux de leurs opi-  
nions, voudront qu'elles soyent executees, cō-  
me bonnes, à quelque condition que ce soit.  
Et peut-estre seront-ils assiste, & de beaux  
pretextes & d'une fidelité à vostre seruice.  
Mais en ces deliberations ie vous supplie tres-  
humblement, Sire, vouloir fuir comme vn  
escueil, toutes volonte, absolues. Il n'y a rien  
qui soit de plus perilleuse consequence à vn  
Prince Souuerain, que quand cette opinion se  
loge en luy de pouuoir tout ce qui luy plaist.  
Vous voulez doncques ( me dira quelque fla-  
teur Courtizan ) brider la puissance de vostre  
Roy. Non. Ia à Dieu ne plaise, que cette sottise  
presomption tombe en ma teste. Mais ie desire  
qu'il se maintienne par les mesmes voyes que  
ses deuanciers se sont maintenus, lors que sans  
armees, & avec vne simple baguette, ils se fai-  
soient obeir par tous leurs subiects; Et qu'il  
estime n'y auoir rien qu'il faille tant respec-  
ter, que la venerable ancienneté. Ie veux qu'il  
sçache, que de s'atacher aux extremités, c'est vn  
vice; Et que la mediocrité est la mere de vertu.  
Que dy-ie, mere? Ainçois la mesme vertu.

*La medio-  
crite mere  
de vertu.*

*L'Etat de  
France com-  
paré au  
corps hu-  
main.*

Le compartiment de vostre Royaume, Sire,  
à quelque simbolization avecques le corps  
humain, auquel le Chef exerce la Royauté sur  
les autres membres, entre lesquels y a quelques  
parties Nobles, comme le cœur, le foye,  
les poulmons, qui exercent leurs fonctions,

sans lesquelles ny le Chef ny le corps ne subsisteroyent. Ainsi est-il de vostre Royaume, duquel vous estes le Chef ; Et y a au deliours de vous plusieurs ordres, entre lesquels vos Cours Souueraines, dont il ne faut aisément en cette reformation, harasser ny terrasser l'autorité, comme celles qui ont esté l'ancienne liaison de la Maiesté des Rois vos predecesseurs, avec Po-  
 beissance de leurs subiects ; Et qui seront de-  
 formais les plus seures garnisons de vos Pro-  
 uinces pour l'entretenement de la paix. Qui-  
 conque enseigne autre leçon à son Roy, il le  
 perd. La plus belle proposition que deuez ob-  
 server, est de reduire vostre puissance absoluë  
 sous la ciuilité des loix anciennes & fondamé-  
 tales de vostre Royaume. C'est vne chose tres-  
 louable, que le bon zele. Mais il reçoit son ac-  
 complissement, quand il est accompagné de  
 prudence ; autrement au lieu de reformer, ce  
 sera diffomer vostre Estat ; & seront les reme-  
 des plus fascheux & de plus difficile digestion,  
 que la maladie.

La guerre qui vous a esté faite, est double. *Guerre*  
 L'une, qui prouient de l'espée ; L'autre de la *double*  
 plume. Quant à l'espée, ie voy tous les Princes, *contre le*  
 Seigneurs & Gentils-hommes, concourir vna- *Roy.*  
 niment à la paix. Et est chose esmerueillable,  
 mais c'est vn trait de vostre sagesse & bonne  
 fortune tout ensemble, qu'aussi tost qu'auiez  
 souleué le sourcil pour l'exécution de la paix ;  
 aussi tost se sont les opinions brusques & farou-  
 ches des Capitaines & soldats, euanoüies,  
 cōme vn estourbillō. Chacun d'eux s'est estimé



292 LIV. XVI. DES LET. D'EST. PAS Q.  
tres-heureux de retrouver son ancien domici-  
le & profession, puis qu'ainsi il vous plaïoit,  
sans que le pauvre païsan ait senty aucune in-

*Guerre de  
la plume  
autant re-  
doutable  
que des ar-  
mes.*

*Alexandre  
ne veut es-  
tre peint  
que par  
Apelles,  
ny moulé  
en bosse  
que par  
Lysippe.*

commodité de cette retraite. Quât à la plume,  
ne pësez pas que la guerre n'en soit autât & plus  
redoutable, que de l'espee. De tant que ceux  
qui la manient vous seruent, ou pour mieux di-  
re, guerroyent à couuert. La paix, qu'il y faut  
apporter gist en plusieurs considerations, que  
ie laisse, comme vn gage de bataille, à ceux qui  
entreront en champ clos deuât vostre Maïesté,  
pour cōbatre tous les monstres que les troubles  
nous ont engédré. Et me cōtéterai de mettre fin  
à cette Cōgratuliō, par vn noble souhait. On  
dit que le grand Roy Alexādre ne voulut estre  
représenté en peinture plate, que par le peintre  
Apelles, ny en bosse que par Lysippe l'imager;  
Tous deux Parangons en leurs Arts. Il ne reste  
deormais, pour le compliment de toutes vos  
prouesses, sages conduites, & bōnes fortunes,  
que de trouuer au milieu de nous vn Philippe  
de Cōmines pour engrauer vostre memoire  
au Temple de l'immortalité. Et à la mienne  
volonté, que i'eusse la plume & l'esprit assés dé-  
liez, pour fournir à vne si haute entreprise. Ne  
le pouuant, ie vous supplie humblement, Sire,  
vouloir recevoir de bonne part ce crayon, avec  
la deuotion de celuy qui fait iour & nuict prie-  
res à Dieu, pour vostre santé; Et à ce qu'il luy  
plaïse, en vous continuant ses graces, vous  
donner tres longue vie, de laquelle depend  
& l'esperance & l'asseurance du repos de vostre  
Royaume.





L E

# DIXSEPTIESME

## LIVRE DES LETTRES

D'ESTIENNE PASQUIER.

*A Monsieur de Sainte-Marthe, Thresorier  
general de France en la generalité  
de Poitou.*

**A** Ce que j'ay peu recueillir de vos lettres, vous desirez estre amplement esclaircy de la mort de monsieur le President Brisson, & des procedures dont les seditieux de Paris vserent contre luy pour le faire mourir; comme pareillement de celles qui furēt cōtr'eux pratiquées pour la vindicte publique. Chose que ie feray tres-volontiers pour vous complaire. Ioinct qu'ayant esté autrefois cōpagnon d'armes avecques luy, lors que ie faisois profession du Barreau, estant avec le temps monté au degré de Presidēt, il nes'oublia iamais enuers moy. Qui a faict qu'estant depuis les troubles retourné en nostre bonne ville de Paris, ie me suis tout au long voulu informer de ceste histoire funeste, que j'ay tirée iour apres iour d'un tres-fidelle memoire.

*Il raconte  
au long la  
conspiratiō  
faicte con-  
tre le Pre-  
sident Bris-  
son.*

*Brigard accusé de trahison.*

Brigard accusé de trahison par la Ligue, longuement detenu prisonnier, & son procez ayant trainé plusieurs mois, en fin les prisons luy furent ouuertes par Arrest du Parlement. Les principaux entrepreneurs des Seize, qui auoient faict leur propre faict de ceste poursuite contre luy, se firent accroire que ceste absolution procedoit d'un artifice couuert du President. Et pour ceste cause commencerent d'ourdir vne nouvelle coniuration contre luy, que ie vous

*Assemblée contre M. le President Brisson.*

discourray par le menu. Le Samedi deuxiesme de Nouembre 1591. quelques bourgeois s'assemblerent en vne maison assise rue de la vieille Monnoye, où Laulnay presida ( cestuy auoit esté autrefois Ministre au milieu des Huguenots, puis s'estant rangé des nostres, fut un grand remueur des opinions de la populace dedans Paris ) & remonstra qu'il estoit besoin d'obuier aux daces extraordinaires qu'on vouloit leuer sur le peuple, & de deputer à ceste fin quelques vns pardeuers Messieurs de l'Hostel de ville. Le Seigneur de Morin Cromer, lors Conseiller au grand Conseil, opinant dict, qu'il ne falloit s'arrester à chose si legere, vsant

*Opinions tumultueuses.*

de ces mots; Que l'on disputoit *De Lana Caprina*, mais qu'il se presentoit bien vne affaire de plus grande consequence, à laquelle il falloit remedier; Qui estoit l'iniustice signalee commise au procez de Brigard, en haine seulement de leur compaignie. Ceste proposition mise en auant, le Curé de saint Iacques

*Du Curé de S. Iacques de la Boucherie.*

de la Boucherie prenant la parole dict: Messieurs, c'est trop conuiuer, n'attendez ny rai-

son, ny Iustice de la Cour de Parlement, il faut desormais iouïr descousteaux : vn autre à la suite de luy adiousta, Qu'il y auoit plusieurs Iudas en la compagnie, dont il conuenoit se defaire, & les ietter dedans la riuere. Ces complaints firent oublier le cours du premier marché, & remettre la resolution du faict proposé par Cromer au Mardy cinquiesme, chez la Bruyere, quilors exerçoit l'Estat de Lieutenant Ciuil, où l'on donneroit ordre de se trouuer en plus grand nombre. A ce iour s'y estanstrouuez cinquante & plus, L'aulnay proposa qu'il falloit deliberer sur le faict de Brigard : mais qu'au prealable estoit necessaire de se resoudre sur deux poincts : L'vn de renouveler le Serment de la Sainte Vnion, plus estroitement qu' auparauant, attendu le nombre effrené des traistres qui estoit dedans la ville : L'autre, de proceder à l'election de dix preud'hommes, dõt on seroit tenu de suiure les ordonnances, sans s'esmayer du pourquoy. Le premier point fut accordé sans contraste : Mais au second s'y trouua plus d'obscurité, de remettre sans controle sa conscience sur la conscience de dix hommes : toutesfois en fin il passa ; Et fut l'execution remise au lendemain sixiesme ruë de la vieille monnoye, où fut baloté, & dix de la compagnie esleus, desquels ie ne vous diray les noms. C'est vne ordure qui pueroit en la remüant. On leur donna le nom du Conseil Secret. Cela fait l'affaire de Brigard fut remise sur le Bureau, sçauoir quel ordre l'on

*La Bruyere  
Lieutenant  
Ciuil.*

*Proposition  
de L'aulnay.*

*Le Serment  
de la Sainte  
Vnion  
renouuellé.*

*Dix esleus  
pour com-  
mander  
sans con-  
trole, dits  
le Conseil  
Secret.*

deuoit tenir pour auoir raison de l'Arrest: En quoy se trouuerēt les opiniōs bigarees; Les vns estans d'aduis, qu'il ne falloir rien remuer, puis que la Cour de Parlement y auoit passé; les autres, qu'il estoit besoin d'y apliquer le cautere sans elpargne: & les derniers choisissoient la moyenne voye, d'y proceder par remonstrances: finalement fut sur ces contestatiōs conclud d'en remettre la resolutiō au Conseil secret des dix, & qu'avec eux Cromer amplement instruit du procez pourroit estre de la partie, comme pareillemēt le Curé de saint Cosme, & le Docteur Martin. Quant au renouvellement de serment, la compagnie fut price de se trouuer le Vendredy huietiēme au logis de la Bruyere, & que chacun y amenast le plus de ses amis qu'il pourroit, pour contribuer tous d'un commun vœu à vne si sainte vnion. Auquel iour & lieu s'estants assemblez, Bussi & quelques vns de ses confidens, monterent en vne chambre haute, faisans contenance de vouloir escrire les articles, pour l'entretènement desquels chacun seroit assermenté, & tenu de les soubsigner: Mais ils descendirent tout aussi tost en la sale, portās trois grandes fueilles de papier blanc attachees ensemble. Et Bussi prenant la parole pour ses

*Et si pre-  
sente le pa-  
pier blanc  
pour faire  
signer  
le serment  
de l'vnion.*

compaignons, dict ces mots: Messieurs, nous serions trop long temps à rediger les articles du serment, & craindrions que la compaignie s'enuyast: mais s'il vous plaist de signer en ce papier avec nous, ce sera autant de temps gagné: & remplirons apres le blanc tout à loisir au cōtētement de chacun. Ceste proposition ne

peut estre du commencement de tous digeree : ores que quelques vns y condescendissent de franc pied. Au moyen dequoy quelqu'un plus hardy que les autres luy respondit, qu'il seroit plus raisonnable de ietter ſœil sur les articles auant que deles soubſigner, n'y ayant rien si preſſé qu'on ne peust ſurſoir vn & deux iours. A quoy fut repliqué par Laulnay, qu'il n'y auoit ſubieſt de douter, puisque tant de gens de bien & d'honneur offroient de ſigner, & s'il entroit en quelque deſiance, il en eſtoit quitte pour ne le faire. Et comme ils eſtoient en ces alteres, le Conſeil ſecret des dix fit mettre deux ſuppoſts à la porte, pour empêcher qu'aucun ne ſortist qu'il n'eust ſigné. La Bruyere apporta vn Meſſel ſur la table : luy, Buſſi, & leurs principaux adherents ſignent. Cela faiſt nul de la troupe n'oza faire aucun refus. Le formulaire du ſerment eſtoit tel : Laulnay faiſoit mettre la main ſur le Meſſel; diſant ces mots : Vous iurez & promettez à Dieu le Createur de garder & obſeruer inuiolablement les articles que vous allez preſentement ſigner pour la conſeruation de la Religion Catholique, Apoſtolique, Romaine. Ce que promettoit de faire celui qui ſignoit. Ce grand coup eſtant de ceſte façon frappé, l'aſſemblée fut prorogée au dimanche dixieſme, au logis d'un Chanoine de noſtre Dame à Paris dinede. Auquel iour le Conſeil ſecret ſ'aſſemble le matin chez Laulnay : & fut Buſſi chargé de communiquer avec quelques vns de Meſſieurs de la Sorbonne, ſi en fait de conſcience on pourroit executer ce qu'ils

*Le Sermēt  
de la Sain-  
te Vnion  
fait &  
juré, & a-  
uec quelles  
ceremonies*



*Attache à  
Bussi.*

proiettoient. L'apresdisnee garny de son pas-  
lepartout, il le faiët signer à ceux qui ne l'a-  
uoient signé. Si ne le peust-il faire sans atache  
de l'un de la compagnie, qui poussé d'un iuste  
creue-cœur dit tout haut : Monsieur de Bussi  
a la reiteration de serment merueilleusement  
affectée : Dieu le vueille conseruer en cette  
bonne volonté ; Mais nous trouuons fort es-  
trange qu'on nous face signer du papier sans  
sçauoir que c'est. Mais pour cela Bussi ne s'en  
estonna, obtenant ce qu'il desiroit. Le Mardy  
douzième autre assemblée heure de releuee  
chez la Bruyere ; & renouvellement de ser-  
ment avec les signatures. Le Mercredy trei-  
zième se tint le Conseil secret des Dix chez  
Laulnay le matin : où se trouuerent le Curé de  
Saint Cosme, & quelques autres des plus  
signalez. Auquel lieu Bussi leur raporta, que  
messieurs de la Sorbonne trouuoient bon tout  
ce qu'ils faisoient. De ma part, ie croy qu'il  
mentoit, & que tout ce qu'il en raportoit, es-  
toit pour l'aduancement de son malheureux  
dessein. L'apresdisnee la compagnie s'assëbla en  
la rue de la vieille Monnoye : où Bussi ne  
faillit de se trouuer avec son papier. Et là outre  
le serment & les signatures, il commença de  
s'ouuir plus hardiment qu'il n'auoit fait, & de  
dire, qu'il falloit donner ordre aux trahisons  
que l'on brasloit iournellement contre la ville,  
& qu'il estoit temps de se bien vnir sans dissi-  
mulatiō & hypocrisie. Le Ieudy quatorzième  
le Conseil secret se tint chez Laulnay, & l'a-  
presdisnee fut vouëe à l'assemblée Generale,

*Assemblée  
generale  
chez la  
Bruyere.*



chez la Bruyere, où Bussi ne faillit aussi de se  
trouver, lequel se voulant' retirer avant que la  
compagnie se rompit, dit ces motz: Messieurs,  
nous deurions tous souhaiter, que ceux de cette  
saincte Congregation eussent la charge & inté-  
dance de la ville. Ce seroit vn grand bien & ad-  
uantage pour nostre religion. A quoy Ameline  
adiousta; Je pense n'auoir receu tât de grace de  
Dieu, quand le iour de mon baptisme ie feus  
enregistré au papier iournal des baptisteres,  
comme i'en ay receu d'auoir cest honneur d'e-  
stre enrolé en ceste compagnie. Partant Mes-  
sieurs, ie vous supplie d'estre fermes & stables  
en nostre saincte Vnion, m'asseyrant que Dieu  
nous fera sentir le fruit de ses benedictions. A ce  
mot chacun se depart pressentât quelque pro-  
che malheur deuoir auenir de tant d'allees &  
venueës: mais quel, nul ne le pouuoit bonne-  
ment iuger.

*Protesta-  
tion de Bussi  
à l'assem-  
blee.*

Quels estoient les articles dont on deuoit ré-  
plir le blanc, chacū en parle diuersemēt. La voix  
cōmune est, que l'opinion des entrepreneurs e-  
stoit, qu'il falloit clorre les mains au parlement,  
trier des Conseillers à leur poste sur le volet, dōt  
ils s'ayderoiēt; dresser vne Chābre ardente cō-  
posée de seize personages à leur deuotiō, pour  
faire le procez non seulement aux Politicks no-  
toires; mais aussi à ceux qui en seroient soupçō-  
nez, & en nettoyer la ville, tant par morts, que  
bannissements, & s'accommoder de leurs biens.  
Affin que delà en auant la Saincte Ligue peust  
auecques plus grande liberté & seurte de  
conscience vacquer à ses affaires, & les ioin-

*Subiect des  
Articles si-  
gnés.*

dre avec celles de l'Espagnol, qui lors estoit en garnison dedans Paris. De moy ie ne passe point si avant, ains me persuade seulement, qu'ayant projecté en leurs Ames de faire mourir monsieur le President Brisson, ce blanc estoit reserué, pour le remplir de l'approbation de sa mort, quand l'exécution en auroit esté faicte. Suffile vous qu'il ne se passa assemblée generale entr'eux (& s'en passerent cinq, depuis le renouvellement de serment accordé) en laquelle Bussi, ayant pour son suffragant vn Laulnay, ne fit iurer (si ainsi me permettez de le dire) & signer à taton ce qu'ils pourpésoiēt. Voyez, ie vous prie, cōme ces pauures abuzez dispoisoient à yeux bandez de leurs consciēces.

Or la nuit du Ieudy quatorziēme & du Vēdredy, fut la consommation de leur œuvre. Par ce que le Conseil secret se trouua en vne maison pres de l'Eglise de saint Iacques de la Boucherie, en laquelle fut resoluē la boucherie, & donnee sentence de mort contre ce pauvre President. Quelques vns adioustent de faire le semblable à tous ceux qui auoient opiné en l'Arrest de relaschement de Brigard : Mais mon memoire n'en porter rien. Pendant qu'ils estoient de ceste façon embesongnez dedans la maison, il y eut toute la nuit grand nombre d'hommes armez, qui ne bougerent de la ruē, en la place où est la Croix, pour leur faire escorte. Et le lendemain Vendredy quinziesme de Nouembre, sur les sept heures du matin, le Curé, & trois bourgeois furent deputez pour aduertir les Espagnols, logez vers l'Eglise saint Eustache,

*La mort du  
President  
Brisson y  
deuoit estre  
approuuee.*

*Sentence  
contre le  
President  
Brisson.*

& mettre entre les mains du Capitaine Ligoet la sentence, auquel ils discoururent par le menu l'ordre qu'ils entendoient tenir en l'exécution d'icelle. Le semblable fut fait par Amilton, Curé de saint Cosme, & deux ou trois de la faction, à Dom Alexandre, Capitaine des Napolitains, logé pres la porte de Bussi. Nouvelles de nouvelle cruauté, qui ne despleurent ny à l'Espagnol, ny au Napolitain: Par ce qu'elle se faisoit pour l'aduancement du Roy leur maître, & consequemment à la desolation & ruine de tout le Royaume.

Je vous ay fidellement raconté iour par iour en forme de papier iournal, quelle fut la treme & conduite de la conspiration, laquelle i'ay extraicte d'un quidam qui se trouua en toutes ces assemblees, homme Royaliste en son Ame, mais vn autre Nicodemus ( permettez moy d'ain si le dire ) *Occultus propter metum Iudaorum*, Je vous discourray par vne autre lettre les attē-tats & malheureux effects de ceste execrable coniuration; Estant mon esprit, ma main & ma plume lassée. A Dieu.

*A Monsieur de Sainte-Marthe.*

**E**udain apres que ces gens de bien, dont ie vous ay escrit par mes dernieres, eurent desesché leurs deux ambassades vers les Espagnols & Napolitains, ils s'acheminèrent à l'exécution de leur entreprise, & posèrent au Marché-neuf vn bon nombre de leurs satellites bien armez dedans le chantier

*Execution à mort du  
President  
Brisson, &c  
ce qui se  
passa puis à  
cette occa-  
sion.*

*cés armez  
au Marché  
neuf.*

*Le Capiti-  
taine Nor-  
mant acco-  
ste le Presi-  
dent Bris-  
son.*

*Qui est  
faisi.*

*Et mis au  
petit Cha-  
stelet.*

d'Alexis de Cornuaille, sçachants que le che-  
min ordinaire du President Brisson de sa mai-  
son au Palais estoit de passer par le Pont saint  
Michel, qui aboutissoit vers le Marché-neuf.  
Luy donc passant sur les entre sept & huit du  
matin, suiuy de plusieurs postulants, qui a-  
uoient présenté leurs Requestes à la Cour pour  
estre receuz Procureurs, il est accueilly par le  
Capitaine Normant, qui luy dit; Que le Sei-  
gneur de Belin Gouverneur de la ville desiroit  
parler à luy. A quoy ayant fait responce, que  
ce n'estoit chose si pressée, & qu'à l'issue du  
Palais il l'iroit trouuer. Sur ceste parole for-  
tirent de la maison de Cornuaille plusieurs sé-  
dants, lesquels avec vne incroyable furie luy  
dirent, qu'il ne falloit plus marchander, & le  
presserent de telle façon, que peu s'en falust que  
il n'y eust vne sedition entr'eux & les postu-  
lants. Mais ceux cy voyants la partie mal-fai-  
cte pour eux, abandonnerent leur chef, du-  
quelles autres se saisirent, & luy firent tour-  
ner visage vers le Marché-neuf; & de là le me-  
nerent au petit Chastelet. Le Seigneur de Be-  
lin aduertuy de ceste esmotion se transporte a-  
vec ses gardes en l'Hostel de ville, pour delibe-  
rer avec le Preuost des Marchands, & Esche-  
uins del'ordre qu'on y pourroit promptement  
donner. Mais ayant eu aduis, que les Espa-  
gnols estoient en armes en leurs quartiers, &  
les auenuës du petit Chastelet occupees par  
plusieurs Capitaines de la ville avec leurs com-  
pagnies, il rebroussa chemin en sa maison :  
comme aussi le Preuost des Marchands & Es-

cheuins nes'ozèrent remuër.

Monsieur Brillon estant arriué au Chastellet ; il est salüé à face ouuerte , par le Commillaire Louchard, Ameline Aduocat au siege Presidial , Aimonnot Procureur au Parlement , & Heuroux neveu du Bancquier ; & encores par Morin Cromer, ayant le visage à demy couuert de son manteau , qui l'attendoient de pied quoy au guichet, & ne faict on point de doute, que Crucé Procureur en Cour d'Eglise ne fust aussi de la partie : toutesfois il fut exoiné par la voye que ie vous diray en son lieu. Et lors Ameline prenant la parole sur tous les autres, luy dict : Tu sçais bien , que *En quels* tu es vn traistre ; il faut que tu meures, mais *termes* auant que de mourir , tu respondras sur les *meur* articles, qui te seront presentement leus. Ce *parti.* pauvre Seigneur ainsi mal mené inopinément luy demanda ; quelle iurisdiction & puissance ils auoient sur luy , qui ne recognoissoit autre iuge de ses actions apres Dieu , que la Cour de Parlement. Adonc Cromer leuant le masque luy dict , qu'il n'estoit plus question de l'interroger , son Arrest de mort estant ia donné. Parquoy commanda à Hugues Danel, Sergent , de se saisir de la personne. Ce faict, lecture luy est faicte du iugement par le Greffier , & tout d'une suite mis entre les mains de maistre Iean Rozeau, executeur de la haute iustice, lequel ayant remonstré n'auoir des cordes, Beniamain Dautan geolier dit, qu'il en auoit, desquelles fut à l'instant le President , ( reuestu de sa robbe du Palais, & de



*Le President  
Brissson est  
lié avec sa  
robe du  
Palais, &  
son chappe-  
ron sur l'es-  
paule.  
Ne peut a-  
voir relas-  
che d'ache-  
uer un Li-  
ure de  
Droit en-  
commencé.  
En quelle  
façon est e-  
strangié.*

son chaperon sur l'espaule) lié & garoté. Et cō-  
me il les eust supliez de le vouloir confiner  
entre quatre parois, & luy permettre de para-  
cheuer vn œuure de Droit qu'il auoit encom-  
mencé, Cromer luy commande de penser  
promptement à sa conscience, & qu'il n'y auoit  
plus en luy de respit. Et à cest effect luy est bail-  
lé messire Aubin Blondel, Prestre atitré pour  
le reconcilier. Et quelque peu apres le font  
monter à vne chambre haute, où apres s'estre  
confellé on le monte sur vne selle moyēnemēt  
ballée, & ataché à vne grande poutre, la selle  
leuee deffous luy, il fut en cette façon misera-  
blement estranglé par le bourreau.

*M Larcher  
Conseiller  
pris & me-  
né au Cha-  
stelet.*

Au Parlement tenu dedans Paris estoit  
maistre Claude Larcher, Conseiller, person-  
nage de singuliere recommandation, qui por-  
toit impatiēment les insolences barbaresques  
des Seize, & ne s'en pouuoit taire au milieu de  
ses compaignons. Cettuy allant lors au Palais  
trouué, ou par recherche, ou par hazard, par  
quelques vns de ces mutins, est amené au petit  
Chastelet, où accueilly de mesmes caresses que  
le premier, & conduit en la chambre haute,  
adressant sa parole vers luy, d'un inuiolable  
courage: Il y a long temps( dit il) que ie vous  
auois predict ce malheur, toutes fois iamais ne  
me voulutes croire. Or sus detestables bour-  
reaux, paracheuez en moy ce qu'auiez cruel-  
lement encommencé contre ce grand person-  
nage. Ce me fera grand honneur de courir pa-  
reille fortune que luy. Et au surplus ie vous ad-  
iourne tous deuant Dieu pour auoir reparatiō,  
dū tort



du tort que nous faictes. A ceste parole il est garroté, confessé, & exposé à la mort. Feu mon-  
 sieur le Duc de Nevers, Prince tres-Catholic entre tous les Catholics, auoit faict vn manifeste de son voyage d'Italie, allant vers nostre S. Pere, à Rome, dedans lequel par occasion il descouuroit plusieurs maleçons de la Ligue. Ce liure tōba és mains de maistre Iean Tardif, Cōseiller au siege Presidial, dont le Curé de S. Cosme ayant eu aduis, il se trāsporte en sa maison, avec ses factionnaires: Et ayant trouué ce Liure, & vn autre escrit à la main, dont le titre estoit *Le Chapelet de la Ligue*. Qui estoit vne Legende contre la maison de Guise, il est aprehendé, & mené prisonnier en la Conciergerie du Palais. Depuis interrogé par la Cour, il reco-  
 gnoist ces deux Liures auoir esté chez luy trouuez, qu'il auoit par deuers luy, non pour haine qu'il portast à la cause, ains par vne sottie curiosité; Supliant tres-humblement la Cour de luy vouloir pardonner ceste faute. Il pouuoit tomber en telle heure, qu'on l'eust enuoyé au gibet; toutesfois l'ayant faict retirer elle ordonna qu'il seroit blasmé, & les deux Liurets lacerez en sa presence. Ce qui fut faict. En la fureur des Seize cest Arrest se ramentoit: & se transporte à milton en la maison de ce pauvre homme, qui ce iour là auoit esté saigné. Il est amené au Chastelet en cest estat, & soudain qu'il fut en la Chambre haute, estonné de ces deux morts, tombe es-  
 uanouy sur la place, & en ceste façō demy mort est pendu & estranglé à l'atelier des deux autres. Le bruit commun est, que si en ceste rage

*est mis à  
mort.*

*Maistre Iean  
Tardif  
Cōseiller  
au Presi-  
dial, pendu,  
pour  
quoy.*

quelques autres Conseillers de Parlement fus-  
sent par chemin tombez en leurs mains, ils eus-  
sent couru pareille fortune que monsieur  
Larcher. Et de faict, monsieur Henroux,  
ancien Conseiller, allant au Palais, estant sur  
le Pont saint Michel, vn faiseur de Tombes  
sien voisin sans luy mot dire, prit son mulet par  
la bride, & luy fit retourner teste vers sa maisõ.  
Chose dont cest honneste homme estonné,  
l'autre luy dit, que s'il passoit outre, il estoit en  
danger de mort.

*Les corps  
exposez en  
Greue avec  
des Escri-  
teaux.*

Les trois corps furent gardez en la prison  
iusques à la nuit, que le bourreau leur ostant  
leurs bõnes chemises, & les reuestant de trois  
meschantes, furent par luy exposez en la place  
de Greue, attachez à vne potence fourchee,  
chacun d'eux portât vn escreteau sur le dos en  
lettres cadelees: Monsieur le President Brisson,  
*Barnabé Brisson Chef des Heretiques & Politiques:*  
Monsieur Larcher, *Claude Larcher, fauteur des*  
*Heretiques:* Monsieur Tardif, *Iean Tardif en-*  
*nemy de la Sainte Ligue & des Princes Catholics.*  
Et le Samedy matin Bussi voyant vne infinité de  
peuple qui contemploit ce miserable spectacle,  
se met en place sur les degrez de la grande  
Croix, suiuy de plusieurs matois; & lors s'escrie  
à haute voix, que ces trois auoient voulu ven-  
dre la ville à l'ennemy, & que la nuit precedete  
de leur mort, la porte de Saint Iacques à leur  
instigation estoit demeuree toute ouuerte.  
Estimant ce bel Harangueur par son nou-  
veau mensonge soufleuer le peuple à sedi-  
tion; lequel toutesfois fut esmeu à compas-

*Effronsee  
menterie  
de Bussi.*

fron d'une part, & indignation d'autre pour cette cruauté barbareſque. Voyant Buſſi que ſa harangue menſongere n'auoit de rien auancé ſon opinion, il la tourne en vne fureur, & ſe transporte en l'Hoſtel de ville, pour faire ſouſſigner au Preuoſt des Marchands & Eſcheuins la ſentence de condamnation de mort rendue par les Dix. Et comme ils fuſſent reſuſants de ce faire, il preſenta la pointe de ſa halebarde au Preuoſt, de maniere que pour craincte de pis, ils furent contraints de luy obeïr.

*Fait ſigner  
par force la  
ſentence de  
mort au  
Preuoſt des  
Marchands  
& Eſche-  
uins.*

Le ſeigneur de Belin callant la voile à cette bourraſque, ſe ſerra dedans ſon logis avec ſes gardes. Meſſieurs du Parlement, chambre des Comptes, & des Aides ferment leurs boutiques, bien deliberez d'oublier tout à fait le chemin du Palais, iuſques à ce qu'il y euſt vn Prince qui ſe fit croire abſolument, afin de n'eſtre plus la proye de ceſte furieuſe populace. Madame la Duchefſe de Nemours mere, & Madame la Duchefſe Doüairiere de Montpenſier ſœur du Duc de Mayenne, ſe tiennent clauſes dedans leurs maiſons. Ce nonobſtant Buſſi avec ſes complices, apres auoir fait l'exploit que deſſus en l'Hoſtel de ville, ſe transporte en leurs logis, & les prie de vouloir ſouſſigner la ſentence (prieres qui ſembloient tenir lieu de menaces à faute d'y acquieſcer.) Mais les Princeſſes bié aduiſees le repeurēt de belles paroles : Le priant de remettre la partie iuſques à la venue de M. de Mayenne, auquel elles ſeroient trouuer bon tout ce qui s'eſtoit paſſé. Vers lequel elles depeſcherent le Capitaine.

*Le Palais  
fermé.*

de Bourg avec lettres de creance, qui arriua quelques iours apres à Laon, où le Duc seiournoit attendant de pied quoy le duc de Parme & ses forces, pour faire leuer le siege que le roy auoit mis deuant la ville de Rouën. De Bourg luy recita par le menu ceste hystoire, l'admonestant de la part des Princesses, de venir promptement à Paris, s'il ne la vouloit perdre, & laisser à la mercy de l'Espagnol, & des Seize. Si ceste nouuelle inesperee estonna grandement le Prince, n'en faictes doute. Car il voyoit ceste coniuration n'auoir esté brassée qu'au rual de son autorité, & auancement de celle de l'Espagnol: Bien empesché toutesfois, quel remede il y pourroit mettre. Car de la laisser impunie, tout ordre de droit le luy defendoit. Au contraire, il y voyoit vne infinité d'obstacles. Vn Espagnol qu'il auoit logé dedans la ville, estre aucunemēt engagé en ceste querelle: D'ailleurs qu'il attendoit nouveau secours du Parmesā pour la ville de Roien. Que d'offenser ceux qui estoient dedans Paris, c'estoit arrester ce secours, & parauenture en cuidant sauuer vne ville, en perdre deux. Ioint qu'il n'estoit pas dit que le voulant, il le peust faire, l'Espagnol ioignant sa force avec celle des Seize, qui auoient empieté vne tyrannie admirable sur toute la ville. Quoy doncques? disoit-il, demureray-ie les mains basses? Car si ces meurdres fussent aduenus par la fureur inopinée d'une populace, telle qu'en la ville de Tholose contre le feu premier President Duranti, parauenture le passeroiy-je par conuiuence; mais en

*M. de Ma-  
yeune en  
grand per-  
plexité sur  
ce fait.*

celle qui se presente, concertee deliberelement, & executee furieusement par ceux qui de leur priuee autorité se sont faits iuges & parties, tout ainsi que ceste coniuration ne reçoit excuse, aussi serois-ie inexcusable, & coniurerois contre moy-mesme, si la punition ne s'en ensuiuoit.

Le Duc de ceste façon combatu en son Ame par diuers regards, en fin se resout de venir à Paris, comme aussi luy estoit-ce vn faire le faut, pour, y estant arriué, prendre tel aduis que le champ luy donneroit. Et choisit sept ou huit cens caualliers lestes & gaillards pour le secon- *Qui vient à Paris.*  
der; Remettant le reste de ses forces entre les mains de monsieur de Guise son nepueu, pour les ioindre avec celles du Duc de Parme: & part le vingt-cinquième du mois, accompagnant ses pensees, & le chemin d'une infinité de soupirs, tant il auoit en horreur la cruauté aduenüe, & la crainte de l'auenir. Je vous reciteray icy en passant vne histoire digne d'estre sceüe. Il auoit à sa suite Maistre Nicolas Roland, autrefois Conseiller des Generaux des Monnoyes, homme du commencement voué avec vne passion incroyable au fait de la Ligue, & sous ce titre auoit esté créé Escheuin de Paris la premiere année des troubles l'an 1588. toutes-fois quelque temps apres il commença de mettre de l'eau sur son feu, & après auoir accomplis les deux ans de son Escheuinage, se mit à suiure de fois à autre le party qu'il estimoit mieux réglé: ie veux dire le Duc de Mayenne, lequel prenoit plaisir de l'ouïr, comme celuy qu'il voyoit doué d'une facilité d'esprit, de lan-



gue, & de paroles de choix: Cestuy s'aproche du Duc sur les chemins, le voyant de cette façon affligé. Lequel tournant vers luy son visage, luy demanda par forme de deuis, quel conseil il estimoit deuoir estre par luy pris en cette affaire. A quoy Roland respondir: Monseigneur, c'est à vous seul auquel deuez vous adresser pour prendre aduis, non à moy, qui suis trop petit compaignon, & aprenty en telles matieres. Et comme le Duc le pressast de plus en plus de luy dire ce qu'il en pêloit, veu que iamais il n'auoit donné subiect à ces messieurs de Paris, de le traiter de cette façon, n'ayants receu de luy dés & depuis son auenemēt à l'Estat de Lieutenant general de la Couronne, que toutes courtoisies, faueurs & gracieusetez: Sur cela Roland luy repliqua: Monseigneur, vostre fortune est tout autrement establie, que celle de l'Empereur Auguste, qui pour asséurer la souueraineté dōt il se vouloit emparer, fit dés le commencement passer par le tranchant de l'espée toutes les testes qu'il estimoit luy pouuoir nuire, sans esparigner ses amis, non plus que ses ennemis. Et depuis estant cette espine sortie de son opinion, il entretint de là en auant le peuple de Rome avec toute douceur & clemēce, iusques au dernier soupir de sa vie: non toutesfois sans recevoir de fois à autres quelques algarades, voire de ceux ausquelz il auoit plus de fiance. Vous au cōtraire, Monseigneur, auez estably le Gouuernement de vostre souueraine grandeur sur vne debonnaireté qui vous fait perpetuelle compaignie, & sous ce beau gage auez gagné

*Auguste  
fait mourir  
tous ceux  
qu'il estoit  
mort luy  
deuoir nuire,  
sans  
esgard à  
aucune  
amitié ny  
autre respect.*



la bien vuëillâce, tant des grâds, que des petits: maintenant que voyez quelques mal aduïsez *Aduis de M. Rolūd à M. de Marenne.* abusantz de vostre bôté, troubler vos affaires, prenez gardes'il ne vo'est point de besoin vser maintenant du glaiue & acheuer par où l'Empereur Auguste auoit commencé. Ainsi s'entretenoit le Duc par les chemins, tantost avec l'un, tantost avec l'autre pour tromper la fâcherie quil'importunoit, iusques à ce qu'il arriua à Paris le Vendredy xxviii. du mois; attendu des gens de bien avec vne ioye inestimable, & des meschants avec vne peur incroyable.

Grande est la force d'une conscience: Les Seize auparauant intolerables, cōmançâts de faire ioug, le viennent en toute humilité accueillir deuant l'Abbaye de S. Antoine des Champs, & par l'organe de maistre Iaques Boucher Docteur en Theologie, Curé de Saint Benoit, luy remonstrent, que tout ce qui auoit esté par eux fait, estoit pour son seruice, & assurance de la cause commune d'eux tous. Le Prince sans faire aucune demonstration de malalent, apres les auoir tout au long ouïs debonnairement, leur dit; Qu'il venoit expres à la ville pour accommoder toutes choses, & faire s'il estoit possible, de sorte que chacun demeurast content. Ainsi arriua au Palais de la Roïne Mere, où estoit sa demeure ordinaire, representant fort bien en son equipage & en sa suite la dignité de celui auquel auoit esté deferee la Lieutenance.

*Les Seize s'excusent d'aucement.*

generale de l'Estat de France, & commencerēt lors les trois compagnies Souueraines de respirer par cette venue. Dés le soir de son arriuee il fut visité par vns & autres, & indifferément il fit bōne chere à tous, voire aux principaux des Seize qu'il le gouuernerēt pēdant son soupper, fors toutesfois & excepté Bussi le Clerc, qui se tint clos & couuert dedans la Bastille. Le Samedi 29. ce fut vne Procession en sa maison, & signamment des gens de bien & d'honneur: Plusieurs Colonels, & Capitaines de la ville luy viennent baiser les mains, avec toute promesse d'obeissance; et de la plus-part des autres, il s'assēura tant par l'entremise de ceux-cy, que d'autres bourgeois qu'il scauoit estre voiez au repos general de la ville. Ce fut le premier fondement de toute son entreprise. Lequel estant de cette facon ietté, il manda à Bussi qu'il eust à le venir trouuer. Chose qu'il refusa de faire: s'excusant sur vne maladie qui l'auoit surpris. Le Prince cognoissant que c'estoit vne maladie par luy industrieusement affectee, qui pourroit retarder ses desseins, se transporte, en l'Hostel de ville, suivy de plusieurs Colonels, où apres auoir discouru amplement tout ce qui estoit de son fait, declara qu'il vouloit resolument que la Bastille luy fut renduē, se delibérant d'y faire mener le canon pour la battre. La compagnie le pria vouloir sursoir son opinion iusques à ce que quelques vns d'être eux eussent esté prédre l'ague de Bussi. Et lors dit le Duc, qu'il pouuoit venir hardiment sur sa parole, estant tres-content de parler à luy auant que de passer plus

*Bussi ne  
veut venir  
à M. de  
Mayenne.*

*Qui de-  
mande d'a-  
voir la Ba-  
stille en  
l'assemblee  
de la mai-  
son de ville.*

outre. Brette & de Vaux, Escheuins, Grãd-ruë  
Conseiller au Parlement, Colónel de son quartier, & quelques autres sont deputez pour  
l'aller trouuer, & apres diuers marchez; en fin  
Bussi accorda de sortir, prenant pour ostage  
Grand-ruë dedans la Bastille, pendant qu'il  
s'aboucheroit avec le Prince, lequel il vint  
saluër: Et sur la proposition qu'il luy fit de  
vouloir s'asseurer de la place, Bussi luy respōdit,  
que cela estoit hors de la puissance, par ce qu'il  
s'estoit lié par serment enuers nostre saint Pere  
le Pape, de ne la rendre, sinon és mains de ce-  
luy que la Sainteté ordonneroit. Le Prince en  
vn mot luy dit, qu'il luy bailloit vingt & quatre  
heures seulement pour penser à sa conscience,  
apres lesquelles il luy feroit paroistre combien  
estoit pesante la main d'un maistre enuers son  
seruiteur desobeissant. Sur cette parole s'en re-  
tourna Bussi, bien estonné de cette menace,  
lequel pour la ceremonie fut le lendemain Di-  
manche, dernier iour du mois de Nouembre,  
visité par quelques Theologiens, qui luy re-  
monstrerent, qu'en la necessité vrgente qui se  
presentoit, il n'y auoit aucune obligation de  
serment qui l'empeschast d'obeir au cōman-  
dement du Priace. De maniere que persuadé  
par eux, mais beaucoup plus par le peril qu'il  
voyoit du iour au lendemain pancher sur sa  
teste, il vint trouuer sur le vespre monsieur de  
Mayenne, entourné de plusieurs Seigneurs &  
Capitaines, deuant lequel il s'inclina, & pour  
toute harangue luy dict (ainsi l'ay-ie apris d'un  
honneste homme qui estoit present) que puis

*Repartie  
de Bussi.*

qu'il se resoluoit absolument d'entrer dans la place, il estoit prest de la luy rendre ; mais que il auoit quelques soldats avec luy , & plusieurs grands meubles : Le suppliant tres-humblement luy vouloir ordonner maison où il les peust retirer. L'Hostel de Collé proche de la Bastille luy fut sur le champ assigné : Au-

*Qui rend la  
Bastille, &  
se retire en  
l'Hostel de  
Collé.*

quel Bussi soudain apres se retira avec tout son bagage , & fut à l'instant la Bastille rendue au Prince , où il fit entrer Tresmont Capitaine de ses gardes pour y commander. Monsieur de Mayenne conduisant ainsi pied à pied ses affaires , apres s'estre asseuré de la Bastille , qu'il estimoit luy deuoir estre vne Citadelle pour tenir en bride les seditieux , mande aux Seigneurs de Parlement de vouloir retrouver leurs sieges : comme de faict le lendemain Lundy premier iour de Decembre, il vint au Palais le tambour sonnant, auquel lieu il crea quatre nouveaux Presidents du Mortier , Monsieur Chartier Doyen des Conseillers en la Cour , pour premier ; Monsieur de Haqueuille premier Presidét au grand Conseil , pour second ; Monsieur de Nuilly premier President en la Cour des generaux des Aides , pour tiers : & monsieur le Maître , Aduocat general<sup>11</sup> créé par la Ligue , pour quatriesme. Deslors fut la Cour de Parlement ouuerte , & le lendemain Mardy la chambre des Comptes & Cour des Aides. Restoit de prendre punition , sinon de tous , pour le moins de ceux que l'on estimoit auoir esté des premiers entremetteurs

*Quatre  
Presidents  
creez.*

*Le Parle-  
ment r'ou-  
uert avec  
les autres  
Cours.*

de la tragedie. Il estoit bien plus aisé de leur faire sur le champ leur procez, que celuy que ils auoient faict à monsieur le President Brisson : Les preuues en estoient claires, & recogneuës par eux mesmes à l'entree du Prince dedans Paris; mais ineptement palliees. Le Prince les pouuoit tous faire passer par vne mort exemplaire, toutesfois par vne moyenne voye, il permet de prendre prisonniers tous ceux que l'on trouueroit pour estre chastiez par vne crainte, & se contenta que quatre seulement mourussent : Ce furent Louchard, Ameline, Aimonnot, Henroux. Crucé estoit de la partie, mais il en fut garenty par l'intercession de Boucher son Curé, qui asseura le Duc sur sa part de Paradis, qu'il n'auoit esté des complices, ores que la verité fust notoirement contraire.

*Crucé com-  
mēt sauué.*

Telles furent les condamnations, & le Mercredy au poing du iour, Archers expressement enuoyez pour se saisir de leurs personnes. Congy Cheualier du Guet s'estant transporté pardeuers Louchard, dict à son seruiteur, que monsieur de Mayenne le demandoit. A ce mot il se leue, demande vn mouchoir blanc, & prenant congé de sa femme la baïsa, avec ces paroles, que c'estoit le dernier baiser qu'elle receuroit de luy. Au mesme temps que l'on recherchoit les autres, Monsieur de Vitry se transporte en l'Hostel de Cossé, heberge-ment de Bussi. Lequel ayant entendu le bruiet, se sauue en chemise sur les tuil-

*Bussi se  
sauue.*



*Ses moyens  
pillez.*

*Es luy ren-  
du misera-  
ble.*

*Cromer se  
sauue.*

*Les quatre  
pendus.*

les, & se lance en vne maison voisine, où il fut tellement quellement reuestu, & caché pour quelques iours. Ses gens veulēt faire quelque resistance; on en vient aux mains, & se trouuent auoir du pire. Au moyē de quoy ceux qui curent le dessus d'eux, firent vn inuentaire de gend'armes de tous & chacuns ses biens, meubles, bagues, ioyaux, cheuaux, armes, or & argent monnoyé & non monnoyé, c'est à dire de ses voleries. Se trouuant en vn clin d'œil ce miserable, denué de toutes les grandes despouilles qu'il auoit extorquées l'espace de trois ou quatre ans de plusieurs grandes & notables maisons de la ville, & luy qui d'un petit Procureur de Parlement nommé Iean le Clerc, s'estoit faict vn grand tyran de Paris sous le nom de Buffi le Clerc, est au iourd'huy reduict en vn plus piteux & miserable estat, qu'il n'estoit auparauant les troubles. En vn mot, c'est vn petit clerc de nom & d'effect. Au regard de Cromer il se sauua de vitresse, & se rédit inuisible. Ce iour de Mercredy troisieme de Decēbre, Louchard, Aimonnot, Ameline, & Henroux furent pendus & estranglez en la basse sale du Louure, sur les huit heures du matin, & leurs corps rendus à leurs femmes pour estre enseuelis en terre Sainte. Cela fait, le Prince ouure les prisons à tous les autres, & se transporte en la Cour de Parlement, où il rend compte de tout ce qui auoit esté par son cōmandement executé. Ce qu'elle trouua bon, & en tant que beloing estoit, l'autoriza : Le Dimanche ensuiuant septiesme du mois fut faite procession



generale autour de la Cité, à laquelle assiste-  
 rent les Seigneurs de Mayenne & de Vaude-  
 mont son cousin, fils du Duc de Lorraine, la  
 Cour de Parlement en robes rouges, cham-  
 bre des Comptes avec robes de soye, &  
 Cour des Aides, Preuost des Marchands, &  
 Escheuins de la ville. La Messe celebree en l'E-  
 glise nostre Dame, & actions de graces à Dieu  
 rendus, de ce qu'avec vn si heureux succez, ce  
 nouveau trouble s'estoit assoupy.

Toutesfois encores n'en estoit la racine  
 du tout extirpee. Par ce que le lendemain, iour  
 de la Conception nostre Dame, Cucilly, Do-  
 cteur en Theologie, Curé de Saint Germain  
 del'Auxerrois, se met en Chaire apres la grâde  
 Messe chantee, & instigué par quelques Ames  
 Espagnoles, declama contre le Seigneur de  
 Mayenne, loüant la memoire de Louchard &  
 ses compagnons, comme de vrayz Martyrs,  
 quel'ô auoit fait mourir sans forme & figure de  
 procès, s'assurant que leurs Ames estoient bea-  
 tifiees en l'autre monde, pour n'auoir esté par  
 eux rien attenté, qui ne fust de iustice & raison.  
 Cecy raporté au Duc, il s'en plaint aux Do-  
 cteurs de la faculté de Theologie, lesquels en  
 pleine assemblee de Sorbonné mandent Cucil-  
 ly, qui fut par eux baffoié, & deffenses à luy de  
 plus ainsi prescher. Le Mardy neufiesme le  
 Prince vient au Parlemét, où il instale pour Ad-  
 uocat General du Roy Monsieur Hoteman au  
 lieu de monsieur le maistre, nouveau Presidét,  
 & tout d'vne main fit publier vne abolition  
 generale par luy decernee pour ceux qui auoient

*Procession  
 Generale  
 pour ac-  
 tions de  
 graces.*

*Cucilly  
 Curé de S.  
 Germain  
 loüe la me-  
 moire des  
 pendus, &  
 blâme M.  
 de Mayenne.*

*Qui est baffoié en  
 Sorbonne.  
 Lettres  
 d'abolition  
 par M. de  
 Mayenne,  
 non toutes-  
 fois pour  
 tous.*

esté en la delibération ou execution de ce qui auoit esté commis és personnes de messieurs Brillon, Larcher, & Tardif: exceptez toutes-fois le Conseiller Cromer, Adrian Cochery Aduocat, & celui qui auoit seruy de greffier. Et par les mesmes Patentes fut rompu & aboly le Conseil des Seize, & à eux, & tous autres defendu de faire aucunes assembles ny tenir Cōseil en particulier. Sauf toutesfois que si aucun d'eux auoit quelque chose à proposer, concernant le repos & salut de la ville, des'adresser au Gouverneur, Procureur General, ou Preuost des Marchands & Escheuins, auxquels le soing, seureté, & conseruation d'icelle deuoient appartenir. Sur le reply desquelles lettres estant mis *Lenès, publiques, & registrees le Procureur General du Roy ce requerant*, elles furent le mesme iour publiees à son de trompe & cry public par les Carrefours de cette ville de Paris. Cela fait, quelques iours apres le Duc sortit de la ville, emmenant quant & soy Bussi, lequel par l'entremise de quelques siens amis, auoit moyenné sa paix: Qui fut vn autre sage conseil au duc de ne laisser ce trouble mesnage dedans Paris.

Vous auez iusques icy entendu, comme toutes choses se passerent, tant de la part des conspirateurs, que de celle du Prince: entendez maintenant la suite de cette histoire iusques à son dernier periode. Quelques coureurs de la ville de Melun donnerent iusques aux portes de Paris, où ils trouuerent sur les

*Benjamin  
Dautan pris*

fossez Benjamin Dautan Geolier des prisons

du petit Chastelet. C'est celuy que ie vous ay dit auoir fourni des cordes pour pendre ces trois pauvres Seigneurs. Il fut pris, & enleué à Melun, comme vn prisonnier de guerre, cōme de fait Daine Denise de Vigny veufue de monsieur le President Brisson paya sous main cent escus pour la rançon, ne voulant que cela vint à la cognoissance des Parisiens, & donne ordre qu'à la requeste de messire Esme Iean de la Chambre, Baron de Ruffey son gendre, son procès luy fut fait & parfait par Hardy, Preuost des Mareschaux del'Isle de Frâce. Pour le vous faire court, par sentence du seiziesme Feurier 1594. dōnee presidialement en dernier ressort, *Est condāné  
né Presi-  
dialement.* il fut dit, que pour reparation du meurtre & assassinat commisés personnes de messire Barnabé Brisson, maistre Claude Larcher, & Iean Tardif, il estoit condamné à estre conduit & mené sur vne claye, au deuant de la grande porte, & principale entree de l'Eglise nostre Dame de la ville de Melun, où estant, ayant vne torche ardente de deux liures pesant au poing, nuds pieds, nuë teste, & en chemise crierait à Dieu mercy, au Roy & à iustice: de celieu estre conduit au marché du bled de la ville, pour estre pendu & estranglé à vne potée pour ce dressée, son corps mort estre brulé, & reduit en cendres, & icelles iettees en la riuiera; ses biens acquis & confisquees au Roy: sur lesquels seroit prealablement prise la sōme de deux mil escus, adiugee au sieur Baron de Ruffey partie ciuile, & les despens de la poursuite du procès, auparauant laquelle execu-

*Est executé.* tion, iceluy Dautan seroit mis à la question ordinaire & extraordinaire. Sentence qui luy fut signifiée, & executée selô la forme & teneur le dixseptiesme. Laquelle ie vous ay voulu coucher tout au long, pour vous monstrier de quel pied, & integrité on marchoit lors à la suite du Roy. Car combien que notoirement le President Brisson eust esté chef de part pour la Ligue dedans Paris, toutesfois nous ne voulumes excuser dedans Melun le meurtre contre luy commis, rendant à sa memoire le bié pour le mal.

Qui fut vne leçon depuis suivie sur ce mesme subiect: Car ayant esté la ville de Paris reduite sous l'obeïssance du Roy au mois de Mars ensuiuant, le procès extraordinaire fait à Hugues Danel sergent, Jean Roseau executeur de la haute iustice, messire Aubin Blondel Prestre, & Adrian Fromentin, à la requeste de dame Denise de Vigny, veufue du President, à laquelle comme i'enten on doit le principal honneur des diligences & poursuites. Avecques elle se ioignirent Damoiselle Anne le Circer, ayeule maternelle & tutrice des enfans de Larcher: Et Damoiselle Jeanne du Pont, veufue de Tardif. Et par Arrest du vingteseptiesme d'Aoust, 1594. La Cour de Parlement declara Danel, Blondel & Rozeau, deuëment atteints & conuaincus, des captures, assassins & massacres (ce sont les mots de l'Arrest) proditoirement & inhumainement cōmis és personnes des President Brisson, Larcher & Tardif. Et ledit Frométin d'auoir assisté & fauorisé  
lesdits

lesdits assassins: pour reparation desquels cas  
 lesdits Danel, Blondel, & Rozeau, sont condâ-  
 nez de faire amende honorable, en la mesme  
 forme que celuy de Melun, & d'estre pendus &  
 estranglez à vne potence croisee en la place de  
 greue, & qu'à leurs morts assisteroit Fromentin  
 la corde au col, & de là conduit aux galeres  
 perpetuelles. Je vous laisse toutes les autres  
 particulieres condamnations del' Arrest, con-  
 cernants tant le public, que les parties ciuiles.  
 Futil iamais vne plus signalee iustice que celle  
 là? Et comme mon esprit ne peut demeurer  
 oiseux, quand les occasions s'y presentent, aussi  
 fis-je le iour mesme de leurs executions, leur  
 Epitaphe de cette façon.

*Le Sergent fut créé pour le mal-faiteur prendre, Leur Epi-  
 Si condamné à mort, le Bourreau pour le pendre, taphe.  
 Auant sa mort il est par Prestre confessé.*

*Jcy passant tu vois par nouvelle iustice,  
 Sergent, Prestre, Bourreau, exposez au suplice  
 Pour un crime non ven iamais au temps passé.*

Lestrois veufues, dont ie vous ay cy dessus  
 parlé, ne se contenterent de cest Arrest, ains fi-  
 rent prendre aux corps neuf hommes, lesquels  
 par Arrest du troisieme iour de Septembre  
 suiuant, furent condamnez, les vns aux gale-  
 res, les autres à faire amende honorable, & les  
 autres bannis. Et quant à ceux qui s'estoient  
 garentis par la fuite, depuis la reduction de Pa-  
 ris, comme Bussi, Crucé, le Normant, Cro-  
 mer, iusques au nombre de seize, ils furent con-  
 damnez par defaux & cōtumaces à estre roüez;  
 & dix autres à estre pendus & estranglez, avec

*Danel,  
 Blondel &  
 Rozeau  
 condamnez  
 & execu-  
 tez.  
 Fromentin  
 assiste à  
 leur mort  
 la corde au  
 col, & de là  
 est conduit  
 aux Gale-  
 res perpe-  
 tuelles.*

*Autres  
 neuf con-  
 damnez*

*Condamnez  
 par con-  
 tumace.*



grosses amendes enuers les parties Ciuiles, & confiscation de biens enuers le Roy, par Arrest de l'onzième iour de Mars 1595. eux tous executez le mesme iour en figures deuant l'Hôtel de ville. Et remarquerez, qu'en toutes ces condamnations portees, tant par la sentence de Melun, que trois Arrests, dans lesquels fut prise vne animaduersion exemplaire contre quarante malfaiteurs, ce ne furent que ceux qui s'estoient trouuez auoir eu part, ou cōsenty le Vendredy quinziesme de nouembre aux trois assassins. En effect, voila la fin & consommation de cest œuvre, sur lequel ie vous escriray par le premier, les commentaires que i'en ay faits; estant mes-huy temps ce me semble, que ie me repose. A Dieu.

*A Monsieur de Sainte-Marthe.*

*Discours  
& consi-  
derations  
diuerfes  
sur les e-  
xecutions  
cy-deuant  
escrites.*

**P**Our ne vous manquer de promesse, i'e vous veux maintenāt escrire les cōmentaires que i'ay faicts sur l'Histoire que ie vous ay discouruë par mes dernieres. De ma partie l'estime auoir esté la crise de la maladie de ce temps, ou pour mieux dire vn ieu par lequel Dieu voulant mettre fin à nos maux se mocqua des plus sages conseils des hommes.

*Le Presi-  
dent Bris-  
son plus  
proche du  
Roy en*

Ie reprendray toutes choses piece à piece, & commenceray par monsieur le President Brisson : lequel en l'assemblée de Saint Germain en Laye, faite par le Roy Henry III. pour la



Reformation de l'Estat, auoit eu l'oreille du Roy pardessus tousles compaignons; mesmes estoit demeuré trois & quatre iours seul dedans son Cabinet, luy administrant memoires sur ce subiect, tels que le Prince desiroit. Qui estoit allé pour l'obliger de suiure sa fortune de quelque sorte qu'elle se tournast. Toutefois soudain apres le desastre des Barricades, les Ligueurs s'estants rendus maistres de Paris par l'absence du Roy, luy qui estoit d'un esprit remuant commença de branler en son Ame. Feu monsieur le President Seguier me conta vn iour dedans Tours, que sortants ensemble de la Messe de dix heures du Palais, monsieur Brisson luy demanda quel party il deliberoit suiure, en cette nouuelle diuision: A quoy luy ayant respondu; Celuy du Roy, & que de cela il n'en faisoit aucune doute. Adonques monsieur Brisson luy repartit, qu'il y auoit beaucoup à penser auant que de s'y resoudre: Toutesfois la verité est, qu'il ne marchanda pas longuement sur ce subiect, d'autant qu'en moins de rien, il se rendit du tout populaire, captiuant sans dissimulation les principaux mutins de la ville. Qui fut cause que le seiziesme iour de Ianuier, auquel la plus grande partie des Seigneurs du Parlement furent menés en trionphe, & emprisonnez par Bussi & ses complices, il ne se trouua pas au Palais, ayant eu aduis de ces Messieurs de tout ce qui se deuoit passer ce iour là, & pour y apporter quelque pretexte d'excuse, prit médecine.

*l'assemblée  
de v. Gier-  
main en  
Luye.*

*Se laisse  
toutefois  
aller à la  
Ligue.*

*Comment  
continue.*

*Messieurs  
du Parle-  
ment em-  
prisonnez,  
par Bussi*

Quelques iours apres, tous les autres Presidets, estants les vns emprisonnez, les autres cachez, ou fugitifs, comme s'il eust esté au dessus du vent, sans faire demonstration de dueil du mal auenu, manda par des Huissiers à tous les Conseillers qui estoient en liberté, de se trouuer au

*Le Presidēt  
Brisson sie-  
ge seul au  
Parlement  
de Paris.*

Palais, & pour euit le scandale (comme il disoit) fit ouurir l'Audience, où il siegea seul. Qui fut vne faute inexcusable, dont il accueillit la haine publique d'une infinité de gens de bié & d'honneur. Car ce premier scandale des seditieux & mutins n'y pouuoit estre réparé, que par vne autre, l'exercice de la iustice cessant. Toutesfois il ne le voulut pas, craignant d'offenser ceste populace: & par ce moyen se vit, non seulement premier, mais bien seul tenant le siege en ce grand Parlement de Paris. Extreme contentement à celuy qui pour ne mettre bornes conuenables à ses opinions, esperoit ne pouuoir estre aisément controlé que par soy-mesmes. Mais il ne fut pas longuement en cest arroy: Car iamais Seigneur ne receut tant d'afflictions & inquietudes, comme il fit pendant son entre-regne. D'autant que ces mutins l'ayant trouué d'un esprit versatile, tous ses portemens leur furēt suspects. Ce qu'il voyoit, & de faict deuissant avec vn sien amy, il luy aduint de dire, qu'ils l'enuoyeroient *Ad Saginam*, voulant dire qu'on l'engressoit comme les pourceaux à l'aige, qu'on vouloit puis apres tuër. Et pour cuider parer ce coup, se rendoit idolatre de ceux qui l'eussent idolatré, si son ambition eust esté reglée. Autres Sei-

gneurstenoient lors rang & dignité au Parlement, non si grande que luy, contre lesquels ceste canaille n'oza jamais rien attenter. Et pourquoy doncques? Parce qu'exerçants leurs charges, ils demurerent tousiours en eux mesmes. Estant de retour en ceste ville de Paris, feu monsieur Pithou me raconta, que le gouuernant en sa maison le Dimanche, dont il fut exposé à mort le Vendredy ensuiuant, il lui dit, que s'il ne prenoit garde, ils le pédroient: & que lors le President luy respondit: Je ne le crain nullement; Car ie suis maintenant en trop bon melnage avec eux. C'estoit, que ces meschans lors de la coniuration, qu'ils brassioient contre luy, le repaissoient de beaux semblants. Et en cecy ie trouue infiniment estrange, que les assemblees ayants esté tenuës sept ou huiët fois au cœur de la ville en grand nombre, s'y trouuants tantost cinquante, tantost soixante, & quatre-vingts personnes, & que de ce nombre, les vns estoient poussez d'un esprit de sedition, les autres d'un zele indiscret, & les derniers par vne peur, craignants d'auoir pis; toutesfoisen toutes ces rencontres iamais il n'eut vent ny voix, mesmement de la part des derniers, de ce qu'on machinoit contre luy. Dieu ne le voulut permettre, par ce que l'heure de sa mort estoit arriuee. Tellement que celuy qui en ce temps calamiteux auoit basti sa grandeur sur ceste populace effrenee, fut lors que moins il y pensoit, mené par elle honteusement en prison, pendu & estranglé cruellement, & son corps exposé vilainement en vne

*Sa trop  
grande  
confiance  
le perd.*

place publique. Luy seul d'entre tous messieurs les Presidents du Mortier estoit demeuré dedans Paris, & luy seul porta aussi la folle encheire & penitence de sa demeure. Miroir certes & exemple admirable pour enseigner à tous Magistrats de ne se rendre populaires.

Vous avez cy dessus entendu quelle fut la fin de monsieur Brislon : entendez maintenant quelle fut celle des Seize. Mot qui tombe ordinairement en nos bouches, quand nous parlons de la furieuse desbauche, qui fut dedans Paris depuis la journée des barricades; & neâtmoins peu de gens sçauët quelle fut cette Anarchie populaire, que ie veux vous dechiffrer, avant que de passer plus outre. La ville de paris est departie en seize Quartiers. Chaque Quartier a son Quartenier, & luy ses Cinquante-niers, au dessous desquels sont les dixeniers, qui plus, qui moins, selon la grandeur du quartier. Le 12. iour de may 1588. auquel les Parisiës se barriquerent par toute la ville contre le Roy, estimants qu'il leur voulust bailler garnisons, & les reduire en vne seruitude extraordinaire, chacun ayât pris les armes, quelques vns de chaque Quartier s'engagerent dedans la querelle plus que les autres. Et combien que les choses se füssent raquoisees par le soudain & inopiné partement du Roy, qui fut le Vendredy 13. Toutes-fois ces Messieurs s'en voulurent depuis faire croire contre ceux qui estoient desireux de la paix, que l'on appella *Politics*, qui furent par eux mal-menez. Et ores que de ceste engeâce il y en eust plus de trentē des principaux, & à leur suite plus de 300. & que quelques Curez mesmemēt

*Paris de-  
partie en  
seize  
Quartiers.*

*Origine des  
Seize.*

*Politics  
qui.*

& autres Ecclesiastiques fuſſent de ceſte cōpagnie; Toutesfois ils furent nommez, le Conseil des Seize, à cauſe des Seize Quartiers, dont ils eſtoient diuerſement tirez: Conseil qui ne ſe tenoit en vn certain lieu, ains vagoit par toute la ville de çà & delà, ainſi qu'il eſtoit aduiſé par les Chefs, tous gens de baſſe condition, hormis trois ou quatre: & entre eux maistre Iean le Clerc, Procureur au Parlement, depuis nommé Buſſi le Clerc, qui ſcauoit tirer des armes gaigna le premier lieu. Et voicy comment: Soudain apres que le Roy euſt abandonné la ville, & que lon euſt chaffé de leurs charges le feu Seigneur de Perreuſe, maistre des Requeſtes, Preuoſt des Marchāds, & les quatre Eſcheuins anciens, on en crea tumultuairement de nouueaux, & fut la Chapelle Marteau, Maistre des Comptes, fait Preuoſt des Marchands; auquel auſſi fut commiſe la garde de la Baſtille pour la conſeruacion de la ville; Charge en laquelle il ſe donna pour Lieutenant Buſſi le Clerc, qu'il eſtimoit plus braue Eſpadacin que tous les autres, ioint qu'il ſe moſtroit tres-affectiōné au party. Depuis ſuruint le maſque de la paix, quel'on nomma Saint-Vniō, & furent les Eſtats assemblez à Blois vers la fin de l'an 1588. où le nouueau Preuoſt des Marchands s'eſtant acheminé avec le Preſident de Nuilly ſon beau pere, la Baſtille demoura és mains de Buſſi, cōme ſon Lieutenant, & de là en auant il empieta tout credit ſur tout ce Conseil des Seize. Tant y a qu'apres la mort des deux princes Lorrains freres dedans Blois, il vint ſouz ceſte authorité armé avec ſes ſatellites, gens, de ſac & de corde,

*Conseil  
des Seize,  
pourquoy  
ainſi nommé.*

*Marteau  
fait Pre-  
uoſt des  
Marchāds,  
& Gouverneur de  
la Baſtille.*

*Buſſi le  
Clerc eſt  
ſon Lieutenant.*



*Qui em-  
prisonne  
Messieurs  
du Parle-  
ment.*

dedans le Palais le xvi. de Ianuier 1589. & ayât fait leuer le siege à trois Messieurs de la Cour de Parlement, il les mena en corps depuis le Palais iusques à la Bastille, où il pria tous ceux qu'il luy pleust, & fit ses prisonniers, mesmes monsieur le premier President de Harlay & monsieur de Tou cinquiesme President, renuoyant les autres en leurs maisons, se faisant Iuge, ordinateur & Concierge de ceux qu'il logea dedans sa Bastille, qui estoit garnie de soldats tous à sa deuotion. Ce coup prodigieux de cette façon ordonné par les Seize & executé par Bussi leur Colonel, il n'y eut President ny Conseiller au Parlement, chambre des Comptes, & Cour des Aides, qui ne craignit de leur desplaire exercant sa charge: Comme aussi iacoit que cette racaille de peuple fust sans bride, si estoit elle aucunement retenüe par la dignité de ces trois ordres. Dieu voulut que Brigard Procureur du roy de l'hostel de ville, qui ne tenoit point peu de lieu entre les Ligueurs, est accusé d'auoir intelligéce avec les nostres pour faire remettre la ville de Paris sous l'autorité, & obeissance du Roy. Selon dieu, c'estoit vne sainte entreprise, qu'il conduisoit en faueur de celuy qui estoit son Prince naturel & legitime; Selon le monde, c'estoit vne trahison qu'il brasloit contre le party dedans lequel ils s'estoit plongé: Conséquemment digne de mort & punition exemplaire. Son procès fut encommencé au Conseil d'Estat de la Ligue, qui se tenoit dedans Paris: Et luy furent baillez Commissaires pour

*Brigard  
accusé  
d'auoir  
voulu le-  
uer la vil-  
le au Roy.*



l'interroger Nully Premier President en la Cour des Aides & Morin Cromer, Conseiller au grand Conseil, tous deux Conseillers d'Estat. Qui procederent à son interrogatoire : Et comme vn Conseil d'Estat ne vueille prendre cognoissance des causes criminelles, ores qu'il le puisse, aussi fut cette cy renuoyee au Parlement avec le prisonnier. De vous dire quel y faisoit pour ou contre luy, ce me sont lettres clausées. Si vous en croyez Cromer, il deuoit estre condamné à mort dans la huitaine pour le plus tard, tant sur son interrogatoire que sur deux lettres missiues estans au procès, qui lui auoient esté enuoyees par feu M. le Marechal de Biró pere, & l'abbé d'Elbene: toutesfois le procès est tiré en longueur de cinq ou six mois, nonobstant les chaudes sollicitations, que les Seize faisoient contre luy, comme conseruateurs generaux des Priuileges de la Ligue. De maniere qu'en fin les prisons luy furent ouuertes par Arrest. Longueur qu'ils disoient auoir esté industriusement exquise & affectee par le President Brisson, pour auoir moyen de le sauuer. Et de fait Cromer fit imprimer vn Factum contre l'Arrest, dedans lequel il accusoit d'iniustice, à face ouuerte, le fait des Iuges. A vray dire, ce fut le principal motif, qui opiniastra les Seize à se heurter contre la Cour de Parlement en general, & spécialement contre le President Brisson, ainsi qu'auetz entendu par mes precedantes. Or combien qu'il ne nous apartienne d'asseoir nos iugements sur les iugements & Arrests

*Ses Commissaires à l'interroger.*

*Les prisons luy sont ouuertes.*

330 LIVRE XVII. DES LETTRES  
d'une Cour souveraine; toutesfois de quelque  
merite, ou demerite que fust la cause, ie veux  
croire que la plus grande partie des Iuges, met-  
tantz les mains sur leurs consciences, & recog-  
noissants que la plus belle Loy estoit de se re-  
duire sous l'obeissance de leur vray Prince,  
furent tres-aises de sauuer Brigard.

*Ambition  
temeraire-  
ment en-  
ragee des  
Seize.*

Les Seize estants de cette façon vlcerez, se re-  
solurent, ou de se faire absolument maistres, ou  
en tout euenement de ne despendre à l'auenir  
d'autre deuotion que de ceux qui seroient par  
eux installez. Ils voyoient vn Duc de Mayenne,  
Prince magnanime, mais d'un esprit calme &  
debõnaire; l'Espaignol dedans la ville ne bée-  
r qu'après nostre Couronne; vne Cour de Par-  
lement tiede à l'exécution de leurs fureurs; le  
Duc absent avec ses forces; Que tout cela con-  
current ensemble, ils auoient moyen d'vñir leurs  
forces avec celles de l'Espaignol, & tout d'une  
main d'atirer tout le demeurant du peuple à  
leur cordelle sous le pretexte de l'iniustice qu'ils  
disoient auoir esté faite en faueur de celuy qui  
s'estoit estudié de rendre la ville à leur ennemy.

*Conseil des  
Dix à quel  
dessein  
estably.*

Toutes ces rencontres leur sembloient rire, &  
sur ce pied establi ent vn Decemuirat de Dix  
nouveaux Iuges, balotez ou pour mieux dire  
choisis, pour aduiser tant du remede qu'il fal-  
loit apporter contre l'Arrest, que de toutes les  
affaires qui regardoient le bien de la ville, sans  
qu'ils feussent tenus d'en rendre raison, ny d'en  
aduertir la compaignie, sinon qu'ad il trouue-  
roient expediēt de le faire: le tout, affin que leurs  
conseils ne fussent diuulguez, & neâtmoins de-

meurassent stables. Sur ce mesme pied Bussi & les conforrs firent en diuerſes attemblees ſigner vn Blanc, qu'ils euſſent apres remply, comme il leur euſt pleu, à la deſolation & ruine de tous les gens de bien & d'honneur de la ville. A quoy les ſoubsſignez s'eſtoient obligez follement par leurs ſignatures: Sentence arreſtee pendant vne nuit, le lendemain matin ſignifiee aux eſpagnols & Napolitains, à l'inſtant meſmes executee contre le chef du Parlement: fut il iamais coup d'Eſtat plus grand que ceſtuy, pour au deſauantage du Magiſtrat Politic, donner pleine vogue à vne fureur populaire, qui commanderoit à baguette ſur la ville principale de tout le Royaume? Et toutesſois ie m'aſſeure qu'é moins de 24. heures ces furieux en furent au repentir, quād les trois corps exposez en la place de greue, le peuple non ſeulement ne s'excita ſur la menſongere harāgue de Buſſi; mais au cōtraire tourna ce piteux ſpectacle à cōpaſſion. Et quād ils virēt l'Eſpagnol, qui eſtoit aux eſcoutes, faire alte, en attendant quelle ſeroit l'iſſuē de ceſte ineſperee tragedie; les deux Princeſſes n'auoir voulu ſoubligner à tout ce qui s'eſtoit paſſé; Le Gouverneur s'eſtre fermé dedās ſa maiſon avec ſes gardes; Le Parlement, chambre des Cōptes, Cour des Aides auoir du tout oublie le chemin du Palais. Toutes ces particularitez confluants par vn meſme cōcours enſemble, ie m'aſſeure que ceſ lages teſtes euſſēt voulu eſtre au recommēcer. Adiouſtez la venuē de monsieur de Mayenne, qui fut la conſommation de leur malheur. Tellement que ce grand conſeil ſur lequel ils penſoient baſtir abſolument leur grandeur,

*Blanc ſigné  
de Buſſi, &  
à quoy  
tendoit.*

*La tyrannie des  
Seize abolie par la  
mort de  
quatre.*

*Prudence  
remarquée de M.  
de Mayenne.*

fut l'abyfme de leur ruine. La mort extraordinaire de quatre enfeuelit & les aflemblees, & la furieufe tyrannie des Seize, dont on ne parla plus dedans Paris.

Refte maintenant de ietter l'œil fur mōfieur de Mayenne, duquel ie puis dire, comme chose tref-vraye, qu'en tout ce qui fe paſſa par la France, dès & depuis nos derniers Troubles, vous ne trouuerez vn trait d'Eſtat ſi hardy ne ſi ſagement, ne plus heureuſement conduit, que cettuy. Car d'vne main il retrancha, & la fureur barbaresque de ces tyrans, & l'eſperance allouuie de l'Eſpagnol, ſupprimant tout à fait le Conſeil des Seize. Il falloit qu'ainſi il le fit; autrement il eſtoit perdu de nom, de reputation, & de dignité; & neantmoins en ſe conſeruant par cette voye digne de luy, il commança de perdre ſans y penſer le nom; credit & authorité qu'il auoit acquis ſur la Ligue. D'autant que par la ſuppreſſion du Conſeil des Seize le Parlement reprit les ar-  
rhemens de ſon ancienne grandeur; & comme s'il euſt commencé de reſpirer, voulut eſtre creu ſelon les occaſions, tantost y appelant le Duc, tantost non, ainſi qu'il trouuoit deuoir faire. De ſorte que ie vous puis dire, que quād le Prince fit faire vne Proceſſion Generale dedans la Cité, pour rendre action de graces à Dieu de l'heureux ſuccés qu'il auoit obtenu ſur les Seize, & de la tranquillité dont il auoit bié-  
heuré la ville, ſans en venir aux mains; nous qui eſtions à la ſuite du Roy deuions chanter vn *Te Deum Laudamus*, dedans nos Eglises, cō-

*Le Parlement  
prend ſon  
ancienne  
grandeur.*

me estant vn acheminement à la premiere ressource de nos maux. Ainsi le trouuez vous en deux actes tres-signalez: l'un quand la Cour donna vn Arrest, toutes les Chambres assemblees, prononcé le 22. Decembre 1592.

present monsieur de Mayenne, publié à son de trompe, & cry public par les carrefours de cette ville, par lequel elle auoit iugé en termes exprés, que l'assemblée Generale des Estats lors publiée en cette ville ne tendoit à faire tōber l'Estat Royal es mains des Estrangers; ains affin de proceder à la declaration & establissement d'un Roy tres-Chrestien, Catholic, & Francois, selon les Loix du Royaume: L'autre, quand le Duc estant en ceste ville, sans le mander, fut donné vn deuxiesme Arrest le vingt huitiesme Iuin 1593. sur la remonstration faite par le Procureur General du Roy (c'estoit messire Edouart Molé, à present President du Parlement) il fut ordonné, que remonstrances seroient faites l'apreldinee par monsieur le President le Maistre (assisté d'un bon nombre de Conseillers de la Cour) à monsieur le Duc de Mayenne, Lieutenant General de l'Estat & Couronne de France, estant lors en cette ville;

A ce qu'aucun traité ne se fist pour transferer la Couronne en la main de Prince ou Princesse estrangers: Que les loix fondamentales de ce Royaume fussent gardees, & les Arrests dōnez par la Cour, pour la Declaration d'un Roy Catholique & François, executez, & qu'il employast l'autorité qui luy auoit esté cōmise, pour empêcher que sous pretexte de la Religion, la

*Arrest de la Cour prononcé en presence de M. de Mayenne au desauantage de la Ligue.*

*Autre à mesme effect.*

*Remonstration à M. de Mayenne.*



Couronne ne fust transferee en main estrangere, contre les loix du Royaume. Et pour uoir le plus promptement que faire se pourroit au repos du peuple pour l'extreme necessité en laquelle il estoit reduit. Et neantmoins que la Cour deslors declaroit tous traitez faits & à faire de là en auant, pour l'establissement de Prince ou Princellè Estrangers, nuls & de nul effect & valeur, comme faits au preiudice de la loy Salique & autres loix fondamentales de ce Royaume. Ce sont les propres mots de l'Arrest, en l'exécution duquel on remarqua en monsieur le President le Maistre, & Conseillers qu'il le secondoient, vne honeste liberté digne du rang & qualité qu'ils soustenoient, & en monsieur le Duc de Mayenne vne modestie admirable, combien que l'Archeuesque de Lyon, comme cheual eschapé, se fust lasché toute bride, disant que la Cour de Parlement auoit fait vn affront au Prince, lequel estant en cette ville, elle auoit desdaigné de l'appeller pour conclure sur vn subiect de si haute estoife que cettuy : mais il ne porta pas loing ce mot d'affront, sans vne noble recharge du President, qui luy remonstra ; qu'il deuoit apprendre à mieux parler ; & que la Cour de Parlement ne faisoit point d'affronts. Conclusion, depuis le commencement de cette histoire iusques à la fin, vous recueillez, que ce fut vn coup de Dieu, par lequel à mesure que tous ces Messieurs pensoient auancer leurs affaires, chacun endroit soy, ils se raualerent, non par



autres moyens que par ceux dont par vne prudence humaine ils faisoient estat de s'auantager : Et qui est vne chose digne d'estre cornee & trompetee à vne longue posterité, Dieu permit que tout ainsi que Brigard auoit esté le premier boutefeu de nos troubles, quand il porta les fauces nouuelles à feu monsieur de Guise, estant à Soissons, luy disant, qu'on auoit resolu au Conseil du Roy de faire pendre tous ses fideles & affectionnez seruiteurs; nouuelles qui l'acheminèrent en cettte ville, dont sourdit la iournee des Barricades, suiuiue d'une infinité de malheurs. Aussi en contr'eschange, sur le malheur du mesme Brigard fut basti le malheur tant du President Brisson, que des Seize, fondement de la tranquillité qui nous est depuis aduenüe : Et c'est en quoy Dieu a manifesté ses grands & miraculeux effects.

*Brigard  
ine/paré-  
ment causa  
des trou-  
bles dans  
Paris, &  
de les arre-  
ster.*

En effect, voila l'obseruation generale que j'ay allembiquee de cette histoire. Car quant aux particulieres concernant les morts de messieurs Brisson, Larcher, & Tardif, qui furent exequutez vn Vendredy, il semble que ce iour eust esté fatal pour nos troubles. Car à pareil iour fut blessé l'Admiral de Chastillon en Aoust 1572. A pareil iour 13. de May 1588. lendemain des barricades, le feu Roy Héry III. fut cōtraint de quitter Paris; à pareil iour au mois de Decembre ensuiuant monsieur de Guise fut tué dedans la ville de Blois : Et si vulez que ie passe outre, à pareil iour 28. de Nouembre 1591. monsieur de Mayenne entra dedans la ville, pour prendre vne punition exemplaire

*Le Ven-  
dredy fatal  
à nostre  
France.*

des Seize, & restablir en son estat la iustice qui chommoit.

Encore veux-je passer plus outre: On dit que tous ceux qui meurdrirent Iules Cesar en plein Senat, moururent depuis de morts violentes: Semblable discours font quelques vns contre ceux qui homiciderent dedans Blois le feu Duc de Guise: Et i'en puis presque dire autant de ceux qui mirent les mains sur cestrois pauvres Seigneurs, que ie veux appeller Martyrs d'Estat: Premièrement vns Louchard, Ameline, Aimonnot, Henroux, premiers maistres & directeurs de la prison, premiers pendus & estranglez en la maison Royale de nos Rois, pour restablir l'Estat Royal; le geolier, sergent, bourreau & Prestre, leconds ministres; le premier pendu à Melun, & les trois autres en cette ville par Arrest du Parlemét; & vn Adrian Fromentin condamné aux galeres la corde au col & d'assister au suplice: Neuf autres par autre Arrest auoir esté, les vns condamnez à faire amende honorable, les autres à estre bannis, & les autres és galeres: Arrest qui fut exequuté reeliement & de fait contre eux; & par vn dernier, vingt & six autres auoir esté condamnez par defaux & contumaces, sçauoir Seize à estre rouëz, & les dix autres à estre pendus & estranglez, qui sont toutes morts, ou ciuiles ou par effect.

Ie ne veux oublier de vous escrire, que nous estants en la ville de Tours, quand les nouvelles nous arriuerét de la mort de monsieur Brisson, plusieurs blasonerent diuersement sa memoire,

les vns

*Combien  
de morts  
& execu-  
rez pour la  
mort du  
President  
Brisson.*

les vns en faueur, autres en defaueur de luy. De ma part, ie ne douteray de dire en tous lieux, qu'il estoit vn personnage grandemét nourry és langues Grecque & Latine, ensemble aux loix, lettres humaines, & hystoires: Iudicieux le possible és choses où il vouloit bailler quelques atteintes. La grandeur de son iugement n'auoit en luy effacé les fonctions de sa memoire, ny la memoire celles de son iugement: ainsi qu'il aduient ordinairement que les deux ne compatissent d'vne mesme balance ensemble: Et sur tout auoit vn esprit merueilleusement clair-voyant à bien dechiffrer vn procès: Et qui le rendoit en toutes ces particularitez plus admirable, c'est qu'il auoit petite teste, & le front racourci: Remarques que l'ordinaire dit ne promettre rien qu'vne grande incapacité au fait des sciences. Au demeurant Seigneur en priué de facile accès, & lequel sortant du sueil de sa porte, mettoit sous pieds toutes ses fascheries domestiques. Que s'il eust sceu atréper ie ne scay quelle passion qui luy commandoit sans mesure, au maniement des affaires publiques, il eust esté le premier & plus accomply de son bonnet. Tant y a que la France a perdu en luy, vn tres grand homme, de quelque sens & façon qu'il voulust tourner ses opinions. A Dieu.

*A Monsieur de Sainte-Marthe.*

*Il représente  
la mort du  
Mareschal  
de Biron.*

**A** Pres vous auoir esclarcy de la mort de monsieur le Presidēt Brisson, grand personage pour la plume, vous desirez scauoir de moy; comme les choses se sont passées en celle de monsieur le Mareschal de Biron, grand Cavalier au fait des armes. Discours dont ie vous prierois volontiers me dispenser; parce que ne pouuons discourir sur sa mort, que ne repassions sur sa vie; & en la rencontre des deux, il y a tant de meslanges de bien & de mal, que ie serois presque de l'opinion de celuy, qui luy vouia cest Epitaphe.

*Epitaphe  
du Mares-  
chal de Bi-  
ron.*

*Passant qu'il ne te prenne enuie  
De sçauoir si Biron est mort:  
Ceux qui auront cognu sa vie,  
Ne pourront pas croire sa mort.*

*Ceste Hi-  
stoire rem-  
plie de plu-  
sieurs di-  
uersitez.*

Toutesfois puisque par vne curiosité absoluë, me mandez, que ce m'est vn faire le faut, ie vous obeiray pour n'encourir en vostre endroit le crime de felonnie, dont par son procès il a esté conuaincu contre le Roy. Et vous représenteray vne histoire de laquelle ie puis dire, que nulle, peut estre, ne reçeut iamaistant de diuers visages sur vn obiect, comme ceste cy. Histoire (dy-je) qui doit seruir de fidele leçon, & au subiect pour demeurer fidele à son Prince: & à celuy qui est pres du Prince, de ne le nourrir

en noualitez extraordinaires contre ses subiects. Mais sur tout , vn grand mystere de Dieu, & sage conduite d'un Roy , pour donner ordre à vne gangrene qui se preparoit contre nostre France.

Ce Seigneur eut pour pere monsieur le Marechal de Biron, l'un de nos premiers Capitaines, quand il viuoit : & pour mere, la fille unique de la maison de Samblanchard, encores aujourd'huy viuante, vraye Diane en pudicité, & Amazone en magnanimité, qui pour son principal deduit a tousiours choisi les forêts pour chasser aux bestes sauuages, & la harquebuzer parmy la campagne, pour tirer aux oiseaux. Ces deux Ames genereuses en auoient produit vne autre en leur fils, qui sembloit estre sans pair. Seigneur sans crainte, d'infatigable trauail, plain d'entendement à bien entreprendre, de plus grand courage à executer, auquel la guerre n'estoit que ieu; en tous ses exploits de sage conduite, suiure d'heureux succès; blessé de trente cinq playes fauorables, (qui n'alloient, ny à la mort, ny estropiment de membres) tesmoignages, & de son heur, & de sa valeur tout ensemble. Capitaine qui, comme vn autre Iules Cesar, passoit par dissimulation toutes les fautes de ses soldats, fors les militaires : & pour ceste cause par eux honoré; & si i'ozois dire, adoré, comme vn second Mars. Et comme le Roy se cognoist au choix des hommes, plus que nul autre, aux emploies esquelles il les veut employer, aussi apres auoir en luy remarqué vne nature

*Quels furent  
les Parents  
du Marechal de  
Biron.*

*Ses Floes,  
& bon naturel.*

*Blessé de  
trente cinq  
playes, sans  
estre estro-  
pé.*

*Est fait  
Admiral.*

*Puis Ma-  
rshal de  
France.*

*Mareschal  
General  
des armées  
de sa Mue.*

*ste  
Gouver-  
neur de  
Bourgon-  
gne.*

*Duc de  
Biron &  
Pair de  
France.*

*Le Roy se  
repose sur  
luy pour le  
Siege d'A-  
miens.*

*Deffait le  
Comte de  
Mauchefer*

*Surmonte  
le Bresse  
inopiné-  
ment.*

heureusement guerriere, l'ayant honoré de son ordre du Saint Esprit, il le fit Admiral de France; & voyant que cest Estat n'estoit voué qu'aux guerres Marines, il le luy eschâgea en celuy de Mareschal de France, & dedans cettuy fit entrer vne nouvelle qualité de Mareschal General de ses armées, pour représenter en la personne vn second Connestable de France: & en outre le gratifia du Gouvernement de la Bourgongne: & finalement le fit Duc de Biron, & Pair de France. Et l'honorant de tant de faueurs, il ne se trouua trompé de l'opinion qu'il auoit de sa vaillance; Chose que ie vous représenteray seulement en quatre exemples, que i'ay tirez de plusieurs autres, sans y obseruer l'ordre des temps. La ville d'Amiens surprise par l'Espagnol sembloit estre imprenable. Le Roy au milieu d'une infinité de Princes & grands Seigneurs, se reposa sur luy de la conduite de ce siege: Vous scauez comment il en vint à bout. Au siege de Laon, le Comte de Mauchefer venant pour enuillailler la ville, auoit en ce conuoy reduit nos affaires aux termes de desespoir. Vn seul Biron idolâtré par les soldats, seulement à demy armé, nous garentit de ce mal, à si bonnes enseignés, que celuy qui pensoit estre au dessus du vent seruit de curee aux nostres. Au voyage de Sauoye, encorcs que lors sa fidelité tombast en balance, toutes fois comme s'il eust seulement marqué les logis du pais de la Bresse avec de la croye pour y loger le Roy, il le luy assura inopinément & presque sans coup ferir. Le Roy luy fit prelet



du Gouvernement de Bourgongne. Qui n'estoit pas tant vne gratification, que recognoissance des grands seruices qu'il auoit receus de luy en la recoullé de cette Prouince : Brief Biron combattoit à bien, vaillamment, & heureusement seruir son Maistre: & le Roy à le recompenser dignement, n'oubliant vn seul point de ce qu'il pensoit appartenir à l'auancement de sa grandeur. Ainsi le choisit-il pour iurer la paix à Bruxelles entre les mains de l'Espagnol; ainsi l'enuoya il quelques temps apres visiter de sa part la Roine d'Angleterre, de laquelle il receut tous les fauorables accueils qu'on pouuoit, non seulement esperer, ains souhaiter d'vne grande Princeſſe. Ainsi le Seigneur de Sillery negotiant avec le Sieur de Vic lors Ambassadeur aux Suisses, le renouement de leur ancienne confederation avecque nous, il fut enuoyé en tier pied pour la confirmer & authorizer, afin de le maintenir de plus en plus en reputation enuers les nations estranges. Toutes ces particularitez se trouuants d'vne part & d'autre en cette histoire, ie vous prie iuger auquel des deux il y a plus d'ingratitude, ou en la mere enuers son enfât, ie veux dire de la France enuers ce Seigneur, duquel elle auoit tiré tant de grands & signalez seruices, l'ayant fait mourir sur vn eschaffaut: Ou de l'enfant enuers sa mere, i'entens du Seigneur de Biron enuers la France, qui par le ministère de son Roy, l'auoit esleué en si grands honneurs; & neantmoins luy estoit entré en la teste de la vouloir bouleuerſer de fonds en comble?

*Est choisi  
pour iurer  
la paix à  
Bruxelles.*

*Est enuoyé  
en Angle-  
terre visi-  
ter la Roi-  
ne.*

*Va confir-  
mer & au-  
thorizer  
l'alliance  
avec les  
Suisses.*

Iusquesicy ie vous ay recité ses bonnes fortunes en gros ; entendez maintenant quelle a esté son infortune , qu'on a peu recueillir des procédures extraordinaires contre luy faites au Parlement: Pieces du commencement secretes, mais apres l'Arrest, diuulguees, pour auoir passé par les oreilles de cent Iuges. Sur lesquelles ie veux bastir vn commentaire pour vous monstrer comme ce Seigneur s'est perdu sans sçauoir pourquoy ; & se perdant , il perdit par mesme moyen le iugemét en la conduite de ses affaires iusques au dernier periode de sa vie.

Tant & si longuement qu'eusmes à bon esciét la guerre, il vesquit en vne tranquillité d'esprit, ne manquant d'aucun sien deuoir enuers son Prince; mais soudain qu'elle fut fermee, il logea dedans son ame nouueaux troubles. Le Roy lui fit cest honneur de le choisir sur tous les Seigneurs de la France, pour aller iurer la paix à Bruxelles entre les mains de l'Espagnol, comme celuy qu'il estimoit en auoir esté le premier promoteur par ses grands & paradoxes faicts d'armes. Plus grand tesmoignage ne pouuoit il rendre ny de sa bienueillance, ny de l'opinion qu'il auoit de luy. Consequemment plus grand heur & hõneur ne luy pouuoit-il auenir, que celui-là: & toutesfois ce fut le premier acheminemet de son malheur & des-honneur. Et peut-estre que quelque folastre dira, qu'ores que le Roy se cognoisse en hommes, neâtmoins il se mesprit lors, le choisissant pour confirmer la paix, laquelle il abhorroit plus que la peste, comme celle qu'il estimoit estre le rual de sa grandeur.

*Il abhor-  
roit la paix*

Estant arriué à Bruxelles, il est veu, visité en *Comment*  
 & flote par les Espagnols, & V Valons, pour la *ven& visité à Bruxelles.*  
 grande reputation qu'il auoit acquise pendant *Picoté*  
 la guerre. Il se pait vainement de ceste vanité. Interuient vn Picoté, Guelpin de la ville *premiere*  
 d'Orleans, réfugié aux pais-Bas, pour les trou- *cause de son*  
 bles, qui commence à l'aiguillonner : Luy re- *maieur,*  
 monstrant en quelle reputation ils l'auoient, &  
 apres l'auoir par longs ambages cheualé, tasté  
 & tenté, luy dict que s'il se vouloit rendre des  
 leurs, ils l'embrasseroient, comme leur pro-  
 pre Roy. Promesse en laquelle il n'y auoit ny  
 fonds, ny riue, de quitter vne grandeur legi-  
 time & asseuree, pour se voier aux flots, ora-  
 ges & tempestes d'une esperance bastarde & af-  
 famee. Et à vray dire, ceste parole deuoit estre  
 par luy rudement bassouée; toutesfois apres l'a-  
 uoir à diuerses fois longuement ouy, il luy dict  
 d'un esprit beaucoup plus calme, que ne portoit  
 son ordinaire, qu'il n'entendoit point cest enig-  
 me; mais que s'il le vouloit venir voir pour le  
 luy deschiffrer lors qu'il seroit de retour en Frâ-  
 ce, il l'orroit de bien bon cœur. Ceste res-  
 ponse rapportee aux Espagnols, ils estimerent,  
 que ville qui capituloit estoit à demy renduë.  
 Et de faict, employerent à ceste negotiation  
 Picoté, ainsi qu'on pretend estre verifié au  
 procès. De moy, ie ne fay aucune doute,  
 que deslors l'Espagnol ne rabatit la moitié de  
 ceste grande opinion qu'il auoit conceuë de  
 luy.

Iamais homme de bien ne se demantela de  
 l'obeissance de son Prince, quelque beau

pretexte dont on le repeust. Et si ce malheur aduient, c'est ordinairement en celuy qui apres auoir fait plusieurs grands seruices, se trouue recompensé d'une ingratitude par son Roy. Ce qui ne se rencontroit aucunement en la fortune de Biron. Et c'est pourquoy quand il n'y eust eu que ce seul point en son procès, il meritoit vne punition tres-exemplaire. Aux autres, l'attentat, le deliberer, la volonté; en cestuy, la seule pensée, au milieu de tant de bien-faits, gratifications & honneurs, estoit moyen suffisant de sa condamnation.

*La Fin  
choisi pour  
son princi-  
pal confi-  
dent.*

Or comme vn abilme en attrait vn autre, aussi estant tombé en ce premier desarroy, il se choisit de là en auant, la Fin pour son principal confident. La Fin ( dy-je ) Gentilhomme non apprenty, comme l'on dit, en tels remuëments de meſnage, & qui apres s'y estre engagé, ſçait le meſtier d'en sortir aux deſpens de les compaignons, qui y demeurent pour les gages; telmoins la Mole & Conconas l'an 1574. ſouz le regne de Charles IX. Plus propre instrumēt de ſa ruine ne ſe pouuoit il choisir. La Fin conduit ſon orne en Sauoye; Picoté, homme de rien, en Eſpagne. Il estoit adoncques question du Marquisat de Saluſſes, auquel le Roy ſouſtenoit deuoir estre reïntegré par le Duc de Sauoye, comme ayant esté par luy induēmēt surpris pendāt les troubles derniers. Reïntegrāde, qui ſe promenoit par Ambaſſades: Mais le Duc, Prince tres-aduiſé, eſtima qu'il ne pouuoit auoir en ceſte cauſe meilleur Aduocat queluy. Au moyen dequoy il vint en France. Et pendant ceſte en-

*Le Duc de  
Sauoye  
vient en  
France  
pour le  
juſtēt du  
Marquisat  
de Saluſſe.*

entreueuë, la Fin trouue moyen de l'aboucher avecques Biron: Et lors fut traicté du mariage de la troisieme fille du Duc avecques luy. Quoy faisant il arrhoit grandement Biron pour estre de son party. Et sur cette asseurance promit avec plus grande facilité le restablissement du Marquisat dedans certain temps; Se faisant accroire, que quelque promesse qu'il fit, Biron tailleroit tant de besongne au Roy dedans son Royaume, qu'il luy osteroit & le desir, & le loisir d'en sortir.

Le Duc mâque à sa parole, & vse de plusieurs remises; Qui occasionna le Roy d'armer cõtre luy. En quoy il se reposa principalement sur Biron, comme celuy auquel il auoit toute sa fiance. Vous entendrez maintenant vne merueilleuse suite d'histoire. Biron nonobstant le traicté qui estoit entre le Duc & luy, prend ceste querelle en main pour le seruice de son Maistre, & s'en acquite de telle façon, qu'en moins de rien il reduit le pais de Bresse, & la ville de Bourg sous l'obeissance du Roy, non toutes fois la Citadelle, que le Duc se promettoit de uoir estre vn amusoir de deux ans au Roy; pendant lesquels il esperoit barrer le cours de son entreprise. Mais Biron poursuiuant sa pointe, bloca cette Citadelle si à propos, que toutes munitions defaillants à ceux de dedans, ils furent contraints d'en venir aux prieres: Qui fut l'un des principaux motifs de la paix.

Faisons icy vne pose auant que de passer plus outre. S'il auoit (me direz vous) intelligence avec le Duc, il deuoit tirer le siege de la ville de

*Qui pri-  
mer sa  
troisieme  
fille à Biron*

*Biron con-  
queste la  
Bresse en  
moins de  
rien & la  
ville de  
Bourg.*

Bourg en longueur. Ainsi le pouuoit-il faire avec vne legitime excuse, & par cest artifice asseurer l'Estat à son futur beau-pere. Ceste seule consideration faict paroistre, qu'il n'auoit aucune intelligence avec luy. Ce mesme argument fut l'vn des principaux moyens de sa iustification deuant les Iuges en plein Parlement; quand il leur dit, que les lettres dont on le battoit auoient esté dementies par ses effects. Mais pour en parler sainement, ce fut vn trait de grád Capitaine: Car faisant demonstration de bien & loyaument seruir son maistre, il se promettoit, que le moins que le Roy pouuoit faire pour luy, estoit d'vnir le Gouuernement de la Bresse avec le sien de la Bourgongne, pour le voisinage des deux Prouinces. Quoy faisant, il se pourroit choisir tel Capitaine qu'il voudroit, pour la garde tant de la ville, que Citadelle de Bourg. Qui luy seroit vn gage tres-assuré de son futur mariage, se rendant necessaire aux deux Princes, le tenant en suspens; l'vn souz l'esperance d'y r'entrer; l'autre sous crainte de en sortir. Toutesfois contre son opinion, le Roy qui ne l'auoit iamais auparauant esconduit, le refusa tout à plat de ceste Requeste; Luy declarant, qu'il auoit destiné le Gouuernement de ce fort à Bouësse, non seulement pour l'assurance qu'il auoit de luy au faict des armes, mais aussi pour sa preud'hommie & fidelité. Cecy estoit vn argument indubitable, qui faisoit paroistre que le Roy auoit eu quelque vent des nouuelles pratiques de Biron: Chose qui le deuoit rendre plus sage; tou-

*A quel  
dessein  
conqueste  
la Bresse.*

*Le Gouver-  
nement de  
Bourg luy  
est refusé,  
& pour-  
quoy.*



tesfois Dieuluy banda tellement les yeux, que sur ce refus il planta vn mescontentement furieux, sur ce mescontentement, des menaces à haute voix, & sur ces menaces, l'effect.

Bouësse estoit de la Religion pretenduë reformee. Qui fut cause que combien qu'auparavant Biron n'eust faict autre profession de Religion que de son espee; toutesfois il y adiousta le Chapelet, pour monstrier qu'elle estoit voüee au soustenement de l'Eglise Catholique, Apostolique, Romaine: & commença de trompeter, que ceste Citadelle ne lui auoit esté refuzee que en haine de la Religion Catholique. Qui fut depuis le refrain general & ordinaire de ses doléances. Mais tout ainsi que le Roy à la conduite de son Estat employe indifferemment, le Catholique & le Huguenot, selon que la necessité de ses affaires le desire, aussi Bouësse dedans la Citadelle admet tant le soldat Catholique, que le Huguenot, sans forcer leurs consciences, ains avec l'exercice de l'une & l'autre Religion.

Quelque temps apres ce refus, Biron estant à Annecy enuoye Renazé, laquais de la Fin, vers Albigny, Lieutenant general de l'armee Sauioyarde; lequel sur l'aduïs qu'il receust de luy se retira à quartier, estant sur le point d'estre maltraité, s'il nous eust attendu. On adiouste, que le mesme Renazé porta memoire à celuy qui commandoit au fort Sainte Catherine, de quelle façon le Roy pouuoit estre occis, quand il auroit mis le siege

*Prend le  
Chapelet  
avec l'es-  
pee.*

*Aduis  
donné au  
Capitaine  
de Sainte  
Catherine  
contre le  
Roy.*

deuant. Particularité à laquelle il me semble que Biron satisfist fort à propos, estant en plein Bureau interrogé par monsieur le Chancelier sur cest article.

Or faut il de deux choses l'une : ou que sur quelques sourds bruits que le Roy auoit receu des nouuelles capitulations de Biron, il luy eust sagement faict ce refus, & opposé vn braue Capitaine, qui s'opiniastreroit à luy faire teste, si le besoin le requeroit : ou s'il ne le sçauoit, & que desõ propre instinct il le luy eust refusé, ie veux coucher cest article dans le chapitre des principales benedictions que iamais il receut de dieu : d'autant que ceseul point de farroya grandement la trefme qui se brassoit avec le Duc : lequel apres la paix faicte, voyant qu'il n'estoit en la puissance de Biron, de le réintégrer dedås le pais de la Bresse, ne voulut tout à faict romre avec luy : mais le tenant en haleine tira les choses en longueur, pendant laquelle Dieu permit que la mine fut euentee.

*La paix  
conclüe par  
l'entremi-  
se du Pape.*

*Biron se  
descouure  
au Roy, &  
demande  
pardon.*

La paix est conclüe entre les deux Princes, par l'entremise du bon Pape Clement VIII. de dans la ville de Lyon. Biron se voyant lors entre deux fers, & remettant deuant ses yeux, que le Roy estant entré en quelque desfiance de luy, se presente à sa Maiesté, & luy remonstre que depuis l'esconduite qui luy auoit esté faicte, s'estoiét passez par sa teste, mal à propos, quelques ombrages, dont il luy requeroit humblement pardon. Ce que le Roy luy accorda liberalement, apres auoir entendu nõ le tout, ains quelques particulieres rencontres. S'il fust demeuré

dedans lestermes de ce pardon, tout ce qu'il auoit forfait par le passé, estoit vn n'en-parlez-plus: la seule parole du Roy estoit plus en son endroit, que toutes les cires vertes du grand Seel: Mais comme son ambition n'auoit point de frein, aussi retourna-il sur ses premieres brizées, par l'internonce de la Fin, son Agent, tantost avec le Duc de Sauoye, tantost avec le Cōte de Fuentes, Lieutenant general du Roy d'Espagne sur le Milanois; tantost avec les deux ensemble. Et estoit leur traicté, comme l'on disoit, vn emorcellement du Royaume de France en plusieurs pieces souueraines sous le vasselage d'un grand Roy: & nommément le mariage de Biron, avec la troisieme fille du Duc, cinq cens mil escus de deniers dotaux, & cession & transport qui luy seroit faict par le Roy d'Espagne de tout le pais de Bourgogne, & des droits qu'il y pretendoit, hormis la foy & hommage. *Mais recommence ses raences.*

Qui n'eust pas esté avec le temps vn petit ennemy à nos portes, pour introduire l'estranger dedans nostre France. *A quel près Biron faict son marche*

Dieu permet que la Fin negotiant dedans milan avec le Comte, il luy aduint de se mesprendre de parole: De maniere que le Comte ombrageux entra en tres-grande desfiance de luy, & fut d'aduis qu'il s'en falloir desfaire; dont il fit vne depesche au Duc, & donna quelque iours apres vnes lettres à la Fin, pour les luy porter s'en retournant à la France. Ce qu'il promet de faire; Mais soit qu'il eust aperceu au visage du Comte quelque alteration, ou autrement, il prit la route des Grisons, & bailla le paquet

*La Fin se mesprend par mesgarde.*

*Renazé  
mis en  
prison.*

*Le Baron  
de Lux pris  
pour confi-  
dent.*

*Le Roy  
tasche à le  
conserver.*

à Renazé pour le presenter au Duc, lequel aussi tost le fit coffrer en prison. Et cettuy fut non vn coup d'Estat, ains du Ciel, sans lequel nos affaires estoient en danger d'aller tresmal. De là en auant on changea d'ouurier, non d'ouurage Et fut mis le Baron de Lux en œuvre, l'un des principaux confidents de Biron. Ce qui causa vn grand creuecœur à la Fin. Et combien que le Roy eust plusieurs sentiments de cette continuation, toutesfois, comme bon pere enuers son enfât, desirant de le conseruer, n'y voulut du commencement employer le cautere, ains le reduire par toutes voyes d'honneur & douceur au bon chemin. Et de fait, l'en-uoya, comme i'ay dit, en Ambassade vers la Roine d'Angleterre, puis en Suisse. Mais de malheur, non seulement il ne le flechit, ains tombant d'une fieure tierce en chaud mal, on le vit sur le point de mettre le feu dedans le cœur & quatre coings de la France. Et voicy comment.

La paix estant publice tant avec l'Espagnol, que Sauoyard, ceux qui estoient commis au mesnagement de nostre France, au lieu de soulager de tailles, aydes, & subsides, les pauvres subjects affligez d'vnes lōgues guerres, introduisirent vne nouvelle dace sous le nō de Pancharte, qui estoit vne imposition par tout le Royaume d'un sol pour liure de chaque denree vendue. Qui causa vn mescontentement general au peuple. Les bruits commencent de courir; que nous estions menacez d'un nouveau souflement, dont quelques vns quine voyēt plus loing que

leurs neze estoient tres-aises, en haine de la Pancharte; & les autres plus sages, tres-faschez, sçachâts cōbien de maux aportent toutes guerres ciuiles sous le masque du bien public. L'on faisoit deux grands chefs de ceste entreprise, l'un Catholic, l'autre Huguenot. Qui estoit par factions vnir les deux Religions au desauantage de leur Roy. L'ō faisoit encores la Guyēne promotrice de ce nouveau trouble: & entre les provinces d'icelle, le Limosin; & dedās le Limosin, la ville de Limoges, où le peuple s'estoit reuolté, lorsqu'un Lābert Partissā la voulut introduire, qui eust esté tresmal mené s'il ne se fust sauué par la fuite, souz la protectiō & faueur de quelques premiers citoyens de la ville. On disoit que les Rochelois estoient aussi de la partie, & qu'ils ne vouloient à face ouuerte endurer ce ioug. A quoy le Roy, sage Prince, voulut remedier & ne permettre que le mal passast plus outre. Et d'autant qu'il voyoit & grands, & petits ietter principalement leurs yeux sur Biron, tant pour la creance qu'ils auoient en luy de sa suffisance aux'armes, que mescontentement, dont il ne faisoit la petite bouche; Birō (dy-ie) que le Roy sçauoit par sa propre confession auoir traicté avec l'Espagnol & Sauoyard, il voulut auant tout œuure estre esclairey de tous ses deportements. Et aduertuy du mal-talent que la Fin auoit conceu contre luy ( voyez combien nous profita l'ombrage du Comte de Fuentee ) il luy commanda par lettres de le venir trouuer à Fontainebleau, luy baillant toute assurance de sa personne. La Fin auant

*Le Limosin compris au trouble.*

*Les Rochelois tēdoient à la dissolution.*

*La Fin mē. de à Fontainebleau.*

*Qui des-  
couvre  
toutes les  
menées.*

*Et obtient  
abolition;  
voire de  
crimes de-  
testables.*

que de partir en donne avertis à Biron, lequel commençant de sonder sa conscience, le prie de vouloir avoir bonne bouche, & de bruler tous les papiers qu'il avoit de luy. Ce qu'il promit de faire avec protestations estranges; & sur la damnation de son Ame. Toutes fois arriué à Fontainebleau & logé maintenant à la Mivoye, maintenant aux Pressouërs, il descourrit au Roy comme toutes choses s'estoient passées; non seulement devant le pardon, mais depuis: & pour justification de son dire, representa plusieurs lettres escrites & signées de la main de Biron: que le Roy fit retirer par monsieur le Chancelier. Le Baron de Lux estoit lors en Cour, auquel le Roy dit qu'il estoit merueilleusement bien edifié du Marechal de Biron, sur le rapport que luy en avoit fait la Fin: Lequel tout d'une suite luy escrit, de quelle façon il avoit gouverné le Roy, & deguisé tout leur mesnage. Et avant que partir de la Cour, obtint du Roy, vire abolition generale, voire de crimes detestables, si vous en croyez la commune renommée: Pour monstrier que celuy ne peut estre assez recompensé; qui reuelles conjurations que l'on attente contre le Roy, & son Estat.

Ce premier coup ainsi frappé, encores que le Roy eust quelque contentement, pour avoir esté informé au vray de ce qu'auparavant il doutoit, toutes fois ce ne fut sans estre assiégué de diverses contestations en son ame, voyant la Noblesse se brouiller en cette nouvelle desbauche avec le commun peuple. Car pour bien dire,



dire, les subiects doiuent obeissance à leur Prince: Mais en contr'eschange leur Prince leur doit vn bon traitement, par vne mutuelle correspondence, telle que du Chef enuers tous les autres membres du corps. Et c'est la cause pour laquelle ceux qui ont cest honneur d'aprocher les Rois, doiuent apporter de grandes circonspections & regards auant que de surcharger vn pauvre peuple de nouueaux imposts; pour les inconueniens qui en peuuent sourdre: Toutes fois auenant qu'ils soient publiez, il ne faut pas aisément permettre que les subiects fassent teste, & vueillent donner la loy à leur Prince. La consequence en seroit trop grande. Vray que quand telle reuolte aduient, c'est vn malheur espouuentable. Parce que le commun peuple ressemble promptement à la mer, qui naturellement est calme, mais agitée par les vêts esleues ses ondes iusques au ciel au grád danger du nautonnier, s'il ne calle la voile à la tempete. Ainsi en est il du peuple, lequel ne se remue aisément de soy mesmes, ains par l'impetuosité des Grands. Et ces deux humeurs brouillees ensemble causent, d'estranges symptomes & accès en la maladie d'vne Republique. Le Roy voyoit vne Pancharte publiee en plusieurs lieux, vn mescontentement du peuple arriué iusques à l'effect de rebellion en quelques endroits, assisté d'un Marechal de Biron, qui iouoit à face ouuerte au mal content: Plusieurs Gentilshommes de marque, & braues soldats, se liguier avec luy: l'Espagnol & Sauoyard aux escoutes n'attendent que le sçavoir du

*Reciproque  
devoir du  
Prince &  
des subiects.*

*Imposts ne  
doiuent estre mis si  
cilement sur  
le peuple.*

*La Pancharte cause  
des mescontentements.*

354 LIVRE XVII. DES LETTRES  
 boutecelle pour se mettre en la campagne.  
 Croyez qu'en toutes ces extremitez il y auoit  
 assez de quoy pour aprestre à penser au Roy.  
 Or entendez quel ordre il y garda. Premiere-  
 ment il tint pour fondement general; de des-  
 linir la cause de la noblesse d'auec celle de la  
 populace. Et pour à ce paruenir, qu'il falloit  
 commencer par ce qui estoit le moins difficile;  
 ie veux dire, par le commun peuple, tout con-  
 traire en cecy aux opinions des grands Sei-  
 gneurs : Ausquels plus vous donnez, moins ils  
 sont rassasiez ; representant vn corps hydropi-  
 que en l'Estat. Au contraire, entretenez le com-  
 mun peuple, ie ne diray point en son ancienne  
 liberté, ains seruitude, & ne l'affligez sans oc-  
 casion de nouueaux subsides, ne doutez qu'il ne  
 se rangera iamais du party de la desobeissance,  
 ains demeurera tousiours tres-deuot enuers  
 son Prince.

*Ordre  
 que le Roy  
 tint en la  
 conduite de  
 ceste affai-  
 re.*

*Le peuple  
 veut estre  
 conduit par  
 douceur,  
 & support  
 au contrai-  
 re des  
 Grands.*

*Le Roy  
 mande  
 Biron.  
 Qui s'ex-  
 cuse.*

Sur ce project, le Roy declare vouloir visi-  
 ter tout son Royaume, & à ceste fin mande Bi-  
 ron pour estre de la partie. Mais il s'en excusa, al-  
 leguant pour les excuses, qu'o estoit sur le point  
 d'ouurir les Estats en Bourgongne, ausquels sa  
 preséce estoit requise pour y presider. d'ailleurs  
 qu'il vouloit barrer le passage à l'Espagnol, que  
 on disoit prendre la route des pais-Bas sur le  
 pont Gresin. Excuses que le Roy prit sagement  
 en payement, n'estant encores l'heure venuë de  
 s'atacher à luy; & comme Prince qui sçait aussi  
 dextrement le maintenir dans la paix, qu'en la  
 conduite d'une guerre, aussi deuant que de s'a-  
 cheminer en son voyage, il redoubla ses gardes,

*Le Roy re-  
 double ses  
 Gardes.*

& s'environna tant des Seigneurs de la plume que de l'espee, sans declarer le motif de s<sup>on</sup> voyage: que quelques mutins disoient auoir esté entrepris, afin de bastir des Citadelles dedans les principales villes, pour l'entretienement de la Pancharte contre ceux qui seroient refuzants d'y obeir. De Fontainebleau il passa par Blois, puis à Tours, en fin arriue à Poitiers, faisant paroistre à chacun, qu'il couuoit vn grand dessein dedans sa pensee: Ce qui commença de tenir les plus grands en ceruelle, estimant qu'il auoit aduis de leurs menées. Arriué qu'il fut à Poitiers il depesche tout aussi tost à Limoge le sieur de Iambueille, Presidēt au grand Cōseil, pour chastier ceux qui s'estoiēt armez temerairement contre la Pancharte. Et à l'instant mesmes oit les deputez de la Guyenne, qui luy firent plainte, tant des Citadelles, que par le commun bruit on disoit qu'il vouloit bastir, que de la Pancharte, qui commençoit de prendre cours; Suppliants tres-humblement sa Maiesté, qu'il luy pleust la supprimer. Les ayant ouys d'une oreille tres-favorable, il leur dit, que pour le regard du premier poinct, il n'entendoit faire Citadelles que de leurs cœurs: & quant au second, il feroit tout ce qu'on pouuoit desirer & esperer d'un bon Prince, pere, non parastre des ses subiects. Pendant ces remonstrances, le sieur de Iambueille fit executer à mort trois ou quatre pauures malotrus, qui se trouuerent atteints & conuaincus d'auoir voulu excéder par armes Lambert, lors qu'il s'estoit ingeré d'imposer la

*Enuoye à  
Limoges  
pour faire  
chastier les  
mutins.*

*Remon-  
strance de  
ceux de  
Guyenne.*

*Punition à  
Limoges.*

*La Pan-  
charte abo-  
lie.*

Pancharte. Deposseda de leurs charges les douze Cōsuls ordinaires, qui n'auoient empesché l'emotion populaire, & en leur lieu, par nouvelle police, y en installa six seulement. Terreur qui rendit tous les autres souples. Et neantmoins le Ro y par vne debonnaireté, qui luy fait perpetuelle compaignie, abolit l'vſage de la Pancharte. En ce faisoit il apaisa tout le murmure du peuple, & par mesme moyen demâta les guerriers d'une bonne partie de leurs forces. Restoit à s'asseurer de ceux cy, qui n'estoit pas vn petit ouurage. Et à ce faire commenca par le Marechal de Biron, auquel le procès fut fait & parfait. Et quelque temps apres son execution, le Roy fut en esmoy de faire vne Chambre de Iustice, en la Guyenne, qui seroit trice de quelques Seigneurs du Parlement de Paris, sur laquelle presideroit monsieur le President Molé; toutesfois par vn chemin plus abregé, il enuoya depuis les sieurs de Fueillas, & Roissi, Maistres des Requestes de son Hostel, entre les mains desquels vns Calmiras, Pingodan, Chadamin & deux autres Gentilshommes de bonne part estants tombez, ils furent par eux (assistez du siege Presidial de Limoges) condamnés à mort, & executez, & autres leurs complices garentis par vne bonne & prompte fuite. La punition de ce peu de peuple fut vne assurance pour le general de l'Estat, contre tous les autres qui faisoient profession des armes. Mais par ce que ce discours est aucünement vne piece hors œuvre, & que ce que i'enten d'icy en auant vous deduire, regarde le particulier du

*Autre execution à  
Limoges.*

Seigneur de Biron, vous me promettrez maintenant de reprendre haleine, pour vous discourir par vne autre lettre, la prise, & l'ordre que l'on tint, tant aux procédures, & condamnation, qu'exécution de l'Arrest contre luy donné. A Dieu.

*A Monsieur de Sainte-Marthe.*

**L**A Guyenne estant r'apaisée, ainsi que ie vous ay discouru par mes dernières, le Roy estima qu'il estoit mes-huy temps de parler au Marechal de Biron, qui lors estoit dedans son Gouuernement aux escoutes. Escures est enuoyé deuers luy, auquel il auoit tres-grande fiance; Autre recharge du President Ianin d'un & l'autre portants assurance de la part du Roy, qu'il ne receuroit aucun mal, moyennant qu'il voulust dire la verité de toutes ses negociations & pratiques. Diuers aduis luy sont baillez par les seruiteurs & amis, tant par lettres, que de paroles; les vns pour l'aller, les autres pour le demeurer: Il estoit d'un courage, qui ne pouoit estre vaincu, ny par autrui, ny par soy-mesme. D'ailleurs suiuant l'opinion de quelques fantasques Astrologues, ausquels il auoit grande foy, il croyoit que son ascendant commandoit à celuy du Roy; Voire que quelques flatereaux pres de luy, ayants trouué dedas vn HENRY DE BOVRBON, cest anagramme, DE BIRON BON HEVR, comme ainsi fut qu'il en fit gloire, quelque

*Mort du  
Mareschal  
de Biron.*

*Escures en-  
uoyé à Bi-  
ron.*

*Et le Pre-  
sident Ia-  
nin.*

*Diuers ad-  
uis des  
amis qui  
luy sont  
donnez.*

*Il est trom-  
pé des A-  
strologues  
en qui il a-  
uoit grãde  
confiance.*

*Anagramme  
qui le  
trompe.*



Gentilhomme bien aduifé là present, dit tout bas à l'oreille d'un sien amy: S'il le pense ainsi, il n'est pas sage, & trouuera qu'il y a du *Robin* dedans *Biron*. Sur ces follastres apprehensions, ou bien par ce qu'ainsi le vouloit son desastre, il choisit le party de l'aller, qui fut l'accomplissement de son malheur.

*Il arrive à  
Fontaine-  
bleau.*

*Le Roy le  
somme de  
se descon-  
tir.*

Il arriva le treiziesme de Juin 1602. au matin à Fontainebleau; le Roy se promenant avec ses profondes pensees dedans les iardins: & apres les premieres entreueüs, il le somme, interpelle & adiure de luy discourir tout au long ce pourquoy il l'auoit mandé, luy promettant telle grace qu'il pouuoit esperer & souhaiter d'un Roy qui l'auoit tousiours aimé, & aimoit. Il tenoit sa mort entre ses mains, par les pieces que la Fin luy auoit baillees; toutesfois il desiroit faire un chef-d'œuvre admirable de clemence, tât en la personne de luy, que de tous les autres: Pour monstrier que tout ainsi qu'au faict de la guerre, aussi estoit-il inuincible & sans parangon en celuy de la paix. *Biron* pouuoit s'arrester; ou en la parole de son Roy, que il auoit tousiours trouuee veritable; ou en celle de la Fin, qui se diuersifioit en autant de façons, que d'obiecets: toutesfois en la malheure pour luy, il choisit la Fin, & ne peut le Roy tirer autre parole de luy, sinon qu'il n'estoit venu pour se iustifier, ains seulement pour sçauoir qui estoient les gens de bien, qui luy auoient presté ceste charité, bien deliberé d'en auoir la raison, ou par la voye ordinaire de iustice, ou extraordinaire des armes, telle qu'il plairoit à sa

*Au con-  
traire luy  
s'obstine en  
sarefolu-  
tion, & me*



Maieſté ordonner. Le Roy alleuré du contraire, le ſolicite tant de ſa bouche, que par celle de monſieur le Comte de Soillons, de ne ſe heurter en ceſte induë opiniaſtreté: mais autre raiſon ne peult-il tirer de luy, que de ſon innocence. Après auoir patienté deux iours, il le faiſt prendre ſur les vnze heures de nuit par le Seigneur de Vitry, l'un des Capitaines de ſes Gardes, & le lendemain cinquième, il eſt amené par eau à Paris, & logé dedans la Baſtille, & à luy baillé dauantage quelques ſoldats des Gardes du Roy. Lequel fut huit ou neuf iours après ſuplié par vne Requeſte à luy preſentee par les parents & amis du priſonnier, de vouloir eſtendre ſa miſericorde ſur luy, auxquels il dit: S'il ſe fuſt fié en ma clemence, dont ie luy auois baillé pour gaigne, ma foy, il ne fuſt entré en priſon. Maintenant que la iuſtice luy eſt ouuerte, ie ſerois indigne du titre de Roy, ſi ie la luy voulois fermer. Chacun a intereſt d'eſtre bien & deuëment informé de ſon innocence.

*Le Roy le preſſe de reſponſe.*

*Luy ſe roiſſant en l'innocence.*

*Mais eſt pris par l'itry.*

*Et amené en la Baſtille.*

*Requeſte de ſes parents, & reſponſe du Roy.*

Lettres Patentes ſont decernées par le Roy & autres choſes à ce ſubieſt neceſſaires; On informe i contre luy, & eſt la Fin examiné, avec quelques autres teſmoins. Biron ouy par ſa bouche denie tout. Lors qu'il fuſt queſtion de proceder aux recolemens & confrontations, monſieur le premier Preſident luy preſente la Fin, le ſomme de propoſer tels reproches qu'il verroit bon de faire contre luy: mais Biron eſtimant que la Fin ne luy euſt voulu manquer de promeſſe, declare n'auoir

*Son procès commencé.*

*Eſt confronté à la Fin, contre qui il ne donne point de reproches.*

• moyens valables pour le reprocher, ainsi le recognoissoit pour Gentil homme de bien & d'honneur. Sa deposition luy est leuë. Adonc il s'esclata iusques au Ciel, & Dieu scait, non ce qu'il dit, mais ce qu'il ne dit contre luy. Ad-ioustant, que si Renazé son laquais eust esté present, il ne vouloit autre tesmoing que luy pour conuaincre de faux cette meschante deposition. Il le pensoit estre mort; & cette parole luy fut depuis cher vendue. Apres s'estre aucunement estanché, on luy exhibe quelques missiues, qui ne traitoient que d'affaires communes, lesquelles il reconnut escrites & signées de sa main. Tout d'une iuite on luy en presente d'autres de mesme stampe & impression, dedans lesquelles estoit tout au long discours ce qui s'estoit par luy passé avec le Duc de Sa-uoye & l'Espaignol par l'entremise de la Fin: Se voyant pris il s'etcrie contre la meschanceté de luy, dit qu'il estoit vn charmeur, enchâ-teur, faulsaire, & soustient qu'il en estoit le fabricant, & que le mestier de contrefaire les lettres d'autrui estoit nouuellement venu en vsage, & de ce en allegua quelque exemple de marque auenu de fraische memoire.

*Renazé ar-  
riue & est  
examiné.*

*Est con-  
fronté à  
Biron.*

*Qui fait de  
grandes ex-  
clamations.*

Ces choses ainsi faites, quatre ou cinq iours apres Renazé arriue à Paris, avec deux deses gardes. Il est ouy & examiné, & se trouue en tout & par tout conforme à la deposition de la Fin. Confronté à Biron, il ne sceut que dire, car il auoit desiré sa presence pour iustification de son fait: & cognut lors qu'il sembloit que le Ciel & la terre auoient conspiré contre luy,

& disoit que Renazé estoit miraculeusement  
 euadé des prisons, pour se trouuer à point nom-  
 mé dedans Paris. Et certes il nous est bien sciant  
 de rapporter toutes bonnes choses à Dieu. Mais  
 au faict de Renazé, ie veux croire que ce fut vn  
 vray traict de l'Espagnol & Sauoyard, lesquels  
 ayants en aduis de ce qui se passoit contre Biró  
 dedans Paris, lascherét ce laquais pour s'y trou-  
 uer, & luy baillèrent par expres deux gardes, à  
 fin qu'il ne prist son chemin ailleurs : Car à quel  
 propos luy eust on baillé gardes, estât assez leu-  
 remét gardé, veu sa qualité, entre quatre paroys.  
 Lesens commun y repugne. Ce seul acte doit  
 seruir d'enseignement à tout subiect, d'estre fi-  
 dele à son Prince, & de ne cōmettre sa foy à la  
 foy de son ennemy.

*Renazé  
 lasché de  
 prison à  
 dessein par  
 le Sauoyard  
 & Espa-  
 gnol pour  
 perdre  
 Biron.*

Le vingtroisiesme Iuillet le procès est mis sur  
 le Bureau; toutes les Chambres assemblees, au  
 rapport de monsieur de Fleury, Doyen de tous  
 les Conseillers, secondé par monsieur de Tu-  
 rin, monsieur le Chancelier y presidant. Le  
 Samedy vingt septiesme Biron fut ouy par sa  
 bouche sur vne escabelle deuant ses Iuges, sans  
 aucune interruption; Le Lundy vingt neufies-  
 me condamné à mort sur les deux heures de re-  
 leuee : La plus part des Iuges pleurants en le  
 condamnant, non qu'il ne meritaist la mort;  
 mais marris que ce malheur luy fust auenu, &  
 à nous. Le Mardy trentiesme sur vne requeste  
 presentee au Roy, il ordonna par ses Patentes  
 (dont le Seigneur de Silleri fut porteur) qu'il  
 fust executé à mort dedans la Bastille. Lettres  
 verifiees au Parlement le Mercredy matin tréte

*M. de Fleu-  
 ry est Ra-  
 porteur de  
 son procès.  
 Biron est  
 ouy par sa  
 bouche.*

*Est condā-  
 né à usort,  
 dont les  
 Iuges mes-  
 mes pleurēt*

vniesme. Et sur les neuf à dix heures Messieurs le Chancelier, premier President, & de Sillery, s'y transporterēt. Et apres auoir concerté ensēble dedans vne chābre à part, de l'ordre qu'ils pensoient deuoir estre tenu, ayant eu aduis qu'il auoit pris son repas, monsieur le Chancelier cōmanda, qu'on le menast en la Chapelle, distant de trois ou quatre degrez de sa chābre: & lors descēd & trauerse la court vestu de vne robe de satin à grands manches, marchāts deuant luy quelques officiers de la Chancellerie, & huissiers de la Cour; & derriere, messieurs Durant, Courtin, de Roissi, Maistres des Requestes; & apres eux maistre Daniēl Voisin, Greffier Criminel. A la premiere rencontre, Biron s'escrie: O quelle iustice! Mais mōsieur le Chancelier doucement luy remonstre, que si par le passé il auoit accompagnē toutes ses actions de generosité & valeur, c'estoit lors qu'il en deuoit rendre plus grand tesmoignage, & se conformer à la volonté de Dieu. Et cōme il vouloit poursuiure sa pointe, fut interrompu par Biron, lequel plein de courroux, avec vn torrent de riches paroles desbōda de son cœur vne infinité de mescontentemens, fondez tant sur l'innocence par luy pretendue, qu'ingratitude qu'on exerceoit en son endroit, apres tant de signalez seruices par luy rendus à la France: pour lesquels quand bien il auroit mesfait, sa faute deuoit estre enseuelie dedans le cercueil d'oubliance. Que le Roy auoit desployé sa misericorde enuērs vne infinité de rebelles, dont il n'auoit iamais receu que des desseruices: & que

*Est amené  
à la Cha-  
pelle.*

*Monsieur  
le Chance-  
lier tasche à  
l'adoucir  
par remon-  
strances.*

*Exclama-  
tions de Bi-  
ron.*

luy qui auoit tant de fois abandonné sa vie pour le seruir, estoit seul exposé à la mort; accommodât tous ses discours de plusieurs belles pieces de marqueterie & d'exemples. Tout cela s'appelle l'espace de demie heure pour le moins: & s'estant aucunement raquoisé, monsieur le Chancelier luy dit, que le Roy demandoit l'Ordre du S. Esprit, dont il l'auoit honoré, comme aussi son Baston de Marechal de France. Quant à l'Ordre il le tira de la pochette de ses chausses, & le luy rendit. Mais pour le regard du Baston, respondit qu'il ne l'auoit. Biron ne demeura muet, ains vouloit continuër ses complaints, quand monsieur le Chancelier le luy couppa court, apres l'auoir derechef admonesté de penser au sauement de son Ame. Auant que partir, Biron le pria de luy permettre de faire son testament. Ce qu'il luy accorda sous le bon plaisir du Roy, adioustant que le Greffier le receuroit sous luy. Il luy laissa pour l'assister deux honestes hommes d'Eglise, Garnier Docteur en Theologie, & Maignan Curé de S. Nicolas des Champs. Monsieur le Chancelier forty, Biron vouloit proceder à la confection de son testament, pour ce fait, n'auoir plus soing que de son Ame: Mais Voisin remit tout cecy apres la prononciation de son Arrest, luy disant: Monsieur, le prealable est, que l'Arrest vous soit leu; acte qui desire de l'humilité. L'honneur & la reuerence que nous deuons à Iustice, veulēt que vous mettiez à genouz. A cette semonce ils y mit tout aussi tost deuant l'Autel. L'Arrest luy est leu; dont le dispositif estoit tel,

*Il rend  
l'Ordre du  
S. Esprit.*

*Demande à  
faire son  
testament.*

*son Arrest  
luy est leu.*



*Dispositif  
de l'Arrest*

**D**It a esté, que ladite Cour a déclaré ledit de Biron atteint & conuaincu du crime de leze Maïesté, pour les conspirations par luy faictes contre la personne du Roy, entreprises sur son Estat, proditions & traictez avecques ses ennemis, estant Marechal de l'armee dudit Seigneur. Pour reparation duquel crime, l'a priuë & priue de tous Estats, Honneurs, dignitez, & l'a condamné & condamné d'auoir la teste tranchee sur vn eschafaut; qui pour cest effect sera dressé en la place de Greue: & a déclaré, & declare tous & uns chacuns ses biens, meubles & immeubles generalement quelconques, acquis & confisqueZ au Roy. La Terre & Seigneurie de Biron à iamais priuée du nom & titre de Duché & Pairrie: ensemble ses autres biens immediatement tenus en foy & homage du Roy, reunis au Domaine de



*la Couronne. Faict en Parlement le vingtneufiesme Iuliet 1602. Signé en la minute, de Bellieure. Chancelier de France, & de Fleury Conseiller en la Cour, Rapporteur.*

En la lecture de cest Arrest il demeura quoy, *Ses repli-*  
 fors que la patience luy aschapa en ces mots. *ques à*  
*Conspirations faites contre la personne du Roy. Il l'Arrest.*  
 n'en est rien ( s'escria il ) cela est faux. Vray que  
 l'Arrest ayant esté parlu, portant que la  
 Greue estoit ordonnée pour le lieu de son sup-  
 plice. Quoy ? moy en Greue ? Voisin luy dit, on  
 y a pourueu , cesera ceans , le Roy vous  
 fait cette grace. Quelle grace ? repliqua-il. En  
 cas semblable sur ces mots : *Que tous & chacuns*  
*ses biens meubles & immeubles estoient confisqueZ au*  
*Roy.* Comment, ne se contente il pas de ma vie,  
 se veut-il enrichir de ma pauvreté ?

L'Arrest à luy prononcé restoit que le bour- *Le bour-*  
 reau se faist de luy , & le liaist & garrotast, n'e- *reau ne*  
 stant plus celuy là qu'il auoit esté au parauant : *l'ose lier.*  
 Mais le respect, ou bien crainte qu'on luy por-  
 toit, fut telle, qu'o ne l'oza iamais entreprédre.  
 Cecy me fait souuenir de ce grand Marius Ro-  
 main, auquel Sylla ayant enuoyé vn Capitaine *Marius e-*  
 fuiuy de plusieurs soldats, pour le tuer. Cômét ? *stonne par*  
 ozestubien (luy dit il) mettrela main sur Ma- *sa constâce*  
 rius pour le meurtrir ? parole qui arresta tout *celuy qui*  
 court l'autre. Ainsi fallut il lors aucunement *le denois*  
 temporiser à l'opinion du condamné ; Mais *tuer.*

*Ses gardes  
refusent de  
le plus gar-  
der.*

Voisin qui sçauoit ce qui estoit de sa charge, ferma la porte du cœur de la Chapelle, le laissant entre les mains des deux gens d'Eglise, & des Huissiers, qui estoient huit en nombre: car quant au bourreau, il n'eust ozé comparoir: Et trouuant sur la montee les soldats qui l'auoient gardé, les pria d'auoir l'œil sur luy pendant qu'il verroit monsieur le Chancelier. Ce qu'ils luy refuzerent tout à plat; disants que tât qu'il auoit esté Duc de Biron, Pair & Marechal de France, ils l'auoient eu à leur garde; mais maintenant qu'il estoit fait vn nouuel homme par cest Arrest, la garde en apartenoit seulement aux Huissiers de la Cour de Parlement; toutes fois que de courtoisie en attendant son retour, il n'aduindroit aucun meschef. Et à l'instant vindrent en la Chapelle prendre congé de luy, & accolerent l'vn apres l'autre sa cuille, ayant chacun d'eux la larme à l'œil, l'espee au costé, & la main sur les gardes. Et luy aussi larmoyant, leur dict à Dieu, & fit present diuersemēt de ce qui luy restoit en sa chambre. Le soldat ne le pouuoit non aimer, ny luy pareillement le soldat, en quelque piteux estat qu'il fust de sa personne.

*Es prennēt  
congé de  
luy.*

S'il eust esté executé en la place de Greue suiuant l'Arrest, ie veux croire qu'on luy eust baillé pour conduite, non seulement tous les Huissiers du Parlement, mais aussi vns Rabin, grand Preuost de la Connestablie, & Iouy Preuost de l'Isle de France, avec tous leurs Archers: mais le Roy ayant ordonné que l'execution fust faicte dedans la Bastille, la Cour

*Escorte  
qu'il eut en  
en Grene si  
l'execution  
y eust esté  
faicte.*

pour l'assurance du lieu, & des Gardes, dont elle ne preuoyoit le refus, y enuoya seulement le Greffier Criminel & huit Huissiers, pour faire escorte au supplice. La question n'est pas petite, si en cas de contraste, ils eussent peu avec leurs baguettes forcer la volonté de celui, auquel rien n'estoit impossible, quand son opinion treté le tenoit. Voisin se présente aux trois Seigneurs, & leur fait entendre de quelle franchise & soumission Biron s'estoit agenouillé lors de la prononciation de l'Arrest, toutesfois que depuis il n'auoit esté garotté, ne s'estant le bourreau ozé présenter pour les menaces qu'il luy faisoit, s'il le touchoit: & la réponse que les gardes luy auoient faite. Pour ceste cause supplioit humblement Messieurs d'ordonner de quelle sorte il se deuoit comporter sur ceste perplexité. Messieurs le Chancelier, & premier President furent d'aduis de le lier; qui estoit bien la voye la plus seure, s'il n'y eust eu aucun obstacle. Monsieur de Sillery fut d'aduis contraire; Opinion en laquelle il y auoit beaucoup de sagesse, pour obuier au scandale qui pouuoit lors se preséter; mais aussi beaucoup de hazard, comme l'euenement le monstra: En fin il fut passé par la douceur, & sur cette conclusion, Voisin reprit le chemin de la Chappelle. De vous discourir icy par le menu toutes les particularitez que j'ay recueillies, voire de la bouche mesmes de celui, qui auoit lors le principal œil sur Biron, il y auroit en ceste mienne lettre plus de curiosité, que de bien-seance. Suffise vous, qu'apres la prononciation de l'Arrest, il

fut celuy là mesmes qu'il auoit auparauant esté, sans en rabatre vn leul point. Et vrayement ce n'est pas sans raison, que quelques anciens disoient, la mort estre le miroir de la vie; voulants dire, que nous representations ordinairement en ce dernier article, l'image de nos deportements precedents. Il auoit esté l'un des plus grands guerriers de nostre siecle, voyons doncques quelle sera la catastrophe de sa vie: Toute ceste apresdisnee se passa par entremets, tantost à faire son testament, qui contient six vingts articles & plus, tant il auoit l'esprit fort; tantost à gouverner les deux hommes d'Eglise sur le faict de sa conscience: Mais principalement sur les reproches de l'ingratitude qu'il soustenoit luy estre faicte. Pendant cela, plusieurs Seigneurs tant du Parlement que des Comptes, le Lieutenant Ciuil, le Procureur du Roy du Chastellet, le Preuost des Marchands & Escheuins de la ville entrerent dedans la Bastille par permission, & plusieurs autres à la derobee, tous desirieux d'estre spectateurs de ce miserable theatre. Messieurs le Chancelier & premier President le visitent sur les quatre heures; mais ils ne rapporterent de luy, que ce qu'ils auoient appris par le procès. L'eschaffaut de cinq à six pieds de haut fut dressé au coin de la court, vers la porte qui regarde au iardin. Les cinq heures venuës, Voisin le voulât gagner pied à pied, pour trouuer bon qu'il fust lié, & le bourreau s'aprouchoit, il liura vn grand Cap de Diou, que, s'il approchoit, il l'estrangeroit de ses mains: Et neantmoins quelque peu apres reuenant à soy: Or sus (dit-

*La mort  
est le mi-  
roir de la  
vie.*

*Son testa-  
ment fort  
ample.*

*Il menace  
à estran-  
gler le bour-  
reau par-  
lant de le  
lier.*

fus (dit-il) ie voy bien que l'heure de mon par- *Sa prompt-*  
 temment est venue: Messieurs, ie vous prie tous *se resolu-*  
 de vouloir prier Dieu pour moy. Sortant *tion à la*  
 de la Chapelle il est costoyé des deux Prestres, *mort, &*  
 dont l'un portoit vne Croix, & vn Crucifix *son grand*  
 d'argent. Arriué qu'il est au pied de l'eschaffaut, *courage.*  
 il jette son chapeau par terre, & s'agenouille sur  
 le premier degré, deuant le Crucifix mis sur le  
 second, où il fit sa priere, puis monte suiuy de  
 Garnier, & Maignan, pour le consoler & con-  
 firmer. Il estoit vestu d'un pourpoint de taffe-  
 tas gris qu'il despoüille, & retourne sur le lieu  
 commun de ses reproches. Comme il estoit en  
 ces alteres, Voisin, luy dict; qu'il falloit lire son  
 Arrest. Ie l'ay ouy (respondit-il.) Monsieur, il  
 le faut (dict Voisin: ) Ly, Ly, repartit Biron.  
 Ce qu'il fit, & comme il vint à ces mots: *Pour les*  
*conspirations par luy faictes contre la personne du*  
*Roy: Cela est faux (s'escria-il) rayez cela, ie*  
*n'y pensay iamais.* C'estoit vn point dont il ne  
 voulut passer condamnation, ny dans la Cha-  
 pelle, ny sur l'eschaffaut; Reconnoissant tesli-  
 blement par ceste denegation particulie-  
 re, que tous les autres contenoient verité; les-  
 quels il eust aussi franchement deniez, s'il ne les  
 eust recogneuz veritables. Les gens d'Eglise  
 descendus, Biron tournant sa veüe sur les sol-  
 dats commis à la garde de la Bastille: Compai-  
 gnons, (leur dit il) y a-il point quelqu'un de *Il demande*  
 vous qui me vueille honorer d'une mousqueta- *une mous-*  
 de au trauers du corps? Puis adressant sa parole *quede à*  
 au Seigneur de Barenton, l'un des exempts des *quelques*  
 gardes du Roy: Monsieur de Barenton (luy *uns de ses*  
*garde,*



dit-il) j'ay receu plusieurs bons offices de vous pendant ma prison, ie vous prie que pour le dernier vouliez ageâcer mes cheueux, afin que ce meschant ( parlant du bourreau ) ne me touche. Mais comme Barenton eust faict semblant de ne l'auoir ouy, adonc luy mesmes rebrousses les cheueux de derriere, se bande, & agenouille, comme s'il eust esté du tout disposé à la mort: mais tout à coup se remet inopinément sur pieds, & avec vn sourcil furieux se tourne deuers le bourreau, donnant lors à penser à tous, que cest agenouillement estoit vn dernier stratageme de ses actions, pour se saisir de l'espee du bourreau, s'il l'eust eue entre ses mains, & faire vn massacre, non tel qu'il luy eust pleu, ains peu. Chose qui estonna de telle façon tous ceux qui enuironnoient l'eschaffaut, que hormis Voisin, Garnier, & Maignan, ils quitterent la place, & s'esparpillerent çà & là par les portes du Chasteau; craignants de tomber dessous sa fureur: Et croyez que le plus hardy de la troupe eust voulu estre en sa maison. Les deux Prestres remontent sur l'eschaffaut pour le reconcilier à soy-mesme, & apres que l'vn d'eux luy eust derechef baillé l'absolution, & laissé ce patient, il fit defenses au bourreau de le toucher, sinon de l'espee: & derechef se rebroussa les cheueux, & banda les yeux de son mouchoir, de telle façon toutes-fois, que sa veue n'estoit empeschée: & s'estant mis à genoux: Boute, boute ( dit-il) au bourreau, qui fit signe à son valet de luy bailler son espee, de laquelle il luy coupa & la teste, & la moitié du mot de

*Se bande  
Et s'agenouille.  
Se releue.*

*Istonnement de  
ceux qui estoient au-  
tour de l'eschaffaut.*

*Se bande  
derechef,  
Et se met à  
genoux.  
Ses dernieres pa-  
roles.  
Est decapité.*



Boute, avec telle habilité, que le coup fut plus tost baillé que veu. Et soudain son corps couuert d'un linceul blanc. Il auoit auparavant fait prier monsieur le Châcelier, que son corps fust porté au tombeau de ses ancestres à Biron; mais il ne le peut obtenir. Au lieu de ce, il fut le iour mesmes enleué par six Prestres, & enterré au milieu de la nef de l'Eglise Saint Paul; & le lendemain ses obseques faictes sans grande ceremonie. Sa fosse toutesfois visitée par plusieurs personnes, qui luy donnoient de l'eau benite, & prioient Dieu pour son Ame, tesmoignages de leurs bonnes volonte, enuers sa memoire. Que s'il vous plaist repasser sur ceste piteuse histoire, iamais mort ne se trouua plus soldatesque que ceste-cy. En laquelle i'eusse souhaité en ce pauvre Seigneur plus de souueraineté de l'autre monde, que de cettuy. Et c'est pourquoy Maignan depuis interrogé par l'un de ses parroissiens, ce qu'il luy en sembloit, respondit; Qu'il estoit vrayement mort Catholique, mais Catholique soldat.

Plusieurs estoient marris, que luy qui auoit tant merité du public fust mort, & que la Fin qu'on disoit auoir tant merité de morts, demeurast en vie. Il ne falloit pas regretter sa mort; mais bien qu'apres auoir receu tant d'honneurs & faueurs du Roy, il n'eust donné subiect à ses Iuges de le condamner. Quelque esprit delié fit ces quatre vers sur sa mort.

*L'an mil six cents deux en Juillet,*

*On fit ce grand Biron desfaire;*

*Est enterré dans l'Eglise S. Paul.  
Ses obseques faictes.*

*Vers sur sa mort.*

*Tant pour le mal qu'il auoit fait,  
Que pour celuy qu'il vouloit faire.*

Le troisieme vers se raporte a la coniu-  
ration par luy brassée avec le Sauoyard, & le  
quatrieme à celle qu'il vouloit bastir sur le mes-  
contentement du peuple. Mais quand au lieu  
d'un *Vouloit*, vous mettriez un *Pouuoit*, le passa-  
ge ne seroit pas moins correct; D'autant que de  
l'humeur dont il estoit, s'il fust sorty des pri-  
sons, il falloit tout craindre. Et moy en mon  
particulier ay donné à sa memoire cest Epita-  
phe Latin, qui contient sans hypocrisie, la veri-  
té de son hystoire en bien & mal.

*Epitaphie  
de Biron  
par Pas-  
quier en  
Vers La-  
tins conte-  
nant la ve-  
rité de son  
hystoire.*

*Afflictis patria rebus, fortissimus olim,  
. Labentem patriam, Dux ego sustinui.  
Pro meritis, vario Rex me cumularat honore,  
Et poteram summi filius esse Iouis.  
At me nescio qua rapuit uasana Libido,  
Allobrogum satago dum gener esse Ducis.  
Ambitione meam volui qui perdere gentem,  
Hen male consultus, ne pereat, pereco.  
Sic statuit Princeps, & sic amplissimus Ordo,  
Sic patria nostra est vitæque, morsque salus.*

Or combien qu'il n'y eust que trop de preu-  
ue de la faction qu'il auoit brassée avec l'Espai-  
gnol, & le Sauoyard, toutesfois on n'auoit peu  
estre assez esclarcy de la seconde, fondée sur le  
mescontentement du peuple, que Biron vou-  
loit lier avec la premiere. La geseine ordinaire  
& extraordinaire fut donc à Habert son prin-  
cipal Secretaire, qui eut bonne bouche dessus  
les treteaux. Mais depuis la douceur & bon vi-  
sage du Roy luy fut vne plus forte geseine, par la-

*Habert son  
Secretaire  
tient sa  
bouche en  
la geseine or-*

quelle il luy descouurit ce dont sa Maieſté n'auoit eu aduis. Le ſemblable fit le Baron de Lux, qui luy racomta depuis tout au long comme ces choſes s'eſtoient paſſées, & deuoient paſſer pour l'auenir avec vns & autres Seigneurs: de Lux (dy-ie) qu'il vint aboucher ſur l'aſſeurée qu'il luy bailla d'un ſauf conduit de ſa perſonne, ſans que iamais il l'ait depuis diſgratié, ny tous ceux qui auoiét eſté de la partie, ainſ les a-maintenus en leurs grades & dignitez. Trait admirable de clemence & ſageſſe tout enſemble, par lequel il a tranquilité toutes choſes à petit bruit. Qui me fait regretter en cette hiſtoire, que Biron adiouſta plus de foy en la parole de la Fin, qu'en celle du Roy. Car ſ'il euſt fait le contraire, il fuſt auourd'huy plein de vie, & n'eufſt l'Eſpagnol raporté ſur nous pendant la paix, vne victoire qu'il n'auoit peu obtenir par les guerres. Qui me fait dire, qu'outre l'abolition generale que la Fin a obtenue de tous ſes forfaits, pour auoir reuelé la trahiſon dont il auoit eſté cōducteur, on luy deufſt eriger vne ſtatue d'or en Eſpaigne, & vne d'argent en Piedmont & Sauoye, pour le grand ſeruiſe qu'il leur a fait.

*dinaire & extraordinaire. Et deſcouure tout par le bon uſage du Roy. Comme auſſi le Baron de Lux.*

*Clemence admirable du Roy.*

Au demeurant, comme Biron eſtoit vn Seigneur qui auoit tenu grand rang près du Roy, & s'eſtoit rendu en toutes ſes actions bonnes, ou mauuaiſes, redoutable, auſſi a l'on fait depuis ſa mort diuers comptes de luy, ſur vnes & autres prediſtions, qui luy promettoient, pour cloſture de ſes grandeurs, la malheureuſe fortune qui luy eſt aduenüe. Mais ſur

*La Roïne  
d'Angle-  
terre luy a-  
voit mon-  
stré plu-  
sieurs testtes  
de Grands  
excusez, en  
son Royau-  
me.  
Celle du  
Comte d'Es-  
sé.  
Paroles de  
la Roïne  
monstrant  
ces testtes.*

tout est memorable, qu'ayant esté enuoyé par le Roy, vers la Roïne d'Angleterre, elle luy fit voir diuerſes singularitez, & entre autres plusieurs testtes de grâds Seigneurs, qui pour auoir conspiré contre son Estat, auoient esté exposez à mort; & leurs testtes mises sur la tour de Londres: & par special celle du Comte d'Esſé, qu'elle auoit auparauant fauorisé & esleué aux honneurs sur tous les autres Seigneurs de son Royaume. Voila (dit elle) comme ie chastie mes, subiets qui s'oublient de leur deuoir en mon endroit. Et si i'estois en la place du Roy mon frere, il y auroit aussi des testtes qui seroiēt coupees dedans Paris.

Toutes particulieres rencontres qui deuoient seruir de leçon à Biron pour ne mettre ses opinions à l'essor.

*Remarques  
notables sur  
la vie &  
mort de Bi-  
ron.*

Mais comme il est beaucoup plus malaisé de mesnager vne bonne, que mauuaise fortune, aussi soudain qu'auons le vent en pouppe pres des Rois, nous mettons fort aisément toutes choses en oubly, voire nous mesmes, nous rendants ordinairement esclaves de la vanité, & insolence. Vanité aucunement excusable, quand elle est soutenue par le bien faire; Mais l'insolence insupportable, quelque grandeur qui se loge en nous. Vices qui auoient bonne part en ce Seigneur, & singulierement le second. Car quand sa fougue le tenoit pendât la guerre, il ne portoit aucun respect à qui que fust, non au Roy mesme: & au regard des Gentilshommes des champs & pauures gens du plat pais, és maisons desquels il logeoit, si vous

*L'insolence  
est si logee  
fort auant  
en Biron.*

en croyez la commune renommée, tout luy estoit indifférent & de bonne guerre en matière de mauuaistratement, moyennant que ses Capitaines & soldats fussent à leurs aises. Et s'oubliait de cette façon enuers le peuple, Dieu l'oublia, ainsi qu'au ez entendu cy dessus. Belle leçon certes à ceux qui ont bonne part aux oreilles des Rois leurs maistres, afin de ne tóber en pareil inconueniét que luy. Je m'en scaurois bié défédre, me dira quelque fauory de Cour & du téps, n'atendant rien contre la personne de mon Roy, ny encontre son Estat. Et ie respondray à cettuy : Appelle tu n'attenter rien cõtre ton Roy, quand abuzant de sa faueur tu lasches toute bride à tes volontez absoluës, au preiudice de son peuple, qui fait la plus grãde partie de son Estat, sãs lequel vn Roy ne seroit du tout rien? I'estime celuy crimineux de leze Maieisté, qui pour faire le bon Valet, apprend à son Prince de faire fons de son reuenu sur l'affliction de ses pauvres subiects, & non sur leur affection. Mon bon amy, ie te prie de croire, que viuant en cettere façon, sans la main du Magistrat, tu te faiz ton procès à toy mesmes, qui se ramẽteurainopinément à ta ruine, lors que tu penseras estre arriué au comble de tes grandeurs. D'ailleurs, il y a dix mille moyens, par lesquels Dieu punit cest orgueil extraordinaire, & vexation du pauvre peuple, que ie ne veux icy représenter par inuentaire. Contente toy, que les opinions des Rois qui sont hommes, vieillissent & sont passageres comme toutes autres choses, & cõséquentemment leurs faueurs. Toy qui estois cõ-

*Le peuple  
fait la plus  
grãde p r-  
tie de l'E-  
stat.*

*Les opi-  
nions des  
Rois vien-  
nissent.*



376 LIV. XVII. DES LET. D'EST. PAS Q.  
grand Monsieur idolâstré par vne infinité d'  
gens , dont tu faisois litiere, leur seras en vn  
clin d'œil, butte de mocquerie & mespris, qui  
se baigneront en ta defaveur, & bien heureux  
si on ne te recherche en ta vie, par le comman-  
demēt de celuy dont faisois au parauant pauois  
pour faire sortir effect à tes bizarres commen-  
dements. Par ce que c'est où aboutissent ordi-  
nairement toutes ces outreuidees insolences.  
Vous me direz, que ie ressemble icy vn tas de  
prescheurs, qui dedans leurs chaires preschans  
deuant vn petit peuple, declament contre la  
grendeur des Princes & grāds Seigneurs. Ainsi  
que vous escriuāt cette lettre, ie m'extrauague  
en vn subiect qui n'a rien de cōmun avec vous.  
Mesmes que quand il seroit cōmuniqué à ceux  
qui manient les affaires publiques, ils ne se don-  
neroient pas grand' peine de se reformer pen-  
dant leur vogue. Ie veux que scachiez, que par-  
lant à tous, ie ne parle à homme quelconque.  
La iuste douleur qui me point pour la'con-  
seruation de mon Roy, & de son Estat, m'a fait  
esclater ce placard. Et ce n'est pas petite me-  
decine aux afflictions d'esprit, de leur denner air  
entre les mains d'un sien amy. A Dieu.





L E

## DIXHVICTIESME

## LIVRE DES LETTRES

D'ESTIENNE PASQUIER.

*A Monsieur de Pelgé, Conseiller du Roy, &  
Maistre en sa Chambre des  
Comptes, de Paris.*



O v s desirez sçauoir de moy, *Quel iuge-  
ment il  
fait des  
Essais de  
monseigneur  
des Mon-  
taignes.*  
quel iugement ie fay des Es-  
sais du feu Seigneur de Mon-  
taigne, Amy commun de nous  
deux quand il viuoit. Ie le vous  
diray en vn mot. Rien ne me

desplaist en iceux, encores que tout ne m'y  
plaist. Il estoit personnage hardy, qui se croyoit  
& comme tel se laissoit aisément emporter à la  
beauté de son esprit. Tellement que par ses es-  
crits il prenoit plaisir de desplaire plaisamment.  
De là vient que vous trouuerez en luy plusieurs  
Chapitres dont le Chef ne se rapporte aucune-  
ment à tout le demeurant du corps, fors aux  
pieds; Ie veux dire aux dix ou douze lignes der-  
nieres du Chapitre, ou en peu de paroles, vers

vu autre endroit ; Et neantmoins le chapitre fera quelque fois de douze fucillets & plus. Tels trouuerez vous ceux, dont les titres sont *L'Histoire de Spurina; Des Coches. De la Vanité, De la Physionomie, De la ressemblance des Enfans à leurs peres: Des Boiteux*; Et sur tous, celuy *Des vers de Virgile*, qu'il pouuoit à meilleur cōpte intituler, *Cocq à l'Asne*; pour s'estre donné pleine liberté de sauter d'un propos à autre, ainsi que le vêt d'esprit donnoit le vol à sa plume. Tout de ceste même façon s'est il dispensé plusieurs fois d'vser de mots inaccoustumez, ausquels, si ie ne m'abuse, malaisément baillera il vogue; *gendarmer*, pour brauer; *Abrier*, pour mettre à l'abry, *Silence par-mez*, dont il *lier*, réduit en *Enfantillage*, pour ce que nous disons, au rang d'enfance, *Asture*, pour à cette heure, & autres de même trépe : pour le moins ne voy-ie point, que iusques à huy, ils soient tombez en commun viage. Et sur tout, ie n'ay sceu iamais entendre ce qu'il vouloit dire, par ce mot de *Diuerfion*, sur le modelle duquel toutefois il nous a seruy d'un bien long chapitre. Mais quoy? ie vous respondray à tout ce que dessus pour luy; (car ie-veux estre son Aduocat; Et m'assure que s'il viuoit ie ne seroy par luy desaduoué.) Prenez de luy ce qui est bon, sans vous attacher à aucune Courtizanie; Ne iettez point l'œil sur le titre, ains sur son discours; Il vous apporte assez de matiere pour vous contéter. C'est en quoy il s'est voulu de propos deliberé moquer de nous, & parauenture de luy mesmes, par vne liberté particuliere qui estoit nee avec lui. Il n'y a chapitre plus lōg,

*Diuers  
trasser, de  
cest au-  
sieur sans  
d'usage.*

*Mots non  
accoustu-  
mez, dont il  
se.*

que celuy qu'il intitule, *L'Apologie de Raimond Sebond*, ny auquel il se soit donné si ample carriere : car il contient quatre-vingts fueillets. Sebond estoit à nous auparauant incogneu ; Et neantmoins la moindre partie est de cest Espagnol, tout le demeurant est de nostre Montaigne : Car mesmes, comme il ne s'oublie iamais, il nous a fait expresse mention de l'Ordre de S. Michel, dont il auoit esté honoré. Il n'y auoit homme moins chiquaneur & praticien que luy : car aussi sa profession estoit toute autre. Toutesfois en son Chapitre *des Noms*, il a par vne forme de guet-apens pris plaisir de faire commencer trois ou quatre clauses, par ce mot de, *Item*, reserué spécialement à la pratique. Et ie ne trouue rié en tout cecy de mauuais, sinon que luy, qui sur la prime-verre auoit fait gloire de nous brauer, par ces contre-pointes & piaffes ; Toutesfois en quelque endroit de son troisieme Liure, par luy composé long temps apres les deux premiers, il s'en voulut aucunement excuser : Chose que i'impute à la foiblesse de son aage, qui emportoit lors à la balance, la force de son naturel.

*Item mes  
de practi-  
que.*

Tout ce que i'ay cy-dessus touché, fut par luy faict à dessein. Ce que ie diray maintenant sera autre. Nous estions luy & moy familiers & amis, par vne mutuelle rencontre des lettres, fusmes ensemblement en la ville de Blois, lors de ceste fameuse assemblee des trois Estats, de l'an 1588. dont la fin produisit tant de malheurs à la France. Et comme

*M Pas-  
quer sa-  
milier avec  
Michel de  
Montaigne.*

nous-nous promenions dedans la cour du Chasteau, il m'aduint de luy dire, qu'ils'estoit aucunemēt oublié de n'auoir communiqué son œuvre à quelques siens amis, auant que de le publier; D'autant quel'on y recognoissoit, en plusieurs lieux, ie ne sçay quoy du ramage Gascon, plus aisément que Polliō n'auoit autrefois faict le Padoüan de Tite Liue; Chose dont il eust peu receuoir aduis, par vn sien amy. Et comme il ne m'en voulust croire, ie le menay en ma chambre, où i'auoy son Liure; Et là ie luy monstray plusieurs manieres de parler familiares non aux François, ains seulement aux Gascons, *Un Parte-nostre, vn Debie, vn Couple, vn Rencontre, les bestes nous flatent, nous requierent, & non nous à elles: Ces ouurages sentent à l'huile, & à la lampe.* Et sur tout ie luy remonstray, que ie le voyois habiller le mot de *iouir* du tout à l'usage de Gascongne, & non de nostre langue François; *Ny la santé que ie iouy iusques à present; La Lune est celle mesmes que vos ayeuls ont iouye; l'amitié est iouye, à mesure qu'elle est desirée. C'est la vraye solitude, qui se peut iouyr au milieu des Villes, & des Cours des Rois; Mais elle se peut iouyr plus commodement à part; Je reçoyma santé les bras ouuerts, & aiguise mon goust à la iouyr.* Plusieurs autres locutions luy representay- ie, non seulement sur ce mot, ains sur plusieurs autres, dont ie ne me suis proposé de vous faire icy l'Inuentaie; & estimoy, qu'à la premiere & prochaine impressiō, que l'on feroit de son Liure, il donneroit ordre de les corriger; Toutesfois non seulement il ne le fit; Mais, comme ainsi soit, qu'il fust preuenü

Termes  
Gascons.

de mort, sa Fille par alliance, l'a fait r'imprimer, tout de la mesme façon qu'il estoit; & nous aduertit par son Epistre Liminaire, que la Dame de Môtaigne le luy auoit enuoyé tout tel que son mary projettoit de le remettre au iour. I'adiousteray à tout cecy, que pendant qu'il faict cōtenāce de se desdaigner, ie ne leu iamaïs Auteur qui s'estimast tant que luy; Car qui auroit rayé tous les passages qu'il a employez à parler de soy, & de sa famille, son œuvre seroit r'accourcy d'un quart, à bonne mesure, spécialement en son troisieme Liure, qui semble estre vne histoire de ses mœurs & actions; Chose que r'attribue aucunement à la liberté de sa vieillesse, quand il le composa.

*Ils s'estimoient  
fort faisant  
semblant  
de se des-  
daigner.*

Vous iugerez, par tout ce que ie vous ay cy-dessus deduit, que le sieur de Montaigne, apres sa mort, a vn ennemy profez en moy, qui m'estimoy pendant sa vie, bien heureux d'estre honoré de son amitié. Ia à Dieu ne plaise. I'aime, respecte, & honore sa memoire, autant & plus que de nul autre. Et quant à ses Essais ( que i'appelle Chefs-d'œuvre ) ie n'ay Liure entre les mains que i'aye tant caressé, que celui-là. I'y trouue tousiours quelque chose à me contenter. C'est vn autre Senecque en nostre langue. A toutes ces manieres de parler de Gascongne & autres mots inusitez, que ie ne puis faire passer à la mōstre, i'oppose vne infinité de beaux traits François & hardis; vne infinité de belles pointes, qui ne sont propres qu'à luy, selon l'abondance de son sens; Et ne me puis encores offenser, quand il se desbonde à parler de luy. Cela



est dict d'un tel air, que i'y prens autant de plaisir, comme s'il parloit d'un autre. Mais, sur tout, son Liure est vn vray seminaire de belles & notables sentences, dont les vnes sont de son estoc; & les autres transplantées si heureusement, & d'une telle naïfueté dans son fonds, qu'il est malaisé de les iuger pour autres, que siennes, d'otie vous remarqueray à la trauersé quelques vnes; Remettant à vostre diligéce, de voir toutes les autres dedans son Liure.

*L'amour est un desir forcené de ce qui nous fuit.*

*Sentences  
notables de  
cet Au-  
theur.*

*La sagesse de la femme est un vray leurre de l'Amour.*

*Le plaisir mutuel d'entre le Mary & la femme doit estre une volupté conscientieuse.*

*S'il est mauuais de viure en necessité; au moins de viure en necessité il n'est aucune necessité.*

*En quel que lieu, où la mort nous attende, nous la deuons attendre partout.*

*Nostre Religion n'a point de plus assésuré fondement, que le mespris de la vie.*

*L'homme d'entendement n'a rien perdu s'il a soy-mesmes.*

*Pendant la faueur de fortune, il se faut preparer à sa desfaueur.*

*Il se trouue autant de differences de nous à nous mesmes, comme de nous à autruy.*

*L'oriche auaritieux a plus mauuais compte de sa passion, que non pas le pauvre.*

*Les haires ne rendent pas tousiours heres, ceux qui les portent.*

*Une fierié genereuse accompaigne la bonne conscience.*



*J'ay ma Cour & mes Loix, pour iuger de moy.*

*La vieillesse nous attache plus derides en l'esprit, qu'au visage.*

*La gehēne est plustost vn essay de la patience, que de la verité.*

*Beaucoup sçauoir apporte occasion de plus douter.*

*Nous formons vne verité, sur la consultation & occurrence de nos cinq sens.*

*Nous ne sommes que ceremonies; les ceremonies nous emportent, & laissons la substance des choses: Nous-nous tenons aux branches, & abandonnons le tronc.*

Quoy? y eust-il iamais sentences plus belles en toute l'ancienneté; que celles-cy? Plusieurs autres vous pourrois-je alleguer, si ie m'estois proposé de faire vn Liure; & non vne lettre. Tout son Liure n'est pas proprement vn parterre, ordonné de diuers carreaux & bordures; *Excellence de son Li.* ains comme vne prairie diuersifiée pefle-mefle & sans art de plusieurs fleurs. Vous n'y rencontrez que sentences; Les vnes courtes; Les autres plus longues; Mais toutes en general pleines de moëlle. Et au surplus diuers subiects, qui en les lisant vous garentissent du sommeil, encores qu'en quelques vns i'y souhaiteroy ie ne sçay quoy de retrenchement. Comme au Chapitre des vers de Virgile; & sur tout en celui du Boiteux; Car en l'un & en l'autre, il me semble auoir fait vn eschange de sa liberté contre vne Licence extraordinaire.

Tout cela va à son esprit. Or, pour le regard de la vie. Estant à Rome il fut fait par honneur Bourgeois de la ville. En France, par le *Ses bōneurs*

*Ses digni-  
tez en Fra-  
nce.*

*Sa mort.*

*Ses deux  
filles l'une  
de son ma-  
riage, l'aut-  
re par al-  
liance.*

Roy Charles IX. Cheualier de l'Ordre de saint Michel; Et entre ses compatriotes, honoré de la Mairrie de Bourdeaux, qui n'est pas petite dignité en la ville. Au demeurant ne pensez pas que sa vie ait esté autre, que le ganeral de ses écrits. Il mourut en sa maison de Montaigne, où luy tomba vne esquinancie sur la langue, de telle façon qu'il demeura trois iours entiers, plein d'entendement sans pouuoir parler. Au moyen dequoy, il estoit contraint d'auoir recours à sa plume, pour faire entendre ses volontez. Et comme il sentit sa fin approcher, il pria par vn petit buletin, sa femme, de semôdre quelques Gentilshommes siens voisins, affin de prendre congé d'eux. Arruez qu'ils furent, il fit dire la Messe en sa chambre; & cōme le Prestre estoit sur l'esleuation du Corpus Domini, ce pauvre Gentilhomme s'eslance au moins mal qu'il peut, comme à corps perdu, sur son lict, les mains ioinctes: Et en ce dernier acte redit son esprit à Dieu. Qui fut vn beau miroir de l'interieur de son Ame. Il laissa deux filles; l'vne qui naquit de son mariage, heritiere de tous & chacuns ses biens, qui est mariee en bon lieu; l'autre sa fille par alliance, heritiere de ses estudes. Toutes deux Damoiselles tres-vertueuses. Mais sur tout ie ne puis clorre ma lettre, sans vous parler de la seconde. Cette-cy est la damoiselle de Iars, qui appartient à plusieurs grandes & nobles familles de Paris; Laquelle ne s'est proposee d'auoir iamais autre mary que sō honneur, enrichi par la lecture des bons Liures; Et sur tous les autres, des Essais du Seigneur de Montai-

Montaigne; lequel faisant en l'an 1588. vn lōg  
 seiour en la ville de Paris, elle le vint expres vi-  
 siter, pour le cognoistre de face. Mesmes  
 que la Damoiselle de Gournay sa mere &  
 elle le menerent en leur maison de Gournay,  
 où il seiourna trois mois en deux ou trois  
 voyages, avec tous les honnestes accueils  
 que l'on pourroit souhaitter. En fin cette ver-  
 tueuse Damoiselle aduertie de sa mort, tra-  
 uerssa presque toute la France, souz la fa-  
 ueur des passeports, tant par son propre  
 dessein, que par celuy de la veufue & de la fille  
 qui la conuierent d'aller mesler ses pleurs & re-  
 grets, qui furent infinis, avec les leurs. L'histoire  
 en est vrayemēt memorable. La vie de ce gētil-  
 homme ne pouuoit estre clause d'vne plus bel-  
 le catastrophe que celle cy. A Dieu.

*A Monsieur Pelgé; Conseiller du Roy, & Mai-  
 stre en sa Chambre des Comptes de Paris.*

**M**Aiseussiez vous' estimé que la Gascon- Ayant pres-  
 posé quatre  
 graves Es-  
 crivains  
 Gascons, il  
 s'arreste à  
 louer le  
 sieur de  
 Montluc,  
 gne, qui est logee en vn arriere-coin de la  
 France, nous eust peu produire quatre plumes  
 Françoises telles que celles des Seigneurs de Mō-  
 luc, Montaigne, Raimond, & Bertas; les trois  
 premiers en prose, le dernier en vers ? Et en-  
 cores que le premier de ces quatre personages  
 se soit rendu admirable, ie ne diray inimitable  
 au recit de ses faicts heroïques, & discipline mi-  
 litaire, le second en la deduction d'vne infinité  
 de beaux & riches discours, le troisieme en la  
 mutation des Religions, & le quatriesme en l'e-  
 xaltation des ouurages de Dieu. Au regard du

sieur de Montaigne, ie vous ay amplement es-  
crit par mes dernieres quel iugement i'en fai-  
sois. Ie veux vouer ceste cy au Marechal de  
Monluc. Voyons le doncques maintenant en-  
trer sur l'eschaffaut, pour iouer son rolle. Para-  
uventure ferons nous bien empeschez, de iuger  
auquel des deux il excella le plus, ou au bien  
faire, ou au bien escrire : L'vn & l'autre pro-  
uenants en lui d'vn meisme fonds & estoc de son  
naturel.

*Les de-  
grez mili-  
taires où a  
passé mon-  
sieur de  
Monluc  
deuant  
qu'estre  
Mareschal  
de France.  
Son bonne-  
steretraite.*

M'estant retiré chez moy ( dit-il au commence-  
ment du premier Liure des Commentaires de  
sa vie ) en l'aage de soixante & quinze ans, pour trou-  
uer quelque repos, apres tant & tant de peines par  
moy souffertes pendant le temps de cinquante cinq  
ans, que i'ay portées les armes pour le seruice des Rois  
mes Maistres, ayant passé par degrez par tous les or-  
dres, de Soldat, Enseigne, Lieutenant, Capitaine en  
Chef, Maistre de Camp, Gouverneur de places,  
Lieutenant de Roy es Prouinces de la Toscane, & de la  
Guyenne, & Marechal de France, me voyant estro-  
pié presque de tous mes membres, d'harquebuzades,  
coups de picques, & d'espees, & à demy inutile, sans  
force & sans esperance de recouurer guerison de la grã-  
de harquebuzade que i'ay au visage, apres auoir re-  
mis la charge de Gouverneur de Guyenne entre les  
mains de sa Maiesté, i'ay voulu employer le temps  
qui me reste à descrire les combats ausquels ie me suis  
trouué pendant cinquante deux ans que i'ay comman-  
dé; M'assurant que les Capitaines qui liront ma vie,  
y verront des choses desquelles ils pourront aussi fai-  
re leur profit, & acquerir honneur & reputa-  
tion.

Futil iamais premiere desmarche en Liure, plus hardie que ceste cy? Quelque esprit vif-queux dira, que c'est vne Rodomontade de Gascon, offensant à tort toute vne Prouince, pour excuser ou accuser la liberté du grand Monluc. Toutesfois ie ne pense point qu'il faille trouuer rien de mauuais en celuy qui ne se mit iamais en bute que le bien faire. Vous trouuerez dedans ses Commentaires vn style soldatesque, entremeslé du langage de Gascongne, de laquelle il estoit extrait. Chose non à luy malseante pour estre le Gascon naturellement soldat. Mais ce que ie diray cy-apres est sans comparaison plus hardy: Parce qu'escriuant sa vie, tout ainsi que Xenophon en sa Cyropédie propose le Roy Cyrus, nostre Philippe de Commines, le Roy Louys XI. Claude de Seisselle Roy Louys XII. chacun en son endroit pour patrons & exemplaires de l'accomplissement d'un Prince: Aussi ce grand Capitaine de Monluc par vn priuilege special de sa plume, represente ses braues exploits pour estre suiui par ceux qui sans dissimulation & hypocrisie feront profession des armes. Et non sans grande raison a il intitulé son œuvre, Commentaires, ce qu'en nostre langue vn Commines, & apres luy vn Martin du Bellay voulurét appeller Memoires: car pour bié dire, sans nous eslongner de nostre vulgaire François, apres auoir recité chaque memorable exploit par luy faict, il apporte tout d'une suite vn beau Commentaire. De maniere que nous ferions tort à son Liure, si

*Commentaires ap-  
peliez par  
le sieur de  
Monluc,  
que les au-  
tres ont  
nommez  
Memoires.*



ne le nommions Commentaires; encores que ie sçache bien, que tellen'ait esté son intention, luy baillant cetitre, ains de suiure la piste du grand Iules Cesar Romain, qui donna pareil nō à l'histoire qu'il fit des guerres par luy heureusement exploitées; Et de moy, i'appelle Commentaires les belles instructions militaires que nostre Monluc baille à la suite de son narré. Particularitez que i'ay voulu allembiquer, non de tout son œuvre, ains du premier Liure seulement, afin de donner enuie au Lecteur de le lire tout de son long, par le crayon qu'il verra auoir esté icy par moy tracé en gros.

D'une chose m'esbahi-ie, non qu'il se soit rendu espouventable au fait des armes (cela luy peut auoir esté familier avec quelques autres guerriers) mais que voulant rediger l'histoire de sa vie par escrit, il l'ait peu circonstantier des lieux, des personnes, de leurs noms, tant d'un party que d'autre, des obstacles qui se presenterent. Brief qu'il n'y ait rien mis en oubly, cōme s'il eust encores combatu en plein chmap. En quoy il faut necessairement de deux choses l'une: Ou que pendant qu'il iouïoit des mains aux champs, il se donnast le loisir en sa chambre, apres son retour, de faire de fideles memoires de ce qui s'estoit passé, pour s'en aider à l'aueir. Chose qui outre passe d'un long traict la patience du François. Ou bien que ne l'ayât fait, lors que sur son vieil aage il voulut mettre la main à la plume, toutes les particularitez de cinquante deux ans se representassent à luy.

*Combien  
exactes  
sont ces  
Commen-  
taires de  
Monluc.*

*Memoire  
admirable  
de ce Sei-  
gneur.*



Memoire certes, qui de nulle memoire n'eust iamais sa semblable. Et par ainsi soit l'un ou l'autre, il semble que par un signalé miracle, nature ait en cecy voulu faire en lui un chef d'œuvre. Cela soit par moy dit en passant. Au demeurant estimez qu'en ce que vous lirez cy apres dedans ce chapitre, c'est le mesme Autheur qui parle, & non moy.

1. Dés lors (dit il) que ie commencay de porter l'Enseigne, j'ay pris à me chaëtier du ieu, du vin, & del' Avarice: Cognoissant, que tous Capitaines qui seroient de cette complexion, n'estoient pas pour paruenir à estre grands hommes.

*Correction*  
aux mœurs  
du sieur de  
Montuc.

2. Peut estre y aura il aucuns qui diront, Si ie ne desrobe le Roy, & les soldats, que j'ay à present sous ma charge, comment acheteray-je des biens pour pourvoir mes enfans? Je respondray à cela: Voulez vous enrichir vos enfans de mauuaise reputation & renommee? O le mauuais heritage que vous leur laissez.

*Qu'il ne  
doit laisser  
ses enfans  
riches du  
larcin fait  
sur ses sol-  
dats.*

3. J'atteste deuant Dieu & l'appelle à tesmoin, qu'en ma vie ie n'ay eu trente escus plus que de ma paye. Et quelques charges que j'aye eues, soit en Italie, ou en France, j'ay tousiours esté contraint d'emprunter de l'argent pour m'en iuenir.

*Sur sa frugalité*

4. Quant au faict de l'amour des femmes, qui est un quatriesme defaut, si ne le pouuez chäter, au moins allez y sobremēt sans vous perdre: Ne vous y engagez, laissez l'amour au crochet tandis que Mars est en campagne. Vous n'auiez apres que trop de temps. Je me puis vanter, que iamais affection, ny folie ne me destourna d'entreprendre & executer ce qui m'estoit commandé. A ces hommes qui en vsent autrement, il faut pendre une quenouille, & non une espee au costé.

*La chasteté  
doit accom-  
pagner  
Mars.*

5. En l'obeïssance se recognoist la vertu & sagesse du soldat; & en la desobeïssance se perd la vie & la reputation. Vn cheual rebours ne fit iamais rien qui vaille.

De la hardiesse. 6. Ceux qui desirent avec les armes acquerir de la reputation, facent resolution de fermer les yeux à tous perils & hazards, aux premieres rencontres où ils se trouveront. Car c'est sur eux qu'on iette les yeux pour voir s'ils ont rien de bon au ventre. Que si au commencement ils font quelque acte signalé, pour monstrier leur courage & leur hardiesse, cela les marque pour iamais, & les faict cognoistre, mesmes leur donne le cœur & courage de faire mieux pour le temps aduenir.

7. Il faut le plus que lon peut desrober aux soldats la cognoissance du danger qui se presente, si l'on veut qu'ils aillent de bon cœur au combat.

8. Les longues consultations en la guerre bien souuent font perdre beaucoup de bonnes entreprises.

Des harquebuses. 9. Parlant de l'introduction des harquebuses: Que pleust à Dieu, que ce malheureux instrument n'eust iamais esté inuenté. Tant de braues & vaillants hommes ne feussent morts de la main le plus souuent des plus poltrons & plus lasches, qui n'oseroient regarder au visage celuy que de loing ils renuersent par terre de leurs malheureuses balles.

10. Parlant d'un nouueau defastre. Ce qui luy donna beaucoup de desplaisir pour la cōsequēce qu'aportoit ordinairement lors qu'au cōmencemēt on donne, curée aux ennemis: Il veut dire, lors qu'un malheureux

succés aduient du commencement d'un camp à l'aumentage de son ennemy.

11 Il n'y a pas moins d'honneur de faire une belle retraite que d'aller au combat.

12. Ce que vous Capitaines deuez desirer le plus, Despre-  
est de chercher l'occasion pour laquelle vous puissiez miers ex-  
monstrer ce que voulez, quand commencerez plus va-  
à porter les armes. Car si du commencement vous leureux.  
demeurez victorieux; vous faites deux choses. La  
premiere, qu'estes louez & estimez des grands. Et  
par ce moyen par leur raport vous serez cognus du  
Roy, duquel nous deuons esperer la recompense de nos  
seruices. La seconde, que tous les vaillants soldats  
chercheront d'estre à vous, estimants que puis qu'avez  
eu si bon commencement, toutes choses vous doiuent  
succeder heureusement, & qu'ils seront par ce moyen  
employez.

13 Souuenez vous, mes compagnons, quand vous  
vous trouuerez en estat de voir une grande force sur  
vos bras, laquelle vous pouuez tenir en bride par la  
perte de peu d'hommes, de ne craindre point le ha-  
hard.

Il est tres-dangereux des'aider de celui qui quitte son  
Prince & Seigneur naturel; non pas qu'on le doine re-  
fuser, quand il se vient ietter entre vos bras, mais on ne De celui  
qui quitte  
son Prince.  
luy doit bailler la garde d'une place, avec laquelle il  
puisse faire sa paix, & r'entrer en grace avec son  
Prince.

14. Il n'y a rien qu'un grand cœur n'entreprenne pour  
se vanger.

15. C'est une bien grande sagesse d'apprendre & se  
faire sage aux despens d'autrui.

Parlant de la iournee de Pauie, & de la

*De la prise du Roy François I. devant Pavie.* prise du Roy François I. de ce nom. La France a long tempsploré ceste perte, & la prise de ce brave Prince, qui pensoit trouver la fortune favorable, comme à la journée des Suisses; mais elle luy tourna le dos, & fit voir combien il importe à un Roy se trouver luy mesmes à la bataille. Veu que bien souvent sa prise me- ne apres soy la ruine de son Estat. Toutesfois Dieu re- garda le sien d'un œil de pitié: Car les victorieux per- dirent le sens, esblouiz de leur victoire.

16. C'est une grande faute aux Rois & aux Princes. qui entreprennent de grandes choses, de tenir si peu de compte de ceux qu'ils ont engagez aux entreprises de consequence, comme estoit celle du Seigneur de l'Au- trech.

*Des pointes d'honneur.* 17. Ces petites pointes d'honneur servent beaucoup à la guerre, & font que quand on s'y trouve, on ne craint rien. Bien est vray qu'on se trompe souvent: Car on n'en raporte que des coups. Il n'y a ordre; Il en faut prendre & donner.

18. Le plus du temps nous jugeons par les evenè- ments.

*Des Legio- naires in- stituez par le Roy François I.* 19. Au premier remuement des guerres le Roy François dressa les Legionnaires. Qui fut une tres-belle in- stitution, si elle eust esté suivie. Pour quelque temps nos Ordonnances & Loix sont gardees, mais apres tout s'abastardit. Car c'est le vray moyen d'avoir tousiours une bonne armee sur pieds, comme faisoient les Ro- mains, & de tenir son peuple aguerry. Combien que ie ne scay si cela est bon ou mauvais; la dispute n'en est pas peute. Si aimeroiy- ie bien mieux me fier aux miens, qu'aux estrangers. Cela fut l'an mil cinq cens trente quatre.

*Ane de* 20. Sur la fin de 1538. Anne de Montmorency

Grand Maistre, nous est fait Connestable de France. Estat qui auoit tousiours vacqué depuis la fuite du Seigneur de Bourbon. Nos Rois on fait ainsi vacquer cest Estat pour oster la ialousie entre les Princes : Et pour le grand danger qu'il y a de mettre une si grande charge entre les mains d'un seul ; Tesmoins S. Pol, & Bourbon. Ce dernier a esté bien fidelle, & est mort au service de sa Maiesté ; S'estant tousiours monstré grand & sage Capitaine. La verité me force de le dire, & non pas l'obligation que ie luy ay. Car il ne m'a iamais aimé ny les siens.

Mortimorency fait Connestable. Estat qui auoit vacqué long temps.

Parlant de l'armee Turquesque qui vint sous la conduite de Barberouille au secours du Roy François cōtre l'Empereur Charles cinquiesme.

21. Chose que l'on'improperoit au Roy. Quant à moy (dit Monluc) si ie pouuois appeller les esprits des Enfers, pour rompre la teste à mon ennemy, qui me veut rompre la mienne, ie le ferois de bon cœur.

22. L'ay tousiours fait entendre aux soldats, que i'auois certain presage, que quand cela m'adrenoit i'estois seur de vaincre. Ce que ie n'ay iamais fait, sinon pour y faire amuser les soldats; affin qu'ils eussent tousiours la victoire pour gaignee. & m'en suis tousiours tres-bien trouué. Car mon assurance rendoit assurez les plus timides. Les simples soldats sont aisez à estre pipez, & quelquefois les plus habiles.

Les simples aisez à estre trompez.

Le desordre vient tousiours plus de la quenë, que par la teste.

23. L'ay tousiours en ceste opinion, & croy qu'un bon Capitaine la doit auoir, qu'il vaut mieux attaquer une place pour la surprendre, lors que personne ne vous tient la main, que si quelque traistre la conduit: Car

Des surprises de place.



pour le moins estes vous assuré, qu'il n'y a point de contretrahison : & vous retirez si faillez, avec moins de danger. Car vostre ennemy ne vous peut dresser des embusches.

24. Ce qu'un Capitaine peut faire, se voyant assiégué d'un peril. Capitaines, mes compaignons, quand vous vous trouuerez en telles nopces, pressez vos gens, parlez à l'un & à l'autre, remuez vous, croyez que vous les rendrez vaillans tout outre, quand ils ne le seroient qu'à demy.

25. J'ay ouy dire à de grands Capitaines, qu'il est besoin d'estre quelquefois battu. Car on se fait sage par sa perte. Mais ie me suis bien trouué de ne l'auoir pas esté. Et ay mieux aimé, m'estre fait aduise aux despens d'autrui, qu'aux miens.

De l'accoustumance à la peine.

26. Il faut, mes compaignons, de bonne heure s'accoustumer à la peine, & à patir sans dormir, & sans manger; affin que vous trouuant au besoin, vous portiez cela patiemment.

De la vigilance des Capitaines.

27. Il faut, Capitaines, que vous ayez non seulement l'œil; mais l'esprit au guet. C'est sur vostre vigilance que vostre troupe repose. Scauez vous ce qui vous peut auenir, mesurant tousiours le temps, & prenant les choses au pis, sans mespriser vostre ennemy? Si vous scauez avec paroles allegres & ioyeuses flater le soldat, & l'esueille, luy representant par fois le danger, où le peu de sejour vous mettra, vous en ferez ce que voudrez : & sans luy donner loisir de dormir, vous le mettez & vous aussi en lieu de seurté, sans engager vostre honneur, comme plusieurs que j'ay veuz attrapez couchez (comme l'on dit) à la Françoisé. On sçait que nostre nation ne peut patir longuement, comme fait l'Espagnole, & l'Allemande. La faulx n'est pas à

Le François impatient.



lanation, ny à nostre naturel: mais cela est la faute du chef. Je suis François, impatient (dit on) & encores Gascon, qui le surpasse d'impaticence. & cholere cōme ie pense, qu'il faict. Mais si ay-ie tousiours esté patient, & ay porté la peine autant qu'on scauroit faire. Et i'en ay veu plusieurs de mon temps & aures que i'ay nourris, lesquels s'endurcissoient à la peine & au labour. Croyez, vous qui commandez aux armes, que si vous estes tels, vous en rendrez aussi vos soldats à la longue. Tant y a que si i'en eusse ainsi usé, i'estois mort ou pris.

28. En cecy les Capitaines pourrront estre instruits *Qu'un Ca-*  
 de ne prendre iamaïs la fuite, ou pour parler plus hon- *ptaine ne*  
 nestement, vne hastiue retraicte, sans auoir recognu qui *doit prēdre*  
 les doit chasser. Et encores le voyant, chercher les re- *temeraire-*  
 medes pour resister, iusques à ce qu'ils n'y voyēt plus or- *ment la*  
 dre. Car apres que tout ce que Dieu a mis aux hommes *fuite, sans*  
 y est employé, alors la fuite n'est pas honteuse, ny vilai- *auoir essayé*  
 ne. Mes Capitaines, mes compaignons, croyez que *toutes sortes*  
 si vous n'employez le tout, chacun dira, & ceux mes- *de resister.*  
 mes qui ont fuy avec vous, S'il eust faict cela, le mal-  
 leur ne fust point aduenü, la chose eust mieux succ-  
 dé. Et tel en brane & parle le plus haut, qui fuit  
 peut estre le premier. Et voyla l'honneur d'un hom-  
 me de bien (pour bien vaillant qu'il soit) en dispute  
 de tout le monde. Quand il ne s'y peut plus rien, il ne  
 faut estre opiniastre, ains ceder à la fortune, laquel-  
 le ne rit pas tousiours. On n'est pas moins digne de  
 blasme lors qu'on se perd, se pouuant retirer de la  
 meslee, & qu'on se voit perdu, que si du premier coup  
 en prenoit la fuite. L'un est toutesfois plus vilain  
 que l'autre. L'un vous faict estimer mal auisé, &  
 de peu d'entendement, & l'autre poliron &

coward. Il faut euitier & l'une & l'autre extremié. Il faut venir à ces folles & desesperees resolutions, lors que vous vous voyez tomber és mains d'un impitoyable enemy, & sans mercy. C'est là où il faut creuer, & vendre bien cher vostre peau. Vn desespere en vaut dix. Mais fuir sans scanoir qui vous chasse, cela est honteux, & indigne d'un bon cœur.

Quand au lieu du seigneur de Boutieres, le Roy François premier de ce nom, enuoya en Piedmont Monsieur d'Anghian pour y estre son Lieutenant general.

*Qu'il faut  
de la mo-  
deration  
en toutes  
choses.*

29. Il y a bien (dit Monluc) des affaires en ce monde, & ceux qui ont de grandes charges ne sont pas sans peine. Car s'ils se hazardent trop, & qu'ils perdent, les voila mal estimez, & ingez pour fols & mal aduisez. S'ils sont longs & lents, on s'en mocque, voire les tient on à cowardise. Les sages tiendront un entredoux : Mais cependant nos Maistres ne se payent point de ces discours. Ils veulent qu'on face leurs affaires. Tel caquette des autres, que s'il y estoit, se trouueroit bien empesché.

Voyla les sages instructions que j'ay extraites de son premier Liure, par lesquelles tout ainsi que le bon Veneur recognoist aux voyes, le Cerf, aussi estime-je qu'on pourra aisément cognoistre quel fut ce braue Monluc en l'art dont il faisoit profession. Vne singularité obserué-ic en luy, nō commune à tous les autres Seigneurs de la France. Car combien qu'il ne desirast rien tant que d'estre aimé des Roys ses Maistres, toutesfois il ne se fit iamais mignon de Cour pour muguer leurs faueurs : ains n'eust autre repos en son Ame, qu'une conti-

*Naturel  
libre du  
Sieur de  
Montluc.*

nuelle inquietude des armes. En quoy il fut vn parangon: Et nos Rois pour recompense, n'ont induits d'autres semonces, que de leurs propres instincts, le gratifierent de tous les grades d'honneur, qu'un grand Capitaine peut souhaiter, ou esperer. Et moy en moy particulier; j'ay voulu honorer sa memoire d'un Epitaphe; auquel ie pense en peu de paroles auoir honoré le gros de sa vie, tant sur sa plume, que sur son espec, remettant le debit qui se pourra faire en detail sur la lecture des lettres de son histoire.

*Hæc Monlucius est sepultus urna,  
Quem si nosse voles, viator, eius  
Scripta perlege, si quidem his in ipsis  
Expressa ingenii sui est imago.  
Corpus hoc tumultu quiescit: at tu  
Deus, fac animus quiescat in te:  
Qui nullam coluit quietus aulam;  
Sed solis requiem dicauit armis.*

*Epitaphe  
du Sieur  
de Monluc.*

Epitaphe que j'ay voulu rendre François au moins mal qu'il m'a esté possible.

*La mesme  
en François.*

*Cy dessous gist Monluc. Que si tu veux scauoir,  
Quel fut ce grand guerrier, Passant, il te faut voir,  
Tout ce qu'il a de soy si brauement escrit:  
Où tu verras pourtrait au naïf son esprit.  
Icy son corps repose, icy logent ses os,  
O Dieu, vueille loger son Ame en ton repos:  
Qui iamaïs dans la Cour des Rois ne reposa,  
Ains son repos sans plus sur les armes posa.*

Conclusion, par sa mort nous perdimes en luy, un Seigneur riche, d'ans, de sens, de cœur, de coups, de braues exploits, & recommandables honneurs. A Dieu.

*A Monsieur de Beaurin, Conseiller du Roy, &  
Maistre ordinaire en en sa Chambre  
des Comptes.*

*En se ionāt  
il rapporte  
beaucoup  
de choses  
remarquables pour  
contre les  
singularitez  
des fēmes.*

**V**ous ne receurez de moy sur le cōmencement & milieu de cette mienne lettre, que bouffonnerie : Et toutes fois bouffonnerie qui porte quant & soy vne philosophie, & contemplation generale de la vanité de ce monde. Il aduient ordinairement quē sous l'escorce d'une fable, nous descouurons la verité. Cettuy est le subiect de la presente.

L'estois n'agueres en vn lieu, où y ayants plusieurs Gentilshommes & Damoiselles, se passerent diuers propos de merite : & entre autres tombasmes sur les singularitez, tant du corps, que de l'esprit, qui se trouuoient ordinairement aux Dames : Singularitez auxquelles les ieunes gens de quelque profession qu'ils feussent, auoient beaucoup d'obligation ; comme leur seruants de premieres leçons, pour se façonner. Ce propos diuersement proumené à l'aduantage des femmes, & fort biē recueilly de toute la compagnie, se trouua vn Gentilhomme de la troupe, lequel par maniere de rire, voulut en tout & par tout contredire cette propositiō. Et d'autant que ce qui fut lors passé entre nous merite d'estre sceu, ie vous en veus faire part. Parauenture sur meilleur subiet que cettuy ne sçaurions-nous maintenant tromper nostre loisir ; Moy en le vous escriuant ; Et vous apres en le lisant.

Vous appelez (dit ce Gentilhomme en se souf-

riant) singularitez aux Dames, ce que ie nōme  
 Singeries. Car ostez d'elles les Singeries, vous  
 ostez tout ce que pensez estre de singulier en  
 elles. A ce mot, chacun de nous commenca au-  
 cunement de murmurer, comme estant vne  
 nouvelle heresie, qu'il vouloit semer au des-  
 aduantage des femmes. Mais luy d'vne chere  
 hardie. Non-non, (poursuit il) ne vous estōnez  
 de cette miennepremiere desmarche, mais sus-  
 pendez vostre iugement, iusques à la fin de mō  
 discours. I ay leu dedans vn vieil Talmudiste,  
 que les Dieux voulants bastir l'homme, prin-  
 drent vne grosse masse de terre, laquelle ils pe-  
 strirent longuemēt avec ie ne scay quoy de ce-  
 leste, & vn certain temperamment des quatre  
 qualitez elementaires; puis ayants mis toute  
 cette masse à la fonte firent l'homme, composé  
 d'vne Ame raisonnable. Oeuure accompli de  
 perfection par dessus tous les autres animaux;  
 Et d'autant qu'il se trouuoit rester beaucoup  
 de matiere, voulurent mettre ce surplus en la  
 mēme fonte; mais n'estant de si riche estoffe  
 que la premiere, ils en tirerēt la fēme, de beau-  
 coup plus bas & foible alloy quel'homme. Il  
 restoit encores quelque peu d'elcume de la fē-  
 me, dont les Dieux pour nerien perdre firent  
 de petits auortons de nature, qui furent appel-  
 lez pygmees ou nains & des Singes leurs demi-  
 freres. Tellement que cōme l'homme est moi-  
 toyen entre les Dieux & la femme; Aussi sem-  
 ble la femme l'estre entre l'homme & les  
 Pygmees & Singes; Empruntant de  
 l'homme quelque image de la raison, & du

*Singeries  
 aux femmes  
 sont toutes  
 leurs singu-  
 laritez.*

*Fable plai-  
 sante sur la  
 creation de  
 l'homme  
 & de la  
 femme.*

*Les Pyg-  
 mees d'oū  
 creez.*

*Et les Sin-  
 ges.*



Singe plusieurs grandes remarques; comme pareillement du Pygmee: parce que la femme est naturellement beaucoup plus petite que l'homme, voire que s'il s'en rencontre quelque vne, qui excède en grâdeur de corps les autres, on dit, comme si ce fust chose monstrueuse, que c'est vne Homallè. Sur cela les femmes voyants que de leur escume auoit esté procréé le singe, animal assez plaisant, & cognoissants qu'elles estoient nees, pour complaire à l'homme, s'estudierent de là en auant de proceder de bien en mieux; & par vn artifice nouueau alambiquerēt la quint'essence des Singes, que nous appellons singeries, qui leur sont si familières, que quand repasserez sur toutes les singularitez de corps & d'esprit qu'estimez resider en elles, vous n'y trouuerez autres choses que singeries; voire lors mesme qu'elles se disposent à mieux faire.

*Les singeries d'où  
prindrent  
leur origine.*

A ceste parolle se ferma le Gentilhomme, de vne grace si agreable, qu'au lieu de nous courroucer, chacun commença de rire. Mais vne sage Damoiselle ne voulut demeurer en si beau chemin, sans luy rendre son change. Vous dites vray, mon Gentilhomme, (fit elle) aussi en auoy-je autant ouy dire, à ceux qui n'y entendent non plus que vous. Mais accordez moy le passage de vostre Thalmudiste, avec celuy d'un autre Rabbi, translaté en vieux François, qui est tombé entre mes mains. Celuy dont ie parle nous enseigne, que lors de nostre premier estre, il y auoit vn grâd jardin, planté d'infins arbres produisans non seulement toutes sortes de  
fruits,



fruitz, mais aussi les sciences & les animaux: tous fruits (vous dy ie) destinez pour l'usage del'homme, fors & excepté celuy de la science que les Dieux auoyent expressement reseruee, pour leur table. Toutesfois, telle fut l'outrageance del'homme, que par vne conuoitise allouuie, il voulut gouter de ce fruit, desirant aucunement s'esgaler aux Dieux, lesquels grandement indignez de cette presumption, s'en vegerent en cette maniere. Ioignant l'arbre de science y en auoit vn autre, qui de toute ancienneté produisoit des Singes, fruit si agreable à l'homme, que l'arbre en estoit du tout despouillé; De tout le fruit ne restant plus dessus les branches, que la queue, qui est la cause pour laquelle vous voyez encores aujourd'huy les singes estre demcurez sans queue. Si s'aduiferent tous les Dieux par vn chapitre general, tenu dedans leur cōclauue, en vengeance de l'orgueil de l'homme, de le confiner vn long temps sur cest arbre, & l'enter dessus la queue des singes. De maniere qu'estant comme vn Tantale vis-à-vis du fruit de science, il n'y pouuoit neantmoins atteindre, que de la portee de son œil: & depuis les Dieux, pour ne discontinuër leur vengeance, voulurent tout à fait bannir l'homme de ce beau iardin; & d'une suite cueillirent tous les autres animaux de chaque arbre pour les releguer avec luy.

Or entendez les Commentaires que ce Rabbi fait sur ce compte. L'homme (dit-il) ayant esté enté sur l'arbre des Singes, en a tousiours retenu la nature, non pas quant à l'escorce, car

*Les hommes  
sont vrais  
Singes.*

toujours luy est demeuree sa premiere face & superficie, ains au dedans de l'esprit : Toutes les actions n'estans que pures Singeries. L'Artizan contrefait le Marchand; Le Marchand fait du Gétilhôme; Luy du prince; & le prince contrefait le Roy; & vn Roy pour ne pouuoir monter plus haut en ce bas estre, veut quelquefois qu'on croye, qu'il est vn nouveau Dieu sur Terre. En tous leurs deportemens les hommes ne sont-ils pas de vrais Singes les vns des autres ? Et mesmement par ce que l'homme voyoit seulement l'exterieur de la science, sans en gouster ; toutes les sciences, qui furent depuis inuentees, ne furent que Singeries, & amusoirs de nos esprits pour tromper le temps : Chacun s'en faisant accroire diuersement, par belles apparences de raisons, sans que puissions asseoir les pieds fermes sur le fonds de la verité, iusques à ce qu'estants despouillez de ceste corruption terrestre, dans laquelle sommes plongez, nous entrons, apres nostre mort, en la perfection de la vraye vie & science, qui gist au Ciel. Nous mesmes, selon la diuersité de nos aages, cōdemnons nos actions ; l'amour, par nous exercee en nostre Printemps ; l'ambition en nostre Esté ; l'auarice, sur nostre Hyuer. Et pendant que faisons, comme vieux Singes, la mouë à nos aages, encores apprestons-nous à rire aux autres. Estant ceste Philosophie du tout vaine, puis que ce sont vices, qui leur sont, comme charges foncieres, annexees à la diuersité de nos aages. Voyla les Singeries du monde, non vrayement telles que auez voulu figurer aux femmes, qui ne gisent

qu'en quelques affecteries par nous recherchées pour complaire aux hommes, qui par leur puissance ont empieté vne tyrannie sur nous. Mais les Singeries depeintes par ce vieux Raby, naissent malheureusement aux Ames des hommes, pour desplaire à ce grand Dieu, auquel ils doiuent consacrer toutes leurs pensées, si par leur nature corrompue, ils n'en estoient destournez.

A tant la Damoiselle; Maintenant ie veux estre de la partie, & vous dire, que ie trouue trois personages auoir esté les plus grands Philosophes du monde; Le sage Salomon, quand en peu de paroles, il nous enseigne, que sous ceste grande voute du Ciel tout estoit plein de vanité: Heraclite, le Pleurant; & Democrite, le Rieux: Car celuy-là en plorant; Et cestuy-cy en riant & se mocquant, visioient au mesme but que le premier. Laissons ce mot de Singerie à ceux, qui par occasion, sous deux narrations fabuleuses, voulurent représenter l'infirmité qui heberge en nous; Et demeurons aux termes du grand Salomon. Qu'est-ce, ie vous prie, que ce bas monde? Vne meslange generale de vanitez; L'adiousteroy volontiers avec celuy, qui fit l'Epitaphe d'Adam de Saint-Victor; Qu'entre toutes les vanitez, il n'y en a point de plus grande, que celle de l'homme.

*Trois grāds  
Philosophes*

----- *Omnia vana,*

*Inter vana nihil varius est homine.*

Moy mesmes prononçant ceste sentence

contrenous, iene la puis prononcer, sans iene  
 scay quelle vanité, qui se loge en mon opinion.  
 C'est vne maladie generale, qui semble estre in-  
 curable; et dōt nous sōmes les seuls instrumēts.  
 Et neātmoins la verité est, que chacun de nous  
 en son particulier y peut mettre ordre. Pendāt  
 que nous apprehendons, ou les richesses, ou les  
 grādeurs, & mettons nos desirs & esperances à  
 l'essor de deux passiōs (qui pour fraternizer en-  
 semble sont les principales bourrelles de nos  
 Ames) nous nous rendons miserables de nous  
 mesmes. Bornez vostre desir, mettez frein à  
 vostre esperance, & faites en vous ce per-  
 petuel iugement de Salomon; Que tout ce qui  
 est en ce bas estre, n'est que vanité, vous ne ferez  
 ny plorer Heraclite, ny rire Democrite, de vo-  
 stre fortune. La vanité, (vous dy-ie derechef)  
 est vne maladie generale, qui regne au milieu  
 de nous tous; maladie toutesfois, dont on est  
 guery, quand on la cognoist. Mon bon amy,  
 veux tu estre garenty de ce mal? estime en toy  
 mesmes. Que toutes choses sont vaines. L'un est  
 plus grand en Estats; l'autre plus riche que  
 moy: Je le veux. Mais au milieu de leurs gran-  
 deurs & richesses, ils ne sont si grāds ne si riches  
 que moy; pour n'estre pas si contents, & pour  
 n'apporter aucunes bornes à leurs opiniōs. En-  
 grauons cette regle stable dans nos cœurs; Que  
 qui ne peut ce qu'il veut, il faut qu'il vueille ce  
 qu'il peut. Celuy qui apportera ce temperamēt  
 en toutes actions, fera menteur Salomon, &  
 luy enseignera que la vanité n'est point vniuer-  
 selle en ce mōde. Mais se peut il faire (me direz

*Toutes cho-  
 ses sont  
 vaines.*

vous) que nos esprits estants composez de tant de diuerses pieces, comme ils sont, se puissent composer de la façon que ie dy? Ouy certes, il se peut faire, & à petit bruit. Iettez l'œil sur ceux que Dieu a mis au dessus de vous, soit en Biens ou en Megistratures, ou en faueurs vers les grands, vous serez perpetuellement miserable, & harassé d'une inquietude d'esprit: Considererez ceux, qui s'ont au dessous de vous, lesquels se trouuent peut estre en plus grand nombre que les autres, vous trouuerez assez de matiere pour vous contenter, & viure en vne bonace & tranquillité d'esprit; c'est à dire estre tant que viurez bien heureux. Quand ie vous dy cela, ne pensez que ie soye du nombre de ces sots philosophes, qui par leur doctrine vouloyent planter l'impassibilité au milieu de nous. Car en ce faisant, au lieu de l'impassibilité, ie plantroy l'impossibilité. Je veux forcer & me redre victorieux de l'opiniō, non de la nature: Par ce que si ie voy vne longue & desesperée maladie en nos corps, ou vne mendicité logee dedans nos maisons, ie demeure court & fay alte: mais ostees ces extremitez, ie soustie, qu'il n'y a point de pauvreté entre nous, sinon celle qui procuiuent de nos folles & vaines imaginatiōs. C'est vn phantōsme & illusion, qui naist dedans l'esprit foible. Je voy tous les grands Seigneurs suiuis d'une troupe de valets; nourrir beaucoup de cheuaux en leurs escuries; habiter chasteaux de parade; estre reuestus de soye pourfillee d'or & d'argent; changer d'habits tous les iours; Et se repaistre de toutes sortes

*Le moyen  
de viure  
bien-heu-  
reux en ce  
monde.*

*Il n'y a  
point de  
pauvreté  
entre nous  
que celle  
que nous  
faisons  
nous mes-  
mes.*



de viandes exquisés. Je ne les estime point plus grands Seigneurs, que celuy qui se contente de son peu, guidé de la maxime par moy cy dessus touchée, *Chacun de nous est le Roy de la Republique, que Dieu luy a baillée en garde.* Car pourquoy n'appelleray ie Republiques nos corps, si nos anciens n'ont douté de les appeller; Petits-mondes? Comme si par vne réduction du grád au petit pied, sur le modèle de nos corps, estoit représenté celuy du grád Vniuers. En ma petite Republique, au lieu de cheuaux, i'ay mes pieds pour me porter; au lieu de valets i'ay mes mains: Je me cõtête d'une robe double, pour me garantir du froid de l'hiuer, & d'une sangle contre les chaleurs de l'esté. Si ie n'ay du bien pour me sustenter, i'ay mes mains qui me fournissent vn reuenue quotidien: Je n'ay pas viandes delicatés comme ces messieurs, mais i'affaisonne les miénes d'une faulx, qu'ils ne cognoissent point, d'une fain, qui me fait trouuer plus de goust en mon petit ordinaire, que tous ces Seigneurs en leurs perdrix. Ceux là avec leurs superfluités accueillent les maladies, dont ma sobrieté me garentit. Brief la différence qu'il y a entre eux & moy; C'est que ie suis Roy en mon peu pour scauoir commander à mes passions; Et eux esclaués en leur trop, pour n'auoir autre commandement que sur leurs valets. Quand ie parle de moy, i'entens sous ma personne, tous ceux qui voudront suiure la profession que ie leur ordonne. Quelque maladuisé courtizan, se moquant de moy, dira que ie suis ce fol Italien, qui tenât

*Microcosme  
dict par les  
anciens,  
qui est le  
petit monde.  
Petite Republique  
au meisme  
sens.*

*Différence  
d'entre les  
Grands &  
les petits.*



vne forme de Sceptre en la main, venoit crier *Fols qui*  
à haute voix, dedans la sale du Palais, qu'il *s'estime et d'*  
estoit vn grand Cæsar; Ou bien l'autre son *estre grâds*  
successeur qui sur le commencement de trou- *Monarques*  
bles de l'an 1561. s'estoit fait accroire qu'il  
estoit Roy des Gaulois; Et comme tel se fai-  
soit porter le long des ruës de Paris, par des  
Crocheteurs. L'vn & l'autre estoient mal or-  
donnez de leurs cerueaux; Et sur ce pied vi-  
uoient en cette folle persuasion de grandeur  
qui les perdoit: Moy au contraire, ie desire  
que nous reduisions nos opinions à cette gran-  
de ordonnance de l'ancien Oracle d'Apol-  
lon; Et que chacun se donne le loisir d'en-  
trer en la cognoissance de soy. Quiconques  
opiniastrera cette leçon, soit pour son corps,  
son esprit, ou ses Biens, ne sera iamais malai-  
sé, reglant toutes les actions par vne medio-  
crité. Le, *Nosce te ipsum*, & le, *Ne quid*  
*nimis*, Anciennes Sentences, qui ont vne  
mutuelle liaison & correspondance, qui  
peut rendre heureux; C'est la Royauté que *Le trop à*  
ie publie, & non celle des grands Princes, les- *craindre*  
quels pour se mescognoistre, & mettre en v- *aux Grâds.*  
sage le *Trop*, au desauantage de leurs pauvres  
subiets, perdent quelquefois & eux, & leurs E-  
stats tout ensemble.

Vous receurez de moy ceste lettre, comme  
les drogues que voyez estre encloses aux bou-  
tiques des Apothiquaires dedans des vases, qui  
par le dehors representent des Cerfs-volants,  
& autres bestes fantasques; Ainsi vous ay-je

408. LIVRE XVIII. DES LETTRES  
voulu, sur le commencement de ma lettre,  
feruir de ie ne sçay quelles grottesques, pour  
vous faire present apres des remedes & preser-  
uatifs que ie pense necessaires aux maladies de  
nos esprits, ores que ie m'assure que n'en ayez  
affaire, pour sçauoir ceste leçon de vous-mes-  
mes, & qui viuez doucement en vn perpetuel  
repos & contentement d'esprit. A Dieu.

*Lestres enuoyees de Rome à Pasquier par le Sieur de  
Banon Vinot.*

*Le Sieur  
de Banon  
escriit à M.  
Pasquier  
sur ce qui  
se passoit à  
Rome.*

**M** On deuoir m'obligeoit à vous rendre  
compte des particularitez de nostre  
voyage: mais le peu de loisir que i'ay eu  
iusques icy, m'a empesché de m'éacquiter. I'ay  
toulours esté si occupé à faire l'honneste, que  
i'en suis demeuré sans honnesteté: ayant man-  
qué en ceste occasion, aux principaux offices à  
quoy ie vous suis tenu. Je repareray ceste faute  
à l'auenir avec tel interest qu'en perdiez la me-  
moire, & me continuerez l'honneur de vostre  
bienuueillance. M<sup>seigneur</sup> l'Ambassadeur est  
entré en ceste ville avec plus de pompe & ma-  
gnificence, qu'aucū autre de ses predecesseurs,  
& y est en grande estime du Pape & de toute la  
Cour. Sa sagesse donne de fortes assurances,  
qu'il maintiendra ceste reputation, & par con-  
séquent qu'il auancera grandement les affaires  
du Roy en ces quartiers. Il ne se dit, ny fait

icy rien de nouveau, qui merite vous estre mandé. La santé du Pape vigoureuse & ieune tient toutes choses en calme, fors les esprits des Courtizans, qui s'allambiquent tousiours sur les attentes de la mutation. Il n'y a ie croy estat au monde, où il se parle si librement du Prince, & où l'on publie si hardiment les interests, qu'on a de desirer le changement. Je vous en entretiendray plus au long, quand le temps & la hantize de ce mode cy, m'en auront rendu plus pratic. Je vous baise humblement les mains.

*A Monsieur de Banon Vinot.*

**E** ne vous scaurois assez reciter combien de contentemēt i'ay receu de vos lettres, non seulement pour m'auoir esté enuoyees de vostre part, mais aussi pour les bonnes nouuelles dont elles estoient accompaignees. Me donnâts aduis du magnifique & fauorable accueil, dont monsieur l'Ambassadeur a esté embrassé entrant dedans Rome. Chose que ie ne trouue estrange, y ayant premier que d'y entrer enuoyé vne bonne bouche deluy, auantcoureuz de sa venuë. Et encores moins m'esbahi-je de la reputation en laquelle il est enuers tous. Ceux qui sont ordinairement employez à la charge d'Ambassade, combien qu'ils soyent Seigneurs de marque, sages, & auisez en ceste negotiation: toutesfois ils font leurs chefs d'œures dedans leurs apprentissages : Mais chacun

*Response à la precedēte, & discours sur l'Ambassade de Monsieur de Breues à Rome.*

*Monsieur  
de Breues  
Ambassa-  
deur en  
Leuant.*

sçait que monsieur de Breues est non aprenty, ains dés pieça maistre passé en cette profession; ainsi qu'il a tesmoigné par plusieurs signalez & agreables seruices faits à son Roy, au Leuât pres le Grand Seigneur. Et à vray dire, c'est vn autre Vlixé, qui par ses grandes & longues nauigations a appris comme il faut melnager les cœurs de ceux avec lesquels il a affaire. Partant ce n'est pas sans raison, qu'esperez que sa presence auancera grandement les affaires du Roy dedans Rome: Esperance certes louable, de laquelle toutes fois ie doute. Sça' vous pourquoy? Il negotie avec gens anciens & pratics, qui balancent leurs Cōseils au poids des faueurs, ou défaueurs de la fortune qui se trouue en chasque Royaume. Ie ne dy pas qu'en cette balance, la suffisance d'vn Ambassadeur ne soit de quelque merite & effect, mais l'ordinaire va plus à la ceremonie, qu'autrement. Et à vray dire, tant & si longuement qu'il plaira à Dieu de nous conseruer nostre Roy, ie ne crain rien dedans Rome: S'il en auenoit faulx, ie craindrois tout.

Quant à ce que sur la fin de vos lettres m'escriuez, que la santé du Pape vigoureuse & ieune tient toutes choses en calme, fors les esprits des Courtizans, qui s'allambiquent toujours sur les attentes d'vne mutation, ie ne le trouue point nouveau. Seulement m'esmerueille-ic, que quelque folastre de Rome n'ait fait iouër au sage Pasquin son rolle sur ce subiect. Il mesouient que Paule III. de la maison de Farnese, estant Cardinal de grand aage, por-

tant la teste courbe & vn bastõ en sa main, support de sa vieillesse, comme s'il eust esté sur le point de trousser bagage en l'autre monde, ayant esté sur cette opinion fait Pape, Pasquin le salua sur son auenement de cest eschantillõ,

*A modo me videbitis.* Mais quelques annees après se voyant frustré de son esperance, luy fit present de cest autre. *Cur discipulus iste non moritur?* La Papauté auoit rendu l'embompont & si ainsi le voulez, fait renaistre, ce grand Prelat. Nous deuons tous nous esjouir d'auoir vn Pape, non grandement vieil, plein de santé de corps, & d'esprit; Moyennant que son aage vegete ne le prouoque aux armes & qu'il maintienne en pleine paix la Chrestienté, & son Estat. Autremét i'entrerois volontiers au party de ces souhaiteurs de Rome. A Dieu.

*Paul III.*

*comment*

*salué par*

*Pasquin*

*venant à la*

*papauté.*

*Lettres du sieur de la Croix à Pasquier.*



Ette cy n'est que pour accompagner vn Sonnet de Monseigneur de Monuerdun, que mon fils present porteur a charge de vous offrir de sa part, lequel il fit ces iours passez allant à la chasse, desorte que s'il y a quelque mot non conuenable, il aura tres-agreable, que vous y donniez l'œil, pour en faire après cõme il vous plaira. N'ayant tracé ce qui en est; que pour vous faire paroistre le desir qu'il a de vous honorer en toutes occasions. Et de moy le voulant en cette deuotion seconder, ie vous en enuoye vn autre de ma façon, non que ie

*Ceste Lettre n'est que pour accompagner vn Sonnet.*

le pense digne de trouuer place dedans vos œures ; mais affin que cognoissiez par effect de combien ie suis, & seray tout le reste de ma vie, vostre tres-humble, & plus obligé seruiteur,  
La Croix.

---

## SONNET

De Messire Anne d'Vrfé, Conseiller d'E-  
stat, sur les Recherches de M.  
Pasquier.

**C**omme on voit le Printemps en sa saison nou-  
uelle  
De mille belles fleurs decorer les prez verds,  
Et tant d'Astres rouler de mouuements diuers,  
Parer le Firmament de leur vifue estincelle.  
Comme l'on voit orner vne ieune pucelle,  
De mille doux attrais, subiect de tant de vers,  
Et la varieté, qui est en l'Vniuers,  
Tesmoigner les beautez de la nature belle.  
En ce Liure, Pasquier (Pasquier dont les escrits,  
Sont par tout honorez, entre les beaux esprits)  
Par mille beaux discours serend inimitable.  
Car Mercure & Pithon verserent tout leur mieux  
Dans ces riches thresors, qu'il emprunte des Cieux,  
Pour se rendre à iamais en la Terre admirable.

ANNE D'VRFE.

NE' D'VN FARE.



## SONNET

De la Croix, sur mesme subiect, finissant  
par l'Anagramme du nom &  
surnom d'Estiene  
Pasquier.

**L**E Laboureur conduit ses cheuaux & ses beuz,  
Pour les paistre au matin dedans les verds pas-  
cages,  
Et repeuz, vigoureux les met aux labourages,  
Puis soulage leur peine en ses Pasquiers herbeuz.  
Celuy qui sage veut d'un labeur curieux  
Donner vie eternelle en tout aage à nos aages,  
Doit chercher & se paistre aux ver fleuris herbages,  
Dont Pasquier a dressé ce plan laborieux.  
Tout son doctelabeur est un Pasquier fertile,  
Un Pasquier sans broussaille, & un champ doux-  
vile,  
A ceux qui de ses fleurs, & fruiets se vont  
paissans.  
Qui cherche, & pour trouuer, comme Pasquier prend  
peine,  
Et le peut imiter, sa peine n'est pas vaine;  
Le plus ieune apreusi avec PEINE ACQUIERT  
SENS.

Rencontre sur le mesme Anagramme.

ESTIENNE PASQUIER.

PEINE AQVIERT SENS.

*Nul pain sans peine,  
PEINE AQVIERT SENS,  
Sens nous estreigne,  
Et, comme Pasquier, rend puissans.*

*A Messire Anne d'Urfé, Conseiller d'Estat.*

*Remerci-  
ment pour  
le Sonnet  
qu'il luy a-  
voit en-  
voyé.*

**L**E Seigneur de la Croix m'a par vostre commandement faict part d'un Sonnet, dont, ainsi qu'il m'escrit, auez voulu honorer mes Recherches, estât à la chasse. Iene sçay quelle prise vous feites lors. Bien diray-ie, qu'auez pris en moy, non vne beste, si en estes creu, ains vn personnage de merite. Et à vray dire, vos carmes m'ont esté vn charme, par lequel ie dirois volontiers; que m'auez tout transformé en vous, n'estoit que me hautloüant par vos vers d'une merueilleuse façon, ie crain que d'un vicillard non guieres sage, n'ayez faict vn fol enragé. Car la vieillesse n'a de soy-mesme que trop de pointes & aiguillons pour se perdre en ce subiect, sans y apporter nouveau precipice. D'une chose me console-ie, c'est que si ce malheur m'auenoit, ayant vostre noble nom d'Urfé quelque symbolization & rencontre avecques celui d'Or-

*Allusion du  
nom d'Urfé  
à Orphee.*

fé, ie veux croire, que comme par ses beaux vers il fit reuiure sa femme Euridice, & la retira des Enfers: aussi feriez vous par les vostres retrouver les sens esgarez à celuy qui desire estre, & demeurer vostre seruiteur. Auparauant i'auois quelque opiniõ de mes Recherches, telle qu'est celle d'un pere enuers ses enfans, par vne amitié naturelle qu'il leur porte: Mais maintenant i'en suis assëuré, & ne craindray qu'elles recoiuent vn desmenti de quelque plume que ce soit, estants assistees d'un si bon patron. A Dieu.

*A Monsieur de la Croix.*

**E** vous remercie affectionnément des vers par vous faicts en mon honneur, en-semble de ceux que m'auiez enuoyez, de la part de monsieur de Mont-verdun, Seigneur que ie ne puis assez honorer, non seulement pour estre extraict de ceste ancienne & illustre maison d'Urfé en Forest, mais beaucoup plus, qu'aisné, ayant employé toute sa ieunesse aux armes pour le seruice du Roy son Maistre, souz grand titres, avec tres-heureux succez, il ait depuis voué le reste de ses ans au seruice de Dieu son grand Maistre, & espousé vne vie Ecclesiastique. Ce fut anciennement vne belle & honorable retraicte à quelques Senateurs de Rome, voire aux Empereurs mesmes apres auoir longuement

*Autre remerciement  
à mesme fin.*

*Louanges  
du Sieur  
d'Urfé.*

*Retraicte  
des affaires  
heureuses.*

vacqué au public, de se cōfiner en vne vie priuée des champs, eslongnée des traueses du monde; mais la siéne me semble beaucoup plus loüable, d'auoir eschangé les armes temporelles aux spirituelles, dont il faict aujourd'huy professiō, & luy ay beaucoup d'obligation, que dedans son loisir, il se soit à si bonnes enseignes souuenu de moy. Ses vers sont d'une inuention merueilleusemēt releuée, en faueur de mes Recherches: Les vostres d'une belle & signalée recherche, qui ne se peut approprier qu'à Pasquier; nō seulement selon le commun vsage de vostre païs; mais aussi pour la rencōtre de l'Annagramme. De changer quelque chose du sien, ie ne suis du nombre de ceux qui sont ingenieux sur les œuures d'autrui, ains me suffit de me tenir clos, & couuert en ce qui est du mien. Ioint que ie trouue son petit ouurage accompli. D'ailleurs, comme trouueroy-je à redire aux vers de celuy qui ne trouue rien à redire en moy? Brief, s'il y a quelque chose à redire, c'est qu'il doit tracer d'une trace generale ce qu'il a tracé de moy. Mē recognoissant beaucoup de plus foible alloy, qu'il ne me pleuit. Tres-glorieux toutefois, qu'il m'ait celebré par sa plume, soit que ie doie cela à son iugement, ou à vne bonne volonté qu'il me vueille d'oresnauant vouër. Car quant à vous, ie sçay que dés pieça me faictes cest honneur de m'aimer. A Dieu.

*Lettres de Messire Honoré d'Urfé, Comte de Chasteau-neuf, à Pasquier.*

**E** vous eussé moy mesme porté ce Liure, *La Seigneur d'Urfé s'ex-*  
qu'avez desiré de moy, si ie n'eussé eu *cuse de ce*  
peur de rougir en le vous donnant. Que si me *qu'il ne luy*  
demandez, d'où procede ceste honte, ie vous *a pas porté*  
diray que c'est de vous & de moy; Ceste Berge- *son Liure*  
re que ie vous enuoye n'est veritablement que *d'Asiree*  
l'histoire de ma ieunesse, sous la personne de qui *luy mesme.*  
i'ay représenté les diuerfes passions, ou plustost  
follies, qui m'ont tourmenté l'espace de cinq ou  
six ans. Et quoy que ces furieuses tempestes  
soient cessées, & que Dieu mercy, ie iouïsse à ce-  
ste heure d'autant de calme, qu'autrefois i'ay es-  
té incapable d'en auoir, si ne laisse-je d'aprehé-  
der qu'un si iuste estimateur de toutes choses,  
comme est ce grand Pasquier, voyant le com-  
mencement de mon aage si agité de troubles &  
orages (pour ne dire un esprit plein de folie en  
sa ieunesse) ne face un sinistre iugemét de moy,  
& de ce que ie puis estre deuenu. Car si le Prin-  
temps donne cognoissance de l'arriere saison,  
quel iugement scauroit-on faire par ce premier  
aage, qui ne soit desauantageux pour celuy où  
ie suis? Que si l'amitié prend la principale, & plus  
seure origine de la bonne opinion, n'est-ce pas  
une grande imprudence à moy, de vous mettre  
deuant les yeux le tesmoignage du peu que ie  
vaux? Et quoy que ie sçache que les loix de la  
preud'homme obligent tout homme de bien  
de monstrier à celuy qu'il veut auoir pour amy,


*Jeunesse du  
Seigneur  
d'Urfé, &  
sa restraite.*

*Reglons-  
table qui  
doit estre  
observee en  
l'amitie.*

non seulement le vilage, mais le cœur, & toutes les intentions à nud, & sans retenir vn seul reply en son Ame ; si est-ce que ie n'ignore pas aussi, que chacun est obligé de cacher ses propres imperfections. Mais comment ne rougiray-ie point, voyant ces escrits foibles & mal polis de ma premiere ieunesse estre prests de recevoir la Censure de celuy qui est redouté par les plus doctes de nostre aage, & de qui les Recherches sont si exactes, qu'il n'y a que luy seul qui puisse soustenir ses propres coups ? Ce sont doncques ces considerations qui m'ont empêché d'estre porteur de ce Liure. Car encores que la pensee face presque en moy le mesme effet que feroient les yeux, si ay-ie esleu de rougir plustost tout seul qu'en si bonne compaignie. A Dieu.

*Responce de Pasquier au Seigneur Comte de  
Chasteau-neuf.*

*Il remercie  
le Seigneur  
d'Vrse de  
son Liure, &  
luy en a  
donné vn  
iugement  
fort adua-  
tageux.*

 Voy ? Vous n'avez doncques pas voulu par vos mains me faire part de vostre beau Liure d'Astree, craignant que ie ne vous veisse rougir pour estre l'image de vos ieunes Amours, que vous appelez Folies ? Prenez garde, ie vous supplie, que poussé d'vn sage instinct nel'ayez fait affin de ne me voir rougir le receuant. Car ie vous puis dire, comme chose tres-vraye, qu'à la premiere ouuerture du Liure, lisant vne infinité de beaux & riches traits sur la description de vostre país de Forest, i'ay esté surpris d'vne telle honte, qu'aussi tost ie



me suis condanné de me blotir dedans les Forests, & mes liures de mener vie solitaire, comme Hermites, pour n'estre veus. Mes Enfans (leur ay ie dit) il est meshuy temps que sonniôs la retraite, nous sommes d'un autre monde: ce ie ne scay quoy qui donne la vie aux liures est ternity dedans ma vieillesse: Et à peu dire, le temps qui court maintenant est reuestu de tout autre pareure que le nostre. Et me faisant de cette façon mon procès & à mes liures, voycy le iugement que j'ay fait du vostre. Premièrement ie trouue l'Economie generale d'une merueilleuse bienfiance: Car vous estant proposé de celebrer sous noms couuerts plusieurs Seigneurs, Dames, & anciennes familles de vostre pais de Forest, auez sur la rencontre de ce nom, fait entrer en ieu sur l'eschaffaut, Nymphes, Bergers, & Bergeres, subiect conuenable aux bois & Forests. Et au regard du particulier qui concerne vos Amours, en auez dextrement estalé l'histoire, que ie veux allegorizer. Vous me direz parauenture, qu'en cecy il y aura du vieil lard en moy. Si ie le fay, c'est vne leçon que j'ay apriue de saint Paul, quand il nous enseigne que l'histoire d'Ismaël né d'Abraham, & de la chambriere, representoit le vieil Testament, & celle d'Isaac, enfant legitime, le nouueau. En l'histoire de vos Amours, ie voy vn Celadon ( qui estes vous mesmes ) demesurément esperdu en l'amour de la belle Astree, se laisser emporter à la mercy de vostre fleuve Lignon, où apres auoir beu beaucoup d'eaux, en fin par les ondes

*Plusieurs  
familles &  
gens de  
marque ce-  
lebrez, en  
l'Astree du  
Seigneur  
d'Yrfe.*

*Ismael re-  
presente le  
vieil Testa-  
ment, &  
Isaac le  
nouueau.*

ietté sur le bord, est accueilly par la Nymphe Galatee, qui donne ordre de le faire porter en sa cabane, où elle deuiet amoureuse de luy.

*All-gories  
tres-belles  
sur l'histo-  
re d'Astree*


Quant à mon sens allegoric, ie veux croire, & le croyant ie ne seray desaioué, que cette belle Astree dont estiez enamouré, sont les belles Conceptions par vous empruntees des Astres, pour lesquelles representer, auez beu des eaux non de vostre Lignon, ains du Parnasse transformé en Lignon: Qui a esté cause, que non pas vne Galatee, ains la France, anciennement appelée Gaule, & les habitants, tantost Gaulois, tantost Galates, vous cherit, embrasse, & honore vniquemét, & d'une mesme deuotiõ vous baignerez dedans la Fontaine des Muses. Quel sera le succès de vos amours enuers Astree, & de Galatee enuers vous, ie ne l'ay encores leu: mais pour le regard de mon sens allegoric, ie m'asséure que tant & si longuement que viurez, vous serez amoureux de vos belles Conceptiõs, & la France amoureuse de vous.

Conclusion, ie trouue tout ce que i'ay leu de vostre Liure, richement beau, & vos Lettres de pareille estoffe; fors en quatre mots: quand par vne surabondance d'amitié, vous m'appellez, *Le grand Pasquier*, & vos ieunes amours *Folie*. Rayez les, ie vous prie, de vostre memoire. Car pour le regard de Pasquier, s'il y a quelque grandeur en luy, c'est que bon iuge de loy, & balançant ses actions à leur vray pois, il reconnoist sans se flater la petitesse de son esprit. Et quant à vos ieunes Folies, si i'en suis creu, c'est vne grande sagesse au ieune homme d'estre

*Quel iuge-  
ment M.  
Pasquier  
fait de soy-  
mesme.*

amoureux, moyennant que ce soit en vn lieu *C'est sage-  
honeste. Celuy qui dedás son printemps, pour se a vnieu-  
ne homme  
d'estre A-  
moureux.*  
penſer estre plus sage que son aage, s'en veut  
exempter, trouue dedans son Esté, vn Hyuer.  
Au contraire, tous bons esprits doiuent, des  
fleurs de leur ieunesse allambiquer vn amour,  
qui se tourne avec le temps en vne noble ambi-  
tion, dont ils recueillent diuers fruits, qui plus,  
qui moins. A Dieu.

*A Monsieur de Neufchel, Cheualier d'honneur  
de Madamela Duchesse de Nemours.*

 Amais mort ne fut plus forte, plus sage, *Recit au  
long de la  
mort du  
feu Duc de  
Nemours.*  
& plus Chrestienne que celle de feu mô-  
sieur le Duc de Nemours, qui doit estre  
vne grande consolation à Madame sa mere,  
vostre bonne maistresse, au milieu de sa nou-  
uelle affliction. Il auoit esté deux fois prison-  
nier; l'vne en la ville de Blois, par le comman-  
dement du feu Roy sur le commencement de *Qui fut  
deux fois  
prisonnier.*  
nos dernier troubles; l'autre en la ville de Lyô,  
sur la fin, sous le regne qui est à present: & de  
l'vne & l'autre prison il s'estoit euadé par deux  
artifices admirables: Mais quand il luy a esté  
question de sortir de cette prison corporelle,  
iamais Seigneur de quelque qualité qu'il feust,  
n'aporta tât de magnanimité en son fait. Chose *Sa mort  
magnani-  
me.*  
dont j'ay receu certain aduis par l'vn de ses  
principaux Gentishommes, qui l'assista en toute  
sa maladie, & specialement comme il voulut  
rendre l'Ame à Dieu. Je vous veux donc icy re-

*Ses derniers propos.*

citer les auantpropos de sa mort. Estant entourné de quelques siens plus fideles seruiteurs qui fondonnent en larmes: Il est vray (leur dit il) qu'au commencement de ma maladie, ie n'estois moy mesme esmeu à pitié, recognoissant le duc de Nemours plein de tout ce qui pouuoit plaire au monde, estimé, honoré, redouté: mais voyât qu'en toute saison il faut estre prest de partir, & quitter ces mondanitez, ie louë Dieu de l'election qu'il a faite de cette mort en moy, aimant mieux que ce soit dans mon liët, pour me reconcilier à ma cōscience, que d'estre tué en vne bataille. Lailons cette gloire à part, d'y mourir, pour nous signaler d'auantage. Il vaut mieux que ce soit d'une fleur, que de la main d'un soldat; car au fort en cette derniere sorte, quelque principauté qui reside en nous, c'est estre interieur à un simple homme.

*Sa grande amitié envers ses seruiteurs.*

Et lors se tournant vers ses seruiteurs, à l'un touchant en la main, & ramenteuant à l'autre la particuliere affection qu'il luy portoit: Dieu me soit à tefmoin (leur dit il) mes amis, il n'y a chose au monde que ie laisse plus à regret que vous: mais il vous demeure un autre moy mesme, qui en toute chose fera mon heritier, & particulièrement de ma bonne volonté. Je vous supplie, en ma consideration, luy ceder l'affection que m'avez fait paroistre, & ie m'assure que receurez de luy autant de contentement que pouuiez esperer de moy. J'ay maintenant les deux choses que j'ay le plus desiré au monde, de me voir mourir plein de sens, & dire à Dieu à mon frere. Vray qu'il me reste encores

*Il a à sa mort ce qu'il auoit le plus desiré.*

le desir de voir Madame nostre mere, luy baïser les mains, & demander sa benediction : Mais puis qu'il ne m'est permis, ie vous supplie, mon frere, la receuoir d'elle pour moy : & la supplier treshumblement de ma part, que l'amitié qu'elle m'a fait paroistre, reuiue en vous avec celle qu'elle vous porte. Et que de vous elle recoiue aussi les seruices auxquels mon deuoir m'obligeoit.

Et lors se tournant au Pere Esprit, Capucin, qui le consoloit, luy demanda si sa fin estoit proche, lequel ayant respondu que non : Aussi vaut il mieux (dit il) auoir du temps de reste, que s'il nous en manquoit vn moment. I'ay pensé estre autresfois pres de ma mort, comme ie me voy maintenant : & la mesme priere que ie te fis, ô mon Dieu, ie tela fais encores, qui est, qu'il te plaise quãd mon Ame sortira de ce mien corps, la vouloir receuoir en ton saint Paradis.

*Belle priere  
sur sa fin.*

Comme il proferoit ces paroles, vne veinne s'ouurit dedans luy, de maniere qu'il vomit vn grand flux de sang par la bouche, voire par les yeux mesmes : Et adonc il demanda si nostre Seigneur Iesus-Christ n'estoit pas mort en saignant. A quoy luy estant respondu, Qu'ouy ; il repartit en cette façon : Puis qu'il plaist à Dieu d'honorer ma fin de quelque ressemblance de la sienne, prions le donc, que tout ainsi qu'il a respandu son sang pour lauer les fautes d'autrui, qu'il luy plaise que celui que ie respands au-

*Il vomit le  
sang par la  
bouche &  
par les  
yeux.*



iourduy, puisse lauer les miennes, non par mon merite, mais par celuy de sa passion.

Puis adressant sa parole vers son frere : Vous sçavez, ( luy fit-il ) mon frere, de quel lieu vous estes extraict, & quels ancestres nos pere & mere nous ont laissez; ie vous prie qu'il demeure à tous ceux qui vous suruiuent, vne belle memoire de vostre nom, plustost que de grands biens, Terres & Seigneuries. Ces paroles ainsi proferees, il monstra combien il auoit son Ame tendue au Ciel; Par ce que lors il y eut quelqu'un qui luy dit; qu'il y auoit des remedes de paroles pour estancher ce grand flux de sang; Non ( dit-il ) ie ne me veux ayder de tels remedes. Car par vostre bel aduis, s'il n'estoit point de forciers au monde, le Duc de Nemours ne viuroit donc plus. Vn autre rechargé, qu'il cognoissoit vn Medecin Huguenot, qui auoit des receptes tres-certaines pour ce mal. Laissez moy ( luy respondit-il ) mourir au repos de ma conscience. La mort me sera plus agreable, que la vie que me promettez de la part d'un tel Medecin : Puisqu'il plaist à Dieu que ie meure, ie suis resolu à toutes ses volontez.

*Il ne veut  
laisser e-  
stancher  
son sang par  
paroles.*

*Ne se veut  
seruir  
d'un Mede-  
cin Hugue-  
not.*

*Il rend  
l'Ame.*

Ainsi mesnageant en bons & vertueux discours le peu qui luy restoit de sa vie, ce Prince rendit l'Ame à Dieu, au milieu de ses Gentilshommes, les vns ioyeux, les autres larmoyants, selon le plus, ou le moins de forces d'esprit, qui estoit en eux : Mais generalement louants Dieu, de voir vne si belle fin en celuy qui auoit



D'ESTIENNE PASQUIER. 425  
eu des volonteز merueilleusement absoluës  
pendant la vogue. Qui est vne grande con-  
solation à tous ceux qui luy ont appartenu.  
A Dieu.

*A Mademoiselle de Bourgon.*

**E**'Estois dés pieça aduertý de l'accident qui *Il la console*  
vous est aduenu en la mort de feu mon- *sur la mort*  
sieur vostre mary. Ioint que dés ceste ville, *de son ma-*  
auant son partemétie preuoyoy la maladie de- *ry, & luy*  
uoir prendre telle fin qu'elle a faicte. D'vne *donne son*  
chose me consolé-ic au milieu de ceste afflictio, *aduis sur ce*  
que Dieu vous ostant le corps, vous a conser- *qu'elle doit*  
ué les biens. Je m'asleure qu'estes si sage, que *faire quant*  
auez des deniers de son Estat, acquitté les deb- *aux études*  
tes, auxquelles vous auoit plongé ce malheu- *de son fils.*  
reux procez dont auez eu telle illuë que souhai-  
tiez. C'est vn ver qui rongeroit à l'aue-  
nir, & vous, & vostre petit mignon, sur lequel  
iettez toutes vos esperances, non sans cause,  
estant doié en son bas aage de tant de bonnes  
parties, que ce vous seroit grande conscience  
de les laisser tomber en friche, par faute de  
les cultiuer. Cecy, à ce que i'ay recueilly de vos  
lettres, vous faict auioird'huy me demander  
aduis, si deuez dorenaunt vous venir habi-  
tuer en ceste ville, pour le faire estudier. Grand  
point certes, & à vray dire, vn faict d'estat  
pour vostre maison, auquel de quelque costé  
que ieme tourne, ie tiens le loup par les oreil-  
les. Car soit que ie vous conseille le Pour, ou  
le Contre, si le succez de vos affaires vous ar-

riue cy-apres mal à propos, vous l'imputerez à celui qui vous en aura donné le conseil. Et neantmoins pour vous dire à cœur ouuert, ce que i'en pense; si ie me flatte, & que comme l'asquier ie vous fay responce, ne doutez que ie feray pour le party de Paris. Car par ce moyen i'auray cest heur & honneur de iouir de vostre presence. Mais si comme celui qui desire plus vostre bien & contentement que le sien, ie suis contraint de changer d'aduis. Premièrement ie considere l'habitude de vostre corps, que i'ay obseruee tant qu'auetz esté pardeçà. Et croy que l'air de paris ne vous est si aisé à digerer, que celui auquel auetz pris naissance. D'ailleurs estant aujourd'huy sur le vostre, en vne belle & riche maison, vous vivez dedans vn Paradis terrestre à peu de cousts, si ie ne m'abuze. Et si les entreueuës des Gentilshommes vos voisins vous tournent à charge, vostre basse-court vous doit seruir de Manne. Estimant que le reuenu de Bourgon peut subuenir à ce desfroy, si non du tout, au moins de la plus grande partie, & que pouuez du demeurant de vos grands biens faire espargne. Dedans Paris, les compaignies ne vous seront à telle charge, mais pour cōtrepoids, la despenſe y est beaucoup plus grande qu'aux champs; mal logee, & encores en vn loüage ingrat de maison, despendant de la volonté d'un propriétaire indiscret. Et pendant cela vostre bien sera meſnagé sans le controle de vos yeux, qui n'est pas vn petit deschet. Dauantage, ie fay grande doute, si la pre-

*Incommo-  
ditez à ceux  
qui demeu-  
rent à Paris.*

sence d'une mere est requise pour l'advancement des estudes de son enfant. Qui est un mestier auquel elle ne fit jamais son apprentissage. Mesmes que l'on sçait avec quelle indulgence une mere d'un fils unique conduit en ce subiect ses opinions. Toutes ces particularitez me passant par l'entendement, ie demeure en ce propos ferme & stable, que devez vous fermer en vostre maison, & envoyer vostre fils en ceste ville, sous la conduite d'un honneste Precepteur à frais modestes. En quoy ie vous promets tous les bons offices que pouvez souhaiter d'un amy. C'est une medecine qui vous sera fascheuse à prendre, & paraventure à celui mesmes qui la vous ordonne, pour se priver par ce moyé de vostre presence: Mais vous aimant pour l'amour de vous, non de moy, ie penserois forfaire contre mon devoir, si ie vous conseilloyais autrement.

Quant à ce que desirez sçavoir, comme vont les affaires de ma maison, ie vous diray, que graces à Dieu, ie me porte bien, comme celui qui ay despoüillé de moy toute avarice, & ambition, depuis que ie me suis remis de mon estat d'Advocat du Roy sur mon fils aîné. Vray que i'ay senty une mesme maladie que vous, en ma famille, ayant perdu mon fils de la Ferlandiere, au mois d'Octobre dernier, avec lequel ie faisois estat de passer désormais tous mes Estez aux champs. Voila comme dieu contrebalance nos contentements par des afflictions, afin que demeurions tousiours en nous mesmes sans nous oublier. Sur ce mot d'oublier, ie mettray fin à la

presente, vous priant de vous ramentenir par vos lettres à celuy qui est & desire demeurer à jamais, vostre affectionné seruiteur & amy. A Dieu. De Paris ce 15. Iuillet 1605.

*A Monsieur Noyau, Procureur du Roy en l'Election  
& Grenier à sel de Paris.*

*Que les pères ne doivent estre sous la curatelle de leurs enfans.*

*Les enfans ne doivent controuller leurs pères au mariage de leurs biens.*

**R**Ayez, ie vous prie, de vos papiers, la sagesse de ces sots enfans, qui veulent lier les mains à leurs peres & meres, pour l'ancienneté de leurs aages, & briguent leur curatelle en iustice. Combien que ce soit vne belle proposition, voire des plus belles qui se puissent traiter, qu'il ne nous doit estre permis d'abuser de nos biens au preiudice du public, qui a interest pour l'exemple à la sage conduite de nos mesnages particuliers : toutesfois il ne faut aisement permettre à l'enfant d'abuser de cette proposition au desauantage de ceux qui l'ont mis au monde. Bien scay ie, que la longueur de nos ans nous oste de fois à autres quelque chose des forces & communes fonctions de nos esprits : Mais que pour cela il faille interdire le pere, & l'exposer sous la puissance de son fils, nō seulement ie ne le pense, ains au contraire ie croy que cette longue ancienneté est la cause pour laquelle il le faut gratifier, fauorizer & maintenir en la pleine administration de ses biens. Par ce que tel aage pour sa foiblesse tōbe aisément au mespris de ceux qui par obligatiō naturelle nous doiuent meilleur traitement. Et si à leur instigation & poursuite le pere estoit

interdit, vous luy osteriez la puïssance que la loy luy donne, d'exhereder ses enfans ingrats & malgisants en son endroit, principal retenail de leur obeïssance. Et à peu dire, iamais sentence ne fut plus digne que celle de l'Empereur Iustinian, quand il dit, que la loy rougilloit & auoit honte de donner vn enfant à son pere, pour estre reformatueur de ses actions. Le voy dedans Rome outre les mineurs de vingt cinq ans (que nous pouuons en cette France appeller moindre d'ans) il y auoit deux especes de gens, ausquels estoit defendu l'administration & alienatiõ de leurs biès: Le Furieux, & le prodigue. Au premier, par la seule loy de nature, sans que l'interuention du Iuge y fust requise; Au second par la main du Magistrat, avec cognoissance de cause. I'adiousteray, qu'au Furieux l'enfant pouuoit estre baillé pour curateur, pour l'alteration de son cerueau: Mais quant au Prodigue, vous ne trouuerez point que l'on obseruaît le semblable. Et pourquoy donc? D'autant que combien qu'il fust estimé furieux au maniment de son bien, toutefois en tout le demeurant de ses œuures, il n'estoit esloigné du sens commun; & luy baillant son fils pour curateur, c'eust esté d'un sage en faire vn fol, & d'un fol vn enragé tout à fait, se voyant maistrisé de celuy qui par obligation de nature luy deuoit toute obeïssance. Et cela mesmes est obserué en nostre France par vn bel emprût que nous auons fait du Romain. Ie ne dy pas, que si le pere estoit reduit au rāg d'efāce par vne longue ancienneté de ses ans, tellemēt

*Dist notable de l'Empereur Iustinian.*

*Deux sortes de gens à qui estoit defendue l'administration & alienation de leurs biens.*



qu'il ne peust discerner le bis d'auec le blanc, en ce cas son fils ne luy deult estre baillé pour curateur, tout ainsi comme au Furieux: Mais autrement, l'enfant contestant la curatelle, manque de iugement, & faudroit si i'en estois creu, bailler vn curateur à luy mesmes, quelque sagesse dont il face profession. A Dieu.

*A Monsieur de Sainte Marthe, Tresorier de France en la Generalité de Poitou.*

*Il luy dit  
quel iuge-  
ment il  
fait de ses  
Eloges, &  
l'aduertit  
comment il  
les doit  
manier.*



E pensez pas, ie vous prie, que le iugement par moy fait sur vos Eloges, ait esté emprunte de l'ancienne amitié que ie vous ay vouee, ains de la verité. *Amicus Plato, amicus Socrates, amica magis veritas.* Et suis treu-aise de la continuation que proiettez en l'honneur des grands Guerriers. Vous pratiquerez en cecy le contraire des Monarchies, qui prennent leurs commencemens par les armes, & fins par les lettres: Vous au contraire, aurez commencé vostre œuvre par les lettres, & finy par les armes. Car quât à ce que desirez scauoir de moy, qui sont ceux que i'estime plus dignes, il me semble, sauf vostre meilleur aduis, que me deuez enuoyer vostre liste, afin que ie vous die selon mon petit iugement, ceux qui deuront passer à la monstre, & les autres qu'aurez oublié, si tant est que ie m'en puisse resouuenir. D'une chose sans plus vous prie-ic, de ne vous amuser point tant au nombre, qu'au poids. Le malheur est, qu'en flatant nos plumes, ne les pouuons oster du papier. Et sur tout ie souhaite



qu'estudiez plus au contentement de vostre esprit, que des autres, lesquels par entremeteurs & parreins seront tres-aïles d'érichir de reputation leurs familles aux despés de vostre plume. *Jugement*  
 Quand nostre Ronsard escriuit ses premieres *des Amours*  
 Amours, sous le nom de sa Cassandre, si i'en suis *de Ronsard.*  
 cren, il se rédit inimitable: Par ce qu'il n'auoit  
 autre obiect que de se contenter soy mesmes.  
 Mais lors que sous les noms de Marie & Heleine,  
 il se proposa de complaire aux Courtisans,  
 il me semble que ie ne ly plus Ronsard, le lisant.  
 Adioustez qu'en matiere d'Epigrammes, il est  
 permis d'y en mesler de mauuais avec les bons,  
 si vous croyez Martial.

*Sunt bona (dit il) sunt quedam mediocria, sunt mala plura,*

*Qua legishic, aliter non fit, Anite, Liber.*

Et moy par forme de commentaire sur ce distique au troisieme liure de mes Epigrammes le  
 voulus renuiier sur luy de cette façon.

*Nesciteant nauis nostri fortasse libelli,*

*Pro vetere hortatur Paulus amicitia.*

*Seligam ut à prauis meliora Epigrammata, tutus,*

*Qualibet inde liber possit utire via.*

*Pauli praescripto non pareo, nempe necesse est,*

*Omnia quo placeant, displiceant aliqua.*

Mais aux Eloges, c'est tout vne autre leçon,  
 pour estre seulement dediez à la cōmémoratiō  
 des personnages de marque: Tellement que si  
 nous y en mettons quelques vns de foible al-  
 loy, leurs vies desmentent nostre titre. Ie ne  
 veux pas dire que soyez tombé en cest accessoi-  
 re. Seulement vous diray ie, que le frontispice,

432 LIV. XVIII. DES LET. D'EST. PASQ.  
de vostre œuvre est en faueur des gés de Lettres  
qui se sont rendus recommandables par leurs  
Liures, ou singuliere erudition : & non de ceux  
lesquels portants la robbe longue ont tenu  
grand rang, selon la diuersité de leurs charges.  
Prenez garde, ie vous prie, si tous vos Eloges  
correspondent à vostre titre : Et neantmoins  
encores que l'estoffe en quelques vns ne soit  
proprement de vostre subiect , toutesfois  
vous luy baillez si belle façon , qu'elle couure  
tout le defect de la piece. Vous prendrez ce  
petit aduis de moy, comme de la part d'un amy.  
A Dieu.

## LE DIX-





L E

## DIXNEVFIESME

## LIVRE DES LETTRES

D'ESTIENNE PASQUIER.

*A Messire Edouart Molé, Conseiller d'Estat en  
la grande Chambre de Parlement  
de Paris.*

**O**N dit qu'estes sur le poinct d'ouuir *Il discours*  
la Mercuriale au Parlement. Dieu *sur le*  
vueille qu'elle ne ressemble le Mercu- *us et des*  
re. Lequel mis en œuvre avec autres métaux *Mercuria-*  
sert infiniment pour les assouplir, autrement *les*  
se tourne en fumee. Entre tous les actes que  
representez en ce grand theatre de France, ie  
n'en trouue point de si solénel que cestuy. Que *Naturel*  
vous qui estes destinez pour donner la loy à au- *du Mercu-*  
truy, aprenez de la vous donner à vous mesmes. *re.*  
Et d'autant qu'il est plus solemnel, aussi en esti-  
mé-je l'exécution plus difficile, soit de la part de  
ceux auxquels par la prerogative de leurs Estats  
apartiét de faire les remonstrances, ou des autres  
pour lesquels elles sont faictes. Les faictes vous  
en general? pardonnez vous aux noms des per-

sonnes, pour toucher seulement les vices? L'exhortation en est froide. Chacun au partir de là se donne beau jeu, se persuadant que le défaut qui est en luy demeure couuert, pour n'auoir esté descouuert qu'en termes generaux. En touchez vous l'un des vostres par son nom, ou par remarques qui parlent sans le nommer? Vous vous faictes ennemy de celuy que voulez reconcilier à soy. Quiconque est ennemy formel des vices, se rend par mesme moyen ennemy capital des hommes: Et quand ie luy, que Caton le vieil fut cinquante fois accusé deuant le peuple Romain; & autant de fois absouz, luy qui d'ailleurs estoit l'un des plus preud'hommes. qui fust dedans la ville de Rome ( car il n'y a Seigneur que Tite Liue honore en toute son histoire avec si honorable Eloge que cestuy ) ie l'impute aux inimitiez qu'il s'estoit acquises pendant sa charge de Censeur, laquelle il executa avec telle seuerité, que depuis la posterité luy donna entre tous les autres cest Epithete de Censeur. Choisissez donc, ou le general, ou le particulier en vostre exhortation, il y a de tous costez des espines. Mais encores crain-je bien plus, que vos remonstrances ne soient vaines; & que tout ainsi que le Mercure dont ie vous ay cy dessus parlé, s'esuanoüit en fumee à faute de trouuer subiet; aussi que vos Mercuriales soyent paroles emportees du vent. D'autant que ce que vous y faites est par forme de conference amiable, qui demeure sans effect, pour n'estre accompagnée d'une animaduersion exemplaire. Il n'est pas qu'en nostre Eglise, qui n'vse de

*Caton le  
vieil accu-  
sé cinquante  
fois, & abs-  
ouz.*

*D'où ap-  
pellé Censeur*

mainmise sur nos corps, on n'employe le bras  
 seculier contre celuy qui ne tient compte d'o-  
 beir aux censures Ecclesiastiques. C'est pour-  
 quoy en l'Estat du Censeur Romain, la puissance  
 estoit telle, que trouuant vn Seigneur mal re-  
 glé de meurs, on le pouuoit non seulement su-  
 spendre pour vn temps de l'exercice de sa char-  
 ge, ains luy defendre à l'auenir l'entree du Se-  
 nat. Comme nous lisons que le mesme Caton  
 fit à sept Senateurs, entre lesquels fut vn Lucius  
 Quintius, qui auoit esté autresfois Consul, &  
 estoit frere de ce grand Titus Quintius, qui lors  
 auoit fraichement reduit toute la Grece sous  
 la puissance des Romains : Toute fois ny la me-  
 moire de sa dignité consulaire, ny la faueur des  
 bons & agreables seruices de son frere, ne le  
 peurent guarentir de cette honte : Et estoit  
 dauantage permis au Censeur de publier par-  
 my le peuple des manifestes portans les causes  
 de la rigueur par luy exercee contre vns & au-  
 tres. Nos anciennes ordonnances n'y ont ap-  
 porté cette seuerité, aussi ne r'apportez vous  
 tel profit de vos Mercuriales que le Romain  
 fit de ses Césures. L'amour que chacun de nous  
 se porte en son particulier, chastouille tellemēt  
 nos esprits, que ne voulons aisément rendre à la  
 raison l'hommage que luy deuons, si le Magi-  
 strat n'y interpose à bonnes enseignes son au-  
 thorité. C'est gaster, & non guerir vne playe,  
 quand nous la flacons. Croyez que si vous  
 autres Messieurs par vn bon enclin de na-  
 ture n'estes les premiers Iuges de vous me-  
 mes, vos Mercuriales, ne produiront pas

*La Cen-  
 sure des  
 Romains  
 de quelle  
 authorité.*

*L. Quin-  
 tius hōme  
 Consulaire  
 interdit du  
 Senat par  
 Caton  
 Censeur.*

*Les Mer-  
 curiales  
 pourquoy  
 de peu  
 d'effect.*

grands miracles en vous censurant. Quelqu'un qui pourra auoir communication de cette Lettre par vos mains, pourra dire que ie contrefais le Censeur, & que ie veux par vne sottise outre-cuidance mercurier vos Mercuriales. Ia à Dieu ne plaiste, que ie sois si mal aduisé : Mais si mes souhaits pouuoient reussir, ie desirerois qu'au lieu de faire perdre quelquefois six ou sept semaines de temps aux pauues parties en faisant le procez à l'un des vostres, i'eusse veu en vne Mercuriale, pour y obuier, dōner sur les doigts à celuy qui par opinion commune seroit estimé maluerſer en son estat, & dont la Cour auroit eu quelques aperceuances par ses deportemens. Les grandes fumées couuēt ordinairement quelque feu. Et nul n'est estimé par la voix commune du peuple, homme de bien, ou meschant, qu'il n'en soit quelque chose. Non que ie desirasse en luý vne punition de corps (il y faudroit en ce cas plus de façon ) mais bien que par vn admonestement fraternel, il fust prié en pleine assemblée de se desfaire de son estat, & que ceste priere publique portast coup de necessité authorizee par le Prince. Cela fut cause à mon iugement, que sous le regne de Charles VI. les Presidents de la grand' Chambre obtindrent Lettres Patentes du Roy, par lesquelles il leur permettoit de corriger & oster tous les Conseillers qu'ils trouueroient malignans, ausquelles par Arrest du 17. Feurier 1405. il ne fut obtemperé. Mais comme les Presidents sagement se fullent bien donnez garde d'en requerir l'en-

*Comment  
si desirer  
que les  
Mercuriales  
soient  
exercees.*



terinement, ains eussent esté les Lettres presentees comme prouenant du propre mouuement du Roy, par forme d'Edict, pour estre verifiees, aussi la Cour d'une mesme sagesse ne mit pas, qu'elles eussent esté par elle retuzees, ains que elle prioit le Roy de la tenir pour excusée : Parce qu'en les enterinant, c'eust esté introduire vne Oligarchie dedans vne Aristocratie. Il n'y a chose si bien inuétée, qui ne soit accompagnée de son inconuenient.

Quoy doncques ? puisque la Mercuriale ne produit les effectz pour lesquels elle fut introduite, nous faut il auoir recours aux procez extraordinaires ? Ceste medecine est fort dure à prendre, mesmes qu'il court vn bruiet commun entre nous, que vous ataquant au particulier, vous offensez le corps de la Cour, & faites qu'il soit vilipendé par le peuple. Chose qui se tourne au grand dommage du public. Opinion qui me semble grandement erronée. Car tout ainsi qu'en la compagnie de nostre Seigneur Iesus-Christ, il y auoit douze Apostres, qui representoient son Senat, dedans lequel le trouua vn Iudas, premier Iuge & executeur de sa condemnation à la veuë de tous les Iuifs, ny pour cela ceste petite compaignie ne descheut, ny d'autorité, ny de reputation en son Apostolat: Aussi estant malaisé qu'en vne Cour de Parlement il n'y ait quelquefois des Iudas, iamaïs il ne sera trouué mauuais, ains tres-louable d'en faire vne punition: Comme aussi est ce la verité que nos ancestres ne s'elpargnerent aux occasions qui se presenterent pour cest ef-

*Vn Iudas  
entre les  
Apostres.*

*Punitions  
exemplaires  
au Parle-  
ment.*

teët, vn maistre Guillaume Banchety, Rapporteur aux Enquestes, priué de son Estat pour auoir reuelé les secrets de la Cour, & pris argët à cette fin: Vn Messire Adam de Houdam portant titre de Cheualier & Conseiller, auoir esté pendu & estranglé par Arrest de l'vnzième Iuillet 1447. pour auoir enregistré la deposition de quatre tesmoins de ce qu'ils n'auoient déposé. Et lors on n'y apportoit point tant de façons dedans les Registres, comme l'on a fait depuis. Celuy pour lequel ie les voy auoir esté d'une bien longue ancienneté pratiquées, fut en maistre Claude Chauvieux Conseiller; auquel fut fait & parfaict son procès en la Cour de Parlement, & ayant esté par Arrest du 23. Decembre 1496. condamné, le lendemain vestu de sa robe d'escarlata, son chaperon fourré dessus les espauls, estant à genoux & nue teste, en presence de toute la Cour, & toutes les Chambres assemblees, les sieges haut & bas remplis, son Arrest luy fut prononcé par Messire Jaques de la Vacquerie, Cheualier & premier President, portant que pour les faussetez par luy commises, subornations de Notaires & de tesmoins, touchant l'Euesché de Xaintes, desquelles il auoit esté conuaincu, il estoit priué de son office de Cōseiller, & déclaré indigne de tenir offices Royaux & Estats de Iudicature. Et apres l'Arrest prononcé, fut par les Huissiers de la Cour conduit sur la pierre de Marbre de la Cour du Palais, & illec despouillé de sa robe d'escarlatta, luy fut pareillement osté son chaperon, & sa ceinture; il fut ramené nuds pieds

*Arrest con-  
tre Clau-  
de Chau-  
vieux  
Conseiller.*

*Despouillé  
des orne-  
ments de  
Iudicature.*

& nue teste, en l'Audience de la Cour, tenant vne torche ardente de quatre liures, à genoux, *Fait amende honorable* fit amende honorable *prout in criminali* (porte le Registre) & cria mercy à Dieu, au Roy, & à Iustice, & aux parties interellées: & fut la Note de la faulx procuratiō dont estoit faite mentiō au procès, laceree. Ce fait, fut par les Huissiers ramené en la Cour du Palais, & liuré au maître des hautes œuures: Qui le mit dedans vne charrette, & conduisit par deuant le Chastelet, *Mis au Pillory.* où il fit sō cry, & de là au Pillori, & tourné trois tous: Et en apres luy apposa vne fleur de Lis ardente au front. Puis descendu & conduit *Fleur deli- zée au front.* par les Huissiers iusques à la porte de S. Honoré; parce qu'il estoit banny du Royaume. C'est vne histoire que ie vous raconte telle que j'ay trouuee aux Registres de la Cour. Fut il iamais exemple de seuerité plus signalé que cettuy? Dedans lequel ie remarque deux particularitez notables; La premiere, que deslors toutes les Chambres furent assemblees au iugement du procès de ce Conseiller: la seconde, qu'il fut degradé de son Estat auant que faire amende honorable, & executer le demeurant de sa condemnation. Bel exemple, vous dy-ie encore derechef. Et neantmoins ( combien que ce soit vne chose fort chastouilleuse de vouloir iuger de ceux qui peuuent iuger de nos vies ) ie ne me puis tant commander que ie n'y trouue ie ne sçay quoy à redire, quand ie voy toutes les Chambres as-

semblees pour iuger de la teste d'un Conseiller; Car pour vous dire à cœur ouuert ce que i'en pense, ie ne puis bonnement digerer, que pour ouvrir la iustice à un seul homme, elle soit cependant fermee, quelquefois six semaines & plus, à tous les autres, dont les aucuns viennent de cent lieux & plus, pour auoir expedition & vuidange de leurs procez. Et de faict, il me souuient que sous le regne de Henry III. les Estats du Parlement estoient mis aux parties casuelles à l'enchere outre mesure (non telle toutesfois qu'aujourd'hui) quelques personages s'en plaignants à Monsieur le Chancelier de Birague, grand homme d'Estat, il leur fit response, qu'il s'esbahissoit qu'ils n'estoient encores plus chers, veu que celui qui en auoit esté pourueu se pouuoit presque promettre de n'estre iamais chassé de ses fautes. Qui estoit un priuilege qui ne se pouuoit acheter à prix d'argent. Parole véritablement hardie, non toutesfois subiecte à controole, prouenant de la bouche d'un Chancelier. Mais quel remède à cecy? Car de contreuenir à une longue ancienneté telle que ceste-cy, cela s'appelle un demy blaspheme. Ie ne suis pas iuge competent pour y interposer mes parties: Mais si il vous plaist, que pour closture de ma Lettre, ie vous repaisse d'un autre souhait, à la mienne volonté que par une bonne Mercuriale, on renuoye toutes ces ceremonies & longueurs de tels iugements, non pardeuant le Iuge ordinaire des lieux (ce seroit trop raualer de la dignité d'un Cōseiller) ains en une autre Chambre de la Cour; & que cependant les autres be-

*Estats de  
Iudicature  
à l'enchere.*

*Parole  
hardie du  
Chancelier  
de Birague.*

*Ordre  
qu'il desire  
estre tenu  
aux Mer-  
curiales.*

songnent aux procès qui leur sont distribuez.  
Quoy faisant le public en sentira moins d'in-  
commodité, & on n'offensera aucunement  
l'ordre. A Dieu.

*A Messire Nicolas de Verdun, Conseiller d'Estat &  
premier President au Parlement de Toulouse.*

**E** Ay prié monsieur le President Chauuet *Il luy en-  
uoye un E-*  
s'en retournant à Toulouse, de vous pre- *pigramme*  
senter de ma part cest Epigramme Latin, que *Latin.*  
verrez ne pouuoir estre adapté à autre qu'à  
vous. Si sous meilleurs gages ie pouuois vous  
tesmoigner l'affection que ie vous ay vouee,  
pour le bon bruit qu'avez acquis depuis qu'e-  
stes de delà, ie le ferois. Les vns qui ont affaire  
de vostre iustice, vous saluent & voyent des  
yeux du corps, & moy des yeux de l'esprit, sans  
autre subiet que del'honneur que ie vous porte,  
vous suppliant monsieur, vouloir receuoir ce pe-  
tit don pour vos œufs de Pasques d'aussi bon  
cœur qu'il vous est présenté par celuy qui est &  
desire demeurer à iamais vostre seruiteur.

Ad Clariss. Virum Nicolaum Verdunum,  
Primum in Senatu Tolosano  
Præsidem.

*Et montem DV NV M. Galle dixisse feruntur,  
Et flos anni VER dicitur à Latiis.  
In te Parnassi sacri Verdune viret mons,  
Et flos mellito vernus ab ore fluit.*

*A Monsieur Petau, Conseiller en la Cour de Parlement de Paris.*

*Que Tacite historien ne doit estre ieu de tout le monde, & de la difficulté de le traduire.*

*C'est Au-  
theur cop-  
pié tous les  
ans dix  
fois.*

*Son Latin  
plein de  
belles  
pointes.*

*Pourquoy  
est estime  
fauscie.*

**E**ST vraymēt ce n'est pas sans raison, qu'estimez Tacite ne se deuoir manier par tous. En n'ay iamais veu historien de tous les anciens qui fut tant honoré que cestuy; quād ie voy vn Empereur de Rome, du nom de Tacite s'estre reputé à grand honneur de tirer son extraction de luy. Grand Autheur certes, & neantmoins falsifié en vne infinité de passages, si vous en croyez nos nouueaux Censeurs. Chose que ie ne puis passer sous silence: Car s'il fut emplaced en toutes les Librairies publiques, coppié tous les ans dix fois par l'ordonnance de cest Empereur, afin qu'on y adioustast plus de foy; ainsi que nous aprenons de Vopisque, d'où vient que nos nouueaux critiques trouuent tant à redire en luy, & non aux autres, en la coppie desquels nos ancestres n'apporterent aucun œil & diligence publique? Ie vous diray franchement ce que i'en pense. Combien que Tacite ne se raporte en rié au style & maniere d'escrite de Ciceron, auquel il estimoit peut estre tout ainsi que Pollion, y auoir plus de chair, que de nerfs, toutesfois il ne laissa pour cela d'estre riche en son Latin, dedans lequel vous verrez vne infinité de belles pointes. De maniere que comme Ciceron en beaucoup de langage dit peu: Au contraire, cetuy cy en peu de paroles dit beaucoup. De là vient, si ie ne m'abuse, que ceux qui ne peuuent atreindre à l'explicatiō de ses sens abstrus & cachez, luy imputent à



faute, ce qui est la leur; & l'habillent à leur guise non à la sienne. Or tout ainsi que ie ne le pense deuoir estre manié par tous ceux qui ont quelque opiniõ de leurs suffisances, aussi souhaiteroie qu'il ne fut aisement leu par les Princes & grands Seigneurs. Quoy donc, me dira quelque vn? Vous luy faites icy son procès. Ia à Dieu ne plaise. Car ie l'estime grandement entre les anciens autheurs; ains par ce que trop heureusement il a escrit vne malheureuse histoire d'vns & autres Empereurs, plustost monstres, que Princes. Et sur ce subiect autresfois entre mes vers Latins, le voulu ie saluer de ceux-cy.

*Ne doit  
facilement  
estre leu  
par les  
Princes.*

*Quod Tacito rerum domino, gentisque togata,*

*Nominis alma fuit sollicitudo mei.*

*Id quoniam gentile sibi nostrique putarent,*

*Hinc quam grande mihi nomen in orbe vides.*

*Verum quem, Tacito, Tacitum placuisse videbis,*

*Regibus o vtinam sim Tacitus, tacitus.*

Ie le voy auoir esté de nostre temps traduit en nostre vulgaire par vn personnage d'honneur: mais si i'en suis creu, en la rencontre des deux vous trouuerez autant de difference du Latin au Francois comme du iour à la nuict. Il y a ie nescay quel air en luy qui nese peut rapporter à nostre langue, non plus que quelques liues des nostres en la Latin. Ce que ie desirerois, seroit que quelque homme studieux triast les plus belles pieces de luy pour en faire vne marquerie qui se tournast au profit & edification du lecteur. Et de moy, combien que ie scache la traductiõ estre vn mesnage penible & ingrat, toutesfois i'exequuterois volontiers ce

souhait, si mon loisir le portoit: cōme de fait, ie vous en enuoye vn eschantillon. Vray qu'il y a bien grande difference entre le commencer, & finir. A Dieu.

Meurtre de Pedanius Secundus , Gouverneur de la ville de Rome : Hatanque de Caius Cassius Sénateur , & punition esmerueillable sur les seruiteurs.

*Le tout tiré à quatorziesme des Annales de Tacite.*

**SE** N ce mesme temps aduint, que Pedanius Secundus, Gouverneur de la ville, fut occis dedans son liēt, par vn de ses gens ; Soit qu'ayant composé à prix d'argent avec luy de sa liberté, il l'é eust puis apres frustré, ou qu'enamouré d'vn ie ne sçay quel Amour des-honneste, il ne voulust auoir son Maistre pour corriual. Au demeurant l'ancienne vsance voulant que tous les autres seruiteurs qui estoient en la maison lors du meurtre, fussent enuoyez au gibet, la commune ne pouuoit bonnement porter, que l'innocent patist pour le forfait du meschant. De maniere que les choses en estoient presque arriuees aux mains. D'ailleurs le Senat mesme se trouua presque party en opinions, les vns abhorrants, les autres fauorizants ceste cruauté. En fin venant à C. Cassius d'opiner, il se mit sur pieds, & parla en ceste façon.

*Tous les  
seruiteurs  
executez à  
mort quand  
l'un auoit  
tué leur  
Maistre.*

Messieurs, ie me suis souuent trouué en ce *Harangue*  
 lieu, lors qu'on vouloit introduire nouuelles *de Cassius.*  
 loix, au preiudice des anciennes, dont toutes-  
 fois ie ne me formalizay iamais. Non que ie ne  
 sçeusse fort bien, que les anciennes estoient  
 beaucoup de meilleure trempe, & qu'en l'in-  
 troduction de nouveauté, il y alloit tousiours  
 du pire: Mais parce que ie craignois que me  
 montrant trop partial au soustenement de l'ā-  
 cienneté, on ne pensast que par hypocrisie ie me  
 voulusse aduantager de reputation. Ioint que  
 au peu d'autorité qui nous reste, i'estimois que  
 ne la deuions terrasser par vnes & autres alter-  
 cations, ains la reseruer au temps que la Repu-  
 blique auroit à bonnes enseignes besoin de cō-  
 seil, comme maintenant.

Au faict qui se presente auiourd'huy, dequoy  
 est il questi on? D'un Seigneur autrefois Con-  
 sul, traistreusement assassiné dedans sa maison  
 par vn sien valet. Meurtre non empesché ny  
 reuelé, par aucun deses compagnons, combien  
 que l'ancien Decret du Senat, qui les menaçoit  
 tous de la mort, soit encores en son esâce. Met-  
 tez sous pieds ceste punition; qui sera, ie vous  
 prie, celui, qui se pourra désormais deffendre  
 par sa grandeur, des aguets dedans son logis,  
 veu que le Gouverneur de nostre ville ne s'est  
 peu garentir? Quelle assurance de nos perlon-  
 nes deuons nous establir sur le grand nombre  
 de nos seruiteurs, si au milieu de quatre cents,  
 Pedanius Secundus a esté occis? Quel secours  
 deuons nous esperer de ceste valetaille, laquelle  
 assiegce d'une iuste crainte de la loy, ne peut  
*Pedanius  
 Secundus  
 tué au mi-  
 lieu de  
 quatre  
 cents ser-  
 uiteurs par  
 un d'eux.*

toutesfois destourner le peril de nous ? Voire mais (disent quelques vns avec vne honte effacee) le meurtrier s'est sous bons gaiges vangé de son maistre, avec lequel ayant à beaux deniers comptans composé de la liberté, il la luy auoit depuis refusee : ou bien luy auoit de haute luitte rauy ce que plus il aimoit.

Or sus, ie veux par maniere de presupppositiō, que le Maistre ait esté à bon droit tué : Mais aussi veux-je en contr'eschange, qu'on se remette deuant les yeux ce qui a esté autrefois arresté sur ce subiect par les plus sages. Et quand mesmes ils n'en auroient parlé, & que fussions les premiers qui le missions sur le Bureau, estimez vous que celuy qui proiettoit en son Ame de mettre son Maistre à mort, ait peu estre si retenu, qu'il ne luy soit tombé de la bouche quelque parole de menace ; ou que transporté de colere, il n'ait faict quelque demonstration de son mal-talent ? Et vrayement il est bien à croire, qu'il ait sceu cacher son dessein, & se soit armé sans estre veu ; A il peu passer au trauers des gardes, crocheter les portes de la chambre, porter lumiere, bref cōmettre ce meurtre, qu'il n'ait eu quelques complices de sa trahison ? Nos valets peuuent par plusieurs presomptions aller au deuant des dangers, & nous en donner aduis ; quoy faisants, chacun de nous en son particulier peut s'asieurer, au milieu de plusieurs qui ont soing de nostre salut. Et au fort si en ce cas il falloit mourir, ce ne seroit sans esperance de vendre cherement nostre peau aux meschans qui le voudroient entreprēdre. Nos

ancestres eurent tousiours pour suspecte ceste malheureuse engeance d'esclaves, voire quand ils naissoient dedans leurs Mestairies aux châps, ou dedans leurs maisons aux villes, & que dès le bersils sucçoient avec le lait de leurs Nourrices, la bienueillance enuers leurs Maistres. Maintenât que nous en auons vn monde chez nous, tiré de toutes sortes de nations, distinctes de mœurs, coustumes, religions, & quelquesfois de sens, commét nous pouuôs nous asseurer contre ceste canaille, si ce n'est en la faisant craindre à bon escient? Mais quelques pauvres innocents (me direz vous) mourront en ceste querelle. Et pourquoy non? Puisque *Armes dixmes* pour chastier vne armee mise en route, pour sa *pour leur lascheté au sort & hazard d'un chacun.* lascheté, on dixme les soldats, & s'atachant casuellement à chasque dixiesme, le hazard de mort tombe aussi tost sur le braue soldat, comme sur le poltron & couïard? Il y a iene sçay quoy d'iniustice en toute grande & exemplaire iustice, qu'on exerce contre le particulier, pour la conseruation del'Estat.

Encores qu'il nes'en trouuast vn tout seul, qui ozast ouuertement faire teste à ceste opiniô, si est-ce qu'on oyoit des murmures souz main, les aucuns ayants compassion du grand nombre, les autres de l'aage, autres du sexe, & sur tout de l'innocence tres-assëuree d'une infinité qui seroient exposez à mort. Ce nonobstant il passa pour le suplice. Vray que l'exécution ne s'en pouuoit bonnement faire, la populace estant par la ville tumultuairement en armes, qui ne promettoit pas moins que la mort aux

exccuteurs. Qui occasionna l'Empereur de faire par cry public inhibitions & defenses à tous de rien attenter au preiudice de l'Arrest, sur peine de la hard. Et d'une mesme suite fit poster gardes le long des ruës, par lesquelles ce pauvre peuple condamné deuoit passer. Cingonius Varro auoit esté d'aduis que tous les atrachistrouuez dedans la mesme maison, fussent bannis de l'Italie. Ce que le Prince ne voulut permettre : craignant que la seuerité de l'ancienne ordonnance, qu'une misericorde n'auoit addoucie, ne s'accreust par vne nouuelle rigueur. A Dieu.

*A Monsieur Petau, Conseiller en la Cour de  
Parlement de Paris.*

*Il dicourt  
sur le su-  
jet de plu-  
sieurs me-  
ailles, &  
entre au-  
tres sur  
celles du  
Duc de  
Savoie &  
du Roy.*

**V**ous m'auez faict part de vos Antiques  
imprimez en taille douce, ensemble de  
vostre pourtraict, autour duquel est ce  
vers basti sur l'equiuoque de vostre surnom.  
*Tot noua cum quarant, non nisi prisca peto.*  
Ie loie grandement ceste noble estude digne  
de vous. Et à vray dire, vostre belle Bibliothe-  
que, singuliere entre les autres, ne receuroit  
son accomplissement, sans ceste maniere de Li-  
ures. Ainsi appellay-je ce que ie veux croire  
auoir esté par nos ancestres appellé Antiques;  
Parce que tout ainsi que l'historien deuissant a-  
uec nous, nous enseigne, aussi ceux-cy par un  
seul mot, voire le plus du temps sans parler,  
nous donnent aduis de plusieurs notables an-  
tiquitez. Comme ainsi soit qu'aux progres,  
ou illiës

*Les Anti-  
ques ensei-  
gnent en un  
mot.*



ou issuës des grandes entreprises, on faisoit forger pieces d'or ou d'argent, portants en leurs reuers par quelques belles figures & rencontres, le tesmoignage de ce qui s'estoit passé, ou deuoit passer. Il me souuient auoir leu qu'apres que le grand Bellissaire eut mis à chef la recouffe del'Italie sur les Gots, & de l'Affrique sur les Vádales, à son retour l'Empereur Iustiniã s'õ Scigneur voulut pour vn' histoire de sa grãdeur l'honorer d'vne piece d'or, à laquelle il donna cours dedans son Empire, portant d'vn costé le nom de *Iustinianus*, & de l'autre *Bellissarius Romanorum gloria*. Ce grand guerrier pouuoit-il mieux estre honoré que par ce reuers, auquel on l'aparioit à son Maistre ?

*Piece d'Or  
en l'hon-  
neur de  
Bellissaire.*

Ie ne veux de cecy rechercher exemple plus prompt que de vos deux pieces dernieres: L'vne du Pape Iule II. portant ces mots: *Bonon. P. Iulius à tyranno liberat*: L'autre de nostre Roy Louys XII. *Perdam Babilonis nomen*. La premiere nous enseignant, que le Pape Iule auoit exterminé les Bentiouolles vsurpateurs de l'Estat de Bolongne la crasse: La seconde tesmoignant le mauuais mesnage qui lors estoit entre le mesme Pape, & nous.

*Les Benti-  
uolles chas-  
sez de Bo-  
longne que  
ils auoient  
vsurpee.*

Et sans mendier exemple plus lointain que de nostre tẽps, ie vous supplie me dire, que recueillira cy-apres la posterité, d'vn *Oportunè* du Duc de Sauoye, & d'vn *Opertunius* de nostre Roy, si n'õ que ce seront deux lettres Hieroglyphiques, ou pour mieux dire, titres, & enseignemens par lesquels on cognoistra, sous quel titre le Duc de Sauoye ioũit du Marquisat de Salu-

*Oportunè  
du Duc de  
Sauoye, &  
Opertu-  
nius du  
Roy.*

ces, & nous, du païs de Bresse, Bagé, & Varónay. Demeurons dedans les termes d'une lettre hieroglyphique, qui veult estre déchiffrée, & pour déchiffrer ces deux-cy, repassons sur ce qui s'est passé entre nous & le Duc de Savoie. Car en plus beau subiect que cestuy ne pouuons nous maintenant employer nostre loisir.

*Le Duc de  
Savoie  
s'empare  
du Marqui-  
sat de Sa-  
luzzes, &  
de la Me-  
daille qu'il  
fit faire sur  
sa victoire.*

Nostre feu Roy Henry III. estant comme vous sçavez en l'an 1589. infiniment affligé par quelques siens subiects souz le nom de la Sainte Vnion, & toute la France en combustion, le Duc de Savoie trouuant son apoint dedans nos troubles, s'empara sans coup ferir du Marquisat de Salusse, qui estoit grandement à la bien-seance. Et glorieux de cette inopinée victoire, que nostre malheur luy auoit procuree, pour commemoration de ce bon-heur, fit forger des pieces d'argent, qui coururent par ses païs, dans lesquelles il se fit esleuer en relief pres du naturel, d'un costé, & de l'autre, vn Centaure petillant vne Couronne renuersée, & au dessous ce mot *Oportunè*: faisant gloire d'auoir pris l'occasion à propos, pour nous suplanter du Marquifat. Il y a deux ou trois iours, qu'un ie ne sçay quel mutin me disoit, que quiconques auoit esté le fatiste de cette deuise, estoit, ou pedant, ou mocqueur. D'autant que le Centaure estant vn monstre mi-party de l'homme, & du cheual, denotoit, que ceste entreprise auoit esté monstrueuse, en laquelle il y auoit eu autant de la beste, que de l'homme, d'auoir contre tout droit des armes surpris ce Marquizat sur vn Prince affligé, avec lequel il y auoit paix iurée:

& qu'au lieu d'un *Oportunè*, il eust esté plus à propos de mettre ce vers.

*Egregiam vero laudem, & spolia ampla refertis.*

Vous me direz, *Quæ supra nos, nihil ad nos*:  
 J'en suis d'accord. Mais le malheur est, que  
 tout ainsi que les actions des Princes sont expo-  
 sées aux yeux de tous, aussi ne se peuvent el-  
 les exempter du contrôle de tous, chacun en dit  
 ce qu'il en pense. Tournons maintenant le  
 feuillet, & parlons de nostre *Oportunus*. Par la  
 paix qui fut conclüe à Vervins entre les deux  
 Roys, le Marquisat de Salusse fut expressément  
 réservé, & remis sous l'arbitrage du grand Pa-  
 pe Clement VIII. Ceste exception fut depuis  
 diuersement traitée par internonces. En fin le  
 Duc, Prince aduisé, estima qu'il ne falloit plus  
 alleuré Ambassade que luy mesme, pour de-  
 messer ce différent, il s'achemine en France, bié  
 recueilly par nostre Roy. Le faict mis sur le ta-  
 pis, voulant iustifier sa cause par ses titres, com-  
 me il disoit, nostre sage Chancelier de Bellie-  
 ure, avec la lenitute de qui luy estoit familiere luy  
 dit: vous y estes entré sans cognoissance de cau-  
 se, il faut que sans cognoissance de cause soyons  
 par vous réintégrés. Cela faict, nous procéde-  
 rons à l'examen de nos pieces d'une part & d'au-  
 tre. Pour le faire court, la réintégrande est ar-  
 restée, & ayant le Duc promis de remettre les  
 places dedans certain temps, le Roy prend son  
 adresse vers la ville de Lyon, en deliberation  
 de recevoir d'une mesme main, & la Princeſſe  
 de Florence sa femme, & espouse, & le Marqui-  
 zat: toutes fois se trouuant escorné par les lon-

*Il vient en  
France  
pour en  
traitier.*

*Qui pro-  
met la  
réintegr. s-  
de.*

guez exquises du Duc, il estima qu'il falloit auoir recours aux armes. Il n'auoit lors fait aucun dessein de nouuelle guerre, ny par consequent aucun preparatif de chose nō projectee. Nous estions bien auant dedans les faubourgs de l'hyuer, & falloit iouer des mains au milieu des neiges & montaignes ; toutesfois à coup perdu ( & neantmoins sagement ) avec le peu de force que la necessité presente luy fournit, lors il se iette dedans la Sauoye, & en moins de six sepmaines s'en fit maistre, & peu apres du pais de Bresse, mesmement prit la Citadelle de Bouig, & le Chasteau de Montmelian, assis sur vne haute montaigne, place qu' auparauant on estimoit inexpugnable. Et au milieu de ceste guerre espoula dedans la ville de Lyon la Princesse de Florence avec tels fanfares & magnificences qu'on eust peu desirer dedans vne tres-profonde paix. Ny l'execution des armes n'empescha la conlommation de son mariage, ny l'effect de son mariage, l'execution des armes. Ayant vaincu son ennemy il se fait puis apres, par la semonce du saint Pere, non seulement victorieux de soy, ains de la victoire mesme, qui est naturellement insolente. Car par la capitulation il laisse au Duc le Marquisat, & tous les pais par luy de nouveau conquis, hormis la Bresse, Vaugé, & Varonnay. Quoy faisant, il bannit par mesme moyen les ombrages qui estoient de nouveau logez aux cœurs des Potētats d'Italie. Et neantmoins pour ne mettre rien en oubly de ce qui concernoit sa Grādeur, il voulut renuier sur le Centaure & Opportunè

*Le Roy se  
sette dans  
la Sauoye,  
& s'en fait  
Maistre.  
Puis de la  
Bresse.  
Prend  
Montme-  
lian, estime  
inexpugna-  
ble.  
Espouse à  
mesme tēps  
la Serenissi-  
me Prin-  
cesse Marie  
de Medicis  
à Lyon.*

du Duc, d'un *Oportunus*, & d'un Hercule reue- *Medaille*  
 stu, non de la peau d'un Renard, ains de celle *faicte par*  
 d'un Lion ( qui est son harnois ordinaire ) te- *le Roy sur*  
 nant en l'une de ses mains haut esleuee sa mas- *sa victoire.*  
 sue, & en l'autre vne Couronne releuee, foulât  
 aux pieds vn Centaure, qui estoit iambes reuer-  
 ses, au dessous vn *Oportunus* : Pour monitrer,  
 que sous bons gages, & avec armes ouuertes il  
 estoit venu à chef de son entreprise. Au demeu-  
 rant, repassez par toute l'ancienneté, vous ne  
 trouuerez vn seul traitt, qui vienne au paran-  
 gon de cestuy. Combattre le temps & les villes,  
 & la nature ensemblement, ioier deux person-  
 nages diuers de guerre & de paix, en mesme  
 temps, & sans longuement marchander rapor-  
 ter les Lauriers & accomplissement de ses sou-  
 haits. C'est pourquoy i'ay voulu honorer, non  
 ceste histoire par ma plume, ains ma plume par  
 ceste histoire, comme vous verrez par ce mien  
 Epigramme. A Dieu.

De Regis Henrici Magni, in Allobro-  
 ges expeditione.

**C**onditione sacra fœdus dum crederet iclum,  
 Sallucioque frui sperat inermis agro,  
 Carpit iter, ramo princeps redimitus olina,  
 Hetruscam sponsam, sponsus ut exciperet.  
 Allobroges non stant promissis; & male fide,  
 In varias ducunt pignora pacta moras.  
 Agnouit technas Henrichus, proinus arma  
 Inde sibi dubio Marte paranda putat.  
 Accingit se opere, modico semilite stipat,

*Epigramme*  
*sur la guerre*  
*de Sa-*  
*uoye pour*  
*le Marqui-*  
*zat de Sa-*  
*lesse.*



Colligit, & potuit quas dare tempus, opes.  
 Stabat Hyems, multo vallata Sabaudia colle,  
 Imbre, niue, & glacie frigoribusque potens.  
 Hanc tamen armipotens, uno vel mense subegit,  
 Huic respirandi nec dedit ille locum.  
 Non tulit hæc Clemens, Regum pater optimus, ut cui  
 Discordes animos conciliare suum.  
 Obstabat sanctis victoria turgida votis,  
 Vota pater voluit natus obire patris:  
 Carcere spem frangat, pacemque amplectitur ultro,  
 Qui potuit legem, legibus ense dare.  
 Nec pepigisse tamen piguit, data Bressia, fines  
 Adieci que novos, finibus imperij.  
 Sic est hostis ab hoc, & ab hoc victoria victa,  
 Sic est Henricus victor & ipse sui.  
 Imodo, Alexandri, vel Caesaris acta recense,  
 Entibi Rex unus maior utroque fuit.

*A Monsieur Moreau, Aduocat en la Cour de  
 Parlement de Bourdeaux.*

Il le remer-

cie de son

amitié, &

luy dit son

aduis tou-

chez les

Escussions

dont il fai-

sait un Li-

vre

La Vertu

vray son-

dement de

toute ami-

tié bien re-

glée.

Accepte de bon cœur l'amitié dont me  
 faites présent par vos lettres, & non  
 seulement ie l'accepte (ores que ie ne vous aye  
 jamais veu, ny vous moy) ainst tire à tres-gran-  
 de obligation d'estre honoré d'un personnage  
 d'honneur. C'est pourquoy ie vous prie faire  
 estat de moy, comme de celuy qui vous est de  
 nouuel acquis par iuste & loyal titre, ie veux  
 dire par celuy de vertu, vray fondement de  
 toute amitié bien reglée: Car quant au faict  
 des Escussions & Armoiries dont m'escriuez,  
 vostre entreprise me semble tres-noble, le



subiect d'une riche estoſſe, la façon que projet-  
tez y bailler, tres-belle : En peu de mots, si vo-  
ſtre Liure eſt accompaigné de paroles de choix,  
belles pointes, ſil de langage tel que i'ay obser-  
ué en vous par vos lettres, croyez qu'il ſera  
embraſſé par toute la France d'un tres-fauora-  
ble accueil. Et parce qu'outre les Autheurs  
par vous cotez, deſirez ſçauoir de moy ſi i'en  
ay veu quelques autres, ie vous en enuoye v-  
ne petite liſte à part. Ce ſont pieces dont pour-  
rez ſagement & à petit bruit faire voſtre pro-  
fit. Bien vous diray-je, qu'entre ceux qui  
s'en ſont meſlez, le Feron duquel m'eſcriuez,  
s'en voulut faire croire par deſſus tous. Ie vous  
en parleray comme d'un homme que i'ay de  
fois à autres fréquenté ſur mon moyen aage.  
Il eſtoit un ancien Aduocat en noſtre Palais,  
qui ne fit iamais grande profeſſion de ſa char-  
ge, ains ſeulement de blaſonner les Eſcuſſons &  
Armoiries, cōme meſmes vous auez peu voir  
par quelques Liures qu'il fit imprimer ſur ceſte  
matiere. Et neantmoins il n'eut iamais la plu-  
me ſi deſſiée, comme quelques uns qui luy  
ont ſuccédé : Car pour vous bien dire, il ne mā-  
dia pas l'vſage des Armoiries, ny des guerres,  
ny de la nobleſſe, ains dès le commencement de  
ce monde : Voire aſſigna à noſtre premier Pe-  
re Adam les ſiennes. Si vous me demandez  
quelles ? C'eſtoient trois fueilles de Figuier. *Eſcuſſon  
d'Adam  
quel, & la  
raiſon.*  
Et comme ie luy demandaiſſe, pourquoy  
il les luy auoit atribuees, il me reſpondit,  
que c'eſtoit pour autant qu'apres auoir man-

gé du fruit de science, Adam s'estoit couuert les parties honteuses d'une feuille de figuier. Et sur ce pied il bastit quatre ou cinq grostomes en grand volume, figurez selon son opiniõ. Curiosité que i'oze aussi tost appeller inexcusable, comme inespurable. Si cette remarque vous peut servir en bien ou en mal, ie vous la donne, pour la ménager selon vostre deuotiõ. Vous priant de prendre ce petit memoire de bonne part, comme auantcoureur de ma bonne volonté enuers vous. De Paris ce 7. Decembre 1607.

*A Monsieur*

*Il luy respond sur le  
suiect de  
quelques  
uns qui  
censuroient  
quelques  
passages de  
ses Recher-  
ches.*

*Charlemai-  
gne mis au  
Calendrier  
des Saints.*

**P**Our respondre à vostre lettre, ie vous diray, que ie n'ay estalé dedås mes Recherches, l'amour prodigieux de Charlemaigne, dont m'escriuez, pour marchandise certaine & asseürée, ains comme vn Vaudeuille qui courroit de longuemain entre les Prestres à Aix la Chapelle, lors que Petrarque y passa. Recours à la lecture du passage. Toutesfois vous m'imputez, d'une plume merueilleusement hardie, que ie calomnie mal à propos la reputation de cest Empereur, & qu'en la calomniant, i'accuse tout d'une main de superstition & imposture (ce sont les mots dont vsez) l'Eglise, qui l'enregistra au Calendrier des Saints. Il faut de deux choses l'une, ou quen'ayez eu yeux en teste me lisant, ou que s'il y a de la calomnie en ce sujet, elle soit toute de vostre part, me faisant iouer

autrerolle, que ie n'ay faiët. Et quand mesmes iel'aurois pleuuy tel que dites, c'est errer en s'escommû, d'estimer que i'eusse offensé sa memoire. Car ce n'est pas contre luy que ie me heurte, ains contre la Dame, qui par enchantemés, & arts diaboliques abusoit de sa volonté. Que pleust à Dieu, que tous les Princes tinssent ceste histoire pour très-veritable; ce leur seroit vne fidelle leçon pour se tenir sur leurs gardes contre les embusches des Dames, qui non cõtentes de s'auantager sur eux par les fards que elles ont emprunté de nature, employent d'abondant les charmes & artifices du Diable, pour les tenir plus long temps encheuestrez dans leurs rets. Ceux que dites mes ennemis, sans les nommer, ores qu'ils ayent recherché de fonds en comble mes Recherches, non pour les terrasser par Liure massif, mais pour les pointiller par petites notes (ainsi ont ils timidement intitulez leurs Liures) toutesfois ne m'ont iamais ozé attaquer de ce costé là. Vous seul, par vn priuilege de vostre plume, les auez voulu brauer, comme plus clair-voyant que eux, & emportez ceste palme sur eux. Mais cõme ils ne veulent estre vaincus, & singulièrement au mestier de mesdisance, aussi crain-je qu'ils ne vous vueillent faire accroire que soyez vn Hercule imaginaire, qui vous forgez à credit vn monstre nouveau pour le combattre.

*M. Pasquier re-  
pris en ses  
Recher-  
ches.*

Car quant à ce que tout d'vne suite par forme de surcroist adioustez, que pour ne donner prise à mes ennemis, me conseillez d'effacer ce

458 LIVRE XIX. DES LETTRES  
quei'ay dict de l'Empereur Constantin, & de  
nostre Roy Clouis aux premier & second Li-  
ures; Si i'auois à contenter tous ceux qui lisent  
mes Recherches, il faudroit non seulement  
supprimer ce que souhaitez, mais tout le de-  
meurant du Liure. Sça'vous pourquoy?

*Tres mihi conuine pene dissentire videntur,  
Poscentes vario multum diuersa palato.*

Et ce que le Poëte dict du goust, ie le puis di-  
re de la diuersité des opinions, voir esous meil-  
leurs gages que luy; Parce qu'il y a aujour-  
d'huy vne quint'essence d'hommes, qui pour  
ne pouuoir produire aucuns fruits de leur  
creu, s'alambiquent les cerueaux à regrater  
sur les œures d'autrui. Lesquels toutesfois  
ie ne voudrois aisément controoler. Et pour-  
quoy donc? D'autant que ce sont subiets hors  
de ma profession. Le semblable deuez vous  
faire en mon endroit, & auant que me con-  
damner, entrer en la cognoissance de vous,  
sonder vos forces, examiner en vostre con-  
science, si estes Nouice, ou Profez en nostre  
histoire, si vos estudes vous ont donné le loi-  
sir d'estre tout à coup Escolier & Aristarque  
tout ensemble: Brief, vous souuenir de ceste  
ancienne sentence: *Quam quisque norit artem,  
in hac se exerceat.* Cröyez que ie n'ay parlé de  
ces deux grands Princes, ny par aduis de pais,  
ny à coupperdu: l'ay mes raisons particu-  
lières, dont ie ne vous veux rendre raison. Que  
si desirez en sçauoir la cause, ie vous ren-  
uoye à la douzielme lettre du neuuiesme Liure  
de mes Lettres. C'est ainsi que ie traicte amia-

blement avec mes amis. Car à vn autre que vous i'eusse r'enuoyé sa lettre pour toute responce.

Il y a quarante cinq ans & plus, que les deux premiers Liures de mes Recherches furent imprimez, dans lesquels i'ay defriché, outre les deux points que dessus, plusieurs anciennetez non auparauant touchees par nos Annalistes : Liures qui depuis furent loüez, respectez, & celebrez, par les plus doctes mains de nostre temps. Et mesmement vns Veigner, Haillan, Pitou, Belleforest traictants diuersement des affaires de nostre Francé, en ont faict tres honorable mention. Ostez doncques de vostre teste cest vmbrage dont dites estre affligé pour moy. Je porte dés pieçà en tous lieux mon sauf-conduit sur le front contre ces pretendus ennemis, que craignez donner quelque atteinte à ma renommee. Ce sont chiens qui me peuuent abayer, non mordre : ou (si ainsi le voulez) Pedants non dignes que i'aiguise contre eux, ny ma plume, ny ma colere. Ils se sentiroient en leurs Ames trop honorez, si i'en vsois autrement. Au surplus ne desdaignez de prendre ce petit mot de conseil de vostre amy, pour closture de ceste presente. *Ne sutor ultra crepidam.*  
A Dieu.



*A Monsieur l'Eschacier, Aduocat en la Cour de  
Parlement de Paris.*

*Il discours  
amplement  
sur le sujet  
du Droit  
de Nature.*

**S**'Ayleu le Liure par vous composé, dont  
m'auez voulu faire part, qu'intitulez,  
*du Droit de Nature*; Liure digne d'une  
belle Ame, telle que la vostre, que ie ne  
puis assez honorer: Car qu'y a-il rien de plus  
leant que de rapporter comme vous faites, le  
droit de nous tous à la Nature, à la suite de la-  
quelle si nous acheminons, quelques anciens  
estimoyent qu'il estoit impossible de nous four-  
uoyer en nos actions? Toutesfois comme les  
iugemens des hommes sont diuers; Aussi vous  
veux-ie maintenant escrire, quel est le mien  
pour cest esgard.

*La Nature  
aime sur  
tout la con-  
seruation  
de la So-  
ciété uni-  
uerselle.*

Premierement ie tiens pour proposition ge-  
nerale & tres asseuree, que nature n'a iamais eu  
rien si agreable, que la conseruation de cette  
vniuerselle Societé. Qui est la cause pour laquel-  
le elle voulut, que non seulement les hommes,  
ains tous les autres animaux fussent en leurs es-  
peces sociables, *Succedit*, (disoit S. Ambroise au  
premier liure de ses Offices) *ut omnium genera  
animantium, congregabilia sint natura*. I'adiou-  
steray les vns plus, les autres moins. Enuoyez  
paistre aux champs, cheuaux, asnes, vaches,  
brebis, pourceaux; Enuoyez y des volailles, ne  
craignez qu'ils demeurent peste-messe ense-  
mble, ains font tous diuers esquadrons, selon la  
diuersité de leurs especes. Il n'est pas que les  
bestes sauages, comme Cerfs, Sangliers &

*Chaque  
espece se  
plust avec  
sa sembla-  
ble.*



Loups, ne facent leurs troupeaux distincts. Or sur ce premier fundement i'en basti vn autre. Car soit que tous les autres animaux, que nous estimons manquer de raison, soyent sociaux ou non, tant y a que ie tien pour vne maxime tres certaine, que par vn ie ne scay quel instinct que la nature a mis en eux, ils s'estudiēt en leurs espèces à la cōseruation d'eux tous, tāt en particulier que general. De tant que nature mit premierement en eux le desir de la generation de leurs semblables, par vn taisible allechement de volupté mutuelle du masle avec la femelle; Puis estants nez leur enseigna de pourchasser leur vie & de foy contregarder. Le pouffin, soudain qu'il est eclōs, suit la poule qu'il a couué, pour becqueter avec elle, commence de grater la terre & se mettre sous la protection de ses ailes, contre les aguets des Oiseaux de proye, qu'il recognoist naturellement pour ses ennemis. Et ce que pouuez observer en cette bestiole, le semblable se pratique sous diuers mesnages, en tous les autres animaux dès & depuis leur naissance.

*Les especes  
des creatu-  
res se'stu-  
dient a  
leur cō-  
seruation.*

Il n'est pas qu'en leur general ils n'ayent vne autre grande loy, dont ils n'ont autre legislateur que leur nature. Car encores que de fois à autre, poussez de cholere, vous les voyez offenser leurs semblables; si est ce que leur regle ordinaire n'est point de se liurer tels cōbats, ains aux autres bestes qui ne sont de leur espece, par quelque soude cōtre-nature qui est entr'elles. Je le vous représenteray par exemple, entre les bestes qui naissent dedans nos maisons; S'il y

*Les ani-  
maux ne  
s'efforcent  
point de  
destruire  
leur espece.*

*L'Araigne  
ne tend ses  
filets que  
aux mou-  
ches.*

en a quelqu'une qui meine vie moins sociable, c'est l'Araigne ( car chacune d'elles a la loge particuliere, & peu de communauté avec les autres) toutesfois elle ne tend point ses filets pour surprendre & manger les compaignes, ores que plus foibles & petites, ains les mouches qui luy seruent naturellement de proye. Autant en pouuez vous dire de tous les autres animaux. Celuy, qui par la fable representa le Lion deuant toutes les bestes qui le venoyent saluer, n'en remarqua aucune qui fust de la mesme espece que luy. Je vous veux dire doncques, que tous les autres animaux entretiennent leurs societez, tant en general, que particulier; Et que de ce ils n'ont autre leçon, que de la nature muette qui est en eux fixe & permanente. Tellement que ie les puis en cecy pleuuiier estre fondez en droit naturel. Mais d'é dire autant de nous autres hommes, ie n'ose: Encores que ie sache bien, que de prime face cette propositiō vous sēblera merueilleusement farouche. Car la commune opinion est, qu'il n'y a rien, en quoy la nature se soit tant glorifiée, qu'en la creation de l'homme & de la femme, comme ceux, qui en leur humanité approchoyent de plus pres de la diuinité.

Ne sortons point des bornes de nostre question, qui est de scauoir; Si le droit, dont nous vsons, est naturel, ou non. Auant que de passer plus outre, ie vous diray, que ie n'eūss point comprendre en ce mien discours, ny nostre ancien decalogue, ny toutes les loix qui sont ordonnees par nos Euangiles, & par nostre

Eglise. Puis qu'elles viennent nuëment de la main de Dieu : ce seroit vne impietë & blasphemie de les vouloir controller. Mais ce que ie vous discourray cy-apres, sera sur le pied des anciens philosophes, quand ils parloyent de la nature. Iedy, que tout ainsi qu'aux autres animaux, Dieu aussi mit en nous deux instincts, que nous pouuons vraiment rapporter à la nature, l'un d'estudier à la conseruatiõ de nous tous en particulier ; l'autre en general ; toutes-fois sous diuers regards. Tout tant d'hommes & de femmes qu'il y a au monde ( i'en excepte seulement ceux & celles où Dieu voulut miraculeusement esprendre les semences d'une virginité obstinée ) sont naturellement enclins d'auoir lignee , pour s'immortalizer en leurs mortels estres, par leurs enfans & posterité; Recherchent les moyens de viure à leurs aises, & de se garentir des assauts de fortune & de leurs ennemis, Que si Dieu permettoit que par vne folle desbauche nous missions sous pied tous ces soings, nous verrions en peu de temps vne conuulsion generale des membres de l'vniuers. Mais beaucoup plus grand & noble est le second droit, par lequel on s'estudie de conseruer cette societé humaine en son general. Le premier tombe en toutes sortes d'Ames, voire des moindres; Et le second, aux genereuses seulement des hommes, qui prennent, ou auxquels est donné charge de faire des loix. Par ce qu'en les bastissant ils n'ont autre but deuant eux, que la conseruation des peuples qui sont des- sous leur puissance. Et d'autant que le peuple

*Deux instincts generalles en l'homme, & en tous autres animaux.*

*Tous hommes & femmes naturellement enclins d'auoir lignee.*

*But qu'ont deuant les yeux ceux qui bastissent des Loix.*

*Le Droit public doit estre prefere au particulier.*

en son general est preferable à l'homme particulier, aussi en concurrence des deux droits ; c'est vne autre loy naturelle, de preferer tousiours le droit public, au particulier.

Nous pouuons doncques soustenir, par vne regle tres-certaine, que naturellement nous tendons à la manutention de nostre Societé, soit en particulier, soit en general ; Mais quand i'ay faict ceste premiere desmarche, en tout le demeurant ie m'arreste, & n'oze bonnement passer outre, ny iuger si les Loix subalternes basties en consequence de ce que dessus, sont fondees sur la nature, ou sur l'opiniõ seulemēt. Cela fut disputé amplement, pour & contre, par Platon en ses Dialogues des Loix. En quoy chacun des entreparleurs par luy produits le persuada d'auoir la victoire. Voyons, si le doute que i'en fay est sans cause.

*Trois manieres de Republiques.*

*Communauté de tous biens en celle de Platon.*

*Partage egal d'iceux en celle de Lycurge.*

*Les femmes communes pour la procreation des enfans entre quelques uns.*

Pour conseruer nostre Societé generale, nous auõs introduit trois manieres de Republiques.

La Royale, la Seigneuriale, la Populaire. Chaque Legislateur a estimé, que la sienne estoit la meilleure. Sous cestrois Gouuernements ge-

neraux, encores y eut-il autres propositions

plus basses. Vn Platon, en sa premiere Republique, approuua la communauté de tous biēs entre les concitoyens ; Lycurge, en la sienne ;

Quele departement de tous biens & heritages fust égal. Il n'est pas, qu'en la procreation des enfans, quelques peuples n'ayent voulu, que les Femmes fussent communes ; & les autres ; qu'il fust permis à vn mary d'en auoir autant chez soy, comme ses biens & facultez le pou-

uoient

voient permettre. Si vous eussiez parlé à tous ceux qui introduisirent ces loix, ils n'eussent manqué de raisons, selon l'abondance de leur sens, pour vous monstrez qu'il n'y auoit rié de plus iuste que ce qui estoit par eux ordonné. Je voy, qu'en l'un de vos discours, vous soutez nostre Loy Salique, faite en faueur du premier Prince du Sang masle, pour succeder à nostre Couronne, estre vraiment du droit Naturel. Chose, que ie veus aisément croire, comme vous, pour estre né sous cette Loy. Iettez l'œil sur le royaume d'Angleterre, qui peut tóber en quenouille; Les Anglois vous feront pareil iugement de leur Loy, comme vous faites de la nostre. Et toutesfois ce sont Loix grandement diuerses. nous recognoissons par nos coustumes aux fiefs plusieurs aduantages faits aux masles; Et specialemēt à l'Aisé. Communiquez de cecy avec l'empereur Iustinian, il vous dira n'y auoir rien tant desraisonnable que l'Inegalité qui est entre les enfans masles & femelles es successions de leurs peres & meres. Le temps me deffaudroit plustost que la plume en ce subiect, si ie vouloy courir sur toutes les autres particularitez. Suffise vous, qu'en cette diuersité, voire contrariété de Loix, chacun a de grands garés deses opinions. Chasque legistateur se met vne Iustice en bute; Et chacun d'eux luy fait (si ain-si voulez que ie le die) vn nez de cire, & la diuersifie sur le moule deses conceptions particulieres. Et neantmoins, en cette varieté, eux tous conseruent & maintiennent leurs Republiques en leur entier.

*La Loy Salique est du Droit naturel.*

*Le Royaume d'Angleterre peut tóber en quenouille.*



Vous me direz, que ie meforuoye du vray chemin, fondant les loix sur l'opinion, non sur la nature. Et ie vous respons, que ie suis tres-content de les fonder sur la nature, moyennant que d'une mesme rondeur me recognoissiez quel a esté l'ordre de nostre nature, depuis que nostre premier pere Adam voulut gouster du fruit de Science, contre les deffenses quiluy

*La Nature  
depravee  
par la cheu-  
te d'Adam  
n'est au-  
tre chose  
qu'opinion.*

auoyent esté faites par Dieu. Pour punitiõ de quoy nostre nature fut depuis si depravee, qu'à peine ose-je dire, qu'elle soit autre chose qu'opinion. Opinion (dy-ie) en plusieurs rencontres, pire que des bestes brutes, lesquelles, comme j'ay dit, se conseruent en leurs espèces; Et nous, par guerres, tant Estrangeres, que Ciuiles, armons nations contre nations, Royaumes cõtre Royaumes; Voire que pour vous monstrier comme nature s'est en cecy mocquee de nous; c'est qu'entre toutes les bestes, il n'y en a aucunes, qui approchent tant de nostre police commune, que les Abeilles. Car par vn instinct naturel, elles ont dans leurs Ruches leurs Rois, ausquels elles portent toute obeissance; Aussi elles seules, entre toutes les autres bestes, s'arment par troupes, les vnes encontre les autres; Monstrans par cela, que plus elles approchent de nostre imaginaire perfection, & plus il y a en elles d'imperfection.

*Les Abil-  
les seules  
entre les  
bestes ont  
vn Roy.  
Mais aussi  
seules s'ar-  
ment les v-  
nes contre  
les autres.*

*Diuerfité  
des loix de  
la diuerfité  
des mœurs.*

Et neantmoins encores ne seray-ie si absolu en ce que ie soustien. D'autant que quelques vns pourroient dire, quela diuerfité des loix prouient de la diuerfité des mœurs, qui naissent entre les peuples selon la diuerfité des Regions,



& de l'air : Et que tout ainsi que le Medecin change de remedes, ayant esgard aux contrées, aux aages, aux complexions de ses patients: aussi le semblable font les sages legistateurs enuers les peuples qu'ils gouvernent ; Donnants prudemment beaucoup par leurs loix, au naturel des lieux qu'ils se proposent de gouverner. Et ceste proposition m'en faict soustenir vne autre, qui est, qu'au milieu de tant de varietez, ie ne voy regle qui doieue estre plus inuiolablement obseruee, que ceste cy. C'est ascauoir, que quelque diuersité, de loix qu'il y ait, il faut viure selon celle du pais auquel on s'est habitué, & estimer que puisqu'elle y est establie, nous la deuons iuger bonne. Mon bon amy (disoit le capitaine Artabane à Themistocle banny de son pais) les loix & coustumes des hommes sont differentes, & estiment quelques peuples vne chose honneste, qui est deshonneste ailleurs. Mais bien est il hōneste à tous, & par tout, d'observer celles du pais où on est. Vous autres Gregeois faites profession expresse de liberteé en vos Republiques; & nous Persans, de seruitude enuers nostre Roy. Partant si tūle veūx saluër, il faut que tū l'adores, comme nous, ou bien ne te presenter deuant luy. Ie ne vous puis apporter plus belle closture à mes discours, que ceste-cy, laquelle par vn mesme moyen mettra fin, & à ma lettre, & à nostre dispute. Vous priant prendre de bonne part ce que ie vous en escry, non par esprit de contradiction, ains cōme celuy qui desire estre plus amplemēt

*Les Loix du pais doiuent tousiours estre estimees les meilleures.*

*Les Grecs faisoient profession de liberteé, & les Persans de seruitude enuers leur Roy.*

*A Monsieur Loysel Aduocat en la Cour de Parle-  
ment de Paris.*

*Il raconte  
les causes  
pourquoy  
il ne veut  
revenir à  
Paris.*

**JE** receu Samedy dernier six lignes de  
vous, qui m'aportèrent vn singulier plai-  
sir, non seulement pour venir de vostre part,  
mais aussi d'autant que ie m'aperceu par elles  
d'un grand amendement de vostre vie, estans  
escrites, non de ceste lettre farouche, qui ne se  
pouuoit apriuoiser de mes yeux, ains bien mou-  
lee & legible. Qui me fait iuger qu'il y auoit  
par cy deuant de la malice en vous, digne d'une  
animaduersion exemplaire. Et neantmoins de-  
dans ce contentement, i'ay trouué beaucoup de  
mescontentement, d'otie ne vous puis excuser,  
quand en peu de paroles non seulement m'ad-  
monestez, ains coniurez de mon brief retour  
en vostre bonne ville de Paris. Vray Dieu! quel  
mal vous ay-ie faict, pour lequel soyez mainte-  
nant deuenu ennemy de mon aise? Permettez  
moy, ie vous prie, de reprendre aucunement  
mon haleine pour me reposer de ceste longue  
course, que i'ay faicte par le passé. I'ay vne ma-  
xime generale en moy, d'aimer mes amis pour  
l'amour d'eux, non de moy; & ores que leur  
presence me soit infiniment agreable, si est-ce  
qu'en quelque lieu qu'ils habitent, ie suis tres-  
content, moyennant que ie sçache qu'ils soyent  
contents. Ie sçay bien que doutez de mon aa-  
ge, comme d'une vieille paroy affessee, & que

Si l'aduenoit icy fortune de moy, ie serois esloigné des Medecins pour me secourir. Contre cette crainte, i'ay trouué vn mitridat, dont ie vous diray les ingredients. Premièrement, estant composé de corps & d'esprit, qui ont selon les Loix de vos medecins, de grandes correspondences, aussi donné-ie ordre de les faire frater-  
 nizer ensemblement, estât peu de la nourriture du corps, si elle n'est accompagnée des alimēts de l'esprit bons & sortables. Sur cette proposition ie basti toutes mes actions. Bon feu en ma chambre, exercice de corps moderé, bonnes viandes, table sans apareil, voire que ie fais gloire, que ceux qui me font l'honneur de venir prendre vn mauuais disner chez moy, ayent cognoissance de mon honneste espargne, qui fait partie de mon reuenu : Ie dy par expres honneste, d'autant que ie ne veux qu'il y ait du taquin ou fâsquin. Ie vi en vn repos d'esprit, nō embarrassé d'affaires, non controlé d'autre que de moy; ne lisant aux visages de mes commensaus vn mescontentement, iacoit qu'ils se taisent : Esloigné de toutes nouuelles, bonnes ou mauuaises, qui tyrannissent ordinairement nos esprits. Ie vous prie doncques ne me plus solliciter de mon retour, que ie sçauray fort bien minuter, quand l'enuie m'en prendra. Car deslors si ie demeurois icy dauantage, ce me seroit vne penitence, & espouferois vne prison au milieu des champs. A Dieu. Du Chastelet en Brie, ce premier Octobre 1605.

*Mitridat  
dont vsoit  
M. Pas-  
quier pour  
se mainse-  
nir en sâsé.*

*A Monsieur Loisel.*

*Il raconte le  
sujet de  
sa retraite,  
& comment  
il s'estoit  
rendu soli-  
taire pour  
conserver sa  
santé.*

**M**Aintenant recognoi-ie en moy n'y auoir plus grande tyrannie au monde pour faire trouuer les choses bonnes, ou mauuaises, quel'accoustumance: Si vous me demandez pourquoy; ie le vous diray. A l'issuë de ma maladie, mon Medecin prenant congé de moy, me remonstra, que i'auois deux grands ennemis à combattre: La saison del'Hyuer, en laquelle estions, & l'ancienneté de mon aage, qui m'accompaigneroit iusques à la mort. Partant me conseilloit, de garder la chambre, afin de ne plus garder le liët. I'estois lors encores foible, & non du tout reuenu, au moyen dequoy i'y acquiescay fort aisément. Mais reprenant peu à peu mes forces, & m'estant en fin fortifié tout à fait, ie commençay de faire le procez au Medecin, & parauanture à moy mesmes. Quoy? sera il dit, que ie feray de ma maison, ma prison? Cela estoit bon, lors que ie ne battois que d'une aisle, mais maintenant que ie suis, graces à Dieu, plein de forces de corps & d'esprit, pourquoy me banniray-ie des compaignies? Pourquoy ne verray-ie, comme auparauant les hommes doctes, mes amis, qui m'estoient autant de leçons? Ce seroit vne nouuelle maladie d'esprit, qui au long aller me causeroit vne plus forte maladie du corps. C'est vne regle commune en l'eschole des Medecins, qu'il faut employer les medica-

ments selon la temperature des corps ; Telle-  
ment que de faire passer par vne meisme chauf-  
se, le remede du corps fort, avec celuy du foi-  
ble, ceseroit du tout errer contre les preceptes  
de la medecine.

Me chatouillant de ceste façon pour rire, ie  
me voulois lascher la bride, & vous visiter,  
comme aussi mes autres amis, quand mon fils  
de Bussi & sa femme, qui font leur residence a-  
uec moy, me voyants en ces alteres, m'assailli-  
rent brusquement en ceste maniere, pour m'en  
destourner.

Comment, mon pere, me dict l'un : Com-  
ment Monsieur, me dit l'autre, auez vous mis  
en oubly vostre maladie ? Vous n'estes plus ce  
qu'avez esté autrefois. Vn an de vostre aage  
present en emporte dix du passé. Et vous char-  
gé d'ans, vous sorty fraichement de vostre ma-  
ladie, pensez obtenir contre les importunitéz  
de l'hiuer, ce qu'un ieune homme fort & plein  
de santé seroit bien empesché de gagner. C'est  
trop vous flater, c'est trop abuser de vostre a-  
ge. La rencheute est plus à craindre à tout hō-  
me que la maladie premiere ; Mais au vieil-  
lard qui porte tousiours quant & soy  
vne maladie incurable, c'est assurance de  
mort. Me voyant combatu d'une si iuste co-  
lere, ie fus contraint d'obeir non seule-  
ment au Medecin, ains à mes enfans. Mede-  
cine du commencement non moins amere  
à mon esprit, que celle du corps à la bou-  
che. Mais entendez quelle operation elle a  
faite en moy. Vous scauez qu'il y a trois ans pas-

*La ren-  
cheute fort  
à craindre  
sur tout au  
vieillard.*



tez, que ie me suis bāny de toutes affaires publiques, & que depuis quelque mois ie me repose des domestiques sur Bussi. De sorte qu'estant maintenant reduit à ma chābre; voici l'economie que i'y garde. I'ay d'ũ costé mes Liures, ma plume, & mes pēfers; d'vn autre vn bon feu, tel que pouuoit souhaiter martial; quād entre les felicittez humaines il y mettoit ces deux mots, *Focus Perennis*. Ainsi me dorelotāt de corps, & d'esprit, ie fay de mō estude, vne estuue, & de mō estuue, vne estude: Et en l'vn & l'autre subiect, ie donne ordre qu'il n'y ait aucune fumee. Au demeurant, estude de telle façon composee, que ie ne m'asservy aux Liures, ains les Liures à moy. Nō que ie les lize de propos deliberé pour les contredire, mais tout ainsi que l'Abeille sautelle d'vne fleur à autre, pour prendre sa petite pasture, dont elle forme son miel, aussi ly-je ores l'vn, ores vn autre Autheur, comme l'enuie m'ēprend, sans me laisser, ou opiniastrément harasser en la lecture d'vn seul. Car autrement ce ne seroit plus estude, ains seruitude penible. Ainsi meurissant par eux mon penser, tantost assis, tantost debout ou me promenant, ils me donnent souuent des aduis, ausquels iamais ils ne penserent, dont i'enrichy mes papiers. Je vous prie me dire si ie serois repris de ce noble larcin en la Republique des Lacedemoniens?

A la verité sur ce premier dessein, ie fus quelque peu visité par vns & autres miés amis: Mais voyants ce leur sembloit, que ie m'estois du tout voüé à vne vie solitaire; ils me payerent en mesme monnoye, que fit saint Augustin le



Poëte Perse. *Il ne veut estre entendu*, disoit-il, *aussi ne le veux-je entendre.* En cas semblable, se faislants accroire que ie ne voulois estre veu, ils firent estat de ne me plus voir. Chose qui du commencement me fut de difficile digestion, mais en fin l'accoustumance me la fit trouuer tresdouce. Et comme d'une longue coustume on faict ordinairement vne Loy, aussi m'entre-  
rent plusieurs raisons en la teste pour me persuader, que cem'estoit vne belle chose de n'estre point visité. Je ne suis visité, disoy-je, d'oques non discommodé de mes estudes, doncques nō destourné de mes meilleures pensees, qui n'est pas vn petit aduantage à celuy qui a la plume en la main : doncques non affligé des nouuelles du temps, ny de la Seigneurie. Et à vray dire, toutes les nouuelles dont on me repaist, c'est quand l'un des miens me rapporte, qu'il pleut à verse, neige à foison, gele à pierres fendantes; & que ie suis tres-heureux d'estre confiné dans ma chambre, en laquelle fait vn brouillas si espoix, qu'on le pourroit couper d'un cousteau, & par vn priuilege special ie suis frâc de toutes ces incōmoditez. Voyla comme mesnageant vne santé à mon corps, & tranquillité à mon esprit, le iour ne me dure qu'une heure, & les heures, qu'un moment : & comme l'accoustumance m'a faict tourner en nature, la solitude, que ie craignois auparauant sur toute chose. Voire que gouuernant mes pensees à part moy, si ie me croyois, i'en ferois volontiers deux braues paradoxes : l'un pour la prison, contre la liberté : l'autre en faueur de l'ancienne & accoustumee tyrannie,

*Sentence  
notable de  
S. Augustin  
sur le Poëte  
Perse.*

474 LIVRE XIX. DES LETTRES  
contre le nouuel estat monarchique bien re-  
glé. Vous me direz, que tout ce discours est  
vne belle follic: Mais bien, vous respondray-ie,  
vne belle philosophie. Vous adiousterez, que  
ie suis deuenu Misanthrope & lougharou. Au  
contrarie, vne trop grâde amitié que ie me por-  
te, me fait tel. A Dieu

*A Monsieur Loisel.*

*Il le per-  
suade d'é-  
brasser une  
Commissio  
où il estoit  
appellé a-  
uec le Pre-  
sident Molé.*

**Si** E vous supplie me dire, si i'auois tort,  
quand par mes dernieres ie couchois en-  
tre mes heurs, d'estre en ces champs eslongné  
de toutes nouuelles, tant bonnes, que mauuai-  
ses, lesquelles i'estimois estre indifferemment  
tyrans de la tranquillité de nos ames. Croyez  
que i'en fay maintenant l'experience à bonnes  
enseignes. Car ie n'eus oncques nouuelles si a-  
greables, que les vostres, ne qui m'ayent tant  
nauré le cœur, pour me voir sur le point de  
vous perdre, & vous perdant ie suis par mesme  
moyen perdu, estant desormais priué de vostre  
douce conuersation, vnique & singuliere res-  
source de toutes mes descouenuës. Vous me di-  
rez, que la resolution n'en est encores par vous  
prise, & que balancez entre l'ouy & le nanny,  
par le Poëme que m'avez enuoyé: & ie vous dy  
que c'est vn ieu de vostre plume, qui monstre y  
auoir encores en vostre esprit assez d'huile,  
pour entreprendre la charge qui vous est of-  
ferte par le Roy. Et neantmoins si m'en deman-  
dez mon aduis, combien que ie soye iuge recu-  
sable en cette cause, pour l'interest particulier

que ie receuray de vostre absence, si est ce que sans y penser, i'ay donné vn Arrest contre moy par mes autres lettres, par lesquelles ie vous escriuois, qu'ores que ie ne delirasse rien tant que la presence de mes amis; toutesfois qu'en quelque lieu qu'ils demeurassent, i'estois cõtét, moyennant que ie fusse asseuré de leur aise & contentement: Et ce d'autant que ie les aimois pour l'amour d'eux, non de moy. Mais qu'est-il de besoin d'aduis en vne chose à laquelle estes forcé par les astres? *Fata ducunt volentes, trahunt nolentes.* Vne commission inesperee, vn President Molé vostre ancien & intime amy, qui ne pouuoit souhaiter vn plus fidelle Achate que vous, ny le Roy ny messieurs de Conseil d'Etat, homme plus propre, que celuy qui auoit esté employé par cy deuant tant d'annees en pareilles Commissions: Consentement de messieurs vos enfans, qui non seulement en font d'aduis, ains vous y portent. Avec tout cela, que Dieu se soit mis de la partie pour le vous conseiller en vostre dormant. Tels songes n'ont acoustumé de se loger qu'és ames nettes, telles que la vostre, és actes qui importent le plus. Et pour cette cause furent appelez Oracles par Macrobe; mot transplanté par Erasme dedans nos Euangelistes, és lieux où il est parlé du songe de S. Ioseph, & de celuy de trois Mages. A dioustez, que serez vn instrument necessaire & seruirez de Fanal à tous ces voyageurs Argonautes, pour auoir ia par plusieurs anneess passé le destroit de cette nauigation. Cõclusiõ, entre la charge qu'on vous presente, & celle qu'exer-

*Songes appellez Oracles.*

cez au Palais, il y a autant de difference comme du iour à la nuit; & serez en plain midy vn aueugle de vous en vouloir excuser; Mesmes que serez en cette commission, vn Procureur General du Roy, c'est à dire vn autre vieux Hercule Gaulois, pour terrasser les monstres, au pais où elle s'exequutera. Mais il y a danger de mort en l'ancienneté de vostre aage; Aussi y a il en vostre President, qui a passé son annee climacterique: Et neantmoins ne doute des'y exposer: & quand il plairoit à Dieu de disposer de vostre personne, on pourroit dire de vous ce que disoit vn ancien Empereur, *Stantem Imperatorem mori oportere*. Ou bié côme dit l'Italié: *Vn bel morir tutta la vita honora*. Quel plus grand fruit & hōneur pouuez vo<sup>r</sup> recueillir de vostre vie, que mourir en vne si honorable charge? Les soixante & dix sept ans, de monsieur le Connestable de Montmorency, ne l'empescherent de se trouuer armé de haut apareil & commander pour le seruice de Dieu & de son Roy en la bataille de Sainct Denis, où il receut le coup de sa mort. Vne chose principalement desiré-ie, que comme en vostre ancienne commission vous auiez pour confrere feu Monsieur nostre bon Amy Pithou, qui vous estoit vn autre Pirithou, & vous sō Thesee; aussi en celle-cy Dieu vous en face renaistre vn autre. Vous me direz, que ie vous donne icy tout autre Conseil, que que celuy dont i'vse pour moy, & employerez pour toutes pieces à cest effect les lettres que ie vous escriui n'agueres. Les vous escriuant, ie parlois de moy; comme de celuy qui s'est retiré

Le Connestable de Montmorency tué en la journée de S. Denys âgé de soixante-dix sept ans

de toutes affaires publiques : & ie vous escry maintenant, comme à celuy que ie voy y estre encores plongé. A Dieu. Du Chastelet en Brie ce cinquiesme de Nouembre 1605.

*A Monsieur Loisel, Aduocat en la Cour de  
Parlement de Paris.*

**M**'Estant par autres miennes lettres laché toute bride au faict de la Poësie, il me plaist maintenant iouir du priuilege de Poëte, qui est de vouloir estre non seulement celebré par les plumes d'autrui, ains par la siéne mesme. C'est vn jeu qui luy est familier, auquel par la preséte ie veux auoir part. Ie vous diray doncques, qu'il ne m'est iamais aduenue de faire quelque eschantillon en vers François, ou Latins, sur l'Estat general de nostre France, ou sur le particulier de quelques Seigneurs signalez, qui n'ait esté fauorablement receu, par les bons esprits; & personnages d'honneur, ores qu'ils ne sçeussent qui en estoit l'Autheur. Tellement que ie recueille le fruit de ma renommee par ceux qui en loüant, en ma presence, mon ouurage, ne me recognoissoient pour l'ouurier. Qui est en effect le subiect de ceste lettre; auquel peut estre vous trouuerez l'estoffe bonne, mais non la façon dont i'en vse; d'autant que les loüanges de nous, qui sortent de nos bouches, ont-ie ne sçay quoy de mauuaise haleine.

*Il specifie  
les occasiōs  
pourquoy  
il auoit  
faict plusieurs  
pièces de Poësies  
si tres-belles.*

Après la mort du Connestable de Montmorency aux troubles de 1567. voyât nostre Roy



Charles IX. en fort bas aage, auoir pour son Lieutenant general, tant par la France qu'en ses armées, Henry son frere, beaucoup plus foible d'ans que luy: La Roynel leur Mere, Princesse estrangere, gouverner l'Estat; leur Conseil partializé en brigues; le Mekanique estre comme chef de party; vn Hugonis Cordelier entre-meteur des negotiations que traïctions avec l'Espagnol; le Reistre Allemand, en nous secourant se faire riche par nostre ruine; vn vieux Renard d'Admiral, auquel nous auions affaire, reuestu des armes d'une nouuelle religiō: Brief voyant vn general desordre, chaos, & confusion par toute la France, poussé d'une iuste colere, ceste saillie m'eschappa.

*Sonner sur  
le desre-  
gler des  
affaires.*

*Veux tu scauoir quel est l'Estat de nostre France?*

*Un ieune Roy mené par un peuple mal duit,*

*Mené d'un Espagnol, d'un Moine, d'un faux  
bruit,*

*Mené par une Dame exploree & en transe.*

*Vn Conseil bigarré, qui cache ce qu'il pense,*

*L'artizan capitaine, un camp sans chef conduit,*

*Vn païs du Papiste, & Huguenot destruit,*

*L'estranger qui pour nous à nostre mort s'auance:*

*L'ennemy qui fuyant se va mocquant de nous,*

*Le Grand contre le Grand, dans nostre camp, ia-  
loux,*

*Mille nouueaux estats, mille emprunts, sans tra-  
fique:*

*La iustice souz pieds, le marchand fait les loix,*

*Paris ville frontiere: ô malheur! toutesfois*

*Qui parle de la paix est ennemy publique.*

*I'auois composé ce Sonnet en deliberation*



de luy faire tenir prison clause, avec quelques miens brouillas, dedans mon estude, mais l'ayant communiqué à mōsieur le Chancelier de l'Hospital, qui aimoit naturellement tous ceux qui aimoiēt le repos de l'Estat; il fut d'aduis que ie ne le deuois enuier au public. Au moyen dequoy luy ouurant souz main la porte, il courut par les mains d'une infinité d'honnestes personnes avec honneur. Entre autres monsieur le premier President de Thou en vne bonne compagnie dedans sa maison, où estoit monsieur le President de Ferrier, lors destiné pour Ambassadeur de Venise, le haut loüa grandement, & chacun desireux de sçauoir qui en estoit l'Auther. C'est (dit-il) Pasquier & non autre : Je recognois en ce petit œuure son esprit. Quelques iours apres, le sieur du Ferrier, me trouuant chez monsieur de la Casedieu, me recita ce qui s'estoit passé chez monsieur le premier President, me priant de luy dire s'il auoit esté bon deuin. A quoy ie luy respondy franchement, qu'ouy : Mais que ie ne souhaitois que sa diuination fust diuulguee, pour ne desplaire à la populace seditieuse qui se donnoit toute iurisdiction sur les zelateurs de la paix. Ce Sonnet eut non seulement vogue, mais comme la France est pleine de Singes, aussi on y en fila vne cinquantaine de vers portants leur mescontentement sur le front, tout ainsi comme les miēs. Mesmes vous le trouuerez enchassé dedans vne histoire de ce temps (sans nōmer l'Auther) qui fut faicte sous le nom de Resueilmartin.

Lors que la Mole fauory des Dames de Cour fut decapité en la place de Greucà Paris, l'an 1574. i'honoray la memoire de cest Epitaphe, conuenante à ses mœurs.

*Epitaphe  
de la Mo-  
le conue-  
nante à ses  
mœurs.*

*Vos ego Veneres, Cupidinesque,  
Vos ego Charites venustiores,  
Et quicquid tegit ampla Regis aula,  
Melliti, lepidi, atque mollicelli,  
Vos imploro ego, flete mollicellum,  
Periit molliculus Molau ille,  
Qui vos toto animo peribat olim,  
Quem vos toto animo magis periistis,  
Periit Molliculus Molau ille,  
Qui si molliuam suam sequutus,  
Nullam militiam nouam parasset,  
Hoc nil gratius elegantiusque.  
Verum dum male miles excitatus  
Classicum patria sonat molestus,  
Anceps, mobilis, anne mollis esset,  
Mollis, mole sua miser periuit.*

*Vos tamen Veneres, Cupidinesque,  
Vos tamen Charites venustiores,  
Et quicquid tegit ampla Regis aula,  
Melliti, lepidi, atque mollicelli,  
Mellitum, lepidum, atque mollicellum  
Flete molliter, ut misellus hic qui,  
Vobis viuere molliter solebat,  
Mortuus sibi molliter quiescat.*

Ayant de ceste façon fredonné sur le mot de la Mole, cest Epitaphe tōba en diuerfes mains, mesmes fut enuoyé à monsieur de Pybrac qui lors estoit en Pologne, lequel estant de retour, ie le vy tout aussi tost comme son proche voisin  
& amy,

& amy, & apres nous estre accueillis d'une infinité de caresses familiares à ceux qui sont affamez de se reuoir, passants sur vns & autres propos, il me dit luy auoir esté enuoyé vn Epitaphe de la Mole, qu'il ne pouuoit assez admirer: d'ot il me fit la lecture, ne se pouuant estancher à la louange d'iceluy. Adioustant qu'il eust grandement desiré sçauoir le nom de l'Autheur. Et comme ieluy eusse dit, qu'il ne s'en esmayast, asseuré que soudain qu'il le sçauroit, il deuient muet. En fin apres quelques sermons & instances, luy ayant dit que ie l'estois, aussi tost il n'en parla plus. Ne voulant estre trompette de moy en ma presence.

En ce mesme temps nous auions monsieur le Chancelier de Birague, Seigneur en son particulier tres-debonnaire: mais au manienment des affaires d'Estat tres-cruel, contre ceux qu'il estimoit se desuoyer de leur vray chemin. Comme de faict, ce fut celuy auquel on atribua le Conseil des cruautéz barbaresques de la iournee Saint Barthelemy dans Paris, en l'an 1572. qui s'espandirent depuis par toute la France. Il estoit grandement subiect aux gouttes, & soudain que le malle prenoit, Boutal son Medecin pour en apaiser la douleur, n'auoit recours qu'à la saignée, qu'il reïteroit fort souuent en toutes les maladies de son maistre. Qui m'occasionna de tracer cest Epigramme adressé à vn Maximus. De nom plus auguste ne pouuoy-je honorer celuy qui estoit constitué en vne tres-grande dignité.

*Le Chancelier de Birague tres-cruel à ceux qui se desuoyent au deuoir de l'Estat.*

*Tormine, vel colo, vel si fortasse laboras*

*Epigramme*

sur les di-  
verses sa-  
gnees du  
Chancelier  
de Birague

*Lenta febre, aut te tarda podagra premit;*

*Non ulla est medicina tibi, quam scellio vena,*

*Hanc colis, hac morbis una medella suis.*

*Si quid forte etiam patitur Respublica damni,*

*Haud aliter sarcis, Maxime, quam gladio.*

*Omnia consiliis agitas voluisque cruentis,*

*Et tibi si qua salus, sanguinolenta salus.*

*Vis tibi, vis nobis, summam instaurare salutem,*

*Vis iidem patriæ, fac tibi quod Seneca.*

Cest Epigramme eut cours dans le Palais, mesmes me fut apporté par vn honneste homme nommé Gilquin, qui se plaisoit en ces nouveutez, ne pensant que i'en fusse l'Authcur. Ce que ie vous raconteray maintenant est bien de plus grande estoffe. Le Roy Henry III. estat retourné de Polongne, dés sa premiere entree en la France, trompa grandement l'esperance que chacun auoit conceuë de luy, espousant des basses opinions, qu'il changeoit de six en six mois, dont ie ne vous veux faire vn recueil, cōme choses qui desplaisoient fort à son peuple, & singulierement à ceux qui auoient quelque nez, ou qui estoient les mieux nez entre ses subiects. Il fut sur son auenement salué d'une guerre ciuile sous le nom des Catholics malcontents, conduits par le Duc d'Alençon son frere : & des Huguenots pour la Religion, sous la banniere du Roy de Nauarre : deux Princes, l'un frere, l'autre beau frere, qui en ceste querelle s'estoient vnis ensemblement. Si iamais Prince eust subiect de crainte, ce fut lors ; toutesfois ce nouveau Roy, comme s'il eust esté exposé en la tranquillité

d'une profonde paix au lieu d'endosser le har-  
nois, se faisoit enseigner d'un costé la Gram-  
maire & langue Latine par Doron, (qu'il fit  
depuis Conseiller au grand Conseil) & d'un au-  
tre costé exerçoit vne forme de concert & aca-  
demie avec les Sieurs de Pibrac, Ronfard &  
autres beaux esprits à certains iours, auxquels  
chacun discouroit sur telle matiere qu'ils s'e-  
stoient auparauant designée. Noble & digne  
exercice vrayement, mais non conuenable aux  
affaires que lors ce Prince auoit sur les bras.  
Ces nouuelles leçons de Grammaire me don-  
nerent subiect d'esclater par vne colere ces six  
vers Latins.

Henry III.  
s'amuse à  
la Gram-  
maire au  
plus fort de  
ses affaires.

*Gallia dum passim ciuilibus occidit armis,*

*Et cinere obruitur semisepulta suo.*

*Grammaticam exercet media Rex noster in aula,*

*Dicere iamque potest vir generosus, Amo.*

*Declinare cupit, verè declinat & ille,*

*Rex bis qui fuerat, fit modo Grammaticus.*

Iele donnay à monsieur Pithou; & croy que  
à vous mesmes i'en feis present, toutesfois ie  
ne le vousoze asseurer: Bien scay-ie, que depuis  
passant d'un main à autre, il se donna voye  
par les bouches des beaux esprits, & à leur  
contentement. Hormis à feu monsieur de Pi-  
brac, avec lequel estant tombé en propos, sur  
iceluy, il me dit auoir entendu que Marillhac  
(ieune Aduocat de grande promesse qui se te-  
noit avecques moy) en estoit l'Autheur. Et  
que s'il en estoit asseuré il luy feroit reparer  
sa faute. A quoy ie reparty, que ie respon-  
drois en tous lieux de ses actions, & que ie,



ſçauois pour certain que ceſt Epigramme n'eſtoit de la forge; au demeurant que ie le priois de me dire ce qui luy ſembloit de cette inuention. Elle eſt tresbelle (me dit il) mais il n'apartiet à vn ſubieſt de ſe iouer de cette façon ſur les mœurs & deportemens de ſon Prince. Cela ſeroit bon (luy reparti-ie) en la bouche d'un autre que de vous, qui deuez penſer, que ſi vn Roy qui eſt expoſé à la veüe de tous ſes ſubieſts, ne met quelque bride à ſes actions, il eſt fort malaiſé qu'il puiſſe commander aux meſcontentemens de ceux qui plus le reſpectent: & que telle maniere de vers venoit nō d'une main ennemie de ſa Maieſté, ains qui en eſtoit idolatre, mais faſchee de le voir tomber par ce moyē au meſpris de tout ſon peuple, voire que nous deuions tous ſouhaiter au cas qu'ilors ſe preſentoit, que ceſt Epigramme tombaſt és mains de noſtre Roy, pour luy eſtre vne leçon, non de la Grammaire Latine, mais de ce qu'il auoit de faire. Vout ſçauiez (adiouſtay ie) l'hiſtoire de ceſt Empereur, qui alloit de nuit deguiſé és maiſons publiques, pour entendre ce que l'on diſoit de luy, pour ſur le raport qui luy ſeroit faiſt, donner ordre de ſe reformer. Ainſi ſe termina & la colere du ſieur de Pibrac, & noſtre propos.

*Dame Ieanne de la Marche tuer dans ſon liſt.* Sous le regne de Henry III. le Seigneur de Villeumer Gouverneur de l'Isle de France, lequel auoit bonne part aux bonnes graces du Roy, fit tuer Dame Ieanne de la Marche ſon eſpouſe dedans ſon liſt par quelques vns de ſes confidens, pour vn adultere par elle commis à



face ouuerte : Comme ma plume ne demeure aisément oiseuse, aussi voulu-je faire l'Epitaphe de ceste pauvre malheureuse, qui fut tel.

*Haud tumulum, as thalamum; thalamum? non: Imo viator,*

*Et tumulum, & thalamum, si pote, cerne simul.  
Sauus adulterii pœnas à coniuge, coniux  
Dum petit, heu ingulat memiseram hoc thalamo.  
Sic mihi qui thalamus, tumulus quoque, scilicet idem  
Causa mihi tibi, lausque fuit.*

Cest Epitaphe estant sorty de mes mains, courut non seulement par Paris, mais fut porté iusques en Italie, en la ville de Venise, où monsieur Audebert (depuis Conseiller au Parlemēt de Bretagne) estant en prit coppie; Et me venant voir, m'en voulut faire part comme d'une piece qui auoit esté grandement celebree dedans Venise: Et lors ie luy respondy, que ie n'en auois affaire, comme estant l'original registre d'icelle.

En l'assemblée des trois Estats tenue en la ville de Blois l'an 1588. où feu monsieur de Guise fut tué par le commandement du Roy Henry III. pour les causes qu'il ne faut point icy ramenteuoir, ie feis son Epitaphe de telle substance.

*Guisius, & Caesar medio periere Senatu,  
Hic Bruti gladio, hic principis arte sui.  
Scilicet ut premeret metuenda tyrannidis arma;  
Has Rex, has Brutus struxerat insidias.  
Cesaris ac Latia est re publica morte sepulta,  
Guisi an occumbet Gallia nostra nece?*

Cest Epitaphe fut porté iusques à Paris, &

*Epitaphe  
de monsieur  
de Guise  
tué à  
Blois.*

depuis iusques à Rome, où ie scay par homme qui y fut enuoyé par la Ligue, qu'il le vit entre les mains du Pape Sixte, qui en faisoit grand Estat.

Ce que ie vous discourray presentement, vous aprestera parauenture à rire. Sortant des consultations avec monsieur du Hamel Aduocat mien amy, vn ieune Aduocat me fit present d'un Epitaphe fait par Theodore de Beze, en faueur de la fille de sa femme : Et comme ie luy eusse demandé; si Beze auoit eu des enfans de sa Candide, il me respondit, que dès pieça il estoit conuolé en secondes nopces avecques vne honeste veufue, pour le soulagemēt de sa vieillesse, & que c'estoit la fille d'elle qu'il auoit honorée de ce Tombeau. Apres auoir remercié ce ieune Aduocat, ie m'arrestay à ce mot de Soulagement, qui m'ouurit l'esprit à vne belle inuention. Et comme le seigneur du Hamel & moy mon voisin retournions en nos maisons, luy m'entretenant par les ruës, & moy me gouvernant à part moy, ie feis ce quatrain en faueur de celuy qui auroit espousé trois femmes.

*Vxores ego tres vario sum tempore nactus,*

*Nunc iuuenis, nunc vir, canus & inde senex.*

*Propter opus prima est validis mihi ducta sub annis,*

*Altera propter opes, ultima propter opem.*

Quatrain qui fut tres-fauorablement receu, non seulement dedans Paris, ains en plusieurs lieux de la France, mesmes en la ville de Grenoble, où monsieur l'Anglois, Maistre des Requestes estant, en voulut prendre coppie; & depuis à son retour me le monstra.

Je clorray ma lettre en ce dernier point. Feu messire Charles de Gontauld, Seigneur de Biron, Mareſchal de France, ayant eſté decapité dedans la Baſtille, par Arreſt du Parlement de Paris, ie feis lon Epitaphe.

*Afflictis patriæ rebus fortiffimus olim,  
Labentem patriam, dux ego ſuſtinnui.  
Pro meritis, vario Rex me cumularat honore,  
Et poteram ſummi filius eſſe Iouis.*

*Epitaphe  
du Mareſ-  
chal de Bi-  
ron.*

*At me neſcio quæ rapuit vaſana libido,  
Allobrogum ſatago dum gener eſſe Ducis.  
Ambitione meam volui qui perdere gentem,  
Heu male conſultus! ne pereat, pereco:  
Sic ſtatuit princeps, & ſic ampliſſimus ordo,  
Sic patriæ noſtra eſt viſaque morſque ſalus.*

Vous ſcauez de quelle faueur il fut accueilly par tous meſſieurs les Aduocats, & comme cha cun en voulut auoir autant pardeuers ſoy. Car vous meſmes me venant voir me le raportates. Tout ce que ie vous ay recité cy deſſus, ſõt comme les fleurs printanieres qui ont quelque ſouëfue odeur dedås leurs faiſõs. Pluſieurs autres vous pourroy-ie reciter tant en Francois que Latin. De les vous faire maintenât trouuer telles, i'en doute. Pourquoy doncques vous en ay-ie voulu faire part? Pour iouir comme ie vous ay dit ſur le commencemēt de ma lettre, du priuilege du Poëte: I'adiouſteray de celuy pareillement de Vieillard, *Laudator temporis æſti*. A Dieu.

*A Monsieur Loysel, Aduocat en la Cour de  
Parlement de Paris.*

Il dispute  
fort profon-  
dement sur  
le Droit  
& les Loix  
des Ro-

mais, &  
en quoy il  
consistoit.

**E**ste cy sera, non pour enseigner, ains  
apprendre, & estre par vous receu d'un  
scrupule, que i'ay des pieça dans la  
teste.

*Ius Ciuile* (dict Papinian) est quod ex legibus,  
plebiscitis, Senatusconsultis, principum decretis, au-  
thoritate prudentium venit: Pratorium, quod Prato-  
res introduxerunt adiuuandi, vel supplendi, vel corri-  
gendi iurisciuilis gratia. Puisque ce grand per-  
sonnage plaça les Decisions des Iuriconsultes  
(ainsi me plaist-il appeller leur *Responsa Pru-*  
*dentum*) entre les especes de Droit, il falloit que  
de son temps, elles fussent de mesme valeur,  
prerogatiue, & effect que toutes les autres, ou  
bien sa diuision estoit manque. Ioint le com-  
mentaire que depuis Tribonian y apporta, par  
lequel donnant plus haut vol à ceste diuision:  
*Constat ius nostrum* (faict-il) *aut ex scripto, aut non*  
*scripto. Scriptum autem ius est, lex, plebiscita, Se-*  
*natusconsulta, Principum placita, Magistratum e-*  
*dicta, responsa prudentum.* Et apres auoir expli-  
qué la nature de chasque piece, voicy la leçon  
qu'il nous baille. *Responsa Prudentum sunt senten-*  
*tia & opiniones eorum, quibus permissum erat iura*  
*condere. Nam antiquitus constitutum erat, ut essent*  
*qui publice iura interpretarentur, quibus à Cesare ius*  
*respondendi datum est, qui Iuriconsulti appellaban-*  
*tur, quorum omnium sententie & opiniones eam au-*  
*thoritatem tenebant, ut iudici à responso eorum rece-*

*de re non liceret, ut est constitutum.*

Ia à Dieu ne plaise, que ie vueille en cest endroit desdire l'ancienneté assistee d'un si grand parrein que Tribonian. C'est pourquoy ie vous prie recevoir les discours que ie feray cy-apres, non comme vne mienne opinion, ains vn doute, qui me tient perplex, ou si les prenez pour mon opinion, estimez que comme Aduocat au Barreau, ie me ioüe, ou de ma plume, ou de ma langue sur vne vray-semblance, qui se doit par Arrest des Iuges terminer en vne verité, pour ou contre. Je sçay que tenez la proposition de Tribonian pour tres-certaine, car ainsi me le declarates vous dernièrement, sans toutesfois vous ouvrir: Et quant à moy, ie ne la puis digerer sans vostre aide. Que si m'en demandez la cause, ie vous diray en premier lieu, que Tribonian sur la fin du passage, pour confirmation de son dire, diët qu'il y en auoit ordonnance, laquelle ie ne trouue point (Qui n'est pas petit argument pour ne luy adiouster foy) & s'il y en auoit aucune, il faut que ce soit celle que nous aprenons du I. C. Pomponius, quand il nous enseigne, que deuant le temps de l'Empereur Auguste: *Publice de iure respondendi ius, non à Principibus dabatur, sed qui fiduciam studiorum suorum habebant, consulentibus respondebant, neque responsa utique signata dabant, sed indicibus ipsi scribebant, aut testabantur, qui illos consulebant. Primus Augustus, ut maior iuris auctoritas haberetur, constituit, ut ex auctoritate eius responderetur: & ex illo tempore peti hoc pro beneficio capit. Et ideo Princeps optimus Adrianus, cum ab eo viri pratorii peterent, ut*

*Les Iurif-  
consultes  
rendoient  
Droict de-  
uant le  
têps d'Au-  
guste, sans  
auctorité  
du Prince.*



*sibi liceret respondere, rescripsit eis; hoc non peti, sed prastari solere: & ideo si quis fiduciam sui haberet, delectarise, populo ad respondendum se prepararet.*

Trois tēps  
remarquez  
aux Loix  
Romaines.

Passage vnique & singulier en ce subiect, duquel ie recueille trois temps; Celuy de l'Estat populaire, pendant lequel il ne faut faire aucune doute, que leurs opinions n'obligeoient en aucune façon le Iuge, par ce qu'ils n'auoient lors permission de respondre, du Prince, qui n'estoit encores en essence: Comme aussi n'enuoyoit ils lors leurs aduis signez aux Iuges. L'autre est le temps de l'Empereur Auguste, & ses successeurs iusques à l'Empereur Adrian, pendant lequel en consideratiō du benefice qu'ils obtenoient du Prince, il y a bien grande apparence qu'ils enuoyoit leurs consultations signees, comme estants de plus grande autorité qu'elles n'auoient esté par le passé. Mais que pour cela le Iuge fut contraint de les suivre par sa sentence, ie ne le puis croire. Comme aussi Pōponius ne le dit pas. Chose qui pour sa nouveauté estoit digne de particuliere remarque, & laquelle il se fust bien donné garde d'oublier, si elle eust esté telle que tribonian presuppose. Le dernier est le temps d'Adrian & de sa posterité, pendant lequel encores fay-ie moins de doute, par la raison mesme de Tribonian. Car si l'aduis des Iuriconsultes fut tenu pour loy à l'endroit du Iuge, pour le priuilege que le Prince leur octroyoit de respondre du Droit, ce priuilege ayant esté supprimé par Adrian, & leur profession reduite en sō ancien estat, aussi faut il par mesme moyé cōclure, que leurs opinions n'estoient plus reputees pour



loÿ. Et eust esté vrayement chose fort ridicule, que le Magistrat, qui auoit la foy au public, eust receu la loÿ de celuy qui ne l'auoit qu'à sa suffisance. Par ainsi ie ne fay aucune doute, que la proposition de Tribonian est trop generale, & qu'en tout euenement il la faudroit reduire dedans les limites du temps mediat d'Auguste. Et neantmoins, outre ce que i'en ay dit cy dessus, pour monstrier que encoreserez vous bien empesché de l'y trouuer, il faut de deux choses l'vne; Ou que la raportiez aux aduis qui estoient baillez par les Iuriconsultes aux parties plaidantes, comme de fait il semble que Tribonian l'ait ainsi entendu: Ou bien aux regles generales portees dedans leurs commentaires de Droit. Au premier cas, c'eust esté vne ineptie d'estimer, que leurs consultations deussent estre de quelque merite & effect, esquelles ils n'auoient presté l'oreille qu'à l'vne de parties. Qui fut cause que depuis en telles affaires, le commun formulaire du I.C. Scæuola estoit; *Respondi secundum ea quæ proponebantur*, afin que par vne sophistiquerie indue & affectée on ne tirast sa resolution en consequence. D'ailleurs, si sans ouïr les deux parties, on eust contre tout ordre de Droit contrainct le Iuge de passer par cette resolution, l'autorité du Iuriconsulte eust esté plus grande que celle d'un Empereur, lequel quelques Patentes qu'on obtint de luy, n'entendoit qu'elles sortissent effect au preiudice d'un tiers, sans prealable cognoissance de cause. Que si vous raportez la proposition

de Tribonian, aux maximes que les Iurifconsultes s'oultenoient dedans leurs Liures, ie vous prie de considerer en quelle confusion & meslange fut la iurisprudence Romaine dedans l'entrejet de temps d'Auguste, & d'Adrian. Car tout ainsi que nostre Religion Chrestienne

*L'Arianisme quand entra en l'Eglise, & combien de temps y a regné.*

*La Iurisprudence bigarree en partialitez, & sous qui.*

Constantin, l'Arianisme se planta au milieu de nous, qui produisit vn malheureux schisme, lequel dura deux ou trois cens ans; aussi sur l'auenement del'Empire, la Iurisprudence s'estât fait voye dedans Rome beaucoup plus grande qu' auparauant, elle commença de se bigarrer en partialité sous les bannieres de Labeo & Capito, Iurifconsultes; laquelle prouigna de telle façon, que ce qui estoit blanc aux vns, estoit bis aux autres, dont s'ourdirent les Cassians, & Proculians, de Cassius & Proculus, Chefs de parts, trompetez dedans nos Pandectes. Dite moy ie vous prie, ausquelles des deux opinions le Iuge en cette bigarreure se deuoit par sa sentence attacher? De sorte que de quelque sens que ie me tourne, ie ne puis trouuer temps auquel les Iuges feussent asseruis aux opinions des Iurifconsultes, ie veux dire pour en faire estat comme d'une Loy.

Et ce qui me fait de plus, non resoudre, ains douter contre la leçon de Triboniam, est que combien que Papinian & luy eussent mis *Authoritatem prudentium cum legibus, plebiscitis &c.* cōme pieces desquelles estoit composé le Droit general des Romains; toutesfois quand Vlpian nous enseigne, quelles conuentions estoient

bonnes & valables, dit ainsi: *Aut prator: Pacta cōnenta, quæ neque dolo malo, neque aduersus leges, plebiscita, senatusconsulta, magistratum edicta, Principum decreta, neque quo fraus cui eorum fiat, facta erunt, seruabo.* Nulle mention de *responsis prudentiū*, lesquels toutesfois il estoit plus requis y apposer, que les autres, auxquels n'y auoit aucune obscurité au regard des Iuriconsultes, qui sembloient auoir plus de part avec l'escolier, par leurs commentaires, que du magistrat par ses resolutions: Et ce qui me semble faire de plus en plus à ce propos, est la Loy des Empereurs Theodose & Valentinian. *L. 17. Codic. Theod. De responsis prudentum Papiniani, Pauli, Cui, Ulpiani, atque Modestini, scripta uniuersa firmamus: Ita ut Caium, Paulum, Ulpianum, & ceteros comitetur autoritas lectionis, quæ ex omni opere recitatur. Eorum quoque scientiam quorum tractatus atque sententias prædicti omnes suis operibus miscuerunt, ratam esse censemus, ut Scanola, Iuliani, atque Marcelli, omniumque quos illi celebrarunt. Sitamen eorum libri, propter antiquitatis incertum, Codicum collatione firmentur: Vbi autem diuersæ sententiæ proferuntur, potius numerus vincat authorū, vel si numerus æqualis sit, eius partis præcellat autoritas, quæ excellentis ingenii vir Papinianus emineat, qui ut singulos vincit, ita cedit duobus. Notas etiam Pauli & Ulpiani, in Papiniani corpus factas, sicut dudum statutum est, precipimus infirmari. Vbi autem pares eorum sententiæ recitantur, quorum par censetur autoritas, quod sequi debeas, eligat moderatio indicantis. Pauli quoque sententiæ semper valere precipimus.*

Papinian  
préférè à  
tous les au-  
tres Iurif-  
consultes.

Loy qui me semble destruire en tout & par tout, l'opinion de Tribonian. Car si auparavant les Decisions qui se trouuoient dedans les Liures des Iuriscōsultes deuoient estre tenuës pour Loix, ceste-cy estoit frustratoire, qui preuoioyt tant seulemēt pour l'aueñir. Nouueauté qui se voit au doigt & à l'œil, en ce que tout d'vne main elle prescrit l'ordre & police qu'on deuoit de là en auant obseruer en son execution, & rencontre de diuerses opinions. Mais encores suis-je en plus forts termes, par ce que destrenteneuf Iuriscōsultes qui depuis furent mis en ieu par Iustinian dedans ses Digestes, Theodose & Valentiniā n'en authorisent que cinq, & ceux de l'authorité desquels ils s'estoient preualeus dedās leurs œuures, & singulieremēt entr'eux, vns Scæuola, Iulian, & Marcel. Et si la regle eust esté telle que Tribonian presuppose, estimez vous que ces deux Empereurs n'en eussent fait mention, & déclaré qu'ils reduisoient la grāde authorité qui auoit esté auparavant attribuee à tous les Iuriscōsultes, en ces cinq tant seulement? Je scay bien que me pourrez dire, que puisque le texte de cetteloy porte, que les Animaduersions de Paul & Vlpian estoient contre les œuures de Papinian tout ainsi qu'auparavant reprobuees, il faut inferer, que la condemnation de ces deux estoit vne aprobatō generale de tous les autres. L'en suis d'acord, mais non qu'il fallerapporter cettel'aprobatō generale à tous les autres Liures des Iuriscōsultes, ains seulement de ceux de Paul & Vlpian, dont il auoit esté parlé sur

le cōmencemēt de la Loy. C'estoient deux Li-  
ures, que la commune voix du peuple, & con-  
sequemmēt les deux Empereurs tenoient pour  
apocryphes, & faulſement atribuez à Paul &  
Vlpian : comme au contraire les Sentences de  
Paul sōt iugees pour veritables, ores que quel-  
ques vns les euſſēt voulu tenir pour supposées :  
Car si vous rapportez cette particuliere con-  
demnatiō pour cōfirmation generale de tous  
les autres Iurisconsultes, cette loy impliquera  
en soy vne cōtrarietē manifeste, laissāt ce pēdāt  
à part, que ces Animaduersiōs furēt depuis ad-  
uouees pour vraies par Iustinian : Car c'est  
vne piece hors œuvre, & qui n'a rien de cōmun  
avec le present discours ; Au demeurant,  
vous scauez quel rang tient Papinian entre  
les autres Iurisconsultes : Et comme par la  
loy de Theodose & Valentinian, il auoit esté  
le premier nommé, mesmes qu'en la balan-  
ce de chaque Iurisconsulte, on le Iuge de *Et avec*  
plus grand poids ; Le dy nommément par la loy *quelle au-*  
dedans laquelle les Decisions de luy, & de *torré.*  
quatre autres siens compaignons sont decla-  
rees deuoir estre tenuēs pour loix. Iamais  
Decision ne fut plus notable ne qui meri-  
tast plus titre de loy, que celle qu'il auoit  
baillee en faueur des petits enfans alen-  
droit de leurs ayeuls, laquelle fut depuis  
transcrite dedans les Digestes ; toutes-  
fois Iustinian estimant que ce ne fust assez,  
voulut sur le moule d'elle en faire vne  
ordonnance Imperiale, qu'il recognut,



avec tout honneur & respect auoir empruntée de luy. Et puis, si pour authorizer l'opinion de vn si grand personnage, l'Empereur Iustinian estima, qu'il luy falloit interposer ses parties, vous trouuerez estrange, que ie reuoque maintenant en doute l'ancienneté dont Tribonian nous a repeu, qu'il atribue, non seulement au temps de Theodosius, & au dessous, mais dès & depuis l'Empire d'Auguste?

Conclusion, plusie remuë d'aduis pour loger son opinion dans ma teste, & moins i'y trouue de place, & ressemble en cest endroit ces Philosophes bizarres Pyrrhoniens, qui en la recherche de tout trouuoient en tout à redire. Ou bien ie suis vraiment disciple de nostre bon pere Accurse, lequel estant au bout de son roulet, en la reconciliation de quelques loix, nous paye souuent d'vns *Sic, vel sic*, aportant diuerses solutions, qui se tournent le plus du temps en fumee: De ceste mesme façon me payant, de vne diuersité d'*Ainsi*, c'est à dire, il faut ainsi ou ainsi entendre le passage de Tribonian pour luy faire sortir effect, ie n'y trouue, ny fonds, ny riue, tant a de tyrannie sur nous vne fascheuse preoccupation.

*Ecrits des  
Iuriskon-  
sultes sont  
comme  
truchemēs  
des Loix.*

Bien veu-ie croire, que les escrits des Iuriconsultes estants comme truchements des Loix, Edits, ordonnances & autres parties de Droit, estoient alleguez par deuant les Iuges, pour donner quelque lustre aux causes, mais non vne obligation necessaire qui liaist leurs consciences, comme faisoient les autres particularitez que l'on assigne sous le droit Ciuil. Et quand  
ic voy



ie voy vn Auguste auoir deffendu de respondre du droit sans la permission, ie ne pense pas que ce fust en intention que les decisions des Iuriconsultes fortissent effect de Loix, comme Tribonian le donne à entendre, mais bien qu'ils prissent quelque autorité du public. Presque de la mesme façon qu'auant que d'estre receu au serment d'Aduocat, il faut auoir obtenu ses degrez de Licence. Encores ne douté-je point, qu'on ne produisist leurs consultations; mais qu'elles fissent loy, il y eust eu del'absurdité. Cela mesme ay ie presque veu en maicennelle, estudiât en droit dans Bolongue la Grasse, où Marianus Socinus l'enseignant auoit acquis tant de nom, que la plus part des Italiens, es causes qui leur importoiert, se venoiert vouër à ses pieds, l'espace de cinq & six mois pour tirer de luy consultation enflée de plusieurs allegations, qu'il leur vendoit à gresse d'argent. Et me souuiert entre autres, d'un Gentilhomme François, qui se paissant de mesmes fumees, fit le semblable, que les Italiés: il produisit aux Requestes du Palais vne consultation de ce grand Docteur, avec laquelle il perdit sa cause, tant en premiere, que seconde instance. Ainsi le vey-je à mon retour d'Italie: & ainsi me fay-je accroire, qu'il en prenoit aux Romains, produisans les aduis des Iuriconsultes viuants, ou s'aidants des decisions tirees de leurs Liures.


Vous me direz & non sans propos, que faisant marcher d'un mesme pas les anciennes decisions des Iuriconsultes, avec les Consultations du Palais, ou conseils des Docteurs de

*Marianus  
Socinus  
Precepteur  
de M. Pas-  
quier, & de  
celle au-  
thorité il  
fut.*

droit, c'est faire le procès, non seulement à Triboniâ, ains au grand Papiniâ, lesquelles ayât en-nombrees entre les especes de Droit, manquoit du tout, ou de sens commun, ou bien elles estoient de son temps, de mesme force & auctorité, que les autres loix, & ordonnances; soit ou que l'usage du temps l'eust ainsi voulu, ou la permission du Prince. C'est en quoy ie me trouue infiniment empesché, & pourquoy ie desire estre par vous esclarcy sur les obscuritez que ie vous ay cy dessus touchees : Et vous prie de ne m'espargner ; Ce me sera vn grand trophée d'estre vaincu combatant pour la verité, non pour la victoire. Nous sommes auourd'huy en pleines vacquations, & n'avez que trop de temps en main pour me contéter; mais à la charge que me faisant part de vostre loisir, me iugerez estre vn homme de grand loisir; qui ayant en la fleur de mô aage eu cest hōneur d'estre employé aux plus grâdes caules du barreau, maintenant dedans vne profonde vieillesse ie m'amuse en ces espinoches & pointilles. Et parauenture que quelque sage teste pourroit dire, que cela s'apelle en Latin *Repuerascere*, & en Francois, *Radoter*, n'estoit que pour parer à ce coup, ie veux qu'on sçache, que cōme le Polipe en son espee, aussi transformé-ie en la miēne mon esprit en autant de couleurs, qu'e d'obiets.

A Dieu.

## A Monsieur Loysel.


 Rande pitié! qu'il n'y ait chose plus so- <sup>Il discor-</sup>  
 lemnizee par la bouche des Doctes, <sup>fort ample-</sup>  
 que la Legitime qui fut dedans Rome, <sup>ment sur le</sup>  
 due àux enfans par leurs peres & me- <sup>fait desle-</sup>  
 res, allants de vie à trespas, depuis par succes- <sup>gismes</sup>  
 sion de temps, transplantee en cette France; Et <sup>denés aux</sup>  
 neantmoins nul n'en peut dire l'origine, ny par <sup>enfans.</sup>  
 qui elle fut introduite. Le premier de nos Do-  
 cteurs de Droit, que ie voy y auoir voulu bail-  
 ler quelque atteinte, est nostre Cuias; Et ce par  
 vne coniecture qu'il tira de la loy quatriesme,  
*De inofficioso testamento*, du Iurisconsulte Caius;  
 non peut estre mal à propos, si vous considerez  
 la rencontre des deux noms (permettez moy en  
 passant de me iouer de ma plume.) Car dedàs le  
 Caius Romain, vous trouuerez le Cuias Fran- <sup>Caius ana-</sup>  
 cois, par vn bel anagramme: Et sur cette Loy <sup>gramme de</sup>  
 quatriesme sont ces mots. *Caius libro singulari*  
*ad legem Gliciam*; & le texte de la loy est tel. *Non*  
*est consentiendum parentibus, iniuriam aduersus li-*  
*beros suos, testamentis inducere. Quod plerique fa-*  
*ciunt, maligne circa sanguinem suum, iudicium in-*  
*ferentes, nouer calibus delinimentis instigationibusque*  
*corrupti*: C'est à dire, qu'il ne faut point per-  
 mettre aux peres & meres de faire tort par leurs  
 testaments, à leurs enfans: Chose qui aduiant  
 souuent par la malignité des secondes nop-  
 ces, contre les enfans du premier lit. Ces  
 quatre lignes furent adaptees par les compila-  
 teurs du droit de Rome sous le titre *De testamēto*,

*inofficioſo*, fait en conſequence des mauuais offices que les peres & meres rendoient à leurs enfans, les mettants par leurs teſtaments & dernieres voluntez, en nonchaloir, au preiudice de leur legitime. Partant Cuias au ſecoud Liure de ſes Obſervations chapitre 22. voulut croire, que cette loy *glicia* eſtoit vn reglement ancien fait en faueur de la legitime des enfans, & tout d'une ſuite eſtima que ce fut vn Claudius *Glicia* Dictateur, qui en auoit eſté le premier promoteur enuers le peuple de Rome; toutesſcis il n'eſt aſſiſté d'aucune authorité ancienne, pour confirmer ſon opiniõ. C'eſt pourquoy Hotoman en ſon Catalogue des Loix Romaines, le voulut deſdire, ſans le nommer, en ces mots, *Glicia; de teſtamentis*, pour les raiſõs par luy alleguees, & eſtime qu'aulieu de *Glicia*, il falloit lire *Titia*, *qua de pupillorum rationibus lata erat, quo Caii ſententia pertinebat*. Outre les raiſons par luy induictes en ſon Liure, il y aporta quelques autres particulieres conſiderations par ſes leçons, qui furent rapportees à Cuias. Monſieur Briſſon plus retenu qu'Hotomã, ſe donne bien garde d'y interpoſer ſon iugemẽt en ſon Commentaire, *Dererum & verborum ſignificatione*. Auquel lieu nageant entre les deux eaux. *Glicia* (dit-il) *nobis ex unica inſcriptione legis* 4. *De inoff. teſt. nota eſt*. Nous laiſſant à deuiner quelle eſtoit ſur ce ſon opinion. Or comme l'opinion d'un grand eſprit eſt de ne vouloir eſtre deſdit, auſſi Cuias au 14. Liure de ſes Obſervations, chap. quatorzieſme, prit au point d'honneur ce qui en auoit eſté diſcours par Hotoman,

tant par son Liure, que par ses leçons, & dict ainsi. *Querelam inofficiosi testamenti esse ex antiquissima lege Glicia, conicere licet ex inscriptione l. 4. De inoff. test. qua danda querela rationem reddit, & legis Glicie ferenda rationem reddere videtur. Et ne quem decipiant insomnia; nescio cuius, neque mei tacentis modestia in conscientiam ducat, scripsi latam forte à Glicia Dictatore; Non negans igitur, quin forte à Consule vel Pratore eiusdem nominis, siue cognominis, &c.* & de là poursuivant sa pointe, il tasche de prouuer, que ce n'estoit chose nouuelle dedans Rome, que quelques Loix portassent le surnom des Legillateurs, mesmes qu'il y eut quelques Consuls, qui eurent le nom de Glicia: & comme il est plein de doctrine, saute d'un propos à autre, non mal à propos.

Je me donneray bié garde de iuger des coups de ces deux vaillants guerriers, ausquels ie porte tout honneur, respect & reuerence: Car ie vous puis dire, que l'un des plus grands heurs que ie pense auoir recueilly en ma ieunesse, fut qu'un lendemain de l'Assumptio nostre Dame, l'an 1546. Hotoman & Balduin commencerent leurs premieres lectures de Droict aux Escholes du Decret en ceste ville de Paris. Celuy là à sept heures du matin, lisant le titre, *De notionibus*: Cetuy cy à deux heures de releuee, lisant le titre, *De publicis iudiciis*: en vn grand theatre d'Auditeurs. Et ce iour mesmes, sous ces deux Doctes personages, ie commençay d'estudier en Droict: & l'an d'apres, dedans la ville de Toulouze, ie fus à la premiere leçon que Cuias fit en l'Eschole des Institutes, ne s'estant aupara uant

*Sous quels  
Docteurs  
M. Pas-  
quier a es-  
tudié en  
Droict.*



iamais mis sur la monstre. Et continuay quelques iours mesleçons sous luy; Chacun le trouuant deslors d'un esprit fort clair, qui ne promettoit peu de chose de luy pour l'aue nir. Je vous prie ne trouuer mauuais, si ie iouy du priuilege des vieillards, en vous ramentuant ma ieunesse, que i'estime heureuse d'auoir iouy des premiers fruits de ces trois person nages d'honneur. Il falloit que ceste faillie fust par moy faite auant que de passer plus outre.

*Cuias ou-  
trepassé Ho-  
toman de  
beaucoup se  
lon le iuge-  
ment de  
M. Pas-  
quier.* Je retourne maintenant sur mes brizees, & veux dire, que ces deux person nages de mar que, Cuias & Hotoman, eurent quelque subiect de contenter leurs esprits, chacun en son endroit, par diuerses coniectures. Mais comme nos pensees sont libres en choses indifferentes, encor' que ie recognoisse Cuias outre passer Hotoman d'un grand vol; si est-ce que ie vous prie ray ne trouuer mauuais, si ie ne puis incliner en son opinion. Après m'auoir entendu vous iuge rez si avecques raison ie suis fol.

*La Loy qui  
concerne la  
legitime des  
enfants co-  
bié signalee* Vous demeurerez d'accord avec moy, que la Loy qui concerne la Legitime des enfans, est l'une des plus signalees qui fut dedans Rome, des & depuis son introduction, non seulement pour son estoffe, ains pour la façon; Ayant en frain t & mis sous pieds ce grand & souuerain article des Douze tables, qui donnoit plein ban à chacun de disposer par son testament de tous ses biens, sans acception de personnes. *Vni quique lezas sit, ita suare ius esto.*

Se peut il faire, si elle eust esté introduite sous l'Estat populaire, par cette pretendue Loy



Glicia, que quelque Autheur ancien n'en eust parlé? L'enten de tous ces grands personnages, dont les Liures sont arriuez iusques à nous. Vous n'y en trouuerez vn seul mot : encores que souuentefois ils ayent traicté de la matiere hereditaire de pere & mere à fils. Se peut il faire ( vous dy-ie ) que nous n'en ayons cognoissance par le texte expres de ceste Loy 4. ains d'un seul mot couché sur le frontispice d'icelle ? Ou que tous nos Iuriscultes, qui florirent sous les Empereurs ; desquels nous auôs appris, quelle estoit la nature de la Legitime, eussent esté si oublieux , nonchallans & desdaigneux , de ne faire mention de la fontaine dont elle auoit esté prise, comme la verité est qu'ils n'ont fait? He! vraiment, si cette loy Glicia, ou autre auoit esté publicc dedans Rome, pour cest effect, tout ainsi qu'ils blasment le pere, & l'accusent comme demy furieux, quand dedans son testament il passe son enfant sous silence, ou bien que le fils peut estre pour son ingratitude exheredé par son pere ; Aussi les accuseroy-ie volontiers de fureur en cette oubliance , & encores d'ingratitude enuers la loy , pour laquelle ie les iugerois dignes d'estre exterminiez de l'escole dont ils faisoient profession. I'adiousteray , que s'il en eust esté quelque chose, il est grandement vraisemblable , que l'Empereur Iustinian recitât en ses Institutes , l'origine des Quartes Falcide & Trebellianique, eust aussi fait glisser ce mot de la Loy Glicia, & de la Quarte

legitime deuë auparauint de toute ancienneté aux enfans, sur le modèle de laquelle eussent esté basties, cette Falcidie, & Trebellianique, dont toutesfois n'auois nulle mentiō. De moy, ie me fay accroire par toutes ces récontres concurrents ensemble, que le mot de *Glicia* soit corrompu, suiuant l'opinion d'Hotoman : de laquelle est pareillement Antonius Augustinus Archeuesque, en son Liure des Loix de Rome, de l'autorité duquel ie fais en ce subiect grand estat. Ne se trouuant mesmement dedans toute l'ancienneté, comme i'ay touché cy dessus, mention de cette Loy *Glicia*, que sur le frontispice de la loy quatriesme, du Testament inofficieux. Et au soustenement de cette opinion ie suis fondé en presomptions non moins violentes, que celles sur lesquelles le sage Salomon iugea le different d'entre la vraye mere, & la putatiue.

Mais d'où est procedee l'origine de cette legitime, me demandera quelqu'un? Le le vous diray au moins mal qu'il me sera possible, vous priant le prendre de mesme cādeur & rondeur que i'enten le deduire. Premièrement ietiens pour proposition arrestee, que tant & si longuement que l'Estat populaire dura, ils ne scauoient dedans Rome, que c'estoit de brider les dernieres voluntez des testateurs, non plus en faueur des enfans, que des estrangers; Estimans que chacun auoit en son particulier, plein pouoir de disposer de tous ses biens, au preiudice des siens, puisqu'en plus forts termes il auoit puissance de vie & de mort sur ses enfans. Puis-

*D'où cette  
Loy de la  
legitime a  
pris son  
origine.*

*Puissance  
de vie &*

face, dy-ie, qui n'estoit encores tollue aux peres <sup>de mors des</sup>  
 du temps de l'Empereur Auguste, si nous <sup>peres sur</sup>  
 croyons à Seneque, qui nous raconte qu'un <sup>ies enfans.</sup>  
 Tarius, s'estant aperceu que son fils l'auoit vou- <sup>Senec. lib.</sup>  
 lu occire, luy fit son procès extraordinaire de- <sup>de cle-</sup>  
 dans la maison, & le voulant iuger pria non seu- <sup>mentia.</sup>  
 lement plusieurs grands seigneurs de vouloir  
 estre de la partie au iugement, mais aussi Augu-  
 ste mesmes, qui ne faillit de s'y trouuer; Et apres  
 que le pere eust recueilly les opinions de chacun, <sup>Tarius pro-</sup>  
 il donna en fin, comme le vray iuge, la sentence <sup>nonce sen-</sup>  
 de relegation contre son fils: passage d'où nous <sup>tence de</sup>  
 pouuons recueillir; que lors la toute puissance <sup>Relegation</sup>  
 de vie & de mort que les peres auoient de toute <sup>contre son</sup>  
 ancienneté sur leurs enfans; n'auoit esté par <sup>fil.</sup>  
 nouuelle loy supprimée: Et à tant qu'il y a  
 moins d'apparence, qu'elle eust esté lors modi-  
 fiée pour le regard des biens.

Le premier frein qu'on apporta aux Testa-  
 ments, fut par le moyen de la Falcidie, non point  
 particulièrement en faueur des enfans, ains du  
 Testateur principalement; lequel instituant un  
 heritier, fondement sans lequel un testament  
 estoit nul, & neantmoins espuisant la successiõ  
 par vne infinité de legs immenses, il adue-  
 noit le plus souuent, que l'heritier institué, re-  
 pudioit la succession, pour n'en rapporter au-  
 tre profit que charge: Quoy faisant le testamēt  
 alloit à vaul'cau, comme nul; & tout d'une suite  
 les legs. De maniere, que si ainsi le faut dire,  
 tous demeuroident louches: Le Testateur qui  
 follement auoit voulu fauoriser ses opinions:  
 Le pretendu Heritier, pour auoir renoncé à

*La Loy Fal-  
 cidie pour  
 quelle raisõ  
 introduite.]*

cette qualité: & finalement tous les Legataires, par faute d'un heritier. Pour à quoy obuier fut trouuee la Falcidie: Qui fut vne loy publicé par Caius Falcidius, Tribun du peuple, sous le Triumvirat d'Auguste, Lepide, & Antoine: Par laquelle il fut permis au Testateur, de leguer pleinement de tout son bien, hormis des trois parts, les douze faisants le tout, qui seroient reseruees à l'Heritier testamentaire. En quoy les enfans ne receuoient non plus de priuilege que les autres; Estant cette Loy généralement introduite en faueur de tous ceux qui auoient esté ordonnez heritiers par le testateur.

*Et en quoy  
elle consi-  
stait.*

*Les Fidei-  
commis  
quand mis  
en usage: &  
à quelle fin.*

De ce mesme temps arriua l'usage des Fideicommiss aupa-  
rauant incognu dedans Rome. Inuention du commencement honteuse, qui  
fut expressement introduite pour faire fraude à  
la loy. Car comme ainsi fut, que par le Droit  
commun des Romains, il y eust certaines per-  
sonnes, que l'on ne pouuoit par les testemens,  
appeller aux successions, pour leurs incapacitez,  
on s'aduisa de mettre en auant les Codicilles,  
dedans lesquels on prioit l'heritier de vouloir  
rendre l'heredité à tel, ou tel (ores qu'il n'en  
fust capable.) Chose qui du commencement  
despendoit de sa volonté, & par succession de  
temps se tourna en necessité; Tant nous a Na-  
ture rendus opiniaistres en nos flateries; Voire  
quel'on crea au long aller vn Magistrat parti-  
culier, qui fut nommé *Preteur fideicommissaire*,  
pour l'accomplissement des Fideicommiss. Vn

*Les Codi-  
cilles.*

*Preteur Fi-  
deicommiss.  
saire.*

Lucius Lentulus sous l'Empire d'Auguste, en fut le premier Auteur. Or estant le Testateur tombé en mesme desarray, tant pour les fideïcommis, que pour les legs, pour y apporter remede, & affin que l'heritier n'eust subiect de repudier la succession, fut souz l'Empire de Neron & Consulat de Trebellius Maximus, & Seneca, faict le *Senatus-consulte Trebellian*: & du temps de l'Empereur Vespasian, par les Consuls Pegasus & Prusio, le parfournissement de ce Decret, aux mesmes conditions, que la Falcidie; C'est à sçauoir, que nul ne pourroit par fideïcommis disposer de plus des neuf parts de son bien, au preiudice de son heritier testamentaire, auquel il seroit tenu de reseruer la quatriesme franche & quitte.

*Le Senatus-consulte Trebellian.*

Ceste quatriesme partie distraicte, ou des legs, ou des fideïcommis, que l'on appelloit tantost *Quarte Falcidie*, tantost *Quarte Trebellianique*, N'estoit point ceste *Quarte Legitime* deuë par les peres & meres à leurs enfans, tant rechantee par les Empereurs & Iurisconsultes, par vn nouveau titre incognu aux Romains pendant leur Republique: Qui est celuy que nous appellons, *De inofficioso testamento*. Partant mon opinion est, que les Romains ayants ozé souz les Empereurs, bannir de leurs testes l'ancienne superstition, qui auoit regné dedans Rome, pour l'entretenement des Testaments & Ordonnances de derniere volonté,



*La Loy de  
la Legiti-  
me à quel-  
le occasion  
introduite.*

voyants ces deux Quartes auoir esté à iuste rai-  
son aprouuees, en faueur de l'heritier testamé-  
taire, commencèrent de prédre en main la cau-  
se des pauvres enfans non ingrats, contre leurs  
peres & meres malconseillez. Et lors s'insinua  
peu à peu l'opinion de la legitime deuë par eux  
à leurs enfans: Non par Loy expresse de Rome,  
ains par vne loüable coustume, à laquelle ils fu-  
rent instiguez & semonds par les consultations  
& aduis des Iuriconsultes.

*Les Fidei-  
commis  
par qui mis  
en vogue.*

Et afin que ne pensiez que ma deuination  
soit vaine, remettez vous deuant les yeux, l'in-  
troduction des Fideïcommis. Il n'y eut aucune  
Loy particuliere pour cest effect; Mais apres  
qu'Auguste les eust aucunement fauorizez, ils  
commencerent de prendre leur cours, *Idque,  
quia iustum & popolare videbatur, paulatim conuer-  
sum est in assiduam iurisdictionem, tantusque eorum  
favor factus est, ut etiam Prator proprius crearetur,  
qui de fideicommissis ius diceret, quem fideicommissa-  
rium appellabant.* Chose qui se peut encores plus  
expresllement obseruer au faict des Codicilles,  
dont on atribuë le premier plant à L. Lentulus,  
tout ainsi que des fideïcommis; lequel en pais  
lointain, ayant par nouueaux Codicilles delaif-  
fé du bien à Auguste, souz quelque charge &  
cōditiō, à laquelle ayât satisfaiect par l'aduis des  
sages, & nommément du Iuriconsulte Treba-  
tius, cela obligea la fille de satisfaire à la volon-  
té de son pere, enuers l'Empereur, & tout  
d'vne suite de faire le semblable par honneur  
enuers les autres fideïcommisaires. Et depuis le  
Iuriconsulte Labeon mourant, ayant pareil-

*Les Codi-  
cilles d'oü  
eurent leur  
commen-  
cement.*



lement disposé de son bien par Codicilles, on ne douta de là en auant d'en aprouuer l'vsage. Tellement que sans aucune Loy precise, par vne coustume taisible, vint l'observation des Codicilles, tant celebree dedans le Droit des Romains.

Que si en ces deux particularitez, depuis tât familières à la ville de Rome, dont l'vne fut ietroduite en fraude, l'autre au preiudice de la loy commune : Et spécialement pour cette deuxiesme, le peuple fut induit à l'aprouuer par l'exemple du grand Iurisconsulte Labeon : Pourquoy ne me sera il permis de croire, qu'il fut aussi semonds à la legitime par les instructions & memoires des Iurisconsultes qui florirent depuis l'Empire d'Auguste : n'y ayant rien plus iniuste & illegitime, que de procurer & sans cause par nostre mort, la mort à ceux auxquels auons donné la vie.

On me dira, que ie deuine. I'en suis d'accord, mais de ma deuination i'ay des presomptions tres-vrgêtes. Car outre ce que (comme ie vous ay dit) ie ne voy aucun Magistrat promoteur de ceste Loy, soit dedans les Auteurs anciens qui furent sous l'Estat populaire, ou ceux qui regnerent du temps del'Empire, il me semble voir l'accroissement de ceste mienne opinion, par vne taisible alluion de l'histoire, que nous pouuons recueillir lisant nos Digestes & le Code, Dessous les treize premiers Empereurs, ie ne voy point quel'on en parle, & neantmoins ie pense que deslors, ou sur la fin il y en auoit quelque semence de iettee, ou pour le moins

*Plin. lib. 5.  
epist. 15  
7. epist.*

proiettee. Quoy qu'il soit, quelques vns estiment entrouuer quelque vne de remarque

Plin. lib. 5. dedans les Epistres de Pline second. Si vray ou  
 epist. 1. & non, ie m'en raporte à ceux qui plus diligem-  
 7. epist. ment que moy, voudront examiner les passâ-  
*Caius du* ges. Bien diray-ie, que Caius, lequel comme  
*temps d'A* nous aprenons de luy fut du temps del'Empe-  
*drian, pro-* reur Adrian, eust quelque ressentiment en son  
*nonce con-* ame contre les peres, qui se laissent seduire  
*tre les pe-* par leurs secondes femmes, preiudicioient  
*res, ce qu'en* aux enfans du premier lit. Et c'est la cause  
*a suivy de-* pour laquelle nos compilateurs prindrent de  
*put.* luy cette belle sentence, qu'il prononça contre  
 les peres ingrats enuers leurs enfans: Marcel-  
 lus qui fut contemporain de l'Empereur  
 Marc Antonin le Philosophe, y voulut don-  
 ner plus de iour, & en luy vous voyez vn  
 progrès plus hardy sur ce sujet, qu'en  
 Caius: Sorbidius Scæuola, qui fut aus-  
 si en sa ieunesse sous ce mesme Empereur  
 Antonin, & depuis sous Seuerus & An-  
 tonin Empereurs, pere & fils, y vou-  
 lut donner quelque atteinte. Toutesfois  
 vous voyez que la querelle du Testament  
 inofficieux n'auoit receu toutes les façons. En  
 ce que le I. C. Paule le desdit d'une proposi-  
 tion, que Scæuola auoit soustenuë. Apres luy  
 vint le grand Papinian disciple de Scæuo-  
 la, qui fut son successeur en l'Estat de Pro-  
 cureur general des Empereurs Seuerus & An-  
 tonin: Et c'est à luy auquel ie pense qu'il faut  
 rapporter l'accomplissement de ce grand ou-

urage, ie veux dire de la Quarte Legitime, dont nous parlons. Ainsi le iugé-ie, quand ie voy que la principale Loy de cetitre, est tiree de ses memoires, & exactement commentee par Vlpian. C'est la Loy, *Papinianum* : Et quand ie voy le mesme Papinian nous auoir le premier enseigné, les peres & meres estre pareillement appelez à la querelle du Testament inofficieux de leurs enfans, quand decedans sans enfans legitimes, ils auoient mis leurs pere & mere en oubly. Et pour monstrier mesmement que ceste Quarte legitime auoit esté bastie sur le moule de la Quarte Falcidie, c'est que luy mesmes la nomme Falcidie. I'adiouste, que de tous les Empe- reurs, ceux qui premiers nous baillerent reglements sur le faict de la Legitime, ce furent Septimius Seuerus, & Bassianus Antoninus, Empereurs. Car nous deuons au pere & au fils ensemblement les quatre premieres Loix, & au fils seul apres la mort de son pere, les huit qui suivent au Code, sous le titre du Testament inofficieux : titre voué à la dedu- ction de la Quarte legitime; Empereurs sous lesquels Papinian tint grand rang. Qui me faict croire qu'en ce mesme temps la Quar- te legitime prit son accomplissement : & par ainsi que Papinian y eut la meilleure part. Et en effect, voila quelle est mon opinion sur ce subiect, pour lequel ie me soubmets à la censure de tous ceux qui sans passion en voudront iuger.

*La Quarte  
Legitime en  
quel temps  
commença.*

Or dura ceste Quarte, Legitime dés & depuis qu'elle eust pris pied petit à petit iusques à l'Empereur Iustinian, ainsi que nous pouuons recueillir de quelques siennes Loix. Vray que depuis illa voulut balancer selô le plus, ou moins que nous auions des enfans, ainsi que vous sçauetz trop mieux. Car s'il y en auoit vn, deux, trois, ou quatre, à eux apartenoient les quatre portions, qu'ils appellèrent *Triens*, dont les douze faisoient le tout. Si cinq, six, sept & plus, la moitié des successions paternelles & maternelles, qu'ils eussent peu recueillir *ab intestat*. Ordonnance quia tant à propos reüssi à cest Empereur, que depuis sur le pied d'icelle nous melurons par toute la France la Legitime deuë par les peres & meres à leurs enfans. A Dieu.

*A Monsieur Loisel, Aduocat en la Cour de Parlement de Paris.*

Il continue  
sur la mes-  
me ma-  
tiere, & en  
quel ordre  
de temps  
les loix Ro-  
maines fu-  
rent faites,  
& par qui.

**E** ne veux laisser imparfaicte la Legitime, dont ie vous ay disçouru par mes dernieres, ainsi luy donner toutes ses façons. Commét? me pourra dire quelqu'un (& peult estre non sans propos) estes vous si hardy d'atribuer le premier plan de ce grand œuvre entre les Empereurs, à deux Princes, dont l'un n'eut que la guerre en teste, & l'autre la cruauté? Il y a bien apparence de croire, que celuy que vous appelez Antonin, fust vn autre que Bassianus Antonnius Caracalla, tant detesté par tout l'ancieneté. A cestuy ie respondray, que non seule-  
ment

ment les Loix par moy cotees, concernant la Legitime, leur sont deuës; Mais aussi vne infinité d'autres des plus belles du Droit. Toutefois d'autant que cette proposition de prime face semblera estre brusque, & eslongnee de l'opinion commune, ie veus faire vne reueüe generale des Empereurs, & particuliere de ceux qui porterent le surnom des Antonins, mentionnez dedans les douze Liures du Code.

Depuis l'Empire de Titus Ælius Antoninus Pius, que ie veus en nostre langue appeller le *Antonin* Debonnaire, plusieurs des Empereurs vsurperent ce surnom: les vns par obligation, les autres par affectation. Des premiers furent Marcus Ælius Antoninus (dict le Philosophe) son *nom que plusieurs* fils adoptif, & Commodus Antoninus, fils naturel & legitime de Marcus. Des seconds, vns *empereurs depuis s'vsurperēt & entre autres qui.* Bassianus Caracalla, Diadumenus fils de Macrin, Heliogabalus, les trois Gordians, pere, fils, & petit-fils. Au regard de Bassianus Caracalla, Spartiā en l'Empereur Septimius Seuerus son pere l'ayāt la vie de Seuer. avec soy associé à l'Empire, pour le redre agreable au peuple, pria le Senat de l'honorer de ce *Herodian lib. 3.* surnom: Ce qu'il fit. Le semblable fit Macrin l'Empereur pour Diadumene son fils, qui estoit *Lamprid. en la vie de Diadumene.* vn ieune enfant, & l'obtint. Et dit Lampride en sa vie, qu'au peu de temps qu'il impera, il n'y eust rien de recommandable en luy, sinon qu'il fut honoré du surnom d'Antonin. A Macrin & Diadumene pere & fils succeda Heliogabale, *Herodian lib. 4.* qui fut pareillement surnommé Antonin, par ce que Seneca sa mere effrontément asseura,



*Alexandre  
le refuse.  
Lamprid.  
en Ale-  
xand.*

*Jul. Capi-  
tolin en la  
vie des  
trois  
Gord.*

*Heliogaba-  
lus une  
cloaque de  
tout vice.  
Trainé par  
les rues &  
cloaques de  
Rome: &  
son corps  
jetté d'as le  
Tybre.*

qu'elle l'auoit engendré d'un atouchement incestueux, d'Antonin Caracalla son cousin germain, & d'elle: Et dit Lampride en sa vie, qu'il fut le dernier des Antonins. Car quant à Alexandre son successeur, que sa mere Mamee accordoit auoir eu d'un mesme embrassement illicite de Caracalla son cousin, toutesfois par vne honte discrete il refusa ce surnom, dont le Senat le vouloit honorer. Vindrent apres les trois Gordians, desquels les premier & second se gratifierent de leur autorité priuee de ce surnom, & le troisieme par autorité du Senat, & depuis eux nuls Empereurs ne l'affectionnerent. Or de tous ces Antonins il faut tenir pour asseuré que l'Empereur Commodus n'a nulle part en nostre Code, non plus que Diadumene, duquel l'Empire ne fut qu'un court esclair sous l'autorité de Macrinus son pere; & au regard d'Heliogabalus, pour auoir esté pendât son Empire, vne cloaque de toutes hâtes & ordures, il fut apres sa mort trainé dedans toutes les fanges & cloaques de la ville de Rome, & en fin son cadauer ietté dedans le Tybre, afin que luy & ses Ordonnances bouffonesques s'en allassent par mesme moyen à vau l'eau. Restoient les trois Gordians, dôt des deux premiers nous n'auons aucunes constitutions: aussi impererēt ils fort peu de tēps, & nō encores dedās Rome, ains en Affrique, dedans la ville de Cartage, perpetuellement occupez, non à bastir Loix, ains de faire teste aux armes de Capellian leur ennemy, & de l'Empereur Maximinus. De maniere qu'il n'y eut que Gordiā



troisième, dont nous en ayons, mais non sous le nom d'Antonin, ains seulement de Gordian, Comme aussi est ce la vérité, ainsi que j'ay touché cy dessus, qu'en Helio gabale auoit pris fin ce grand & saint surnom d'Antonin. Au moyen dequoy il ne faut faire aucune doute, que quand nous voyons dedans le douze Liures du Code sur le frontispice d'un chapitre ce nom d'Antonin, il le faut necessairement rapporter, ou à Titus Ælius Antoninus Pius, à Marcus Ælius Antoninus, ou à Bassianus Antoninus Caracalla: Vray que nos compilateurs tresauisez vltants de son nom, se donnerent bien garde d'y mettre, le Bassianus, ny le Caracalla, ou Caracallus, ains seulement Antoninus.

*Le nom  
d'Antonin  
prend fin  
en Helio ga-  
bale.*

Et afin que ie le vous face paroistre par vne demonstration oculaire, ie vous veux icy discourir yne obseruation que j'ay faite sur tout le Droit des Romains; Auquel ie trouue. vne economie toute autre entre les Digestes & le Code. Par ce que nos compilateurs desirants dedans les Digestes lier les decisions des Iurisconsultes d'un fil continu, au moins mal qu'il leur seroit possible; & commencer par un general, qu'ils modifierent ou amplifierent apres, ainsi que le subiect le portoit: Aussi furent ils contraints d'adapter les resolutions d'uns & autres Iurisconsultes, par forme de Centons, non selon l'ordre de leurs temps, ains des discours qu'ils traitoient; Autrement ils ne fussent iamais arriuez à leur intentiō. Au contraire, dedās le Code ils mirent

les Ordonnances des Empereurs, & sous chaque titre, selon l'ordre de leurs receptions à la Couronne Imperiale. Et pour cette cause leurs Ordonnances sont pieces descouzuës, qui n'ont aucune liaison de l'une à l'autre. De façon que en cette diuersité de rencontres, nous pouuons dire, que le mesnage des Digestes est vn pelemesle des Iuriscultes, contenant des discours aucunement bien liez, depuis le commencement du titre iusques vers le milieu, plus ou moins. Et le Code vn pelemesle d'ordonnances deslices, contenant vne liaison & suite des Empereurs, selon leurs prioritez & posterioritez d'Empires. Diuersité dont il ne se faut esbahir. Par ce que les compileurs auoient appris par les histoires, l'ordre de ceux qui auoient imperé. Ioinct qu'ils n'estoient, qu'un, ou deux, ou trois Empereurs en mesme temps. Et encores les deux, & les trois n'estoient reputez que pour vn, és Ordonnances par eux publiccs. Mais quant aux Iuriscultes, ce fut tout autre discours. Le temps des plus signalez fut remarqué par les Historiens, mais non des autres, qui ne tenoient si grand rang. D'ailleurs, vn mesme temps en pouuoit produire plusieurs, comme on en vit sous l'Empereur Alexandre dix & sept ou dixhuit, dont nos Digestes sont pour la plus grande partie composez. Tellement que de les vouloir reduire par Ordre, c'eust esté chose impossible.

Cela ainsi presuppposé; de tous les Empereurs portez par le Code, vous n'en trouuerez aucun des quatorze premiers: Bien alleguel'on

*Le mesnage des Digestes est vn pelemesle des Iuriscultes. Et le Code des Ordonnances des Empereurs.*

de fois à autres leurs authoritez, mais leurs Ordonnances n'y sont transplantées. Le premier qui ouurit le pas fut Ælius Adrianus, suivi selon l'ordre des Empires, d'un, Titus Ælius Antoninus Pius, Marcus Ælius Antoninus Philosophus, & Ælius Verus son frere adoptif. Ce sont les deux que voyez assez souvent dedans le Droit estre appelez *Dini fratres*. Apres eux Heluius Pertinax, Septimus Seuerus; & Antonini pere & fils, ores les deux ensemblement, ores le fils seul, son pere estant decedé.

*Quels Em.  
pereurs fu-  
rent les  
premieres à  
donner au-  
thorité aux  
Loix.*

Je vous veux faire vne sommaire liste des Ordonnances & constitutions des quatre premieres Empereurs, à la charge que si en trouuez plus ou moins, vous supleerez mon defaut. d'Ælius Adrianus, ie n'en trouue qu'une, qui est la premiere, *De testam.* De Titus Ælius Antoninus Pius, neuf, qui sont les premieres, *De ed. ed.* *De procurat.* *De alend. à par. liberis.* *De hered. instit.* *De impub. & aliis subst.* *De legat.* *De Vsur.* *Si aduersus credit.* *De Poenis.* Bien scay-je, que quelques impressions attribuent les deux Loix, *De hered. institu. & De impub. & aliis subst.* à Marcus: mais j'apprehend le contraire de Iustinian. De Marcus Ælius Antoninus, & de Ælius Verus son frere, cinq Loix: la seconde *De procurat.* les deux & troisieme. *De Alend. à parent. lib.* la premiere & seconde *De patria potest.* De Marcus Ælius Antoninus seul, apres le decés de son frere, vne seule, qui est la premiere *De petit. hered.* en laquelle il recognoist & appelle l'Empereur Adrian son ayeul. De Heluius Pertinax deux; La premiere *Ad SC. Maced.* & la premiere,

*Denecess. scr. hared. instit.* Qui sont ensemble dix huit Loix. Septimius Seuerus, & Bassianus Antoninus suivent immédiatement Pertinax, & apres eux Alexander, & ainsi des autres: non que ie vueille dire, que tous leurs successeurs ayent contribué à ce Code, mais ceux qui y contribuerent, furent mis selon l'ordre de leurs temps & Empires. Et parce que ces cinq premiers Empereurs escoulez, Seuerus & Antoninus pere & fils, sont les plus anciens de ceux qui restent, vous trouuerez tantost sous les noms du pere & du fils, tantost sous celuy du fils seul, deux cents treize premieres Loix sous autant de diuers titres, sans en ce comprendre les autres qui sont à leur suite. Et quand vous voyez ce nom d'Antoninus seul, ne faictes de doute, qu'il le faut attribuer à ce grand homme de bien Bassianus Antoninus Caracalla; sous lequel il y a vne infinité de Loix de merite. Qui me fait en passant vous dire, ou que nos compilateurs furent de grands menteurs & faulxaires, ou que l'Empereur Macrinus desirant supprimer les Ordonnances des Empereurs, n'auoit iamais veu que sur l'escorce celles de Caracalla, quand particulièrement il disoit, que c'estoit vne honte de faire estat des Loix de Commodus, & Caracalla: Et neantmoins celuy qui nous enseigne ceste histoire, disoit que *Macrinus erat in iure non incallidus.*

*Caracalla grand homme de bien, par moquerie, & quelles Loix il a faites.*

*Iul. Capit. in Opilio Macrino.*

*Septimius Seuerus de quelle conscience.*

Mais d'où vient, que de ces deux Empereurs nous recueillions tant & de si belles Loix? Car il est certain, que Septimius Seuerus, grand guerrier n'auoit Dieu, Religion, ny conscience

en son Ame, sinon de tant que la commodité de ses affaires le portoit. Et pour ceste cause est representé par Machiauel, en son traicté du Prince, pour vn miroüer de ceux qui par meschancetez & sceleratesles peuuent se maintenir en grandeur. Et quant à Bassianus Antoninus Caracalla son fils, il est mis au Catalogue des Empereurs, qui emportoient le deuant de tous les autres en cruautéz barbaresques. Ny Caligula, ny Vitellius, ny Domitianus, ny Commodus, ne vindrent au parangon de luy. Comme celuy qui non content d'estre collateral à son pere, le voulut pour son premier coup d'esfay, suplanter de sa dignité imperiale; & apres son decés fit mourir tous les Medecins, lesquels n'auoient par medecines deguisees auancé sa mort; ainsi qu'il leur auoit commandé; Qui fit le semblable à tous les fauoris de son pere. Meurtrier qui de guet à pens faisoit gloire de souiller ses mains non seulement dedans le sang de ses ennemis, ains de ses propres amis & commensaux; Meurtrier, qui sous vn faux bruit prit plaisir de faire mourir la fleur de toute la Noblesse d'Alexandrie, luy faisant accroire, qu'il en vouloit dresser vne legion signalée par dessus toutes les autres. Parricide, qui entre les bras de sa propre mere tua deses mains son frere Geta, & depuis fit mettre à mort le grand & vnique Papinian (auquel il auoit tant d'obligations) pour n'auoir voulu excuser en plein Senat ceste impieté paradoxique. I'en'adiousteray point, qu'apres auoir tué son frere Geta; il espousa Iulia sa belle-mere, comme

*Bassianus  
Caracalla  
emporte le  
pris de  
cruauté.*

*Prine son  
pere de  
l'Empire.  
Et fait  
mourir ses  
Medecins.*

*Et Papinuz,  
& pour-  
quoy.  
Espouse sa  
belle mere.  
Spartian  
en Caracal.*



Herod. Spartian nous tesmoigne : Car Herodian la  
lib.3. & 4. fait mere naturelle des deux freres : mais laissât  
cette particularité en arriere, & nous arre-  
stant à toutes les autres, quel fruit auôs nous  
peu recueillir d'une racine tant pourrie & in-  
fecte ? Car encores pour le regard du pere, cõ-  
me il estoit plus retenu en ses actions que son  
Herod. fils, aussi trouuerez vous, qu'apres auoir tran-  
lib.3. quillité les affaires du Leuant, il fit quelques an-  
nees son seiour à Rome, pendant lesquelles  
toute son estude fut de rendre le Droit aux vns  
& aux autres : & quelque peu auparauant son  
decès, apres auoir subiugué vne partie de la  
grande Bretaigne, il y laissa Geta son puisné, a-  
uec quelques gens de conseil, pour y faire le sē-  
blable. Mais quant à Caracalla, il n'eut iamais  
veine qui tendit à ce grand & noble exercice.  
Au contraire, tous ses deportements ne respi-  
roient que sang, feux, & cruauté. Et neant-  
moins les Loix qui courent, non sous les noms  
de Bassianus, ou Caracalla, ains sous celuy seul  
d'Antoninus fils de Seuerus, sont pieces de mar-  
queterie des plus belles qui soient dedans le  
Code.

Voyez, ie vous prie, si mon opinion vous  
plaira. Toutes les Loix conceuës sous les noms  
de ces deux Empereurs, ne sont point propre-  
ment d'eux, ains des bons & fidelles Conseillers  
qui leur assisterent. Nous auons veu de nostre  
temps vn ieune Roy Charles IX. en ceste Fran-  
ce, auquel & l'infirmité de son bas aage du com-  
mencement, & par succession de temps, la vio-  
lence extraordinaire de son naturel, ne don-



noit aucun loisir de faire des Loix ; toutesfois  
 iamaïs Roy qui le deuança ne fit tant de beaux  
 Edicts que luy ; Tefmoin celuy del'an 1560. aux  
 Estats tenus dedans la ville d'Orleans ; l'autre  
 qu'il fit à Rouffillon l'an 1563. & le dernier à  
 Moulins l'an 1566. Contenants ces trois Edits  
 vne infinité d'articles en matiere de police, &  
 beaux reglements, qui passent d'un long entre-  
 jet nos anciennes Ordonnances. A qui sommes  
 nous redevables de ce bien ? Non à autre qu'à  
 Messire Michel del'Hospital son grand & sage  
 Chancelier, qui sous l'autorité du ieune Roy  
 son maistre fut le principal entremeteur du pre-  
 mier ; instigateur , promoteur & autheur des  
 deux autres. Et à la mienne volonté, qu'ils eus-  
 sent esté en tout obseruez d'une mesme deu-  
 tion , qu'ils furent introduits. Le semblable  
 veux-je dire icy des Empereurs Septimius Se-  
 uerus, & Antoninus, pere & fils : Lesquels pē-  
 dant leurs Empires eurent premierement , vn  
 Cerbidius Scæuola, qui fut leur Procureur ge-  
 neral. Et apres son decés le grand Papinian,  
 principale ressource du Droit des Romains, luy  
 succeda en cest office sous les deux Princes ; & le  
 pere mourant, luy bailla la charge de ses deux  
 enfans. De maniere qu'il fut appellé à ce grand  
 estat de Præfectus Pratorio, que nous ne pou-  
 uons rendre François. Estat qui sous l'authori-  
 té des Empereurs auoit toute iurisdicció & puis-  
 sance, tant sur les armes, que la plume. De moy,  
 ie veux croire, que toutes les belles Ordonnan-  
 ces de ces deux Princes , sont deuës à ces deux  
 grands personnages, par les mains desquels, l'un

*Charles  
IX. a fait  
plus de  
beaux E-  
dits qu'au-  
cun Roy  
qui l'ait de-  
uancé.*

*Mais ce fut  
par l'en-  
treprise du  
Chancelier  
de l'Hospi-  
tal.*

apres l'autre, passa tout l'Estat politic de l'Empire : & celles d'Antonin seul particulièrement à Papinian, luy laissant ce qui estoit de ses volontez absoluës, le tout en la mesme façon que i'attribuë les belles Loix d'Alexandre aux Iuriconsultes Vlpian & Paule ; celles de Gordian le troisieme à Misitheë, son beau-pere ; & celles de Iustinian à Tribonian : Et pour mettre fin à ma lettre par où elle a pris son commencement, ie me persuade, que sur ce mesme pied la Quarte Legitime receut ses principales façons de Papinian : En consequence de quoy les Empereurs Septimius Seuerus & Antoninus ses maistres, furent les premiers parreins dedans le Code, de ceste Loy. A Dieu.

*A Monsieur Robert, Aduocat en la Cour de  
Parlement de Paris.*

*Il discours  
sur le mes-  
me suieût  
des Loix &  
Ordonnan-  
ces, tant de  
Rome que  
de France.*

**I**Yant depuis quelques iours en ça repassé sur vos quatre beaux Liures, *Rerum Iudicatarum* ( parangons sur tous les autres sur mesme subieët ) dont vous m'auiez faict present, ie vous enuoye en contr'eschange ce mien discours, sous ceste condition, que ne m'estimerez vn autre Phormion le sot, qui veut faire leçon de Part militaire à vn Hannibal, grand guerrier. Toute mon ambition est, de sçauoir quel sera vostre iugement sur le iugement que i'ay faict en general, tant du Droit commun des Romains, que de celuy de nostre France.

*Constat ius nostrum* ( dilloit le Romain ) *aut ex scripto, aut non scripto. Scriptum autem ius est, Lex,*

*Plebiscita, Senatusconsulta, Principum placita, Magistratum edicta, Prudentum responsa. Ex non scripto insvenit, quod usus approbavit.* Quant à nous autres François, ainsi que ie voy les choses reglees par nostre France, combien que les Coustumes des Romains soiét mises au catalogue du droit non escrit; toutesfois ie ne les iugeray pas telles aujourd'huy, estât toutes enregistrees aux grefes, tant des Bailliages & Seneschaucees, que Cours souveraines dont elles delpendent. Je diray doncques, que le Droit commun de la France gist en quatre points; Aux Ordonnances Royaux, Coustumes diuerses des Prouinces, Arrests generaux des Cours souveraines, & en certaines propositions Morales, que par un long & ancien vsage, nous tenons en foy & homage du Romain.

*Les Coustumes de France enregistrees aux Grefes des Bailliages, Seneschaussees; & Cours souveraines. Le Droit commun de la France gist en quatre points, & quels. Les Loix comment deuoient estre faictes pour obliger à Rome.*

Je donneray à chacun de ces quatre points sa façon : & commenceray par les Ordonnances, premierement des Empereurs, puis de nos Roys. Dedâs Rome tout ce qui plaisoit à l'Empereur, estoit reputé pour Loy, moyennât que son opinion eust esté de la faire, ny pour cela, il n'estoit obligé d'y obéir. Et au surplus, tât sous l'Estat populaire, que Monarchique, la publication de la Loy se faisoit par affiches en plein marché. Qui occasionna Plaute le railleur de dire en se gauliant, que les pauvres Loix estoient attachees publiquement aux parois à clou de fer, & qu'il eust esté beaucoup plus expediant d'y clouer les mauuaises mœurs. Et l'Empereur Calligula tyran, ayant faict plusieurs Loix, les fit escrire en menuë lettre, & proposer publi-

Lib. 34.  
cap. 9.

quement en lieu sombre, pour surprendre le commun peuple, & auoir subiect de condamner en l'amende les transgresseurs. Je vous laisse à part, qu'elles estoient graues dedans de l'airein : Car ce ne seroit que perte de temps & de papier, de m'amuser à ceste pointille. *Vsus aris* (disoit Pline) *ad perpetuitatem monumentorum iam pridem translatus est, tabulis arcis, in quibus constitutiones inciduntur.* Au regard de nostre France, nous feusmes plus retenus. Car combien quel'Ordonnance soit le vray ouurage de nos Rois, nō moins souuerains dedans leur Royau-  
 me, que les Empereurs dedans leur Empire, toutesfois leurs Ordonnances n'ont aucun effect, qu'elles n'ayent esté premierement publiees & veriffices par les Cours souueraines, des Parlements, des Comptes, des Aydes, chacune en droit foy, selon que le subiect y est disposé : & auant que les publier, elles les peuuent modifier, selon le deuoir de leurs consciences. Ce que nos Rois ordinairement reçoient de bonne part, & ne pensent pour cela leurs Maiestez en estre amoindries, ains accreuës. Que si ces modifications ne leur plaisent, on procede par humbles remonstrances enuers eux : Et souuentesfois s'en rendent capables : Autrement il faut passer par leurs volontez : mais avec ceste condition, que l'on infere aux Registres, les lettres auoir esté publiees, veriffices, & enregistrees par l'expres commandement du Roy. Ce sont les façons que nous aportons en ceste France, en la publicatiō d'un Edict, lequel estant veriffié (qui nous tient lieu des affiches de Rome) adōcques

*Les Ordonnances n'obligent en France que elles n'ayent esté veriffices aux Cours souueraines.*

*Les verifications comment modifiees.*

nos Rois par vne biévueillance naturelle qu'ils portent à leurs subiects, reduisants leur puissance absoluë sous la ciuilité de la Loy, obeïssent à leur Ordonnance. Au demeurant ie vous diray icy en passant, qu'il y eust dedans nostre ancienneté peu d'Ordonnances, mais bonnes mœurs; maintenant vne infinité d'Ordonnances sans mœurs.

*En France les Rois obeïssent à leurs Edits estans verifiez.*

*Peu d'Ordonnances & bonnes mœurs.*

*Les Coustumes entre toutes les Nations.*

Quant aux Coustumes, iamais nation ne fut sans Coustume, & a peu estre sans Loy escrete. Grande chose, qu'en toutes les œuvres d'Homme on remarque n'estre faicte aucune mention de la Loy. Quoy que soit ie vous puis dire, que la Coustume qui prit sa naissâce des mœurs, fut premierement en vſage dans les Republiques, puis la Loy redigee par escret. Je ne vous parleray des Coustumes de Rome, que nous recueillons d'vns & autres chapitres du Droit. Je vous diray seulement pour le faict des nostres, que ce nous est vn Droit tres-foncier en ceste France: Car dès le temps mesme de Iules Cesar (ainsi qu'il nous tesmoigne dedans ses memoires) la Gaule estoit diuisee en certaines Prouinces distinctes de langages, & de mœurs: Voulât dire, qu'autant de diuerses Prouinces produisoient autant de diuerses Coustumes; dont nos peuples furent si ialoux, que combié que Charlemaigne premierement, puis Philippe Auguste, & finalement Louys vnzième eussent enuie de reduire toute la France sous vn mesme poids & mesme mesure, toutesfois ils n'y peurent fraper coup à point. Et neantmoins c'est vne regle tres-certaine, que non seulement

*Ancienneté des Coustumes en France.*



*La Loy generale du Prince efface toutes Coustumes.*

*Les Contrats doivent estre signez des parties Et tesmoins a peine de nullité.*

dedans Rome, ains dedans ce Royaume, voire par les Loix melmes du Roy Loys le Debonnaire, la Loy generale du Prince efface par vn seul trait de plume, toutes les Coustumes particulieres de chasque Prouince. Ainsi l'auons nous veu de nostre temps pratiquer, quand le Roy Charles IX. ordōna par son Edit de Moulins, que tous contracts, & autres actes seroiēt redigez par escrit & signez des parties & tesmoins, s'ils scauoient signer; & s'ils ne le scauoient, que le Notaire en fit expresse mention: Le tout à peine de nullité. Car depuis nous bifames par ce seul article tous les articles des coustumes, portants que les testaments non escrits, attestez de quatre ou cinq tesmoins, estoient bons & valables.

L'ordre que le Romain obserua aux Loix municipales des Prouinces ( que nous appelons en France Coustumes ) quand il y auoit quelque obscurité, estoit ( si vous en croyez Tribonian, par la plume duquel l'Empereur Iustinian fit son Edit *De vet. iure enucleando* ) d'auoir recours, *Adeaque longa Urbis Romæ Consuetudo comprobauerat, secundum Saluii Iuliani scripturam* ( ce sont les paroles dont il vse ) *quæ iudicat omnes debere ciuitates consuetudinem Romæ sequi, quæ caput est orbis terrarum.* Et quoy toutesfois il s'abuzoit. Car l'autorité du Iuriconsulte Iulian, dont il s'aide, est tiree du mesme Liure, qui fut la Loy *De quibus*, en laquelle Iulian nous admoneste, d'auoir en premier lieu recours aux Coustumes circonuoisines, & en cas qu'elles manquassent, recourir au



Droit qui s'obseruoit dedans Rome, comme mere generale des autres Prouinces.

Nous ne gardons pas cette police en France : mais comme vous scauez trop mieux, apres que le iuge ordinaire a part sa sentence interposé ses parties, la Cour de Parlement, pardeuant laquelle la cause sera deuoluë par appel, ordonnera selon l'exigence du fait, qu'il en sera informé par Tourbes sur les lieux. *Informa-*  
 Auquel cas on en fait deux ou trois pour le plus, & chaque Tourbe est de dix, qu'Ad- *sons par*  
 uocats, que Procureurs & autres Praticiens *Tourbes se*  
 des plus signalez du siege Royal. Et qui est *font de*  
 chose tres-notable, il n'est permis qu'aux *l'autorité*  
 Cours Souueraines d'ordonner qu'il soit in- *du Parle-*  
 formé par Tourbes. *ment seu-*  
*lement.*

Je me donneray bien garde de iuger, qui est la plus seure voye, ou de Rome; ou de nostre France. Mais si souhaits auoient lieu, ie desirerois qu'en telles, affaires nous suiui-  
 sions la leçon qui fut donnee par Iulian: Et que le Iuge ordinaire trouuant quelque obs-  
 curité en la Coustume de son Bailliage, prit pour commentaire la plus proche, & en ce de-  
 faut eust recours à celle de Paris: Et où elle se  
 trouueroit courte, en ce cas & non autrement,  
 la Cour de Parlemēt y procedast par Tourbes,  
 tout ainsi qu'aux maladies desesperées, on em-  
 ploye pour dernier remede le fer ou le feu. Je  
 dy cecy par expres, parce qu'en la reformation  
 derniere de nostre Coustume de paris, on y a-  
 porta tres-grāde religion: Car premieremēt on  
 delegua au siege prelidial quelques vns des plus

*Les Cou-*  
*stumes de*  
*Paris re-*  
*formees, &*  
*avec quelle*  
*procedure.*

fameus Aduocats pour dechiffrer en quoy gisoit leur commun vsage. Et leur besongné ayât esté apporté au Parlement, furent commis neuf Aduocats, dont moy indigne, i'en estois l'un, avec Messieurs de Fontenay, Durant, la Faye, Canaye, Mangot, Vulco, Montelon, Verforis, Chopin, qui trauaillames en la maison de Verforis plus proche du Palais, huit après disnées ou enuiron, chacun de nous raportant sur le tapis verd tout ce que nous auions remarqué dedans nos memoriaux auoir esté iugé par le Parlement, non seulement pour la Preuosté & Vicomté de Paris, ains pour les autres Prouinces, és questions generales, non attachees aux Coustumes particulieres des lieux, & sur ce moule accommodasmes les articles. Et depuis les deputez de trois Estats de la Vicomté & Preuosté de Paris assemblez en la maison Episcopale en la presence de Messieurs les Commissaires deleguez par le Roy, on y adiousta la derniere main. Tellement que ie vous puis dire, comme chose tres-vraye, la Coustume de Paris n'estre autre chose qu'un abregé de l'air general des Arrests de la Cour de Parlement, & à tant que on ne se repentiroit d'y auoir recours en defaut des autres Coustumes, comme aussi estant Paris dedans ce Royaume, ce qu'estoit Rome dedans l'Empire.

Entant que touche les Arrests, il est certain, *Les Senatusconsultes estoient comme Loix.* que dedans Rome le Senat pouuoit establir des Loix, sous ce mot de *Senatusconsultum*, auquel quelques vns des nostres latinizants veulent rapporter celuy d'Arrest. Et à la verité, ie voy plusieurs

plusieurs personnages de marque auoir fait diuers recueils d'Arrests d'vns & autres Parlements: Vns Gallus, Aufrerii, Guidon Pape, du Luc, Papon, Corras, Charondas, Mainart, Chenu, Louët, Antonne, & vous pareillemēt. Ie louë la plume & diligence de tous ces beaux esprits, & singulierement la vostre, qui auez & doctement, & iudicieusemēt deduit le pour & le contre des parties, auant que d'inserer les Arrests. Chose à vous particulièrement deuë, comme de vostre fonds & estoc. Que tous ces riches recueils puissent estre Guidons de pratique, chacun en sa chacune, ie veux dire en sa Cour de Parlement, i'en suis d'accord; Mais que les Arrests doiuent estre reputez pour Loix par toute la France, ie le nie. Parce qu'en telles matieres, *Nullum simile idem, atque adeo non expressis, sed legibus indicatur.* Ce fut la cause pour laquelle nostre bon & sage premier President de Tou, quand vn Aduocat plaidant se preuailoit d'un Arrest donné en cas semblable au profit de quelqu'un, auoit accoustumé de dire, *Bon pour luy*, & commandoit que sans s'arrester à cela, l'Aduocat deffendist sa cause pour bonnes & valables raisons. Sentence qui ne merite pas d'estre moins tropetee, que le *Cui bono*, du vieux Iurisculte Cassius, tant solemnizé par Ciceron dedans ses Plaidoyez.

Bien sçay-ie, que sur tous les autres il faut porter vn respect singulier aux Arrests qui sont és surueilles des festes solennelles prononcez en robe rouge, comme estans de propos deliberé tirez, pour seruir de leçon à l'auenir aux Aduo-

*Arrests des Cours de Parlement recueillis par plusieurs.*

*Ne doiuent estre reputez pour Loix par toute la France.*

*Dist notable du President de Tou.*

*Arrests prononcez és surueilles des festes solennelles en robe rouge.*

530 LIVRE XIX. DES LETTRES  
cats en pareils subiects. Non toutesfois par tous  
les Parlemens, mais en ceux aufquels ils ont esté  
iugez.

Mais il se presente icy vne question qui ne  
me semble hors de propos. S'il est loisible au  
Iuge en iugeant, d'estendre, ou moderer l'Or-  
donnance du Roy, selon les rencontres parti-  
culieres qui semblent luy en donner aduis, ou  
bien de s'attacher à elle, sans aucune dispense.  
Si vous parlez à Aristote, il vous dira, qu'il vaut  
beaucoup mieux iuger selon la loy impassible,  
que selon nos particuliers iugemens, dedans  
lesquels se logent ordinairement diuerses pas-  
sions. Qu'au premier point il y a du Dieu; &  
au secõdiene sçay quoy de bestialité. Et à vray  
dire, il y a beaucoup plus d'apparence de iuger  
selon les Loix qui nous sont prescrites; Autre-  
ment les sentences seront vagues, & fluctuan-  
tes, selon la diuersité de nos humeurs. Ores que  
la loy nous soit baillee, affin qu'il y ait regles  
certaines, qui tiennent les opinions des Iuges  
en bride: Et me plaist grandement ce que dit  
le Iurifconsulte, *Dura lex, sed tamen lex est.* La  
distinction que nous obseruons en cecy dedans  
nostre France, est que le Iuge subalterne par  
sa sentence, se doit fermer aux Ordonnances;  
Mais que les Cours, qui portent le titre de  
Souueraines, & conséquẽment representent en  
cecy aucunement le Prince, peuuent non iuger  
expressement contre l'Ordonnance, (car en  
ce cas l'Arrest seroit nul) mais bien la modifier  
*ex variis rerum causis & figuris.* Proposition tres-

*Le Iuge dit  
accommo-  
der les Loix  
au cas qui  
se presente  
à iuger.  
Lib 3 Po-  
lit. cap. 11.  
& 12.*

*La Loy  
quoy que  
rude est  
néanmoins  
Loy.*

vraye, en laquelle toutesfois ie desire que l'on n'apporte vne iurispudence cerebrine: grande est l'autorité d'une Cour Souueraine, mais non telle qu'elle soit par dessus la loy. Et pouruons dire d'elle ce que disoit Demaratus au Roy Xerces. *Les Lacedemoniens sont francs & libres, non toutesfois absolument: Comme ceux sur lesquels leur loy a plus de commandement & puissance, que toy sur tes subiects.* Herodote lib. 7.

Après vous auoir discoursu des Ordonnances, Coustumes, & Arrests Generaux; Ie discourray maintenant du Droit des Romains, que nous appellons communement *Droit escrit*, auquel nous sommes grandement redevables. Car de luy nous auons non seulement emprunté, ains transplanté chez nous plusieurs propositions politiques, qui tendent au repos & conseruation de nos familles: La legitime deuë par les peres & meres, à leurs enfans non ingrats, en matiere de successions; la Majorité au dessus de vingt & cinq ans pour la validité des contractz: la restitution en entier, quand par dol, induction ou par force extraordinaire on a contracté: Celle du Mineur moins que suffisamment deffendu: Et celle en qui le vendeur deceu d'outre moitié de iuste prix, peut estre remis en tel estat qu'auparauant, si mieux l'acheteur ne veut suppleer le deffaut de l'outre moitié: Et vne infinité d'autres que vostre loisir vous pourra amplement fournir, si vous daignez prendre la peine de les rechercher.

*Le Droit des Romains appelé Droit escrit.*

*Propositions notables transplantées du Droit Romain en France.*



*Vniuersitez  
establies en  
France.*

*Les Aduo-  
cats & Of-  
ficiers de  
Judicature  
doivent es-  
tre Licen-  
tiez, en  
Droict.*

*Modifica-  
tions qu'en  
apporte au  
Droit Ro-  
main.*

Qui fut la cause pour laquelle nos ancestres ne douterent de creer en France diuerſes vniuersitez de Loix, & des Docteurs Regets pour enseigner la ieunesse. Mesmes que nul n'est receu, ny Aduocat, ny Officier du Roy en la Iudicature, qu'il ne soit pallé Licentié en Droict. Et non contents de ce degré, admettans vn homme en l'estat de Conseiller aux Parlemets, ou de Lieutenant general d'une Prouince, apres auoir informé de sa vie & mœurs, on l'interroge sur la Loy de Rome, auant que de le recevoir. Et neantmoins la verité est, que nos Iuges ne sont obligez d'y obeir par leurs sentences, si non de faict qu'ils y trouuent quelque lumiere naturelle de Iustice : que Balde Docteur Italien remarqua en nous dés son temps: Car pour bien dire, encores que le suiuiions en plusieurs particularitez, toutesfois nous y apportons des limitatiōs & modifications, selon qu'estimons estre le meilleur & plus expediant. Le le vous représenteray par vn exemple.

Par le Droit ancien de Rome il estoit permis aux contractants, non de s'entretromper (encores que le texte soit tel) ains de s'auantager au preiudice l'un de l'autre. L'Empereur Diocletian voulut apporter quelque bride à ceste permission generale, qui fut; que celuy qui auoit esté deceu d'outre moitié de iuste prix, en vendant son bien, pouuoit faire casser & annuller son contract de vente, sinō que l'acheteur voulust supplier le defect de l'autre moitié, comme ie vous disois n'aguiere. Ordonnance qui fut fort bien recueillie par les Canonistes. Les Do-



leurs Ciuillistes , qui plus y apporterent de fa-  
 çon, furent Bartole, Balde, Paul de Castre : &  
 sur tous Bartole, si i'en suis creu : mais Bal-  
 de, si vous en croyez Paul de Castre. L'air ge-  
 neral de leurs decisions est, que cest outreplus  
 doit estre iugé de ceste façon: Que si la chose  
 qui vaut quinze Liures, n'a esté venduë que dix,  
 & ainsi au mesme pied, de toutes les autres  
 ventes, il y a deception d'outre moitié de  
 iuste prix: Car d'estimer la deception de dix à  
 vingt & vn, c'est vne lesion qui, va au double:  
 Et au surplus, ils sont d'aduis, & signamment  
 Bartole, confannonier de tous les autres, que  
 ceste Loy a lieu, non seulement pour l'immeu-  
 ble, ains pour le meuble. Tout esfois en nostre  
 France, *quo iure vitimur*, ceste outre moitié va de  
 dix à vingt & vn, & de vingt à quarante & vn,  
 & ainsi des autres par mesme proportion: Au-  
 trement la Loy seconde n'a point de lieu. Da-  
 uantage nul n'est releué en matiere de meuble,  
 pour l'outre moitié du iuste prix. C'est vne re-  
 gle des plus anciennes de la France, que nous a-  
 prenons du vieux style du Parlement. Ié vous  
 dy cela par exprés, pour monstrier, qu'emprun-  
 tans l'estoffe du Droit Romain, nos deuanciers  
 luy baillerent telle façon qu'ils estimerent la  
 meilleure.

*L'Outre-  
 plus de  
 moitié de  
 iuste pris,  
 comme  
 doit estre  
 iugé.*

*Et cãmment  
 est practi-  
 quée en  
 France.*

Mais d'où vient, me pourra dire quelqu'un,  
 qu'ils ne se voulurent conformer en tout, aux  
 belles decisions de ces grands Iuriconsultes, tât  
 honorez par l'ancienneté? A cestuy ie respon-  
 dray, que ce fut pour vne tres-sage considera-  
 tion: Car tout ainsi que quand nostre Religion

*L'Arianisme quand  
commença.*

*Les Ora-  
teurs qui.*

*Contrarie-  
rez, entre  
les Iuristes.*

Chrestienne commença d'estre exercee à l'ou-  
uert, qui fut sous l'Empereur Constantin, nous  
fumes saluez de ce grand schisme d'entre le  
Catholic & l'Arrien. Aussi dès l'Empire pre-  
mierement d'Auguste, puis de Tybere son suc-  
cesseur, sous lesquels les Iurisconsultes eurent  
plus de vogue qu'au parauant, au preiudice des  
Orateurs (apellez les, ou Harangueurs, ou  
Aduocats, ainsi que bon vous semblera) en ce  
mesme temps se logea la partialité dedans leur  
iurisprudence, par le moyen de deux grands  
Iurisconsultes, Capiton & Labeon, vouëz en  
maximes de Droit du tout contraires. Masurius  
Sabinus fut disciple de Capiton: De luy vn  
Cassius Lōginus. Labeon eut pour escolier Ner-  
ua le pere, & luy vn proculus. Cassius & proculus  
nourris en propositions cōtraires, se firent chefs  
de part, dont les vns furent nōmez Cassians, les  
autres Proculians, tant differants en opinions,  
que les vns se vouants à l'affirmatiue, les autres  
estoient pour la negative. Le Iurisconsulte  
Paule nous dit, que les Cassians soustenoient,  
que de bailler sa robbe cōtre vne autre robbe,  
c'estoit vne vendition: & les Proculians, que  
c'estoit vn contract d'eschange. A quoy Plin  
condescent; D'autant que pour faire vn con-  
tract de vente & achapt, il est requis qu'il y  
ait de l'argent baillé encontre la chose venduë.  
Opinion qui est toutesfois contredite en vn  
autre endroit par le Iurisconsulte Celse. Et  
combien que l'Empereur Iustinian au re-  
cueil des Loix faict par ses deleguez, on ne trou-  
uera aucune contrarietē des vnes aux autres,

toutesfois la verité est, qu'il y en a plusieurs de contraires ; à la reconciliation desquelles ceux qui ont voulu vacquer , n'ont souuentefois peu apporter autre remede , sinon de dire , que les passages estoient corrompus : Et qu'aux vns il falloit mettre vn *Ouy*, au lieu d'un *Nanny* ; aux autres vn *Nanny*, au lieu d'un *Ouy*. Ainsi que feu monsieur Robert vostre pere, honneur de l'Vniuersité d'Orleans, fit par vn traité expres. *Selectarum Sententiarum*.

Quant à moy , ie ne trouue point trop estranges les contrarietez des Loix, qui examinera les procedures tenuës par Tribonian en la reduction du Droit des Romains : Lequel sous l'autorité de l'Empereur Iustinian son Maistre, commit à cest ouurage treize Iurisconsultes, qui y vacquerent l'espace de trois ans seulement , ores que l'Empereur estimast ceste besongne estre de dix ans pour le moins , ainsi que luy mesmes ateste. Chacun des compilateurs ayant eu sa tasche en partage, & faisant diuersement son profit desanciës Iurisconsultes partializez, il leur fut fort aisé de tomber en contrarietez de decisions , au peu de temps qu'ils s'aquitterent de leurs charges. A quoy furent adioustees les Nouuelles Constitutions de Iustinian', ouurage de son Chancelier Tribonian , lequel, si vous en croyez à Suidas , vendoit au plus offrant & dernier encherisseur les Ordonnances de son Maistre. Et s'il m'estoit loisible de deuiner , ie croirois fort aisément, que la Constitution, *De fideicommissi restitutione*, fut

*En combiën de temps le corps du Droit Romain fut compilé par les deleguez de Iustinian.*

*Les nouvelles Constitutions de Iustinian, ouurage de Tribonian.*

de cette marque, où il fit sous la représentation d'un fait particulier vne Ordonnance generale, non auparauant cogneuë dedans Rome. Toutes ces Loix furent depuis regratees par vne infinité de Docteurs Italiens, Francois, & Allemans, desquels si auiez ramassé les Liures, vous en trouueriez plus grand nombre que de tous les anciens Iuriscultes, tant depuis le premier plant sous l'Estat populaire, que sous le second des Empereurs, depuis Auguste iusques à Iustinian. Docteurs, dy-ie, qui au lieu de lumiere, apporterent des tenebres à l'explicatiõ du Droit, & mesmement d'un guet à pens & propos deliberé se trouuerent diuers en leurs opinions. Si ie ne craignois de vous atedier, ie le verifierois par parcelles. Suffise vous, que les deux plus signalez Docteurs furent Barto- le & Baldeson disciple, qui fit profession expresse de desmentir son Precepteur. Voire de se desmentir, & estre souuent contraire à soy-mesmes dedás ses œuures en plusieurs endroits. I'adioute les Consultations des Docteurs, qu'ils faisoient, & exposerent depuis en lumiere, sous le nom & titre de Conseils, esquels ils ne s'estudierent pas tant à la recherche de la verité, que au contentement de ceux qui les contenterent & mirent en besongne: & neantmoins nous les alleguons pour le soustenement de nos causes, comme maximes de Droit certaines & indubitables.

Ce sont les causes pour lesquelles, si ie ne m'abuse, nos sages ancestres ne voulurēt auoir pleine creance au Droit de Rome. Et neantmoins

*Tourbe de  
Docteurs  
& de Li-  
ures sur  
l'explica-  
tion du  
Droit Ro-  
main, qui y  
apporterent  
plus d'ob-  
scurité que  
de lumiere.*

*Balde dis-  
ciple de  
Barthole  
qu'il des-  
ment sou-  
uent, voire  
soy mesme.  
Conseils  
des Iuris-  
consultes.*

ainsi que le mēnageons aujourd'huy, ie puis dire à mon grād regret, que c'est vn leurre pour apriuoiser les plaideurs farouches, & pour nourrir les opiniaistres en leurs opiniaistretez. Car iamais Aduocat n'est en cesubiect sans parrein. *Opinion de M. Pasquier sur la reformatiō des Loix.* Que si i'en estois creu, ie souhaiterois, que de plusieurs chapitres particuliers (qu'on appelle Loix) cōpris sous vn titre, on allābiquast, par le cōcert commū des plus Doctes, vne propositiō vniuerselle, qui nous seruit de bonne & fidelle leçon, telle que nous recueillons du titre *De Minoribus 25. annis*. Auquel en vn contract où il ne s'agit de l'alienation d'vn immeuble, le mineur n'est pas releué pour sa seule qualité, de mineur, ains pour estre mineur & lezé: Car de vouloir, ou pouuoir faire vne Loy generale de vn eschantillon de texte, ainsi que ie le voy pratiquer pas ceux qui s'en meslent, i'en doute, & demande iour d'aduis pour m'en resoudre. A Dieu.

*A Monsieur Tournibus, Conseiller en la Cour de Parlement de Paris.*

**L**n'y a hōme plus idolastre des Medecins, *Il discours sur le suiet de la Medecine, & par mesme occasion de la composition du corps humain.* que moy, quand ie suis malade, ne qui esteime leur art plus douteux, lors que ie suis sain. Vous trouuerez ceste premiere demarche merueilleusemēt bizerre; que ie respecte, pour leur art ceux ausquels si en pense y auoir certitude: & parauenture direz, que malade de corps ie suis sain d'esprit, & sain de corps, ie suis malade d'esprit. Au contraire, ie vous diray, que si leur



aphorisme est vray, que les habitudes du corps & de l'esprit sympathisent ensemblement, estant malade du corps, ie le suis aussi de l'esprit, quand ie me rends idolastre d'eux. Tant y a, que ie vy en cette maniere. Mais auant que me condamner, donnez vous la patience de suspendre vostre iugement iusques à la fin de mes lettres: Par ce que ie vous en veux icy faire vne griefue anatomie : & deschiffrer premierement quel est le principal subiect de cest art: puis la theorique, & en apres la pratique: & au bout de tout cela vous ouurir quel est sans dissimulation, mon iugement sur cette matiere.

*Les Medecins estoient appelez ancienne-ment Physiciens en France. L'homme appelle Microcosme par les Grecs, & pourquoy.*

Anciennemet en la France nous apellions les Medecins Physiciens, Par ce que leur profession gisoit, non en la contemplation generale de tout ce grand Vniuers (c'eust esté vn œure sans fin) mais en celle de la nature del'Homme, que les Grecs apellerent *Microcosme*, comme si par vne reduction du grand au petit pied, on voyoit vn monde racourcy en luy. Or voyez en quelles tenebres nous auons esté plongez iusques à huy. Cest homme, à la poursuite duquel les Medecins dressent toutes leurs pensees, cest homme pour la conseruation duquel ils nous baillent vne infinité de preceptes, cest Homme, dy-ie, qui est leur principale bute, & visee, à peine leur est il cognu. Et sont auourd'huy tous d'acord, quoy que soit la plus grande partie, que leur grand Patron Galien, personage parfait, si oncques en fust en cest art, toutesfois ignoroit la couppe & anatomie de nos corps, & qu'au lieu de celle de l'homme,

*Galien ignoroit la couppe & anatomie du corps humain.*

il representa celle d'un Cinge. Erreur qui dès & depuis douze cètsans & plus, auoit vogue, iusques à nostre temps, que Vezalius Medecin de l'Empereur Charles V. osa entreprendre de le démentir. Non sans estre sur son auenemēt grandemēt aboyé par les vieux, qui en fin reconnurent la faute de celuy qu'ils suiuiuoient à la trace. Que si ce grand Gallien broncha dès l'entree à l'intelligence de son subiet, il faut par consequence infaillible, que luy & ses successeurs soyēt tombez en plusieurs fautes tirees du premier erreur.

Repassez sur plusieurs particularitez essētielles de cest homme, vous trouuerez n'y auoir rié si certain, que l'incertain en cest art. Premièrement, si en la conception tous les membres sont jettez en moule, ou bien si le cœur est le premier fondement de son essence, vous les y voyez bigarrez. Et ne sont despourueus de raisons ceux qui soustiennent, ou l'un, ou l'autre party. Pour le premier, semble qu'en la copulation charnelle, tous les membres semblent y contribuer de leur. Chose qui se descouure, en ce qu'à l'issuë de cest œuure, ils demeurēt las & recreus. Parquoy y a grāde apparence, que l'homme soit tout d'un coup formé de tous ses membres. Pour le secōd, qu'il n'y a rien si naturel, que de voir chaque chose prédre sa fin d'une mesme course & voye, qu'elle a pris son cōmencement; Que l'homme venant à faillir, la chaleur naturelle qui reside en luy, se retire peu à pen des extremités au dedans du corps, iusques à ce qu'en fin elle aboutit au cœur, qui est la dernière partie de nos membres qui meurt: Partant, semble que par

*L'homme  
formé tout  
d'un coup  
en tous ses  
membres à  
la conception,  
& la raison.*

*Le cœur est  
la dernière  
partie qui  
meurt.*

vne consequence bonne & valable, ce soit la premiere qui ait pris vie en nous.

*L'Embrion  
dequoy  
nourry en  
l'amarry  
de la mere.*

Considerons l'Embrion: tant & si longuement qu'il est logé en l'amarry de la femme, l'opinion commune est, qu'il prend nourriture de son sang menstrual. Chose qui semble estre aueree par vne certaine demonstration; D'autant que tout ainsi que l'arbre qui n'apporte fleurs, ne peut rapporter aucun fruit, aussi la femme qui n'a ses fleurs, est incapable de porter enfant: & soudain qu'elle est enceinte, les purgations cessent en elle. Et soudain qu'elle est accouchee, elles reprennent à chaque fin du mois leur ancien cours. Qui n'est pas vn petit argument, pour monstrier que l'Embrion prend sa nourriture du sang menstrual. D'un autre costé, il y en a qui soustiennent, qu'il est nourry du sang le plus pur de la femme: Et le recueillent de ceste consideration, qu'à l'issuë de la grossesse, le sang se transforme en lait: Quoy faisant par vn merueilleux allambic de nature, il se purifie de plus en plus. Transformation qui ne pourroit estre faicte par le sang menstrual, qui produit des effects merueilleusement monstrueux. Et c'est pourquoy nostre Docte Fernel, qui tierce vns Hipocrate, & Galien, n'a douté au Liure par luy intitulé *la Medecine*, de soustenir, que l'Embrion estoit nourry & alimenté du sang le plus pur. Qui n'est pas vn petit parrein pour le soustenement de ceste opinion.

Venons à la partie la plus noble de l'homme, qui est le chef, lequel est selon l'opinion commune, diuisé en trois ventricules, dont l'un qui

est en la partie deuanciére, loge l'Imagination, l'autre sur le milieu est le domicile du iugemét, & le dernier sur le derriere, que l'on appelle Cerebelle, est estably pour la memoire. Distinction qui n'est pas sans grande apparence de raison. Car vous trouuerez quelquefois vn homme du tout forclos de iugement abonder en vne prodigieuse memoire, de quelle façon nous veümes en nostre ieune aage, vn Nigonius faire lectures publiques en nostre vniuersité de Paris. Es autres pleins de bon & sain iugemét, la memoire estre de fonds en comble bouleuersée, par quelques accidents extraordinaires de maladie. Et tel se trouua anciennement Messala, & du temps de nos bisayeuls, George Trapezunce: Toutesfois nostre grãd Fernel, par vn lóg chapitre soustiét, que sans distinction de ventricules, le cerueau est confus en son tout. Opinion qu'il a, si ie ne m'abuse, empruntée de trois lignes de Galien en l'un des ses Liures, *De Sanitate tuenda*: qu'il a honorees sans nommer son auteur, d'un grand & beau commentaire. En quoy certes, s'il m'est permis d'estre de la partie, il semble y auoir tresgrande apparence: Car si vous faites distinction de ventricules, il en faudra establir autant, au Iugement, & à la memoire, comme ces parties produisent en nous de diuers effects. Qu'ainsi ne soit, sous le regne du grand Roy François, on veit vn Villemanoché en sa Cour n'auoir le iugement offensé, que sur les mariages des grandes Dames qu'il se promettoit; & depuis luy, vn Tulenus, personnage Docte, (& qui en ses ieunes ans auoit esté

*Parties de la teste comment disposees, & des facultez, qui y sont logees. L'imagination. Le iugement. La memoire. Nigonius de tresgrande memoire, sans beaucoup de iugement*

*Villemanoché se promettoit les mariages des plus grandes Dames.*

*Tulenus  
offencé du  
cerueau  
pour l'a-  
mour d'une  
Princesse,  
& ses folies.*

Precepteur de messieurs les Cardinal & Admiral de Chastillon) ne manquer en ceste partie, sinon pour vne amitié qu'il auoit follement voüee à vne des premieres Princesses de la France, qui estoit allee de vie à trespas. Chose dont autrefois ie me voulus dōner plaisir à ma table, à laquelle y ayant quelques gens d'honneur & strangers, qui de luy n'auoient cognoissance, il nous entretint iusques au milieu du disner d'une infinité de bons propos pleins de doctrine & de iugement, avec vne grande admiration de ceux qui l'escoutoient. En fin estimant que j'auois assez baillé la baye à la compagnie, & qu'il estoit lors temps de faire iouer autre rolle à ce bon vieillard, il m'aduint, comme faisant autre chose, de parler de ceste Princesse; Et adonc sortant de son emble, il commença de troter, nous racontant vne infinité de sotties des bons & mauuais traitements qu'il receuoit d'elle. La compagnie bien estonnée d'où luy estoit suruenue cest inopiné chāgemēt, ne scachāt quel iugement asseoir sur luy, tant il nous auoit du commencement repeu de belles & doctes paroles; mais luy forty, ie leur fis tout au long le recit de l'alteration de son cerueau. Il y a plus, car cette partie iudicatiue, en luy sur ce subiect blesee, luy auoit encores offensé l'imaginatiue; d'autant qu'à la premiere rencontre des damoiselles qu'il voyoit, il se faisoit accroire, que c'estoit sa Iulia (ainsi apelloit il en Latin sa pretendue Maistresse, & en Francois sa Ioliuette) & sur cette folle imagination il s'acheminoit quelquefois avec sa longue robbe, le bonnet



quarré sur la teste, iusques à Fontaine-Bleau, se persuadant qu'elles s'y estoit cachee. Je ne dy chose que ie n'aye veüe & entenduë de luy. Je passeray outre, & diray que ie ne voy la memoire faire ses fonctions en moy, sinõ és points que i'ay pour plus recommandez, & qui de plus pres aprochent de mes premieres notions. Suis-je doncques du tout denué de memoire? Nanny: Car les impressions que i'ay de mes maximes, & de leurs circonstances m'apprennent tout le rebours: Au contraire, dois-je auoir dedans mon cerueau vne cellule de memoire, puisqu'il s'en filemēt ie mets en oubly toutes autres choses qui me sont indifferentes? C'est pourquoy en telles affaires il nous faut faire vn mariage du cœur, dont nous puison nos affections, avec le cerueau, dedans lequel resident l'imagination, iugement, & memoire, & dire que là où nous employons nos affections, en cela abondent les fonctions de nostre carueau. Et c'est ce quel'on dit en ces mots Latins, *Vbi intenderis animum, valet*. Particularitez que ie vous touche, non pour aproûuer ou reprouuer assurement les ventricules du cerueau, mais pour vous dire, qu'il y peut auoir des raisons au sostenement des deux opinions, & en ceste perplexité, quelle assurance pouuons nous auoir des remedes que l'on voudra employer pour celuy qui sera malade en l'vne de ces fonctions?

Je veux maintenant entrer en la cõsideration de nos corps, quand ils sont au dedans malades en leurs parties nobles, quelques remedes que

*Auis fa-  
buleux de  
Rabelais  
aux Me-  
decins.*

les Medecins se promettent d'y apporter, ce leur font la plus part du temps lettres closes, & souuent medicamentent vne partienon offensee pour l'autre; ainsi que lon descouure souuentefois par l'ouuerture du corps du patient apres qu'il est mort. Dont Rabelais Medecin, lucianisant nous donna certain auis, quand il dit; que son Pantagruel sentant vn mal d'estomach, on luy fit aualer en forme de pillules seize ou dix-sept grosses pommes de cuiure, qui s'ouuroient par le milieu, & fermoient à vn ressort; en l'vne desquelles estoit vn vallet, qui portoit vne lanterne & vn flambeau, & les autres estoient les ouuriers, les vns pour cognoistre le mal, & les autres pour le netoyer: Voulant sous l'escorce de ceste fiction nous apprendre, qu'en telles maladies les Medecins n'y besongnent qu'à taton.

*Les ani-  
maux Me-  
decins de  
eux mes-  
mes en  
leurs mala-  
dies.*

Après vous auoir discouru sur le fait de l'homme, principal subiet de la medecine, il me plaist maintenant recognoistre, de quelle façon s'est par le passé, & encores auourd'huy mesnagee la Theorique de cest art. Nature plus indulgente enuers les autres animaux, qu'enuers nous, leur enuoyant des maladies qui leur sont diuersement propres en leurs especes, les fit aussi Medecins d'eux mesmes, par vn certain instinct de leurs natures: & nous laissa pour nostre partage l'intellect, (amufoir de nostre sottise ambition) sur lequel chacun bastit ses particulieres raisons, que ie ne diray point bastardes, mais bien les appelleray-ie opinions. Voyez doncques en combié de façons sur ce pied s'est diuersifié l'art  
de la

de la Medecine, sur lequel nous establissons les remedes de nos maladies. Je commenceray par le grand Hipocrate, lequel redonna la vie à la medecine, qui sembloit auoir esté enseuelie par la barbarie des ans : encores qu'il fust & le premier, & le plus singulier en cest art, si eut-il quelque temps apres vn Chrysippe successeur, qui par vne malice affectee voulut terrasser sa doctrine, & neantmoins en ceste cacochimie d'esprit, eut tres-grande vogue parmy les siens, & fut en reputation du plus grand Medecin de son temps pour les cures admirables qu'il faisoit. Passons par la ville de Rome, en laquelle sur le declin de la Republique, y eut vn Asclepiade, intime amy de Pompee le Grand, qui y aporta vne medecine toute nouuelle, au preiudice de l'ancienne : Et apres luy du temps del'Empereur Auguste, vn Antonius Musa, qui fit le semblable, & renuersa toute la doctrine d'Asclepiade, en cecy fauorisé de son Maistre, qu'il auoit guery d'une maladie que l'on estimoit incurable. mais la beauté de ce compte est, qu'Auguste estant en desespoir de guérison, & abandonné de tous les autres Medecins, Musa voulut iouer à quitte ou à double, & contre tout l'ordre ancien de l'art, le fit entrer dedans des bains d'eau froide, & luy fit prendre des potions froides. Quoy faisant il luy rendit sa santé. Toutesfois quelques iours apres voulant vser du mesme remede enuers Marcellus, il luy procura sa mort, monstrant au doigt & à l'œil par cela, combien peu de certitude il y a en cest art. Et à peu dire, que le hazard y besongne.

*Hipocrate  
redonna la  
vie à la  
medecine.*

*Chrysippe.*

*La medecine  
combien  
de fois ren-  
uersée, &  
par qui.*

*Asclepiade.*

*Antonius  
Musa.*

*Combien  
peu de cer-  
titude en la  
medecine.*

*Aduis fa-  
buloux de  
Rabelais  
aux Me-  
decins.*

les Medecins se promettent d'y apporter, ce leur sont la plus part du temps lettres closes, & souuent medicamentent vne partie non offensee pour l'autre; ainsi que lon descouure souuentefois par l'ouuerture du corps du patient apres qu'il est mort. Dont Rabelais Medecin, lücianisant nous donna certain aduis, quand il dit; que son Pantagruel sentant vn mal d'estomach, on luy fit aualer en forme de pillules seize ou dix-sept grosses pommes de cuiure, qui s'ouuroient par le milieu, & fermoient à vn ressort; en l'vne desquelles estoit vn vallet, qui portoit vne lanterne & vn flambeau, és autres estoient les ouuriers, les vns pour cognoistre le mal, & les autres pour le netoyer: Voulant sous l'escorce de ceste fiction nous apprendre, qu'en telles maladies les Medecins n'y besongnent qu'à taton.

*Les axi-  
maux Me-  
decins de  
eux mes-  
mes en  
leurs mala-  
dies.*

Après vous auoir discoursu sur le fait de l'homme, principal subiet de la medecine, il me plaist maintenant recognoistre, de quelle façon s'est par le passé, & encores aujourd'huy mesnagée la Theorique de cest art. Nature plus indulgente enuers les autres animaux, qu'enuers nous, leur enuoyant des maladies qui leur sont diuersement propres en leurs especes, les fit aussi Medecins d'eux mesmes, par vn certain instinct de leurs natures: & nous laissa pour nostre partage l'intellect, (amusoir de nostre sottise ambition) sur lequel chacun bastit ses particulieres raisons, que ie ne diray point bastardes, mais bien les appelleray-ie opinions. Voyez doncques en combié de façons sur ce pied s'est diuersifié l'art  
de la

de la Medecine, sur lequel nous establissons les remedes de nos maladies. Je commenceray par le grand Hipocrate, lequel redonna la vie à la medecine, qui sembloit auoir esté enseuelie par la barbarie des ans : encores qu'il fust & le premier, & le plus singulier en cest art, si eut-il quelque temps apres vn Chrysippe successeur, qui par vne malice affectee voulut terrasser sa doctrine, & neantmoins en ceste cacochimie d'esprit, eut tres-grande vogue parmy les siens, & fut en reputation du plus grand Medecin de son temps pour les cures admirables qu'il faisoit. Passons par la ville de Rome, en laquelle sur le declin de la Republique, y eut vn Asclepiade, intime amy de Pompee le Grand, qui y apporta vne medecine toute nouuelle au preiudice de l'ancienne : Et apres luy du temps del'Empereur Auguste, yn Antonius Musa, qui fit le semblable, & renuersa toute la doctrine d'Asclepiade, en cecy fauorisé de son Maistre, qu'il auoit guery d'vne maladie que l'on estimoit incurable. mais la beauté de ce compte est, qu'Auguste estant en desespoir de guerison, & abandonné de tous les autres Medecins, Musa voulut iouer à quitte ou à double, & contre tout l'ordre ancien del'art, le fit entrer dedans des bains d'eau froide, & luy fit prendre des potions froides. Quoy faisant il luy rendit sa santé. Toutesfois quelques iours apres voulant vser du mesme remede enuers Marcellus, il luy procura sa mort, monstrant au doigt & à l'œil par cela, combien peu de certitude il y a en cest art. Et à peu dire, que le hazard y besongne.

*Hipocrate  
redonna la  
vie à la  
medecine.*

*Chrysippe.*

*La medecine  
combien  
de fois ren-  
uersée, &  
par qui.*

*Asclepiade.*

*Antonius  
Musa.*

*Combien  
peu de cer-  
titude en la  
medecine.*



*Galien.*

Mais sur tout nous deuons ietter les yeux sur Theſſale , lequel interuertit tout l'ordre ancié de la medecine, par nouueaux preceptes, avec vne reputation admirable de tout le peuple , tant grands que petits. Et neantmoins c'est ce-  
 luy que Galien le meit en butte par ſes Liures, pour monſtrer ſon ignorance & beſtiſe , & aſ-  
 nerie: Arreſtons nous en ce grand Medecin Galien, qui fut vn magnifique ouurier en ceſt art, lequel toutesfois fut demeuré en friche , & par meſme moyen noſtre medecine, ſans le con-  
 fort & aide qui luy fut donné par les Arabes, deſquels nous auons emprunté la plus grande partie de nos remedes auparauant incognus à tous leurs predeceſſeurs. Voyons ce qui s'eſt  
 paſſé dedans noſtre ſiecle; Nos ayeuls eurent en  
 Suiſſe vn Theophraſte Paracelſe, lequel pro-  
 duisit vne medecine du tout contraire en prin-  
 cipes , à celle d'Hippocrat & Galien; Medeci-  
 ne qui s'eſt depuis grandement prouignee , &  
 prouigne encor' aujourd'hui. Tout cela n'eſt ce  
 pas donner des dementirs les vns aux autres, nō  
 aux deſpens de leurs vies (comme font ceux qui  
 combattent en camp clos) ains aux deſpens des  
 noſtres, qui ne pouuons mais de leurs querelles?

*Theophraſte  
 Paracelſe.*

*Diuerses  
 opinions  
 ſur le regi-  
 me de vi-  
 uir.*

Reconnoiſſons, ſ'il vous plaist, quelques par-  
 ticulières leçons des vns & des autres , tant  
 pour la conſeruation , que recouurement de  
 noſtre ſanté. L'opinion d'Hippocrat eſtoit que  
 en nos repas il falloir commencer à *ſolidioribus*  
*cibis*; & c'eſt ce que nous diſons en cōmuns pro-  
 pos, qu' auparauant que de boire , il faut faire  
 bon fōdement. *Labor, cibus, potus, ſomnus, ve-*

nous, *omnia mediocria*, disoit-il en l'un de ses Aphorismes, sur lequel Gallien bastit ses Liures, *De Sanitate tuenda*. Si vous parlez à Arnaud de Villeneuve Medecin de l'Empereur Federic II. & l'un des premiers qui fut de son temps & long temps apres, il vous dira, qu'il faut commencer nos repas par les potages & choses liquides. *A potibus incipe cœnam* (dict-il en son *Regimen Salerni*). Preceptes esquels nous sommes aujour d'huy partialisez en ceste France : Parce qu'aux pais de Guyenne & du Languedoc, suivant l'advis d'Hippocrate, ils commencent leurs dîners & soupers, par les viandes, & sur le milieu seruent les potages ; Et en nostre ville de Paris, & pais circonuoisins, nous commençons par les potages, & paracheuons par la viande. Encores adiousteray-ie ce mot, pour monstrier combien il y a peu de stabilité & arrest en l'observation de ces preceptes, c'est que nous appellons en France nos potages, d'un autre mot *Souppes*, duquel nous auons fait celuy de *Soupper* (qui est le repas qu'Arnaud entédoit sous celuy de *Cœna*) comme si à ce second repas, qui aproche de la nuict, nous le deussions commencer par les potages : toutesfois aujour d'huy par vne regle toute contraire, nous employons les potages & viandes bouillies à nos dîners, & les rosties à nos soupers. Chose tournée en tel vsage chez nous, que ce grand Chancelier de l'Hôpital, voulât introduire la frugalité en la France, fit par Edit particulier deffenses d'vsér d'autres viâdes que du bouilly à dîner, & reseruer le rosty pour le soupper.

gers. Quand nous lisons les œuvres d'Hipocrate, trouuons nous qu'il fit le séblable? Chaque país a son air & temperature, de laquelle nous empruntons diuerſement les habitudes de nos corps & de nos esprits. Ainsi voyons nous, que les vices que l'on impropéroit anciennement aux Gaulois, furent depuis imputez aux François, qui se vindrent habituer és Gaules, comme si avec l'air du país ils eussent aussi humé les vices & defaux du país. Et vraiment la nature auroit esté grandement marastre, & ingrate, si enuoyant les maladies en chaque contree selon la disposition de l'air, ellen'y auoit aussi produit les simples, herbes, arbres & autres moyes pour les guerir. Et c'est ce dont se plaignoit Caton le vieil. Car quand il crioit contre les Medecins qui exercoiét la medecine dedans Rome, c'estoit contre ceux que l'on auoit atirez de la grece, lesquels pratiquoient leurs nouueaux remedes, delaissant les anciens qui naissoient dedans l'Italie. Comme de fait il monstra bien: Car tant s'en faut qu'il vilipendast la medecine, qu'au contraire il en fit vn Liure pour luy & sa famille: Mais c'estoit sur le modelle de ses ancestres tiré des simples & medicaments que le país d'Italie luy fournissoit, sans les aller caïmander en Grece.

*Caton  
crioit contre  
les nou-  
ueaux Me-  
decins  
Grecs.*

*Et faist vn  
Liure de  
Medecine.*

*Quelle me-  
decine on  
pratiquoit  
ancienne-  
ment en  
France.*

Et cela mesme, si ainsi ie l'oze dire, fut autrefois obserué en France (ainsi l'appren-ie de nos vieux Romans, vrayes images des mœurs qui lors estoient obseruez) qu'un Cheualier estant blessé est ordinairement guery par vne Dame ou Damoiselle, ainsi dedans l'Arioste vn

Medor soldat couché entre les mortz en plaine compaignie, recoit guerison par la belle Angélique. Ny pour tout cela, les hommes & femmes ne viuoient moins longuement, qu'ils ont fait despuis que la faculté de Medecine fut introduite chez nous. Voire encores treuuez vous quelques restes de cette encienneté dans le plat païs, où vous voyez la plus part du menu peuple guerir de ses sieures, non par ingrediets tels que nous pratiquons es villes, ains par certaines herbes pilees, qu'ils apliquent à leurs poignets, & les y laissent quelques iours, dont ils ne tirent pas moins de fruiet, que nous autres par nos aposumes, clysteres, medicaments & saignes. On dict qu'anciennement au Temple d'Esculape on affichoit toutes les receptes & obseruations pratiquées pour les guerisons, dont Hipocrat composa vne partie de ses œuvres. Si nous faisons le semblable, & que quelque braue compilateur se donnast le loisir de mandier des nostres les remedes qui naissent dedans nostre France contre les maladies, & de la pluralité d'iceux, fit vn choix par vn sage iugement & cōcert avec autres experts, croyez que nous n'aurions de là en auant grand besoin de caïmander des drogues au Leuant, dont nous façonnons aujourd'huy nostre medecine.

Je considere vn autre mesnage en l'exercice de cest art. Il est certain que l'ancienneté faisoit marcher sous vne mesme cadence l'estat de Medecin, Chirurgien, & d'Apothicaire. Le grand Hippocrat & ses successeurs exercent

*Le Medecin  
Et l'Apothicaire,  
leur office.*

tous les trois ensemble. Maintenant ce sont diuerses fonctions. Ie lairray le Chirurgien à part, & parleray seulement du Medecin, & del'Apoticaire. Le Medecin est l'ordonateur, l'Apoticaire, l'adoperateur. En ceste police ie vous veux représenter vn Medecin le plus parfait & accomply que sçauriez desirer, & toutesfois il n'est pas en sa puissance de vous promettre asseuree guerison, ores qu'il ayt en main les remedes de son art tres-prompts. Et pourquoy dōcques? pour autant quel'exequution de son ordonnance despend de la misericorde d'un Maistre Apoticaire: Que dy-ie Maistre? ains le plus souuent d'un vallet, auquel il n'y aura ny science, ny conscience, & neantmoins son Maistre se reposera dessus luy.

Ostons cest inconuenient de nos opinions: *Comme les Medecins doivent considerer leurs malades.* Pour le moins desiré-ie au Medecin le loisir pour considerer son malade. Car de faire entree dedans vne chambre, & issuë tout aussi tost: & ordonner sa medecine, sur le maniemēt du poux, monstre & ostension de la lāgue alteree, inspection de l'vrine, & des excremens, encores que ce soyent quelques tesmoignages de nostre indisposition, ce neantmoins tout cela ne me peut contéter. La varieté des saisons, des lieux, des aages: & encores dedans ces aages, la difference de nos mœurs, des nourritures, & semblablement de la force, estans les aucuns de leur nature plus rares & flouëts, les autres plus robustes. La diuersité qu'il y a aux humeurs qui diuersément sont logees en vns & autres, les vns pour estre sanguins ou coleriques plus faci-



les à esmouuoir, & les autres plus difficiles, pour estre possédez par vne melancholie sombre & noire. Que nous enseignent toutes ces considerations? Non autre chose, sinon que pour auoir certaine adresse sur la nature du patient, il faudroit auoir mangé ( comme on disoit anciennement d'un amy ) vn muys de sel avec luy: Et non pas fleureter de maison en maison les malades sans arrest ; comme porte la commune vance des Medecins. Car qui est celuy d'entre eux, qui se donne tant seulement la patience de vn quart d'heure pour philosopher sur la façon de son malade? Affin qu'en ce faisant guidé par certain iugement, & non par le rapport d'autrui, il puisse bié choisir le point d'une saignée, aller sagement au deuant des accez, & preuenir les dangers qui se rengregent d'heure à autre par faute d'en auoir cognoissance: & peut estre bien souuent par le moyen d'une medecine mal ordonnée sur vne vrine qui le deçoit. A ce propos il me souuient auoir leu, que quelques Medecins estans en desespoir de toutes choses, pour ne sçauoir la cause de la maladie d'Antiochus, fils de Seleucus Roy de Macedone, par casfortuit Stratonique sa belle mere estant entree en sa chambre, laquelle ne se doutoit de rié moins que de l'affection du malade en son endroit, delcouvrirent deux & trois fois à chaque arriuee de la Royne, par les iteratiues alterations, & palpitations de leur malade, que toute sa maladie estoit de l'amour, qu'il cachoit dedans sa poitrine: Et sur ce point donnerent tel conseil au Roy sur la guerison de son fils, qu'ils vou-

*Antiochus  
malade  
d'amour.*

Les Medecins  
commencent  
visiter leurs  
malades.

lurent. Considérez ie vous prie, combien profite au pauvre malade vne veuë bien digeree de son Medecin: mais qui est celuy d'entr'eux tous (i'enten de ceux qui par ancienneté ont gaigné le bruit par les villes) qui prenne le loisir de ce faire, & soudain qu'il est arriué ne pèse de son illue, estimant auoir fait grand exploit de contenter son malade de trois ou quatre paroles accompaignedes d'une caballe, & commun style, qu'ils pratiquent indifferemment enuers tous. Sur quoy il me plaist pour rire de vous reciter vn fort excellent apophthegme, que i'appris autrefois en vne consultation qui se faisoit pour vn mien amy, trauaillé d'une longue maladie; Où quelque ieune Medecin, pour mettre sa suffisance sur la monstre, subtilizant quelques gentiles inuentions, & menant son opiniõ à longueur; vn bon Homenas du vieux temps, qui auoit comme le plus ancien à fermer le pas, fasché de cette lógueur le pria d'exploiter chemin, adioustant vne memorable parole, digne d'un tel personnage. *Hic & alibi venditur piper.* Tellement que la consultation faite, ie dy au ieune Medecin en l'oreille; Je pense que cest honeste homme veut dire, qu'en ce lieu & en autre endroit ya en quoy vendre & debiter sa pipperie. Et le malheur en telles affaires est, que le ieune Medecin auquel defaut l'experience, se donne peu de loisir de vous considerer, & de seiourner dedans vostre chambre, pour faire paroistre à ses voisins, qu'il ne manque point de pratique: qui n'est pas vn petit secret: Et celuy qui abonde

de pratique & d'experience, pour ne manquer au gain qui l'apelle ailleurs, y fait court sejour. Et par cemoien tirez autant de commodité del'vn que de l'autre, c'est à dire bien peu: De maniere que si i'ozois, ie dirois volontiers, que la guarison qu'en raportons procede plus du hazard que de l'art, avec l'aide de la force de nostre nature, à laquelle nous rendons la principale grace à l'issue de nos grandes maladies, comme si on vouloit dire, que la medecine est seulement introduite pour tromper les bourcces des gens riches & aisez qui veulent estre trompez. Pour le moins vn pitant de vilage ne doutera de le dire, lequel affligé d'une fieure tierce, en sera garenty au septieme accès *Les villa-* sans rien prendre, aussi bien que le Citoyen & *geois gueris* Bourgeois, lequel voulant par aposomes, cly- *par leur* steres, medicaments & saignées forcer par im- *patience.* patience la nature du mal, à peine avec toutes ces flateries fascheuses, qu'il ne passe par autant d'accès quel'autre.

Il me plaist sur ce discours vous racomter vne histoire de moy. Vous auez cognu feu monsieur de Pibrac, & scauez quel nom & rang il tenoit par toute la France. Il me faisoit cest honneur de m'aimer, & moy de luy rendre le semblable, avec tous les respects qu'il pouuoit desirer d'un voisin nourry en sa ieunesse en mesme College, que luy. Aduint qu'en l'an 6596. Sa femme absente en la ville de Toulouze, lieu de sa naissance, il fut surpris d'une si forte & longue maladie, qu'on perdoit toute esperance de sa guerison. Il y auoit six grands

Medecins qui le voyoient par honneur. Chappelain premier Medecin du Roy, Chastelan, Medecin ordinaire du Roy & premier de la Roine mere, le Grand, Pietre, Duret, Violaine, tous parangons de Medecine sur leurs compagnons. Iour ne se passoit qu'ils ne consultaient ensemblement avec appareil sur leur patient; Consultations auxquelles i'assistois, comme voisin & amy, supleant le defaut de la femme. Il me souuient, que ie les vey huiet iours durant faire monstre de leurs esprits, mais sur vn meisme subiect. Car comme ainsi fust que leur maladie demeurast en mesme estat, affecté de corps & d'esprit, aussi ne diuersifierent ils leurs consultations, sinon de paroles, sans y apporter remede nouveau pour resueiller en luy ses esprits. Le iour de la Pentecoste estant en l'Eglise, l'vn de ses gens tout effrayé me vint dire, que son Maistre estoit sur le point de rendre l'ame à Dieu. Au moyen dequoy soudain ie demande vn Prestre pour luy porter le saint Sacrement de l'Autel, que nous luy fismes prédre. Le voyât en ces alteres ie demeuray cinq ou six heures en sa chambre, le gouuernant, ores des yeux, ores de parole, au moins mal qu'il me fut possible: Et nourrissant de ceste façon mes pensees, & marry que les Medecins me sembloient par leurs deliberations faire alte, en vn peril si eminent que cestuy, il me va souuenir qu'un monsieur Boyer Aduocat mien voisin, estant auparavant quelques mois tombé en pareil accessoire de maladie, où les Medecins sembloient auoir perdu leur latin, luy, cōuié de son instinct auoit

*Cinq Medecins notables à voir mon-  
sieur de Pi-  
brac.*

*Et leurs  
consultations  
inutiles.*

par la maluoisie retrouvée la santé, & qu'ainsi me l'auoit il compté, adonci'enuoye par toutela ville en chercher : Et de tous les pouffons qu'on m'apporta, ie choisi au goust de malangue celle que ie pensois la meilleure. Et sans faire autre consultation qu'avec moy, i'en fis prendre à ce pauvre malade deux bons doigts par forme de medecine. Les choses se passerent de façon, que apres auoir reposé vne bõne demie heure, nous le veismes changer tout d'vn autre air de visage, & commencer de tourner ses resueries en propos quelque peu solides. De maniere que le lendemain tous ces grands Medecins aperceurent vne mutation inopinee; loüants Dieu, que la nature auoit plus operé en luy, que tous leurs medicaments. I'estois cependant aux escoutes, attendant quel succez i'aurois de mon remede. En fin voyant nostre malade se porter de bien en mieux, tant de corps, que de l'esprit, ie declaray aux Medecins, comme les choses s'estoient passées. Les vns blasphants ma hardiesse, qu'ils appelloient en leurs ames, temerité; les autres loüants le hazard : Mais sur toutes choses nul d'eux n'approuuant ceste maniere de faire en vn homme non Medecin. Et comme l'vn de la troupe m'eust dict, que cela s'appelloit iouer à quitte ou à double, ieluy respondy, que c'estoit suivre le conseil de Celse, portant qu'il valloit mieux apporter au malade desesperé vn remede tel quel, que du tout l'abandonner. Parauenture estimeriez vous, que par vne gloire pauone que ie vous aye estalé tout ce que dessus. Rien moins. Au contraire, ie ne veux excuser

*Es sa guerison inopinee avec de la Maluoisie.*

*Incertitudo in cest Art.*



558 LIVRE XIX. DES LETTRES  
ma temerité, mais aussi veux-je qu'en ce faisant  
vous remarquiez le peu de certitude qu'il y a en  
cest art : Veu qu'au milieu de tant de grands  
Medecins qui estoient au bout de leur rollet,  
i'apportay casuellement guerison à ce grand  
personage, depuis tant recommandé par la  
France.

Quoy doncques ? me dira quelqu'un, - & pa-  
raventure non sans propos, ayant fait tous les  
discours que dessus. Vous estes d'avis qu'il faut  
bannir la medecine des Republiques, comme  
estant chose indifferente, ou pour mieux dire,  
vn Art, qui en la fragilité de nos sens, est intro-  
duit pour nous tromper ? Ia à Dieu ne plaise,  
que telle soit mon opinion : Mais au contrai-  
re, c'est vn art, par lequel sur-tous les au-  
tres ie cognois les miraculeux effects de la  
puissance de Dieu nostre souuerain Medecin.  
Car combien que tous les grands Medecins,  
dont ie vous ay cy dessus parlé, fussent diffe-  
rés en leurs principes, remedes, & conduite de  
leur profession ; toutesfois en ceste contrariété,  
Dieu voulut qu'ils guerissēt vne infinité de ma-  
lades, qui eurent vers eux recours, voire en grã.  
des maladies, que l'on estimoit hors d'espoir. Ie  
ne vous toucheray point le grand Hipoerat,  
que i'appelle, non pere, ains Dæmon de la me-  
decine ; Les autres qui luy succederent, firent  
quelquefois reuiure des hommes demy morts :  
Mais quant à luy il redonna la vie à la mede-  
cine, qui depuis la mort d'Esculape estoit dés-  
pieça enseuëlie : & gardant les preceptes de sa  
medecine sur soy, donna ordre de viure cent

*Hippocrat  
donna la  
vie à la  
medecine.*

quatre ans. Je vous parleray de ceux qui furent en ce subiect reputez heretiques, lesquels firent en leur profession des miracles. Ainsî raconte l'ô qu'Asclepiade avec ses preceptes nouveaux & paradoxes redonna la vie à vn homme, duquel (comme mort) on estoit sur le point de faire les funerailles, en luy faisant boire du vin accommodé à sa guise. Et fit mesmement vne protestation brauasche, qu'il ne vouloit estre tenu pour Medecin, si on le voyoit iamais malade, ou mourir d'une maladie. Et luy aduint ainsî qu'il auoit protesté, estant arriué à vne extreme vieillesse sain & sauf, iusques à ce que monté sur vne eschele, l'un des eschelons se rompit sous ses pieds, qui le fit trebuscher du haut en bas dont il mourut sur le champ. Le Theſſalus qui sous l'Empire de Neron renuerſa avec brauade la doctrine de ses predecesseurs, fit de si estranges miracles, en l'exercice de sa medecine, que apres la mort on mit sur son tombeau ces deux mots, *Qu'en ce lieu gisoient les os de Theſſale, en son viuant le Prince des Medecins.* Et au regard de Theophraste Paracelse, i'ay leu vne harangue Latine, que fit Pierre Ramus l'an mil cinq cens soixante & huit, en la ville de Basle, à l'honneur du païs des Suisses, & entre autres particularitez dont il l'honora, fut sur Paracelse, lequel par son art auoit guery quelques hommes de leur lepre, maladie notoirement incurable, si ce n'est par la main expresse de Dieu. Et sa medecine s'exerce aujourdhuy à l'ouuert tant en l'Allemagne, que Suisse; & à couuert en plusieurs endroits de ce Royaume.

*Mort du  
Medecin  
Asclepiade.  
inopince.*

*La medeci-  
na de Para-  
celse exer-  
cee en Al-  
lemaigne &  
Suisse pu-  
bliquemēt,  
& en  
France à  
couuert.*

En ceste contrariété de preceptes, à qui doit on les guerisons? A ce grand & souverain Medecin nostre Dieu, lequel pour la conseruation du genre humain, voulut & veut; que par l'entremise des Medecins, la santé nous fust renduë. Iedy cecy comme Chrestien. Et les Payens parauenture pour ceste mesme consideratiõ soustindrent, que la medecine estoit inuention de leurs Dieux: & encore deifierent Esculape apres sa mort, pour la singularité de la medecine, qui auoit de son viuant reluy en luy. Le Sage nous admoneste, de porter tout honneur au Medecin; non pour estre amuseur ou abuseur du peuple, mais parce que Dieu nous l'auoit donné pour nostre necessité. Et c'est pourquoy ie vous ay dit sur le commencement de ma lettre, que i'honorois les Medecins, encores que ie sceusse bien qu'en leur profession il y eust plusieurs grandes perplexitez.

*Jugement  
de M. Pasquier sur le  
fait de la  
medecine.*

Voulez vous doncques sçauoir, quel est en ceste affaire mon souhait? Premièrement, que nõ obstant les contrastes qui sont entr'eux, chacun se donnant telieu qu'il pense tirer de sa suffisance, nous deuons en chaque païs suiure la police qui a esté sur ce sujet ordonnee par le Magistrat, sans y vouloir rien innouer. Toute nouveauté est de perilleuse consequence, & plus dangereux effect. Nous auons la faculté de medecine, l'vn des principaux membres des Vniuersitez de nostre France: faculté, dy-ie, fondee sur la doctrine d'Hipocrate, Galien, & des Arabes, en laquelle outre ce qui est de leurs preceptes, & réceptes, ils ne reietter pas les Simples qui nais-

*Faculté de  
medecine à  
Paris, &c. /u  
doctine.*

qui naissent chez nous, selon que les maladies le requierent. Demeurons sagement en & au dedans de ceste police; ny ne prenons matiere de nous en plaindre, si quelques particuliers Medecins en abusent: Non plus que ne deuons changer nostre Religion ancienne, pour les abus qui se trouuent quelques fois aux Prestres. Et parce qu'é l'exercice de cest art on y voit les miracles tres expres de Dieu: Qui est ce que les Medecins recognoissent en termes couuerts, quand ils disent, que le malade a plus d'obligation à la bonté de sa nature, qu'à leur art. Je desire, suiuant le Concil general de Latran, qui fut fait dedans Rome sous Innocence III. que le Medecin n'ordonne aucune Medecine pour la guerison du corps, qu'il n'ait auparauant soigné pour la guerison de l'Ame, ie veux dire que son malade n'ait esté auât tout œuure confessé. A Dieu.

*Le Medecin  
doit en  
premier  
liens soi-  
gner al'A-  
me, & puis  
au corps.*



L E

# VINGTIESME

## LIVRE DES LETTRES

D'ESTIENNE PASQUIER.

*A Monsieur de Raimond , Conseiller au Parle-  
ment de Bordeaux.*

*Il soustient  
que les Ie-  
suites ne  
doivent  
avoir  
l'honneur  
seuls de  
soustenir  
le party de  
l'Eglise  
contre les  
Hereti-  
ques.*



E n'atendois autre responce de vous, que celle que j'ay leuë par vos lettres (car aussi est ce le point sur lequel auez fermé vostre histoire, qui est que le remede par moy souhaité est aujourd'huy trouué par le nouel Ordre de la Societé de Iesus, tant authorisé par le Sainct Siege. Et qu'il semble que par vn grand mystere, Dieu nous eust mis sur la terre vn Ignace de Loyola, Gentilhomme, auteur de cest Ordre, au mesme temps que le Diable nous introduisit le moine Luther, affin de le contrecarrer en toutes ses propositions erronées. C'est en quoy ie me trouue grandement empesché; par ce que contre vostre opinion, ie croy que le remede n'est de moins dangereux effect, que la maladie. Je ne doute point que ceste premiere demarche ne



vous apreste à penser, eu esgard au cours des affaires qui est aujourdhuy par la France: Car selon l'opinion des Sage-mondains, c'est vne espeece d'heresie de se heurter contre le temps en quelque subiect que ce soit.

Je peucray donc à vous comme à vous, ie veux dire comme à vn bon & naturel François, Conseiller du Roy en l'vne de nos Cours souueraines, & encores grandement nourry en l'ancienneté de nostre Eglise Catholique, Apostolique, Romaine: consequemment en nostre Eglise Gallicane sa fille aisnée. Car pourquoy ne la recognoistrions nous pour telle, puis que le Roy de France de tout tēps est tenu pour son fils aisné sur tous les Roys Chrestiens? Comme aussi est-cela verité, que toutes & quantes fois qu'il a esté questiō de deffendre nostre Religio, non par armes temporelles, ains spirituelles, nostre Eglise Gallicane est entree la premiere en champ de bataille, flanquee de la faculté de Theologie de Paris, qui iamais ne se lassā de faire teste à ses ennemis. Or en nostre Eglise Gallicane, nous auons tousiours respecté en toute humilité le S. Siege de Rome, comme chef Vniuersel de nostre Eglise Catholique, toutes-fois avec ceste modification, que sa grandeur estoit contrebalancee par celle du Concile general & œcumenique. Et sur ce pied au parauāt que nos appellations comme d'abus fussent en vsage, soudain qu'vn Pape par faux donner à entendre, ou autrement, se desbordoit au desauantage du Roy & de son Royaume, nous n'appellions pas de luy à luy, ains auions recours

*Le Roy de France tenu pour tres.Chrestien de toute ancienneté.*

*Appellatiō des sentēces du Pape au Concile.*

à vn appel qu'interjettions de la Sainteté au futur Concile general: qui nous estoit comme vne anchre de Saint & dernier respit. Quoy faisant conseruames sans coup ferir, & nostre Eglise Galliane, & nostre Estat en son entier. Ny pour cela, nos Rois, ny nostre Eglise ne perdirent leur Droit de primogeniture en l'Eglise Romaine. Ce qu'ils eussent fait, si on eust estimé qu'en cette proposition l'heresie se fust logee.

Mais pourquoy vous mets-ie en auant nostre Eglise Gallicane seulement, veu que cette mesdoctrine a tousiours esté obseruee par nostre Eglise Vniuerselle? Le plus grand & solemnel Concile que ie pense auoir iamais esté depuis le moyen aage de nostre Christianisme, est celuy de Constance. Je n'en excepteray, ny le premier, ny le second, tenus à S. Jean de Latran sous les Papes, Alexandre & Innocence troisiemes. Or en ce grand Concil, tout ainsi que l'heresie de Iean Hus fut condamnée, aussi tint on pour constant & arresté, que le Concil general estoit par dessus le Pape. Comme de fait il lingea & termina le different, qui auoit duré plusieurs ans entre les deux Papes de Rome & Auignon. La deuote consideration que nos ancestres apporterent en cecy, estoit, que nostre S. pere de Rome auoit toute superiorité sur les Patriarches, Archeuesques, & Euesques pris en leur particulier, mais quand par conuocation generale ils estoient assemblez pour le repos de nostre Eglise vniuerselle, il falloit que les Papes fissent ioug. Que si en cecy vous

*Les Papes  
chefs des  
autres Pa-  
stours en  
chacun à  
part, mais  
non assem-  
blez en  
gros.*

me vouliez iuger heretique, ie le suis sous l'autorité & garentie du Concil de Contâce, qui en reſtabliſſât noſtre Eglife, nous enſeigna ceſte leçõ. Or ſur le diſcours qui ſe preſente, le Ieſuite eſt d'aduiſ, que le Pape eſt ſur le Cõcil general, & que c'eſt vne propoſition erronee de ſouſtenir le contraire.

Il y a vne autre propoſition que ie vous veuz toucher; comme appartenant grandement à ce mien diſcours. Nous vſons du mot de Religion, tantõſt en general, tantõſt en particulier. L'ap-  
*Le mot de Religion pris en deux ſenſs.*  
 pelle en general, comme quand nous diſons, que chaque nation a ſa Religion. Auquel cas la Religion fait part & portion de l'Eſtat. Et c'eſt pourquoy en vſant de ceſte façon nous pouuõs dire, qu'il n'y a iamais remuement de Religion, qu'il ne faille pareillement craindre quelque remuement de l'Eſtat. Comme ſi la Religion eſtoit l'Ame de la Republique, pour la crainte & apprehenſion que tous les peuples ont de l'autre monde. Nous vſons du meſme mot plus eſtroitement, quand le raportons aux Monâſteres, qu'appellons aucune-  
*Regle generale des Religieux.*  
 ment *Religions*, & les Moines, *Religieux*. Quoy faiſants c'eſt vne regle generale en eux, de reduire toutes leurs penſees à meditatiõs ſpirituellenes, prieres & oraifõs enuers Dieu, & en ſainctes exhortations enuers le peuple, pour luy enſeigner de bien viure, & ne ſouruoyer du vray chemin de noſtre foy. Car de permettre que les ordres de Religio, qui par leurs confeſſions auriculaires, & ſermons ont ſoing de nos Ames, ayent auſſi le ſoing de ſar-

366 LIVRE XX. DES LETTRES  
mes, c'est vne heresie dont on ne se scauroit ex-  
cuser.

*Que l'hon-  
neur de  
soustenir  
le party de  
la foy Ca-  
tholique  
n'est deu  
aux Iesui-  
tes seuls.*

Voyons si tout ce que ie vous ay cy dessus tou-  
ché, se trouue en nos Iesuites, que dites estre Me-  
decins de nostre Eglise malade, & s'ils n'y intro-  
duisent point vn nouveau mesnage. Premiere-  
ment afin que ie ne desrobbe rié, ie loüe gran-  
dement en eux le zele qu'ils aportent & par  
leurs Liures, & par leurs presches en l'extirpa-  
tion de l'heresie moderne. Et neantmoins de  
leur attribuer tout l'honneur comme faites, c'est  
voulant extirper le schisme qui est entre le Ca-  
tholic & le Lutherien, en introduire vn nou-  
veau entre les Catholiques. Par ce que cette  
deuotion ne leur est particuliere, ains commu-  
ne, tant avec nos Theologiens, que Religieux  
de nostre ancien estoc. Voire que ie vous puis  
dire comme chose tres-vraye, que iamais ne vi-  
mes nostre faculté de Theologie abonder en  
tant de gens doctes, comme nous la voyons  
aujourd'huy. Le fruit que recueillons de l'he-  
resie est, d'auoir resueillé nos esprits auparauât  
assoupis. Et à vray dire, c'est tirer vne commo-  
dité de nostre incommodité, & comme l'on dit  
en commun prouerbe, à quelque chose mal-  
heur est bon.

*Maximes  
que tiennēt  
les Iesuites  
en faueur  
du Pape.*

Mais ce n'est assez si les Iesuites ne symbolizēt  
en tout le demeurant avec nous. En premier  
lieu ils tiennent pour proposition tres-certaine,  
que le Pape est sur le Concil general & œcume-  
nique, comme ie vous ay dit cy dessus. En se-  
cond, qu'il peut de sa volonté absoluë transferer  
les Royaumes d'vne main à autre; faisant par

cemoyen Roy des Rois celuy, lequel fondant sa grandeur sur l'humilité se pleuuit par les qualitez Serf des Serfs, & rendent les Rois, non vassaux de luy, ains esclaves. Proposition que nous n'auons mesiamais en cette Frâce. En troisiemeliieu, lui vouétvne obeïssance aueugle, & disent par leurs statuts, qu'il peut disposer de leurs voluntez, tout ainsi que fait du baston insensible celuy qui le tient en sa main. Finalement par vn priuilege special qu'ils ont par maniere de bienfaisance annexé à leur Ordre, ils meslét l'estat, la Religio, & le meurdre enséble. Ie veux dire, que parmileur professio ils ne doutét de se mesler des affaires d'estat, non pour moyèner vne paix entre les Princes Chresties, ains pouropiniastrer la guerre; mesmes selon la cōmodité de leurs affaires, prendre la cause du subiect rebelle contre son Roy, & luy seruir de corretier, & entremeteur enuers le Pape, & Princes Estrangers. Et encores, non seulement permettre aux ames idiotes, ains les solliciter d'assassiner les Rois, soit qu'ils abhorrent nostre Religio, ou bié qu'ils soiét Catholics; Mais non Catholics à leur poste, presque en la mesme façon que le vieux de la Montaigne traitoit les Princes Chresties lors de nos voyages d'outremer. Aux trois premieres propositions, il n'y a que trop de l'homme pour faire trespucher vn Pape dedàs la Papauté, en le voulât exalter. En la derniere il n'y a que trop du Diable, pour abismer avec le temps de fonds en comble cette nouuelle Societé, mais ie crain que ce soit trop tard, & qu'il ne nous aduienne en s'abis-

*D'assassiner les Rois.*



mant, cela mesme qui aduint à Samson. Ie vous laille à part plusieurs autres particularitez, dõt ie ne veux icy faire vne anatomie, ains vous renuoye, si vostre loisir le porte, au Catechisme & Examen qui a esté par moy fait de leur doctrine.

*La Sette  
des Iesuites  
comparee à  
celle des  
Luthersens.*

Et puis vous trouuerez estrange, que ie mettel'Ordre des Iesuites au rang d'une nouvelle Secte, tout ainsi que la Lutherienne: Avec laquelle, ores que discordante en plusieurs propositions, si a elle cela de commun, que tout ainsi que l'autre en se defendant s'arma, premierement en Allemagne contre l'Empereur Charles V. puis en France contre le Roy Charles IX. Aussi ceste cy en assaillant fit le semblable contre nostre Roy Henry III. Prince toutesfois tres-Catholic. Ie vous ay dit, que la Secte Iesuite n'estoit pas de moins dangereux effect, que la Lutherienne: si ie vous adioust vn de plus, parauéture m'estimerez vous forligner de la Religion de nos ancestres: Au contraire, c'est celle-là qui meroidit au soustenement de ceste mienne opinion. Contre la secte Lutherienne, chacun se tiét sur ses gardes, quand on nous sert de sa doctrine, comme contreuenant à nostre ancienne foy. Et n'y a (disent quelques vns) que les fols qui pour penser estre plus sages que nos bõs vieux peres, sont entrez en ce nouveau party. Au regard des Iesuites, mieux ils fõt, plus ils nous doiuent aprestre subiect & matiere de craindre. Vous trouuerez ceste proposition de premier œil fort bizerre, & neantmoins elle est tres-vraye, reuenant à vostre second penser. Ils

lisent, confessent, preschent, administrent le sainct Sacrement de l'Autel. Et comme leurs Superieurs sont de grands sage-mondains, aussi se donnent ils bien garde de mettre en vne ville de marque, aucuns des leurs sur la monstre dedans vne chaire pour prescher, sinon ceux que ils estiment estre parangons; En ce beau deduit declamans contre l'heresie, il n'y a celuy du peuple qui ne leur applaudisse, ne les embrasse, cherisse, & n'ait toute creance en eux. Cependant en mesnageant de ceste façon nos consciences, ils sement fort aisément dedans nos cœurs toutes ces propositions dangereuses, qui vont à la ruine de l'Estat & de nostre Eglise. Je vous en représenteray seulement deux pour toutes.

Le Pape est grand (ie le vous confesse) mais tant y a qu'il est homme, lequel par consequent a l'Ame composee de diuerles pieces. S'il aduenoit par malheur que deux ou trois grâds Prelats suiuis d'un bon nombre de Cardinaux, pretendissent, chacun en leur endroit, estre Papes, bon Dieu! en quel desarroy tomberoit nostre Eglise: exposant le Concil general dessous la puissance des Papes, auquel nous auions de toute ancienneté recours pour appaiser tels différens: il faudroit que la Nasse de S. Pierre fluctuë à la mercy des vents & vagues incessamment, sans esperance de bonace.

Quoy? si par un autre malheur il aduenoit que un Pape prit à contre cœur l'un de nos Rois, & qu'il le voulust censurer & tout d'une suite interdire son Royaume, comme il est aduenu au-

*Les Iesuites  
voient vne  
obeissance  
aueugle  
aux Papes.*

tresfois, autant de Iesuites que nourrissez dedans la France, seroient autant d'ennemis formels de nostre Couronne: comme ceux qui ont voué vne obeissance aueugle aux Papes, vœu dont ils ne se peuuent dispenser sans apostasier en leur Ordre. Dauantage ceseroient autant de boute-feux & instigateurs pour diuertir les subiects de l'ancienne deuotion qu'ils ont à leur Roy, pour le secourir contre tels assaults. Et pourquoy doncques? Par ce que le Iesuite leur auroit enseigné, que c'est vne partie de nostre foy Chrestienne, de croire que le Pape peut à ses bons points & ailements disposer de tous les Royaumes. Ainsi le voyons nous à face ouuerte estre soustenu par le Iesuite Montaigne en son Liure *'De la verité defendue'*. Ainsi par ce fol Bonarcus Iesuite d'Anuers, en son Amphitheatre d'Honneur. Et ce que ie dy de nostre France, frappe coup contre tous les autres Royaumes. De maniere qu'il ne faut point trouuer trop estrange, que le sage Venitien ait exterminé les Iesuites de la Republique.

*Deux sectes nouuelles ad-  
roustees au  
Mahometisme.*

Ces considerations me font dire, que tout ainsi qu'au siecle de l'an 1500. deux nouuelles Sectes d'Ismael & Amether se planterent dedans le Mahometisme, aussi en ce mesme siecle s'en planterent deux autres dedans nostre Christianisme; Celles de Martin Luther, & Ignace de Loyola auteur de la Iesuite. I'adiouleray, que comme au Leuant y a exercice de

*Trois Religions exercees au Leuant.*

trois diuerses Religions, de la Turquesque, Iudaïque, & Chrestienne, aussi en auons nous icy trois, l'ancienne Catholique, Apostolique,

Romaine; la nouvelle Iesuite, & la Huguenote, que les autres d'un mot plus doux, appellent pretendue Reformee. Que le Iesuite oste de son opinion toutes ces rasses, par lesquelles il s'avantage en grandeur dedans Rome, & perseuere au guerroyement de l'heresie, non par l'espee, mere de sedition, ains par sa plume, il m'aura pour son paranymphe, son Aduocat, son trompette. Je loue en quelques particuliers Iesuites, & leurs plumes, & leurs langues, & leurs esprits, mais j'abhorre leur Secte en son general. Ainsi en aduint-il autres fois en l'Arianisme, dont la Secte estoit detestee, & neantmoins produisoit de fois à autres plus grâds personnages, que n'estoient les Catholics. A Dieu.

*A Monsieur Borbonius, Professeur du Roy es lettres Grecques en l'Vniuersité de Paris, & excellent Poëte Latin.*

**V**Oyez, ie vous prie, comme en vne rencontre de plumes, nous sommes de contraires aduis. Vous tenez à grande obligation, que ie me sois mis en bute, les vers Latins par vous faicts sous le titre de *Dira*; & de moy ie me fusse estimé trop ingrat, tant enuers vous, que nostre France, voyant vostre petit poëme si richement elabouré, si ie n'eusse donné ordre qu'il eust esté entendu, non seulement par ceux qui font profession de la langue Latine, mais aussi par tous les autres François. C'est pourquoy vous voyant estre entré sur ce grand theatre de la France, en vn subiect si la-

*Et ainsy en auons nous en France.*

*Il luy en-  
uoye la tra-  
duction en  
François de  
quelques  
vers La-  
tins que M.  
Borbonius  
auoit faicts  
sur la mort  
du Roy  
Henry le  
Grand.*

mentable, ie vousay sans autre semonce que de moy, habillé à la Frâcoise. Et neantmoins ay voulu iouër icy deux personages; Par l'un, représenter vostre Latin vers pour vers, iusques à la mort du Roy, & demeurer dedans cette barriere. Le tout comme la facilité de nostre vulgaire, ou pour mieux dire de mon esprit l'a peu porter. Delà estre du tout mien, & donner tel vol à ma plume; que ma iuste douleur me commandoit. Et en outre i'ay tracé deux Epitaphes, l'un François, l'autre Latin, que ie vous enuoye. Vueille Dieu par sa sainte grace, que la mort inopinée de ce grand Roy ne soit à la France vne pepiniere de maux.  
A Dieu.

---

Imitation du Latin de Borbonius, sur  
la mort de nostre grand Roy Henry,  
iusques à ce Vers; *Ce dit, tout aussi  
tost forcené de courroux.*

*Deplora-  
tion de la  
mort de  
Henry le  
Grand.*

**Q** Voy donc? car ie ne veux maintenant te flater,  
O Ciel, qui vois le sang de nos Princes flo-  
ter,  
Toutesfois malsoigneux tu n'as tenu la bride  
A un, puis à un autre impiteux parricide.  
Hé, ma vie me put! les Geans trauestis,  
Faignants d'estre François, sont des Enfers sortis!  
Et toy France qui fus iadis de monstres franche,  
Tu nous en bailles or, qui se font toute planche,  
Mais n'oz mis tout à fait se heurter contre Dieu,



Contre ses saints pourtraicts s'ataquent en son lieu,  
 Tuants deux de ses Oincls : O meurtres detestables,  
 Par la longueur des ans non iamais expiables !  
 Heureux siecle ancien de ce mal eslongné,  
 Malheureux nostre siecle en ce desastre né,  
 Sous lequel nous voyons tant d'ames chatemites,  
 Carnassieres des Rois, auoir esté produites.

Le premier assassin estoit enseuely,  
 Par le laps de vingt ans, au cercueil de l'oubly;  
 Mesme une longue paix luy auoit donné presque  
 Pardon, bien que commis d'une main barbaresque:  
 Quand voicy arriuer la Megere d'Enfer  
 Qui pour de nos malheurs, cruelle, triomfer,  
 Le quatorziesme iour du mois de May s'eslance,  
 Lors que chacun de nous dedans Paris ne pense  
 Qu'à bastir des festons, & des arcs triomfans,  
 Et toy mon grand Henry, Et les tiens vous paissans  
 Les yeux de cest arroy, & des pense Royale,  
 Dont deuions accueillir ton espouse loyale,  
 Tu meurs, hélas bon Roy ! dans ces honneurs dressez.

Peuples, à son de trompe en tous lieux annoncez  
 Ce coup qui tout à coup nous afflige & acule:  
 Passez de nostre France aux colonnes d'Hercule,  
 Chacun tout d'une voix don'ra au ciel le tort.  
 Et comment ? falloit il que d'une indigne mort  
 Ce grand Roy fut atteint ? par lequel nostre France  
 Voloit insques aux Cieux : qui tenoit tout en trans;e;  
 Arbitre de la paix entre les plus grands Rois ?  
 Qui au profit de tous estoit ses loix;  
 Sa douce Maïesté, sa contenance sage,  
 Clemence de Cesar qu'il portoit au visage,  
 N'ont ell' peu arrester ce meurtrier inhumain,  
 N'yla deuotion que d'une mesme main,

*Chacun à qui mieux mieux, nous luy anions vouée,  
N'y la grande union en nous par luy nouée?*

*Doncques luy qui vainqueur des Alpes, negligea  
L'Italie, & heureux du Piedmont se vengea,  
Donc luy qui dans l'Hyuer, dedans les monts steriles,  
Dans les bouillons d'Esté se fit maistre des villes,  
Quitant & tant de fois l'ennemy combatit,  
Et l'orgueil Espagnol sous ses pieds abatit?  
Doncques il fit trembler les monts de Pyrenée,  
Et sa fortune fut de tant d'heurs estrenée,  
Affin qu'après auoir tous ces dangers passez,  
Il seruit de victime entre les trespassez,  
Aux yeux de son Senat, dedans sa bonne ville,  
Au milieu de la paix, depuis quinze anstranquille  
He bon Dieu! las hélas! comme en moins d'un clin  
d'œil*

*On voit vne grandeur eschangee en grand dueil!  
Le Ciel n'a pas voulu, pour acroistre nos larmes,  
Que ce grand Roy tombast en la mercy des armes,  
Ny qu'un homme de nom se soit mis sur les rangs,  
Des Princes, des Seigneurs, des Nobles, ny des grands;  
Nul soldat, nul guerrier; nul brave Capitaine,  
(Eux tous l'idolatroient, nul ne l'auoit en haine)  
Mais bien qu'un auorton de monstre Angoulmesin,  
Qui d'une Proserpine estoit sorty du sin,  
Et auoit faussement pris de l'homme la forme,  
Ait fait aux yeux de tous, ce parricide enorme,  
Affin d'exterminer d'un coup inopiné  
Le bon heur qui s'estoit à la France donné.*

*Quelque malin Demon d'Incube fut son pere,  
Qui prenant son deduit nous fit ceste vipere,  
Pour meurtrir sa patrie, lors qu'il nous en fit part;  
Nuls biens dans sa famille, honneur mis à l'escart,*

*Pauvreté saffranière, ordre, vilainie,  
Font de tout temps aux siens fidelle compaignie.  
Nyluy ny ses parents n'ont de mal faire horreur;  
Nyla crainte des loix ne lestient en terreur:  
Qui banny, qui pendu, qui mis dessus la rouë:  
Voila comme d'eux tous le Magistrat se iouë.*

*Parenté de  
Rauailac  
meschante  
Egernerse.*

*Ce monstre feignant estre vn naturel enfant,  
Vogue, & en assassins va des siens triomphant:  
D'un Diable incorporé il scait qu'il priu naissance,  
Dont sa mere auoit eu dans son liët cognoissance,  
Ia desia d'apprenty, grand ouurier il se faiët,  
Et menacé des cieux d'un horrible forfait,  
Non cognu cy deuant par l'ancienne histoire,  
Et que nos suruinants iamaïs ne pourront croire.  
Mais proie tant en soy ce malheureux dessein,  
Mil' fantasques discours il forge dans son sein,  
Mille meschancetez, mille embusches il dresse;  
Et n'exploite son fait d'une prompte vistesse:  
Ains comme dans les prez nous voyons le serpent,  
Qui en se tortillant, peu à peu va rampant,  
Et vomit son venin dessus la fleur pourprine:  
Ainsi luy son poison couuant dans sa poitrine,  
Se trainoit çà & là par les charms, caimandant,  
Comme s'il n'eust eu rien pour mettre sous la dent.  
La nuit il parle au Diable, & l'hostesse espedue  
Pense que sa maison soit tout à faiët perdue.  
Tantost sur le Pont-neuf l'aumosne il demandoit,  
Tantost d'un simple habit par la ville rodoit,  
Pour tromper les passants, à ce qu'en ceste guise  
Il mit plus aisément fin à son entreprise.  
Dessous ce masque feint les Gardes il rompoit,  
Et en eux tout soupçon de mal faire il rompoit.  
Belle bute de mort qui s'est esuanoye,*

Car Dieu nous auoit lors la pensee esblouye!  
 Apres auoir long temps dedans soy marchandé  
 Sur la mort de son Roy, & son Ame sondé,  
 En fin nostre malheur qui le talonne & flate,  
 Vent que d'un œil sanglant ce propos il esclate.

J'ay en crimes communs (dit-il) passé mon temps,  
 J'ay passé sans honneur, & en friche mes ans,  
 Rainé l'innocent par mon faux tesmoignage,  
 En diuers assassins employé mon ieune aage :  
 Pour n'empescher le cours de mon cruel destin,  
 I'ay contrefait un temps le pere Fueillant in,  
 Faisant l'homme de Dieu. Cela n'est que folle,  
 Et de petits semblans en ioliner ma vie ;  
 De commettre un delit ordinaire c'est peu ;  
 Et du sang d'un manant s'assouir, n'est que ieu ;  
 Il faut bruer plus hant. Car pourquoy la Megere  
 M'auroit elle recen du ventre de ma mere ;  
 Et pourquoy le destin dès lors que ie feus né,  
 Au sac de mon pays m'eust il predestiné,  
 Si par nouueu dessein la porte ie ne m'œuvre  
 A un meurtre Royal, de mes desseins chef-d'œuvre ?  
 Je voy la paix regner, la France en bel arroy,  
 Par la vie sans plus d'un grand & sage Roy ;  
 Au Lystoute faueur par tout estre ordonnée,  
 La Roine auoir esté au temple couronnée,  
 Le peuple prest de voir d'un plaisir nompareil,  
 Dans deux iours son entrec en superbe appareil ;  
 Ses trois enfans portez pres d'elle par la ville,  
 Dont Naples, dont Milan, dont toutela Sicile,  
 Et le grand Pau voudroient auoir l'un d'eux pour  
 Roy,  
 Comme ceux qui tiendront tout le monde en effroy.  
 Non : c'est trop conniller. La prospere fortune

Fut Fueil-  
lant.

De France mon país trop & trop m'importune.  
 Je proteste devant les Furies d'Enfer,  
 Que ie feray mourir leur Prince par mon fer.  
 Je veux, ie veux qu'en pleurs deormais ell' se bai-  
 gne,

Et faire regorger de sang nostre campagne.  
 Je veux que bannissons de la France l'honneur,  
 Et que nous y plantions d'orenavant l'horreur.

Ce dit, tout aussi tost forcé de courage,  
 La Parque vent qu'il mette à effect ceste rage.  
 O Dieu, ô Ciel, ô feu, ô air, ô terre, ô mers,  
 Fut il iamais corné tel coup par l'Vniuers!  
 Qu'un grand Roy qui auoit par infinis miracles  
 Terrassé sons ses pieds tous malheureux obstacles,  
 Qui portoit sur le front mille Et mille Lauriers,  
 Roy sage, Roy benin, Roy guerrier des guerriers,  
 Roy dans lequel regnoit d'une mesme balance,  
 La douceur en tous lieux avecques la vaillan-  
 ce,

Au milieu des festins, & des siens se soit ven,  
 Par un homme de rien occis à l'impouruen.

Or sus, puisque l'Enfer fut de ce monstre gui-  
 de,

Aux infernaux tourments il faut lascher la bri-  
 de.

Et si l'on peut trouuer quelque chose de pis,  
 Que nos esprits ne soient en ceste œuure assoupis.

Il faut que de tout sens ce parricide souffre,

Que la meurtriere main brule dedans le souffre,

Qu'il soit diuersement en son corps tenaillé,

Et que tous les endroits où il sera taillé,

Soyent abreuez de cire, & d'une huile bouil-  
 lante,

Tout cecy  
 n'a rien de  
 commun,  
 avec l'i-  
 mitation.

Son sup-  
 plice.



De souffre, plomb fondu, poix razine brulante;  
 Puis qu'à quatre cheuaux ce meschant soit tiré,  
 Et que son corps estant en pieces deschiré,  
 Si dedans sa carcasse il reste un brin de vie,  
 Qu'elle soit par le feu, & dans le feu ravie:  
 Fors que le peuple estant de vengeance affamé,  
 Ne vueille que son corps soit au feu consommé,  
 Ains que pour assouvir sa fin desmesuree,  
 Chacques membres luy soient, & seruent de curee:  
 Et les ayant trainez par la ville ordement,  
 Que le feu soit en fin leur dernier monument:  
 Que le logis auquel il prit son origine,  
 De fonds en comble soit razé & en ruine,  
 Pere & mere bannis sans espoir de regrez,  
 Aux freres & parents commandé par exprez  
 De ne porter le nom de Rauillac: En somme,  
 Que tous les maux en nous par ces maux on assomme.

Mais las helas! peut on par torments expier  
 Les malheurs que ie voy dans peu nous espier?  
 La peine qui sera en ce monstre ordonnance,  
 Durera seulement une demy iournee,  
 Que l'on exercera saintement contre luy:  
 Quand nous loyaux subiects porterons au iour d'huy  
 Et plusieurs ans apres, dedans nostre innocence,  
 De ce traittreux forfait la dure penitence.  
 Les pays desolez, nos chams bouleuersez,  
 Le sang couler, les corps l'un sur l'autre entassez,  
 Si Dieu nostre bon Dieu par sa misericorde,  
 Ne loge au cœur des grands l'union & concorde.  
 Ie me prosterne, ô Dieu, devant ta Maiesté,  
 Si quelquelourd peché t'a peut estre irrité,  
 Dont tu vueilles auoir au iour d'huy la vengeance,

priere de  
 l'Auteur  
 en faveur  
 du Roy.

Quel'enfance du Roy, que du Roy l'innocence  
 Supplee en ton endroit, seigneur Dieu, ce défaut.  
 Et que nostre oraison monte à toy iusque en haut.

D'un cœur triste & contrit, ie te supplie, ô Sire,  
 Que nul de nos Seigneurs dedans soy ne respire,  
 Sinon du ieune Roy, & des siens le repos,  
 Que le particulier n'heberge dans ses os,  
 Ainçois le bien public fortement il embrasse,  
 Qu'il croye que viuant dedans ceste bonace,  
 Il l'aura desormais pour assuree garend,  
 Et l'ayant, il sera cent & cent fois plus grand,  
 Que si par vains discours d'une vaine vüeire  
 Il vouloit estoffer à nos despens sa gloire:  
 Voila l'humble priere, hélas! que ie te fais,  
 D'habituier chez nous ta bien heureuse paix.

Que nul, ny ses consteaux, ny ses armes n'aiguisse,  
 Pour soustenir ta foy dedans ta sainte Eglise,  
 Mais croye que celuy qui prend pour instrument  
 Ceste deuotion miserable, dement  
 Ton cher fils Iesus-Christ, quand d'une aigre parole,

A sa prise il voulust qu'on ionast autre role;  
 Que ceux qui de l'Estat tiennent le gouuernail,  
 Estiment qu'il n'y a plus certain retenail  
 Pour nous faire iouyr d'une mesme creance,  
 Que de choisir Prelats de bonne conscience,  
 Qui reluisent en mœurs, en doctrine, en sçauoir;  
 Que tout Prescheur qui pense en ses presches auoir  
 Par armes le dessus, veut loger l'Atheïsme  
 Dans la sainte maison de ton Christianisme.  
 Que le Prince qui s'est autrement estably,  
 Par bizerrres discours te mettant en onbly,

Rien qu'il soit Catholique, ne l'est pas moins contraire,  
Que celui que croyons estre ton adversaire.

Armez de bons Prelats, nous voulons croire tous  
Que tu ralenties, Seigneur Dieu, ton courroux,  
Et vivrons désormais dans une mesme Eglise  
Sans estre bigarrez en une & autre guise.

Fay Seigneur, que du Roy tu sois premier objet,  
Qu'après, il jette l'œil sur son pauvre subiect;  
Que celle qui pendant l'âge de son enfance,  
Tient sur nous, & sur luy le haut point de Regen-

ge,  
Sage Princeesse face à part soy cest estat,  
Que pour perpetuer le Roy en son Estat,  
Et ne luy rendre point sa fortune rebource,  
Elle doit faire fonds des cœurs, non de la bource,  
Qu'il n'y a nul moyen meilleur pour n'estranger  
Le cœur de ses subiects, & du tout les ranger  
A sa diuotion, que de bannir de France  
Toutes noualitez, qui la tiennent en transe.

*Soulage-  
ment du  
peuple est  
le repos du  
Prince.*

Et que de descharger son peuple des impos,  
C'est d'un Roy souverain le souverain repos.  
Que contre celui là qui mutin s'abandonne,  
Et veu mal conseillé, ataqer la Couronne,  
Il n'y a plus certain remede en ce suist,  
Qu'un Roy, qui doucement gouverne son subiect:  
Et quand ie dy cela, ie souhaite qu'on sçache  
Qu'à tous aides, impois, tributs ie ne m'atache;  
(Ie sçay que nul Estat ne regne sans tribut)  
Mais bien à ceux qui sont des autres le rebut,  
Et quel'esprit malin de l'ame malgisante  
A fait mettre à l'enquant au plus offrant en vente,  
N'ayant eu l'acheteur autre plus beau trafic,  
Que de se faire riche aux despens du public.

Seigneur à iointes mains encor' iete suplie  
 Que le vouloir des grands, & des petits se lie,  
 Et que nous tous ligueZ en mesme opinion  
 Iurions sons la banniere une sainte union:  
 Non union qui soit contre le Roy brassée,  
 Mais union par luy saintement embrassée;  
 Que le grand, le petit, le ieune, le vieillard,  
 Logeans dedans leurs cœurs un seul bus & regard,  
 Deuots facent au Roy humble & fidelle homage,  
 Parce qu'il est ton oinct, qu'il est la sainte image.

---

### Epitaphe du Roy Henry le Grand.

**P** Assant si dedans toy quelque pitié seloge,  
 Enten du grand Henry ce merueilleux Eloge:  
 Soit en guerre ciuile, ou contre l'Estranger,  
 Ce grand Royne sceut oncq' que c'estoit du danger,  
 Mais d'une mesme main chacun craignoit ses armes:  
 Roy toutesfois en guerre, & en paix si clement,  
 Que nous tons à l'enny de nostre mouuement  
 Subiects, & non subiects versons pour luy des larmes.

---

### Eiusdem Epitaphium.

**A** Nullo victus, Victorum Victor, amicos  
 Inter procubuit, pragmaticique manu.  
 Atque id magnificos vrbs cum Parisina triumphos,

*Postridie uxori mille pararet ouans.  
 Hæc tu quisquis adestumulo subscribe, Viator,  
 Carmina, quæ nulla sint moriura die.  
 Lilia cui suberant, inopino vulnere Maiores  
 Confossus, Maijs Iaius heu cecidit.  
 Henricum Magnum, Maius cum sustulit orbi,  
 Non fuit hoc unquam maius in orbe nefas.*

*Au Seigneur Louys de Sainte-Marthe, Lieutenant  
 General de la Connestablie de France.*

*Recueil de  
 quelques  
 Dicts no-  
 rables au  
 feu Roy  
 Henry le  
 Grand.*

**H** Amais Roy ne fut accomply en tant de  
 bonnes parties, soit au fait de la guerre,  
 ou de la paix, comme estoit nostre grand Roy  
 Henry IIII. Et par ce qu'il luy faut vn Homere  
 pour represéter ses hauts exploits d'armes, ie me  
 contenteray de vous représenter les belles sen-  
 tences, ou rencontres que ie scay estre, selon  
 les occasions sorties de sa bouche. Car pour  
 vous bien dire, rien ne luy estoit impossible de  
 quelque costé qu'il voulut tourner son esprit.  
 Vous receurez doncques de moy cette lettre,  
 comme vne meslange de ce que i'ay appris de luy  
 d'vns & autres sur ce subiect.

Quelque peu apres qu'il fust arriué à nostre  
 Couronne, Gourdon Gentilhomme Escossois,  
 qui se pensoit excellent en l'Anagrammatisme  
 des noms, mesmes estimoit que dedans les ana-  
 grâmes par luy faits se trouuoit depeinte la bõ-  
 ne ou mauuaise fortune d'vn homme, ayant  
 trouué dedans vn *Henry de Bourbon*, D E B O N  
 R O Y B O N H E V R: quelque vn luy ayant r'appa-  
 rté que l'anagramme estoit excellent; mais que



de malheur il y auoit addition d'un O, chose toutesfois permise en matiere d'Anagrammes, quand à la lettre de plus adioustee, il y en a vne semblable dedans le nom ou surnom: Il ne faut (dit le Roy) entrer en cette perplexité, au cas qui se presente. Car combien que dedans mon nom & surnom il ne se trouue que deux O, ce troisieme porté par l'anagramme sera representé sur ma teste par la Couronne qui m'est escheuë.

Et comme quelques années d'apres pour redre l'anagrame accompli sans perte ou augmentation de lettres, vn homme mal aduisé luy eust dit que dedas *Henry de Bourbon*, se trouuoit, DE BIRON BON HEUR: Côme si la bonne fortune du Roy despendoit du Marechal de Biró: le Roy qui ne voulut apres Dieu recognoistre sa bonne fortune que de soy, dit: Vous vous abusez (luy dit il) vous deuez dire de *Robin bon heur*: Car toutes les mesmes lettres y sont. Qui ferma à ce sot la bouche.

Le Seigneur de Beaulieu Maistre de Camp d'un Regiment de Gens de pied, qui depuis fut occis au siege de Chartre: apres la mort du feu Sieur de Guise, ayant pris la poste de Blois, pour luy en rapporter les nouuelles au pais de Xaintonge, où il seiournoit: luy en ayant donné le premier aduis: Encores qu'il me fut ennemy (dit il) toutesfois s'il fust tombé sous ma puissance, ie ne l'eusse traité de cette façon: Et à la mienne volonté qu'il se fut vny avec moy; Car nous eussions peu conquerir ensemblement toute l'Italie.

Quelqu'un luy disant vne autre fois, que le sieur de Guise estoit mort endebté de sept ou huit cens mille liures. Ventre-Saint-Gris (dit le Roy) il estoit vn branc ioueur. Car il iouoit le tout, pour le tout: Voulant dire qu'il s'estoit mis au hazard de perdre cette grande somme, pour gagner le Royaume de France.

Pendant les Troubles quelqu'un luy disoit, que monsieur de Mayenne estoit vn grand Capitaine. Je le croy (dit il) mais j'ay tous les iours cinq bonnes heures sur luy: Voulant dire que pendant que monsieur de Mayenne, ou pour l'indisposition de sa personne, ou commodité de ses plaisirs, se dorelotoit dans son lit, il l'employoit en diligences, & vigilances contre luy.

Il estoit grand Roy, & neantmoins aucument retenu aux liberalitez, qui denoient sortir de sa bourse: au moyen de quoy vn Capitaine qui auoit suiuy sa fortune auparauant qu'il fust Roy de France, las de voir ses seruices estre mis sur vne table d'attente sans effect, deliberant de reprendre la route de sa maison, se presenta deuant sa Maiesté, luy remonstrant les grand seruices qu'il luy auoit faits sans en receuoir recompense: Et comme le Roy luy dit; Il ne faut point si longue harangue. Sire (dit l'autre) trois paroles tant seulement, Congé, ou Argent. Mais quatre respondit le Roy: Ny congé, ny argent: Et toutesfois ne le voulant perdre, quelques iours apres luy fit present d'une bonne somme de deniers, tiree de son espargne.

Le Seigneur de Giury, ieune Seigneur de belle & grande promesse, ayant à vn clin d'œil regaigné la ville de Corbeil, à la prise de laquelle le Duc de Parmes estoit demeuré six semaines : Et tout d'une suite s'estant Giury fait maître de la ville de Laigny. Le Roy qui l'aimoit comme celuy qu'il scauoit nourrir des nobles ambitions dedans son Ame; luy mande ce mot de lettre : Tes victoires m'empeschent de dormir : comme anciennement celles de Milciade, Themistocle. A Dieu Giury, voyla tes vanitez payees. Il scauoit que ce ieune guerrier brauasche, ne s'offenseroit de ceste parole, qui luy estoit escrite de la part de son Roy, qu'il scauoit fauorizer ses entreprises.

Ce que ie vous raconteray maintenant, iel'ay appris de monsieur le Marechal d'Aumont, lequel representant la sagesse militaire, & la magnanimité de courage qui estoit au Roy, nous recita en vne bonne compagnie où i'estois, que estant sur le point d'entrer en champ de bataille contre monsieur de Mayenne à Yury, le sieur Marechal de Biron pere, & les premiers Capitaines de l'armee du Roy ayants choisi place à propos pour venir aux mains le lendemain, le Roy ayant veu & entendu leur projet; changea du tout leur dessein : & par bonnes & fortes raisons leur ayant remonstré quelle estoit son opinion, ils passerent tout aussi tost par la sienne. Vray que l'un de la compagnie luy dict: Sire, en telles affaires on a accoustumé d'auoir vn lieu de retraite assésuré, en cas de malheureux succez;

Vous dites vray (repartit le Roy) I'y ay desia donné ordre; Parce que le champ auquel nous combatrons, sera le lieu de nostre retraite. Voulant dire, qu'il falloit ou vaincre, ou mourir, & qu'il ne vouloit suruiure à la victoire de son ennemy. Sentence qui n'a point sa pareille en toute l'ancienneté.

Comme il poursuiuoit sa victoire en ceste bataille d'Yury, voyant les ennemis en route, toute la parole qu'il auoit en la bouche estoit, Que l'on pardonnast aux François, mais non aux autres: parole certes digne d'un tel Roy.

Son espec dont il auoit fait merueilles, estant ebrechee en plusieurs endroits, esquels se trouuoit, que du sang, que des lopins de chair, que du poil: l'un de la compagnie voulant faire du bon valet le lendemain la luy representa. Mais tout aussi tost il commanda qu'on la raportast. Bon (dit-il) pour la chaude cole, mais non maintenant de sens froid.

Comme on luy eust raporté qu'un pauvre marchand papetier auoit esté pendu & estranglé dans Paris, par ce qu'il estoit estimé fauorizer le party du Roy: Apres en auoir eu quelque compassion: C'est (dit-il) un martyr d'Etat.

Au pour parler de paix qui fut faict en l'Abbaye de saint Antoine pendant qu'il tenoit la ville de Paris assiegee, grande noblesse François le suiuit, pour auoir part à ceste entreueüe; & l'Archeuesque de Lyon, principal entremeteur pour le party de la Ligue, voyant telle foule, dit au Roy; que la presse estoit merueilleusement grande. Je suis bien plus (dit-il) pressé par ma No.

blesse, quand ie me trouue en vne bataille.

Estant r'entré dedans Paris, & les affaires au-  
cunement raquoisees, les deputez de la preten-  
due Religion reformee luy demanderent quel-  
que chose, qu'il n'estimoit estre raisonnable, à  
laquelle partant il ne voulut condescendre : Et  
comme ils luy eussent dit: Sire, le feu Roy con-  
tre lequel nous auions porté les armes pour vo-  
stre seruice, nous l'accorda: Ie le croy (respon-  
dit-il) parce qu'il ne vous aimoit, ains craignoit.  
Et quant à moy, ie ne vous crain, ains vous ai-  
me: Et pour ceste cause ie vous accorde ce que  
de raison seulement.

En ce que ie vous racompteray maintenant,  
il y a plus de gayeté. Par l'Edict veriffié en la  
Cour de Parlement au mois de Feurier 1599.  
sur le reglement de la pretenduë Religion re-  
formee, il leur fut permis d'exercer leur Reli-  
gion à cinq lieuës pres de Paris: lesquels choisi-  
rent le village de Grigny, non seulement pour  
son assiette qui estoit pres de la riuere de Seine,  
& qu'on s'y pouuoit transporter par bateaux,  
mais aussi que celuy qui en estoit le Seigneur, es-  
toit l'un de leurs principaux faciendaires: tou-  
tesfois quelque tēps apres, se trouuans pendant  
l'Hyuer les iours courts, & qu'il estoit malaisé en  
vn mesme iour de fournir à leur allee, deuotiō,  
& retour; ils luy presenterēt leur requeste, affin  
qu'il pleust à sa Maiesté les aprocher de Paris, &  
que leurs Presches fussent de là en auant faits à  
deux lieuës de Paris: le Roy sur le champ escri-  
uit de sa propre main au dessous de leur reques-  
te ces mots: Desfenses à toutes personnes de



compter d'oresenauant de Paris à Grigny plus de deux Lieuës. Ce sage Prince pour n'offenser les Catholiques ne voulut si promptement enfreindre ce qui auoit esté arresté par son Edit: & neantmoins voyant son peuple s'apriuoiser à la longue l'un de l'autre, quelques années suivantes il leur permit de faire l'exercice de leur Religion au village d'Ablon, qui estoit les aprocher de deux Lieuës: & depuis encores au village de Charenton, où sans tumulte ils l'exercét encores aujourduy. Le temps fait passer en costume ce qui n'eust peu estre du commencement bonnement digéré.

Il estoit Roy qui au maniement de ses affaires d'Estat vouloit estre creu absolument, & vn peu plus que ses predecesseurs n'auoient fait: ayant enuoyé vn Edit au Parlement pour le veriffier, elle depescha quelques Seigneurs de sa Compagnie, pour luy remonstrer la playe qui se feroit à son Royaume passant cest Edit: le supliant vouloir prendre de bonne part leurs tres-humbles remonstrances faites par vne compagnie qui estoit son bras dextre. S'il est ainsi comme vous dites (respondit-il) vous me reconnoissez doncques pour vostre Chef, auquel il faut que la main dextre obeïsse.

Pendant les alées & venuës qui se faisoient entre Madame sa sœur (qui estoit de la pretendue Religion reformee) avec monsieur le Duc de Lorraine. La maison de Lorraine (dit-il) se vante auoir esté en partie cause que i'aye esté à la Messe, dont ie me trouue bien content. Je baille aux Lorrains ma sœur en mariage, qui les

fera peut estre aller au Presche: & ie nescay comme ilss'en trouueront.

Monsieur de Mayenne l'importunoit sur les assignations d'argent quiluy auoient esté promises, par les articles de sa capitulation: Disant n'en pouuoir estre dressé. A quoy le Roy se soufriaunt luy dit: Que de luy trouuer lors argét, il ne pouuoit, & qu'il aimeroit beaucoup mieux luy liurer encores vne bataille à Yury. Il auoit en ce lieu obtenu victoire contre luy: & à vray dire, c'estoit aucunement le picquer.

Vn Gentilhomme nommé Bertaut, qui pendant les Troubles auoit esté Lieutenant de la Compaignie de Monsieur le Marechal de Boisdaulphin, ayant esté condamné d'estre decapité par Arrest de la Cour de Parlement; le Marechal se presente au Roy, & par vne infinité d'importunitéz impetra de luy sa grace au preiudice de l'Arrest. Tellement que comme on estoit sur le point de mettre le condamné dedans la charrette pour le mener au gibet, vn Capitaine des Gardes du Roy accompagné de plusieurs Archers, vint en la Conciergerie pour l'enleuer, suivant l'exprés commandement qui luy auoit esté fait par son maistre. La Cour de Parlement de ce aduertie, delegue tout aussi tost monsieur le President de Thou pardeuers le Roy, pour luy remonstrer de quelle consequence estoit ce coup extraordinaire. Chose dont il s'aquita fort dignement en presence de monsieur de Bois-Daulphin. De maniere que le Roy combatu d'un costé par les

sages & honestes remonstrances du President; & d'un autre par les supplications du Seigneur de Boisdaulphin, finalement enclinant à la raison luy dit : Ce que me demandez, n'est ce pas pour l'amitié que portez à Bertaut? A quoy luy ayant respondu, que Ouy : Le Roy luy demanda; s'il ne l'aimoit pas autant que Bertaut. Sur celuy ayant derechef respondu que Ouy; & qu'il n'y auoit nulle comparaison de l'un à l'autre. Il faut doncques (repliqua le Roy) que laissiez faire ce qui est de Iustice : Car sauuant la vie à Bertaut, & luy conseruant son corps, vous me feriez perdre & mon ame, & mon honneur tout ensemble: Et sur cette conclusiõ fut l'Arrest executé, & Bertaut mené en la place de Greue, où il fut decapité.

Messire Philippe Huraut Chancelier de France estant inespérément decedé le xxx. de Iuillet 1599. en sa maison de Chiuerny proche de la ville de Blois, où le Roy seiournoit, monsieur de Villeroy Secetaire d'Estat en ayant eu les premieres nouuelles l'en vint tout aussi tost aduertir. Le Roy sans plus grâde deliberation mande soudain le Sieur de Bellieure, lequel arriué, est d'une mesme main fait Chancelier. Quelque heure apres le sieur de Rosny venant luy apporter les mesmes nouuelles de la mort du Chancelier, le Roy se soufriant luy dit, qu'il n'en estoit rien, & que s'il alloit chez le sieur de Bellieure, il trouueroit le Chancelier plein de vie; voulant dire, que le sieur de Chiuerny estoit mort, mais non l'Estat de Chancelier.

En la Conference qui fut faite deuant luy à

Fontaine-bleau entre le sieur du Perron Euesque d'Eureux:& le Seigneur du Plessi Mornay: sur quelques passages que l'Euesque soustenoit auoir esté alleguez & tronquez par le sieur du Plessi, cela ayant esté verifié en deux ou trois passages, par messieurs les Cômmissaires, le Roy en se gaillât luy dit, qu'il auoit oublié de mettre vn *Et cetera* de Notaire, à la fin de toutes ces clauses.

*Et cetera  
de Notaire*

Auparauant que d'estre r'entré dedans Paris, faisant son principal seiour en la ville de Tours, où il auoit estably ses Parlemét, Châbre des Comptes, & Generaux des Aides, pendant que ses affaires estoient en balance, quelque Seigneur qui entre les gens de Robbe longue ne tenoit peu d'autorité, s'estoit bloty és environs d'un Seigneur qui auoit sauf-conduit de l'un & de l'autre party:& depuis voyant les affaires du Roy luy reüssir, le vint trouuer en la ville de Tours iouant à la Premiere:& comme on eust dit au Roy, qu'il luy vouloit baiser les mains: Faites le monter (dit il) car puis qu'il vient, c'est signe que ie gagneray.

Et apres estre môté, & auoir salué le Roy, voulant s'en retourner, le Roy luy dit: Ne bougez, affin que soyez des miens si ie gaigne. Cette atache fut soigneusement recueillie par les assistants, qui depuis en sceurent fort bien faire leur profit.

Il ne prenoit plaisir aux longues harengues, ains vouloit estre gouuerné à bastons rompus: Vn iour sortant du iardin des Tuilleries pour aller disner, quelque Deputé de Prouince

l'ayant empieté, & commencé sa harangue par ces mots. *Quand Hannibal sortit de Cartage,* &c. Le Roy voyant que ce discours seroit d'une longue haleine luy dit: Lors que Hannibal partit de Cartage, il auoit dîné: & quant à moy ie m'en vay dîner. Et de ce pas laissa ce nouveau discoureur merueilleusement estonné.

Se trouuant avec vn sien Escuyer à la chassè, en la cassine d'un simple homme, il se fit apporter tout ce qui estoit pour le dîner du maistre de la maison: Et comme l'Escuyer voulut faire l'aislay, il luy dit; Qu'il n'en estoit de besoin: Par ce que cette Vianden'auoit esté aprestee pour luy.

Vn iour de Carnaval fut fait vn Ballet en la grande sale du Louure, dont la Roine estoit la premiere conductrice, suivie par huit ou neuf grandes dames, toutes ayants les Chefs entourez de plusieurs riches pierreries, & singulierement vne Dame, dont le mary estoit Superintendant des Finances: Aduint qu'un Suisse enyuré gardant la porte de la sale, tomba de son haut à la veuë du Roy: & comme quelque Seigneur luy eust dit, qu'il ne s'en falloit esbahir; Parce que ce Suisse auoit plusieurs pots de vin en la teste. Vous vous abusez (dit le Roy) voila Madame &c. qui en a beaucoup plus que luy sur la sienne: & neantmoins vous voyez comme elle demeure sur pieds sans trefbucher. Entendant par ces pots de vin les presents que cette Dame auoit receus d'uns & autres pour obtenir de son mary vne partie de ce qu'ilz



ce qu'ils desiroient.

Encores n'oublieray-je cette particularité. *Serments de trois Rois.* Nostre Roy Louys XI. auoit ce serment ordinaire en sa bouche, *Pasque Dieu*: François premier, *Foy de Gentilhomme*; & Henry IV. *Ventre-Saint-Gry*: Serment qui n'offensoit ny le Ciel ny la terre: & neantmoins qui estoit fort bien par luy entretenu, estant sorti de sa bouche.

Ce que ie vous ay cy dessus recité, est vne Histoire sans fin. Car ie m'assuré qu'il y a vne infinité d'autres rencontres que pourrez apprendre de ceux qui ont eu cest honneur del'approcher, luy faisant seruice. Que si peut estre on vous en fournit quelques autres, permis à vous de les adiouster à cette lettre, & à moy de n'estre marry d'auoir vn tel coadiuteur, me contentant que i'aye choisi pour mon lot en son Histoire, ce que ie voy estre negligé en nostre Histoire Françoisse. Car quant à ce qui regarde le haut point de sa Cheualerie & vaillâce, i'en laisse la tasche à vne main plus hardie que la mienne. Bien souhaité-je, qu'il y ait moins de temerité, que ie n'ay veu: D'autant que lors qu'il pleut à Dieu de l'appeller à soy, ie vy vne flote d'hommes qui à l'enuy l'vn del'autre, sous vne fantasque opinion de leurs suffisances, se mirent à celebrer ses loüanges, les vns en Prose, les autres en vers: la plus part desquels ie voulu honorer de ce Sonnet, qui n'a encores veule iour, que maintenant.

Contre vn tas d'Escrivains , qui celebrent , tant en Vers , que Prose ,  
les faicts heroïques de nostre  
Roy Henry le Grand.

## S O N N E T

**I**E louë en vous vrayement le bon zele,  
Non toutesfois vostre discretion,  
Lors que poussez de bonne affection,  
Représentez d'un grand Roy le modèle.  
Pour donner fueille à sa vie immortelle,  
Il vous falloit en ce preux Francion,  
Tirer les traicts de sa perfection,  
D'un autre Homere , ou Lysippe , ou Apelle.  
Ce fut le vœu du Macedonien,  
Les autres mains ne luy estoient qu'un rien,  
Rien qu'aurotons , que chiffres , rien qu'escumes :  
Lors que Henry est par vous blasonné,  
Je croy qu'il fut deux fois assassiné,  
L'une du glaine , & l'autre par vos plumes.

Car quât à moy, me recognoissant trop foible  
pour cest effect , ie me contenteray d'estre  
vn autre Thimante , & cacher sous le ri-

deau ce que ie pense ne pouuoir estre dignement representé sur le Tableau. Qui sera de vous faire part de cest Eloge, que i'ay tracé pour luy, pour closture de ceste mienne lettre. A Dieu.

---

## Henrici Magni Icon.

**R** Ex mihi par nullus, seu Graias, siue Latinas,  
 Seu tu Franciadum legeris historias.  
 Singula quæ reliquis miracula Regibus insunt,  
 Hac in me solo principe cuncta vigent.  
 Meme Lysippus fingat, me pingat Appelles,  
 Et sis historia scripior, Homere, mea.

*A Monsieur Valladier, Abbé de Saint  
 Arnoul de Metz.*

**N** E pensez pas, Monsieur le Braue, Il se plaint  
 en estre quitte pour vne simple re- à luy de ce  
 commandation de bouche, qui qu'il ne luy  
 m'a esté apportee par vostre neveu, auost escrit  
 au long  
 accompagnee de ce petit mot & non plus, Que comme sa  
 toutes choses vous sont succedees à souhait en reception  
 la prise de possession de vostre Abbaye. Quant auost esté  
 à moy, ie ne me paye en ceste monoye, ains veuX faicte en  
 son abbaye  
 vns Tite Liue, ou Tacite, qui me dechiffrent

parle menu l'ordre qui y a esté tenu depuis le commencement iusques à la fin: & tout d'une suite en quel menage vous estes avecques monsieur de Bon-ouurier, Gouverneur de vostre ville de Mets. Car ie souhaite en vostre fait mesler le spirituel & temporel tout ensemble. Ny l'un sans l'autre ne me peut contenter. C'est un aduis qu'en ce mot de contentement vous baille celui qui iouë en un mesme temps le personage de content & malcontent: Content de vostre heureux succès; malcontent que par une avarice de vostre plume, ne m'en ayez voulu faire part. Que si n'amandez cette faute, croyez que par cy apres au milieu de vostre grand heur, aurez en moy un grand ennemy. Qui ne sera pas une petite espine à vostre bonne fortune. A Dieu. De Paris en vostre maison ce xix. de May. 1614.

*A Monsieur de Raimond, Conseiller en la Cour de  
Parlement de Bordeaux.*

Commencement de  
plusieurs  
Sectes, &  
d'où pro-  
ceda celle de  
Luther en  
l'Eglise.

„ **T**oute la Terre (dites vous) viuoit en paix  
„ pour les Religions: Chacun dedans son  
„ destroit en repos, & en la foy de ses peres, &  
„ ne debatoit avec ceux de sa Loy, que pour l'e-  
„ tenduë des Empires & Principautez, quand à  
„ l'étreë du quinzième siecle, tout se desvint &  
„ diuisa en Sectes & Heresies, qui coururent tou-  
„ tes les contrees du monde en miseres, & desola-  
„ tions, l'Asie & l'Afrique, & l'Europe.

Observation certes tres-belle, à laquelle don-  
nant plus d'air, j'adiousterois volontiers, qu'il

semble que les Astres eussent voulu autrefois contribuer à ces grandes mutations. Ainsi voyons nous que l'Empereur Phocas, ayant ad-  
 jugé la superiorité de l'Eglise vniuerselle à no-  
 stre saint Pere de Rome, contre le Constanti-  
 nopolitain, qui par brigues & faueurs vouloit  
 emporter le dessus de hauteluite; quelque peu  
 apres le decez de Phocas, sous Heraclius son  
 successeur, Mahomet, le faux Prophete, in-  
 troduisit le masque d'une nouvelle Religion au  
 Leuant, dont il se fit chef de part : Comme si  
 par la proximité de temps de l'un à l'autre, quel-  
 que secrette influence des Cieux eust voulu es-  
 tre de la partie, en ce fatal changement de Re-  
 ligions. Non que la primauté de nostre Eglise  
 n'appartint indubitablement au saint Siege:  
 Mais elle luy auoit esté auparauant disputee par  
 quelques Prelats, & singulierement par celuy  
 de Constantinople, iusques à ce que Phocas par  
 son decret luy ferma la bouche.

*Le Pape de  
Rome de-  
claré chef  
de l'Eglise  
vniuerselle.*

*Mahomet  
introduit sa  
Secte.*

I'adiousteray encores à vostre discours par  
 maniere de remplissage, que dedans la mes-  
 me centaine d'annees dont parlez, qui est l'an  
 mille cinq cents, se trouuerent en matiere de  
 sciences trois grands hommes (appelez les In-  
 nouateurs, ou heretiques, si voulez) qui voulu-  
 rent troubler l'ancienneté. Copernique dedas  
 l'Allemaigne, en Mathematique, qui par nou-  
 uelles demóstrations voulut faire accroire, que  
 la Terre estoit mobile, le Ciel immobile, la  
 Lune chaude, le Soleil froid, & plusieurs autres  
 telles propositions paradoxes: paracelse qui par  
 nouveaux principes de Medecine, incognus à

*Trois  
grands  
Innoua-  
teurs au  
Siecle  
1500.  
Coperni-  
que, & ses  
opinions  
paradoxes.*

*Paracelse.*



*Ramus.*

Hipocrat & Galien, quoy que soit, non par eux touchez, fit vne infinité de grandes & extraordinaires guerisons. Et dedans cette Frâce la Ramée, dit ramus, qui par Liures exprés en la Logique voulut censurer la doctrine d'Aristote, receuë & aprouuee d'un long temps par toutes les Vniuersitez. Et combien que les affaires ne reüssirent au premier selon son souhait, toutesfois le second a produit aux pais de Suisse, & d'Allemagne plusieurs Paracelsites, qui font contre-teste à l'ancienne medecine, & encores en quelques endroits de la Frâce: Comme aussi le dernier, des Ramistes en certains lieux de l'Allemagne, où les Precepteurs ont quitté la lecture d'Aristote, pour s'atacher à celle de Ramus.

*Sectes di-  
uerfes en  
la doctrine  
de Mahom-  
met.*

Mais pour ne sortir des termes de la Religio, c'est vne chose emerueillable, qu'en ces derniers remuemens, il y auoit eu mesmes rencontres en l'une & l'autre Religion, qui ont vogue par cest Vniuers. En la Turquesque, ils auoient vescu neuf cents ans sous la doctrine de Romar, l'un des principaux disciples de Mahomet, iusques en l'an 1500. & lors en moins de quinze ou seize ans se trouuerent deux trouble-mesnages, Ismael en l'Asie, Amether en l'Affrique, lesquels meslants les armes, & la Religion tout ensemble, tout ainsi que Mahomet, introduisirent deux nouvelles Sectes, entees sur la leur ancienne. Celuy-là embrassant la doctrine de Hali, autre disciple de Mahomet, qui luy atouchoit de proximité de lignage. Cettuy cy, sur vne abondance de sens, qu'il pensoit estre en

lay, soustenant qu'il se falloit arrester à l'original des escrits de leur grand Prophete, & non aux traditions, de Homar, ou Hali. Et sous ces nouveaux pretextes, le premier se donnant la qualité de *Sophi*, c'est à dire *Interprete*, & *truchement de la volonté de Dieu*; & le second, celle de *Cherif*, qui est à dire, *Prestre de Dieu* (qualitez *Sophi & Cherif, & significatio de ces mots* qu'il transmirent à leurs successeurs) le firent Rois; l'un de la Perse & autres pais circon-*Qui se font Rois.* voisins, l'autre de la plus grande partie de l'Afrique. Mutations qui commencerent d'arriuer, selon vostre supputation, l'an mil cinq cens, & selon celle de maistre Jean le Maire de Belges, l'an mil cinq cens trois. Mais de s'arrester en si peu de temps, c'est epinocher en l'Histoire.

Ne penlez pas qu'au remuement de nostre Religion, qui commença vers l'an 1517 il n'y ait eu parcillement deux nouvelles Sectes, la *La Secte Lutherienne* qui s'ataqua contre le Saint Siege, & vne autre, laquelle faisant selon les aucuns profession; selon les autres, contenance de *contre le S. Siege, & vne autre pour luy.* soustenir le Saint Siege, mesle en soy faisant riche, le meurtre, l'Estat, & la Religion tout ensemble: dont ie n'enten maintenant vous gouverner, ains seulement de la Luterienne. Quand ie vous dy, la Luterienne, j'enten toutes les autres qui se sont entees sur elle.

Or sont tous nos Historiographes d'acord, que ce nouueau Trouble s'excita en haine de *La Secte Lutherienne en haine de la Croisade.* la Croisade, publiee par le Pape Leon X. & que celuy qui remua premier cette querelle à face ouuerte, fut Martin Luther. Et tout ainsi

qu'il bigarra nostre Religion, aussi le trouuét nos Hiltoriens bigarrez en l'Histoire de luy. Si ie parle à Sleidan, cefut vn grand Prophe-  
te de Dieu. Si à vous, ce fut vn tresmeschant  
homme, qui selon vostre opinion familiarizoit  
auecques le diable. Le mesme Sleidan d'une  
plume partiale, commence son Histoire, par la  
publication de la Croisade, sans en declarer le  
motif; cōme si c'eust esté seulement vn appast,  
pour tirer argent des consciēces timorees, sous  
la crainte, & aprehension du Purgatoire: Et  
vous la fondez sur vn bon enclin estably sur  
vne Sainte Ligue qu'on brassoit sous le nō de  
la Croisade contre le Turc; Reietant la male-  
façon, non sur l'ordinateur, ains sur les exe-  
cuteurs d'icelle. Et combien que ie ne puis-  
ser rien adiouster à ce qu'en auez doctement es-  
crit, toutesfois ie vous prie prendre de bonne  
part ce que i'enten vous deduire, non par  
forme de suplement, ains seulement de com-  
mentaire.

*La Croisade  
de preschee  
sous Leon  
X.*

Entre toutes les notables sentences de l'an-  
cienneté, ie fay grand compte de celle de no-  
stre Saint Iean Chrysosthome, quand il fit vn  
brief traité, pour monstrier que nul de nous  
n'est blessé que par soy mesmes. A la verité  
nous deuons detester l'heresie de Martin Lu-  
ther, qui s'aheurta contre le S. Siege, ie n'en  
fay doute. Mais aussi que le Pape Leon ait esté  
le premier & principal instrument de ce diuor-  
ce, ie le tiens pour tres-assuré, vous priant de  
m'excuser, si aucunement ie vous contreuens  
en cecy. Et neantmoins il ne faut pas digerer

*Nul n'est  
blessé que  
par soy-  
mesme.*

cette Histoire cruëment en sa desfaueur, de la façon qu'a faict Sleidan. La verité est, qu'apres *Selin em-  
pietel'Em-  
pire d'O-  
riens sur  
son pere &  
son frere, &  
ses conque-  
stes.* que Selin eut empieté l'empire de Constantinople sur Bazahits son pere, au preiudice d'Achomat son frere aîné, rien neluy estant impossible au fait des armes, & ayât tout d'une suite desfait en bataille rangee le Sofi, pris la grande ville Tauris sur luy, vny à sa Couronne l'Egypte, la Surie, & autres païs, le Pape Leon craignant qu'en vn conflux de si grandes fortunes il se voulut faire voye dedás la Chrestienté, commença, comme sage Pere, de solliciter tous les Princes Chrestiens ses enfans, à vne concorde generale, pour tourner toutes leurs pensees & forces contre ce nouveau conquereur, ennemy profés de nostre Religion Chrestienne. En quoy sa sollicitatiõ *Occasion de  
la Croisade.* luy succeda si à propos, qu'il fit entr'eux vne trefue de cinq ans, avec vn ferme propos de se ioindre tous ensemble pour le soustènement de nostre foy. Sur ces arrhes le Pape pour faciliter l'entreprise, fait publier vne Croisade par toute la Chrestienté; Qui estoit vn Pardon general à tous ceux qui cõtribue- roient deniers pour le defroy de cette Sainte Ligue, tât pour eux, que pour racheter de Purgatoire, les ames de leurs parents & amis trespassez. Belle & louable promesse. Car parlant avec tout honneur de l'autorité du S. Siege & sans vouloir forciller contre le Soleil, nous deuõs tous estimer, *Bonis auspiciis ea fieri, quæ pro Reipublica salute fiunt.* Et vraiment celuy eust esté vn grand sot, que ie ne die enragé, qui eust

lors voulu aiguïser son esprit contre ce decret en vne si iuste querelle : mais ce qui suruint depuis gaste tout.

*François I.  
& Charles  
V. briguent  
l'Empire.*

*Croisade  
que signifie.*

*Deniers  
mal dis-  
peusez.*

Dieu regardant d'un œil de pitié son peuple, nous garantit par la mort de Selin de la crainte qu'auions de luy. D'un autre costé l'Empereur Maximilian alla de vie à trespas, & par son decés se planta aux cœurs de deux grands Princes, François premier de ce nom, Roy de France, & Charles Roy d'Espaigne, petit fils du defunt, vne nouuelle ambition ; non pour conquerir par armes l'Empire de Constantinople, mais bien celuy d'Allemagne, par brigues : & deslors les Princes Chrestiens mirent en nonchaloir leur premier dessein. Que si avec les morts de Selin & Maximilian, l'auarice fut pareillement morte dedans Rome, indubitablement les affaires de nostre Eglise fussent demeurees en leur calme. N'estant plus question de se croiser contre le Turc, il falloit aussi oublier la cueillette des deniers qu'on faisoit pour suruenir à la Croisade. C'est le mot dont nous baptizons les voyages qu'entreprenons contre les infidelles. Toutesfois mettants l'honneur de Dieu sous pieds, ceux qui commandoient aux opinions de Leon, Pape facile & debonnaire, luy firēt exercer liberalité de ces deniers. premierement enuers vne sienne sœur, qui en eut le plus grand chateau, comme nous aprenons de Guichardin ; puis enuers vns & autres Princes. Il n'est pas que quelque plume mesdisante n'ait escrit, que nostre Roy François eut part au gasteau. Alors se tourna ce grād



pardon en party; Se trouuans quelques Prelats principaux entrepreneurs, qui faisoient la maille bonne: Sous lesquels y auoit quelques partisâs, qui scauoient ce qu'ils leur deuoient rendre pour les Prouinces qui leur estoient departies. La procedure que ces Messieurs obseruoient, *Procedure obseruee en la cueillette des deniers de la Croisade.* allants faire leurs questes, estoit de commencer en chaque Parroille par vne Procession, sous la conduite du Curé, ou de son Vicaire, suiuite d'une celebration de grâd' Messe du Saint Esprit, qui se fermoit par le Sermô d'un Charlatan, lequel estaloit aux Parroissies, de quel fruit estoit le merite de ce grand Pardon, tant aux viuants, qu'aux morts, plus ou moins, selon le plus ou le moins qu'on cōtribuerait de deniers. Et lors le pauvre peuple ouuroit sa bourse à qui mieux mieux pour participer à vn si riche butin. Ce fut vn Orpire que celuy de Toulouze, qui cau-  
toit seulement la mort à ceux qui le manioient:

Mais cetuy fit mourir en plusieurs contrees & nations, la Papauté, principal ioyau de nostre Eglise: & en outre se fôdit és mains de ceux qui le manierent, sans qu'ils en tirassent iamais profit. Faiçtes tant d'Ordonnances qu'il vous plaira, pour tenir en bride la mesdisance contre les Grands; toutesfois il est malaisé que la patience n'eschappe à quelques esprits deliez, si le Prince ne met le premier quelque bride à ses opinions: Et sur tout c'est vn priuilege special des chaires dedans les Eglises, de se desborder aisément contre les abus sans acception, & exception des personnes. Quelques Prescheurs d'Allemagne, où ce trafic se mesnageoit, n'ou-

*Premiers  
Presches de  
Martin  
Luther.* blierent ce mestier, & sur tous Martin Luther, Religieux del'Ordre de Sainct Augustin, s'en atquita dedans la ville de VVittemberg, pais de Saxe. Il cria du commencement contre les Col-lecteurs, qui reuestoient leur detestable auarice de la Messe du Sainct Esprit. C'estoit vn louable aduis baillé aux Romains de ce qu'ils auoient à faire. Mais en vain: car il preschoit à oreilles sourdes. Tout cela ne regardoit que l'abus; mais voyant vne continue en eux, le Diable prit occasion de se mettre de la partie; & adonques Luther mettant ses opinions à l'effor, commence de fraper au tige, & laisser les branches: Soutenant qu'il n'estoit en la puissance du Pape de distribuer les Indulgences & Pardons. Encores falloit il peu d'eau pour esteindre le commencement de ce feu. Par vne suppression de ceste leuee de deniers, Luther se fut delà en auant trouué louché. Au lieu de cela; on commence de iouer des plumes, pour le soutienement de l'autorité du S. Siege. Je loue la deuotion, mais non la prudence de ceux qui prindrent ceste querelle en main: Car combien que Luther fust d'un esprit frelaté, si n'auoit il assez de fôds, ny de doctrine tres-fonciere pour se donner vne si grande part en teste: Comme d'un autre costé le Pape n'estoit assez fort pour autho- rizer, & donner vogue à vn si grand abus. Et qui deslors à petit bruit eust par vn sage desau- ueu, reietté la faute sur les Collecteurs, & reuo- qué leurs Commissions, sans entrer en plus grande cognoissance de cause, c'eust esté vne chaste morte, & eust ce petit Moine sans y pen-

*S'ataque  
au Pape.*

fer perdu, son escrime. *Spreta exolefcunt.* Mais comme il aduient ordinairement, que les grands ne manquent iamais de flateurs qui les secondent en leurs opinions, bonnes ou mauuaises, aussi se trouuerent quelques escoliers qui sous la qualité de Theologiens, soustindrent la querelle du Pape, donnants subiect à vn Moineau de se faire Aigle, aux despens de la reputation du saint Siege; Et entre autres vn frere Pieras Syluestre del'Ordre de saint Dominique, demeurant à Rome, se mit sur les rangs. Tellement que deux Moines, l'vn Augustin, l'autre Iacobin, entrent en lice, s'attachants aux extremittez. Celuy-là voulant terrasser la grandeur du Pape, & la reduire au pied des autres Euesques en & au dedans leurs limites : Cestuy-cy au contraire, luy donnant toute puiffance & autorité, non seulement sur les Patriarches, Archeuesques, & Euesques, mais aussi sur le Concil general & œcumenique : Qu'il luy suffisoit de dire, *S'il me plaist, il me loist* : & qu'il falloit considerer; non ce que les Papes font, mais ce qu'ils font. Partant on ne pouuoit tirer en enuie ceste Croisade & recolte de deniers, de quelque façon que on la voulust prendre.

*F. Pieras Syluestre en quels termes respond à Luther en faueur du Pape.*

Or comme l'heresie est proprement en nos Ames, ce qu'est vn chancre en nos corps, quiles rongnonne petit à petit iusques à la gangrene; aussi ceste desobeïssance contre le chef se glissa & espandit sur les autres parties du corps general de nostre Eglise, & allerent nos nouueaux Chrestiens rechercher l'heresie de Iean Hus, qui s'estoit blotie en vn recoin de Boheme, de-

*L'heresie de Iean Hus renommee.*

puis la closture du grand Concil de Constance. Et qui plus est, de la plume auantcoureuse de ceste horrible tragedie, on en vint puis apres aux armes, chacun pour le soustenement de sa foy : Principal instrument dont Dieu permet que le Diable s'aide, quand en haine de nos pechez, ou de nos Superieurs, il veut affliger son Eglise. Vous sçauiez les guerres qui sourdirent tant en Allemagne que France. Ie vous prie mettre la main sur vostre conscience, & me dire à qui on doit le premier plant de ceste ruine, sinon à celuy qui pour abuser de sa dignité, donna subiect, non de la bouleuerfer tout à plat, ains d'y faire vne grande bresche : Comme de faict vous auez depuis veu vne grande partie de l'Allemagne, & des Païs-bas, vnes Angleterre, Escosse, & autres contrées s'estre soustraictes de son obeïssance. Voire que nostre France mesmes a balancé, & a esté entre deux fers pour cest esgard. Chose dont iene m'esbahy. Sca' vous pourquoy ? Le Pape Leon se remettant deuant les yeux le grand desarroy qui luy estoit suruenü par la Croisade, deuoit estre de là en auant plus retenu en ses actions, qu'il n'auoit esté par le passé. Le fut-il ? Non vraiment : Au contraire, si ie l'oze dire, il se comporta de mal en pis. Nous auions en ceste France la Pragmatique Sanction, nerf tres-fort & tres-certain de nostre discipline Ecclesiastique, qu'il auoit auparauât supprimee en la ville de Bolongne la Grasse par le Concordat faict entré luy & nostre Roy François premier de ce nom. Se mit il iamais

en deuoir de vouloir estancher ceste playe ,  
 par ceste nouuëlle police ? Il tourna en affaires  
 d'Estat les Elections des grandes dignitez de  
 nostre Eglise : mesnage du saint Esprit , pre-  
 mierement mis en œuvre par les Apostres , en  
 la personne de saint Mathias , au remplaçe-  
 ment de l'Apostolat de Iudas , & depuis suc-  
 cessiuement continué à l'honneur de Dieu de-  
 dans son Eglise. Auparauant les Abbez & *Desordre*  
 Religieux estoient d'une mesme parure , vi- *arrivé au*  
 uoient ensemblement tant en prieres enuers *fait des*  
 Dieu dedans leurs Eglises , qu'en estudes com- *Abbayes.*  
 munes dedans leurs Cloistres. Et si la deu-  
 otion en l'un ou l'autre leur manquoit , pour le  
 moins les Abbez demeurans sur les lieux , les  
 entretenoient en bon & suffisant estat. De-  
 puis par ce nouveau desordre , ayants tourné  
 l'ancienne Regularité en Commande , & d'un  
 Abbé fait un abus , le Magistrat politic ne  
 craint rien tant , que de voir l'Abbé , & ses Re-  
 ligieux faire maison , & table communes : Par  
 ce que le Superieur seruiroit de tres-mauuais  
 exemple à ses inferieurs. Et faut que nos mo-  
 nasteres soient par ce moyen acephales , &  
 sans leur principale teste : Car qui leur baille-  
 roit un Proto-Notaire pour chef & conduite ,  
 Proto-Notaire , dy-ie , entouré de cheuaux , de  
 chiens , de valetailles , & peut estre de quelque  
 engeance de pis , ce seroit former un monstre ,  
 tout ainsi que le peintre mettant sur un corps *Custodi-*  
 humain , l'encouleure d'un cheual. Et comme *nos Es*  
 d'un abisme on tombe aisément en un autre , *conomes.*  
 aussi les Princes seculiers ont sur ces Cômades



basti, tantost des œconomes, tâtost des Custodinos & depositaires, la plus part gës de nulle valeur, qui sous de grâdes soutanes, & bônets à l'Espiscopale, gardent les Eueschez & Abbayes, qui à vn Capitaine & guerrier, qui à vn huguenot, qui à gens mariez, qui à vne Dame, voire paraenture vne garce. Et passants outre, les Eueschez, Abbayes, & autres benefices se vendent selon les rencontres, au plus offrant & dernier encherisseur. Chacun de nous voit cela: Si ne le voyons, tant y a que c'est vn mesnage non caché à Dieu. Et nous au milieu de ceste generale desbauche, nous pensons exterminer l'heresie par nos escrits, & nos cris: emporter le dessus par paroles, combatans contre nous par effect? Quant à moy, ie ne pense pas qu'il se puisse aisément faire. C'est faire gerbe de fouarre à Dieu: & c'est aussi la main de Dieu qui nous touche. Pour restablir nostre Eglise à son vray point, il faut que celuy qui en a les Clefs, ouure le premier la porte, dont il a brouillé la serrure. A Dieu.

*An Pere*

*A nostre Maistre George Froget, Docteur en Theologie, Curé de saint Nicolas du Chardonneret, Chanoine de la Sainte Chapelle de Paris, son Curé.*

**L**y a six sepmaines & plus, que tant pour l'indispositiō de ma persōne, que du tēps, ie suis contraint de garder la chambre. Sain-  
 neantmoins (graces à Dieu) de l'esprit, tout ainsi que par le passé. Prison que i'ay supportee avec vne patience non desagreceable; mais qui ce iourd'huy commence de m'eschaper, de tant qu'en ceste grande & sainte feste de Noël, ceux qui se donnent quelque iurisdiction sur ma santé, ne me permettent de sortir pour plusieurs raisōs, & entre autres, que ie suis vn corps fellé, qu'il faut conseruer pour durer. Mais ie crain qu'en le voulant cōseruer, ils perdent l'Ame. C'est pourquoy pour supleer ce defect, & auoir part à vos bonnes prieres, comme celuy qui est present, sinon de corps, pour le moins de cœur, ie vous enuoye mon offrande par ce porteur, & d'abondant ces six vers, pour me seruir d'exoine enuers vous. Sous protestation toutesfois, si me le cōmandez, de brizer ma prison, que ie vous obeïray, nonobstant la crainte de pis, dont me menasse mon Medecin. A Dieu. Ce iour de Noël 1613.

*Estimerez vous que mon Ame,  
 Encoure enuers Dieu quelque blâme;  
 Quand pour ne la sortir du corps,  
 Les Medecins qui m'environnent*

Tome II.

Qg

*Il s'excuse  
 sur l'aduis  
 de son Me-  
 decin de  
 ce qu'il  
 ne peut sor-  
 tir pour la  
 iour de  
 Noël.*

*Tous d'un mesme conseil ordonnent*

*Que ie ne sorte aussi dehors.*

Vostre, ie n'oze dire bon Paroissien pour les eclipses que ie vous fay, ains asseuré amy Pasquier: & au surplus pour ne demourer oiseux en ma chambre, ie vous enuoye quelques meditations spirituelles, par moy faites, afin que m'en donniez vostre aduis, pour puis vous faire part des autres.

*A Monsieur George Froger Docteur en Theologie,  
Curé de Saint Nicolas du Chardonneret  
Chanoine de la Sainte Chapelle  
de Paris, son Curé.*

*Discours en  
forme de  
Medita-  
tions sur  
l'histoire  
des quatre  
Evangeli-  
stes, & ce  
que chacun  
a traité  
particulie-  
rement.*

**V**Oyant ces iours passez s'aprocher la feste de Noel, j'ay releu nos quatre Euan- gelistes, avec telle diligence & deuotion que le temps, & le subiect desiroient: & si ie ne m'abuze, combien qu'ils ne doiuent estre reputez que pour vn, si me semblent ils auoit partagé entr'eux diuersement leurs fonctions. Car comme ainsi soit, qu'en la Sainte Histoire de nostre Sauueur Iesus-Christ, il y ait quatre traits Paradoxes, sa Natiuité, Passio & Resurrection, & Ascension. Je trouue que nous deuons principalement le discours de sa Natiuité à Saint Mathieu, & saint Luc: la Passion & Ascension à tous quatre, & la Resurrection sur tous les autres à saint Iean.

*Recit de la  
Natiuite de  
Iesus-  
Christ par*

Je reprendray les arrhements de la Natiuité. Saint Luc prend son theme de plus haut. Par ce qu'il raconte comme l'Ange Gabriel apparut à Zacharie, lors grand Pontife, & luy pre-

dit, que'encores que sa femme Elyzabeth fust hors d'aage d'auoir enfans, meſme que par commun ſobriquet, elle fust appellee Brehaigne, toutesſois dedans quelques mois elle acoucherait d'un enfant qui ſeroit remply du ſainct Eſprit, & porteroit le nom de Iean. De là il recite l'ambaffade que le meſme Ange fit à la Vierge Marie, de la Conception de noſtre Redempteur, ſans operation charnelle: puis l'entreueüe d'elle, & d'Elyzabeth ſa couſine eſtant enceinte, de laquelle le ventre commença de ſauteler, comme ayant ia ſon fruit quelque ſentiment de l'honneur qu'il deuoit porter à celuy de la Vierge: les actions de grace que la Vierge fit à Dieu, lesquelles nous celebrons tant en noſtre Eglise ſous le nom de *Magnificat*; la naiſſance de ſainct Iean Baptiſte, puis celle de Ieſus en Bethleem: l'aduis qu'en eurent les Paſteurs par l'Ange, & comme de ce pas ils le vindrent adorer: Le recueil fait par le bon homme Simeon lors de la Purification de la Vierge: Et là il ſe ferme pour cet eſgard.

S. Mathieu ayant auſſi pris pour ſon lot le meſme ſujet, nous touche quelques autres particularitez: Que Ioseph fiancé avec Marie ayât aperceu ſa groſſeſſe, fut en opinion de la repudier; mais qu'il en fut deſtourné par l'Ange. Que les trois Mages vindrēt adorer du Leuant, l'enfant nouveau né, ſous la conduite d'une Eſtoile: Que paſſants par Hieruſalé; le Roy Herode entendit d'eux le motif de leur venuë, auquel ayât promis de le reuoir à leur retour; & luy auoir failly de promeſſe, ce cruel tyran fit vn general

*S. Luc, &  
en quel or-  
dre.*

*Par S. Ma-  
thieu.*

*Occaſion  
du maſſa-  
cre des In-  
nocens.*

allaſſinat de tous les enfans de Bethleem & des environs de l'aage de deux ans, & au deſſous: Que lors Ioseph fut par inspiration diuine, conſeillé en ſon dormant, de prendre la route d'Egipte, & de s'y habituer pour cuiten cette barbaresque fureur: ce qu'il fit: & que depuis ſur meſme aduis, apres y auoir ſeourné quelques ans, il retourna en la Paleſtine, Herode eſtant decedé: Et là pareillement finit S. Matthieu, ce qui cōcernoit le temps de la naiſſance de noſtre Seigneur.

Mais, ie vous prie, dite moy; ne trouuez vous point eſtrange; que Sainct Iean le bien aimé & grád Secrétaire de Dieu n'ait rien touché de cette grande & paradoxe Natiuité de ſon maître? le dy vous, qui eſtes François, & qui ſcauez avec quelle allegreſſe nous recueillons dans nos Eglises ce ſainct myſtere? Ie vous diray ce que i'en penſe, & peut eſtre ne trouuez vous ma Philoſophie Chreſtienne hors de propos. Tout ainſi que S. Iean ſurueſquit d'un lōg téps tous les Apoſtres, & Euangelistes (car il ataignit l'Empire de Traian) & qu'il mit le dernier la main à la plume: auſſi ſemble il ne l'y auoir miſe que pour ſuppleer le deſaut des autres. De façon que qui apelleroit ſon Euangile, le ſuplement des autres Euāgiles, ie penſe qu'il ne s'abuſeroit. D'autāt qu'il nous a enſeigné ce qui auoit eſté par eux obmis: & ſemble de propos delibéré obmettre, ce qui auoit eſté par eux diſcours, ſi ce n'eſt pour y adiouſter certaines particularitez de marque qui apartenoïent à cette Saincte Hiſtoire, leſquelles auoïent

*L'Euangile de S. Iean eſt comme un ſupplément des autres.*



esté par eux oubliées.

Nous luy deuons en particulier la transformation de l'eau en vin, la uisitation de Nicodemus vers nostre Seigneur, où le S. Sacrement de Baptisme fut confirmé tant de parole, que d'effect. Car c'est où vous trouuerez par exprés que Iesus-Christ & ses Apostres baptizoiet. Ce qui n'est point aux trois autres Euangelistes: l'accusation & absolution de la femme adultere: la Resurrection du Lazare, apres auoir esté mis quatre iours au tombeau, vraye pourtraicture de nostre Resurrection: Les embusches diuerses faictes à nostre Seigneur par les Pharisiens, sans y pouuoir donner atteinte, parce que son heure n'estoit encores venue: plusieurs beaux Sermons qui ne se trouuent aux autres.

*Et les my-  
steres qu'il  
a de parti-  
culier.*

Au contraire, vous ne trouuez dedans luy, ny la Natiuité de saint Iean Baptiste, ny sa prison, ny sa mort, ny les iugemens que les Iuifs faisoient de luy, ny la tentation du Diable faite à nostre Seigneur au desert, ny le Sermon des Beatitudes, ny la Transfiguration, ny plusieurs miracles, ny l'institution du Saint Sacrement del'Autel lors de la Cene, ny les prieres faictes au Iardin d'Oliuet par nostre Seigneur, auant sa prise; ny le faux & traistreux baiser de Iudas, ny son desespoir, ny sa mort; ny les grands miracles qui aduindrent lors que nostre Sauueur Iesus-Christ esté du en l'arbre de la Croix pour nos pechez rendit son esprit à Dieu son Pere; Que le voile du Temple fut miparty, que la Terre trembla, le Ciel s'obscurcit l'espace de

*Mysteres  
qu'il a ob-  
mis.*

*Et pour-  
quoy.*

deux heures, les pierres se fendirent d'elle mesmes, comme si le Ciel & la terre eussent esté estonnez, ny que les corps morts des preudhommes & gens de Dieu se releuerent de leurs cercueils, & apparurent à plusieurs lors de la Resurrection du Seigneur, comme sentants quelque allegresse du bien qui leur estoit venu par la Passion. Tout cela est obmis par S. Iean. & pourquoy doncques? Par ce qu'il auoit esté assez amplement discouru par les trois autres Euangelistes. Et sur ce mesme dessein il ne voulut à mon iugement, raconter l'Histoire de la Natiuité de nostre Seigneur & Redempteur Iesus-Christ, pour auoir esté amplement discouruë par S. Mathieu, & S. Luc. Mais pour recompense, comme celuy qui estoit le bien aimé de son maistre, & auquel par vne singuliere prerogative Dieu auoit mis semences de la cognoissance de sa Deïté, il explique en peu de paroles l'energie de cette Natiuité d'un si haut sens par l'Incarnation du Verbe, qu'il n'y a Euangile qui soit plus solemnizée que cette cy laquelle mesmes nous employons de toute ancienneté pour generale closture de nos messes.

*Et ceux  
qu'il a ra-  
conté apres  
s autres.*

Toutesfois voyons, s'il vous plaist, ce qui fut touché par les autres, dont cettuy cy a voulu faire aussi mention. Vous trouuerez qu'il parle comme eux du Baptisme de nostre Seigneur par Saint Iean Baptiste, au fleuve de Iordain. Auquel il adioute le tesmoignage que ce grand Prophete fit de luy, quand par deux fois le voyant passer, il dit : *voila l'Agneau de Dieu, qui est venu pour effacer les pechez du Monde.* Paroles

depuis recueillies d'une telle deuotion par nostre Eglise, que nous les employons aux prieres ordinaires de nos Messes. Il remit sur le mestier l'Euangile de la Samaritaine, mais ce fut parceque les trois autres Euangelistes auoient oublié ce beau pour parler qui fut pres de la fontaine, entre Iesus-Christ & elle, tant celebré par nos Predicateurs dedans leurs Chaires. Il fait mention de la guerison du Paralytic: D'autant qu'il voulut adiouter les Miracles qui se faisoient tous les ans en la Piscine, par l'Angelors qu'il venoit troubler l'eau. Il parle des cinq pains & deux poissons, dont cinq mille hommes furent miraculeusement rassasiez: mais c'est pour nous monstrier que c'estoit la figure du S. Sacrement de l'Autel. Et de fait à la suite de cecy, il adioute le beau sermon que Iesus-Christ fit aux Iuifs à cest effect. Chose que S. Iean explique d'une si profonde Theologie, que nous auons principalement recours à cette Euangile aux prieres de nostre Eglise, quand il est questiō de la celebratiō de ce S. Sacremēt, comme en estant le vray & fidelle Commentaire. Le semblable est il du banquet où Marie Magdelaine oignit de baume les pieds de nostre Seigneur: Histoire qui auoit esté racōtee par les autres, mais si ainsi le faut dire, en nuage, au regard de ce que nous en aprenons de S. Iean: Qui nous enseigne que ce fut en la maison de Marthe, & que le Lazare, n'agueres ressuscité, y estoit. Et de là mesme nous auons le premier aduis que Iudas estoit le gardien de la bourse.

*Particula-  
ritez, re-  
marques  
par S. Iean  
en la Pas-  
sion.*

Or quant est de la Passion, nous sommes particulierement redeuables à saint Iean, du laue-  
ment des pieds des Apostres, apres la Cene, &  
de la belle consolation que leur fit nostre Sei-  
gneur, apres auoir repeu, les aduertissant des  
afflictions qu'ils auroient pour le soustenemēt  
de son nom & de sa foy; la force qu'ils y de-  
uoient apporter. Et par mesme moyen leur ou-  
urant plusieurs obscuritez du Royaume des  
Cieux incognuës au commun peuple. Que  
les Iuifs venants pour le prendre, au premier  
mot qu'il leur dit, tomberent jambes reuerfes:  
Que ce fut saint Pierre qui couppa l'oreille à  
Malcus: Car les autres n'auoient ozé le nom-  
mer, pour le respect & reuerence qu'ils luy por-  
toient: Que la Vierge Marie assistant avec S.  
Iean à la mort & Passion de son fils, il leur en-  
ioignit, à elle de le tenir pour son fils, à luy de  
l'honorer comme sa propre mere: Et pour ac-  
complissement, c'est luy seul qui nous a ensei-  
gné, qu'apres que Iesus-Christ eust rendu l'A-  
me à Dieu son pere, vn soldat ayant percé son  
costé d'un coup de Lance, il en sortit eauë, &  
sang. Là il clost l'histoire de la Passion. et là aus-  
si par vn sens mystique s'ouure la porte de no-  
stre salut; Parce que les deux principaux my-  
steres de nostre Eglise sont, celuy du Baptisme,  
qui se fait par eau, & celuy de l'Eucharistie, qui  
est basti sur le sang de nostre Seigneur.

*Il recite  
plusieurs  
choses de la  
Resurre-  
ction, où*

Mais sur tout, nous auons particuliere obli-  
gation à S. Iean de ce qui apartient à la Resur-  
rection. Car s'il vous plaist y prendre garde de  
pres, vous trouuerez les trois autres y auoir

esté vn peu courts au regard de luy, qui semble *les autres*  
s'estre voulu expressément reseruer ce discours; *estoit de-*  
comme celuy aussi qui en reçut les premieres *meurez*  
nouuelles, avec saint Pierre, par Marie Mag- *courts.*  
deleine: & lequel accourut le premier au se-  
pulchre pour scauoir ce qui en estoit. C'est luy  
dont nous aprenôs, que Iesus-Christ ressuscité  
apparut premierement à cette vertueuse Da-  
me, habillé comme vn Iardinier: & qui luy  
commanda d'aller annoncer à ses Apostres,  
quelle l'auoit veu: Que le iour mesme de sa Re-  
surrection il entra au milieu de leur Conclau; ;  
les portes estants clausés: Que dès lors il leur  
souffla le saint Esprit dans leurs Ames: Que  
derechef il se presenta à eux huit iours apres  
pour confirmer saint Thomas, qui ne pou-  
uoit croire ceste Resurrection, & luy fit manier  
ses playes, affin qu'il ne le pensast estre vn fan-  
tisme. Que pour la troisieme fois il vint trou-  
uer ses Apostres vers la Mer, qui ne le pou-  
uoient du commencement recognoistre, & de-  
puis l'ayant recognu, les fit repaistre en sa pre-  
sence, & repeat avec eux: Et que lors il prit *L'Ascension.*  
congé d'eux, montant au Ciel en corps à leur  
veüe; Ne faisant mention de son apparition  
aux deux Pellerins d'Emaüs, parce que cela a-  
uoit esté amplement couché par saint Luc. Et  
qui est vne chose que ie ne veux obmettre,  
nous apprenons du commencement des Actes  
des Apostres, que depuis le iour de sa Resurre-  
ction iusques à son Ascension, il fut quarante  
iours sur Terre.

Voilà l'estude que i'ay faict ces iours passez.



*Les Evan-  
gelistes sau-  
rent depuis  
la Natiuité  
de Iesus-  
Christ iuf-  
ques aux  
Predicatiōs  
de S. Iean.*

pendant qu'on croit, *Le Roy boit.* Mais ie vous prie me dire (car en cecy me veu-x-ie estancher) d'où vient qu'apres auoir discouru de la Natiuité de nostre Seigneur, nos Euangelistes font vn saut iusques au vingt & neuf, ou trentiesme de son aage? Ie veu-x dire iusques aux Predications & Baptêmes que faisoit saint Iean Baptiste, sans rien toucher du depuis de tout le tēps intermediat; Horsmis ce que nous aprenons de saint Luc, qu'en l'aage de douze ans il fut trouuē au Temple par Ioseph son pere putatif, & par la Vierge sa mere, au milieu des Pharisiés, tantost les interrogeant, & de fois à autres leur respondant: Mais avec vn sens si haut, qu'il tōba en merueilleuse admiration enuers tous. Et neantmoins ie ne doute point, que si en ce bas aage, il fit ce grand coup d'essay, il ne luy aduint avec le temps d'en faire plusieurs autres: Car ie puis dire avec S. Luc, qu'à mesure qu'il croissoit d'aage, aussi croissoit-il de sapience, & grace enuers Dieu. Imputerons nous en nos quatre Euangelistes ceste obmission, à nonchaloir ou paresie? La à Dieu ne plaise. Ie vous en diray librement ce que i'en pense.

*Et pour-  
quoy.*

Mon opiniō est, que l'intentiō de nos Saints Euangelistes estoit de nous représenter par special, & sur toutes choses, ce qui seruoit à l'edification de nostre Religion Chrestienne. Et sçachāts que nul de nous ne pouuoit entrer au Paradis, que par la porte du S. Sacrement de Baptême, apres auoir discouru le mystere de la Natiuité, ils sauterent de plein saut aux Predications que faisoit saint Iean Baptiste, & au Bap-

tesme que nostre Seigneur receut deluy, comme estant le premier plant de nostre Christianisme; n'ayants voulu faire mention des vingt & neuf ou trente ans d'entreiet, pendant lesquels il n'auoit receu ce saint lauement image de celuy que deuions après receuoir, C'est le iugement que i'en fay: si bon ou mal, ie m'en remets à la censure de la venerable Faculté de Theologie, sur les marches de laquelle ie ne veux eniamber, ains l'embrasser avec toute deuote soubmission, & special de vous qui estes mon Pasteur & Curé. A Dieu.

*Meditation spirituelle sur le Ieusne, Carefme, Pasques  
& Communion.*

**D**E moi ie ne fay nulle doute que le ieus- *Le Ieusne*  
ne est vne ordonnance diuine, ie veux *est vne or-*  
dire faite par nostre Seigneur Iesus- *donnance*  
Christ. Nostre premier pere Adam auoit per- *diuine.*  
du sa posterité par sa bouche: nostre second  
pere Adam la voulut garantir & sauuer par  
la mesme bouche: Celuy la pour auoir mangé  
du fruit à luy prohibé: Cettuy par vne absti-  
nence de viandes. Vray que comme nous som-  
mes hommes composez de diuerses pieces de  
sagesse & folie meslees ensemblement, aussi y  
en eut il quelques vns, qui voulurent au cas  
present interposer mal à propos ie ne scay quoi  
du leur; se faillants acroire que le vray ieusne e-  
stoit l'abstinence du peché. Qui n'est pas vne pro-  
positiō de peu d'effet, si nous y pouuions aisēmēt  
paruenir sans autre aide. Et sur le fondement

par eux pris, disoient que c'estoit vn abus en matiere de ieusnes, d'vser de distinction de chair ou poisson. Opinion qui se logea en la Secte des Psichiques, à laquelle respondit amplement Tertulian par vn traicté expres. Les autres, que il falloit en tout & par tout abhorrer les viandes & chairs, comme choses impures. Contre lesquels saint Augustin escriuit; Soustenât par vifues raisons, qu'en nos ieusnes nous n'vsons point de chairs pour les estimer immôdes, mais bien pour mater nostre chair reuesche, farouche, & mutine. Nous en nostre Eglise Catholique, Apostolique, Romaine, celebrons les ieunes par l'vsage ordinaire de poisson: Car cōbien qu'indifferemment Iesus-Christ vst, tantost de viandes, tantost de poisson; toutesfois es grands festins ausquels il voulut magnifier sa grandeur, l'vsage du poisson luy fut beaucoup plus familier: Ainsi le voyez vous, quand il repent de cinq pains & deux poissons cinq mille personnes, & que pour closture de ce saint repas, les Apostres recueillirent douze corbeilles pleines de ce qui restoit. Le sēblable fit-il quelque temps apres de sept pains, & quelques petits poissons, à vne autre grande troupe de gēs, & lors aussi les Apostres recueillirent sept corbeilles pleines du dessert. Et le iour de sa Resurrection se trouuant au Conclaue avec les Apostres, pour leur monstrier qu'il n'estoit fantosme, mangea, non de la chair, ains du poisson. Et en vne autre entreuenē qu'il fit avec eux, S. Pierre ayant employé ses rets dans la Mer vne nuit pour pescher sans rien prendre, le lende-

August.  
lib. 10.  
cap. 5.  
aduers.  
Mani-  
chæos.  
*Sur l'ob-  
seruation  
des viâdes.*

*Iesus-  
Christ vst  
plus souuēt  
du poisson  
aux Actes  
solemnels.*

Matth. 14.

Ioan. 6.

Matth. 15.

Mar. 8.

Luc. 24.

main au matin Iesus-Christ se voulut de propos  
 deliberé trouuer sur la riué, luy demandant s'il  
 auoit rien pris ? A quoy ayant respondu, que  
 Rien, il luy commanda de ietter derechef son  
 filé: Ce qu'il fit, & pescha cent cinquante trois *pesche de*  
 grands poissons. Miracle par lequelles vnze A- *S. Pierre.*  
 postres recogneurent leur Maistre ; & deslors *Ioan. 21.*  
 mesmes leur ayant commadé de s'asseoir, apres  
 auoir fait sa priere à Dieu son pere, il leur pre-  
 senta premierement le pain, & en apres du pois-  
 son. Es autres festins où il s'estoit trouué, cō- *Ioan. 2.*  
 me aux Nopces, esquelles il chāgea l'eau en vin; *Luc. 5.*  
 aux repas qu'il prit chez saint Mathieu, chez *Luc. 7.*  
 trois diuers Pharisiens, chez Zachée, chez le *Luc. 11.*  
 Lazare, chez Simon le Lepreux, il n'est faicte *Luc. 14.*  
 aucune mention de poisson, & pour ceste cause *Luc. 19.*  
 ie pense qu'il estoit festoyé de viandes. Mais en  
 ceux dont il estoit l'ordinateur, le poisson y est  
 escrit en grosses lettres, pour monstrier que cō-  
 bien qu'il ne condamnast la chair; toutesfois il  
 auoit le poisson en plus grande recommanda-  
 tion: Comme de fait il prit & choisit pour ses  
 premiers Apostres, S. Pierre & S. André son *Matth. 4.*  
 frere, & apres eux S. Iacques, S. Iean, tous qua-  
 tre pescheurs, qui se firent puis apres grands  
 Prescheurs. Et preschant le peuple; *Luc 11.*  
*Si quelqu'un de vous autres (dit-il) demande du pain à son pere, luy*  
*donnera il vne pierre? S'il demande du poisson, luy*  
*donnera-il vn serpent? Il parle pluost du poisson,*  
*que de la chair.*

Et pour vous monstrier, qu'apres qu'il fut  
 monté aux Cieux, nostre Eglise Chrestienne  
 suiuit ses mesmes traces ; Nous l'āprenons de

*Seneque en  
faveur de  
l'abstinence.*

Seneque, Philosophe Payen, au dix-neufiesme Liure de ses Epistres, en la cent dix & neufiesme lettre, où il dit, qu'en sa ieunesse, suivant l'opinion de Pythagore, il ne mangeoit d'aucunes especes d'animaux : Acoustumance qui luy estoit tournee en nature, consequemment non malaisée à supporter. Mesmes estimoit en auoir l'esprit plus vegete. Puis il adiouste ces mots. *Queris quomodo desierim? In Tiberij Caesaris principatum iuuenta mea tempus inciderat. Alienigenarum gentium sacra mouebantur, sed inter argumenta superstitionis ponebatur, quorundam Animalium abstinentia. Patre igitur meo rogante, qui non calumniam timebat, sed philosophiam oderat: ad Pristinam consuetudinem redy, nec difficile mihi; ut inciperem melius canare persuasit.* Passage qui reçoit explication de Suetone, en la vie de l'Empereur Tybere, chap. 35. *Externas ceremonias, Egyptiacos, Iudaicosque ritus compefcunt.* Or que sous ce mot de *Iudaicos ritus*, il entendit parler de la Religion Chrestienne, qui auoit pris son origine en la Iudee, nous l'apprenons du mesme Aucteur en la vie de l'Empereur Claudius chap. 25. où il dit, que *Iudaos impulsore Christo assidue tumultuantes Roma expulit*, & quant au mot *Egyptiacos*, Philon le Iuif nous enseigne que du temps de saint Pierre, plusieurs Ames deuotes se logerent dedans l'Egypte sous la banniere de saint Main, où ils menoiert vie austere dedans des maisons recluses, s'abstenants à certains iours de vins & viandes. Parquoy pour conioindre ces trois

*Abstinence  
observee  
par les ex-  
ciens Chre-  
stiens.*



passages avec celuy de Seneque, il est aisé de croire que plusieurs Chrestiens de la Judee & Ægypte s'estants habituez dedans Rome pour y planter sous main nostre Religion Chrestienne, qui vsoient d'abstinence de viandes, estans mal voulus par le Magistrat, Seneque pour ne tomber en ceste suspicion pres du Prince, reprit les premiers arrhements de sa vie, par le conseil & exhortation de son pere. Et de ceste abstinence de viandes, les Payens eurent quelque cognoissance. Car Capitolin en la vie de l'Empereur Didus Iulianus, le louant de la sobrieté dõt il vsoit en son mäger & boire. *Sape (dit il) nulla religione existente, oleribus legumenibusque contentus sine carne canabat*: C'estoit que combié qu'il ne fust à ce semons d'aucune Religion, il s'abstenoit de manger de la chair, ains se contentoit d'herbes pour son viure. Distinction de viures & abstinence de viandes, en laquelle ie suis confirmé, par saint Clement, Tertullian & plusieurs autres Docteurs signalez de nostre Eglise. Ie veux donc conclurre que les Ieufnes tels que ie vous ay cy dessus figurez, accompagnez de prieres & oraisons enuers Dieu, s'ont les vrais aliments de nos Ames, par lesquels, tout ainsi que nostre Seigneur Iesus-Christ disoit, que *Ieiunio & oratione hoc genus demoniorum eiiciebatur*, aussi puis-je dire que nous bannissons de nous les pechez, qui ne se logent dans nos cœurs que par le ministere du Diable.

Nostre Eglise a introduit certaines

veilles de festes , & autres iours de deuotion, auxquels les ieunes estoient commandez. Mais entre tous, il n'y en a point de plus grand & solennel que celuy du Quaresme, precurseur de la feste de Pasques : mot qu'auons transplanté

*Institution  
du Quares-  
me de qui.*

Quarta  
part. de-  
cret. cap.  
25. Can. 1.

en la France du *Quadragesima* Latin. Si vous parlez à Platine en son histoire des Papes, il en attribue l'institution en termes generaux, à Telesphore neuuesme Pape : Si à Yue Euesque de Chartre, il est de mesme opinion, mais sous ceste modification, que c'estoit au Clergé seulement auquel il enoignoit de le faire, & non à tout le demeurant du peuple. *Quia* ( porte le texte ) *sicut discreta debet esse vita Clericorum à Laicorum conuersatione, ita Et in ieiunio fieri debet dif-*

Epist. 56.

*cretio.* S. Hierosime, l'un des plus sçauants Docteurs de nostre Eglise, escriuant à Marcella, dit que nous le tenons par vne tradition des Apostres. Opinion que ie tiens pour tres-veritable, estant assistee de l'autorité de saint Clement, qui florit du temps de saint Pierre, & vingt & trois ans apres son martyre, fut fait quatriesme Pape de Rome, lequel en son cinquiesme Liure des Constitutiōs Apostoliques y mit l'institution du Quaresme.

Deut. 14.  
3. Reg.  
cap. 19.

Mais il prend bien son origine de plus long estoc. D'autant que Moïse premierement, puis Elie, & finalement nostre seigneur Iesus-Christ ieusnerent sans boire, ny manger quarante iours. Ieunes de ces deux grāds & saints

Matth. 17.  
Marc. 9.  
Luc. 9.

personages, qui luy furent si agreables, que le iour de sa Transfiguration il ne voulut que ny Samuel, ny Daniel, ny tous les autres anciens

Prophetes

prophetes fullent de la partie avec luy, ains seulement Moïse & Elie, auxquels il apparut lors avec vne emerueillable splendeur. Et de ce saint mystere nous deuons esperer que quiconque avecques deuotion fera tous les ans le ieusne du Quaresme, il verra apres son decés Dieu en sa gloire aux Cieux.

Mais d'ou vint que nostre primitiue Eglise feit le Quaresme auancoureur immediat de la feste de Pasques, veu que quand nostre Seigneur ieusna quarente iours dedans le desert, nous ne trouuons en tous les quatre Euangelistes que ce fust vn tems proche de Pasques? Leon Pape premier de ce nom (dit le grand) est d'aduis, & non sans grande aparance de raison, que tout ainsi que le iour de Pasques, est la plus grande & solemnelle feste de nostre Eglise, aussi deuoit il estre salué du grand & solemnel ieusne de Quaresme: toutes fois ie veux croire que cette tradition a esté tiree del' image qui nous fut proposee des cinq pains & deux poissons, & ne veux plus signaler tesmoignage de cecy que celuy que i'apren du 6. chap. de S. Iean.

Or le iour de Pasques (dit il) feste solemnelle des Iuifs estoit proche; Au moyen de quoy Iesus se voyant suiuy d'une troupe de gens, cinq mille en nombre, assiegez d'une grande faim, prit cinq pains d'orge, & deux poissons, commadant à ce peuple des'asseoir sur l'herbe, & apres auoir rendu graces Dieu, & beny le pain, le meit es mains de ses Apostres (dit S. Mathieu,) qui distribuerent cette pitance, dont

Aux fer-  
mons 9.  
10. 11 du  
Quares-  
me.

Mat. 14.

en fin tout le peuple rassasié, ils recueillirent douze corbeilles pleines de ce qui restoit. Quelques iours apres ce miraculeux repas, nostre Seigneur fit vn ample discours à ce peuple, qu'il estoit le vray pain de vie, avec lequel la manne des enfans d'Israël n'entroit en aucune comparaison.

Ce commun peuple fut repeu par nostre Seigneur Iesus-Christ, de pain & poisson, non de viandes : mais quand? peu auparauint le iour de Pasques. Et pourquoy c'est auparauint? pour nous enseigner par sa bouche que c'estoit pour manger du vray pain, qui nous achemineroit à la vie eternelle. Discours qu'il voulut faire de propos deliberé soudain apres ce banquet de pain & poisson. Ne voyez vous en toute cette procedure estre representee l'image de tout ce qui a depuis esté obserué en nostre Eglise? Vray que nous y auons adiousté quarante iours d'abstinence de chair, pour en nostre humanité suiure au plus pres qu'il nous estoit possible l'exemple de nostre Seigneur, qui en sa diuinité auoit passé vne quarentaine sans boire ny manger. Et tout cecy aboutissant à la communion & manducation du vray pain, que sommes obligez de prendre le iour & feste de Pasques sur peine d'excommunication, par les mains de nos Pasteurs & Curez : tout ainsi que les cinq mille hommes receurēt les cinq pains, par celles des douze Apostres.

Pain, vous dy-ie, que nous deuons croire estre le vray corps de nostre Sauueur Iesus-Christ en telle proportion & grandeur comme

il estoit auant sa mort & Passion. Leçon que nous aprenons du mesme Chapitre 6. dont la teneur est telle.

*Qui mange ma chair & boit mon sang (disoit Iesus) a la vie eternelle. Car ma chair est vraiment viande, & mon sang est vraiment breuuage. Qui mange ma chair, & boit mon sang, demeure en moy, & moy en luy. Comme le pere viuant m'a enuoyé, & ie tiens la vie de luy. Celuy qui me mangera, viura aussi à cause de moy. C'est icy le pain qui est descendu du Ciel, non comme vos peres, qui mangerent la Manne, & moururent. Celuy qui mangera ce pain viura eternellement. Il profera ces paroles en la Synagogue, enseignant à Caparnaon. Qui occasionna plusieurs de ses Disciples de dire. Ceste parole est rude, & qui est celuy qui la puisse oïr? Mais Iesus sçachant qu'ils en murmuraient, leur dit. Vous scandalizez vous de cecy? Que sera-ce doncques quand verrez le fils de l'homme monter au Ciel dont il est descendu? C'est l'esprit qui viuifie, la chair ne profite de rien. Les paroles que ie vous dy sont l'esprit & vie. Mais il y en a quelques uns d'entre vous qui ne croient point. Car Iesus sçauoit dès le commencement, qui ne croiroit point, & qui seroit celuy qui le trahiroit. Pris adionsta: C'est pourquoy ie vous ay dict, que nul ne peut venir à moy, s'il ne luy est octroyé par mon Pere. Des lors plusieurs de ses Disciples s'en allerent arriere, & ne le suiuoient plus. Au moyen dequoy Iesus s'adressant à ses douze Apostres, leur dit: Et vous, me voulez vous abandonner comme eux? A cecy Simon Pierre, se faisant fort pour ses compagnons, respondit. Tu as les paroles de vie eternelle;*



*Et cognoissons , & croyons que tu es le Christ fils de Dieu. A quoy Iesus reparait ; N'ay-ie pas fait election de vous autres douze, dont toutesfois l'un de la cōpagnie est vn Diable ? Or disoit il celade Indas, qu'il sçauoit le deuoir trahir, & liurer és mains des Iuifs.*

Atant saint Iean. Vous voyez dès lors vn schisme qui fut entre les douze Apostres & les autres disciples, en presence de Iesus-Christ. Il ne faut doncques trouuer estrange si nous sommes partializez en trois diuerses opinions. Nostre Eglise Catholique, Apostolique, Romaine croit en ce saint Sacrement del'Autel la transubstantiation: le Lutherien, la consubstantiatiō ( autrement impannation ) soustenant que nostre Seigneur y estoit, mais non avec telle proportion & grandeur. Les autres ont franchi le pas, disants qu'il n'y auoit que la figure, & que ce seroit chose incompatible, qu'en mesme temps il fust au Ciel & en la Terre en chair & en os. Ce qui dementiroit l'un des articles de nostre foy, *Ascendit in cœlos, sedet ad dexteram Dei patris, inde venturus iudicare vivos & mortuos, & seculum per ignem.* Il me souuient que ce fut vn plat dont Theodore de Beze nous seruit l'an 1561. au College de Poissi, en la presence du Roy Charles IX.

De ma part ie veux croire tout ce que nostre Eglise Catholique, Apostolique, Romaine croit, comme prenant sa source & origine de S. Pierre, auquel ie voy le premier lieu auoir esté attribué par son Maistre, entre ses freres. Et neantmoins il me semble qu'en tout le discours de Beze, il parloit en homme seulement,

qui reduisoit en la possibilité de ses sens, la toute-puissance de Dieu. S'il estoit ainsi, adieu nostre Religion Chrestienne, dont les principaux articles consistent en la creance des choses que selon le commun cours de nostre nature sont incroyables. Et pourquoy doncques ceste creance? Parce que rien n'est impossible à Dieu. C'est ce que nous aprîmes premierement de l'Ange Gabriel parlant à la Vierge Marie, quand il luy annonça qu'elle deuendroit grosse sans le fait d'homme, & accoucheroit d'un enfant qui seroit le Sauueur de tout l'Vniuers. Le semblable disoit S. Iean Baptiste, parlant aux Iuifs, qui se glorifioient estre issus d'Abraham, que Dieu pouuoit faire naistre des pierres, d'autres enfans de ce grand Patriarche, qui ne seroient pas moins vrais & legitimes que les anciens. Proposition qui en sens commun n'estoit aucunement soustenable, & toutesfois tres-veritable. Mais plus grand & prompt tesmoignage ne pouuons nous auoir que de nostre Seigneur Iesus-Christ, quand en deux diuers passages nous sommes par luy asseurez, de ceste infinie & paradoxe puissance de Dieu. C'est pourquoy nous pouuons dire & deuons croire, que si nostre Seigneur Iesus-Christ voulut que le pain & le vin feussent transubstantiez en sa chair & sang, il le pouuoit faire.

Math. 3.

Math. 19.

Marc. 10.

Ie vous ay cy dessus recité quel fut son sermón au Caparnaón qui n'estoit qu'un auant-propos du grand Arrest qu'il prononça en robe rouge, au milieu de son Senat; c'est à dire de ses Apostres, lors qu'il estoit sur le point de seeller

Matth. 26

Marc. 14.

Luc. 22.

Paul. 1. ad

Corint.

cap. 11.

nostre salut de son sang, & que pendant le souper il prit le pain, le benit, l'entama, & en fit part à ses Apostres, leur disant, *Accipite & comedite, Hoc est corpus meum* : & prenant le Calice rendit graces à Dieu, & leur dit, *Bibite ex hoc omnes. Hic est enim sanguis meus novi Testamenti qui pro multis effundetur in remissionem peccatorum*. Il dit seulement pour plusieurs non pour tous, ne voulant comprendre sous le benefice de cette abolition generale ceux qui opiniaitrez en la perte & condamnation de leurs ames, ne se voudroient enrouler sous son estandart; ou bien qui estâts enroulez le prendroient indignement; y eut il iamais declaration plus claire & precise d'une volonté que cette cy? Il ne dit pas, comme fait le Luterien, que dedans ce pain est son corps; & dedâs ce vin son sang. Ou comme l'autre qui dit que ce pain & vin sont les signes & figures de sa chair & de son sang. Mais bié *Cecy est mon corps: Cecy est mon sang*. Quel commentaire voulons ou pouuons nous apporter pour limiter par nos ergoteries la volonté & puissance de ce grand Seigneur? Conioignez le discours de S. Iean avec cest Arrest, il ny a nulle obscurité. Nous deuons doncques tenir pour tout arresté qu'être tous les miracles qu'il fit, le premier fut dâs la ville de Cana en Galilee, lors qu'il transformat l'eau en vin: le dernier dedans Hierusalem auant que d'estre exposé en l'arbre de la Croix, quand il transubstantia le pain & le vin en sa chair & son sang. Le premier tresgrand vrayement, toutesfois image seulement du dernier.

nostre Seigneur Iesus-Christ voulut que par son premier miracle de la transformation deauë en vin, ses Disciples creussent en luy: *Hoc fecit initium Iesus in Cana Galilee, & manifestauit gloriam suam, & crediderunt in eum discipuli eius.* Toutesfois (ô malheur!) denians le dernier, l'esprit de diuision se logea entre eux, qui s'est depuis continué en nostre Christianisme, ainsi que ie vous ay dit cy dessus.

Et neantmoins ie veux au moins mal que Ioan. 6. ie pourray, donner toutes les façons à ce grand & saint mystere, & seulement estaler ce que dit S. Iean. Ceux qui sont pour le party du signe, soustiennent que par vne sophistiquerie affectee noustronquons le passage & ne conioignons la fin avec le commencement. Dautant qu'apres que nostre Seigneur eut presché que sa chair estoit la vraye viande, & son sang le vray breuuage, & que celui qui en mangeoit & beuuoit, auroit la vie eternelle: finalement expliquant cette proposition, il conclud que c'estoit l'esprit qui viuifioit, non la chair, & que les paroles par luy proferees estoient l'esprit & la vie.

Grande obiection certes de premiere apparence. Mais ie vous prie, que dit il lors que nous qui croyons la transubstantiation, ne chantions dedans nos Eglises & singulièrement aux Processions publiques le iour du saint Sacrement de l'Autel? Dedans l'Hymne,  
*Pange lingua gloriosi.*

*Verbum, caro, panem verum*

*Verbo carnem efficit.*

*Futque sanguis Christi merum,*

*Etsi sensus deficit.*

*Ad firmandum cor sincerum*

*Sola fides sufficit*

Et en la Prose, commençant par ces mots :  
*Lauda Sion Salvatorem*, faicte en l'honneur du  
mesme sainct Sacrement.

*Dogma datur Christianis,*

*Quod in carnem transit Panis,*

*Et vinum in sanguinem.*

*Quod non capis, quod non vides,*

*Animosa firmat fides*

*Præter rerum ordinem.*

N'est ce pas cela mesme que nostre Seigneur dit sous autres paroles sur la fin de son sermon, qui est que la seule foy nous fait spirituellement croire la transubstantiation? Car en la croyant nul de nous ne cognoist par les sens, qu'il mange le corps de nostre Seigneur Iesus-Christ lors qu'il le recoit, s'il n'entendoit parler que de la figure & signe: il ny auoit nulle obscurité, & ne falloit pour confirmer son dire, qu'il demandast aux diciples mescreants quel iugement doncques ils feroient, quand ils le verroient monter au Ciel en corps: voulant dire qu'il estoit aussi malaisé de croire cet article comme celui qu'il proposoit lors, & neantmoins qu'il n'en falloit faire aucune doute. Adioustez que entendant parler du signe, il ny auoit aucun subiet de scâdale aux autres disciples & moins de quitter leur maistre, ny à nostre Seigneur



Iesus-Christ de demander a ses Apostres de quelle foy ils estoient sur cette nouuelle querelle; les Apostres confesserent franchement par l'organe de S. Pierre, qu'il estoit tel qu'ils s'estoit pleuuy; creance depuis confirmee en termes formels lors que le Seigneur fit la Cene le iour deuant sa passion. Sainct Pierre est la pierre fondamentale sur laquelle fut nostre Eglise bastie, c'est pourquoy en nostre Religion Catholique, Apostolique, Romaine, nous croyons la transubstantiation au S. Sacrement del'Autel. Et a la mienne volonte que nous fussions tous vn en cette foy, sans auoir recours a l'imbecillite de nos sens. A Dieu.

*A Monsieur Gamache, Docteur en Theologie,  
Professeur du Roy, es saintes lettres en l'V-  
niuersité de Paris.*

**DE** Ntre tous les Euangiles dont nous pouuons recueillir plus d'edification, il me sēble que c'est celle des deux peellerins d'Emmaüs (ainsi les appellons nous) le iour de la Resurrection de nostre Sauueur & Redempteur Iesus-Christ, couchee tout au long par S. Luc, & touchee en quatre lignes par S. Marc. & neantmoins ie ne la voy pour auoir esté grandement homiliee par nos premiers Docteurs de l'Eglise. Par saint Hierome, S. Iean Chrysostome, S. Ambroise, S. Gregoire. Ils l'ont, si ie ne mabuze, passé sous silence. Bien en trouué ie vne dedans S. Augustin, & vn Sermon dedās S. Bernard, mais l'un & l'autre fort sobrement.

Luc 24.

Marc. 16.

& neantmoins de cette Euangile nous recueillons trois choses pleines de grande recommandation Chrestienne. La premiere est le chemin de ces deux Disciples pendant lequel ils s'entretenoient de ce qui s'estoit passé dans Hierusalem en la personne de nostre Seigneur Iesus-Christ, & comme sur ces deuis il se trouua au milieu d'eux. La seconde, comme n'estant par eux cogneu, il leur verifia par passages expres du vieux Testament, qu'il falloit que tout ce qui s'estoit passé dedans Hierusalem aduint; comme choses preueuës & predites par les Prophetes. Par la troisieme nous aprenons d'où vient que nous faisons la Communion le iour de Pasque, & non du Ieudy absolu, ainsi qu'elle auoit esté instituee par nostre Seigneur.

Entant que touche le premier point, vous voyez que ces deux Disciples deuisoient, non de forniettes, non de baliuernes, ains de tout ce qui s'estoit passé dans Hierusalem pendant trois iours. Comme nostre Seigneur y auoit esté inhumainement Crucifié par les Juifs, & apres estoit resuscité le iour mesmes de leur pour-parler. Et pendant cet entre-deuis nostre Seigneur Iesus-Christ, les vint acoster, feignant ne sçauoir quels estoient les propos dont ils se gouernoient. Qui nous est vne belle leçon, pour nous enseigner que toutes & quantefois que nos deuis seront à la louange & honneur de Dieu, il sera au milieu de nous. Il sçait que del'abondance du cœur, la bouche parle. Et comme disoit vn grand Philosophe Payen

(celuy dont ie parle estoit Socrates) auquel on presentoit vn enfant, pour en donner son iugement: mon petit mignon (luy dit-il) Parle afin que ie te voye: voulant dire que la parole est si-  
 mage par laquelle nous pouuons recognoi-  
 stre quel est l'interieur de nos cœurs. Soyez a-  
 donné à l'amour vain & passager, vos propos  
 ne sont que de l'amour: Ayez le cœur à l'ambi-  
 tion ou auarice, vous ne parlerez que de la grâ-  
 deur, ou argent. Et ne pensez pas que Dieu soit  
 lors au milieu de nous: C'est le Diable adopera-  
 teur de toutes ces meschantes & malheureuses  
 pensees. Parlez de Dieu sans hypocrisie avec  
 vos freres & amis, il sera au milieu de vous, & fe-  
 rez vrayement vne Eglise. Car nous appellons  
 Eglise vne congregation des fideles, qui loient  
 & honorent Dieu ensemblement. Non que  
 nous y deuions prescher ou administrer les  
 Saincts Sacremens del'Eglise de nos autoritez  
 priuees. Cela seroit dogmatizer: comme estants  
 choses reseruees aux Superieurs de nostre E-  
 glise és Temples & lieux par eux pour cet effet  
 consacrez. Bien pouuons nous dedans nos mai-  
 sons faire de petites Eglises: Que dy-ie petites?  
 mais grandes, par nos prieres & oraisons, par  
 vne commemoration faite en faueur de Dieu,  
 & de ses Saincts. Quoy faisants, nous deuons  
 tous nous asseurer qu'il se trouuera au milieu de  
 nous & des nostres, & qu'il ne sera en la puissan-  
 ce du Diable de rien attenter contre nous. C'est  
 ce que nous aprenons de sa propre bou-  
 che; que toutes & quantes fois que deux ou  
 trois sont assemblez en son nom, il est

Matth.  
cap. 18.

au milieu d'eux: C'est vn passe-partout, vne sauuegarde que Dieu nous baille dedans nos familles, contre tous les aguets & embusches du Diable.

Voyla le premier point de ce mien discours, ie vien maintenant au second. Iesus-Christ ayant esté quelque peu de temps avec ces deux Pellerins, sans estre cognu, il ne faut pas estimer que cela eust esté par luy faict, sans vn grand & sage dessein. En toutes ses actions s'estant faict sur la Terre nostre hôte, vous y voyez & de la diuinité, & de l'humanité tout ensemble. Humanité, di-je, pleine de sagesse, Diuinité pleine de miracles. En ceste entreuë qu'il eut avec ses deux Disciples, il y mesla de l'vn & de l'autre. Sagesse en ce que ne se faisant du premier coup cognoistre, il se donna le loisir de déchiffrer tout au long les mysteres de sa Passion & Resurrection, & à eux la patience de l'ouïr. Miracle quand apres auoir parfourny ceste carrière, en leur administrant son corps qui estoit le pain, il se fit à eux cognoistre, *In fractione panis*, & qu'à l'instant mesmes il se rendit inuisible. Ne pensez point ie vous prie, que l'on ne puisse icy enfilier tout au long & par le menu, les figures & les Propheties de sa Passion, & Resurrection. Les passages dont elles furent prises, sont entre nos mains. Mais puis que ce recit fut vn chef-d'œuvre de nostre Seigneur, de cuider prédre ceste mesme route, ce seroit vouloir, comme les outreuidéz Geans, escheler les Cieux. Ce point appartenoit à celuy seul, sur lequel, & pour lequel ces figures & Propheties auoient

esté faictes. Ioint que l'occasion pour laquelle il voulut entrer en ce party fut, parce qu'il auoit affaire à deux hommes, qui branloient aucunement au faict de la Resurrection. Côme de fait soudain apres qu'il se, fust disparu d'eux, il se trouua au milieu des vnze Apostres dedàs hierusalem, ausquels ayant reproché leur peu de foy & creance, il reprit les mesmes brisces, pour les en rendre capables, tout ainsi que les deux Disciples. Et non content de cela, afin qu'ils ne le iugeassent vn fantosme, il se fit par eux toucher, mains, & pieds, & generalement, tout son corps. Ce que toutesfois il n'auoit voulu appa-  
 rauât permettre à Marie Magdelaine: Et pour-  
 quoy doncques? Parce qu'en elle se trouuoit vne  
 abondance de foy & creance de ce qu'elle  
 voyoit: Qui n'auoit besoin de plus ample de-  
 monstration. Aux autres il y en auoit manque  
 & defect, que leur Seigneur & Maistre voulut  
 redresser par l'attouchemēt de sa personne, voi-  
 re voulut repaistre avec eux. Je vous remarque  
 cecy par expres, pour vous dire que ie pense-  
 rois abuser du tēps de vostre loisir, & de vostre  
 patience, recueillant icy par parcelles toutes ces  
 prediCTIONS & figures, qui nous sont produites  
 dedans le vieux Testament. Je ne pense point  
 qu'il y ait aucun fidelle Chrestien qui reuoque  
 en doute ces deux grands mysteres. Il y a long  
 temps qn'ils sont engrauez dedans nos cœurs, &  
 partant n'ont besoin d'aucune confirma-  
 tion.

Ioan. 20.

Quelques vns, ainçois plusieurs estiment (ie  
 diray cecy en passant) que des deux Disciples



que Iesus-Christ aboucha, l'un se nommoit Cleopas, & que l'autre estoit saint Luc, qui nous auoit tout au long estalé cette Euangile sans le nommer, comme celuy qui sçauoit comme le tout s'estoit passé. Je vous supplie me vouloir excuser, si ie ne condescens à ceste commune opinion. Comme aussi n'est-ce article de foy, auquel nous soyons nécessairement abstrains de nous attacher. Celuy qui estoit avec Cleopas s'appelloit Simon, non Luc. Ce que ie recueille d'un argument qui me semble indubitable. Je transcriray icy mot pour mot le texte de nostre Euangile. Apres que Iesus-Christ se fust disparu de la veüe de deux Disciples, voicy que dict S. Luc. *Et surgentes eadem hora regressi sunt Hierosolyma, & inuenerunt congregatos undecim, & eos qui cum illis erant: dicentes; Surrexit dominus verè & apparuit Simoni.* Quelques uns en ce mot de Simon estiment que Cleopas entendoit parler de S. Pierre, qui autrement s'appelloit Simon. Qui est vne opiniõ à mon iugemēt erronee. Parce que nostre Seigneur ne luy estoit encores apparu; Recours aux quatre Euāgelistes; d'ailleurs il estoit des vnze Apostres, ausquels ceste bonne nouuelle fut apportee par les deux Disciples, & signamment des discours passez par le chemin, & miracle aduenü dedans la maison. C'estoit dõc Cleopas l'un des deux Disciples, qui parloit pour luy & son cõpagnon, nommé Simon, auquel il fait cet honneur de dire que nostre Seigneur luy estoit apparu. Et à tant ie tiens pour tres-certain que celuy qui se condoit Cleopas, se

nommoit Simon: Discours plus curieux , que  
necessaire, non toutesfois a negliger.

Cecy soit par moy deduit en passant. Reprenons maintenant la suite de nostre Euan-  
gile. Iesus-Christ ayant amplement monstré  
que ce qui s'estoit passé dans Hierusalem, estoit  
aduenü par vne necessité preordonnee de Dieu,  
estant arriué en la Bourgade avec les deux Dis-  
ciples, ils le prierent de vouloir souper, & pas-  
ser le soir avec eux: Seigneur (luy dirent ils)  
vueille icy demourer avec nous; Parce que le  
iour s'abaisse. Il me plaist d'appropriier au cours  
general de nostre vie, ce qu'ils volurent dire du  
iour. Commençons nous de venir sur le declin  
de nostre aage, & d'approcher de nostre nuit,  
nous commençons aussi d'auoir plus de soin de  
Dieu qu'auparauant, par vne crainte & appre-  
hension de l'autre monde qui tombe naturelle-  
ment en nos Ames. Chose certes que ie ne puis  
ne louer. Car il vaut mieux tard que iamais.  
Mais il nous seroit bien plus seant de loger tou-  
siours chez nous, de quelque aage que soyés, &  
tenir dans nos cœurs empreint ce grand comã-  
dement du Seigneur. Veillez, & priez, car vous  
ne sçauiez le iour & heure qu'il plaira à Dieu de  
vous appeller. Riën n'est plus certain que la mort  
ny plus incertain que son heure. Partant nous  
deuons estre perpetuellement aux escoutes, sans  
nous endormir, non plus que le soldat qui est  
mis à la sentinelle, afin de n'estre à l'impourueu  
surpris par nostre ennemy.

Sur la lemonce que luy firent les deux disci-  
ples, il demeura & se mit à table avec eux, prit

le pain, & apres l'auoir beny, & entamé, il le leur presenta; & adoncques leurs yeux s'ou-  
 urirent *in fractione panis*, mais il disparut aus-  
 si tost de leur presence. Je vous ay dit sur le  
 commencement de cette lettre que i'estime cet  
 euangile l'un des plus signalez que nous ayons,  
 & pense n'en deuoir estre de vous desauoié.  
 Il est certain que nostre Seigneur Iesus-Christ  
 ordonna en vn Ieudy (dont le lédemain il souff-  
 rit mort & passion) la manducation de son  
 corps & de son sang, toutesfois de toute an-  
 cienneté nostre Eglise a voué l'usage de ce  
 saint Sacrement de Communion au Diman-  
 che, ensuiuant iour de sa Resurrection; Il sem-  
 bleroit de prime face que c'estoit en cecy en-  
 fraindre l'ordre de son establissement. Il est  
 malaisé (disoit vn ancien Iuriconsulte) de  
 rendre la raison pourquoy vnes & autres loix  
 furent anciennemét introduites. Le semblable  
 pouuons nous dire des anciens reglements de  
 nostre Eglise, & avec toute humilité, les testes  
 baissées, sur telles questions & demandes nous  
 deuons respondre. Ainsi le voulut l'Eglise, &  
 comme elle voulut, ainsi nous le faut il embras-  
 ser, toutesfois au cas qui s'offre ie vous diray  
 librement ce que i'en pense, vous supliant le  
 receuoir avec telle deuotion, comme ie le vous  
 presente.

Quand Iesus estant à table avec les deux Dis-  
 ciples leur departit le pain par luy beny, qui  
 estoit son corps, & que par cette distribution  
 il fut par eux recognu pour leur vray Dieu, luy  
 qui auoit esté l'Ordinateur de ce grand & saint  
 Sacre-

Sacrement del'Autel le Ieudy, en voulut estre l'administrateur soudain après, & le iour mesme qu'il resuscita. De moy ie veux croire que ce fut la cause pour laquelle nostre Eglise voulut depuis que les fideles Chrestiens communiasent, sinon à toutes occurrences des festes, pour le moins le iour de Pasques. Cettuy fut le premier mystere & ministere de la cène, qui fut depuis cōtinué entre les Chrestiens apres que nostre Seigneur fut monté aux Cieux: Car vous voyez que comme il fut reconnu par Cleopas & Simon *in fractione panis*, cela mesmes fut obserué en nostre Eglise Chrestienne. Ainsi le voyez vous au deuxiesme chap. des Actes de Apostres, *Erant autem perseverantes in doctrina Apostolorum, & fractione panis & orationibus*, voulant dire que la communion fut plus frequente & ordinaire apres l'Ascension de nostre Seigneur entre les Apostres & les Chrestiens. Pline second Gouverneur de la Natolie se plaignoit par lettres à l'Empereur Traian, que dedans sa Prouince il y auoit vn grand Seminaire de Chrestiens espendu, que tous les matins s'assembloient, & apres auoir fait prieres & oraisons à leur Christ, luy promettoient de ne commettre larcins, adulteres, pariures & autres vices, & en apres communioient ensemblement & mangeoient. Et par cela il est aisé de recueillir qu'ils exerceoient & mettoient en œuvre ensemblement la doctrine qui leur auoit esté enseignée par les Apostres: Que saint Ciprian voulut depuis adapter a cet article

562 LIVRE XX. DES LETTRES  
de la Patenostre : *Donne nous nostre pain quo-  
tidian.* Le raportant au vray pain dont il re-  
paist nos ames, & non pas nos corps. Je vous  
ay enfilé cecy par exprés, pour vous monstrier  
quel'escurituré parlant *de fractione panis*, enten-  
doit parler du S. sacrement de l'autel, & que  
le premier modelle de cecy s'estant trouué en  
nostre Seigneur Iesus-Christ le iour de Pas-  
ques, aussi fut ce la cause pour laquelle nous  
l'auons aussi obserué à mesme iour tous les ans  
dedans son Eglise. A Dieu.







L E

# VINGT-VNIESME

## LIVRE DES LETTRES

### D'ESTIENNE PASQUIER.

*A Monsieur Louys de Sainte-Marthe, Lieutenant  
general du Roy, en la Mareschaussée de  
France, au Palais de Paris.*

**E** vousay trop d'obligation, & *Discours de*  
monstrez combiè vous m'aimez *l'Auteur*  
desirant entendre de moy, com- *sur ce que*  
me ie fus chargé de la cause de *le rendit*  
l'Vniuersité de Paris, encōtre les *fameux*  
*Advocat.*

Iesuites, l'un des premiers auancements de ma fortune au Palais, & dont est venu que de puis j'ay fait vn liure contre eux: puisque le souhaitez avec si grandes importunitèz, ie vous diray franchement, que ce fut vn miracle, ie dy miracle tres-exprés de Dieu, que ie vous veux raconter *Ab Ouo.* Et voicy comment.

Vn an auparauant que d'estre marié, retournant du mesnage de mō bien en la Brie, ie trouuay dedans Melun, monsieur Brulard, lors ieune Aduocat, comme moy, qui depuis fut pre-

mier President au Parlement de Dijon, estat par luy exercé iusques a son decés l'espace de quarente ans ou enuiron. Apres auoir pris langues l'un de l'autre, ayant entendu de luy qu'il alloit visiter maistre Ange Congnet anciens Substitut de monsieur Brulard Procureur General son pere, en vn sien lieu de plaisance, nommé Croix-Fontaine assis sur la riuiera da Seine, entre Melun & Corbeil, ie voulu estre de la partie pour prendre cognoissance avecques ce grand preud'homme. Là apres les premiers accueils faits avecques cet honneste homme, ie trouuay Pasquier Bronéz l'un des neuf compagnons d'Ignace de Loyola premier auteur de la famille des Iesuites, laquelle commençoit lors de prendre quelque pied dedans Paris; & comme la curiosité me fait souuent bonne compagnie, soudain que ie l'eus halené, ie laisse les communs passetemps aux autres, & m'abouche avecques luy, desirieux de scauoir le commencement & progrès de cette nouuelle compaignie non seulement ie l'accostay, ains pris la plume sous luy pour m'informer plus certainement de ce que ie desirois apprendre, & y employay enuiron quatre grandes fueilles: vray qu'il me dechifra par tant d'ambages, leur vœu simple, que ie recognoistray franchement que ie ne m'en rendy capable, ainsi que pourrés plus amplement entendre par mon plaidoyé & leurs constitutions qui ont depuis esté imprimees. Estant de retour à Paris, ie mis ces quatre fueilles entre mes broüillats, n'en fai-

fant recepte ny mise : content seulement de les auoir pardeuers moy. Car aussi n'estoi-ie lors mis au rang des Aduocats de nom, mesmes que ie ne pensois aucunement que ce nouuel Ordre deust auoir rien a quereler avec nostre Vniuersité de Paris.

Iesus marié vn an après en l'an 1557. Prenez garde ie vous prie qu'ayant gaigné sur moy avec importunité, que ie vous face part de cette Histoire, ie ne vous sois maintenant ennuyeux la vous recitant. Sur la fin de cinquante huit, reuenant avec ma femme de nos vendanges de la Brie, nous allasmes visiter les sieur & damoiselle d'Antueil en leur maison, Parroisse de Presse, & apres y auoir quelque peu de iours seiourné, visitasmes le sieur d'Arminuilliers leur voisin, qui nous bienveigna de toutes sortes de courtoisies, & retint l'espace de cinq iours; pendant lesquels trouuants vn sien petit bois paué de Champignons, ce fut a qui mieux mieux en mangeroit, nul de nous ne s'y espargnants, leurs donnants toutes sorte de façons pour le contentement de nos appetits. De cette desbauche de gueule, le malheur tomba particulièrement sur moy. Car trois iours apres ayants pris congé de nostre hôte, ie fus sur les chemins assailly d'une forte fièvre, que ie supportay au moins mal qu'il me fut possible iusques en ma maison, où m'estant alicté, le Medecin m'ordonna vne rubarbe pour le lendemain matin que ie pris, & me senty lors si mal disposé, que ie dy au seigneur de Fonsomme l'un de mes premiers & anciens

amis, qu'auant que la iournee se passast, il falloit necessairement que ie perdille ou la vie, ou la veuë. Cette medecine reposa dedans moy enuiron vn quart d'heure, ou enuiron, laquelle ie vomy & me sembloit lors voyât les personnes, qu'elles auoient les testes grosses, comme des bœufs. Aduient sur les six heures du soir que ce qui m'estoit resté de la medecine dedans le corps ayant fait son operation, ie demande d'aller à la selle: I'y suis mis, & de bon heur pour moy, ie vuiday vne infinité de châpignôs tels que ie les auois mangez: Et adonc me reuint l'esprit, & la veuë. Disant à ma femme, & aux miens, loué soit Dieu: Auparauant ie vous mescognoissois tous; maintenant que i'ay vuidé ce meschant poison, ie vous recognois. Et sur cette parole remis au lit, au lieu d'une fieure chaude qui m'auoit affligé, i'entre en vne continue qui me dura cinq semaines entieres puis en vne double quarte, & finalement en vne quintaine, qui estoit que de cinq iours l'un i'auois la fieure. Espece de fieure que monsieur Pietre mon medecin me dit auoir esté veuë par Hippocrat non par Galie. Les Medecins perdants leur latin apres moy, conseilèrent de perdre l'air des champs, qui me vaudroit plus que toutes leurs medecines. Ie suy leur aduis, & huit iours auant la feste de Pasques, quittant la ville de Paris ie me vins parquer avec femme, & ma famille en ma maison d'Argentueil, où ie passay cinq ou six mois, balançant entre le sain, & le malade. Et me frequentoient les plus riches & aisez, que ie

voyois, oresioüer à la boulle, ores aux quilles dedans mon iardin, ores au triquetrac dans ma sale; Et ainsi trompant le temps, ie recouray peu a peu ma santé, non pleine, ainstele quelle. Et sur le mois de Septembre, me delibérant de reprendre mes premiers arrhes du Palais, monfieur Pietre me le desconseilla tout a fait disant que cette voye me moyenneroit vne rencheute de nõ moins d'angereux effect, que ma maladie precedente; & que pour bien faire ie me deuois derechef vouër aux champs. Nous trouuafmes ce Conseil bon, non seulement pour me r'affermir de ma santé, mais aussi pour voir Mademoiselle de Montdomaine à Amboise mere de ma fême, qui ne m'auoit iamais veu, & de là prendre la route de Cognac pour recognoistre nostre bien. Ce fut l'an 1560, lors de la faction d'Amboise premiere enfance de nos Troubles, pour la diuersité de Religions. Nous entrafmes dedans Amboise le lendemain que Castelnau, Mazere, Renne, & vn autre Gentilhomme dont iene meramettoy du nom auoient esté decapitez au Carroy, auquel lieu leurs testes estoient encores sur l'eschafaud, & apres y auoir seiourné vn mois ou enuiron, prifmes la route de Cognac ou ie repris mes forces tout a fait, augmentant nostre reuenu de Mainxe; finalement retournons a Paris, où voulant reprendre mes anciennes brizees du Palais, ie me trouuay si esloigné de mon intention que nul Procureur preluene me recognoissoit. Quoy que soit ce peu de racine que i'y auois auparauant pris, se trouua du



toutamorty', par ceste intermission de dix-huict mois. Je voyois cependant plusieurs Aduocats de ma volée aduancer, que ie passois au parauant d'un long vol; au moins ainsi le pensoy-ie. Je me promeine deux mois, ou enuiron dedás la sale du Palais sans rien faire. Et croyez que c'estoit avec vn creuecœur admirable. Tellement que de despit il me prit opinion de m'en bannir tout a fait. Tout ainsi qu'il en prend à ceux qui pour n'auoir peu espouser leurs maistresses, se rendent moines de despit. Conseil que ie n'ozois cōmuniquer à ma femme, qui me voyoit seicher sur pieds, & m'importunant souuent dont me prouenoit ceste melancolie, en fin ie m'ouury à elle, & luy dy quel estoit mon nouueau conseil. Et voicy certes en quoy ie trouuay, qu'elle estoit tres-sage. Car combien que veufue elle m'eust espoulé sous l'opinion de me voir quelque iour tenir rang entre les Aduocats de marque, & par ceste nouuelle deliberation se trouuaist inopinément frustree de son esperance, toutesfois voyant que cela ne me prouenoit que d'une affliction d'esprit où grād cœur, au lieu qu'une sotte Parisienne eust eu recours à ses yeux & larmes, elle au contraire avec vne constance admirable me dict, qu'elle trouuoit ma resolution tres-bonne. Qu'auions mulet & mallier en l'estable, & assez de moyens pour viure à nostre aise, qu'il nous falloit passer le téps à visiter nos maisons, tantost en la Brie, tantost à Argentueil, tantost à Congnac. Sur ceste conclusion ie me sequestray du Palais en bonne deliberation d'en oublier du tout le chemin.

A quel propos tout cecy ? me direz vous. Je vous supplie m'accommoder d'une patience, iusques au dernier periode de ceste mienne histoire, alleuré qu'en fin ne trouuerez auoir perdu le tēps à la lire. Vous me voyez doncicy maintenant en vne posture fort bizerre, ie veux dire vn Aduocat, nō Aduocat. Voyons quel fust lors cet entremets de ma vie. Dieu veut que ie prends acointance avec deux Docteurs en Theologie, nostre Maistre Beguin grand Maistre du College du Cardinal le Moine : & nostre Maistre le Vasseur Principal du College de Reims ; nous nous voyons diuersement chacū de nous en nos chacunes, & d'ordinaire allions nous promener aux faux-bourgs en quelques iardins : Pendant lequel tēps nos propos estoient ores de la Sainte Escriture, ores de la philosophie, & ores de l'histoire, qui n'estoient pas petits esbats, que nous accōpagnions de fois à autres de ieux de boule, & de quilles, ainsi que l'opiniō nous en prenoit. Vous alleurant sur mon honneur, qu'en tous nos deuis il ne nous aduint iamais de parler des Iesuites : car lors c'estoit vne chassē morte, ou pour mieux dire Sainct̃s, que l'on ne festoit nullemēt. Je vesqui en ceste façō l'espace de trois mois entiers. Et neātmoins quelque cōtenāce exterieure que ie fisse de me dōner du bō tēps avec ces deux grāds preud'hommes, toutesfois ie me rongeois interieuremēt l'esprit, voyāt tous mes premiers projets s'estre tournez à neant. De maniere que au bout de ce temps, mon opinion n'estāt telle, que le vœu du moine, auquel il n'est permis de s'en repentir, reuenant à mon mieux penser,

ie repris au moins mal qu'il me fut possible mes anciens arrhements du Palais, où par la grace de Dieu, ie retrouuay ma fortune plus fauorable, qu'à la premiere, seconde, & troisieme demarche de mon retour. De vous discourir comment, i'abuserois de vostre loisir: & neantmoins peut estre y auroit il assez de subiet pour contenter vn elprit oiseux. Suffise vous que ie fus assez heureusement employé au barreau es années soixante vn, soixante deux, & soixante trois: Auparauant lequel temps i'auois exposé en lumiere mon Monophile, le premier Liure de mes Recherches de la France, & mon pourparler du Prince: Liures fauorablement receus, & embrasés par toute la France. Comme pareillement ie iouay quelquefois mon personnage au barreau, acquerant reputati<sup>o</sup>n entre ceux de nostre ordre: Mais non telle que ie me pensasse digne de paruenir à vne telle cause que celle dont ie parleray presentement. Les Iesuistes (que nous appellions lors Iesuistes) qui auoient pied à pied gaigné terre dedás Paris, & specialement apres le grand & riche legs a eux fait par l'Euesque de Clairmont, bastard du Legat du Prat: Parceque ce grand legs leur ayant esté fait, ils acheterent l'Hostel de Langres, rue S. Iacques, où instituerent leurs leçons, & exercice de leur Religion, selon ce qui leur auoit esté institué par Ignace. Puis se presenterent en l'an 1564. à l'Vniuersité de Paris, affin qu'il lui pleust de les immatriculer en son corps. Chose dont ils furent esconduits en pleine Congregation.

*Clairmont  
legué aux  
Iesuistes.*

Qu'il les occasionna de se pouruoir par deuers la  
 Cour de Parlement aux mesmes fins. Laquelle  
 ordonna que l'Vniuersité seroit appelée pour  
 y respondre. Congregation generale est faicte  
 au Conuent des Mathurins, où il fut conclud  
 d'empescher absolument l'enterinement de ce-  
 ste Requeste. Mais parce qu'en ceste affaire il  
 falloit auoir quelque bon Aduocat, ils se trou-  
 uerent en quelque perplexité. Lors il y en auoit  
 quatre ordinaires de l'Vniuersité, Messieurs de  
 Montelon (depuis Garde des Seaux) Chippoit,  
 Chonart, & Ramat, tous personages de poix:  
 A l'un desquels selon la commune police, il fal-  
 loit bailler la main pour plaider: Toutesfois  
 Messieurs Beguin & le Vassieurs, par vne inspi-  
 ration telle qu'il pleut à Dieu, couchent de  
 moy en ceste compagnie, insistent à ce que ce-  
 ste cause me fust baillée, se rendent garends de  
 ma suffisance, & s'opiniaistrent de telle façon,  
 qu'il fut en fin arresté que ie serois prié de me  
 charger de la cause. Et ie vous iure le Dieu vi-  
 uant, que pendant nostre entreueuë, iamais il ne  
 nous estoit aduenü de parler des Iesuites, com-  
 me estants adonques pieces de nom prix: Et au-  
 surplus qu'il y auoit pres de trois ans que ie ne  
 gouuernois plus ces deux sages Theologiens.  
 Par vostre foy y eust il iamais miracle plus ex-  
 pres de Dieu, que cestuy? l'vsage commun vou-  
 loit que ceste cause fust baillée à l'un des quatre  
 Aduocats de l'Vniuersité, ou en leur defaut à  
 quelque ancien Aduocat des plus fameux: Je  
 n'auois eu cognoissance de ces deux Theolo-  
 giens que par le moyen de ma desbauche du

Palais: i'estois lors encore ieune Aduocat, nostre entreueüe auoit esté oubliee depuis que ie fusr'entré en lice, toutesfois ils se ressouindrét de moy lors que ie ne pensois plus à eux, & en vn acte pour lequelle ne les auois prié ny pensé de prier, mesmes que ie n'eusse ozé esperer. Ceste cause est la premiere planche de mon auancement au Palais: & qui est chose plus esmerueillable, ma desbauche du Palais fut le premier motif pour me la faire bailler: Cela me regarde, qui est peu. Ce que ie vous diray maintenant concerne le general de l'Estat. D'autant que quelque capacité qu'il y eust en tout le demeurant de nostre College, il n'y en auoit vn tout seul, qui eust peu aprofondir ceste cause comme ie fis. Chacun pouuoit diuersement discourir le lieu commun tiré des Concils generaux de Latran, souz le Pape Innocent III. & de Vienne sous Clement V. defendants d'introduire de là en auant en nostre Eglise Catholique Apostolique Romaine, nouueaux ordres de Religion, ains de ranger sous les anciens la deuotion nouuelle dont on se troueroit touché: Mais non de particularizer ce qui estoit du faiët particulier des Iesuites qui m'auoit esté enseigné par Pasquier Bronés cōpagnon d'Ignace huit ans auparauant. Comme aussi est-ce la verité que quand la cause fut plaidee, ny Maffee, ny Ribadeneire n'auoient escrit la vie de Loyola, ny leurs constitutions n'estoient cogneuës en ceste France. Particularité certes au cas qui s'offre admirable.

Mais par maniere d'entremets ie vous



reciteray ce faict en passant. Quelques iours apres que le sac me fust aporté, il aduint à Ramat qui estoit, d'un esprit visqueux, de me dire qu'il me feroit lacher la prise, & qu'il donneroit ordre que par Arrest de la Cour, ceste cause luy seroit baillee, comme à l'un des Aduocats ordinaires de nostre Vniuersité. Ie le prie du commencement & reprie de ne vouloir entrer en ceste dispute. Mais voyant que plus ie le priois, moins il en faisoit de compte, adoncques la colere me monte au visage, & luy dy que ie le priois affectionnément de ne manquer à sa promesse. Parce qu'en ce faisant il redoubleroit mon honneur, & me promettois qu'il me seroit vn autre Cecilius contre Ciceron au faict de l'accusation de Verréz. Dés lors il perdit la parole & deuint muet.

Il y a vn autre point qui ne merite pas moins d'estre sçeu. Communiquant de ceste cause trois ou quatre iours auant qu'elle fust plaidee, avecques Messieurs de la Porte, Canaye, Mangot, Sainctmeloüard, arc-boutants des consultations, Payants trouuee tres-bonne au sortir de la consultation, il aduint à l'un d'eux de dire si bas, que ie l'entendy, que ceste cause estoit d'une longue haleine, & que veüe la chaleur qui estoit en mō actiō, il seroit malaisé que i'en vinsse à bout. Parole que ie remarquay, bien deliberé de ne tomber en ceste accessoire, lors que ie plaiderois, toutesfois poussé de mon naturel apres auoir plaidé enuirō vne heure ie m'estois presque

mis a l'essor, quand apres auoir discouru toute l'institutiō des Iesuites. l'ay (dy-ie) apriſt tout ce que ie vous ay discouru de Pasquier Bronhet, qui des compagnons d'Ignace a le premier planté cette maleureuse lecte dedans Paris. Et à la mienne volonté que tout ainsi qu'un homme du nō de Pasquier en fut le premier fōdateur, aussi que la posterite entende qu'un Aduocat, portât le surnom de Pasquier en fut le premier extirpateur. Cette rencontre pleut tant aux Auditeurs quelle excita un lourd bruit parmi toute la compagnie, qui dura assez longuement, pendant lequel tēps ie me teu & donnay le loisir de reprendre mon haleine, & le premier ton de mon plaidoyer. Et me souuient que maillre Claudé Mangot qui estoit lors dedans la lanterne dit à ceux qui estoient pres de luy ; voila le trait d'un grand Aduocat par le moyen duquel il retournera sur ses premieres brisées fort à son aise.

- Ie ne vous ramenteuray point le demeurant de ce qui se passa lors. D'autant que cēte cause a depuis esté solemnizée par les plumes de plusieurs, mesme de monsieur le President de Thou, lequel dedans le de son Histoire a tout au long rapporté au petit pied tous les points de mon plaidoyé. Et les Anglois l'ont des pieca traduit en leur langage, par honneur, dont i'en ay un pardeuers moy, & a vray dire cēte cause m'acquit beaucoup de reputation. De maniere que de là en auant on ne douta de m'employer es causes les plus celebres, tant & si longuement que ie demou-

ray au barreau, ie veux dire auparauant que le Roy Henry troisieme m'eust honoré de son Estat d'Aduocat en la chambre des Comptes de Paris.

Maistre Pierre Verforis grand Aduocat plaidoit contre moy pour les Iesuites, aidé des memoires que lui administroit Caigord Iesuite, né natif du pais d'Auuergne, l'vn des plus braues solciteurs que iamais le palais ait eu, & pour tell'ay-ie veu pleuuir par feu monsieur le Cardinal de Lorraine. Et se passerent les choses de façon, qu'apres auoir ouy monsieur du Mcnil Aduocat du Roy, qui prit conclusions pour moy, la Cour par son Arrest appointa les parties au Conseil: & fismes nos plaidoyez d'une part & d'autre qu'o peut encores voir auiourd'huy. Je diray cecy par occasion, non par vanterie: l'Vniuersité m'enuoya pour mon salaire dans vne bource de veloux plusieurs escus que ie refuzay brauement, disant: Ia à Dieu ne plaise que ie face ceste faute. Je veux que l'Vniuersité sçache que ie suis son nourrisson, & comme tel m'estimeray treshonoré de luy faire tres-humble seruice, tout le temps de ma vie. Ceste responce rapportee par le Syndich fut faicte vne congregation, en laquelle parla la voix & suffrage de tous me furent ordonnez deux cierges tous les ans pour le iour de la Purification nostre Dame, dont i'ay esté dressé iusques en l'an 1588. que ie quitay la ville de Paris à l'occasion des troubles suruenus sous le nom de la sainte ynion, pour suiure la fortune de mon Roy Henry III. & depuis celle du grand Henry IV. son

successeur. Vous assurant qu'entre les penſiõs que i'auois lors, comme Aduocat d'vns & autres Seigneurs qui n'estoient petites, i'estima cette cy la plus grande & en faisois gloire a milieu de mes compagnons.

Voila quelle a esté ma premiere action cõtre les Iesuites, quelle sera cy apres la seconde, ie le vous manderay par mes premieres, estant meslhuy temps que ie repreigne maintenant haleine. A Dieu.

*A Monsieur de Sainte-Marthe, Lieutenant General de la Marschaussée de France.*

*Seconde  
lettre de  
l'Auteur  
touchant  
son second  
plaidoyé  
contre les  
Iesuites.*

**E** vous ay cy-deuãt escrit comme i'auois esté miraculeusement conuié de plaider la cause del'Vniuersité, & Theologie de Paris, contre les Iesuites. Or pour vous monstrer que nulle passion ne m'y achemina, escriuant depuis au Seigneur de Fonslõme, l'vn de mes premiers compagnons d'escole, comme le tout s'estoit passé au Parlement. En fin (luy dy-je) fut la cause apointee au Conseil, & ordonné que les parties demeureroient en tel estat qu'elles estoient. Ce fut vn coup fourré. Car les Iesuites ne furent pas incorporez au corps de l'Vniuersité comme ils requeroient : Mais aussi estants en posselliõ de faire lectures publiques, ils'y furent continuez. Et vers la fin de ma lettre i'adiouste. Quant à moy ie n'estime point que les Huguenots ayent de petits ennemis en ceux-cy. Comme ainſi soit qu'entre toutes les Religions, la Chrestienne se doieue gagner par prieres,

res, exemples, bonnes meurs, & saintes exhortations, & non par le trenchant de l'espee. Je disois lors cela d'eux, les estimant tous confits en deuotion, & abhorrer du tout les armes, pour l'accroissement de nostre foy; & qu'il ne sembloit au contraire que les Huguenots pour la manutention de la leur, suiuiouent autre piste.

En cette opinion vesquy-je longuement, ne m'informant point de leur taissible caballe. Mais les voyant auoir esté premiers auteurs, promoteurs, & fauteurs des Troubles, introduits premierement sous le nom de la ligue, puis continuez sous celuy de la sainte Vnion, qui produisirent vne infinité de meurtres au peuple, & desobeissances à nos Roys dedans cete France: Que depuis en l'an 1563. la Barre soldat, dit la Barriere, s'estoit acheminé à saint Denis, Gournay, Brie-conte-Robert, & Melun, pour occir le feu Roy, à l'exhortation de Varade Recteur des Iesuites de Paris, qui l'auoit confessé, luy auoit fait oïr Messe, administré le saint Sacrement de l'Autel, baillé sa benediction, avec vne promesse tres-certaine de Paradis, s'il venoit à chef du meurtre par eux proieté, adonc ie me laschay à toute bride cōtre ce nouveau peuple. Et de ce ie m'en croy, d'autant que le proces extraordinaire ayant esté fait & parfaict à ce mal-heureux, & l'exécution d'iceluy, ie vey par le commandement du feu Roy toutes les pieces, sur lesquelles ie dressay vn manifeste dès la ville de Melun, qui y feut imprimé sans y mettre mon nom,



& eut cours par la France avec l'approbation de ceux qui le leurent, voire en ma presence, ne sçachants que i'en fusse l'auteur. Chacun trouuoit de tres-mauuaise digestion qu'on eust iuré & coniuéré la mort d'un Roy & Prince absolu, & que pour y paruenir on eust mal-heureusement meslé le Paradis & le meurtre ensemble.

Après auoir couru diuerses fortunes, vns & autres venants à se recognoistre, nous retournons dedans Paris, où ce grand Roy fut accueilly de son peuple avec toute deuotion. A nostre arriuée ie voy la haine cōmune de tous encontre les Iesuites: Requeste présentée par l'Vniuersité à ce qu'il pleust à la Cour iuger l'ancien appoincté au Conseil, & les faire vuidier de Paris. La cause plaidée, & de rechef appoinctée au Conseil, pendant ces entre-faites, ie voy mon ancien plaidoyé estre imprimé, & vendu par les Colporteurs de la ville, acheté à l'enuy par les passants gens d'honneur & de marque: & aduient de mal-heur que du Chastel Parisien, l'un de leurs escoliers & disciples, attente dedàs le Louure sur la personne du feu Roy, le iour & feste saint Iean l'Euangeliste l'an 1594. Ce meschant & mal-heureux attentat mit chacun en gargouille. Au moyen de quoy l'appoincté au Conseil fut iugé diffinitiuement, Chastel puny d'une mort griefue, & ordonné que les Iesuites vuideroient la France, l'Arrest executé, leur Bibliotheque est vendue à l'enquant par deux Conseillers tres-Catholiques au plus offrant & dernier encheris-

feur. Par le moyen de cete vente on eut connoissance des secrets qu'ils tenoient auparavant cachez dedans leurs liures qui feurent vendus. Et quant à moy, induit d'une iuste douleur de ma patrie, faisant en l'an 1596. le Liu. 6. de mes Recherches, dôt les quatre derniers n'auoient encores veu le iour, i'adiouste dedans le troisieme mō Plaidoyé par forme de chapitre. Les Iesuites demeurent quelque temps muets, & depuis s'estants avec le temps assëurez sous la faueur de la Guyenne, & du Languedoc; pays qui leur seruoit de suraccez, ils commencerent d'escrire liures diffamatoires contre les imputations qu'ils disoient leur auoir esté faulxement & à tort improperées. Et de fait merent en lumiere vn liure dont le tiltre est la Verité defenduë, n'oubliants riens de ce qu'ils pensoient appartenir à leur intention : voire accompagnoient leur pretenduë verité de plusieurs insupportables mensonges : œuvre, qui fut quelque temps apres suiuy d'un autre, intitulé : Responce de René de la Fon pour les Religieux de la Compagnie de Iesus. Auquel faisants contenance de s'attaquer contre feu Monsieur Marion Aduocat general de la Cour de Parlement, ils descocherent contre moy vne infinité de fleches, indignes, ie ne diray point d'un Chrestien, ains d'un Turc, ou Arabe. Ce dernier liure m'est caché. Car nul de mes amis es mains duquel il estoit tombé ne m'en ose faire part, pour le placart plein de honte, calomnies, impostures & asneries contre moy dites, dont le liure est parsemé: Liure vraiment di-

gne vrayement d'un Iesuite, tout ainsi que celui de la verité defenduë. Comme aussi puis n'agueres ay-je esté assuré par l'un de ceux qui tient l'un des premiers lieux de cest ordre en nostre ville de Paris, que ces deux ouvrages sont deuz à Richeome cy-deuant Prouincial des Iesuites, en la Prouince de Guyenne, & maintenant l'un des quatre assistans d'Aquaiue.

Ie vous ay discouru par mon autre lettre, qu'il y auoit du miracle tres-expres de Dieu en ce qu'inesperément ie plaiday la cause contre eux pour l'Vniuersité de Paris. Ie vous puis dire qu'il n'y en a pas moins, en ce que i'ay depuis escrit contre leur Ordre, par mon Catechisme. Comme ce Liure m'estoit de ceste façon caché par les miens, il aduint sur ces entrefaictes, qu'un gentilhomme Escossois, qui auoit esté nourry ieune en leur College dedans ceste ville de Paris, qui me cognoissoit de nom seulement, m'apporte ce Liure à coup perdu; induit à ce faire, ou par un desir de vengeance, ou de deuotion. Et afin qu'entendiez son histoire, la verité est, que le feu Roy d'Espagne Philippe, l'auoit faict son Tresorier general pour soudoyer vne grande armee de mer par luy leuee, bien deliberé d'enuahir le Royaume de la grâd' Bretaigne, & s'en faire maistre sur la deffuncte Roïne Elizabeth. Toutesfois la plus grâde partie des Vaisseaux estant fracassée par vne grande bourasque de mer; & cette entreprisede reuscie à neant, le pere Cricthon Iesuite ne voulant que du tout elle fut oyseuse importuna plusieurs fois Brussede

luy bailler de l'argent qu'il auoit de la part du Roy Philippe; Quoy faisant il acheteroit deniers comptants la mort du seigneur de Metelan Chancelier du Roy d'Escoffe. Chose dont Brusse l'ayant esconduit pour les raisons par moy couchées dedás l'un des chapitres du troisieme Liure de mon Catechisme, Criton pour se ressentir le fit apprehender au corps en la ville de Bruges, luy faisant faire & parfaire son procez par l'espace de trois ans entiers: non pour autre cause, sinon qu'il ne luy auoit voulu bailler deniers pour faire mourir Metelan. En fin apres auoir esté detenu prisonnier l'espace de trois ans entiers, le Senat voyant ceste accusation estre pure friuole, luy furent les prisons ouuertes, mais d'autant qu'il auoit affaire à vn Iesuïte, par vn hors de cour & de procez, sans despens, dommages & interets. Brusse sorty des prisons se transporte en la ville de Douay, où il achapte chez vn Libraire, ce Liure de René de la Fon. De là s'achemine de Paris, où il me vint sur les dix heures trouuer en la grand Sale du Palais, & apres m'auoir bienueigné me dict, qu'ores qu'il n'eust cognoissance de moy que celle qu'il auoit par mes Liures, toutesfois il desiroit cōmuniquer particulièrement avec moy, pour chose qui m'importoit. Ce dont ie le remercie avec honneur, & à ceste fin luy enseigne mon logis. L'apresdinee, il ne manque de sa promesse, & me vient voir; Et d'une mesme main me donne le Liure de la Fon, qui m'auoit esté si superstitieusement caché par mes amis. Je pren ce don à tres-grande obligation, ie luy le Li-

ure, & les iniures dont il me calomnie sous le n<sup>o</sup>  
& titre de Notes, car de droit fil il ne m'ose au-  
cunement attaquer: Sur ce, ie contracte ami-  
tié avec Brusse, qui depuis m'ayda de plusieurs  
liures qui concernoient les Iesuites, outre ceux  
que i'auois: & entre autres de leurs constitu-  
tions faictes par Ignace de Loyola, qu'il disoit  
luy auoir esté inspirées par le saint Elprit; non  
toutesfois par luy publiées, pour auoir esté pre-  
uenue de mort, ains par le pere Iacques de Lai-  
uez son successeur, en vne congregation ge-  
nerale tenuë par les Iesuites, desquels il y auoit  
deux Peres de chaque College: ces cōstitutions  
accompagnées des procez verbaux qui furent  
lors faits, & de leurs cōmentaires. Cest honne-  
ste homme fut depuis enterré en nostre Eglise  
saint Paul dont il estoit Parroissien, & luy feis  
assistance à son enterrement. Pendant sa vie, &  
apres, ie me donnay le loisir de lire leurs liures  
auparauant tenus par eux clos & couuerts, sur  
lesquels ie dressay mō liure diuisé en trois, por-  
tant sur le front ce tiltre, Le Catechisme des Ie-  
suites, ou Examen de leur doctrine: Auquel ie  
n'ay voulu apposer mon nom: d'autant que  
par les entre-parleurs de mes Dialogues (qui  
sont l'Aduocat, le Iesuite, & le Gentil-homme)  
ie suis allegué en plusieurs endroits. Qui ne  
pouuoit estre fait, pour l'entre-gent requis en  
telles matieres que par vne personne autre que  
des pourparleurs: toutesfois par ces frequētes  
allegations de moy, i'ay bien voulu que le Le-  
cteur pensast que Pasquier en estoit l'auther.  
Voire quel Aduocat qui tient le premier lieu



dedans mon pourparler estoit le mesme Pasquier. Chose aussi qu'on peut descourir sur le commencement du chapitre du troisieme Liure concernant le parricide que Barriere, soldat desesperé voulut attenter contre la Majesté du feu Roy, que Dieu absolue. Cōme nul ne fait doute, en quelque pays que ce soit, qu'il n'ait esté par moy composé: & pour vous dire en vn mot, ielouë en eux qu'ils abhorrent en leurs chaires le Lutheranisme & Calvinisme, tout ainsi que nos Theologiens ordinaires: mais le demourant de leur secte ie l'abhorre, portant tout honneur au saint Siege, dont ils font masque pour s'autoriser en biés & grandeur. Que si desirez en sçauoir les raisons, donnez vous le loisir de lire le Liure, où sans me detraquer de l'obeïssance que ie dois au saint Siege, ie monstre franchement leurs fautes par leurs Liures mesmes.

Ie vous escry cecy par expres, comme à celuy que ie sçay faire profession tres-expresse de nostre Religion Catholique, Apostolique, Romaine: & neantmoins au cas qui s'offre, ie m'asseure que iugerez ces Messieurs s'estre grandement oubliez en mon endroit. Car au lieu de me payer de responses pertinentes & Categoriques ils ont du commencement fait entrer sur l'escharfaut contre moy, vn barragoïn chasseur, homme despourueu de sens commun, qui ne sçait parler Latin, ny François. La seule premiere desmarche de son Liure vous en peut rendre fidele tesmoignage, sur lequel il a mis pour tiltre: La chasse du Renard Pasquin

descouuert & pris en sa tanniere du libelle dif-  
famatatoire faux marqué le Catechisme des Ie-  
suites. Car quelle Grammaire Françoisse pou-  
uez vous trouuer en ces mots. D'auantage en  
tous ses discours, vous y voyez vn esprit desper-  
du qui dedans la ville de Bourdeaux s'est plus  
desbordé en iniures, qu'une putain stranate du  
bourdeau. Et à peu dire, ostez-les, vous trou-  
uerez vn Liure sans ame: duquel toutesfois on  
peut faire vn Dictionnaire de mesdisance. Et au  
surplus si on peut passer sur son Liure, sans auoir  
mal au cœur, & sans escorcher le renard, on y  
voit vne Satyre du coq à l'asne, vne charrete  
mise deuant les bœufs, & si ainsi me permettez  
de le dire, vn sens deuant derriere de discours.  
Car il fait semblant sur la fin de son Liure de  
respondre à ce qui est mis sur la premiere poin-  
te du mien, & adiousté tant sur le commence-  
ment que milieu, ce qui en est sur la fin. Bref  
c'est vn vray chaos & pesse-messe d'iniures.  
Chose industrieusement par luy faite, pour in-  
teruertir par cete meslange de chapitres le iu-  
gement du lecteur, & luy oster la patience de  
reconoistre, si les responses de ce grand ve-  
neur sont de quelque merite & effect. Cepen-  
dant c'est autant faire de tort à la compagnie  
des Iesuites: Car ou du tout il se falloit taire, ou  
enuoyer pour auant-coureur de leurs defen-  
ses, vn homme armé de haut-appareil, & de  
toutes pieces. Et vous diray icy en passant, que  
quelque personnage d'honneur mien amy  
voyant le peu de compte que i'en faisois, me dit  
en se souf-riant, Vous en ferez tel iugemēt qu'il

vous plaira : Mais quant à moy ie veux qu'il re-  
çoie de moy quelque loyer de son labeur : &  
ay pour cete cause fait en faueur de luy ce Son-  
net, que ie le prie recevoir de bonne part.

*Quiconque sois chasseur, qui te masques du fard  
De Dieu, sans croire en Dieu, ains plein d'orgueil  
& d'ire,*

*Nous apprens que iamais tu n'appris qu'à mesdire,  
Barragoiin pipeur, hypocrite cassard.*

*Chasseur, qui as voulu sous le nom d'un Renard,  
Aux Nembross comme toy appareiller à rire,  
Et aux bons un despit, en te voyant escrire  
De Jesus, toy qui n'eut en Iesus iamais part.*

*Or que contre Pasquier tu veux faire le fort  
Et ores qu'il te plaist sentir quel est l'effort  
D'une main foudroyante, & crinincux iambe :*

*Crains tu point que Pasquier, de son honneur jaloux,  
Brandissant contre toy le feu de son courroux,  
Te soit un Archiloch, tu luy sois un Lycambe.*

Il ne faut point ( dy-ie à ce mien amy ) que ce  
chasseur craigne ce coup de moy. Car encores  
que la chasse attire quand & soy vn carnage  
que l'Eglise abhorre, toutesfois ie luy ferois  
trop d'honneur de le faire declarer par ma plu-  
me tel qu'il est, ie veux dire vn sot. D'une cho-  
se sans plus me fasche-ie, que les Iesuites bien  
aduisez en leurs affaires ayent icy failly en la  
leçon ordinaire des sages-mondains, qui est  
d'envoyer du commencement en toutes leurs  
actions vne bonne bouche d'eux : Autrement  
ils perdent enuers le peuple, toute creance. Si  
non que vouliez dire qu'ils ont voulu represen-  
ter vne Tragi-comedie contre moy. Ayants à

la façon des Comediens d'Italie, fait iouïr le prologue à leur Zany traueſty en chasseur, puis ont fait iouïr son rolle à Richeome, lors leur Prouincial de Bourdeaux, & auïourd'huy l'vn des quatre aſſiſtants d'Aquaiue leur General, lequel voulant dedier à vn grand Roy son Liure, auquel il s'agit de l'estat general de leur ſecte, ils'en eſt repoſé ſur les yeux d'autrui, & a beſongné par procureur : en quoy ie ne puis par meſme moyen que ie n'accuſe la perfidie de ſes compagnons, pour luy auoir mis des memoires faux ésmains pour reſpondre à ceux auxquels iamais ie ne penſay par mon Liure. En matiere de Liures c'eſt choſe fort chatoüilleuſe, quand l'autheur ſe fie trop à ſoy : mais beaucoup plus dangereuſe de ſe fier trop à autrui : voyez mō Liure, voyez le ſien, vouſ trouuerez ce que ie dy veritable. Ne penſez pas que ie vous aye riens dit ny du chasseur, ny de Richeome, que ie n'aye amplement veriſié par deux diſcours ſeparez qui ſont entre mes papiers, que ie n'ay voulu mettre en lumiere, pour en auoir eſté prié par quelqu'vn de leurs eſcoliers. Ioinct que mon Catechiſme me ſemble leur ſeruir de parſourniſſement pour les exercer à bon compte.

Les defauts & inepties de Richeome, qui ſe fait de feſte à toutes heurtes, ont eſté cauſe que trois ans apres, Carolus Scribanus, lors Recteur en l'Vniuerſité d'Anuers, qui ſous ſon nom anagrammatiſé ſ'eſt appellé Clarius Bonarcius, prit ceſte querelle en main, & mit en lumiere vn Liure par luy compoſé ſous ce til-

tre: *Amphitheatrum honoris, in quo Calvinistarum in Societatem Iesu criminationes ingulatae.* Et au dessous y a vne figure en taille douce d'un homme tenât vne espée nuë en la main droicte, en l'autre vn bouclier, & six hommes couchez à ses pieds, comme s'il les eust occis. Le mot d'Amphitheatre, celuy de *ingulare*, & ceste figure nous monstrent au doigt & à l'œil, quel'auteur voulut représenter par son Liure vn ancien gladiateur, que nostre bien-disant Amiot appelle dedans ses Versions escrimeur à outrance: & i'appelleray cettuy-cy, vn escrimeur de village, pour auoir fait vne grande leuée de bouclier, sans coup ferir, au moins qui soit venu à propos. Cegentil gladiateur s'est représenté sur l'escharfaut, reuestu de la peau d'un asne, ie veux dire d'un style d'Apulee en son asne d'or, mais non de la gentillesse de son esprit. Et en son lourdois, & sans iugement franchit le pas là ou Richeome charlanisant a hypocritement soustenu que par leur obeïssance au eugle enuers le sainct Siege, ils n'entendoient qu'il pût riens entreprendre sur la Majesté de nos Roys & de leur Estat, Bonarcus ne doute de le démentir éfrontement aux vnze & douziesme chapitre de son premier Liure, & de soustenir par plusieurs passages du vieux Testament mal assortis, non du Nouveau, qui est celuy auquel nous deuons buter, qu'il est en la puissance du Pape de changer les Royaumes, & les faire tomber d'une main à autre, quād il luy plaist, mesmement celuy de la Frâce. Leçon quiluy est familiere avec Azo-



rius, Mariana & autres Iesuites denom. Tout le demourant sont friuoles. Vray que par tout son discours ( qui est seulement dedans son premier Liure ) car les deux autres sont des vers de sa façon: ausquels il se donne tel jeu qu'il luy plaist, il introduit vn Calviniste entreparleur avec le Iesuite, & trouuerez qu'aux raisons de l'un & del'autre, il n'y a nul nez. Recours à la lecture del'ouurage, tant ce Iesuite est subtil: vray que parlant de Calvin & Bezeil les attelle enséble, & vn docteur & moy, pour auoir escrit contre leur Iesuisme. Et tout d'une suite en fait quatre cheuaux de coche. Etia à Dieu ne plaise que tous ceux qui sont ennemis formels des Iesuites, soient pareillement Calvinistes; Si ainsi estoit, quelle grande bresche, ô bon Dieu, seroit faite au S. Siege de Rome. Au demourant ie veux que chacun sçache que ne fus iamais entaché ny du Luteranisme, ny du Calvinisme. I'ay eu trop de puissance del'estre impunément dás la France des & depuis cinquante ans en ça, pour y nourrir vne paix & tranquillité commune entre les subiets, & neantmoins ay tousiours vecu dedans ma parroisse, avec mon Curé à la vieille guise. Voila en quel façon ie me suis gouverné & gouuerne. Et si en tout ce que ie vous ay discouru il y a quelque male-façon, c'est d'auoir par les Iesuites permis d'entrer pour leur protection & deffense, premieremét vn chasseur, puis vn charlatan, & finalement vn gladiateur. Outils qui ne pleurent iamais à nostre Seigneur Iesus-Christ. Prou de pescheurs,

point de chasseurs, & moins encores de men-  
teries. Je prie donc les Iesuites, & les prie que  
i'aye, que s'ils pensent y auoir en moy Catechis-  
me quelque chose de mal basty, en le voulant  
corriger, ils veulent obseruer l'ordre & police  
que i'y ay gardé, & les en supplie, non comme  
leur ennemy, & i'en appelle Dieu à tefmoin,  
ains comme celuy qui est seruiteur du sainct  
Siege Catholique Apostolique Romain, &  
de la Religion ancienne & Iustice. Que ceux  
qu'ils employeront pour y mettre la main  
(car ie sçay d'eux mesmes que mon Catechis-  
me leur poise grandement sur le cœur) respon-  
dent à toutes mes obiections : Autrement ils  
feront penser qu'ils passent taisible condem-  
nation de celles ausquelles ils n'auront respon-  
du. Ils sçauent quelle est l'economie de mon  
œuvre, & qu'il n'y a rien d'oiseux. Qu'il faut  
qu'ils me satisfacent par ordre. Le tout en la  
mesme façon que ie voy auoir esté fidellement  
pratiqué par leur Fréron le Duc (personnage  
plein de doctrine) contre le Seigneur du Ples-  
sis Mornay, en son Liure de l'institutio & vfa-  
ge del'Eucharistie en l'ancienne Eglise. Au-  
tremét chacun se mocquant d'eux, dira qu'en  
tout leur faict, il n'y aura que du Renard, tant  
blazonné par leur chasseur. Et quand ils m'au-  
ront combattu en ceste maniere, non par No-  
tes, telles que leur charlatan Richeome, ains  
par Liures massifs pleins de bōnes raisons, sans  
mensonge, qu'adonques il leur soit permis de  
lascher toute bride à leurs passions cōtre moy.  
Car de ma partie proteste tant deuant Dieu, &

son Eglise, que ie ne desire rien tant que d'estre vaincu : moyennant que ce soit sous bons gages, & sans sophistiquerie. J'aime, respecte, & honore la Religion Catholique, Apostolique, Romaine, tout ainsi que firent nos predecesseurs en ceste Frâce, par le moyen de laquelle ils vquirent en paix & vniõ sous l'autorité de nos Rois: Je hay la secte des Iesuites qui feignants d'obeir au sainct Siege, introduit toutes nouveutez ) mais non vns & autres deses Ministres que i'estime se deuoir avec le temps reduire au lein de nostre Eglise Gallicane. Adieu.

*An Pere Claude Aquanine, General des Religieux  
qui se disent de la Societé du nom de Jesus.*

**E**N CORES que par mon Catechisme, & examen de vostre doctrine, j'aye fait profession expresse de m'attaquer contre les Constitutions d'Ignace, & par consequent contre vostre Ordre, si veux-ie bien que sçachiez, que ie ne suis ennemy bannier de tous les vostres. I'en recognois quelques vns dignes de recõmandation, lesquels pour ceste cause i'honore. Comme aussi est-il impossible, que le choix & triage que faiçtes de vos escoliers, pendant leurs bas aages, les transplantans en vostre compagnie, mal-gré les peres, & meres, qui les vous enuoyent seulement pour estudier, ne produise à la longue quelques personages de marque. Anciennement la Secte des Arriens ne valoit rien, & neantmoins produisoit de fois à autres des gens plus doctes que

les Catholiques. Or pour le regard de vostre Ordre, ie vous prie ne penser que ie luy aye voué vne inimitié immortelle : elle mourra fort aysément, quand par bonnes & valables raisons me rendrez capable de vos instituts. Lors que iemis en lumiere mon Catechisme, i'estimay qu'il ne demeureroit sans responses ; estant vostre Compagnie assortie de plusieurs ouuriers qui seroient marris que leurs plumes demeurassent muettes, en vne querelle qui vous importoit de tout. Vray qu'il m'entra en l'opinion, que ie serois payé en monnoye de mauuais alloy, ie veux dire en iniures mensongeres, & mensonges iniurieux, comme vous pouuez voir par le Quatrain que ie vous adressay sur la fin de mon troisieme Liure.

*Si ie l'ay manié autrement qu'au vray poinct,*

*Il te faut, Iesuïte, en auoir ta reuange :*

*Mais en me desinentant, ie te pry' ne men point :*

*Si tu dis verité, tu feras chose estrange.*

Et quoy ? ie n'ay esté nullement trompé :

& les Liures de vostre chasseur sans nom, les notes de vostre Richeome, & l'Amphitheatre de vostre Carolus Scribanus, qui par son nom anagrammatizé se dit Clarius Bonarcus, & est vn escrimeur à outrance, en font ample foy. De moy, ie veux que vous sçachiez que ie me mets, en ceste cause, non la victoire, ains la verité seulement en bute, dont ie desire estre esclairey. C'est pourquoy ie parleray à vous franchement, & à cœur ouuert.

Premierement, ie vous prie de croire, que ie ne feus iamais Huguenot ( i'vseray du mot

qui nous est en ceste France mal-heureusement trop familier.) Il y a soixante ans & plus de passez, que la porte m'y estoit impunément ouuerte : Toutesfois i'ay depuis ma ieunesse iusques à huy, conduit d'une mesme teneur ma Religion, en l'Eglise Catholique, Apostolique, Romaine, & non seulement conduit, ains en ay fait profession publique par mes Liures. En nostre France la consequence ne vaut riens de dire : il est ennemy des Iesuites, donc Huguenot : Au contraire, il est vray Catholique François, doncques ennemy des Iesuites.

M'estant heurté contre vostre Ordre, i'ay pensé combattre pour l'autorité du saint Siege, pour le salut de mon Roy & ses successeurs, pour la defense de ma patrie, & en peu de mots, pour le repos general & vniuersel de nous tous. Et ne m'attache point seulement à ce que ie voy maintenant, ains à ce que ie crain, & preuoy nous deuoir aduenir (si Dieu n'a pitié de nous) me remettant deuant les yeux ce qui s'est passé par la France, lors de nos derniers troubles, & quels furent lors les deportements des vostres.

Tout ce que i'ay discouru contre vous autres, est vne question d'Estat, & de Religion tout ensemble, ou bien si ainsi le voulez, vne question d'Estat, dans laquelle la Religion est enclose. Glaiue partant qui ne doit estre manié par vn sot, tel qu'est vostre chasseur : par vn escolier Sophiste, tel que Richeome, & moins par vn furieux, tel que vostre Bonarcus. I'ay esté tout au long ce que ie pensois seruir à  
mon



mon propos, & ne l'ay mandié des Indes, dont on ne parle que par aduis de Pais, ains du fonds premieremēt des Bulles à vous octroyées, puis de vos constitutions, & en outre d'un Massée, Ribadeneire, & Turselin vos historiographes. Et ne me suis aydé de tout ce que dessus à coup perdu, ainsay transcrit mot pour mot tous les passages, dont ie me preualois contre vous, & encores les ay-ie voulu translater en langage François, à ce que toute la France y eust part.

Et neantmoins pour vous faire paroistre que ie ne veux estre ennemy de vostre Compagnie sous faux gages, ie vous donneray presentement vn aduis, contre moy mesme, que ie vous prie mettre en œuvre. Car ie ne veux que l'on pense, que ceste cause soit la mienne en particulier, ains celle qui concerne le general, & tout le public.

En premier lieu, ie suis d'aduis qu'enuoyez mō Catechisme à tous vos Prouinciaux: Pour le moins à ceux que penserez estre de plus grād merite: lesquels apres l'auoir de leur part, & chacun endroit soy examiné, le communiqueront à leurs inferieurs, qu'ils penseront les plus capables & suffisants. Afin que chacun par vn commun vœu, contribué du sien pour luy contredire: & que toutes les pieces ramassées, on choisisse deux ou trois personnages de marque de vostre Societé, qui y mettent les mains à bon escient, & en fassent vn œuvre massif plein de persuasiues raisons, à mon desauantage. Cela estant ainsi concerté entre nous, ie souhaite que tout ce qui sera escrit, & contre & pour

vostre Compagnie soit veu par la venerable faculté de la Sorbonne , par le Parlement de Paris, & non seulement par luy , ains par ceux de Thoulouze & de Bourdeaux , esquels des pieça vous faites vostre retraicte. Je desire que tout cela soit veu & leu, par nostre Roy, la Reine sa Mere & Monsieur le Châcellier au Conseil d'Estat. Et sur tout qu'il soit veu par nostre saint Pere le Pape , en son sacré consistoire, m'assurant que toutes nos pieces estants meurement examinées, il sera fort aisé de iuger le merite ou demerite de nos opinions.

Je vous escriis cecy par expres, comme à celuy qui pour l'ancienneté de vostre aage devez estre grandement aduisé en la direction de vos affaires: Et neantmoins au cas qui s'offre, que vous soyiez merueilleusement oublié. Ayant fait du commencement entrer sur l'escharfaut, vn barragouin chasseur, qui ne sçait parler Latin, ny François , Homme depourueu de sens commun. La seule premiere demarche de son Liure, vous en peut rendre fidele tesmoignage, sur lequel il a mis pour tiltre: La Chasse du Renard descouvert & pris en la tanniere du li-belle diffamatoire faux marqué, le Catechisme des Iesuites: Car quelle grammaire Françoise pouuez-vous trouuer en ces mots. D'auantage en tous ses discours, vous y voyez vn homme esperdu , qui dedans la ville de Bourdeaux s'est plus desbordé en iniures, qu'vne putain du bourdeau. Et à peu dire, ostez les iniures, vous trouuerez vn Liure sans ame, duquel toutesfois on peut faire vn Dictionnaire de mes-

disance. Et au surplus si l'on peut passer sur son Liure sans auoir mal au cœur, & sans escorcher le renard, on y voit vn Satyre du coq à l'asne, vne charette mise deuant les bœufs, & si ainsi me permettez de le dire, vn sens deuant derriere de discours. Car il fait semblant sur la fin de son Liure, de respondre à ce qui est mis pour la premiere partie de mon Catechisme. Et adiouste tant sur le commencement, que meillicu du sien ce qui est sur la fin du mien. Bref c'est vn vray chaos & pesse-messe plein de mensonges & iniures. Chose industrieusement par luy faite, pour interuertir par ceste meslange de chapitres le iugement du lecteur, & luy oster la patience de recognoistre si les responces de ce grand veneur sont de quelque recommandation & effect. Cependant c'est autant faire de tort à vostre Compagnie. Car ou du tout il se falloit taire, ou enuoyer pour auantcoureur de vos defences vn homme armé de haut appareil, & en tout euenement, ores que soyez bien aduisé en la pluspart de vos affaires: toutesfois il semble qu'ayez icy failly en la leçon ordinaire des sages-mondains, qui est d'enuoyer du commencement en toutes nos actions, vne bonne bouche de nous. Autrement nous perdons enuers le peuple, toute creance.

Peut estre me direz vous, qu'auiez voulu par vos defences, représenter vne tragi-comedie contre moy; Ayants à la façon des Comediens d'Italie, fait iouer vostre Prologue, à vostre Zany trauesty ou Chasseur. A la suite duquel faites entrer sur le theatre vostre Riche come, ha-

billé en chatemite Aduocat, & puis afin de ne manquer en riens, pour le soustenir faites ioüer son personnage à vostre Carolus Scribanus, qui par vn nom anagrammatifé en celuy de Clarus Bonarcus, commence de ioüer des mains, par son *Amphitheatrum Honoris*. Qui ne sont pas considerations indignes de vous. Comme de fait depuis le Liure de Richeome parfaict, qu'il adressoit à nostre grand Roy Henry iv. afin de n'en estre ingrats, appellâtes Richeome pardeuers vous, & au lieu de Prouincial de Bourdeaux qu'il estoit, le fites l'un de vos quatre Assistants, c'est à dire, l'un de vos quatre grands Conseillers d'Estat qui vous assistent. Et au regard de Scribanus, au lieu qu'auparauant il estoit simple Recteur des Iesuites dedans la ville d'Anuers, vous l'avez fait vostre Prouincial dedans tout le pays bas. Qui ne sont pas recognoissances de peu de merite, lesquelles doiuent exciter tous les autres de vostre honnesteté, qui ont quelque assurance de leurs esprits, de faire le semblable qu'eux contre moy sans m'espargner.

-Et neantmoins encores faut-il que ie vous die franchement, que i'y trouuay beaucoup à redire. Car pour le regard de vostre Zany qu'avez deguisé en chasseur, voyez ie vous prie si telle maniere de gens sont outils qui plaisent à Dieu. Dedans nostre sainte Escriture, prou de pescheurs prou de chasseurs: Cain, Nembroth, & autre telle engeance d'hommes grands chasseurs, & la plus grande partie des Apostres de nostre Seigneur Iesus-Christ, tous pescheurs.

La chasse attire quand & soy vn charnage, que l'Eglise abhorre. C'est pourquoy ceux qui nous ont escrit de l'art Militaire, nous ont enseigné que la chasse est le propre exercice d'un guerrier pendant vne paix, mais mestier qui doit estre du tout incognu aux personnes Ecclesiastiques: & maintenant que iouissons graces à Dieu d'une paix profonde, de vous estre maintenant donnez pour vostre Zany, vn chasseur, prenez garde, que le peuple ne croye aisément que n'avez autres passions en vos ames que des massacres, boucheries, & coupe-gorges, esquels nous auiez plongez six ou sept ans pendant nos derniers troubles.

Car pour le regard de vostre Richeome qu'avez fait à la suite de vostre chasseur entrer sur le théâtre sous l'habit d'un Aduocat chatemitre, qui adresse son Liure à nostre Roy Henry le Grand, pour le cuider autoriser d'auantage, vous y trouuerez deux fautes inexcusables. La premiere que sur son entrée, il ne conte que de l'honneur de Dieu, & de son Eglise, mais cete deuotion ne luy est de longue durée. D'autant que soudain qu'il est demaré, & entré en pleinemer, vous ne trouuerez en luy qu'un flot d'iniure, indigne non seulement d'une ame calme qui s'estime approcher le nom de Iesus, ains des plus esloignez de la charité Chrestienne. Et au surplus tant s'en faut qu'il se rende bon Aduocat, qu'au contraire il est vn preuaricateur. Tout bon Aduocat se rend capable de sa cause non seulement par son sac, mais aussi par celuy de son aduersaire, quand il ne le cha-



stre point. Lors qu'il luy est communiqué, Richeome a peu & deu auoir communication de mon Catechisme, comme celuy contre lequel il vouloit descocher ses fleches: toutes-fois il ne se donna iamais le loisir de le lire: ains s'en est rapporté aux yeux de quelques siés cōpagnōs, qui luy ont donné la mocque. Qu'ainsi ne soit, iettez l'œil sur son œuvre, & sur le mien: vous trouuerez qu'il me fait par son ignorance dire mille choses ausquelles iamais ie ne pensay. Ce que ie manifesteray au premier des vostres qu'il vous plaira de commettre. L'accuse la sottie de Richeome: i'accuse la perfidie des siens. Sottie de Richeome de tant que voulant dedier à vn grand Roy son Liure, auquel il s'agit de l'estat general de vostre Ordre, il s'en est fié aux yeux d'autrui: Perfidie de ses compagnons: pour auoir falsifié les memoires qu'ils luy ont contre moy baillez. En matiere de Liures s'est chose fort chatoüilleuse, quand l'auteur se fie trop à soy: Mais beaucoup plus dangereuse de se fier trop à autrui. Ie ne vous dy riens en cecy que ie n'aye verifié à plusieurs personnages d'honneur. Et neantmoins tant que Richeome viura, il sera vrayement vn pauvre homme, ie veux dire vn homme sans fonds, lequel se plaissant pauonesquement, ou bien pedantesquement en sa plume apprestera à rire aux vns, & aux autres vn despit, par son babil au desaduentage de vostre Compagnie.

Ce que pourrez encores plus amplement recognoistre par ce que ie vous reciteray maintenant; & cecy est le second poinct que ie trou-

ue inexcusable en son Liure. Les Iesuites pour-  
 suiuant à cor & à cry leur reſtaſſement de-  
 dans la France, par l'entremiſe de leur Pere  
 Laurent Magius, à ce par vous delegué, com-  
 me leur General, nous nous rencontraſmes  
 deux en meſmes temps, qui ſans communiquer  
 nos deſſeins & conceptions l'un à l'autre, ex-  
 poſaſmes en lumiere, pour le deu de nos con-  
 ſciences, deux Liures contre eux. L'un intitulé,  
 Le franc & veritable diſcours adreſſé au Roy,  
 ſur le reſtaſſement qui luy eſt demandé par  
 les Iesuites : Le mien ſous le nom du Catechiſ-  
 me des Iesuites, ou Examen de leur doctrine :  
 Auquel ie ne my mon nom ſur le front, non  
 plus que l'autheur du franc diſcours ſur le ſien.  
 Non pour crainte que i'euiſſe des voſtres : Car  
 ie veux que l'on ſçache que dès quarante ans  
 & plus, ie ſuis affranchy de ce loup-garou,  
 quand ſur la fleur de mon aage, au premier Par-  
 lement de la France, en l'an 1564. à la veuë de  
 dix mille, ie plaiday pour l'Vniuerſité de Paris,  
 contre les Iesuites. Premier & grand coup d'eſ-  
 ſay de mon eſprit, que quelques nations eſtran-  
 geres ont depuis reputé pour chef-d'œuvre,  
 m'ay âts fait ceſt honneur de le traduire en leur  
 vulgaire; d'ôti'ay quelqu'vns par deuers moy.  
 Plaidoyé que i'ay depuis fait enchaſſer, tant ie  
 les crain, dedans mes Recherches de la France,  
 avec vne couple de chap. expres, par leſquels  
 i'ay reduit, cōme au petit pied, vne partie de vos  
 males-ſaçons, pour mōſtrer que la plus grande  
 ambition que i'auois, eſtoit qu'on cognot vos  
 deportements par ma plume. Pourquoi donc

ne me suis-je nommé sur le tiltre de mon Catechisme ? D'autant que ie suis allegué en plusieurs endroits par le Liure. Ce quine pouuoit estre fait pour l'entregent requis en telles matieres, que par vnè tierce personne Et toutesfois en ces frequentes allegatiōs de moy, i'ay bien voulu que le Lecteur pensast que Pasquier en estoit l'Autheur, Voire quel'Aduocat qui tient le premier lieu dedans le Dialogue de mon Catechisme, estoit le mesme Pasquier.

Or le franc discoureur & moy, nous estants rencontrez en mesmes deuotions, la difference qu'il y a eu entre nous deux, fut que celuy la combattoit contre leur reestablisement en ceste France, & moy pour l'extirpation generale de vostre Secte ou Ordre, donnez luy tel nō qu'il vous plaira. Vous pouuez presque recueillir cela par la lecture des deux tiltres. Les moyens du franc Discoureur, sont principalement fondez sur les parricides des Iesuïtes, & attentats qu'ils font sur les vies des Princes souverains, & de leurs Estats, qu'il a tenu pour indubitables : & moy ie les pense auoir prouuez par plusieurs anciennetez de la France : & passant outre, i'ay recherché leur Ordre de fonds en comble, non seulement sur l'impieté de leurs vœus, mais aussi sur l'histoire de leur aduenement, & progrès ; iusques au schisme par eux introduit de fraische memoire dedans l'Angleterre, contre les Catholiques Anglois. Et à dire le vray, combien que le franc discours soit vn ouurage de grand poix, & digne d'un franc Catholique François, toutesfois il ne contient qu'une parcelle du mien. Ce que Richeome

reconnoist, quand il dit que mon Catechisme fait masse, & grand volume, & que le franc discours est mis au petit pied, voire qu'il est extrait de la substance du grand. Qui est vn mensonge par luy nouvellement controuué: Car jamais l'auteur du franc discours n'eut communication de mon Liure, ny moy du sien, sinon apres qu'ils furent imprimez. Et tout ainsi qu'ils furent imprimez en mesme temps, aussi Richeome a tout d'un coup exposé en lumiere deux Liures, qui sont dans vn mesme volume: l'un intitulé: *Plainte Apologetique au Roy tres-Chrestien de France, & de Nauarre, pour la Compagnie de Iesus, cõtre le libelle de l'auteur sans nom, intitulé Le franc, & Veritable discours. Avec quelques Notes, sur vn autre libelle dit le Catechisme des Iesuites.* Et à la suite de cettuy à fait reimprimer vn autre Liure par luy auparauant adressé au Roy, dont le tiltre est tel: *Tres-humble Remonstrance, & Requête des Religieux de la Compagnie de Iesus, présentée au tres-Chrestié Roy de France, & de Nauarre, Henry III. l'an 1598.* Et par l'Epistre liminaire d'iceluy, parlant de nos deux Liures: Nous auons refuté (dit-il) le franc discoureur poinct par poinct, & le plus gros du Catechisme. Si mon Catechisme fait masse, & que le sage Richeome n'ait estimé le franc discours, qu'un extrait de la substance du mien: Si nos deux Liures ensemble donnent la semblance de ce monstre, que l'on vit à Paris en l'an 1536. qui estoit vn homme ja vieil, du nombril duquel sortoit vn autre petit, se tenant par le col sans teste (le tout, comme dit Richeome au

2. chap.) Dont vient que vostre Richeome n'a descoché ses fleches contre ce grand monstre, pour le bouleuerfer cul sur teste? Car puis apres il fust aisément venu à chef du petit. Dôt vient qu'il respond au franc discours, poinct pour poinct, & fait seulement des Notes en gros cōtre moy. Dediant mesmement son Liure au Roy. Il n'a contredit que sept ou huit pieces de mon Catechisme, & encores fort ineptement, & en peu de paroles, qui est le meilleur qu'il y ait en luy. D'autant qu'en tout son Liure, il n'a employé particulierement que trente fueillets contre mon Catechisme. Et pourquoy donc? Parce que ie me fay accroire qu'il nel'eust osé entreprendre. Et à peu dire, par la seule lecture de son tiltre, il mōstre qu'il est non vn franc discoureur, ains vn franc preuaricateur contre moy. Car l'vn des premiers preceptes qui est enseigné à celuy qui plaide pour autrui, est, ou de se taire du tout, ou de ne respondre foiblement à l'obiection qui luy a esté faite par ses aduersaires. Et cōme disoit S. Hierosme escriuāt à Pammachius, celuy qui accusé de plusieurs crimes, ne respōd qu'à quelqu'vns, recognoist taiblement les autres estre veritables, lesquels il passe sous silence.

C'est la cause pour laquelle voulants en ce grand tracas, auquel commādez, aucunement suppleer le defaut de vostre Richeome, auez pour closture du jeu, vostre Carolus Bonarcus Recteur d'Anuers, lequel sous le nō de Clarus Bonarcus, anagrammatizé du vray nom, a mis quelques années apres ( sous vostre aducu, ie le



croy, il ne l'eust osé autrement) mis, vous dy-je, en lumiere vn œuure contenant trois Liures, par luy intitulé *Amphitheatrum honoris*, desquels par cy-deuant i'en ay escrit à quelqu'un des vostres, & que vous en auez veu la lettre touchant la question d'Estat qui s'y traicte, ie ne vous diray autre chose sinon qu'il appreste à rire au Lecteur, quand en quelques chapitres de son premier Liure, il m'attelle & le franc discoureur avec Calvin & Beze. Ce qu'ay ant esté leu par vn personnage d'honneur, il comença tout aussi tost à s'en moquer, disant que notoirement nul de nous deux ne s'estoit iamais distrait de sa Parroisse. Et comme cest honneste homme me l'eust recité : Ia à Dieu ne plaise (luy dy-je) que ceux qui sont ennemis formels de la secte des Iesuites, soient Caluinistes. Si ainsi estoit, ô bon Dieu, quelle grande bresche seroit faite au saint Siege. Au demeurant ie veux que chacun sçache, que ie ne feus iamais entaché, ny du Lutheranisme, ny du Caluinisme: Si tel i'auois esté, ou estois, croyez que ie me donneroie bien garde de faire ceste protestation contraire à ma creance. Et si cest escrimeur n'a autres armes que celles-là, pour me combattre, croyez, qu'il le faut enuoyer en la place aux veaux. C'est ce que ie dy lors à cest honneste homme : mais depuis ayant passé sur ce Liure, ie trouue que c'estoient discours pedantesques, par lesquels ce sot respondant à ses pensées, ne frappe aucun coup à poinct cōtre les obiections par moy faites, & amplement verifiées, horsmis és vnze & douziesme chapi-

tres du premier Liure, esquels malicieusement il s'est debondé au preiudice de nos Roys. Qui a esté cause que le Pere Cotton a esté contraint de le desaiouer deuant le feu Roy. Mais desadueu, qui est subiet à vn autre desadueu, pour n'auoir esté fait par l'autorité de vous, de vos quatre Assistants, ny de vos Prouinciaux. Souuienne vous qu'il est aucunement excusable en sa male-façon, & vous non. Car tout ainsi qu'il vous fust tres-mal-seant de commettre vn chasseur pour la defense des vostres qui se disent Ecclesiastiques, encores peut-on moins excuser en vous, que pour la closture de vostre jeu, vous auez commis vn gladiateur qui fist profession des armes. Ce sont mestiers qui ne plaisent nullement à nostre Seigneur Iesus-Christ.

Mais pour autant que des trois qu'auetz lancez contre moy, ie n'en voy point de plus signalé que Richeome, aussi auant que mettre fin à ma lettre, ie vous veux icy représenter le plus signalé passage par lequel il pense me terrasser tout à fait. Il n'a pas considéré (dit-il parlant de moy) que pour verifiser ce qu'il entreprend par son Catechisme, il falloit auoir beaucoup de choses qu'il n'a pas, & en a de toutes contraires. Il falloit qu'il fust mediocre Theologien, bon François, bon Chrestien, mediocre historien, Philosophe, & Logicien, bon Iuriconsulte, & Canoniste, & sur tout qu'il eust bonne conscience. Mais les effets de son Catechisme, monstre qu'il est souffreteux & mendiant en toutes ces qualitez. Ce que Richeome s'efforce de prouuer par douze feuilles,

avec vire Logique admirable, qui se loge au bout de sa langue. En bonne foy Iesuite, croy-tu en ton ame ce que tu racomtes de moy par ce placard. Si tu le crois, tu es vn grand sot. Car la seule lecture de mō Catechisme te desment. Comment? se peut-il faire, que par cy-deuant, dés & depuis cinquante ans passez, i'aye charmé tant de beaux esprits, qui m'ont diuersemēt honoré par leurs plumes: Vns Ronfard, Iodelle, Belleau S. Marthe, Veiguer, Haillan, Belle-forest, Brillon, Loisel, Choppin Pithou, Hotemā Charódas Hairault, Belloy, Rapin, Tabourat, Loiseaut Durât, Peiray, Estienne, & vne infinité d'autres, dont les vns m'ont avec toute preface d'honneur célébré par leur Liures, & les autres allegué sur diuers subiects. Il n'est pas que dés l'an 1564. le grand Adrian Tournebus, acculant les Cinges de Cour, qui sous faux gages se veulent accroistre de reputation, pres des Princes, en mesprisant les doctes œuures d'autrui ne m'ait honoré de ces trois vers:

*Paschasius si quid limauit doctius olim,*

*En malè pastus adest ad pabula protinus illa,*

*Et mordet, roditq; malus que Momus amaret.*

L'Anglois seigneur de Bel, estat qucienevey iamaissit en l'an 1585. imprimer chez Abel l'Angelier, vn liure de lettres Hieroglyphiques, dont il fait diuers dons à vns & autres seigneurs, en leur honneur, à monsieur de Chiuerny Chancelier, monsieur le Marechal de Biron pere: Commeaussi il en adresse, à plusieurs autres, non vrayement de telle estoffe, & neantmoins de grand nom, comme à Ronfard. Et entre au-

706 LIVRE XXI. DES LETTRES  
tresil me donne particulièrement la vertu &  
honneur sous le Tableau Hieroglyphique de  
Couronne, Diademe, Bracelet, Miroir &  
en la Dedicace me fait present de ce Sixain,

*Vous aurez ce Collier, marque de la vertu,  
Non pour auoir, Pasquier, à la guerre vaincu  
Des cruels ennemis la superbe puissance,  
Mais pour sçauoir occire, avec vostre eloquence,  
Ce monstre de procès, plus fort à surmonter  
Que le Serpent testu qu' Hercule sçeut domter.*

Vous mesmes Messieurs les Iesuites, lors  
de vostre condamnation, auiez en vostre Li-  
brairie de Paris, & mes lettres Françoises, &  
mes Epigrammes Latins, & les deux premiers  
Liures de mes Recherches, car les autres n'e-  
stoiët encores imprimez. Liures par vous apo-  
stillez de marques d'honneur és marges, &  
depuis vendus à l'enquant avec les autres  
par l'authorité de la Cour de Parlement. Ri-  
cheome me blâsonnant ignorant, comme il  
fait, deuoit me figurer tout d'une main, pour  
vn admirable enchanteur, qui auois seduit tant  
de grands personnages. Voire mesmes qu'en  
mes petits jeux Poëtiques, comme sont ceux  
de la Pulce, & de ma main, j'auois esté plus suiuy  
qu'un Amphion, & Orphée, qui par leur bien  
dire attiroient les choses inanimées à soy : &  
moy par mon mal-dire & ignorance, j'auois at-  
tiré vne infinité de personnages d'honneur  
doïez de toutes bonnes lettres.

Il ne deuoit encores oublier que sur mon  
moyenaage en l'an 1564. ceste grâde & fameu-  
se Vniuersité de Paris, me nomma en pleins  
Comices pour plaider sa cause contre vous : &

que quinze iours auparauant qu'elle fut par moy plaidée, i'estois allant au Palais ordinairement accompagné de cinq ou six Docteurs en Theologie entre lesquels estoient Doyen de ceste Faculté, Curé de S. Innocét aagé de quatre vingt quatreans, & Morelle Souf-Doyens aagé de soixante dix-sept. Il deuoit ramêtenoir la cause que ie plaiday contre Bobée en l'an        pour le Seigneur d'Arrouville, accusé d'auoir tué, ou fait tuer, la mere, l'enfât au berceau, la nourrice, & vne chambriere, dont apres l'apointé au Cōseil, ie r'apportay la victoire cōtre l'opiniō d'une infinité de persōnes, qui auparauāt que m'auoir ouy l'auoient condāné, & depuis mō plaidoyé soustindrēt qu'il y auoit apparēce de calōnie de la part de Bobée. Il y deuoit enfler celle des Paracelsites, & celles des trois Estats d'Angoulesme, enchassée dedans le premier tome de mes Lettres; & pareillemēt la cause que ie plaiday l'an 1573. au plus grād theatre qui se trouua iamais en la Cour de parlemēt, deuant le Roy Charles ix. Messieurs ses freres, tous les Princes du sâg, Officiers de la Courōne, & Ambassadeurs de Pologne assis aux hauts sieges, enuironnez de Messieurs de la Cour de Parlemēt reuestus de leurs robbes d'escarlate, dont l'Arrest fut prononcé par Monsieur de Viraigues Chancelier de France; Dauentage, il deuoit soustenir, que i'auois enforcé Charles ce grand Cardinal de Lorraine, quand il m'employa pour plaider la cause concernant le Vicomté de Martigues, pour le Duc de Guise son nepuë. Cause qui tint trois



matinées: Que le semblable à n'ay-ie fait, en cest sage Duc de Lorraine, decedé depuis quelques années en ça. Lors qu'il me chargea de deplaider ses droicts Regaliens, du Duché de Barrois au Conseil d'Estat. Quoy plus? que le Roy Henry troisieme mesme ne s'en estoit peu dispenser, quand en quatre actions celebres, pour deux Seigneurs qu'il cherissoit sur tous les autres, il me choisit entre tous les Aduocats du Parlement, pour y presenter, l'un Duc & Pair, & depuis Admiral de France: & l'autre aussi Duc & Pair, & en apres Colomnel del'Infanterie François: Office qui deslors fut fait Estat dela Couronne, & depuis non content demandeur ainsi choisi en quatre telles actions publiques, ne voulut honorer del'Estat de Aduocat du Roy en sa Chambre des Comptes en l'an 1585. auquel i'ay perseueré iusques en l'année 1604. y ayent vescu au gré & contentemēt de toute la compagnie. Il pouuoit donc dire à bon escient à nostre feu Roy Henry le grand quatriesme de ce nom, auquel il dedioit les Notes qu'il auoit faites contre mon Catechisme. Gardez-vous, Sire, de cest ignorant enchanteur, qui a non seulement charmé ces grands Princes qu'il prindrent pour leur Aduocat, mais aussi les aurailles de tous les assistants, qui auoient accoustumé de l'ouïr avec vn tres-fauorable accueil, lors qu'il s'ouuroit pour parler en public. Et en cest aduertissement, il y pouuoit comprendre le mesme Roy Henry quatriesme, comme celuy qui apres l'execution de la Barriere dedans la ville de Melun,

lun, me commanda d'en faire le Manifeste, pour courir par toute la France. Ce que ie feis apres auoir eu communication du procès, par son commandement expres. Quoy faisant, ô combien il eust enrichy son Liure, pour mon-  
strer le peu de creance, que l'on doit apporter à mon Catechisme, puisque son autheur estoit en vne si longue possession de charmer ceux qui le lisoient ou escoutoient.

Ie vous ay dit tout ce que dessus, non par van-  
terie, ains par occasion, comme ie vous pour-  
rois alleguer plusieurs autres, par lesquelles  
vous & les vostres pourrez recognoistre qu'il  
n'y a riens d'asnerie en moy : comme aussi ne  
falloit-il que Richeome fit present à ce grand  
Roy, si tant estoit que mes obiections fussent  
indignes de response : & neantmoins voyant  
que ces trois Messieurs ne meritent aucune  
replique, afin qu'ils ne m'accusent d'ingratitu-  
de, ie les renuoye au 7. Liure de mes Epigram-  
mes où ie leur adresse quelques vers.

Il falloit d'autres cōtrollers à mō Catechis-  
me que vostre chasseur, vostre charlatan, vo-  
stre escrimeur. Aduertissemēt que ie vous sup-  
plie prendre de moy, non comme vostre enne-  
my, ains comme de celuy qui est amy de la Re-  
ligion, & Iustice. Que ceux qu'employerez  
pour y mettre la main, respondent à toutes mes  
obiections, autrement ils feront penser qu'ils  
aduouēt tous mes chapitres, qui ne serōt par  
eux desauouez par bonnes & valables raison-  
sons. Vous auez peu entendre par tout ce que  
dessus, quelle est l'œconomie de mon Cate-

chisme : & en tout euenement lisez-le , comme estes obligé de ce faire , vous trouuerez qu'en tous mes trois Liures , il n'y a rien d'oiseux ; tel que vos deputez me respondent , non tumultuairement , ains par ordre , chapitre pour chapitre ; le tout en la mesme forme que ie vy auoir esté fait par l'un des vostres , contre le Seigneur du Pleffis Mornay en son Institution & vsage de l'Eucharistie en l'ancienne Eglise. Autrement chacun se mocquant de vous , dira qu'en tout vostre fait , il n'y aura que du Renard , tant blasonné par vostre chasseur. Et , quand m'aurez de telle façon combattu , non par Notes , telles que vostre charlatan Richeome , ains par Liures massifs pleins de bonnes raisons , sans sophistiquerie , & mensonges , qu'adonc il vous soit permis , ou aux vostres , sous vostre autorité , de lascher toute bride à vos passions contre moy , si trouuez bon de le faire. Car de ma part ie proteste deuant Dieu & son Eglise , que ie n'ay esté conuié par inimitié particuliere d'escrire contre vous : & si desirez scauoir quelle est mō opiniō au cas qui s'offre ; c'est celle mesme d'une femme qui fait citer deuant l'Official son pretendu mary , sur la nullité de leur mariage pour l'impuissance maritale qui se trouue en luy : Laquelle desirant obtenir gain de cause , est toutesfois plus ayse de la perdre , c'est à dire , que son mary soit trouué vray homme , mais elle veut qu'il soit tel , non de paroles , ains d'effect. Le semblable est-il de moy. Mon Catechisme n'est plus à moy , ains au public , encores qu'aujourd'huy il parle François ,

Latin, Anglois, Alleman sans aucune affectation : Je vous ay recherchez de fonds en comble par mes trois Liures, sans y auoir riens esparagné; combattez-moy de bonnes armes, & me vainquez. C'est ce que ie desire sur toutes choses; mais de penser auoir obtenu le dessus, par vn chasseur, vn charlatan, vn escrimeur de village, c'est vne chose indigne de vous, dont ie fais brauement litiere. Adieu.

*A Monsieur du Lys, Conseiller & Aduocat general du Roy en la Cour des Aydes.*

**P**Our m'acquitter de ma promesse, i'ay non couru à la haste, ains leu meurement vostre Liure: & ne puis assez haut-loüier l'exacte diligence qu'y auez apportée. Bien empêché toutesfois de iuger auquel des deux y a plus d'obligation, ou du Liure à vous, ou de vous au Liure. Car en effect c'est vn beau registre de vostre genealogie, auquel apres auoir dignement celebré nostre Ieanne la Pucelle, monstrez au doigt & à l'œil qu'estes extraict de sa famille. Qui ne vous est pas vn petit honneur de renouueller en vous la memoire de ceste grande guerriere enuoyée de Dieu pour deliurer la France de la captiuité dont elle estoit affligée. Car quāt aux Eloges que desirez estre mis en vers Latins, ou François au dessous des statues du Roy Charles VII. & la sienne agenouillées sur le Pont d'Orleans deuant l'image de nostre Dame; & qu'on y mette comme elle apparut à la Pucelle en son dormant, & luy re-

Genealogie  
du sieur du  
Lys.

Le sieur du  
Lys extrait  
de la famil.  
le de Iean-  
ne la Pu-  
celle.

Ieanne la  
Pucelle en-  
uoyée de  
Dieu en  
France.

Statues de  
Charles 7.  
& de Iean-  
ne la Pu-  
celle sur le  
pont d'Or-  
leans.

Nostre Da-  
me appa-  
rut à Iean-  
ne la Pu-  
celle.

uela qu'elle auoit esté destinée de Dieu, pour faire leuer le siege d'Orleansaux Anglois, dõt elle donna aduis au Roy, qui réussit à poinct nommé. Hé vrayement ie serois vn mauuais François, voire vn tres-gros Chrestien, si ie ne trouuois vostre foy & creance bonne, & pareillement le zele de ceux qui a vostre instigation & semonce, ont mis la main à la plume sur ce subiect, delquels ie puis dire, non ce que disoit le Palemon de Virgile,

*Et vitula tu dignus, & hic,*

Mais bien,

*Et lauro tu dignus; & hic.*

Toutesfois pour vous dire à cœur ouuert ce que i'en pense, loüant vostre deuotion, ie ne puis bonnement adherer à vostre dessein. Et voicy pourquoy. Ie porte naturellemēt grand respect à la venerable ancienneté. Or soit, ou que par vne prudence, ou par le hazard du temps (quelquefois non moins sage que la prudence) nos ancestres ayent laissé les deux tableaux en blanc: & neantmoins qu'ils ayent assis sur le Pont les deux statuës, pour estre memorial & trophée du bien que la ville auoit receu, ie veux croire que par vn sage conseil, il y laisserent ces tableaux en tables d'attēte, comme n'estants capables de représenter en si petit volume, les exploits d'armes heroïques de nostre Amazone. Qui me fait opiniastrer qu'il ne faut riens aysément remuer de ceste sage antiquité par vn nouueau supplement de ménage.

Singulierement eu esgard que voulez faire vn miracle special de cettuy: Et quant à moy i'e-

*Statuës du  
Roy Char-  
les 7. & de  
la Pucelle,  
pourquoy  
mises sur  
le pont  
d'Orleans.*



stime que tout ce qui aduint à nostre Pucelle sur son aduenement & progrès iusques au dernier periode de sa vie, ce furent miracles tres-expres de Dieu. Miracle en ce que nostre Roy Charles enuironné d'une infinité de braues Capitaines, Dieu voulut toutesfois choisir vne simple filandiere, puis bergere, non au cœur du Royaume, ains aux limites, pour le reestablishement del'Etat. Miracle quand se presentant au Roy à Chinon, qui s'estoit deguisé pour n'estre par elle reconnu, au meillieu de sa noblesse, ce neantmoins elle le choisit pour son Roy & naturel Prince. Miracle quand la Vierge Marie s'apparut à elle, comme fort bien remarquee, pour leuer le siege d'Orleans. Miracle de l'auoir fait leuer, la ville estant reduite en tout desespoir & que depuis l'orgueil des Anglois r'abaissé, ils ne firent que conniller par la France. Miracle quand à la barbe del'ennemy, sous la conduite d'elle, Charles fut sacré Roy à Rheims, & qu'en allant & retournant, il se fit maistre de plusieurs villes sans coup ferir par le seul obiet de ceste Pucelle. Miracle qu'en tous ses deportements elle receut aduis premiere-ment de Sainct Michel, puis de deux autres bons Anges qui sous les noms de Saincte Catherine & Marguerite luy seruoient de bons & fideles protocoles. Miracle, de ce que non seulement elle se rendit victorieuse de nos ennemy, ains de soy-mesmes. Car ny le feu de sa jeunesse qui la pouuoit bruler, ny les commoditez qu'elle auoit au meillieu des armées pour l'amortir, où en tel subiect la desbauche se loge

*Miracles  
de la Pu-  
celle d'Or-  
leans.*

*Pucelle  
choisie de  
Dieu pour  
le reestablis-  
sement de  
la France.*

*Reconnoit  
le Roy qui  
luy estoit  
incogneu.*

*Anglois  
chassés de  
la France  
par la Pu-  
celle.*

*Sacre du  
Roy Char-  
les miracu-  
leux sous  
la conduite  
de la Pu-  
celle.*

*Anges ser-  
uans à la  
Pucelle.*

fort aysément, ny la presence de plusieurs Gentils-hommes, ausquels elle commandoit, n'eurent iamais tant de commandement sur les actions, qu'elle feit aucune bresche à sa pudicité. Mais, miracle encores plus grand, qu'estant en la ville de Rouënés mains de ses ennemis, qui nerecherchoient contre elle que toutes sortes de calomnies pour la faire mourir, comme on peut recueillir du procès extraordinaire qu'ils luy firent, toutesfois ils ne furent iamais si osez de luy impropérer ceste faute. Qui fut cause qu'entre plusieurs epithetes d'honneur, qu'on luy pouuoit iustement attribuer apres sa mort, chacun d'un commun consentement luy bailla celui de Pucelle, qui luy est demouré iusques à huy: comme remarque de la plus grâde victoire par elle obtenuë. Adioustez les deux predictions signalées, qu'elle fit fortemët deuant ses iuges ains ses ennemis. L'une qu'elle tenoit pour arrest tres-assuré, que dedans six ou sept ans pour le plus, les Anglois bon gré mal gré deguerpiroient nostre France: L'autre que par reuelation du Ciel, elle scauoit qu'apres son Roy, Dieu aymoit sur tous les autres Princes & Seigneurs le Duc d'Orleans. propheties qui depuis aduindrent. Parce que six ans apres le Roy r'entra dedans Paris: Qui estoit auoir quarante-cinq sur la partie, & quant à Charles Duc d'Orleas, il y auoit quatorze ou quinze ans passez qu'il estoit prisonnier en Angleterre, dès la iournée d'Azincour, Dieu voulut que depuis il en sortit, & espousa vne Princesse dont il eut vn seul fils, qui fut Louys 12. Roy de France, surnommé pour sa preud'homme pere du peuple: & a-

*Ieanne  
pourquoy  
appelée  
Pucelle.*

*Ses predictions  
deuant ses iu-  
ges.*

*Propheties  
de la Pucelle.*

uoit auparauant eu Iean son enfant naturel Comte de Dunois, qui par sa vaillance reünit à la Couronne, ce qui restoit entre les mains des Anglois, tant de la Normandie, qu'Aquitaine; Par vostre foy fut-il iamais prophetie plus miraculeuse & accomplie que celle-là? Car on ne pouuoit voir sous meilleurs gages, combien ce Duc estoit aymé de Dieu, que par les deux rejections qu'il nous laissa, lesquels procurerent tant de bien à nostre France. Particularitez par moy estalées dedans mes Recherches, non toutesfois avec vn tel ordre. Au bout de tout cela, nostre Pucelle fut arse toute viue par ses ennemis, pour auoir fait tant de seruices miraculeux au Roy & à sa patrie. N'est-elle pas morte martyre? ie ne diray point d'Estat, comme disent les sages-mondains, ains de Dieu, tout en la mesme maniere que nos saincts Peres canonisez par l'Eglise, apres auoir seellé leur foy de leur sang. Et puis nous solemniserons par nos vers vn seul miracle d'elle, au desaduentage de tous les autres? Effaçons ie vous prie cela de nos papiers: *atq; adeò stemus in hoc Catone*, cōme disoit l'Empereur Auguste, ou comme nous disons en commun prouerbe: Laissons le monstier où il est. Autrement en pensants bien faire par nostre nouuelle deuotion, nous gasterons tout: & ne raulons les miracles qui se trouuent en nostre Pucelle, la voulants magnifier par la commemoration d'vn seul.

*Pucelle  
bruslée à  
Rouen.*

*Est morte  
martyre.*

Vous me sommates à nostre derniere entreueuë d'y cōtribuer quelque chose de mō creu: & quoy? ie vous ay voulu obeïr, mais en vous obeïssât, obeïr aussi à moy mesme, premieremēt

si'en suis creu, il ne faut riens innouer. C'est le general refrain de ma lettre. Et si i'en suis desdit, pour le moins que sur vn petit tableau, on

*Distique* appende au pied des deux autres, vn distique dont la teneur sera telle,

*sur le tableau de la Pucelle.*

*Mutatabella placet, Iana nam gestare ferre,*

*Nullatabella potest, quo placuere modo.*

C'est vn crayon que ie consigne és mains de celuy qui sera le vray peintre, a la charge qu'il soit vn Timante en sa poésie. Moins escrire, & plus apprestier à penser. Ainsi ne sera fait aucun tort, ny à la muette ancienneté, ny à nostre casualiere. Que si en cecy ie suis par vous réputé, non heretique, ains paradoxique, pour cōtreuenir à l'opinion de vous, & de ces beaux esprits qui sur le modelle de vostre projet, se sont ioüiez de leurs plumes à qui mieux mieux, & à l'enuy l'vn de l'autre, ce nonobstant ie m'assure que quelques-vns se rendrôt des miés apres auoir entendu mes raisons. Mais pourquoy nō tous, puisque ie parle pour vous tous, & non pour moy? Qu'ainsi ne soit, tout ainsi que les deux tableaux ne sont capables de représenter tous les miracles qui se trouuent en l'histoire de nostre Pucelle, aussi ne peuuent-ils contenir tous les Eloges qui vous ont esté donnez. Il vous faudra donc estre vn Aristarque pour en tirer trois que iugerez les meilleurs au desaduentage des autres. Quoy faisant

*Chacun est naturellement idolatre de son esprit.*

Dieu sçait en quel accessoire tomberez, chacun estant par vne passion auenglée naturellement idolatre de son esprit. Partant pour m'estancher d'un long discours, ie suis d'aduis en-

tant que touche vostre Liure, que ce soit vn instrument domestique pour vous, les vostres, & vos amis, entre lesquels ie retien ma place. Et pour le regard du surplus, si ne voulez, ou pouuez mettre bride à vostre souhait, permis à vous (demourants les tableaux du Pont en leur blanc) mettre vos belles peintures en leur iour par vn recueil, afin que les peintres ne soient payez d'une blanque, ains retiennēt tous (chacun en leur endroit) Benefices par la voix commune du peuple, selon le plus ou le moins des merites de leurs escriis. A Dieu. A Paris de vostre maison ce premier iour de Decembre 1612.

*A Monsieur du Lys.*

**¶** Vis qu'estes resolu sur le recueil, il me plaist de condamner les vers que ie vous enuoyay dernièrement, & les r'emplacer de ceux-cy. Vous me iugerez par cela vray disciple du peintre, auquel on impropéroit anciennement, qu'il ne pouuoit *tollere manum à tabula*. I'en suis d'accord, horsmis qu'il faisoit ses peintures de iour, & moy mes poësies, lors que la longueur ou importunité de la nuit, me commandent de ne point dormir. Qui sera pour vous monstrier en passant de quelle gayeté d'esprit, ie trompe les ennuis d'une fascheuse vieilllesse, apres auoir quitté & mis sous pied les affaires publiques, pour me voüer du tout dedans ma maison au repos d'une vie coye & tranquille.

*Muta tabella filet; Iana nam gesta puella  
Nemo referre potest, quo mernere modo.*



*Cetableau porte en blanc de Ieanne la memoire :  
Car nul ne peut au vif représenter sa gloire.*

*Sous un tableux voilé d'un rideau peint Timante  
Représenta iadis le dueil d'un Roy transi :  
Au contraire le blanc qui est en cettuy cy,  
L'heur, la ioye, l'honneur des François représente.  
L'art caché du rideau rend Timante ennobly ,  
L'art du tableau non peint le fait mettre en oubly.*

*A Monsieur de Sainte-Marthe.*

**N**E pensez ie vous prie, que par oubliance de vous, ou de moy, ie ne vous fey part de ma ieunesse lors qu'elle fut imprimée; Il y eut trois causes qui m'en detournèrent. L'une que ie deuins malade pendant l'impression: Chose que pourrez recognoistre par les fautes qui se trouuent au Liure, dont ie suis honteux. L'autre que ie ne voulois aduoüer le recueil comme venant de ma boutique: Ainsi le verrez-vous en l'Epistre liminaire par moy faite sous le nom d'un André du Chefne. Et finalement le Liure fut acheué d'estre imprimé au mesme poinct du detestable parricide de nostre Roy Henry le Grand. En la concurréce de ces trois particularitez, croyez qu'on m'eust iugé digne de courir les ruës, si ie me feusse tant soit peu remué pour en faire presët à mes amis. Toutesfois ayant entendu par les lettres de M<sup>onsieur</sup> Fauereau, que desirez l'auoir par mes mains, j'ay mieux aymé, & vous complaisant me desplaire, que vous desplaisât me cōplaire. Et peut estre m'aduiendra-il ce qui aduint au-

trois fois à Ciceron au fait de Cluence, contre les complices duquel ayât plaidé, & gagné sa cause ; dix ans apres plaidant pour luy, il la gagna pareillement. Prouuant par la beauté de son esprit, qu'en ceste incompatibilité oculaire du pour, & du contre, il n'y auoit riens d'incompatible. Ainsi me veux-je promettre que ce qui eust esté lors trouué de mauuaise digestion ne le fera maintenant. C'est pourquoy ie ne doute de vous enuoyer à face ouuerte le Liure. A la charge que vous vous contenterez de l'auoir en vostre possession sans le lire :

*Ne legito, nam cur in publica commoda peccem,*

*Mi scripsisse satis, sat sit habere tibi.*

mandoy-je à feu Monsieur le President Brisson, luy dediât le cinquiesme Liure de mes Epigrammes: Le mal de vos yeux qui font penitence du passé, l'ancienneté de vos ans, la multiplicité d'affaires dõt estes accablé, vous en dispeserõt. Vray que si par maniere d'acquit il vous plaist passer par dessus, encores y trouuerez-vous, si ie ne m'abuse, en vne sotte amitié de moy assez de quoy pour vous contenter. Car laissant à part mon Monophile, Colloques d'Amour, Lettres amoureuses, que i'estime porter sur le frõt leur sauf-conduit, si me permettez par vn priuilege de Poëte faire gloire de ma folie, ie vous diray franchemēt que l'œconomie de ma Poësie me plaist, pour estre le premier de ce nô qui ay solemnisé l'amour de la façon que i'ay fait. Que si voulez en entēdre les raisons, ie vous r'enuoye à l'Epistre que par forme d'auant-propos i'adressē au lecteur, laquelle ie desire estre par vous leuë, afin de vous apprestē à rire, quand

*Priuilege  
des Poetes.*

*Poësie de  
l'auteur.*

seriez assiégué de quelque melancholie. Quant au surplus, encores que tout le Liure me plaïse, comme l'enfant fait au pere, car autrement n'en eussé-je fait le recueil, toutesfois entre les pieces particulieres, ie fay estat des douze Sonnets, qui font l'entrée de mes jeux Poëtiques; puis de la seconde partie sous le tiltre de Liberté. Et sur tout de la Congratulation de la paix faite en l'an 1570. adressée au Roy Charles 9. & de la Pastorale du vieillard. Celle-là pour estre tres-sage, que i'estime le parangon de toutes les autres: Celle cy pour estre folle, & faite par vn vieillard dedans la ville de Tours, lorsqu'il y estoit refugié pour les Troubles. Et s'il vous plaist y adiouter l'epitaphe de feu Monsieur le Connestable de Mont-morency, & le mien Latin rendu vers pour vers en François, permis à vous de le faire, & à moy de ne le trouuer mauuais. Car quant aux jeux faits tant sur la Pulce, que ma Main, (desquels feu Monsieur de Tyard Euesque de Chaalon sur-Saune, grand Poëte & Philosophe disoit n'auoir iamais veu deux petits Poëmes plus beaux) c'est vne meslange de nobles inuentions, esquelles vous mesmes voulutes contribuer vn riche Sonnet sur ma Main. Vous me direz que ie me vante, & peche contre l'ancien prouerbe, qui nous enseigne, que la loüange de nous qui sort de nos bouches, a ie ne sçay quoy de mauuaise haleine. Et ie vous respond que ceste regle n'a point de lieu au vieillard, auquel il est permis par vne prerogatiue de son aage d'estre babil-lard, & de se loüer. Combien donc plus quand

avec cela il se fait accroire auoir quelque arriere-coing entre les Poëtes? Je prendray grand plaisir quand ie me verray censuré par vos Lettres, mais non de la censure de ceux qui voudront dire qu'il m'est mal-seant de ramenteuoir les folastries de ma ieunesse, dedans vne profonde vieillesse. Cela est bon en la bouche d'une populace, mais non d'un homme d'entendement. Car pour vous bien dire, ie ne me mets sur les rangs pour plaire seulement à ceux de ce temps, ains à la posterité, si i'y puis atteindre, qui ne iugera s'il y a eu de la bien ou mal-seance en l'auteur, la faisant imprimer, ains si l'ouurage est de merite ou non. Je desire faire courir auant ma mort trois Tomes de mes escrits, pour apres mon deceds reuiure. Le premier, de ma ieunesse & sa suite, qui est cettuy-cy. Le second est de mes Lettres, qui ont pris leur vol non seulement par la France, ains en plusieurs nations estranges: & si ie croy quelques Imprimeurs qui me sollicitent, i'ay encores dix autres Liures sur le poinct d'estre imprimez, ausquels auez bonne part: Et le troisieme est de mes Recherchés de la France, que i'augmente de iour en iour à bonnes enseignes. Je ne vous touche mes Epigrammes Latins, que i'ay augmentez d'un septiesme Liure, & mes Icons d'un deuxiesme: ny plusieurs meditations spirituelles que i'ay entre mes papiers. Ce sont œures que ie laisse à l'arbitrage de mes enfans, pour en disposer comme ils voudront apres mon trespas. Car pour le regard du Catechisme que i'ay fait contre les Iesuites,

*Trois Li-  
ures pro-  
mis par  
l'auteur.*

*Catechisme  
de M. Pas-  
quier con-  
tre les Ie-  
suites.*

indigné des indignitez prodigieuses, dont ils auoient mal traicté nostre France pendant nos derniers troubles ; c'est vn Liure qui parle aujourdhuy Anglois, & Alleman. Depuis que ie me suis banny de l'ambition & auarice, pour espouser vne vie coye & solitaire dedans ma maison, vous ne sçauriez assez estimer quel plaisir i'ay de me faire perpetuelle compagnie apart-moy, & quel fruit & contentement i'en rapporte. En attendant qu'il plaise à Dieu faire sa volonté de moy. Lequel ie supplie avec toute humilité, nous vouloir tous deux conseruer en les graces, & moy particulierement aux vostres. De paris en vostre maison ce premier iour de lanuier, 1613.

*A Monsieur Fauereau estudiant en l'Vniuersité de Poitiers.*

**E** recognoistray franchement auoir faillily ne vous ayant remercié de l'honneur que m'avez fait en la dedicace de vostre Mercure nouuellemēt retrouué en France, que vous, & messieurs vos compagnons auez diuersēmēt habillé à la Greque, Romaine, & Françoisse. Et neantmoins ie ne me puis repentir de ceste paresse, pour auoir esté cause que m'avez escrit de rechef. En quoy i'ay eu cet heur de iouir deux fois de la beauté de vostre esprit. Bien vous diray-je que ie me suis de telle façon aheurté en la

*Recherche  
des Vniuersi-  
tez*

recherche de nos Vniuersitez (par auēture dernier ouurage de ma plume) que i'oublie, non seulement le deuoir, que ie dois rendre à mes amis, ains à ma maison mesme. De maniere que tous me pouuez faire appeller en iustice pour



m'estrefait mon procès, tout ainsi que les enfans de Sophocle firent à leur pere. Et en cecy ie produiray comme luy, mes papiers pour ma iustification. Vous pourrez iuger par cela qu'il y a quelque brin de folie en moy: Mais encores le iugerez-vous plus grand quād vous entenderez l'histoire dont ie veux maintenant vous repaistre. Le iour de la Quasimodo derniere le pere Gontery Iesuite, prenant congé de son auditoire en l'Eglise S. Geruais, où il auoit presché le Carcsme avec vn grād applaudissement du peuple, il luy aduint par occasion de parler de moy, avec tāt d'honneur & respect qu'il estoit impossible de plus. Encores (dit-il) qu'il se soit formalisé contre nostre ordre. Le mesme iour ne sçachant ce qui s'estoit passé à S. Geruais, i'enuoye mō Oliuier pardeuers le docte Valladier ( qui auoit aussi presché à Sainct Iean en Greue, avec non moindre admiration quel'autre ) pour sçauoir de luy en quel lieu il se vouloit de là en auant loger: Ie ne le vous diray ( fit-il ) car ie ne veux donner la peine à vostre Maistre de me visiter. Mais afin qu'il cognoisse de quelle façō ie le visite; Baillés-luy de ma part ce cahier en attendant que ie luy face present du Liure entier. Ce cahier (que ie vous enuoye m'est apporté, dedans lequel vous verrez vne celebration trop hardie qu'il fait de moy. Le lendemain quelques miens amis, qui auoient esté au sermon de Gontery me viennent voir, pour me congratuler de l'honneur que i'auois inespérément receu de luy. Ausquels ie dy, qu'à la verité ie luy auois beaucoup d'obligation, mais non telle,

*Mr. Pasquier haut  
loñé par le  
pere Gon-  
terry Iesui-  
te.*

que ie ne cognuſſe fort bien en luy plus du ſage-mondain, que d'amy. Et comme i'eſtois en ces alteres, ie receu vos Lettres, & le Liure que me dediez, donnant plus à l'amitié que me portez, qu'à mon merite. Hé vrayement (m'eſcrié-je loys) ie ne m'eſtime pas moins heureux en ces trois rencontres d'honneur, qui me ſont arriuées dedans le temps de vingt-quatre heures, que Philippe Roy de Macedoine, quand en vne meſme iournée, Alexandre ſon fils luy naquit, ſon agent obtint la Couronne des jeux Olympiques de la Grece, & luy en bataille rangée vne victoire ſur les ennemis. Mais à quel propos tout cecy ? Par voſtre foy toutes ces particularitez miſes enſemble, ne ſont-elles ſuffiſantes pour infatuer vn vieillard, & le faire pauoneſquement mirer en ſes plumes ? Non : ce n'eſt pas cela. Au contraire ie vous veux dire que i'ay failly, vous en auez eſté cauſe. D'autant que vous autres Meſſieurs vous eſtâtes tant oubliez de me ſolemnifer ſous faux gages, Dieu pour vanger ce menſonge a voulu que ie vous aye oublié, & neantmoins ie veux maintenant reparer ma faute, & la couvrir de ceſt ancien formulaire : *Sit erranti medicina confeſſio.* Ceſte-cy donc ſera pour vous remercier de la meilleure ancre que i'aye : Et ſingulierement quand par vne richeſſe d'eſprit, en voſtre premier Epigramme, vous eſtes voulu iouer de voſtre plume en la cōparaifon de moy avec Mercure. Epigramme certes merueilleuſement bien fait, & digne de la primauté, mais grandement menteur. Parce qu'il n'y auoit qu'un

point,

*Heurs ar-  
rue à  
Philippe  
Roy de Ma-  
cedoine en  
la naiſſan-  
ce de ſon  
fils Ale-  
xandre.*

poinct, auquel me pouuiez faire entrer en ce parangon, qui a esté par vous oublié, mais toutesfois excusable; parce que ne le pouuiez deuiner. Cest que Mercure ayant entre ses rares singularitez, esté par les anciens figuré pour le Dieu des larrons, i'ay vrayemēt esté larron en vostre endroit, ne m'estant acquité du grand-mercy que ie vous deuois. Mais vous receurez la presente pour supplément de tout le passé, & encores ce quatrain auquel ne trouuerez rien de bō que ce qui est de mauuais pour auoir esté fait sur le champ. I'enten que le Mercure en bronze trouué en la nouuelle maison de la Royne Regente, sur lequel auez dressé vostre Poëme, est fait d'une telle posture, comme s'il vouloit presenter de l'argent. Qui m'a fait tracer ces quatre vers que i'adresse à ceste grande Dame.

*Face le Ciel, qu'ainsi comme Mercure  
Vous offre argent sans bourse deslier,  
Qu'à l'importun qui vous vient supplier,  
Donniez de l'or seulement en figure.*

A Dieu de Paris ce 24. de May, 1613.



L E

## VINGT-DEVXIESME

LIVRE DES LETTRES  
DESTIENNE PASQUIER.

*Au Seigneur d'Atichy Conseiller d'Estat, &  
intendant des Finances.*



O v s me brauates derniere-  
ment en ma maison en presen-  
ce du Sieur de Marefcot. Mais  
ſçachât à qui auiez affaire, qui-  
tates auffi toſt la ville. Mainte-  
nant que i'ay eu aduis de vo-  
ſtre retour, ie vous ay depesché ce cartel, pour  
vous ſommer & coniurer de vous trouuer au  
lieu où la brauade me fut faite. Bien deliberé  
d'en auoir ma raiſon. Et pour vous faire paroi-  
ſtre que ce ne ſera à petit ſemblant, ie deſire que  
Madame voſtre femme, Meſſieurs de Marilhac  
vos beaux-freres, & le Sieur de Marefcot ſoiét  
de la partie. I'y adiouſterois mes Dames les  
Comteſſes de Chasteau-vilain, mere & ſœur, ſi  
elles eſtoient en ceſte ville. Partât afin que tou-

te ceste bonne compagnie ne nous manque, vous me manderez le iour que voulez que ceste querelle soit entre nous deux demellée, & croyez que vous & les vostres recognoistrez lors comme ie scay iouier des cousteaux. Que si pour esquiuer le coup vsez de remises, delais ou dissimulations, faites estat que ie vous publi ray en tous lieux pour le plus coïiard caualier qui soit en la France. A Dieu.

*A Messire Iean Nicolai Conseiller d'Estat, & premier President en la Chambre des Comptes de Paris.*

**E** suis d'accord avec vous, que par mes dernieres ie vous figuray vn Rithmeur, non vn Poëte; Aussi ne vous auoy-je promis de vous représenter vn Poëte, ains seulement vn crayon de l'art Poëtique François. Quelques anciens on dit, que l'Orateur se faisoit, & le Poete naissoit; Comme y ayant en l'un plus de l'art que du naturel; En l'autre plus du naturel que de l'art. Du premier nous auons ce bel exemple du grand Demosthene, contre lequel, ores que toutes choses semblaissent degenerer, pour la conduite de l'Oratoire; Toutesfois par veilles & longsexercices, il rompit avec telle force tous les obstacles de nature, qu'à la longue il gagna le dessus, non seulement de ses contemporains; mais aussi de tous ses deuanciers & de sa posterité; Au contraire deslors que le Poëte Catulle eut haleiné Virgile en sa



ieunesse, il reconnut vn naturel en luy si propre à la Poësie, qu'il fut contraint de pronôcer ce demy vers en son honneur, *Magna spes altera Roma.* En quoy il ne fut aucunement deceu de son prognostic. Que si le naturel opere plus en la Poësie, que l'art: quelles instructions pourray-je bailler, pour former vn braue & excellent Poëte? Et neantmoins ie vous recognoistray franchement, que la nature sans l'art est quelque chose, non tout, & l'art sans la nature n'est rien. Nous auons veu vn Iodelle, qui pour auoir plusieurs belles pointes se fiant trop à son naturel, mesprisoit les Liures: A l'opposite vn Baif sçauoir beaucoup, mais si ie ne m'abuse aucunement mal-né à la Poësie. Ce qui luy fit changer de trois diuers tons en ses Poëmes: Aussi ne voy je point que les œuvres de l'vn & de l'autre ayent esté grandement estimez, par ceux qui en ont iugé sans passion. Car, pour bien dire, c'est vne reigle generale, qui ne reçoit exception, que pour l'accomplissement de cet œuvre il faut faire vn mariage indissoluble de la nature & de l'art ensemble. Quand ie vous parle de l'art, ce ne sont point les preceptes, que ie vous ay cy-deuant touchez. La lecture d'vn quart d'heure d'iceux peut rendre en ce subiect le lecteur aussi sçauant que ie suis: Mais bien, vn long estude des Autheurs Grecs, Latins, Italiens, & de ceux qui ont quelque nom en nostre vulgaire. Je veux que celuy qui desire estre bon Poëte François, allambique d'eux vn bon suc, dont il façonnera ses escrits: ie veux que comme l'Abeille il suçote leurs

Heurs, pour en former son miel: Non pas qu'il en soit quitte, pour habiller à la Françoisé les inuentions estrangeres) comme i'en voy quelques-vns l'auoir fait avec vne hôte effacée. Cela ne peut proceder que d'un esprit cacochime. Il faut qu'en lisant il se face riche, aux despens de celuy, qui en luy prestant, ne luy prestera rien, mesmes empruntera de luy telle chose. A quoy l'Autheur n'auoit pensé, par vne taisible suggestion & rencontre de leurs bons naturels: Que ce soit vne bonne digestion, dont il fera vn corps solide, sans rendre les viandes indigestes, & ainsi qu'il les aura prises. S'il gagne cest aduantage sur luy, & sur nous, qu'adonc il luy soit permis de mettre la main à la plume, & nous communiquer ses escrits.

La difference qu'il y a entre l'Aduocat ( que les anciens Romains appelloient Orateur ) & le Poëte, c'est quel'Orateur exerce sa charge deuant les Iuges ou le peuple, par sa voix: & le Poëte sa plume. Demosthene grand ouurier en l'art de bien-dire, disoit, que les premieres, secondes, & troisiemes parties de l'Aduocat, gisoient en la bien seance, que les Romains appelloient action: Et sous ce mot entendoient vn geste & maintien bien réglé, vne parole & voix agreable. Comme de fait les Romains eurent vn Hortense, qui n'auoit pas grand fonds, mais suppleant ce deffaut par ces particularités il acquit vn tres-grand credit sur ses cōpagnons. C'est pourquoy Quintilian parlant de luy, disoit, que ses escrits ne respondoient à sa renommée: D'autant que mourant,

730 LIVRE XXII. DES LETTRES  
aussi estoit morte avec luy l'ame de ses plai-  
doye.

Or, puisque nostre Poëte n'acquiert re-  
putation que par sa plume, qui n'est passàge-  
re comme la voix; Et qu'escriuant chacun se  
donne puissance de iuger de ses œuvres tout à  
loisir, esquelles la bien-seance est requise, tout  
ainsi comme en l'Aduocat; De ma part ie me  
fay accroire, que la bien-seance du Poëte est  
plus penible, que de l'autre; laquelle, si i'en suis  
creu, se fait paroistre, premierement par nos  
conceptions, puis par nos paroles: Au regard  
des conceptions, ie les vous ay cy-dessus brief-  
nement touchées, telles que ie pense deuoir  
estre. Quant aux Dictions, vn flus de paroles  
sans sujet nous fait butes de mocquerie: cō-  
me aussi vne conception non releuée de belles  
& riches paroles, est vne peine ou compassion  
au lecteur. De r'amener en vsage les anciennes,  
dont par vn long laps de temps nous n'vsons,  
i'en doute: Comme ie voy du Bellay, dedans la  
traduction du quatre & sixiesme de l'Æneide,  
l'auoir voulu practiquer, mais en vain, en ce  
mot, Endementiers, qui signifie, encependant:  
emprunté de Iean le Maire des Belges. D'en in-  
nouer, si ce n'est par grande force, &, si ainsi  
voulez que ie le die, en nostre corps deffendât,  
ie n'en seroy pas d'aduis. Ie voy Ronfard au 71.  
Sonnet de la Cassandre, auoir introduit le mot  
de player & Baif Malader au Sonnet 107. du  
second Liure des Amours de Francine: Et ie ne  
voy point, qu'ils y ayent grandement profité.  
Quelques-vns de nos Poëtes, pendant le regne

de Henry 2. se donnerent puissance, par forme d'Academie de vouloir innouer quelques mots: Et entr'autres Baif & Nicolas Denilot, lequel, par vn Anagramme bouffonnesque trouué dans son nom & surnom, se faisoit appeller Comte d'Allinois. L'usage commun de nostre Frâce est, qu'au lieu que le Latin, aux noms adiectifs, fait ces trois degrez de comparaison, *Doctus, Doctior, Doctissimus*, nous disons, Docte, plus Docte, & tres-docte: & ainsi de tous les autres. Toutesfois, en empruntant quelque chose des Romains, quelques-vns des nostres se dispenserent avec le temps, de faire ces superlatifs François, Doctissime, Reuerendissime, Illustrissime, Excellentissime. Cela fut cause, que ces deux honnestes hommes ( & spécialement Baif ) voulurent mettre en usage ces mots de Docte, Doctieur, Doctime: Sçauant, Sçauantieur, Sçauantime: Hardy, Hardieur, Hardime, au lieu de ceux que porte nostre commun usage. Qui occasionna Du-Bellay sur la fin de ses jeux Rustiques de s'en mocquer, par ce Sonnet qu'il enuoya à Baif, l'vn de ses principaux amis.

*Braime Esprit, sur tous excellentime,  
 Qui mesprisant ces vanimes abois,  
 As entonné d'une hautime voix,  
 Des Sçauantieurs la troupe bruiantime.  
 De tes doux vers le style coulantime  
 Tant estimé, par les Doctieurs François,  
 Iustimement ordonne que tu sois  
 Par ton sçauoir, à tous reuerendime.*

Y y iij

*Nul mieux de toy gentillime Poëte ,  
 (Heur que chacun grandiment souhaite)  
 Façonne vn vers doucement naïf.  
 Et nul de toy hardieusement en France,  
 Va deschassant l'indoctime ignorance ,  
 Doctë, Doctieur, & Doctime Baïf.*

Vous voyez comme ce bel esprit se mocquoit fort à propos de ceste sorte nouveauté. Tellement que ces deux innouateurs, recognoissants leur faute, supprimerent les vers par eux tissus sur ceste trame.


Il y a en l'innouation des mots, iugement qui est suiuy d'heur ou mal-heur. Le peuple s'en fait croire, comme l'aveugle distributeur des bulletins à la blancque, lequel donne le plus souvent benefice aux vns qui ne le meritent, & aux autres blancque, bien qu'ils soient de quelque merite. De ma part, ie seray tousiours d'aduis de prendre les paroles du commun usage. L'enten de tous ceux, qui en leurs professions ont quelque aduantage sur leurs compagnons: Paroles dont nostre Poëte vsera, maintenant selon leurs naïfues significations, maintenant par Metaphores hardies, qui ne donneront pas moins de lustre, ainçois plus grand à leurs escrits. Quelques-fois il empruntera du Grec, Romain, Italien, ou autre, non pour les escorcher (ainli disons-nous, quand on en abuse) mais en les mesnageant sagement. Nous deuôs les mots au peuple, & leur mesnage aux belles plumes. Le Poëte Horace disoit que le commun peuple auoit, par vn priuilege ancien, toute loy & iurisdiction sur les paroles: Et je dy,



que combien que chacun en son particulier ne soit capable de les forger bonnes ou mauuaises, Toutesfois, quand par vn concours general de tout le peuple nous les approuuons, elles sont tenuës pour choses iugées en dernier ressort. Mais je passeray bien plus outre: d'autant que mon aduis est que tout homme, qui a de riches conceptions, est pareillement riche en paroles, qui naissent dedans sa plume, qu'il sçaura fort bien mettre en œuvre, selon les occasions. Brief, si ces paroles nous manquent, cela ne prouient de la disette de nostre langue, ains de nos esprits. Voyla ce que ie vous en puis escrire, m'en remettant toutes fois à vostre meilleur iugement. A Dieu.

*Lettres enuoyées à la naissance de Monseigneur le Dauphin, long temps auparauant la mort du Roy Henry le Grand.*

*A Monsieur de Lomenie Conseiller & Secretaire d'Etat.*

 Ombien que l'ancienneté de mes ans ait aucunement enseucli dedans moy la maniere de faire des vers, qui procede d'une gentillesse d'esprit, & la gentillesse d'un aage gay & non vsé, si est-ce que soudain apres que les nouuelles nous furent arriuées de la naissance de Monseigneur le Dauphin, i'esçy dedas ma vieillesse se renoueller vne ieunesse, par l'influence de ce nouuel astre, & trouuay à moy auéré ce demy vers ancié: *Facit indignatio versū.* dont nostre Adrian Tournebus voulut faire son profit en la congratulation qu'il fit pour la prise

de Calais par vn môt contraire, *facit exultatio versum*. C'est pourquoy sans marchander longuement avec ma plume, ie fey cestrois Epigrammes Latins, accompagnez d'un Sonnet François, que ie vous enuoye, & neantmoins d'autant que chacun d'eux desire son commentaire, ie vous en veux aussi faire part.

Le Ieudy, iour saint Cosme, que la Roynne accoucha : on faisoit en l'Eglise de S. Nicolas, du Chardonneret ma parroisse, les prieres de quarente heures, ordonnées estre dites par les parroisses l'une apres l'autre, pour sa couche. Le lendemain iour de saint Exsupere, nous receusmes la nouuelle de son accouchement. Ce iour mesme chantasmes le *Te Deum*, en l'Eglise nostre Dame. Le Samedy feste de saint Michel, fut faite procession generale, où se trouverent les Cours souueraines avec leurs robes de parade, pour remercier Dieu humblement de l'heur qu'il nous auoit enuoyé : & le Dimanche toutes les Eglises allerent en procession pour l'honneur du Iubilé, qui deuoit estre ouuert le Lundy, Nicolas signifie en Grec, vainqueur de peuple, Cosme le monde : Exsuperer en Latin, c'est vaincre : Michel est l'Ange tutelaire de la France : & pour ceste cause fut institué l'ordre des Cheualiers de saint Michel par nostre Roy Louys XI. & quant au Iubilé vous sçauiez qu'il est ouuert pour la profession de nostre Religion. De toutes ces rencontres mises ensemble i'ay allambiqué ce premier Epigramme.

*Dam natalitias, Nicolai presbyter ade,*

*Et quadragenas fertque, refertque preces,  
Cosmi sancta dies Delphinum protulit, inde  
Exsuperifesto reddita vota Deo.*

*Tum Michaëlis: & hinc Iubilæi, nomine, & ô tu*

*Francarum Michael Angele tutor opum:*

*Eia age, cantemus, Dominum laudemus omnes:*

*Nil nisi quod fœlix, omina tanta ferent:*

*Scilicet arma olim pro religione capefcens,*

*Orbis erit victor, te Michael e duce.*

Cest Epigramme est fait sur l'histoire de quatre iours qui s'entre-suiuirent. Cesecond sur vne autre ancienne du Roy Louys 7. avec ce qui s'est passé puis n'agueres entre nous pour nostre Henry 4. & du Roy Philippe le Dieu-donné qu'il pleut à Dieu enuoyer au Roy Louys:

*Augustum te olim veteres dixere, quod esses*

*Octani, faustis editus augurijs.*

*Nomine non isto, sed nobiliore, Philippum*

*Dixit, & à Superis, Gallica lingua, datum.*

*Quem prima, genitor dimissa vxore, supremo,*

*Supplicibus votis, protulit è thalamo:*

*Atque is rex lacerum regnum reparauit, & illud*

*Fortis ab externis hostibus asseruit.*

*Et cur non eadem Galli speremus, in vno*

*Principe, qui paribus nascitur auspicijs.*

Ce troisieme sera sur vn autre ton. S. Louys ancien progeniteur de Robert son fils, & de sa famille de Bourbon, dont nostre Roy Henry tient le premier lieu, fut entre tous nos Roys, protecteur de l'Eglise Catholique, & extirpateur des abus, & pour cete cause canonisé apres sa mort: Nous n'auons point eu de fils de Roy

qui dès sa naissance ait pris le nom de Dauphin depuis le décès de François fils du Roy François premier de ce nom. Le Roy François en ceste France, & Laurent de Medici en Italie (tous deux predecesseurs de nostre petit Dauphin) furent chacun endroit soy restaurateurs des bones lettres. On sçait comme nostre Roy à present regnant, est grand ouurier à bien faire la guerre, & la paix, quand les occasions se presentent. Trois Princes qui sont autant de beaux miroüers à nostre Dauphin nouveau-né. Particularitez qui m'ont donné le sujet de ce troisieme Epigramme.

*Sex & lustra decem compleras Phœbe, nec orbi  
Delphinum nasci viderat vlla dies:  
At nunc Borbonidum clara de stirpe novus sol,  
Henrici magni filius, exoritur.  
Exoptata diu Lodoici sancta propago  
Fortiter antique rem pietatis age.  
Franciscus Latias, dabit & Laurentius, artes:  
Et belli, & pacis cætera patris erant.  
Hiscetot & tantis virtutibus utere fili,  
Ut fidei, ut musis, sis populoque parens.*

Par ma supputation i'ay menty de quatre années Car François d'auphin nasquit en l'an 1517. & nostre nouveau Dauphin nasquit l'an 1601. qui sont quatre-vingts quatre ans. Mais nous sommes en vn temps de jubilé, auquel venant à recognoissance de ma faute, ie m'assure que mon Confesseur me baillera aysement absolution.

Voyla pour le regard de mestrois Epigrammes Latins. Car quant au Sonnet François, i'en

ay tiré l'inuention de l'ancienneté de la maison de Medici. Le premier qui luy donna la plus grande vogue dedans la Republique de Florence, fut Cosme premier, qui naquit le iour S. Cosme l'an 1389. duquel ie puis dire tout ainsi que de Hugues pere de nostre Hugues Capet. Car combien que ny l'un ny l'autre ne fut, ce luy la Roy, cettuy Duc, toutesfois si gagnerent-ils le nom de grands, de la part du peuple: & au surplus Henry le Grand fut faiseur de Roys, tout ainsi que Cosme le grand achemina sa posterité à prendre la dignité de Duc à Florence: iusques à ce qu'en la famille de Medici, Cosme second ayeul de nostre Royne fut par l'Empereur Charles cinquiesme, honoré du tiltre de grand Duc, tiltre authorisé par nostre saint Siege de Rome. Le iour saint Cosme est né nostre Dauphin, fils du grand Roy Henry, & de Marie de Medici son espouse. Voyez s'il vous plaist si i'ay heureusement rencontré sur ce mot de Cosme.

*Cosme le grand, de Medici la fleur,*

*Dessus les siens gagna toute puissance:*

*Cosme second, de grand Duc de Florence*

*Obtint premier, & le tiltre, & l'honneur.*

*Le iour saint Cosme est né par un grand heur,*

*Son petit fils, Dauphin de ceste France;*

*Iour auquel eut Cosme le grand, naissance,*

*Qui ne promet aux nostres que grandeur,*

*Car r'alliant France, & Florence ensemble.*

*Ie voy desia, ie voy, comme il me semble,*

*Le Lys florir par arguments diuers:*

*Cosme d'ailleurs signifiant le monde,*



*Ce Prince aussi courra la terre ronde,  
Roy destiné pour vaincre l'univers.*

Conclusion ce sont les fructs de mon esprit dont ie vous fay present. Si bons, ou mauuais, ce n'est pas à moy d'en iuger, ains sans plus de les vous donner. Esquels si prenez quelque goust, ie vous prie de les faire voir au Roy, qui a toute fiance en vous; m'asseurant, que s'il ne les trouue dignes de la Majesté, pour le moins trouuera-il le tesmoignage d'une bonne volonté, laquelle prouenant de la part d'un subiect enuers son Roy, doit estre estimée pour bonne. A dieu. De Paris ce 4. iour d'Octobre. 1601.

*Au Seigneur Antoine Loisel Aduocat en la Cour  
de Parlement de Paris.*



O M B I E N que la commission dont m'avez escrit, n'ait esté qu'un esclair, aussi tost disparu que veu, toutesfois ie ne suis d'aduis, que vostre petit Poëme, dõt elle fut le motif, soit caché. Il faut qu'il passe par les mains de vos amis, non seulement pour estre bien limé, mais aussi afin que chacun cognoisse que la fortune ne vous auoit non plus oublié en vostre vieillesse, qu'en vos ieunes ans; faisant en vous mentir ce commun dire, qu'il y a plus de personnes idolatres du Soleil leuant, que couchant. Vous m'en avez voulu faire part, & pour n'en demourer ingrat, ie vous enuoie en contr'eschange quelques vers de ma

façon. Mais auant que d'estaler ma marchandise, ie vous reciteray en brief l'histoire sur laquelle ils furent faits. Le iour saint Martin dernier passé que la folle ancienneté dedia pour tater nos vins nouveaux, ie priay quelques gentils-hommes & Damoiselles de nostre Brie, de vouloir prendre vn mauuais dîner chez moy : qui me firent cest honneur d'y venir. Et ayant assorty ma table de diuersité de vins, ie trouuay que chacun d'eux se faisant accroire d'estre bon gourmet, iugeoit non selon la bonté qui estoit en mes vins, mais selon son goust particulier : l'un trouuant le vin bon, qui estoit condamné par l'autre, & comme on dit en commun prouerbe, apres bon vin bon cheual, aussi apres auoir contenté nos opinions sur le vin, nous les voulumes contenter sur les discours de l'amour, ausquels nous ne nous trouuâmes pas moins partialisez, que sur la rencontre des vins; l'un de la compagnie d'un visage sourcilieux & renfrongné, l'abhorrant en tout & par tout comme enfant de l'oyssiueté, corrupteur des bonnes mœurs, meurtrier des bons esprits, perte de temps, non seulement des ieunes gens, ains de tous ceux qui se mettent en son seruage. Conclusion, logez l'amour dedans vostre teste (dit-il) vous y logez par mesme moyen vn chaos & confusion : bannissez l'en, vous viurez en vn calme d'esprit esloigné de tout orage, & à peu dire ( adressant vers moy sa parole ) ie ne vey iamais homme qui en ait plus fidelemēt parlé que vous, en la chanson que dediates à nostre Ronfard, quand vous dites quel amour,

Par nostre folle naist,  
 En elle prend sa pasture,  
 Et sans elle iamaïs n'est,  
 Puis augmentant sa nature  
 Petit à petit s'accroist,  
 Et de telle sorte croist,  
 Que ny plus ny moins que l'œil  
 Ne peut atteindre au Soleil  
 Quand vers le Midys s'anance,  
 Ainsi tant plus haut le fol  
 Laisse à l'Amour prendre vol,  
 Plus en perd-il cognoissance.

Et me cognoist non point foy,  
 Qui est chose trop petite,  
 Ains le haut Dieu, & sa foy,  
 Où nostre esperance habite.  
 Où est ce grand Roy David,  
 Où est celuy que l'on vid  
 En un instant sans effort,  
 Auparavant le seul forr.  
 Où est ce sage parfait;  
 Où est ce vaillant Hercule,  
 Qui se rendit ridicule,  
 Par le succès de son fait?

Et ainsi faites le procès à l'Amour par plusieurs & diuers couplets, iusques à ce qu'en fin prononciez cest arrest contre luy.

Cupidon tende son arc;  
 Et que sur nous il descoche,  
 Nous ne serons de son parc  
 Mais que luy couppons la broche;

*Ne nous rendants oïeux ,  
 Mais leuants nos cœurs aux cieux ,  
 Supplions le Dieu puissant ,  
 Que tousiours nous repaissant  
 De sa diuine parole ,  
 Ne nous permette y entrer ,  
 Ains vueille nous sequestrer  
 De ceste opinion folle.*

Ce premier ayant mis fin à son propos par  
 cestrois couplets, vn autre se met sur les rangs.  
 Disant que tant s'en falloit que l'amour intro-  
 duisist dedans nos testes vn chaos, qu'au con-  
 traire le bannissant de ceste humaine societé,  
 c'estoit r'entrer dedans l'ancien chaos, duquel  
 on dit qu'il fut esclous pour mettre en ordre,  
 tel que nous voyons, toute ceste ronde ma-  
 chine. Qu'il n'estoit enfant de l'oysiueté, ou  
 s'il l'estoit, autre defaut ne trouué-ie en luy  
 (disoit ce Gentil-homme) sinon que parricide  
 il tuë sa mere. N'y ayant outil plus propre pour  
 nous garentir de l'oysiueté, & reduire de la  
 vie rustique & farouche, en vne ciuilité de  
 meurs, que l'amour: tefmoin le mal façonné  
 Simon de Boccace. De qui donc le dirons nous  
 fils? De la beauté, par le moyen de laquelle  
 nous voüians à vne seule Dame, faisons renai-  
 stre en nous & par nous l'Androgyne, tant re-  
 chantée par les anciens. Que si nostre hôte  
 (parlant de moy) pour auoir paru en t're re-  
 ceu quelque disgrâce de sa Maistressë, voulut  
 faire le procès à l'amour, par la chanson dont  
 auez parlé, il en fit apres penitence cōdigne par  
 vn Sonnet, dōt la closture estoit par ces six vers.

*Penser à toy n'est plus qu'un autre voir,  
Te voir n'est plus qu'un baiser d'autre avoir,  
Et un baiser plus que la iouissance:  
Que si j'auois de toy ce dernier poinct,  
Changer mon heur, ô, ie ne voudrois point  
A tous les heurs d'une celeste essence.*

Ce Gentil-homme ayant finy par ce sixain, ie me mis de la partie, & respondis à l'un, & à l'autre. Je vous supplie, Messieurs, ne vouloir faire mal à propos vostre profit de moy contre moy. Si vous me demandez au vray ce que i'en pense, ie suis pour l'amour coniugal commandé de Dieu entre le mary & la femme: Car quât à l'autre, de le bânir tout à fait, ie n'en feray iamais d'aduis: bien souhaiterois-je que nous en bannissions ceste folle opinion de la iouissance qui a plus de participation avec les bestes brutes, qu'avec la raison, voire que la desirants, nous combattions contre l'amour mesme, qui prend fin par ceste sottie.

Ie n'eus pas si tost proferé ces mots, qu'un ieune folastre m'ostant la parole de la bouche, cōmença d'escrire en ceste façon. Bon pour vous (me dit-il) auquel l'ancienneté de vostre aage a parauenture nouié l'esguillette, mais non pour moy, ny mes compagnons, qui sommes logez en la fleur de nos ieunes ans. Car quant à à celuy qui nous a presché le bannissement general de l'Amour, ceste heresie est si brusque & esloignée du sens commun, qu'elle ne merite aucune responce; non plus que l'Androgyne bastie sur les atomes imaginaires d'Epicure. Et pour le regard de l'amour d'un à vne, fondé sur



vne fantasque beauté, s'il y a de la sottie en l'amour, c'est en cettuy. Estants enseignez par la nature qu'il n'y a rien qui tant luy plaise que le changement. Car si elle ne se diuersifioit par les saisons, nous n'entrerions dedans cest ancien chaos, dont auez diuersement fait estat pour le soufleuement de vos opinions. Voulez vous donc rendre l'amour passager, establislez-le sur la beauté passagere d'une seule Dame. Le voulez vous rendre perdurable, il le faut bastir sur la varieté, laquelle ne se change iamais en nous, ains demeure stable, quelques changemens qu'esprouiions de nos aages. Ce que ie pense auoir fidelement representé par ce Sonnet duquel ie le renuoye sur vous.

*Ie le soustien : car i'en ay la science,*

*Que si l'amour ne tend qu'à volupté,*

*Ie ne croiray iamais que la beauté*

*Produise en nous sa celeste influence.*

*Ou si ell'est cause de son essence,*

*Comme l'on dit, ie tiens pour arresté,*

*Qu'il n'y a rien que la varieté*

*Qui le maintienne en sa toute-puissante.*

*Menez en œuvre un obiet le plus beau,*

*Cela vous plaist, de tant qu'il est nouveau,*

*Et vieillissant peu à peu il vous lasse.*

*Mais un amour qui prend son fondement,*

*Puis son progrès sur un doux changement,*

*Pour ne vieillir iamais il ne se passe*

C'est pourquoy (continua-il en se sous-riant)  
ie me lasche toute bride, & suis tantost esclau  
d'une grande Dame, tantost amy d'une bergeronnette, voire si ie me voulois croire, encores

mettrois-ie mon amour à l'effor, & me dispenserois d'une miennne parente, moyennant qu'elle ne m'attouchast du premier degré de consanguinité.

A ceste parole tous les Gentils-hommes s'esclaterent de rire, comme ceux auxquels peut-estre ne desplaisoit ce deduit; Mais pour le regard des Damoiselles, la patience leur eschappa, lesquelles par un commun vœu crièrent contre luy un Harou de Normandie: & croy que volontiers eussent elles fait le semblable contre ma non iouissance, mais une honte les en empescha. Parquoy se fermants seulement en luy, commencerent de l'abbayer à qui mieux mieux (tout ainsi qu'une meute de petits chiens, contre un mâtin qui ne s'en donne pas grande peine) luy improperant qu'il deust avoir honte; Que son opinion n'estoit Chrestienne, ains Turquesque, & que s'il y avoit quelque brutalité en l'amour, c'estoit vraiment aux malheureux discours d'oïl il se vantoit. Vous n'eussiez pas ouy Dieu tonner tant elles estoient acharnées à ceste querelle, quand un personnage d'honneur de la compagnie leur dit sagement. Tout-beau, mes Damoiselles, tout-beau; il y a grande difference entre le faire, & le dire. Ne pensez pas que ce Gentil-homme ait parlé à bon escient, c'a esté seulement pour aiguïser vos coleres. Cest arrest ainsi prononcé, les estacha aucunemēt. Ainsi la nappe levée, & actions de graces réduës à dieu, apres quelques promenades chacū s'en retourna à sa chacune.

Quelques iours apres, comme ie ne suis iamai seul, pour estre tousiours avec moy, &

qu'à faute de compagnie ie me gouuerne moy-  
mesme, aussi remettant deuant mes yeux, que  
chacun d'eux pour fauoriser son opinion, s'e-  
stoit aydé de quelques miens vers, ie vouldus fai-  
re le semblable sur la non iouissance par moy  
proposée & fis ces Sonnets.

*Tant que Rome eut une Carthage en teste,  
Dans ce mal-heur heurense elle vesquit,  
Mais en vainquant, ell' mesme se vainquit,  
Et fit de Rome, une Rome conqueste.  
Bien que ie n'aye imprimé autre queste,  
Que celle là qui en toy me raut,  
Mon cœur pourtant qui tant seulement vit,  
D'espoir de vaincre, à vaincre ne s'appreste.  
Pour n'assopir lentement mes esprits :  
Et m'exercer en ce beau jeu de prix  
Du Dieu d'amour que i'ay pris en partage ;  
Par un souhait doucement inhumain,  
Face le Ciel que ie sois ton Romain,  
Et que tu sois à iamais ma Carthage.  
Bien que l'amour dedans l'ame produise  
De celuy-là qui de luy est espoint,  
Vn chaud desir d'attaindre au dernier poinct,  
Et que ce soit le seul but où il vise.  
Bien qu'en mon cœur ton clair Soleil reluise,  
Et m'ait rangé du tout à son appoinct,  
Pour tout cela ie ne souhaite point  
Iouir d'un heur mal-heureux qui me nuise.  
De mes amours le souuerain adieu  
Et de mourir & viure dans le feu,  
Et de n'auoir du dernier poinct enuie :  
Poinct qui naissant par son estre prend fin ;  
Bruslons, mourons sans passer outre, afin*

*Que par nos morts l'amour demeure en vie.*

Cette piécen'est que trop sage: celles que ie vous reciteray cy-apres ne sont que trop folles. Aussi seroit-ce peut-estre vne grande follic à nous, si n'accompagnions de fois à autres nos actions de quelques gayeres follastries. Ayant donné air à ces vers, il me souuint que ce ieune Gentil-hômme m'auoit imputé que la longueur de mes ans auoit noüé l'esguillette à mon corps. S'il a dit vray ( fey-ielors ) i'ay beaucoup d'obligation à mon aage de m'auoir affranchy de ces cruelles importunités de nature. Mais ie veux voir si le mesme aage a noué l'esguillette à mon esprit. Parquoy il me prit opinion de représenter par ma plume les passions que l'autre disoit se loger en luy par effe&. Ce sont trois Sonnets de la nouuelle impression que ie vous enuoye, à la charge qu'il vous sera permis d'en rire, & non de vous en moquer.

*Pour consoler ma pauvre ame affermie,*

*Et luy donner quelque esperance d'heur,*

*Banny de toy, Duchesse la grandeur,*

*Qui de son estre avecques toy prit vie.*

*Où si tu n'as de la bannir enuie,*

*Destourne au moins d'alentour de ton cœur*

*Ces deux appas, & ceste humble rigueur,*

*Qui m'ont cruels, la liberté ranie.*

*Ceste douceur me fait au Ciel voler,*

*Ceste grandeur fait mon vol raualer,*

*Je couure un feu, & dans mon feu ie tremble.*

*Le cours verсты, & si n'ose bouger;*

*O Dieu qu'il est mal-aysé de loger*

*La Maïesté, & l'amour tout ensemble.*

D'un bannet elle estoit attiffée,  
 Son corps vestu d'un habillement gris,  
 Mais sa beauté me sembloit hors de prix,  
 Face, & façons dans les bois, d'une fée.  
 Chantant des airs, comme un second Orphée,  
 A l'impourueu pres d'elle ie me mis,  
 A l'impourueu par elle ie feus pris  
 Sous le couuert d'une Ormoye : ô trophée !  
 Soudain mon bras au fort du corps la prend,  
 D'un court refus la pauvrete se rend :  
 Vous ingerez quel butin ie feis d'elle.  
 Je viens, ie voy, & tout d'un mesme pas,  
 Victorieux ie mets la Nymphe bas :  
 Fut il iamais escarmouche plus belle ?  
 Tant m'est ton port, tant ton œil agreable,  
 Que ie nourry dedans mon ame un feu,  
 Feu qui ne fut iamais en autre veu,  
 Feu qui n'eut onc & qui n'a son semblable.  
 O sot espoir, ô desir miserable !  
 Car aussi tost que le coup ie recen,  
 Tout aussi tost, helas ie m'appercen  
 D'estre blessé d'une playe incurable.  
 Pour quelque peu ma douleur appaiser,  
 De toy ie cueille un long & chaud baiser,  
 Et tout en toy ie me metamorphose.  
 En te baisant plus heureux suis qu'un Roy,  
 Mais tout à coup retenu par la loy  
 Souhaitant tout, souhaiter rien ie n'ose.

Par vostre foy auquel des deux y a-il plus de  
 follie, ou au ieune Gentil-homme, qui se vou-  
 lut iouer de sa langue sur vn tapis verd, ou au  
 vieillard, qui se ioüe maintenant de sa plume  
 sur du papier, & se fait amoureux ores d'une



grâde Dame, ores d'une bergeronnette, & ores d'une parente. De ma partie sententie contre le vicillard, non seulement parce que la parole se paile le tour de l'aureille, & ce qui est escrit demeure, mais aussi qu'au cas qui s'offre, il n'y a que trop de mal-seance, & defaut d'entregent en luy. Je me veux faire mon procès avant qu'on me le face. Recevez de moy ceste confession sans penitence, d'autant que non content de ce que dessus, encores voulus-je passer outre, & représenter en moy un vicillard amoureux, toutesfois je vous prie de croire que c'est à petit semblant, & jeu sans villenie.

*Qu'est-ce qu'Amour, est-ce une quinte essence,  
Est-ce un Démon, est-ce un Tyran, un Roy,  
Est-ce une Idée, est-ce un ie ne sçay quoy,  
Est-ce du Ciel quelque sourde influence?*

*Que l'allambique, & qui me tient en transe,  
Qui me rend serf, qui me donne la loy,  
Qui me ravit, qui me desrobe à moy,  
Qui fait que vieillie reuienne en enfance?  
S'il est sans yeux, d'où vient qu'il vise droit?  
Enfant, qui fait qu'en mon cœur on le voit?  
S'il est aislé, pourquoy n'est-il volage?*

*D'où vient, hélas! que cest oyseau maudit  
Obstinément a fait dans moy son nid.  
Dès mon Prim-temps jusqu'au froid de mon age?*

*Dymoy, Pasquier, qu'est devenu ce bruit,  
(De tes travaux le grand & noble gage)  
Quand terrasser d'un foudroyant langage  
Dans le barreau, les monstres on te vit?*

*Dymoy encor' ie te supplie, quel fruit  
T'apportera ceste maudite rage*

*(De tes vieux ans le furieux orage)*  
Nouvel Hercule par Omphale conduit  
Aux yeux de tous appareiller à rire  
Mettre sous pieds du monde le mesdire.  
C'est ne rien voir au beau milieu du iour,  
Vieil tu me pais de ces belles rencontres,  
Mais par cela, mon cher Loisel, tu monstres,  
Que tu es ieune au mestier de l'amour.  
Qui le croira? qu'un fol amour foudroye  
Le cœur gelé d'un malheureux vieillard,  
Qui le croira? que par un vers mignard  
A sa fureur il vaille donner voye?  
Mais qui croira qu'il ait donné en proye  
Et plume, & cœur, & ame celle part,  
Où la grandeur abastys son rampart  
Contre celuy qui en vain la guerroye?  
Si oncq pitié se logea dans ton cœur,  
Si mon Apuril fut de toy seruiteur,  
Pardon Amour, pardon ie te supplie.  
Vieillard qui aime, & qui trompette encor  
Son mal, & met ses amours à l'effor,  
Fait tout d'un coup trois grands coups de folle.

Ayant de cette façon tracé ces deux Sonnets,  
figure d'une vieille non gueres sage, quel-  
ques iours apres ie la vouldus représenter en son  
naïf, maufade, rechignée, importune, impati-  
te, plaine de chagrin. Voyez la doncques en-  
trer sur l'eschaffaut pour iouer son roolle en ma  
personne.

*Le Vieillard porte un baston en sa main,  
Qui le conduit, & pour flater sa vie,  
Du temps passé sur les siens le renue,  
De son soulas c'est l'unique refrain.*

*D'ans, & de maux, & de catterres plain  
 Par un instinct d'une vieille folle,  
 Ses ans il cache en toute compagnie,  
 Pensant tromper la mort, mais c'est en vain.*

*Tout autre mal trouue sa medecine,  
 Mais l'aage vieil, qui peu à peu nous mine,  
 Du Medecin ignore le support.*

*Que le vieillard fueillette Paracelse,  
 Et Hippocrate & Gallien, & Celse,  
 Mal-gré leur art il est près de sa mort.*

*Tout le monde me put, ie vy de telle sorte,  
 Que ie ne fay mes-huy que tousser & cracher,  
 Que de fascher autrui, & d'autrui me fascher,  
 Ie ne supporte nul, & nul ne me supporte.*

*Un mal de corps ie sen, un mal d'esprit ie porte,  
 Foible de corps ie veux, mais ie ne puis marcher,  
 Foible d'esprit ie n'ose à mon argent toucher:  
 Voyla les beaux effects que la vieillesse apporte.*

*O combien est heureux celuy qui de ses ans,  
 Ieune ne passe point la fleur de son Prim-temps,  
 Ou celuy qui venu s'en retourne aussi viste:*

*Non: ie m'abuse, ainçois ces maux sont les appas,  
 Qui me feront un iour trouuer doux mon trespas,  
 Quand il plaira à Dieu que ce monde ie quite.*

*Voyla vne vieillesse chargée d'ans, & d'en-  
 nuis, qui vous a sommairement par moy, & en  
 moy discouru ses desconueniës. Et toutesfois  
 n'estimez pas qu'en ces discours fascheux, ie  
 iouisse moins de mes gayes pensées, que lors  
 que ie fis les autres Sonnets. Ie suis le mesme  
 Pasquier que i'estois, mais Pasquier qui n'ay  
 graces à Dieu banny de moy, l'amour, le jeu,  
 l'ambition, & l'auarice & encores l'oyfieté.*

Me contentant d'auoir pour mon lot, la iouissance de mon esprit que ie diuersifie par ma plume selon les objects qui me viennent à gré. Et pour conclusion encores vous veux-ie seruir de ce Sonnet, pour dernier mets de ma fagelle, ou follic.

*Situ me vois, Lecteur, sous un chenu pelage  
Representer tantost un vieil homme gaillard,  
Puis aussi tost en faire un rechigné vieillard  
Ie me iouë en ce poinct, glorieux de mon aage.  
Ie voy tel estre un sot, qui contrefait le sage,  
Un sage bouffonner pour un autre regard,  
Qui facheux, qui fache l'un doux, l'autre hagard,  
Chacun diuersement iouër son personnage.  
De l'amour ie me mocque, & encores de moy,  
Et m'en mocquant i'atten le semblable de toy,  
Ie iouë au mal-content pour contenter ma vie.  
Ayant mon pensement sur ce monde arresté,  
Et voyant ce grand rond n'estre que vanité,  
Bien viure & m'eslouir est ma Philosophie.*

De tout ce que dessus ie veux qu'estimiez, nô qu'une sotte passion m'ait fait esclorre ces vers, mais que c'est vn theatre des affections humaines, selon la diuersité des humeurs.

Tout ainsi que le Iurisconsulte Iulian disoit, que quâd bien il auroit l'un de ses pieds au cercueil, si ne discontinuëroit-il ses estudes, aussi faut-il sur ce mesme pied que ie m'amuse à la Poësie, tantost Françoise, tantost Latine : C'est ainsi que mon esprit se iouë de moy, & moy de luy, ou pour micux dire, c'est ainsi que maintenant ie trompe ma faincantise des champs, où

bien que i'assaisōne mes plus serieuses estudes pendant mes heures de relasche. Mais pourquoy heures de relasche? Car ie vous puis dire, & m'en croyez comme d'une chose tres-vraye, que mes estudes ne me feurent iamais que ieu, de quelque marque qu'elles ayent esté. Je n'en excepteray pas celles du Palais, auxquelles toutesfois l'ordinaire de ceux qui en font profession, est de s'y attacher comme le serf tres-foncier à sa charrue. I'ay accompaigné tous mes deportemens de ie ne sçay quelle franchise, que quelques esprits visqueux tourneront à vice, & les mieux nez à vertu: voire qu'au plus fort de mes grands Plaidoyers, iouiant le personnage d'Advocat, ie ne me pouvois commander de ne trancher du Poëte, tesmoins la Satyre Latine du grand & docte Adrian Tournebus contre les Iesuites, que ie translatay en François vers pour vers, lors qu'à l'an 1564. ie plaiday la cause contr'eux pour l'Vniversité de Paris. Et en celle des Paracelsites defendant la nouveauté de leur medecine, contre les Medecins ordinaires, ie fey cest Epigramme, que i'alleguay par mon plaidoyé, comme fait par vn Poëte de ce temps sans le nommer.

*Dicitur esse nouus vobis Paracelsus, ob idq;*

*Crimen, in obscurum pellitur exilium.*

*At nouus Hypocrates, nouus & Chrysippus, &  
Roma Asclepiades, tempore quisque suo.* (ipse

*Qui noua damnatis, veteres damnetis oportet.*

*Aut ista nihil est in nouitate noui.*

Marchadise que feu Monsieur le premier President de Tou ( personnage que ie n'ome avec



toute preface d'honneur, iugea sur le champ estre de ma boutique, & le dit à ceux qui le secôdoient au siege: & non content de ce, en voulut estre esclarcy soudain apres l'audiencè leuee par maistre Hugues le Maillon Clerc du Greffe qu'il m'enuoya pour cest effect. O que c'est vne belle chose de passer sa vie modestement, & se resiouir sans pecher au milieu des importunes vanitez, & vaines importunitez de ce monde, & parauanture non moins bel d'estre en chaque aage hommes de tous aages, sinon de corps, pour le moins del'esprit.

Vos vers sont bastis sur vne noble ambition partant meritét d'estre veus, & les miens sur vne folle, & comme tels d'estre teus. Et peut estre les vostres sur celle de Pompee, & les miens sur celle de Luculle, en leurs arriere faisôs. Au bout de cela, grace à Dieu tout va bien pour vous & pour moy en ces accordants discords. Mais à propos de Luculle, tout ainsi qu'il fit vne retraite à sa fortune, aussi est-il mes huy temps de faire le semblable à mes lettres, lesquelles ie veux accompagner sur la fin, non de recommandations (car ie suis deuenu nouveau Courtizan au milieu des champs) mais d'une infinité de baisemains aux bonnes graces de vous, vostre famille & de tous nos anciens amis. A Dieu.

*A Monsieur Mangot Conseiller du Roy & Maître des Requestes de l'Hostel.*



N T R E les discours Poëtiques de nostre Ausone Bourdelois, il y en a vn particulier qui fut pour le nombre de trois, en ses Ediles. Et ce que ce braue auteur nous representa par figure de plusieurs anciennetez, ie ne seray marry de le representer maintenant par effects non fabuleux, en nostre Royaume. Nous auons deux grands obiects deuant les yeux, la Royauté pour nos Roys, Paris ville Metropolitaine de France, pour leurs sujets. Au regard de la Royauté, nous auons eu trois diuerfes lignées de Roys : la Merouiéne, ou Merouingienne, qui prit son extraction du Roy Merouée, la Carlienne de Charles Martel, la Capetienne de Hugues Capet iusques à huy. Trois grands Roys dedans nostre ancienneté, Le grād Clouis sous la premiere famille, Charles le grād sous la secōde, depuis appelé Charlemagne d'un mot mi-corrompu de François & Latin, Philippe second sous la troisieme, lequel tant pour le bon-heur de sa naissance, que de ses conquestes heroïques, fut honoré par le peuple de ses trois surnoms, de Dieu-donné, Auguste, & le conquerant. Et pareillement auons trois ordres, par lesquels se soustient nostre France, l'Eglise, la Noblesse, & le tiers Estat. Car pour le regard de Paris siege ordinaire de nos Roys dès & de-

puis le regne de Clouis, ceste ville fut par trois fois assiegée par les Normans, lors en reputation de grands guerriers, qui furent autant de fois de leurs opinions: elle contient dedans vn mesme pourpris trois villes, la cité, la ville, l'Vniuersité; trois compagnies diuersement souveraines en l'exercice de la iustice, le Parlement, Chambre des Comptes, Cour de generaux de Aydes; trois grandes maisons, le Palais, le Louure, & la Tournelle : dedans lesquelles nostre Prince se venant trouuer, pouuoit estre dit, représenter au Palais son Roy, au Louure son Gentil-homme, aux Tournelles son citoyen de Paris auparauant que ceste maison fust demolie, par le mal-heur que nous receusmes. Mais tout ainsi que le grand Aufone embellit son nombre de tiers par les trois Charites, aussi feray-ie icy le semblable par trois Marguerites: Celles là furent par les Romains appellées les trois Graces: & celles cy sous bons gages peuuent obtenir semblable nom entre nous, & encores pouuons à bon droit les appeller nos trois Fleurs, nos trois Perles, nos trois Princesses. Ce que dit Aufone des trois Charites; fut par vn Gaulois: ce que ie dy des trois Marguerites, sera dit par vn François. Mot de François (dis-je) auquel par succession de tēps fut transformé celuy des Gaulois. Nos trois Marguerites sont surnommées, tantost de France, tantost de Vallois : & en cette parole de Vallois, vous trouuerez proprement Gallois, par vne transformation de G en V, qui nous fut assez familiere : comme nous voyons en ces

756 LIVRE XXII. DES LETTRES  
mots Vasco gascon, Vaifer, Gaifer Vastare, Ga-  
ster, Gaulois Vallon, & plusieurs autres: & pour  
bien mesnager le Gallois vous le pouuez plus  
proprement appeller Valois. Tellement que  
parlant de ces trois Royales Princesses, qui fu-  
rent tantost dites Marguerite de France, tan-  
tost Marguerite de Valois, ie puis sans mente-  
rie dire, que ie mesle le Gaulois & François tout  
ensemble à l'honneur de nostre pays.

Entant que touche la premiere Royne de  
Nauarre, elle fut sœur de nostre Roy François  
premier de ce nom, & laissant les autres gran-  
deurs à part, elle eut cette prerogative sur tou-  
tes les autres, ie ne diray point Princesses, & grâ-  
des Dames, ains sur tout le general de ce sexe,  
de mettre la main a la plume tât en Poësie, que  
Prose, ainsi que les hommes qui ont quelque as-  
seurâce de leurs esprits, sçauoir & bien dire.  
Côme de fait elle nous laissa des son viuant vn  
gros tome de ses vers, qui fut iustement intitulé  
la Marguerite des Marguerites, par ses Ctiels-  
hommes & seruiteurs, pour les belles pointes  
quis'y trouuent. Et l'autre Heptameron, ou  
comte des sept iours de la Royne de Nauarre,  
ainsi nommee, d'autant qu'elle auoit esté con-  
iointe par mariage avecques le Roy de Nauar-  
re, liure fait par elle à l'imitatiõ du Decameron  
de Boccace, & non moins plaissant, mais beau-  
coup plus sage, tant pour la qualité de son se-  
xe, que grade. Compositions honorees par la  
plus grande partie des beaux esprits de nostre  
têps. Et est vne chose grandemét remarquable  
en elle, que soudain qu'il eut pleu à Dieu l'ap-  
peller

peller de ce monde à soy, trois ieunes Damoï-  
selles Anglesches sœurs, l'honorèrent de plu-  
sieurs distiques Latins separer qui furent di-  
uersement représenter par des quatrains Fran-  
çois, par Ronfard, Du-Bellay, Baïf, chacun  
à l'enuyl l'un de l'autre. Et encores par plusieurs  
Odes Latines de Dorat: & pour closture de sa  
bellevie, nostre grand Ronfard la solemnisa  
de ceste belle Ode, qu'il appella adonc Hym-  
ne, dont le premier couplet est tel,

*Qui r'enforcera ma voix,  
Et qui fera que ie volle  
Iusqu'au Ciel à ceste fois,  
Sous l'aïste de ma parole:  
Or mieux que deuant il faut  
Avoir l'estomach plus chaud,  
De l'ardeur qui ja m'enflame  
D'une plus ardente flame;  
Ores il faut que le frein  
Qui ja par le Ciel me guide,  
Ten seruiteur de la bride,  
Fende l'air d'un plus grand train.*

Piece que i'estime l'une des plus belles & ri-  
ches de ses œuvres, depuis par luy enchassée au  
cinquiesme Liure des Odes. Roïne qui ne  
sçauoit estre assez celebrée par les plumes  
d'autrui. Car elle porte son sauf-conduit sur le  
front, enuers la posterité avec vn honneur indi-  
cible.

Car quant à la seconde Marguerite, le  
Roy François son pere, auant que mourir eut  
plusieurs enfans, qui tous aboutirent en deux,  
Henry II. de ce nom Roy de France, & Mar-



guerite sa sœur qui fut mariée avec Emanuel Duc de Sauoye & Prince de Piedmont Princesse non mariée, protectrice de tous nos Poëtes, qui lors abondoient en grand nombre dedans ceste France. Et apres son mariage, ressource de la Noblesse Françoisse, qui s'achouoit en Italie; & luy faisoit cest honneur de la saluer. Mais outre la Principauté qui du iour & heure de sa naissance luy fit bonne compagnie, ie ne veux argument plus signalé de sa grandeur que cettuy, c'est assçauoir qu'elle fut haut-loüée de toutes les belles plumes de son temps, & singulierement par vn Ronsard, Bel-lay, Jodelle, & Melleau, ie veux dire par ceux qui lors estoient estimez les premiers Poëtes de nostre France. Mais encores beaucoup plus sans comparaison plus sage: d'autant qu'ayant esté dès la ieunesse appannée du Duché de Berry, elle choisit Messire Michel de l'Hospital, lors Conseiller au Parlement de Paris pour son Chancelier, lequel depuis pour les merites fut fait Chancelier de France, & est allé de vie à trespas avec vn regret infiny du Roy Henry III. son Maistre & de tous autres Princes & grands Seigneurs, ores qu'il eust desarmé la Cour, & choisi la vie des champs en sa maison de Vignay en Beauce. Choix qui fut fait de ce personnage par ceste grand' Princesse, en ses ieunesans, monstrant par cela le iugement que chacun deuoit faire de son iugement. Messire Michel de l'Hospital, pour l'excellence qui estoit en luy, estant seulement Conseiller, fut gratifié de la plus belle Ode de Ronsard, qui

est la dixiesme du premier Liure de ses Odes.

Reste maintenant que du mariage de Henry II. Roy de ce nom, & Catherine de Medici sa femme, sortirent sept enfans tant masles, que femelles, François second, Charles neuuesme, Henry troisieme, qui tous furent l'un apres l'autre, couronnez Roys de France : François, autrement appellé Hercules, Duc d'Aléçon, de Brebant & Comte de Flandres : Claude puisnée la premiere mariée à Charles Duc de Lorraine, & de Bar. Isabelle l'aînée depuis conioincte par mariage avec Philippe Roy des Espagnes, & finalement nostre Royne Marguerite. Tous lesquels enfans ont tenu marque de souueraineté par diuers moyens. Et d'eux tous il ne nous reste plus que nostre Marguerite derniere de la grande & Royale maison de Valois, encores graces à Dieu pleine de vie, de laquelle ie n'ose publier toutes les vertus, pour n'encourir en son endroit le nom de flateur : & moins les taire, pour en ma petiteesse, n'en estre estimé enuieux. Et neantmoins celuy qui dit la verité se garétit de l'un & de l'autre vice, comme j'ay dit par le dernier de mes Sonnets. De vous pleuoir ceste Royne non faut iue, ie serois vn sot. Car encores que Dieu l'ait créée grande Princesse, toutesfois elle est composée de mesmes pieces que nous tous : Conséquemment ne faut considerer en elle la perfection, qui ne tombe en homme, ou femme, ains le moins d'imperfection. Et croy qu'entre toutes les grandes Dames, sans deroger à leurs princi-

pautez ceste-cy sera trouuée la moins imparfaicte. Car sans extrauaguer de termes destrois Marguerites, ie trouue la premiere par vn bon enclin & don de Dieu, auoir merueilleusement bien exprimé ses conceptions par escrit : La seconde a comme mere, auoir fauorisé les biens pour la vertueuse faueur qu'elle leur porte. Et tous ces Poëtes estants decedez, ceste troisieme fut non seulement de ceux qui se sont trouuez depuis bien escrire, ains de tout le peuple François.

Qu'ainsi ne soit ayant esté faite Dame & possellere de plusieurs grandes Prouinces par le decés de la Royne sa mere, & tous ses freres massés qui y pouuoient pretendre part estants allez de vie à trespas, mesmes luy estants aduenus les Côtez de Lauragues, & celuy de Clairmont en Auvergne : Premièrement ne pouuant, ny ne voulant fluctuer à la mercy de nos guerres ciuiles elle sonna vne sage retraicte dedans vne maison, assurance, tant de son corps, que de son esprit. Et depuis voyant nos troubles aucunement r'acoisez, & que les grands biens par elle recueillis, pourroient à l'aduenir occasionner ses-suruuans à nouuelles guerres, elle vraiment toute Françoisse, qui ne respiroit en son ame que celuy de nostre France, donna par donation faite entre vifs, tous & chacuns ses biens, à nos Roys, moyennant certaines conditions viageres, qui luy ont esté fideiement entretenuës. Et pareillement despoüilla toutes affections particulieres de foy, pour la commodité de toute sa patrie, de laquelle elle a tousiours fait plus d'estat que de

soy-mesme. Moyen certain de fermer la porte à toutes esperances affamées, & tout d'une suite aux armes qui en pouuoient prouenir. Et comme sage, & grande Princesse ayant aussi estably le cours de sa vie à la Royale, telle qu'estoit son extraction, le nom, titre, & qualité de Royne luy estans demeurez, fichant tous ses pensers en Dieu, elle oit trois Messes, tous les iours, vne haute, les deux autres petites, & communie autant de fois la sepmaine, les Ieudy, Vendredy, Dimanche: grande aumosniere enuers les pauvres, & pour monstrier quelle n'y est portée à petit semblant, il n'y a religion des Mendiâts qui ne se ressent de ses liberalitez annuelles, & par especial les Religions de l'Aue Maria, des Feuillants, Cappucins & Recolez. Et si par mal-heur quelque homme se trouue estre deuenu souffreteux, elle n'espargne en aucune façon sa liberalité pour luy subuenir. Consumant vne partie de son reuenu en ceste Royale despenſe. Et neantmoins n'ayant rien que Royal en toutes ses actions, elle prend ses repas ordinaires, serui comme Royne, à plats couuerts, par les Gentils-hommes, l'un grand Maistre d'Hostel avec son baston, & les autres Gentils-hômes seruants. Et trouue en elle vne chose digne d'estre sceuë par vne longue posterité. Car combien que les disners & soupers soient principalement dediez à la nourriture des corps, toutesfois elle faisant plus d'estat de la nourriture d'esprit, a ordinairement quatre hommes pres de soy, auxquels d'entrée elle propose du commencement telle

762 LIVRE XXII. DES LETTRES  
proposition qu'il luy plaist, pour l'examiner;  
chacun desquels ayant deduit sa ratellée, ou  
pour, ou contre, & estants de fois à autre par  
elle contredits, comme elle est pleine d'enten-  
dement, leur fait pérdre souuent le pied, n'es-  
tant marrie d'estre par eux controllée, mais  
que ce soit avec bonnes & valables raisons.  
Nourrissant ainsi son esprit, elle nourrit par  
mesme moyen avec toute sobrieté son corps,  
auquel donnant nourriture, apres que ces do-  
ctes hōmes ont dōné fin à leurs discours, pour  
ne rabatre rien de sa Royauté, s'ensuit puis a-  
pres vne bande de violons, puis vne belle mu-  
sique de voix, & finalement de luths, qui tous  
iouent l'vn apres l'autre à qui mieux mieux.  
Tous lesquels avec vn merueilleux art appor-  
tent contentement, non tant à leur maistresse,  
qu'à tout l'assistance qui ne se sent pas peu ho-  
norée d'auoir son entrée en ce lieu. Je ne dy  
chose dont ie ne me croye pour l'auoir veu: &  
sçay combien peu ie puis de ma plume. Toutes-  
foistres-glorieux de vous honorer maintenāt,  
& telle Marguerite viuant, & les deux autres  
ses Tantes decedées, dont la premiere fut mere  
de la Poësie Françoisse, la seconde de nos Poë-  
tes, & la derniere de tout le peuple François  
tant de l'espée, que de la plume. Que si par vn  
commun prouerbe nous disons celuy là viure  
à la franche marguerite, qui conduit ronde-  
ment, & sans tromperie ses deportements, hé  
vrayement ie puis appeller ces trois Prin-  
cesses, franchises Marguerites, qui furent trois  
Marguerites de France, esquelles nous n'auons



reconnu que tout honneur.

*A Mademoiselle du Lys.*

**V**ous me faites cest honneur le iour  
d'hier de me voir l'apresdinée, &  
la nuit suiuite (comme i'ay deux  
heures à moy) ie traçay ce Sonnet  
que ie vous enuoye, non comme bien-fait, ains  
seulemēt pour vous tesmoigner que ie ne veux  
demeurer ingrat enuers vous, de l'honneur  
qu'il vous a pleu me faire en visitant celuy, au-  
quel il ne reste qu'une bonne volonté, pour  
faire plaisir & seruice à Monsieur vostre mary  
mon meilleur amy, & à vous, toutes & quan-  
tes fois que l'occasion se presentera & que desi-  
rerez en faire espreue. A Dieu. De Paris ce  
Vendredy matin 19. de Septembre 1614.

S O N N E T.

*Tu m'as donc veu, bel esprit de la France,  
Qui loge en toy & la perfection,  
Et de tout temps est en possession  
De nous brauer par sa chaste arrogance.  
Mais qu'as tu veu? celuy qui vit en transe,  
Qui dans Paris a fait profession  
D'estre un Hermite, ainçois un Ixion,  
Las, affaissé, qui roule, & ne s'auance.  
Brief me voyant, tu vois d'un mesme pas,  
L'homme qui vit, & viuant ne vit pas,  
Attenué de sa longue vieillesse,  
Pour me porter, le baston ie portois,*

*Quand tu m'as fait, au doux son de ta voix,  
Dans mes vieux ans retrouver ma jeunesse.*

Responce de la Damoiselle à Pasquier,  
le Samedy 20.

*Pasquier, sage Nestor, vous estes parvenu  
A un aage où chacun est desirieux d'attaindre,  
Et dont vous ne devez, aucunement vous plaindre,  
Estant, comme un oracle entre nous, reconnu.  
Si vous n'estiez vieilly, vous ne seriez tenu  
Pour ce grand Orateur, qui aux cœurs peut tem-  
praindre  
La ioye & la douleur, faire esperer, & craindre,  
Ny Poëte entre nous le premier devenu.  
Ne vous plaignez donc plus, que rien ne vous irrite,  
Si dans ce grand Paris, vivez cōme un Hermite,  
S'il vous faut pour marcher dans la chambre un  
baston.  
Vostre chambre est l'accueil des filles de memoire,  
Vous estes leur Phebus, leurs support, & leur gloire,  
Vostre baston les regle, & leur baille le ton.*

Pasquier à la Damoiselle, le Dimanche 21.

*Je suis vostre Apollon, & vous ma Mnemosine.  
Quant est de mon trespas, ie ne l'ay redouté,  
Sinon qu'en me perdant, ie perds vostre beauté,  
C'est à dire l'object d'une Dame divine,*

*A Messire Achille de Harlay Conseiller d'Estat,  
luy enuoyant vn Livre intitulé le Gentil-homme,  
composé par Nicolas Pasquier son fils.*



O I C Y vn ieune gentil-homme qui d'une liberté Françoisse ose prendre la hardiesse d'aller gentil-homme chez vous : or neantmoins non trop mal-aduisé. Car quelques belles leçons qu'il ait apprises de son pere , auant que partir, il ne pouuoit choisir maison plus propre pour cest effect que la vostre. En laquelle la Noblesse s'est de toute ancienneté logée, & en outre celle qui particulièrement nasquit avec vous du iour de vostre naissance , dont auez fait maintes grandes preuues au profit & honneur de toute la France. S'il vous plaist luy prester l'oreille. Vous le trouuerez, si ie ne m'abuse, bien emparlé, & non despourueu de bons discours, mais sur tout plein de bon vouloir enuers sa patrie. D'une chose sans plus vous prié-je, de le vouloir caresser comme enfant d'un de mes enfans. Vous sçauéz combien il y a que l'ayeul vous est voué , non d'une ceremonie passagere , ains deuotion tres-fonciere. Croyez que ce n'est pas vn petit contentement de me voir dans ce mortel estre immortalisé en mes enfans par vne succession del'un à l'autre : mais sans comparaison plus grand , que par vne grace speciale de Dieu,

ie voye mon esprit se regenerer en l'un des miens, qui par sa plume pourra suppleer à mon defect, si tant estoit qu'à l'aduenir mes œuvres vinssent à faillir. Quant au surplus i'eusse volontiers fait compagnie à ce caualier : mais l'importunité du temps & de mon aage me commande de garder la chambre, en laquelle ie ne laisse pourtant de vous gouverner, en attendant vostre retour, que vos seruiteurs & amis, non seulement desirent, ains se promettent dedans quelques iours. Et lors Dieu sçait quelles processions on verra en vostre maison, & combien aurez de peine à donner audience, non aux plaideurs, comme par le passé, ains à ceux qui d'un esprit calme & tranquille vous reblaudiront. C'est là où ie me reseruerois d'auoir la mienne, n'estoit que comme nouveau syndic de vos amis ie me prepare d'intenter nouveau procès contre vous, afin d'estre payé des arrages & interets du bon temps, dōt nous auez priué par vostre longue absence. A Dieu. De Paris ce 18. d'Octobre, 1611.

*Responce du Seigneur de Harlay à Pasquier.*



'A V T A N T que j'ayme & estime tout ce qui vient de vostre part, incontinant que le Gentil-homme est arriué, ie l'ay suiuant vos Lettres ouy discourir iudicieusement en beaux termes sur la diuersité de euénements de ce temps. Et ce qui m'a rendu d'autant plus desireux de l'ouyr, est que leiugez

bien emparlé , faisant paroistre son cœur noble, pieté en la Religion , & deuote affection enuers sa patrie. Il ne pouuoit estre mieux receu en autre lieu qu'en ceste pauvre Gentil-hômiere, où il n'arriue point de vaisseaux chargéz de si belle marchandise , dont vous estes non peut-estre le seul, ains vray ouurier; Ayant remarqué en vostre fils infinis traicts de l'ancienne liberté de vos escrits, qui fait regenerer vostre esprit en vous mesme, & par vn don de grace speciale en accroistre les forces avec le progrès de l'aage, qui ne le peut affoiblir. Vous me mandez ressentir beaucoup d'heur d'auoir subiect d'esperer que la plume de Monsieur le Maistre des Requestes vostre fils , pourra suppleer au defaut du temps, qui fait vn preiudice ordinaire à l'immortalité des plus beaux monuments, & dont la memoire ne deust iamais perir. Mais ie l'estime beaucoup plus heureux, parce qu'estant issu de vous, vos œuures feront immortaliser les siens. Si ie ne me fusse absenté les deux derniers mois, i'eusse si importunément heurté à vostre porte, que vous en fussiez sorty, me faisant ceste faueur de venir icy dedans la fin de l'Esté: mais à present trop d'incommodez s'opposent au bien que ie pouuois esperer de vous voir en ces deserts, ny en la ville, n'ayant aucun dessein de discontinuer la solitude. Je prie Dieu, &c. De Stainx ce Samedy 21. Octobre 1611. Je vous enuoye ie ne sçay quoy que i'ay esbauché sur le Gentil-homme de vostre fils.



## S O N N E T.

*T*ues Pasquier heureux en ta lignée  
 Ayant un fils quel'on voit desirieux  
 De surpasser tous esprits genereux  
 Vray nourrisson de Pallas trois-fois née.  
 Heureuse en tout sera sa destinée,  
 Heureux son nom, son Gentil-homme heureux,  
 Ses traits hardis ; son style plantureux  
 Font voir ton ame en son ame renée.  
 Il te suivra, car son Liure ayant cours  
 Il taschera d'enrichir ses discours,  
 Et leur donner la façon autant belle,  
 Qu'elle se voit en tes œuvres diuers,  
 Oeuvres meslez, & de prose, & de vers,  
 Qui t'ont acquis vne gloire immortelle.

*A Messire Achilles de Harlay Conseiller  
 d'Etat.*

**P** V I S V E contre l'opinion des vostres,  
 qui se faisoient accroire ce qu'ils desi-  
 roient, vous estes fermé à la solitude, il  
 me plaist, estant dés pieça maistre passé en ce-  
 ste profession, de vous gouverner à bõ escient  
 sur ce subject. Car encores que ie sois vn autre  
 Chartreux dedans ma maison, si ne le suis-je  
 tout à fait pour n'auoir commeluy, vouié le si-  
 lence avec la solitude. Hé pourquoy donc ne  
 mesera-illoisible de m'eschapper, & iouir du  
 priuilege de mon aage qui ne se plaist qu'à des-  
 plaire par son babil ? Cene sera pas la premiere

fois que contre vostre concluer, vn Aduocat impudent ne se fera peu estancher. Et toutes-fois pour moins vous attedier, ie proteste de ne vous enfler *abouo*, ma solitude: Ce seroit vne histoire de sept ans, ains seulement d'une année, ie veux dire depuis ma derniere maladie. A l'issuë de laquelle mon Medecin prenant congé de moy, me remonstra que i'auois d'eux grands ennemis à combattre: l'importunité de l'hyuer, à laquelle nous estions sur le poinct d'atoucher, & l'ancienneté de mon aage, qui m'accompagneroit iusques à la mort. Partant me conseilloit de garder la chambre, afin de ne plus garder le liect. I'estois lors encores foible, & non du tout reuenu: Au moyen de quoy i'y acquiesçay fort aysément. Mais reprenant peu à peu mes forces, & ayant (comme il me sembloit) repris mon embon-poinct tout à fait, ie commençay de faire le procès au Medecin, & paraenture à moy-mesme. Quoy? fera-il dit que ie feray de ma maison, ma prison? Cela estoit bon quand ie ne battois que d'une aille: mais maintenant que ie suis, graces à Dieu, plein de force & de santé selon mon aage, pourquoy me banniray-ie des compagnies? pourquoy ne verray-ie les hommes doctes mes amis, qui m'estoient autant de leçons? Ce me seroit vne nouvelle maladie d'esprit qui au long aller me causeroit vne plus forte maladie du corps. C'est vne regle commune en l'eschole des Medecins, qu'il faut employer les medicaments selon la temperature des corps.

« Tellement que de faire passer par vne mesme  
 « chausse le remede du corps fort avec celuy du  
 « foible, ce seroit du tout errer contre les reigles  
 de l'art. Me chatouillant de ceste façon pour  
 rire, ie me voulois lascher la bride, & visiter  
 mes amis, quand mon fils de Bussy, & sa femme  
 qui font leur residence avec moy, me voyants  
 en ces alteres, m'assaillirent brusquement en  
 « ceste façon pour m'en destourner. Comment,  
 « mon pere, me dit l'un: comment, Monsieur,  
 « me dit l'autre, avez vous mis en oubly vostre  
 « maladie? Vous n'estes plus ce qu'avez esté au-  
 « tresfois. Vn an de vostre aage present en em-  
 « porte dix du passé, & vous chargé d'ans, vous  
 « fraichement releué d'une maladie, pensez ob-  
 « tenir contre les importunités de l'hyuer, ce  
 « qu'un ieune homme fort & plein de santé seroit  
 « bien empesché de gagner? C'est trop vous fla-  
 « ter, c'est trop abuser de vostre aage. La re-  
 « cheute en toutes personnes est plus à craindre  
 « que la maladie premiere: Mais au vieillard qui  
 « porte quant & soy vne maladie incurable, c'est  
 « vne assurance de mort. Me voyant combattu  
 d'une si iuste colere, ie fus contrainct d'obcir  
 au Medecin, mais beaucoup plus à mes enfans.  
 Medecine du commencement non moins ame-  
 re à mon esprit, que celle du corps à la bouche.  
 Mais entendez quelle operation elle a fait en  
 moy. Apres m'estre banny des affaires tant de  
 la Chambre des Comptes, que du Palais, en-  
 cores voulus-je esloigner de moy le soing de  
 mes affaires domestiques, lesquelles i'ay du  
 tout resignées à Bussy: de sorte qu'estant main-

tenant reduit en ma chambre, voicy l'œconomie que i'y garde.

I'ay d'un costé mes Liures, ma plume, & mes pensées: d'un autre vn bon feu, tel que pouuoit souhaiter Martial, quand entre les felicitéz humaines il y mettoit ces deux mots, *Focus perennis*. Ainsi me dorelotant de corps & d'esprit, ie fay de mon estude, vne estuue, & de mon estuue, vne estude. Et en l'un & l'autre subiect ie donne ordre qu'il n'y ait aucune fumée. Au demeurant estude de telle façon composée, que ie ne m'asservy aux Liures, ains les Liures à moy, non que ie les lise de propos delibéré pour les contredire: mais tout ainsi que l'abeille sautele d'une fleur à autre, pour prendre sa petite pasture, dont elle forme son miel: aussi ly-je, ores vn autre auteur, comme l'enuie m'en prend, sans me lasser, ou opiniastrement harassé en la lecture d'un seul. Car autrement ce ne seroit plus estude, ains seruitude penible. Ainsi meurissant par eux mes conceptions: tantost assis, tantost debout, ou me promenant, leurs auteurs me donnent souuent des aduis, ausquels iamais ils ne penserent, dont i'enrichy mes papiers. Ie vous prie me dire si ie serois repris de ce noble larcin en la Republique de Sparte. A la verité sur ce premier dessein ie fus quelque peu visité par vns & autres, miens amis. Mais voyants, ce leur sembloit, que ie n'estois du tout voué à vne vie solitaire, ils me payerent en mesme monnoye que fit S. Augustin le Poëte « Perse. Il ne veut estre entendu disoit-il, aussi ne « le veux-je entendre. En cas semblable se fai-

faits accroire que ie ne voulois estre veu, ils  
 firent estat de ne me plus voir. Chose qui du  
 commencement me fut de difficile digestion,  
 mais en fin l'accoustumance me la fit trouuer  
 tres-douce. Et comme d'une longue coustume  
 on fait ordinairement vne loy, aussi m'entre-  
 rent plusieurs raisons en la teste, pour me per-  
 suader que ce m'estoit vne belle chose de n'e-  
 « stre point visité. Ie ne suis visité (disoy-je) donc  
 « non discommodé, de mes estudes, donc non  
 « destourné de mes meilleures pensees, qui n'est  
 « vn petit aduantage à celuy qui a la plume en la  
 « main: donc non affligé des affaires du temps,  
 ny de la Seigneurie. Et à vray dire toutes les  
 nouuelles dont on me repaist, c'est quand  
 l'un des miens me rapporte, qu'il pleut à verse,  
 neige à tas, gele à pierres fendantes, fait vn  
 brouillas espois qu'on ne peut couper d'un  
 cousteau, & que ie suis tres-heureux d'e-  
 stre confiné dans ma chambre: & en laquelle  
 par vn priuilege special, ie suis franc & quitte  
 de toutes ces incommoditez. Voyla comme  
 ménageant vne santé à mon corps, & tranqui-  
 lité à mon esprit, le iour ne me dure qu'une heu-  
 re, & les heures qu'un moment, & comme l'ac-  
 coustumance m'a fait tourner en nature la so-  
 litude, que j'abhorrois auparauant sur toute  
 chose. Voire que gouernant mes pensees  
 à part-moy si ie me croyois, j'en ferois volon-  
 tiers deux braues paradoxes: l'un pour la pri-  
 son contre la liberté: l'autre en faueur de l'an-  
 cienne & accoustumée tyrannie, contre le nou-  
 uel estat monarchique bien réglé: Vous me di-



rez que tout ces discours sôt follie, au cōtraire vne Philosophie. Vous adiousterez que ie suis deuenu misanthrope & loup-garou: au cōtraire vne trop grande amitié de moy me fait tel. Iusques icy il n'y a que du trop en ma plume, & c'est en quoy i'ay iouy du priuilege du vieillard. En ce que ie deduiray cy-apres il n'y aura que du trop peu. Pour vous dire que sur le vœu de solitude que faites aujourd'huy, vous m'en direz quelque iour des nouuelles à meilleures enseignes, & sous meilleurs gages que ceux que ie vous ay figurez de moy. Parce que quād manquerez de visiteurs serez tousiours avec vous, qui est la plus fidele compagnie que puissiez souhaïter en ce temps plein de fascheux prognostic. Mais sur tout nourrissez en vous vn contentemēt infiny, pour la souuenance de vostre longue magistrature: Premièrement, d'auoir esté Conseiller en ce grand Parlement de Paris en Mars, 1557. President en la grād' Chābre, sur le cōmencemēt de Septéb. 1572. En fin tenant les grāds iours en Auuergne 1582. feutes appellé par le Roy Henry 3. à l'estat de premier Presidēt au preiudice de plusieurs poursuiuans qui estoïēt en Cour, nō despourueus de parrins, n'ayant autre brigueur que vostre reputation: auquel estat auez vescu iusques en Auil 1611. Reuenant le tout à bō compte à 15. ans, pendant lesquels auez réduit le droict par degrez. Sur vostre Esté, President en la grand' Chambre, & sur vostre Automne premier entre vos autres compagnons. BenediCTIONS qui ne furent iamais distribuées à autre, qu'à vous dedans

ceste France. Et neantmoins fort petites, si ne  
 les eussiez, par la grace de Dieu, assorties d'au-  
 tres plus grandes sans comparaison. Auant que  
 ie vous eusse haleiné tout à plein, comme i'ay  
 depuis fait, vous auiez gagné tel aduantage sur  
 moy que ie ne fus onc d'aduis que mes parties  
 vous recusassent, quelque imaginaire soupçon  
 ou doute qu'elles eussent de vous, comme les  
 peurs & jalousies se logent fort aysément aux  
 testes des plaideurs. Et ie ne fus iamais en cecy  
 trompé. Depuis ie fus en l'an 1579. l'un de vos  
 soldats aux grands iours de Poictiers, où des-  
 lors ie tenois le lieu de Doyen entre mes com-  
 pagnons Aduocats: & i'appelle Dieu à tesmoin  
 que ie ne vey iamais procedures si belles que  
 celles-là. Ie ne fus vostre à ceux d'Auuergne  
 pour quelque destourbier, qui m'en empeschat  
 & neantmoins, si vous vous en souuenez, ie vous  
 dy auant vostre partement, que ie voyois vostre  
 fortune disposée en tel arroy, que si l'estat de  
 premier President venoit à vacquer pendant  
 vostre absence, il vous estoit indubitablement  
 reserué: en quoy mon prognostic ne fut méteur.  
 Depuis y estant arriué, vous n'oubliastes iamais  
 vn seul poinct de vostre deuoir. Ie laisse à part  
 vostre longue prison dedans la Bastille pendants  
 les troubles, & comme aymates mieux y trem-  
 per, que vous desuoyer du seruice de vostre  
 Roy. Que les trauerses qu'auiez de fois à autres  
 receuës, ne vous esbranlerent iamais, ains par  
 vne longue patience, & constante fidelité, vous  
 firent en fin gagner le dessus. Mais sur tout ie ne  
 puis trompeter assez haut la catastrophe &

belle retraite de vos actions en ceste charge, quand en plein Conseil d'Etat, cōtre l'opinion de plusieurs grands Seigneurs encontre vous preoccupez, mal appointé de vostre corps & soustenu de vostre bastō, vous vous representates avec vne force infinie, & magnanimité de courage, & comme vn autre Appius Claudius Cēcus, au milieu du Senat de Rome, les saluantes d'un

*Quo vobis mentes recte quæ stare solebant*

*Antehac, præcipiti sese flexere ruina?*

Et sçentes si bien iouir vostre personnage cōtre vn rouge-chappeau qui auoit ineptement abusé de sa plume au desaduentage de nostre Cour ōne, qu'en emportates la victoire : & cognurent tous ces Princes & Seigneurs, non moins zelateurs du bien de la France que vous, qu'ils auoient esté surpris sous le faux donner à entendre de ceux qui font contenance d'estre vray François. Conclusion; vostre vie est vn beau miroir pour tous ceux qui vous suruiuent en ceste dignité. Vous me direz que contre mon ancienne coustume, ie suis deuenu vn nouveau flatteur. Et ie vous responds d'un rien moins. Car mon naturel est de me partialiser sans dissimulation & hypocrisie pour la verité, selon que les occasions m'y conuient. Quoy? la memoire de tout ce que dessus ne vous doit elle pas estre vn grandissime contentement? Mais ie commenceray maintenant de me mocquer de moy, vous ayant fait si ample discours sur la solitude. A vray dire ce sont beaucoup de bons propos mal à propos. Car si i'estimois vostre

belle maison de Stinx proche & voisine de Paris, vous estre vn hermitage, ie manquerois de sens commun, en laquelle estes iournellement visité en flote par personnages de marques, qui s'estimét tres-honoré de vous voir. Et de moy si en mon paritculier ie pouuois estre de la partie, croyez que ie n'y manquerois. Ce sera quād i'auray quelque belle iournée à mon commandement. Pour supplément de ce defaut ie vous enuoye ceste Lettre tesmoignage de ma volōté, que ie veux auant la clorre, cacheter de ce beau seel. Vous souuient-il point de ce grand Senateur Similis, lequel apres auoir passé sous l'Empereur Adrian par les plus grādes charges à son honneur & profit de la republique, s'estāt finalement retiré en l'vne de ses maisons aux chāps, pour y mener vie coye, où il vesquit sept ans, se voyant sur le point de rendre l'ame en l'autre monde, voulut cet epitaphe estre mis sur son tombeau. *Similis hiciacet, cuius etas quidem multorum annorum fuit, septem duntaxat annos vixit.* C'est celuy mesmes que ie vous ordonne pour le surplus de la vie qu'avez à passer, que ie prie Dieu vous continuer pour le moins encores sept ans avec autant de contentement que luy, & que lors ie vous puisse dire avec meilleure raison, *Similis Simili*, faisant pour vous ce souhait, vous voyez que ie ne m'oublie pas pour moy. A Dieu.

*A Maître Nicolas Pasquier mon fils, Conseiller &  
Maître des Requestes ordinaire de l'Hostel  
du Roy.*

**E**N C O R E s ne me puis-ie estancher, quelques raisons que me bailliez en payement par vos Lettres. Car tout ainsi que c'est chose tres-iuste qu'un pere soit creu & obey au mariage de sa fille, aussi en ceste mesme qualité est il obligé de la marier, quand son aage sans parler parle pour elle. I'adiousteray qu'ores qu'elle n'ait en ce subject autre volonté que celle du pere; toutesfois le pere doit acquiescer à la sienne quand elle n'est desreglée. Voyla vn merueilleux secret, qu'en ce grād & saint mystere de mariage vne personne ait volonté & non volonté tout ensemble. Il est ainsi que ie le vous dy. La mesme nature & le mesme aage qui comanendent d'obeïr au pere, mettent en l'ame de la fille ie ne sçay quels raisibles instincts, contre lesquels de se roidir par vn pere, quand il n'y a rien de mal seant & disconuenable, quelque sagesse qu'il estime resider en luy, ie l'estime n'estre gueres sage. Dieu vous a donné vne fille premiere née que vos trois enfans: & tout ainsi qu'elle est la premiere de naissance, aussi la vous pleuuy-je pour la premiere tant en grandeur de corps, que d'esprit: Sage non seulement par la conduite de sa tante, sur laquelle ie me repose pour cest effect, mais aussi par vn bon naturel né avec elle qui luy faict perpetuelle compagnie. Ie suis spectateur de ses deportements,



comme son ayeul; & combien qu'elle ne me communique ses pensées, toutesfois ie ly au trauers de son cœur. Il y a sept ans passez que l'avez habituée en ceste ville, chez moy: aymée & honorée de tout nostre voisiné, & de toutes les Damoiselles qui me font cet honneur de me visiter, maintenant selon son aage recherchée en mariage de plusieurs honnestes Gentilshommes. Ne doutez que pendant cetemps elle n'ait avec l'air de Paris, imprimé vne volonté de ne s'en esloigner. Toutesfois i'appren par vos Lettres, que la voulez retirer & confiner en vostre pays d'Angoulmois. Elle m'a déclaré en pleurant ne vouloir que ce que voulez: Paroles bien seantes en sa bouche, mais les larmes que i'ay veuës en ses yeux me tesmoignent que si le faites, vous exercerez sur elle, non vne puissance paternelle, ains seigneurie absolüe, singulierement eu esgard que n'avez auourd'huy de delà aucun party en main. Tellement que la logerez cepédant sur vne table d'attête. Et y a grand danger qu'il ne se trouue en vous auéré ce vieux proverbe. Tel refuse qui apres muse. Vous me mandez qu'une fille ne perd rien pour attendre, viuant avec vn chaste honneur entre-meslé d'une sage & attrempée modestie. Beau discours certes sur du papier, mais quant à moy ie suis d'aduis qu'ores que cela soit en elle, neantmoins tout ainsi que les grains non recueillis en leurs saisons, se pourrissent sur la terre au lieu de fructifier: aussi la vierge se ternit d'elle mesme si le temps de son mariage venu ( que i'estime de vingt ans ) vn mary ne

cueille en elle le fruit de la virginité : & à peu dire, plus elle s'auance d'aage, plus elle va au rabais. Tellement que si i'ay quelque sentiment, l'histoire du mariage par vous projecté gist plus en l'imagination, qu'en l'effect.

Pour nourrir ( dites vous ) vne amitié mutuelle en vn enfant, & par ce que les autres seront mariez au pays d'Angoulmois, vous desirez pareillement y marier ceste-cy. En somme c'est souhaiter, non que vos enfans menent vne vie monastique dedans vn cloistre, ains dedans vne prouince. Il va de nos enfans tout ainsi que de nos Liures, lesquels nous estimons grandement honorer, quand ils ont vogue en plusieurs pays, ainsi est-il de nos enfans, & notamment, les vns approchant la cour des Rois, & les autres plus esloignez : autrement nous en formos des casaniers. Somme nous deuons aimer chacun de nos enfans pour l'auoir de luy principalement, non de nous. Je ne vous presenteray autre exemple que de vous seul. Quand ie vous fis pouruoir del'estat de Lieutenant general de Cognac, duquelle bõ Roy Henry troisieme me gratifia, ie vous esloignois de la presence de quatre freres qu'auiez lors, toutesfois pour la commodité de vous & de vos affaires, qui sont depuis graces à Dieu heureusement reüssies, ie ne doutay de suiure ce conseil. Pourquoi dõc douterez vous maintenant de pratiquer le semblable enuers vostre fille, la pouuant accommoder de deça sans aucunement vous incommoder? Que si ie voyois aujourd'huy vn party sortable en vostre pays

dont feussiez assuré, ie changerois peut estre de tó, mais n'y en ayât, ie vous prie ne quitter le certain present pour vn futur incertain. Car quant à ce que m'escriuez que ce certain par moy proposé despéd d'vn vêt de cour, d'vn chagement de visage, & de la misericorde d'une mort qui sèbleront sans ressource quatre mille liures de réte. Tournez le fucillet. Si tout cela n'aduiant point, vostre fille ne sera elle fort bié pourueüe ? attédy mesmemēt qu'il y a au Gentil-hôme dont on vous a parlé prou de fonds, pour assurer les cōuentiōs matrimoniales d'une fême. Pour fin & conclusion de cettel lettre, prenez garde que pédât que refusez celuy qui vous recherche, & recherchez ceux qui pensent à vous, ne tombiez en l'inconuenient du vers porté dans Martial.

*Dum qui sis dubitas, iam potes esse nihil.*

Quant au surplus de vōtre letre, par lequel cōme bō fils auez voulu faire vne belle & ample anatomie de la vie de vostre pere, de quelque façon qu'entriez en ce ieu, vous n'éserez creu: car si cōme iuge, vous estes recusable, si comme tefmoin, reprochable. A Dieu. De Paris ce premier iour de Septembre 1613.

*A mon fils M. Nicolas Pasquier Conseiller & maistre des Requestes ordinaire du Roy.*

**P**RESAvoir leu les lettres que m'auez escrites, vostre frere de Bussy m'a cōmuni-qué les siēnes, par lesquelles estes du tout resolu de n'entēdre au mariage dōt il vous auoit escrit. De vous dire ce que i'en pense croyez que


ie m'y trouue bié empesché. Vostre fille est belle, sage, honnesté, conduite d'une bonne main: mais au bout de tout cela, elle est grande de corps & d'esprit, aagée de vingt ans: Ces trois particularitez commençants ensemble, vous monstrét qu'il est mes huy temps de la marier: mais auant que d'y entrer il vous faut cōmuniquer auec vostre bourse, & cōsiderer quels sont vos moyens, ie veux dire accommoder vostre fille sans vous incōmoder que bié peu. Ainsi en ay-ie vsé à lédroit de vous & vos freres, & ainsi m'en suis-ie fort bien trouué. I'auois lors quelque nom & industrie meslez ensemble qui acheminoient mes affaires selon mes souhaits: vray, que ie n'eus iamais fille à marier, & si'en eussé eu, peut estre que selon l'obiet, aussi eussé-ie chagé de propos. Si vous en croyez vostre frere, qui est fort bon mesnager, mais auquel riē n'est impossible, il ne vous faut point marchander, ains passer outre: Et moy ie pense nel'auoir pas esté mauuais, mais qui en vne asseurāce de tout, craignois toutes choses. Sur ce pied i'ay cōduit ma fortune pas à pas avec vn assez heureux succès, laquelle toutesfois ne pouuant plus haut esleuer, si ie nel'eussé accōpagnee d'une perpetuelle crainte. De ma part ie suis d'aduís que pour l'aduācement de nos enfans ne deuons doubter de nous hazarder: toutesfois de telle façon que iouyons tousiours au plus seur: au cas qui s'offre, vous auez le dé en la main, liurez la chance, que si on vous couche plus gros que vous ne desirez, vous pouuez quitter la

main. Quand aurez examiné à part vous ce poinct qui despend de vos facultez, jettons les yeux maintenant sur ceux que pouuez souhaiter à vostre fille pour maris. Si sur les gens du Parlement, vous y trouuerez vne pauureté reuestue d'une robe d'escarlata, qui pour paroistre deuant le monde, s'est presque reduite à l'aumosne: de laquelle pour se garentir à recours à vn mariage dont elle ne fait aucun cōpte, s'il n'est de vingt ou vingt-cinq mille escus; autrement elle demeureroit sans ressource. Les iettez vous sur vn Gentil-homme qui ne doit rien, vous le trouuerez estre vn casanier, indigne de la fortune de vous & des vostres: & voulez vous vn autre qui ait fait monstre de sa valeur: où est celuy ie vous prie qui en ce faisant ne se soit accablé de debtes? Et neantmoins en mō choisis j'aymerois mieux cettuy que l'autre. Entre les deux professions de la robe longue & des armes, puisque deux enfans masles ont pris celle des armes, ie suis pour le mesme party en vn gendre. Voyons donc quelle obscurité vous pouuez trouuer en cettuy dont est question. Premièrement nous le recognoissons extrait d'une tres-noble famille, bien allié & apparenté, bien morigené, qui pendant sa iuennesse s'est basti vne tres-belle fortune, en premier lieu au fait des armes, puis en la maison de la Royne mere Regente: Vos enfans ont besoin d'un parrin en leur conduite: Cettuy-cy ne leur en peut il seruir selon que les occasions se presenteront pour les employer? D'ailleurs ayant en ses ieunes ans conduit si heureusemēt



sa fortune, que pouuez vous craindre de luy à l'aduenir croissant d'aage? Mais il n'a point de terres foncieres dites vous. De dire qu'il en soit du tout degarny ie le nie : vostre frere vous en a remarquée quelqu'une. Bien confesseray-ie qu'il n'en a pas tant comme nous desirerions, & le mariage de vostre fille le meriteroit : mais au lieu de ce, l'estat dont il est pourueu, vient pour supplement lequel ne mourra en luy tant & si longuement, que la Paulette durera, que ie ne voy pas prest de prédre fin, & si ceste crainte nous assiegeoit, il faudroit encores moins penser à vn Conseiller de Cour souueraine, qui seroit bien reduit au petit pied si ce changement aduenoit. C'est pourquoy ie suis d'aduis qu'entrant en vous mesmes, si vostre commodité le peut porter, ne refusiez ceste belle occasion. Je sçay que la somme dont il a parlé est bien grande, qui vous peut parauenture arrester ; c'est le premier mot, auquel on pourra apporter quelque modification pendant vostre vie, en attendant que vos enfans recueillent vostre succession apres que serez allé en l'autre monde. Dauantage c'est vn roollet que ie pourray iouer qui ne sera trouué mauuais venât de moy. Pensez y donc encores vn coup, & vous souuenez que qui n'empoigne l'occasion par les cheueux de deuant, ell' est chauue par le derriere, & n'a pour seruante qu'une repentance. Pour conclusion, i'ay esté d'aduis que vostre frere de Bussy tint vostre premiere resolution en suspens, en attendant qu'apres auoir veu la presente nous sçachions si persi-

*A Monsieur Cossard Conseiller du Roy & Au-  
diteur en la Chambre des Comptes à Paris,*

 E ne sera point vne lettre que rece-  
urez de moy, ains vn dialogue, par  
lequel trouuerez que par forme de  
Paradoxe ie me suis voulu donner  
carriere contre l'art de medecine. Que s'il  
vous plaist d'en sçauoir le motif, ie le vous di-  
ray. A l'issuë de ma maladie, mon Medecin me  
voyant reprendre mon embon-point, me vint  
voir pour prendre congé de moy, & se donna  
tout loisir de me gouverner de diuers propos,  
entre lesquels nous tombasmes principalemēt  
sur les effects de la medecine. Ie ressemblois  
lors celuy qui fraischement recoux d'un nau-  
frage, n'a autres propos en sa bouche, que des  
secousses de la mer, & craintes de la mort, par  
lesquelles il estoit passé; & comme leuant l'an-  
chre en vn port on laisse apres fort aisement  
emporter le nauire à la mercy des vents, aussi  
feismes nous le sēblable en nos discours, cha-  
cun de nous se donnāt tel ieu qu'il voulut: i'a-  
pelle ieu: car pour vous biē dire, quelque cho-  
se que i'aye icy discouru contre la medecine, ie  
seroistres marry qu'on pensast que ç'ait esté à  
bon esciant. Ie sçay que c'est vn don de Dieu à  
nous octroyé pour la conseruation du genre  
humain en ses membres particuliers, & qu'elle  
produit de bons & excellents ouvrieres selon la

diuersité des tēps. Je me suis donné la patience de rediger nos discours par escrit: dōnez vous aussi la patience de les lire. Quoy que soit ie vous en fais maintenant present : les entre-parleurs seront le Medecin, & Pasquier.

MED. gardez, ie vous prie d'estre tōbé d'une fiure tierce en chaud mal: parce que vous oyāt en ce point parler des Medecins, il sembleroit que pēdant vostre maladie eussiez cōceu quelques faulx imaginations cōtr'eux: sur lesquelles vous seriez ferme reuenu en vostre santé. Et neantmoins vous sçauiez que ce que dites ne se peut soustenir avec fondement de raison: voire que vostre opinion pourroit se tourner en cōsequēce, estant cōmuniquēe à vn peuple. Car qui est celuy qui ne sçache, que dedans les arbres, herbes, & ez vegetatiues, & encores es sensitiues se logēt les remedes de nostre santé? Brief qui est celuy d'entre nous si biē qualifié de to<sup>s</sup> les mēbres, qui ne cōfesse pour le moins tenir vne fois sa vie des Medecins? PASQ. voilà le comble de nostre follie : parce que nous no<sup>s</sup> endormās sur cette folle creance, & estimāts ne recognoistre en nous sātē, que celle qui no<sup>s</sup> est pourchassēe par le Medecin, mettōs le grād & souuerain Medecin en oubly. Et ainsi que ie croy fermement, nous sont plustost causees les maladies que des quatre qualitez elementaires disproportionnees en nous, & si estiōs tels que deuons, iugerions que ce Seigneur qui nous les enuoye pour nous relueiller, est luy seul, & non autre qui nous peut reduire en bon train.

MED. vous prenez les choses cruēment. Car qui est l'hōme si hebetē qui n'ie, qu'il ne faille

tout contre-venantes à celles de leurs ancestres. C'enonobstant en telle confession, y a eu peu de malades qui ne se soient fait accroire, que par la grâdeur de ces Medecins, & de leurs medicamens il n'eussent retrouué guerison. En ceste façon Asclepiade regnant dans Rome sur le declin de l'Estat populaire, fut en reputation de l'un des plus experts Medecins qui eussent esté auparauant luy : & neantmoins il fut depuis proclamé ennemy capital de la vraye Medecine, pour ses nouuelles & contre-communes inuentions par luy introduites: Et le Thesale sous l'Empire de Neron fut entre les Medecins tenu pour vn 'demy-dieu, & toutesfois le grand Galien a depuis monstré par ses Liures, qu'il estoit vn vray ignorant : & sans nous esloigner de nostre siecle, ne voyez en quel credit est la doctrine de Theophraste, Paracelse aux Allemagnes, & neantmoins condamnée par nostre faculté de medecine de Paris. Chose dont ie vous puis parler cōme celuy qui plaiday cōtre elle en l'an 1579. la cause des Paracelsites traitée par trois Ieudis en presence d'une infinité de peuple. Iceux certes merueilleusement hazardeux, puisque par l'issuë d'iceux il n'y va que de nostre vie. Consideriez ie vous prie la diuersité de maximes que vous pratiquez tant au regime de nos santez, que guerison des maladies, l'opinion de vostre grand Hippocrate estoit qu'en nos repas il falloit cōmencer à *solidioribus cibis* : & c'est pourquoy il garda cest ordre expres en cest aphorisme : *Labor, cibis, potus, somnus, Venus, omnia mediocria* :

Sur

Sur lequel Galien bastit ses six liures *De sanitate tuenda*: Si vous parlez à Arnaut de Ville-neufue Medecin del'Empereur Federic premier, qui nous donna ces belles escriptures qui sont dedans le liure qu'il appella *Regimen Salerni*, il vous dira qu'il faut commencer par les potages & choses liquides. Ainsi nous l'enseigne-il en son *Regimen Salerni* par ce demy vers,

-----*A potibus incipe cœnam.*

Comme de fait nous sommes en cecy partialisez en cette France: car en la Guyenne & languedoc, on ne sert les potages que sur la fin, & aux pays de dedea sur le commencement des repas. L'un des plus solénels Aphorismes d'Hippocrate, & auquel, comme fondement de la medecine, nous adioustons plus de foy, est que *Similia similibus nutriuntur*: & que *Contraria contrariis curantur*. Au contraire tient par doctrine infailible que *Similia similibus curantur*. Voire que ses Disciples confirment ce Paradoxe par exemples qu'ils tirent de nos galenistes, qui employoient la Reubarbe dont la couleur est iaune pour la purgation *bilis flaua*, & la casse de noire couleur encontre la melancolie. Combien de siecles a regné vostre medecine que vous pensiez qu'il ne falloir saigner vn enfât iusques à l'aage de quatorze ans, estimâts que par la saignée au lieu de le guerir s'estoit luy procurer la mort? heresie en laquelle vous seriez encor sans le bon Auerroes Arabe, qui premier en feit l'espreuve sur vn sien fils aagé de sept ans qu'il guerit d'une pleuresie, & depuis on n'en a iamais fait aucun doubte. Il y a



788 LIVRE XXII. DES LETTRES  
vingt & cinq ou trente ans quenouseusmes  
Boutal Italien Medecin du feu Roy Henry 3.  
qui n'auoit autre pratique en tous ses remedes  
& presque pour toutes sortes de maladies, que  
la saignée, qu'il reiteroit quatre, cinq & six fois  
sur vn patient, voire pour la goutte mesme. Et  
comme ieluy remonstrelle vn iour (cari'estois  
son Aduocat) qu'au lieu de guerir les malades  
c'estoit les allangourir, il me respondit que plus  
on tiroit de l'eau d'un puits, plus il en reuenoit,  
& plus la nourrisse estoit tiree par son enfant,  
plus auoit elle de lait, que le semblable estoit  
de la saignée. Ce nonobstant sa proposition  
feut lors condamnée par tout le College de nos  
Medecins: mesmes feut fait vn liure exprés  
contreluy par Granger aprouué par toute la  
faculté. Toutesfois depuis son decés sa prati-  
que a repris vie en l'opinion de nos plus  
grands Medecins, qui ne mettent en espar-  
gne la multiplicité de saignées enuers leurs  
propres femmes, enfans, & freres, & en trou-  
uent leseuenemens tres-heureux. Et combien  
que ces maximes le soyent trouuees toutes dif-  
ferentes & contraires, si est-ce que plusieurs  
ont estimé par la foy qu'ils auoient en leurs me-  
decins, auoir esté par eux garentis de leurs ma-  
ladies: & to' les autres auxquels il est mal succédé  
n'ont eut moyen de s'en plaindre apres leur  
mort. Tellement qu'apres plusieurs discours,  
celuy là sembleroit n'estre pas fol sans raison,  
qui soustiendrait que toute la conduite de cet-  
te profession gist plus au hazard, qu'en l'art. Et  
afin que ne pensiez, que par vne animosité mal

reglee ie m'aheurte contre vous, ie vous supplie dites moy, à quelle fin tend tout vostre art? Ie croy que serez d'accord, que c'est pour la santé de l'hōme. Or voyez en quelles tenebres nous auōs esté par le passé enuolopez iulques à nostre siecle. Cet homme en faueur duquel vous dressez toutes vos pensees: cet homme pour l'etretènement & conseruation duquel vous baillez mille sortes de preceptes: cet homme qui est vostre principale bute & visee à peine vo' est-il cogneu: & estes au iourd'huy preique tous d'accord, que vostre Galien, homme parfait & accomply en la Medecine, si oncques en feut en vostre art, toutesfois ignoroit la couppe & anatomie de nos corps, & qu'au lieu de celle de l'hōme, il nous representa celle d'un singe: & que celuy qui nous en dōna le vray modelle feut,

Medecin de l'Empereur Charle V.

Quoy? si vous estes encor aux cōsteaux pour le regard du chef (la plus noble partie de nous) & apres tant de centaines d'ans vous ne sçauiez qu'en resoudre? L'opinion ancienne a esté qu'e la partie cerebrale y auoit trois sieges que nous appellons ventricules, distincts & separez l'un de l'autre: celuy de l'imagination qui occupoit la partie deuanciēre du chef: vn autre du iugement, qui estoit colloqué au milieu, & l'autre de la memoire vers le derriere, que vous nommez Cerebelle. Ce nēantmoins de nostre temps s'est trouuē vn personnage de tres-profond sçauoir entre vous autres (celuy dont ie parle en cecy est le docte Fernel) lequel en vn liure qu'il a fait in-

790 LIVRE XXII. DES LETTRES  
titulé, La Medecine, se mocque de tels ventri-  
cules, & maintiét par vne infinité de belles rai-  
sons, que ces communes fonctions sans aucune  
distinction sont confuses en nos cerueaux, fai-  
sants chacunes d'elles leurs operations en nous  
à leurs rangs, selon que chacun de nous téd les  
nerfs de sō esprit à l'imaginatiue, iudicatiue ou  
memoire. Et puis en telles discordes establisiez  
moyseurté pour la guerison de ce chef, quand  
l'vne de ces trois parties se trouuera mal affec-  
tée. Et l'vne & l'autre opinion ne manque  
point de raisons plausibles. Voulez-vous sou-  
stenir la premiere qui est la distinction des trois  
ventricules, vous le trouuerez au cré par vne  
demonstration oculaire voyant, en quelques  
vns l'imagination seulement offensée; de quel-  
le sorte sont ceux-là qui atteints d'vne fièvre  
chaude se precipitent du haut en bas d'vne fe-  
nestre, pensants que ce soit vne porte : les au-  
tres auoir le iugement sans plus blessé, ores  
qu'ils ayent l'imaginatiue, & memoire saines,  
comme sur nos ieunes ans nous veismes vn Ni-  
gouius, & les autres auoir seulement perdu  
par maladie la memoire, comme anciennemēt  
ce grand Orateur Messala, & de l'aage de nos  
peres Georgius Trapezuntius, tous deux per-  
sonnages de marque. Repassez sur la seconde  
opinion, vous ne la trouuerez despourueü de  
belles raisons, non plus que la premiere.  
Car si vous faites distinction des ventricules,  
il en faudra autant à la iudicatiue, com-  
me cette partie a d'effects. Qu'ainsi ne soit,  
sous le regne du grand Roy François on

veit vn Villemanecche en sa cour n'auoir le iugement offensé que sur le party des mariages des grandes Dames, dont il se faisoit present : Et sous celuy du Roy Henry deuxiesme, vn Tulenus, ne pecher qu'en deux obiects, en l'Euesché de Cambray, & en l'amitié qu'il auoit vouëe à vne grande Princesse ; chose dont autresfois ie me voulus donner plaisir à ma table, à laquelle y ayant quelques hommes d'honneur qui ne le cognoissoient, il nous entre tint d'une infinité de bons propos pleins de iugement & doctrine, avec vne grande admiration de la compagnie : En fin ie prins subiect de luy parler de cette grande Dame (qu'il appelloit en Latin sa *Julia*, & en François sa Ioliette) & adoncques voila mon homme hors des gonds, & tout autre qu'il n'auoit esté sur le commencement de nos propos. La cōpagnie bien estonnée, d'où luy estoit suruenue cet inopiné chāgemēt, iusques à ce queluy sorty ie feist tout au lōg le recit de l'alteration de son cerueau : la Dame qui le troubloit en son sens estoit des pièça decedee, toutesfois à la premiere ren contre d'une Damoiselle, il se faisoit acroire que c'estoit celle dont il estoit esperdu : Et quelques fois avec sa grande robe s'acheminoit iusques à Fontaine-bleau, esperant de l'y trouuer. D'où prouenoit doncques cette alteration de cerueau en ces deux obiects seulement, & qu'en tout le demeurant il ne feust en rien offensé ? Je passeray outre, & diray que ie ne trouue la memoire

faire ses operations en moy, si non és points que j'ay pour plus recommandez & qui approchent de mes premieres notions. Suis-iedoncques du tout desnüé de memoire ? nenny : car les impressions que ie fay de mes maximes, ensemble de leurs circonstances, m'apprenent tout le rebours. Au contraire dois-ie auoir dedans mon cerueau vne cellule de memoire, puis-que si facilement ie mets en oubly toutes autres choses, qui ne se rapportent à mes apprehensions ? C'est pourquoy en ce diuorce du pour & du contre, ie suis presque contraint, singulierement en ce qui regarde la memoire, de la loger non au cerueau, ains au cœur : Ainsi disoit sur ce sujet le Romain, *recordari*, & nous autres François, apprendre vne chose par cœur. Et plusieurs passans plus outre voulurent autresfois soutenir n'y auoir en nous autres fonctions d'esprit que celles qui venoient du cœur, & pour cette occasion feignirent que Vulcain ayant forgé l'homme feut repris seulement par Momus, en ce qu'il n'auoit fait quelque fenestrage vers le cœur, afin que l'on eust peu descouvrir les pensees des hommes, comme si le cœur feust le domicile de nos pensees. Et pour cette cause trouuons en plusieurs passages de la sainte Escriture. *In corde cogitationes*, qui sont termes que nous faisons en nostre commun langage simbolizer. Choses que ie vous touche, non pour approuuer ou improuuer la distinction des ventricules du cerueau, mais pour vous dire qu'il y peut auoir de l'incertitude, pour le sostenement du pour & du contre.



Vous autres Messieurs les Medecins feustes iadis en cette France appelez Physiciens, comme estant vostre vacquation principalement vouee à la contemplation, non de toutes choses naturelles, ains en ce qui concernoit l'homme & la femme: mais ô bon Dieu, combien d'obscuritez & perplexitez y trouuez vous auant que d'en estre esclaircis.

**M**ONSIEUR,

Je vous remercie affectiônement de la deuote exhortation que me faictes pour le salut de mon ame, de biffer de mes Recherches tout ce que i'escriis cōtre les Iesuites, & par mesme moyen de condamner le Catechisme que i'ay fait contre eux. Hé vrayemēt ie trouue qu'ils sont merueilleusement sages: Car sçachans que suis Catholique Apostolicque Romain, & que tousiours i'ay vescu en cette foy, nonobstant la liberté de conscience, que le malheur du tēps a introduit en cette France depuis cinquante ans en ça, ils ne pouuoiet choisir parrain plus assēuré de leur plainte contre moy, que vous, auquel i'ay toute creance, non seulement pour estre mon pasteur & curé, ains pasteur accompagné de toutes les bonnes parties qu'on peut desirer en nostre Eglise. Vous sçauiez qu'il y a enuiron 2. ans qu'estimāt estre sur le point de la mort ie deposay entre vos mains par ma confession tous les pechez que ie pensois auoir sur ma cōscience,

794 LIVRE XXII. DES LETTRES  
& receus par vous le Sainct Sacrement de  
l'Autel. Et ie veux qu'estimiez que ie traite  
maintenant avec vous comme pecheur, & par  
forme de confession, encôre que ce soit par let-  
tres : mais si ie fais faute, c'est par les in-  
structiôs & memoires du pere Iesuite de Rome.

Ie respondray doncques à vostre lettre côm-  
me homme, puis cômme Catholice apostolic & romain,  
en laquelle foy ie veux viure & mourir; & ie  
vous prie me prester audience iusques au der-  
nier periode de ma lettre.

Ie plaiday en l'an 1564. pour l'Vniuersité cō-  
tr'eux faisant imprimer toutes mes Recherches  
en l'ã 1596. i'y inseray mon plaidoyé, i'en diray  
cy apres la cause: en haine de cela vn petit Iesui-  
te de Douëy fait imprimer vn liure en l'ã 1599.  
dont le tiltre est tel. Responce de René dela  
Fon pour les Religieux de la compagnie de Ie-  
sus, au plaidoyé de Simon Marion en l'arrest  
donné contre iceux le 16. Octob. 1597. avec  
quelques notes sur le plaidoyé & autre subiect  
des Recherches d'estienne Pasquier, dedans le-  
quel apres auoir recherché vne infinité de pōi-  
tibles ineptes cōtre mes Recherches, voicy l'epi-  
taphie que ce deuot Iesuite fait de moy.

Or qu'il viue encores ioyeusement (dit-il au  
37. chap. ) & qu'il escriue & resue encores s'il  
veut encontre les Iesuites, il resuera en saison  
dessus ses vieux iours, qu'il resue iusques à ce  
que quelqu'vn ou de cette compagnie, ou s'ils  
le desaignent, quelque autre pour le public face  
vne generale reueuë sur ce qu'il a mis en lumie-  
re, & vn recueil de ses ignorâcë, resuerie, asnerie  
malignitez, heresies, pour luy dresser vn tōbeau

de funeste memoire, où il soit encoffré tout vif, où les corbeaux & vautours viennent de cent lieuës à l'odeur, où les hommes n'osent approcher de cent pas sans boucher leurs nez pour la puâteur, où les roses & horties croissent, où les viperes & basiliques nichét, où les chats-huants & les butors chantét, afin que par vn tel monument ceux qui viuent à present, & viuront es siecles futurs, sçachent que les Iesuites ont eu pour insigne persecuteur & calomniateur, vn insigne menteur, & vn capital ennemy de la vertu, & des gens de vertu, & que tous les calomniateurs apprennent aux despens d'vn orgueilleux ignorant, de mieux penser ce qu'ils disent, & escriuēt contre les ordres Religieux, & ne scandaliser si effrontement par leurs escrits diffamatoires & blasphematoires, la sainte Eglise de Dieu.

Vous dites que ie ne pardonne aux iniures par vostre foy, fut-il iamais au monde, ie ne diray point entre les Chrestiens, ains entre les plus barbares, iniures plus furieuses, ordes, abhorrentes du sens cōmun que ceste-cy? Si ie me suis donc attaqué à eux, il faut qu'ils s'en prennent à eux-mesmes, & se souuiennent de ce petit, mais beau traicté de saint Iean Chrysostome: Que nul n'est blessé que par soy. Dauantage s'il n'y auoit que cela, encores le passerois-je sous silence. Permis aux Iesuites de mesdire à toute outrance par vn priuilege special de son ordre, sans qu'on luy ose respondre: Mais d'y auoir recidiuë plus aigrement par vne seconde fois, est du tout inexcusable. On n'excuſe ia-

mais vn heretique quand il est relaps. Il y eut vn Iesuite de Bordeaux, lequel meit en lumiere vn Liure contre mon Catechisme dont le titre est, La chasse du Renard, Pasquin descouvert, & pris en sa taniere du libelle diffamatoire faux, marque le Catechisme, &c. Vous y trouuerez vn repertoire d'iniures.

- Car si on le croit, Pasquier qu'il appelle Pasquin, est vn porte-pânier, marault de Paris, petit galand, bouffon, plaisanteur, petit compagnon, vendeur de sornettes, simple ragage qui ne merite d'estre valet des laquais, belistre, coquin, qui rotte, pette, rend sa gorge, renard qui sous l'accoustrement d'un badin est vn calomniateur à vingt-quatre caras, fort suspect d'heresie, ou heretique, ou bien pire, vn sale & vilain Satyre, Archimaistre sot, sot par nature, par becarre, & par bemol, sot à la plus haute game, sot à triple semelle, sot à double teinture, & teint en cramoisi: sot en toutes especes de sottie. Vn grate-papier, vn causeur, vn babillard, vne grenouille du Palais, vn clabaud de cohue, qui ne merita iamais ce noble tiltre d'Aduocat. Renard voilé d'un faux manteau de Catholique, souspiral d'éfer, insigne hypocrite, vieux Renard, *Senex inneterate malorum*, avec ces faux vieillards de Susanne, vn serpéteau vn crapaud qui tourne le bon suc en venin, cōme bouche d'aspic, par sa parole, bouche infecte qui respand sa puanteur. Catholique & vniuersel en Religion n'en ayant aucune propre, & faisant estat d'estre de toutes, & de celle qui plus luy sert à faire ses affaires. Catholique de bouche,
- fol. 30.  
fol. 37.  
fol. 41.  
fol. 75.  
fol. 57.  
fol. 59.  
fol. 64.  
fol. 68.  
fol. 73.  
fol. 74.  
fol. 77.  
fol. 78.

heretique de bource. Deïste, & peu s'en faut A- fol. 107.  
theïste de cœur, sur-passant toute impudence fol. 123.  
des plus eshontées & mesdisantes tripières. Ad-  
uocaceau de neffles, ridicule corneille, pie ba-  
billarde, oyson bridé qui se debride licentieu-  
sement pour embouër, enuillainer, & souiller  
la belle blancheur & le net plumage des Ci-  
gnes. Que si de toutes les testes heretiques ou fol. 125.  
fautiues, ne restoit plus que la sienne, elle seroit  
au premier iour couppee. Qu'il luy faut coup- fol. 127.  
per la langue maudite & infame. Asne qui chā- fol. 131.  
te victoire, & cōme vn baudet qui pense auoir  
atteint son bran fautille, & braue avec son bast,  
panniers & clitelles: Homme ignorant en for- fol. 139.  
tes de lettres Grecques & Latines. Renard fol. 157.  
Pasquin, vieux renard, renard velu, renard  
chenu, renard grison, renard pelé en plusieurs  
parties de son corps, renard puant, & qui  
compisse tout de sa puante vrine, fierabras & fol. 158.  
trompette d'enfer, corbeau du Palais, hibou fol. 159.  
de quelque infernale contrée. Refueries de 560.  
Pasquin, debilité de cerueau, vertigineux, & fol. 169.  
radoteur sur ses vieux ans. Pasquin gros veau, fol. 185.  
ou pour mieux parler vn buffle, & qu'à l'auer  
la teste d'un asne on n'y perd que la leschiue: & fi-  
nalement bouffon, auquel il faut bailler le bon- fol. 186.  
net jaune, plumache de plume de coq, & la  
marote en la main.

Fut-il iamais putain au pl<sup>s</sup> desbordé bourdeau  
du mōde qui se deborda iamais tant en iniures  
que ce Iesuite de Bordeaux. Ce n'est pas assez;  
Richeome Prouincial des Iesuites en la mesme  
ville l'a voulu r'enuier sur luy par sō Li. intitulé,



Plainte Apologetique, auquel pour sa premiere desmarche il me compare à vn monstre, qui en l'an 1530. auoit esclos de son nombril vn petit monstre, apres est venu le beau tenebreux d'Anuers, Carolus Scribanus, qui sous son nô renuersé en celuy de Clarus Bonarcus dedans son *Theatrum honoris*, me fait marcher de mesme pas que Calvin & Luther, non pour autre subier, sinon que ie suis ennemy de leur Iesuisme. Et puis vous voulez que ie rase de mes Recherches les passages esquels ie me suis donné plaine liberté de parler d'eux. Si i'auois fait ce que souhaitez, vray Dieu en quel beau jeu les mettrois-je, & quelle victoire rapporteroient-ils de moy? eux dis-je qui ne parlét iamais bien qu'en mesdisant. Ie leur suis vn monstre, si vous les croyez, & ils me feroient d'ores en auant autât d'Hercules que de Iesuites, qui par ma taissible confession, auroient terrallé ce monstre. Vous m'estes amy, voyez ie vous prie s'il y auroit apparéce que ie fisse ce pas de clerc. Et s'il estoit ainsi aduenu, que sur vostre conseil les vissiez auoir tel aduantage sur moy, vous mesmes porteriez la penitence de la faute que m'aurez fait faire. Parquoy s'il y auoit quelque chose à démeller à l'amiable entr'eux & moy, ie voudrois vser du conseil de Diogene le Cynique, quâd vn sophiste se voulant iouer de son esprit luy dit, pour prouuer qu'il n'estoit hôme. Ce que ie suis, tu n'es point; ie suis hôme, cōsequément tu ne l'es point. Cômence par toy mesme, respondit le Philosophe, & lors tu diras vray. Ainsi vous puis-ie & veux-ie dire que

les Iesuites cōmencent à desaduouier les iniures exorbitantes desens commun, qu'ils ont cōtre moy escrites, & lors vous verrez ce que ie feray. Ils n'en feront rien ie m'asseure, comme estants les iniures les plus belles fleurs de leurs iardins: aussi ne le feray-ie de mon costé.

Tout cela iusques icy c'est parler comme hōme, qui seroit bon à proposer en toute compagnie des sages mondains, mais non avec vous qui estes mō pasteur, & duquel ie ne puis recevoir penitence, sinō apres auoir receu vn soufflet, presenter l'autre iouë pour en recevoir vn autre. Parlons donc ie vous supplie en vray Chrestien, & encores en Chrestien qui soit vray Catholique, Apostolique, & Romain. Or puisque i'en suis logé là, ie vous veux reciter tout au long, & commel'on dit *ab ouo*, comme les choses se sōt passées iusques à luy, & parauēture trouuerez-vous qu'en tout ce que ie vous deduiray, il y a eu du miracle de Dieu, en l'an 1556. Venant de faire mon meſnage du peu de bien que Dieu m'auoit dōné en la Brie, retournant de ma maison à Paris, & passant par la ville de Melun, ie trouuay Maistre Denis Brulard lors ieune Aduocat comme moy, fils de Maistre Noël Brulard, ce grand Procureur general du Roy de la Cour de Parlement, Maistre Denis Brulard vous dy-ie mien amy, qui depuis a exercé l'estat de premier President au Parlement de Dijon l'espace de 40. ans, iusques à sa mort qui fut il y a enuiron vn an. Nous estants abouchez ensemble, il me demande ce que ie voulois deuenir. Je m'en retourne à Pa-

ris luy dy- ie : & moy ( me dit-il ) ie m'en vois  
 veoir à Crux-fontaine distant de ceste ville de  
 trois lieuës, Maistre Ange Congnet , l'un des  
 plus anciens substitués de mon pere. A ceste pa-  
 rolle luy reparty, que ie voulois estre de la  
 partie avec luy, pour le desir que i'auois de co-  
 gnoistre cest honnest homme. De ce pas nous  
 nous y acheminâmes , & feusmes de luy re-  
 cueillir avec tous les bõs accueils que l'on pou-  
 uoit souhaiter. Avec luy estoit Palquier, Brous  
 l'un des compagnons d'Ignace de Loyola pre-  
 mier auteur & fondateur des Iesuites , nom  
 dont on commençoit de parler dedans Paris.  
 Qui fut cause que laissant tous autres deduits à  
 la compagnie , ie m'accostay particulièrement  
 de ce Iesuite, desirieux d'apprendre de luy l'ori-  
 gine & progres de leur compagnie, & les regles  
 qu'on y obseruoit ; chose qu'il eut tres-agrea-  
 ble , & fus deux iours entiers avec luy dedans  
 vne chambre, ayant plume, arce & papier en  
 main, & escriuy sous luy trois ou quatre fueilles  
 de grand papier, comme il luy pleut de me dic-  
 ter sur ce subiect. Le troisieme iour ie pris  
 congé, & de mon hoste, & du Iesuite, n'esti-  
 mant point lors ny que ces memoires me deus-  
 sent iamais seruir, ny que la compagnie deust  
 entrer en dispute avec l'Vniuersité de Paris,  
 Car pour vray dire on n'en faisoit lors aucun  
 compte, comme aussi estoit leur nombre fort  
 petit. De maniere que ie mis ces memoires en-  
 tre mes broüillars pour m'estre cõme vne chassè  
 morte ; glorieux seulement par vne honnestè  
 curiosité de les auoir par deuers moy. Le cou-

rois lors vne belle fortune au barreau entre les Aduocats de mon aage. En l'an 1557. ie fus marié poursuivant avec tout honneur ma premiere route au Palais. Dieu voulut qu'en l'an 1559. ie fus affligé d'une maladie de deux ans, dont apres auoir vsé de diuers remedes, le dernier fut le changement d'air, qui peu à peu me restablit ma santé. Et reprenant lors mes anciennes bri-fées, ie fus l'espace de deux mois entiers, sans qu'aucun Procureur me demandast qui i'estois, & cependant ie voyois vn Brisslon.

Broussel, & quelques autres de ma volée, qui auoient empieté grande vogue, & me voyant lors muet, ie commençay de ronger vn despit dedans ma poitrine, qui me faisoit secher à veuë d'œil. Ce que voyant ma femme, qui estoit vne vraye viragine, & ayant entendu de moy le motif, fut d'aduis que ie quittasse tout à fait le mestier du Palais, ayment mieux que ie perdisse ceste profession que la vie, me disant que graces à Dieu nous auions assez de biés pour viure, & que passerions nostre téps, aux maisons que Dieu nous auoit baillées aux champs. Pour le vous faire court ie la creu: faisant comme celuy qui par vn desespoir se rend Moine, pour ne pouuoir atteindre à vn mariage, où à l'accôplissement de ses amours. Ie vesqui en ceste opiniõ presque l'espace de trois mois, pédât lesquels ie pris cognoissâce avec deux docteurs en Theologie Picards, l'vn nommé Beguin grand Maistre du College du Cardinal le Moine, l'autre le Vasseur principal du College de rheims: & passions de fois à autres le téps à nous promener en

vns & autres iardins aux faux-bourgs, iouër à  
 la boule, & y prendre des sobres collations : &  
 au milieu de tout cela ne se passoïët entre nous  
 que propos sérieux de lettres : entre lesquels ie  
 vous iure le Dieu vivant, qu'il ne nous aduint  
 iamais de parler des Iesuites, comme ceux  
 dont on ne faisoit alors nul estat. Ayant  
 quelque temps vescu de ceste façon, ne respi-  
 rant toutesfois lors en mon ame que le Palais, ie  
 commençay d'y vouloir rebrousser chemin, &  
 me succederent les choses si à propos, que ie  
 cognus que l'impatience m'auoit fait tourner  
 ma deuotion en vn repentir. Si ie vous disois  
 comment & en quelle façon ie repris racines,  
 vous y trouueriez des particularitez admi-  
 rables, que ie laissë de propos deliberé pour par-  
 uenir à mon but. Se passèrent quelques années,  
 pendant lesquelles i'oublie l'habitude que i'a-  
 uois prise avec ces deux honnestes Theologies,  
 & suis employé au barreau avec quelque con-  
 tentement des auditeurs. Aduint quel'Eues-  
 que de Clairmont en Auvergne, bastard du Le-  
 gat du Prat, fait vn legs immense aux Iesuites  
 de Paris, qui en achepterent l'hostel de Lan-  
 gres rue S. Iacques, où ils commencerent d'ou-  
 urir leurs escholes, assistez d'un grand Philoso-  
 phe des leur nommé Maldonat, & voyâts leurs  
 affaires leur reüssir assez à propos suivant leurs  
 souhaits, ils presenterent l'an 1564. leur re-  
 queste à l'Vniuersité de Paris, afin de les vou-  
 loir incorporer avec elle. Par assemblée gene-  
 rale faite aux Mathurins, ils en furent debou-  
 tez : au moyen dequoy ils s'adressent à la Cour  
 de



de Parlement aux mesmes fins: laquelle ordonna que l'Vniuersité seroit appelée pour y respondre. Qui fut cause que de rechef ons'assembla aux Mathurins pour sçauoir quel ordre on y deuoit tenir. L'Vniuersité auoit quatre Aduocats ordinaires, Chippart, Motelon Chonar & Ramat, tous personages d'honneur & de marque. Il en falloit choisir l'un des quatre pour porter la parole. Adoncques il aduint à ces deux honnestes Theologiens, dõt i'auois quitté la hantize l'espace de trois ans & pl<sup>s</sup>, se ramèteuoir de moy & de leur propre instinct me nommerent. I'auois fait imprimer mon Monophile dès mon premier aduenemēt au Palais, qui m'auoit donné quelque nō parmi le peuple, & depuis fait imprimer le premier liure de mes Recherches de la France, & mon pourparler du Prince. Les choses se porterent de telle façon, que sans contraste ie fus nommé par la compagnie pour leur Aduocat en cette cause, dont le Syndic de l'Vniuersité m'apporta lès premieres nouuelles. Par vostre foy fut- il iamais electiō plus miraculeuse que cette cy, que moy non seulement ne le poursuivant, mais ne le sçachant, ayāt oublié par trois ans la frequētatiō de ces deux Docteurs, i'eusse esté à leur nominatiō eleu Aduocat pour plaider cette cause, de laquelle nul ne pouuoit auoir plus de cognoissāce que moy, par les instructiōs & memoires que i'e auois de Pasquier Brouet dès l'an 1556. Tous les autres Aduocats eussēt peu discourir sur la questiō en sō general que par les conciles de Latrá sous le Pape Inno-

cent 3. & de Vienne sous le Pape Clement 5. toute introduction de nouueaux ordres de religion : Mais de particulizer la leçon que i'auois de brouet nul dedans l'aris ne le sçauoit que moy; que moy (vous dy-ie) qui auparauât l'auois mis en oubly: ne pensant que iamais les Iesuites deussent entrer en camp clos contre l'Vniuersité, ne qu'entrants ie luy peusse estre parrain. Quelque Sophiste peut estre dira que ce sont parolles de vanité, dont ie fais parade: Mais i'appelle de rechef Dieu à tel moin, que depuis que i'eus escrit le ménage des Iesuites ie ne m'en estois souuenu non plus que d'une piece de rebut. S'il y a de la gloire, permettez moy de me glorifier en mô Dieu: & neât moins ie ne passeray plus outre sâs vous reciter auparauât vn mot de ma vanité. Ramat l'un des 4. Aduocats del'Vniuersité, qui outre cela estoit Docteur Regent en Decret, homme petulant, me vint quelques iours apres ataqer aupalais, me disant qu'il me feroit bien quitter la prise par autorité de la Cour, & qu'il auroit la charge de cette cause. Ie le priay lors affectionnement de se deporter de cette opinion: que i'estois vn ieune hōme qui commençois de pousser ma fortune, & ne m'y voulust faire aucun obstacle: Mais plus ie le priay, plus il se roidit contre mes prieres: en fin me voyant ne pouuoir, obtenir aucune raison de luy, la colere me mōte au visage, & luy dis: Ie vous en deffie, ne me mettez en l'espargne, au contraire ie vous en prie: Car ie me promets que si nous entrons en contraste deuant la Cour, vous me

seriez vn Cecilius, & moy à vous vn autre Ciceron, quand il fut question de plaider l'accusation cōtre Verrés. Et par ainsi redoubleriez l'honneur que ie pourray rapporter de cette cause. Ces paroles par moy proferees d'une douce aigre colere, estancherēt aucunement la siēne. Quoy que soit, ie plaiday la cause, mais auparavant que d'entrer en la lice consultant en presēce des principaux supposts de l'Vniuersité, avecques Maistre Pierre de la Porte, Iacques Canay, & Claude Mangot grands Aduocats en ce temps-là, ils la trouuerent fort bōne: mais en sortant de la chambre des consultations il aduint à l'un d'eux de dire à sō cōpagnō: Cette cause est de longue haleine, de l'humeur dont est ce ieune homme, qui de son naturel est d'un esprit chaud, ie crains qu'il n'en puisse venir à bout. I'entendy cette parole, & pensois que ce me deust estre vne bonne leçō, pour me tenir sur mes gardes, toutesfois quād ie plaiday, peu à peu ie pris mon vol si haut, que presque i'en vins à l'essor, quand estant au plus haut ton de ma gāme, apres auoir racōté de la secte des Iesuites tout ce que i'en auois pardeuers moy, qui estoit en tout & par tout differēt aux statuts de nostre Vniuersité. Ie ne vous dy rien, Messieurs, que ce que i'é ay appris de Pasquier Brouet compagnon d'Ignace: & à la mienne volonté que tout ainsi que ç'a esté luy qui premier a planté la secte Iesuite dedans cette ville de Paris, aussi que la posterité entende qu'un autre Pasquier Aduocat a esté le premier quien a extirpé la racine.

Cette rencôtre fut si agreable à l'assistâce, que tout aussi tost s'esleua vn long murmure, pendât lequel ie me teus & eus moyen de me recueillir : Et me souuient que Mangot l'vn des Aduocats consultâs, qui lors estoit recl<sup>e</sup> au lieu qu'ô appelle la Lâterne, pres de moy, dit à quelqu'vn qui estoit prés de luy. Voila vn trait de braue Aduocat, car il a maintenât le loisir de repredre sô haleine, & reuenir à son premier tō: cōme ie fis, car le murmure estât cessé ie repris les arrhemêts de mô plaidoyé de pareille voix que ie l'auois encômencé, & le paracheuay au côtétemēt de tous. maistrierierre Versoris grād Aduocat plaidoit cōtre moy pour les Iesuites: & se passerēt les choses de façō qu'apres auoir ouy môsieur du Mesnil Aduocat du Roy, qui prit cōclusions pour moy, la Cour par sô arrest, pour la cōsequēce de la cause, apointa les parties au Cōseil, & feismes nos plaidoyez d'vne part & d'autre, qu'on peut encores voir au iourd'huy. Je diray cecy par occasion, nō par vanterie. L'Vniuersité m'enuoya pour mô salaire dâs vne bourse de velours plusieurs escus que refusay brauemēt disant: Ia à Dieu ne plaise que ie face cette faute. Je veux que l'Vniuersité sçache que ie suis son nourriçō: & cōme tel m'estimeray tres-hōnoré de luy rēdre tres-hūble seruice tout le tēps de ma vie. Cette responce rapportee, fut faite vne cōgregatiō, en laquelle par les voix & suffrages on me decreta tous les ans deux cierges pour le iour de la Purificatiō nostre Dame: dōt i'ay esté drellé iusques en l'ā 1588. que ie quitay la ville de Pa-

ris à l'occasiō des troubles suruenus sous le nō de la Sainte vniō, pour suiure la fortune du Roy Henry 3. & depuis celle du grand Henry son successeur, & vous assure qu'entre les pēsiōs que i'auois lors cōme Aduocat d'vns & autres seigneurs, quin'estoiēt petites i'estimay celle cy la plus grāde, & en faisois gloire au milieu de mes cōpagnons. Or pour vous mōstrer que nulle passiō ne m'auoit conuié au soustenemēt de cette cause, escriuant à monsieur de Fonflō-  
me mon compagnō d'escole: En fin, luy dy-ie, la cause fut appointee au Conseil, & ordonné que les parties demeureroiēt en tel estat qu'elles estoient. Ce fut vn coup fourré, car les Iesuites ne furent pas incorporez au corps de l'Vniuersité cōme ils requeroient, mais aussi estās en possession de faire lectures publiques, ils y furēt continuez: Et sur la fin de la lettre, quant à moy ie n'estime point que les Huguenots ayent de petits aduersaires en ceux cy: comme ainsi soit qu'être toutes les Religions, la Chrestienne se doiue gagner par prieres, exēples, bonnes mœurs, & saintes exhortations, & non par le tranchant de l'espee. Je disois lors cela d'eux, les estimant tout confits en deuotion, & abhorrer du tout les armes pour l'accroissēmēt de nostre foy, & qu'il me sembloit au contraire que les Huguenots pour la maintenance de la leur suiuiōient autre piste.

En cette opinion vesqui-ie iusques en l'an 1593. ne m'informant point de leur taisible cabale, mais voyāt qu'ils auoient esté auteurs, promoteurs, & fauteurs de troubles introduits



premierement sous le nom de la Ligue, & continu ez sous celuy de la Sainte Vniõ. Que depuis la Barriere s'estoit acheminé à Melun par l'exhortation impie de Varade Recteur des Iesuites de Paris, qui le confessa, luy fit ouyr messe, & luy administra le S. Sacrement de l'Autel, le bienheura de sa benediction avec vne promesse certaine de Paradis, s'il venoit à chef de son entreprise. Chose dont ie me croy d'autant, que par le commandement du feu Roy ie vy le procès & en fis vn manifeste. Nous retournons dedans Paris, où ce grand Roy fut accueilly de son peuple avecques toute deuotion. A nostre arriuee ie voy la haine commune de tous les Citoyens courir contre eux; requestes presentee par l'Vniuersité à ce qu'ils eussent à vuidier de Paris, la cause plaidee & appointee au Conseil. pendant ces entre-faites ie voy mon plaidoyé estre mis en lumiere, & estre védu par toute la ville par les colporteurs. Pendant l'appointé au Conseil, Castel enfant de Paris leur escolier attente sur la personne du feu Roy, au moyen de quoy l'appointé au Conseil est iugé diffinitiuement contre eux, & ordonné qu'ils vuideroient la France: leur Bibliothecque est védue à l'enquant, par le moyé de laquelle on eut cognoissance des secrets qu'ils tenoient auparauant plus cachez. Et quant à moy induit d'une iuste douleur de ma patrie, faisant en l'an 1596. imprimer six liures de mes Recherches, j'adioustay dedás le troisieme plaidoyé que i'auois fait contr'eux en l'an 1564. Ils demurerent quelque temps

muets : depuis s'estans avecques le temps as-  
seurez sous la faueur de la Guyenne & du Lan-  
guedoc, qui leur estoient des assurances, ils  
commencent d'escrire liures diffamatoires  
pour se defendre du parricide qu'on leur im-  
putoit, iusques à ce que sous le nō supposé d'un  
René de la Fon Iesuite ils font imprimer vn  
liure d'imprecations contre moy, dont i'ay par-  
lé cy dessus.

Celiure m'est caché : car nul de mes amis es  
mains desquels il estoit tombé, ne m'en osoit  
doner aduis, craignāt de me doner iuste suiet  
de mescōtētemēt, nō seulement pour le placard  
diffamatoire par moy cy des<sup>s</sup> coppié, mais aus-  
si pour vne infinité de calōnies, impostures as-  
neries, & faulses imputations contre moy, dont  
le liure est parsemé. Aduient sur ces entrefaites  
qu'un Gētil-hōme Escossois nōmé Robert de  
Brusse, qui auoit esté nourry ieune en leur Col-  
lege, qui me cognoissoit de nō seulement, m'a-  
porte le liure à coup perdu pour vne iniure  
tresfation qu'il auoit receuē au pays bas, di-  
gne vrayement d'un Iesuite. Le feu Roy d'Es-  
pagne Philippe l'auoit fait son Thresorier  
general pour soudoyer vne grande armee de  
mer, afin d'euahir le Royaume d'Angleterre  
sur la defuncte Royne Elizabeth. La plus  
grande partie des vaisseaux feurent fracas-  
sez par vne bourasque de mer : telle-  
ment que cette entreprise reuint à neant,  
mais le pere Chriton ne voulut que du  
tout elle fut oiseuse, & vn certain impor-  
tuna fort Brusse de luy bailler deniers

810 LIVRE XXII. DES LETTRES  
pour faire occire Metelan Châcelier du Roy  
d'Escoſſe:Chose dont l'ayant estourdy par les  
raisons par moy couchees au 3. liure de mon  
Catechisme, Criton luy fit faire son procès ex-  
traordinaire, pour n'auoir voulu adherer à  
l'homicide de ce Châcelier:& de fait fut pour  
cette seule consideration detenu prisonnier  
l'espace de trois ans entiers, au bout desquels  
luy furent les prisons ouuertes par vn hors de  
cour & de procès, sans despens d'omages & in-  
terests. Dieu veut qu'estât en la ville de Douay  
il trouue ce liure imprimé chez Jean Bellers,  
iaçoit qu'on le peust auoir imprimé à Vil-  
le-franche chez Guillaume Grenier. Garny de  
ce liure ce Gentil-homme qui ne couuoit d'as-  
son ame qu'une vengeance, m'en fait part: dont  
ie le remerciay affectionnement, & apres l'a-  
uoir leu tout au long, i'aiguifay mon esprit, ma  
plume & ma colere, & recouray les liures qui  
faisoient à mon intention, ie les estudiai, non  
d'un estude tumultuaire, mais de deux ans &  
demy entiers, voire de trois.


\* \*  
\* .



TABLE

DES CHOSES PRINCIPALES  
ET PLUS MEMORABLES  
TRAICTEES EN CE  
second volume des  
Epistres.

A.

	Bbaves de S. Denis & de S. Ger- main des Prez d'où e- xemptees de la iurisdic- tion des ordinaires. 11	233	Abeilles seules entre les bestes ont vn Roy. 466
Abbaye saint Iulian de Tours preparee pour la Cour de Parlement. 79	Abbaye saint Magloire à Paris fondee par Hu- gues Capet. 145		Abeilles seules s'arment les vnes cōtre les autres. ibid.
Abbé de sainte geneuief- ue refugie à Melun.			Abolition generale obte- nue par la fin de tous les forfaicts. 373
			de l'Abondance du cœur la bouche parle. 654
			Abstinence du peché est vn vray ieusne. 619
			Abstinence obseruee par les anciens Chrestiens. 622

# T A B L E

Accoustumance fait trou- uer les choses bonnes ou mauuaises. 470.772	Alexandre se rend soldat pour animer les siens, & prend Tyr. 252.279
Achilles ne pouuoit estre occis que par le talon. 274	Alexandre le Grand ne vouloit estre peint que par Apelles, ny en bos- sè que par Lysippe. 292
Admiral de Coligny pourquoy tué aux mas- sacres. 30	Alexius gouuerneur pris & noyé. 108
Admirauté donnée à mō- sieur de la Valette. 73	Alienation perpetuelle du domaine au denier tré- te, fors des Duchez & Comtez. 15
Aduātages faits aux masses pour les fiefs. 465	Alienation du bien def- fenduë à des sortes de gens. 429
Aduertissemens diuers donnez par les amis de monsieur de Guise, & par luy mesprisez. 29	Allegories tresbelles sur l'histoire d'Astree. 420
Aduis donnez au Maref- chal de Biron par ses a- mis. 357	Allemagne soustraicte en partie de l'obeissance du S. siege. 606
Aduocats & officiers de Iudicature doiuent e- stre licentiez en Droict. 532	Allemands implorent le secours François, & pour- quoy. 218
Aduocat appellé par les anciens Romains Ora- teur. 729	Allusion du nom d'Vrsé à Orphee. 414
Aiguille de Virgile rele- uée le Pape Paul Sixte. V. 128	Almanach de Billy pro- gnostiquant plusieurs malheurs l'an 1588. 28
Albiqui Lieutenant gene- ral de l'armee Sauoyar- de. 347	Altercats entre le Roy & monsieur de Guise. 35
	Ambition diuerse de Ce- sar & Sertorius. 187



# DES MATIERES.

Amis assiéger par le Roy. 252.253	voulurent auoir pleine créance au Droict de ro- me. 536
Amiens estimé imprena- ble. 279	Anciens François par l'es- pace de deux cens ans comptoyent leurs ans par la mort de S. Mar- tin. 85
Amitié prend sa principa- le & plus seure origine de la bonne opinion. 41	Ancienneté des Coustu- mes en France. 525
Amitié grande du Duc de Nemours enuers ses ser- uiteurs. 422	Andronic Comnene Em- pereur addonné aux Magiciens. 95
Amour desine suré du Roy Héry troisieme & sans cause. 148	Andronic se presente à l'Empereur la chaisne au col pour luy deman- der pardon. 103
Amours des peres enuers leurs enfans doit estre reglé. 149	Andronic traité avec plusieurs opprobres par le peuple. 116. on luy cre- ue les yeux. ibid. est trai- né en triomphe par igno- minie. ibid. est pédu par les pieds, & ses parties honteuses couppees. 117
An soixante trois de no- stre aage est climateric. 147	Ange Theodore ieune Seigneur tué par Andro- nic. 113
Anagramme sur le nom du Roy. 289	Anges seruans à la pucelle d'Orleans. 617
Anagramme du Maref- chal de Biron qui le trô- pe. 357	Angleterre soustraicte de l'obeissance du Pape. 606
Anagramme sur Estienne Pasquier. 414	
Anagramme sur le nom du feu Roy. 580	
anagramme bouffonnef- que de Nicolas Demfot. 731	
Ancêtres pourquoy ne	

# TABLE

Anglois Escheuin de Paris premier conducteur de la reddition de la ville au Roy. 238	Appellations des sentences du Pape au Concile. 563
Anglois chasséz de la France par la Pucelle. 713	Aquaiua general des Isles. 686
Animaduersion de Paul & Vlpian. 494	Araigne netend ses filets qu'aux mousches. 462
Animaux tous sociables en leurs especes. 460. ne s'efforcent point de destruire leur espece. 461	Archeuesque de Lyon fait prisonnier à Blois. 25. est sauué par l'intercession du baron de Luz son neveu. 26
Animaux medecins d'eux mesmes en leurs maladies. 544	Archeuesque de Bourges harangue pour le Clergé aux Estats de Blois. 47
Anne du Bourg, Conseiller au Parlement executé pour la religion. 213	Argent caché trouué chez Molan. 61
Anne de Montmorancy fait Connestable. 393	Armaignac valet de chambre du Roy porte les nouuelles à Tours de la victoire d'Iury. 169
Antiochus malade d'amour. 553. sa maladie comment cogneüe. ibid.	Armee contre les Huguenots en nombre de six. 260. s'esuanoüissent en fumee. 261
Antiques enseignent en vn mot. 448	Armee Turquesque au secours du Roy François cōtre Charles V. Empereur sous la conduite de Barbe-rouille 393
Antonius Augustinus Archeuesque a fait vn liure des loix de Rome. 504	Armee dismee pour leur lascheté au sort & hazard
Aphorismes solempnels d'Hyppocrates & de Paracelse differents & contraires. 548	

- d'vn chacun. 447
- Armee nauale dressée par le Roy d'Espagne pour enuahir l'Angleterre. 680. son entreprise réussit à neant. ibid.
- Armes prises à Paris à l'occasion de quelques Prescheurs seditieux. 57
- Arrests prononcez és suruilles des festes solennelles en robe rouge. 529
- Arrests des Cours de Parlement recueillis par plusieurs 529. nedoiuent estre reputez pour loy par toute la France. ibidem.
- Arrest contre les Iesuites. 678
- Arrianisme quand entra en l'Eglise & combien de temps a regné. 402
- Arrianisme produisoit quelquesfois des gens plus doctes que les Catholiques. 690. 691
- Art sans nature n'est rien. 728
- Assassins des Roys conseillé par les Iesuites. 567
- Assassinat du Prince d'Orange au pays bas. 44
- Assemblees des Caluinistes à Paris deuant le College du Plessis. 220
- Alepiades ne vouloit estre tenu pour medecin, si on le voyoit iamais malade ou mourir d'une maladie. 559. comme il mourut. ibid.
- Astres predisoient le malheur de monsieur de Guise. 28
- Astrologues trompent le Marechal de Biron. 357
- Aubencour Picard donne auidis à monsieur de Guise de l'entreprise qu'on auoit sur luy. 23
- Auerrhoës medecin Arabe ordonna de saigner des petits enfans. 548
- Auguste fait mourir tous ceux qu'il estimoit luy deuoir nuire, sans esgard à aucune amitié ny autre respect. 340
- Auguste auoit deffendu de respondre du Droit sans sa permission. 497
- Monsieur d'Aumale gouverneur de Paris pen-

# TABLE

dant l'absence de mon-	se.	12
sieur de Guise. 3	Barriere sollicité par le	
Aufone Poëte bourdelois.	Recteur des Iesuites de	
754	tuer le Roy. 677.683	
Authorité des Seize à Pa-	Basilusforti de fort bas	
ris esteinte par la pende-	lieu, & dont on ne sca-	
rie de quatre d'eux. 235	uoit l'origine, fait Em-	
Authorité du Parlement	pereur, y regne fort heu-	
restable. 236	reusement. 125.129	
	Basse, ville en Suisse.	
	559	
	Ballem pierre principal	
	Capitaine de la Ligue.	
	19. se sauue des Estats de	
	Blois. 25	
	Bastille demandee par	
	monsieur de Mayenne.	
	312. luy est rendue.	
	314	
	Bastiment fait en l'Eglise	
	Sainct Denis par trente	
	ans, pour seruir de tom-	
	beau à la Royneme-	
	re & à ses enfans.	
	52	
	Bataille de Dreux: 136	
	Bataille de Sainct Denis.	
	136	
	Bataille de Moncontour.	
	ibid.	
	Belle-garde maistre de la	
	garderobe du Roy.	
	65	

## B.

<b>B</b> Aif fort sçauant, mal	
né à la Poësie. 728	
Balde docteur Italien.	
532	
Balde desment souuent	
Bartholeïo maistre, voi-	
re soy-mesme. 536	
Baptisme & Eucharistie	
principaux mysteres de	
l'Eglise. 616	
Barenton exempt des gar-	
des du Roy. 369	
Baron de Luz. pris pour	
confident par le Maref-	
chal de Biron. 350	
Baron de Luz descouure	
au Roy la trahison de	
Biron. 373	
Barricades appellees aux	
Estats iournee heureu-	

# DES MATIERES.

- Monsieur de Bellieure bernard aduocat au Parle-  
 renuoyé par le Roy ment de Dijon haran-  
 en sa maison. 1. & gue à la rupture des  
 2. Estats pour le tiersestat.  
 Bellifaire chassa les 49  
 Goths de l'Italie, & bibliotheque des Iesuites  
 les Vandales de l'A- vendue au plus offrant  
 frique. 449 & dernier encherif-  
 Benefices donnez à seur. 678  
 Princes, Gentils-hom- bien - faiçts engrauez  
 mes & Capitaines, comme dans la cire.  
 quelquesfois à des fem- 283  
 mes. 213 bien-seance du Poëte  
 Beneficiez ne doiuent plus penible que de  
 iouir que d'un bene- l'Orateur. 730  
 fice suiuant le Conci- bile pourquoy est at-  
 le de Trente. 12 tiree par la rheubarbe.  
 Benjamin Dautan four- 548  
 nit les cordes pour pen- blanc signé de buffi à  
 dre le President Brisson. quoy tendoit. 331  
 303 blauet fortteresse inexpu-  
 Benjamin Dautan Geo- gnable en bretagne.  
 lier pris. 318. est con- 281  
 damné à estre pendu. blois mise en la prote-  
 319 ction du Duc d'Esper-  
 Bentiuoles chassez de non. 80  
 bologne qu'ils auoyent bologue aumosnier du  
 vsurpee. 449 Roy Henry. 3. 133  
 Bergere representee en Bon pour luy, dire du Pre-  
 l'Altrec est l'histoire sident de Thou.  
 de la ieunesse du 529  
 sieur d'Vrsé. 417. borbonius Professeur du  
 418 Roy és lettres Grecques



# T A B L E

en l'Vniuersité de Paris & excellent Poëte Latin. 571	Bretagne vnice à la Corô- ne. 212
Botal medecin Piedmô- tois employoit la sai- gnee en toutes sortes de maladies. 549. reprouué par la faculté de medeci- ne. ibid.	Bretagne rendue au Roy par monsieur de Mer- cœur. 280
Monsieur du Bouchage Capucin. 1	Monsieur de Breues Am- bassadeur en Leuant. 410
Bouësse gouverneur de la Citadelle de Bourg. 347	Brigard accusé de trahi- son par la ligue. 294. absous. ibidem. 328
M. du Bourg Capitaine de la Bastille. 239. la rend a- uec vne capitulation fort honorable. 240	Brigard inespéremment cause des troubles & de les arrester. 335
Bourgeoisie de Rome donnée à Montagne. 383	Brigues en l'eslectiô des pa- pes. 128
Bourgoin Prieur des Ia- cobins sollicite Iacques Clement à tuer le Roy. 131	Monsieur de Brissac es- leu par la noblesse pour presider aux estats. 4
Boys Aduocat guery par la maluoisie. 556	Bruflard premier Pre- sident au Parlement de la ville de Dijon. 663. 664
Bresse conquise en moins de rien par le Ma- reschal de Biron. 345 à quel dessein. 346	Brusse Gentil-homme Es- collois nourry & in- struict au College des Iesuites. 680. est fait Thresorier par le Roy d'Espagne. ibi- dem. refuse argent aux Iesuites qui s'en van- gent.
Bretagne bandee contre le Roy. 59	

- gent. 681  
 Bulle d'or de l'Empereur  
 que contenoit 102. est  
 liurée à Andronic. ibid.  
 Bulle du Pape lacerée, &  
 bruslée en plein mar-  
 ché. 178  
 Busly le Clerc gouver-  
 neur de la Bastille. 4  
 Busly & Clerc mots fataux  
 à la France. 57  
 But qu'ont deuât les yeux  
 ceux qui bastissent les  
 loix. 463

## C

- C** Age pere & fils pour  
 quoy pendus. 228  
 Caigord Iesuite Auver-  
 gnacle plus braue solici-  
 teur qui iamais ait esté.  
 675  
 Caius anagramme de Cu-  
 jas. 499  
 Caius du temps d'Adrian  
 prononcé cõtre les pe-  
 res preiudiciâs par leurs  
 testamens à leurs en-  
 fans. 510.  
 Caluin en quel temps &  
 par quels commence-  
 mens ietta la premiere  
 semence de ses nouuel-  
 les opinions. 219

Tom. II.

- Capellian ennemy des  
 Empereurs Gordiâs. 514  
 Capitaine Normât acco-  
 ste & saisit le President  
 Brillon. 302  
 Capitaine ne doit laisser  
 les enfans riches du lar-  
 cin fait sur les soldats.  
 389  
 Capitaine que doit faire  
 estât assiegé d'un dan-  
 ger. 394. ne doit pren-  
 dre temerairement la  
 fuite, sans auoir faict  
 premierement toute  
 sorte de resistâce. 395.  
 doit estre accoustumé  
 à la peine. 394  
 Capiton & Labeon ap-  
 pointez contraires au  
 fait de la Iurispruden-  
 ce. 534  
 Caracalla detesté par tou-  
 te l'âciēneté. 512. hono-  
 ré par le Senat du nom  
 d'Antonin. 513. quelles  
 loix il a faites. 518. em-  
 porte le prix de cruau-  
 té 519. p iue sô pere de  
 l'Empire, & fait mourir  
 ses Medecins. ibid. fait  
 mourir son frere Geta  
 & Papinian, pour n'a-

E c c

# TABLE

voir voulu excuser son parricide. <i>ibid.</i> espouse sa belle mere. <i>ibid.</i>	Cassi <sup>o</sup> & Proculus chefs de party contraire au fait de la Jurisprud <sup>ce</sup> . 554
Caramanpe anciennemēt appelée Cilicie. 99.	Catechisme & examen de la doctrine des Iesuites fait par l'auteur. 568.
Cardinal de Guise esleu par le Clergé pour pre- sider aux Estats. 4	721
Cardinal de Bourbon arre- sté prisonnier à Blois. 25	<i>la Catherine</i> libelle diffamatoire contre la Rey- ne mere. 53
Cardinal de Guise fait pri- sonnier à Blois. 25. est dagué dās la prison par quatre soldats. 26. son corps & celuy de mon- sieur de Guise son frere brulé de nuit & pour- quoy. <i>ibid.</i>	Catholiques vray <sup>s</sup> Fran- çois sont ennemis des Iesuites. 692
Cardinal de Védosme. 62	Caton le vieil accusé cin- quante fois & autant absous. 434. est grande- ment honoré par Tite Liue, <i>ibid.</i> d'oū appellé Censeur. <i>ibid.</i>
Cardinal d'Est soutient le party François. 127	Caton pourquoy crioit contre les Medecins Grecs. 550. fist vn liure pour luy & sa famille. <i>ibid.</i>
Cardinal de Faruese sou- tient le party d'Espa- gne. 127	Catulle poëte naturel. 728
Cardinal Carasse aupara- uant soldat, enuoyé en France. 220	Censure des Romains de quelle autorité. 435
Cardinal d'Autriche au secours d'Amiens. 277	Centaure mōstre my-par- ty de l'homme & du cheual. 450
Carisque signifie. 599	Centuries de Nostra-Da- mus predisans les barri- cades. 28
Carte blanche enuoyée au Roy par monsieur de Mercœur. 280	

- Cerebelle domicile de la  
memoire. 541
- Chacun est naturellemēt  
idolatre de sō esprit. 716
- Chambre des Comptes à  
Bourges du temps de  
Charles VII. 79. & 83
- Chambre des Comptes a-  
uoit iadis cognoissance  
sur le fait des Mon-  
noyes. 183
- Chāpagne toute ligueuse.  
59
- Chance changée en peu  
de temps. 226
- Chancelier de Chiuerny  
renuoyé en sa maison  
par le Roy Henry 3. 1
- Chancelier de l'Hospital  
dissuade la prise des ar-  
mes. 229
- Chancelier de Birague  
tres-cruel à ceux quise  
desuoioient au deuoir  
del'Estat. 481. conseilla  
la S. Barthelemy. ibid.  
estoit fort subiect aux  
gouttes. ibid.
- Changemēs merueilleux  
à la Cour. 1
- Changemēt de mœurs de  
Henry 3. estant arriué à  
la Couronne, luy chan-  
gea fortune. 137
- Changemēt de Religion  
grādemēt à craindre. 213
- Chāt des Cignes progno-  
stic fatal de leur mort. 50
- Chapelles basties à S. De-  
nys, pour la sepulture de  
Henry 2. & des siens. 146
- Chappelet de la Ligue, li-  
ure manuscript. 305
- Charenton lieu où s'asle-  
blēt ceux de la Religio  
pour faire leur exerci-  
ce. 588
- Charge vile ennoblie par  
vn digne Magistrat. 182
- Charites d'Aufone. 755.  
appellées par les Ro-  
mains graces. ibid.
- Charles 5. arme contre ses  
subiets à cause de l'he-  
resie de Luther. 218
- Charles 5. Empereur se  
despoille de tous ses  
Estats sur le Roy Phi-  
lippe son fils. 220
- Charles 9. a fait plus de  
beaux Edits qu'aucun  
Roy qui l'ait deuancé.  
521. par l'entremise de  
qui. ibid.
- Chartier faict President  
par M. de Mayenne.

# TABLE

243. s'excuse du Palais.	Chorente belle & fertile
246	riuere. 159
Chartreux vouent le silé-	Choses remarquables ar-
ce avec la solitude. 768	riuées au mois d'Aoust
Chasse, exercice propre	del'an 1591. 178
au guerrier pendât vne	Chrestiens espandus par
paix. 697. doit estre in-	la Natolie & leur sain-
cogneu aux personnes	cte vie. 661
Ecclesiastiques. ibid.	Chryssippe successeur
Chasteau de Montmelian	d'Hyppocrate cobat-
place inexpugnable	tit sa doctrine. 545. fuit
pris par le Roy. 452	en grande estime par-
Chastel disciple des Iesui-	my les siens. ibid.
tes attête cõtre la per-	Ciceron plaidoit pour &
sonne du Roy. 978. pu-	contre. 719
ny d'une mort tref-	Cierges ordonnez tous
griefue. ibid.	les ans à M. Pasquier, &
Chasteté doit accompa-	pourquoy. 675
gner Mars. 389	Cinq Châceliers tirez du
Chef de l'homme diuisé	corps de la Chambre
en trois ventricules. 540	des Comptes. 86
Chemise sanglante de Cæ-	Cipierre gouuerneur
sar représentée par	d'Orleans. 214
Marc Anthoine au	Citadeles pourquoy ba-
peuple Romain, le fist	sties. 215. n'estoient de-
esmouuoir & sousleuer	dans les villes. ibid.
cõtre les meurtriers. 44	Citadelle de Bourg prise
du Cher riuere proche	par le Roy. 452
Tours. 176	Claude de Serffel Arche-
Cheuelure longue signa-	uesque de Thurin. 238
lée remarque de la	Claude l'Archer Conseil-
Royauté en nos pre-	ler au Parlemét, pris &
miers Roys. 147	mené au petit Chaste,

# DES MATIERES.

let.	304	Comment <sup>nt</sup> aires de Iules	
Claude Chauureux Con-		Cæsar.	388
seiller en Parlemét de-		Commentaires de Mont-	
gradé, fait amende ho-		luc cõbiens sõt exacts.	388
norable, & apres auoir		Communautez de Frâce	
esté mis aupilory, fleur-		dispensées de la iuris-	
delisé au front & pour-		diction de l'Euesque,	
quoy.	438. 439	par Conciles prouin-	
Clemence admirable du		ciaux & autorité du	
Roy.	373	Pape.	11
Cleopas vn des pelerins		Communauté de biés en	
d'Emaus.	658	la Republique de Pla-	
Clergé subiet sans excep-		ton.	464
tion à son Diocesain du		Communion pourquoy	
temps de la primitiue		faite par l'Eglise le iour	
Eglise.	11	de Pasques, & par I.	
Clocher del'Eglise S.ma-		C. le Ieudy.	660. 661
gloire foudroyé.	146	Comte de Brissach aran-	
Clouis I. Roy de France		gue elegamment pour	
Chrestien, auoit apres		la Noblesse aux Estats	
Dieu toute sa confian-		de Blois.	47
ce en S. Martin.	85	Comte de Soissons pris	
Code est vn pesse-messe		en Bretagne.	91
des ordonnances des		Comte de Dunois reünit	
Empereurs.	516	à la Couronne de Fran-	
Codicilles pourquoy in-		ce, ce qui restoit entre	
troducts.	506	les mains des Anglois.	
Codicilles d'où eurent leur			715
commencement.	508	Conclusiõs del'Aduocat	
1e Cœur est la derniere		du Roy, n'estans sui-	
partie qui meurt.	539.	uies ce luy est vne gran-	
est aussi la premiere qui		de honte.	7
à pris vie en nous.	540	Cõcile general de Lanran	
		Ece iij	



# TABLE

ce qu'il ordonna. 591	nul'opinion Caluinien-
Cöcordat fait entre le Pa-	ne. 212
pe Leon X. & le Roy	Conseils des Iuriconsul-
François premier. 606	tes. 536
Coniuration cötre le Pre-	Conseil de Diogenes le
sident Brisson. 294	Cynique. 798
Coniurez pour tuer le	Consolation dans la lon-
Roy. 58	gueur du temps en vn
Connestable de S. Pol cö-	fidel remede. 156
mandoit & gourman-	Constitutions nouvelles
doit deux grands Prin-	de Iustinian ouurage de
ces par ses intelligéces.	Tribonian. 535
44. est decapité en Gre-	Constitutions faictes par
ue par arrest de la Cour	Ignace de Loyola, pu-
de Parlement. 45	bliées par son succes-
Cönestable de Richemöt	seur. 682
du regne de Charles	Consubstâtiation du Lu-
septiesme. 241	therien. 648
Connestable de Mont-	Consultations des Iurif-
morécy tué en la iour-	cösultes enuoyées aux Iu-
née S. Denys, aagé de	ges toutes signées. 490
soixante & dix-sept	Contracts doiuent estre si-
ans. 476	gnez des parties & tes-
Cöseils de M. de Guise. 34	moins à peine de nulli-
Conseil des quarante esta-	té. 526
bly à Paris, par mon-	Contremine de M. de
sieur de Mayenne. 60	Guise contre le Roy. 3
Cöseil de seize pourquoy	Conuersiö du Roy creuë,
ainsi nommé. 327	feinte, & simulée. 209
Conseil des dix à quel des-	Corbeau soldat Ligueur,
sein estably. 330	ayde à l'euasion de M.
Conseillers mis en la Ba-	de Guise. 176. 177
stille pour auoir souste-	Cordes apportées à M. de

# DES MATIERES.

Guise en du linge blanc.	droict non escrit.	523
175	Coustumes de France en-	
Corps du President Bris-	registrées aux Greffes	
son de Larcher & Tar-	des Bailliages, Senes-	
dif Conseillers, expo-	chaussées & Cours sou-	
sez en Greue avec des	ueraines.	523
escriteaux.	Coustumes entre toutes	
306	les nations.	525
Corps bruslez entre les	Coustumes de Paris refor-	
Romains.	mées, & avec quelle	
42	procedure.	527
Corps de la Reyne mere	Creâce de M. de Guise en-	
mis en vn cercueil de	tre les Catholiques.	229
plomb. 52. n'est bié em-	Croisade que signifie.	601
bausmé. ibid. est enter-	602	
ré de nuict en plaine	Croix de la saincte Cha-	
terre.	pelle desrobée.	146
52	Cueilly Curé de S. Ger-	
Corseque & Montalcin	main de l'Auxerrois	
rédu aux Geneuois.	loüe la memoire des	
227	pendus & blasme M. de	
Cosme en Grec que signi-	Mayenne. 317. est bas-	
fie.	foüié en Sorbone. ibid.	
734	Cuias repris par Hotto-	
Coups merueilleux du	man. 500. se defféd.	501.
Ciel, qui aggrādirent la	oultre-passe de beau-	
Religion nouuelle.	coup Hottoman.	502
230	Curé de S. Iacques de la	
Courage du Marechal	Boucherie seditieux Li-	
de Biron.	gueur.	294
369	Custodi-nos & æcono-	
Couronne de Constantin	mes.	607
dõt on auoit coustume		
de couronner les em-		
pereurs.		
98		
Cours souueraines peu-		
uent modifier les Or-		
donnances.		
531		
Coustumes des Romains		
mises au catalogue du		

D

Eee iiij

- D** Aces extraordinaires refrain de la dā.  
se destroubles. 285
- Dauel, Blódel & Roseau  
pendus & pourquoy.  
321. leur epitaphe. ibid.
- Decisions de Papinian te-  
nuës pour loix. 495
- Decret de Sorbonne cō-  
tre Henry III. 57
- Democrite le rieur grād  
Philosophe. 403
- Demosthene habillé à la  
Françoise. 200
- Demosthene grand Ora-  
teur, combien que tou-  
tes choses y semblas-  
sent repugner. 727
- Deniers de la Croisade  
mal despensez. 602
- S. Denis sepulchre ancien  
de nos Roys. 146
- Denis le tyran de Sicile se  
fait Pedan. 47
- Deploratiō de la mort de  
Henry le Grand. 572
- Deputez aux Estats à la  
deuotion de M. de Gui-  
se. 3
- Deputez d'Orleans sup-  
plient le Roy de faire  
raser la citadelle de  
leur ville. 19
- Deputez aux Estats de  
Blois, cause de la mort  
de M. de Guise. 38
- Desbauche furieuse des  
Parisiens esuanouie en  
vn clin d'œil. 50
- Desordre à la guerre viēt  
toufiours plus de la  
queüe, que de la teste. 393
- Desordre arriué au faiēt  
des Abbayes. 607
- Monsieur d'Espernon as-  
siégé dans Angoules-  
me. 74. miraculeuse-  
ment guarenty par des  
degrez rompus à point  
nommé. ibid. se deffēd  
vingt-quatre heures  
sans boire ny manger.  
ibid. accusé aux Estats  
de Blois. ibid. refuse de  
rendre les villes qu'il  
tenoit. 75. sa responce  
au Sieur Mirō enuoyé  
de la part du Roy. ibid.  
leue des gens de guerre  
& s'accorde avec mon-  
sieur de Guise. 76
- Monsieur d'Espeffe def-  
enseur des libertez de  
l'Eglise Gallicane. 5. 10
- Desfreiglemēts de la ligue  
apres la mort de la Rey.

ne mere. 56

466.

Dict notable du Roy en la  
iournee de Coutras  
169.

Monsieur d'O fauorisé &  
defauorisé du Roy. 70.  
se retira à Caen dont il  
estoit gouuerneur. ibid.  
grand ioueur. 71. est in-  
tendât des finances. ibi-  
dem.

Dicts notables de Henry  
le Grand. 581

Dict notable de l'Empe-  
reur Iustinian. 425

Dict notable du Presidēt  
de Thou. 529

Doctrinal aux Princes,  
123

Differēce d'entre les grāds  
& les petits. 406

Doctrine d'Aristote cen-  
suree par Ramus. 597

Difference d'entre l'Ad-  
uocat & le Poëte, 729

Dons immenses perdent  
l'Estat. 171

Different d'entre les  
deux Papes de Rome &  
d'Auignō iugé au Con-  
cile de Constance. 564

Doron enseignoit la grā-  
maire & langue Latine  
à Henry 3. qui le fist Cō-  
seiller au grād Conseil.  
483

Dignité ne nous doit pas  
tant honorer que nous  
la deuons honorer.  
218

Droict public doit estre  
preferé au particulier.  
464

Dire de Demaratus au  
Roy Xerxes. 531

Droict commun de la Frā-  
ce gisten quatre poinēts  
& quels. 523

Dire de Socrates. 655

Droict des Romains ap-  
pellé communement  
Droict escrit. 531

Discours du Roy sur l'ex-  
ecution de monsieur de  
Guise, 31

Droict Romain en com-  
bien de temps fut com-  
pilé par les delegez de  
Iustinian. 535

Discours & consideratiōs  
sur la fin des Estats.  
47

Droict Romain est vn

Diuersité des loix prouiēt  
de la diuersité des mœurs.

# T A B L E

leurre pour apriuoiser les  
plaideurs & nourrir les  
opiniaftres en leurs opi-  
niaftretez. 537

Duc d'Aumale fait gou-  
uerneur de Paris. 56. cõ-  
firmé en plein Parle-  
ment. ibid.

Duc de Feria fort de Paris.  
273

Duc de Sauoye vient en  
France pour le fait du  
Marquisat de Salusse.  
344. promet sa troisiẽ-  
me fille au Marechal de  
Biron. 345. 349

## E

**E**dict publié pour le  
general de la France.  
49

Edicts Burfaux venus  
de la Royne mere.  
55

Edict pour les nauiresiet-  
tees à bord par la mer.  
114

Edicts burfaux causes de  
la subuersion generale  
de l'Estat. 151

Edict de lanuier fauora-  
ble aux Huguenots.  
227

Edict d'abolition, & celuy  
du reftabliffement des  
officiers ſont publiez.  
243

Edict d'Vnion publié ex-  
cite de plus grands bra-  
siers. 259

Effects miraculeux de  
Dieu recogneus par la  
medecine. 558

Eglife reduitte en la famil-  
le de Noé au temps du  
deluge. 83

Eglife de Dieu quelle.  
ibid.

Eglife des filles repenties  
& tout leur enclos priſe  
par la Royne mere par  
permiſſion du Pape.  
145

Eglife n'vſe de main miſe  
ſur les corps. 434.  
435

Eglife Gallicane fille aĩ-  
nee de l'Eglife. 563. a  
touſiours la premiere

## DES MATIERES.

- |  |   |
|--|---|
| <p>combattu pour la religion. 563.566</p> <p>Eglises peuuent estre faites aux maisons par prieres &amp; oraisons. 655</p> <p>Elizabeth Royne d'Espagne fille de la Royne mere. 54. meurt d'une mort funeste. ibid.</p> <p>Elizabeth appelee par commun sobriquet Brehaigne. 611</p> <p>Eloges &amp; rares vertus de la Royne mere. 53</p> <p>Eloges de Henry le Grand fait par monsieur Pasquier. ibidem.</p> <p>Eloquence Françoise. 199</p> <p>Emanuel Comnene preferé à son aîné à l'Empire. 99</p> <p>Embrion prend nourriture du sang menstruel de la femme, 540</p> <p>Empereur qui alloit de nuit desguisé és maisons publiques pour entendre ce quel'on disoit de luy. 484</p> | <p>Empereurs qui premiers donnerent autorité aux loix. 517</p> <p>Enfants ne doiuent controuler leurs parents au maniemment de leurs biens. 428</p> <p>Enfans ingrats &amp; malagissants à l'endroiect de leurs parens peuuent estre par eux exheredez. 429</p> <p>Enfans de Sophocle firent appeller leur pere en iustice. 723</p> <p>Ennemis des Iesuites ne sont tous Huguenots 692.703</p> <p>entreprise d'Amboise descouuerte. 213</p> <p>Entretienement d'un estat a tousiours besoin de finances. 16</p> <p>Epaminondas pourueu du plus vil estat des thebains. 182</p> <p>epigramme sur la guerre de Sauoye, pour le Marquisat de Salusse. 453</p> <p>epigramme sur les diuerses saignees du Chancelier</p> |
|--|---|



# TABLE

de Birague. 481. 482	en François. ibid.
Epitaphe de monsieur de Guise. 43	Especies des creatures s'estudient à leur cōseruation. 461
Epitaphe du mareschal de Biron. 338	Espec, fatale enuoyee par le Pape Theatin au Roy l'incitant à recouurer le Royaume de Naples. 220
Epitaphe de Biron par Raquier en vers Latins cōtenant la verité de son histoire. 372	Estats assignez à Blois. 1
Epitaphe de la Mole convenant à ses mœurs. 480	Estat d'Aduocat du Roy grandement onereux. 7
Epitaphe du Roy Henry le Grand. 581	Estats d'Orleans, proclamez. 214
Escarmouche d'Aumale. 264	Estat de France comparé au corps humain. 297
Escoffe ne recognoist le siege Romain. 606	Estats de iudicature à l'êchere. 440
Esclaues tousiours suspects aux anciens. 447	Estat, religion, & meurtre melléz ensemble par les Iesuites. 567. 599
Esculape pourquoy, deifié apres sa mort. 560	Estonnement du Roy apres la mort de monsieur de Guise. 61. 62
Escheuins de Paris detenus prisonniers à Blois. 25	Euangelistes pourquoy sautent depuis la natiuité de Iesus-Christ iusques aux predications de Saint Iean. 618
Escris des Iuriscōsultes sont comme truchemens des loix. 496	Euangile de S. Iean est vn supplemēt des autres.
Escusson d'Adam quel & la raison. 455	
Essais de Montagne appelez chefs-d'œuvre. 381. est vn autre Seneque	

# DESM ATIERES.

612	Euphrosine mere de l'em- pereur Isaac Comnene occise par Andronic.	peuple.	506
112	Eurydice retiree des En- fers par Orphee.	Faveurs des Roys sont pas- sageres.	375
415	Excellence des Essais de Montagne.	Fauorys du Roy Henry 3. ont eu du malheur en leurs vies & en leurs morts.	147
383	Exhortation de monsieur Pasquier aux François.	Fautes en guerre ne sont doubles	91
133	Exhortation du Roy Hé- ry 4. en la bataille d'Iury.	Femme qui n'a ses fleurs est incapable d'auoir d'enfants.	540
167		Fernel docte medecin Frã- çois 540. a fait vn liure in- titulé la Medecine. ibi- dem.	

## F

	<b>F</b> able plaisante sur la creation del'homme & de la femme.	Fertilité du pays de Con- gnac en toute abondan- ce de biens.	159
399	Faction d'Amboise pre- miere en France.	Feste de Pasquier la plus grande & solemnelle de l'Eglise.	645
667	Faculté de Theologie de Paris ne se lassa iamais de faire teste à ses enne- mis.	Feu ardent Sauoyard, pre- dicateur sedicieux.	234
563	Faim fausse de bon goust.	Fiebures guerries au plat pays par certaines her- bes pilees & appliquees aux poignets.	551
406	Falcidie en quoy consi- stait.	Fiebure quintaine de cinq en cinq iours cogneue par Hyppocrate nõ par Galien.	666
506	Falcidius Tribun du	Filles repenties logees par	

# TABLE

la Royne mere en l'Abbaye Saint Magloire.	France anciennement appelée Gaule & les habitans Gaulois & Galates.
146	420
Lain choisi pour principal confident du Marechal de Biron.	François second succede à son pere. 212. marié à Marie Stuart Royne d'Escoisse. ibid. il meurt.
344	226
Finances principaux nerfs de la chose publique.	163
M. de Fleury Rapporteur du procez de monsieur de Biron.	François du commence- fôt plus chauds & forts que les hommes, & au long aller plus froids & foibles que les femmes.
361	269
Fols qui s'estimoient estre grands Monarques.	407
Force cachee en toutes les choses creces.	786
Fortune de monsieur d'Espernon estrange. 71. en vn coup renuersee, & sagement redressée. ibi- dem.	71. en vn coup renuersee, & sagement redressée. ibi- dem.
Fortune belle du Roy Henry troisieme en sa ieunesse, fort facheuse sur l'aduancement de son aage.	134. 135
Foy de Gentilhomme ser- ment de François pre- mier.	593
Franc discoureur liure contre les Iesuites.	700
	François impatient. 394
	François premier & Char- les cinquiesme briguët l'empire. 602
	François premier restau- rateur des bones lettres. 736
	Frugalité requise en vn chef de guerre. 389
	Fruict de l'heresie quel. 566
	Fueilles de figuier armoi- ries de nostre premier Pere. 455
	Furieux ne pouuoit par la seule loy de nature, administrer ny aliener son bien. 429

# DES MATIERES.

Fuir sans ſçauoir qui chaſſe eſt hôteux, & indigne d'un bon cœur. 396

## G

**G** Transformé en v. famillier au François. 755

Galien grand patron des medecins. 538. ignoroit l'anatomie du corps humain. ibid. anatomiſoit des ſinges. 539

Garde d'une place ne doit eſtre commiſe à vn qui quitte ſon Prince. 391

Galcō naturellement ſoldat. 387

Gascongne logee en vn arriere coin de la France. 385

Le Caſt fait gouuerneur du Chateau d'Amboiſe. 65. & 65

Gaule du temps de Iules Ceſar diuiſee en certaines Prouinces diſtinctes de lāgage & de mœurs. 525

Generaux des monnoyes installez par les maiſtres des Comptes. 186

Generoſité du Roy Henry 4. 166

Geneue pepiniere de nouueaux Miniſtres. 227

Saincte Geneuiefue tutellaire de Paris. 233

S. Germain premier Confeſſeur du Roy conſole la Royne mere malade. 52

Geta tué par ſon frere. 519

Glicia Dictateur Romain. 500

Gots chaſſez de l'Italie par Belliſſaire. 449

Gouuerneurs des Prouinces comme petits Princes. 162

Gouuerneurs iadis ſeulement ſur les frontieres. 215

Gouuernement de Corbeil donné à monsieur de Briſſac & pourquoy. 245

Gouuernement de Lyon donné à l'Archeueſque. 234

Gouuernemēt de bourg reſuſé au Mareſchal de Biron & pourquoy. 346

Grādeur de mōieur d'Ef-

# TABLE

pernon. 71  
 Grandsiours de Poitiers-  
 774  
 Grâdsiours d'Auuergne.  
 ibid.  
 grece reduite sous la puis-  
 sance des Romains par  
 Titus Quintius. 435  
 Grecs faisoient professiō  
 de liberté. 467  
 Grossier, de battelier fait  
 bon soldat & braue Ca-  
 pitaine. 238  
 Guerison procede plus  
 souuent du hazard & de  
 la force de la nature, que  
 de la medecine. 555  
 Guerre immortelle pro-  
 posee contre les Hereti-  
 ques. 14  
 Guerre est cōme vn ieu de  
 dez. 91  
 Guerres ciuiles enuoyees  
 de Dieu pour chastier  
 les Republiques. 217  
 Guerres pour la religion.  
 217  
 Guerre de la plume autāt  
 redoutable que des ar-  
 mes. 292  
 Guerre en Allemagne &  
 en France pour le faict  
 de la religion. 606

Guillaume Bauchety rap-  
 porteur aux enquestes  
 pourquoy priuē de son  
 Estat. 438  
 Guyēne promotrice d'vn  
 nouueau trouble. 357  
 Monsieur de Guise entre  
 en dispute avec le Roy  
 de son Estat de Lieute-  
 nant general, & de la  
 ville d'Orleans. 21  
 Monsieur de Guise grand  
 guerrier & Capitaine, &  
 Prince infinimēt gene-  
 reux. 27. vouloit establir  
 sa grandeur aux Estats  
 de Blois. ibid.  
 Messieurs de Guise pere  
 & fils ont beaucoup de  
 rapport de l'vn à l'autre.  
 41  
 Monsieur de Guise baillé  
 en garde à Rouure. 173.  
 prisonnier au Chasteau  
 de Tours ibid. cōment  
 il se sauue. 176  
 Messieurs de Guise d'oū  
 empieterent l'autorité  
 en Cour. 212

H

Habert

# DES MATIERES.

- H**abert principal secretaire de Biron tient sa bouche en l'agene ordinaire & extraordinaire. 372. 373. decouure tout par le bon visage du Roy. 373
- H**abitans de Póitiers le donnent au Roy & demandent d'estre traittez comme ceux de Tours à quoy ils sont receus. 88. changent de resolution & pourquoy. 89
- H**abitudes du corps & de l'esprit sympathisent ensemble. 538
- H**aine commune de tous encontre les Iesuites. 678
- H**ali disciple de Mahomet. 598
- H**alife fait Roy de la plus grande partie de l'Afrique. 599
- H**arangue du Roy à l'entree des Estats. 4
- H**arangues publiques faites au Roy pour clorre l'assemblee des Estats de Blois. 47
- H**arangues accomparees au chant des Cygnes. 50
- H**arangue de Cassius. 445
- H**aro de Normandie. 744
- H**arquebuses cōbien pernicieuses. 390
- H**azard du téps quelquefois non moins sage que la prudence. 712
- H**eliogabale surnommé Antonin. 513. fust le dernier des Antonins. 514
- H**enry 2. fatalement tué. 212
- H**enry 2. déclaré protecteur de la liberté germanique. 218
- H**enry 3. s'amuse à la grammaire au plus fort de ses affaires. 482
- H**eraclite le Pleurant grand Philosophe. 403
- H**eresie est en nos ames ce qu'un chancre est dans nos corps. 605
- H**eurs arriuez à Philippe Roy de Macedone quāt & la naissance de son fils Alexandre. 724
- H**ypocrate redonna la vie à la medecine. 545. 558
- H**onar se fait Roy de la



# TABLE

Perse & autres pays circonuoisins.	599	303	
Historiographes des Islesuites quels.	693		I
Homme formé tout d'un coup en tous ses membres a la conception & la raison.	539	I	Aloufies en la Cour à cause de la grâdeur de monsieur d'Esperno.
Honneur que c'est.	180.	355	
Honneur combien touche.	181	Iacques Clement Iacobin auoit esté soldat.	130
Honneur de l'espee & de la lettre.	182	tué le Roy Henry 3. d'un coup de cousteau.	131.
Honneur d'un homme de bien en dispute de tout le monde.	395	est à l'instant tué, & son corps mort tiré à quatre cheuaux, puis brûlé.	131
Hottoman fait Aduocat du Roy par la Ligue.	244	Iacques Iacquet Echeuin de Lyon principal auteur de la reddition de la ville.	234
Hottoman professeur du Roy à Paris refute l'opinion de Cujas sur la loy Glicia.	500. 501. 502. 504	Iean Poleuin maistre de la Chambre des Comptes, general & souuerain maistre des monnoyes.	185
Huguenot mort trop malheureusement familier en France.	892 693	Iean Chastel nourry aux escolles des Islesuites.	274.
Hugues Capet premier de la troisieme lignee de nos Roys.	145	blesse le Roy à la bouche.	275
Hugues Danel sergent se saisit de la personne du President Brisson.		Iean Roseau executeur de la haute iustice pend le Presidét Brisson.	303.
			304

# DES MATIERES.

- Jean Tardit Conseiller au  
Presidial pëdu & pour- 568  
quoy. 305 Iesuites sont exterminiez  
de la Republique de  
Venise. 570  
S. Jean suruescut de long Iesuites, appelez Iesuitës  
temps tous les apostres. 670. comme prennent  
612. atteinir l'Empire pied dans Paris. ibid.  
detraian. ibid.  
Jeanne de la Marche tuee Iesuites auteurs & pro-  
dans son liët & pour- moteurs des Troubles.  
quoy. 484. Epitaphe 677  
sur la mort. 485 Iesuites ne parlent jamais  
bien qu'en mesdisant.  
Jeanne la Pucelle enuoyee 798  
de Dieu en France. 711.  
ses miracles. 713. reco- Jeunesse du Prince fort  
gnoist le Roy qui luy e- dangereuse en vn Estat.  
estoit incogneu. ibid. 217  
pourquoy appelee la Jeunesse de Charles 7.  
Pucelle. 714. est bruslee continuellement affli-  
à Roüen. 715. est morte gee de guerres. 289  
martyre. ibid. Ieusne est vne ordonnan-  
ce diuine. 619  
Iesus-Christ vsa plus sou- Ignace de Loyola gentil-  
uent de poisson aux a- homme auteur del'or-  
ctes solempnels. 620 dre de la societé de Je-  
Iesuites ne doiuent auoir sus. 562  
l'honneur seuls de sou- Imaginations logees en la  
stenir le party del'Egli- partie deuanciere de la  
se cõtre les Heretiques. teste. 541  
562 Importance de la ville  
Iesuites armez cõtre Hen- d'Amiens. 252  
ry 3. Prince tres-catho- Incõmoditez à ceux qui  
licque. 568 demeurent à Paris,  
Iesuites mieux ils sont, 426  
plus sont à craindre.

# TABLE

Informations par Tourbes se font, de l'hautorité du parlement seulemēt. 529	sieur le Prince de Condé. 136
Ingenu gouverneur de Pannonie vaincu par l'Empereur Galien. 93	Journee de Montcontour où l'Admiral fut bleſſé & quatorze mil des ſiés tuez. 136
Ingratitude d'Andronic enuers ſes biē-faiſteurs. 109	Journee de Coutras. 169
Iniures particulieres diffimulees par Henry 3. non celles faites à l'eſtat. 135	Journee de S. Quentin deſaſtree pour nous. 220
Iniures ordinairement engrauees avec le burin dans nos ames. 283	Journee de Fontaine-Françoise. 276
Inſtincts generaux en l'homme & en tous autres animaux. 463	Journee des Suiffes. 392
Intellect, amuſoir de l'ambition de l'homme. 544	Journee d'Azincour. 714
Iodelle ſe ſiant trop à ſon naturel meſpriſoit les liures. 728	Iſmael repreſente le vieil Testament & Iſaac le nouveau. 419
Jour de la conuerſion de Henry 4. à la religion Catholique, & où. 266	Iſem mot de pratique. 379
Jour S. Martin dedié pour taſter les vins nouveaux. 739	Iubilé pourquoy ouuert. 734
Journee de Chateau Neuf où ſuſt occis mon-	Iudas entre les Apoſtres. 437
	Iudas gardien de la bourse. 615
	Iuges mis à mort pour ne vouloir iuger à la volonté d'Andronic. 110
	Iuge peut accommoder les loix au cas qui ſe preſente à iuger. 530
	Iuge ſubalterne doit iuger ſelon les ordonnances. 530
	Iugemens de Dieu admi-

# DES MATIERES.

rables. 230  
 Jugemens des Amours de  
 Ronfard. 431  
 Jules Cesar tué en plein  
 Senat. 41. il souhaitoit  
 de mourir violemment.  
 42  
 Jurisconsultes rendoient  
 droict deuant le temps  
 d'Auguste, sans autori-  
 té du Prince. 489  
 Jurisconsultes quand eu-  
 rent plus de vogue. 534  
 Jurisprudence bigarree  
 en partialitez & sous qui  
 492  
 Jurisprudence cerebrine.  
 531  
 Iustice de Dieu executee  
 par les hommes. 122  
 Iustice restablie à Paris  
 sans rien changer ny al-  
 terer. 241

## L

**L** Archant Capitaine  
 des gardes aduerty  
 de l'entreprise contre mô-  
 sieur de Guise. 23. ce  
 qu'il respond à môsieur  
 de Guise. ibid.  
 Larmes de l'Auteur sur

la mort de sa femme. 155  
 Launay autrefois Ministre  
 se fait Catholic & vn  
 des principaux Ligueux  
 294 sa proposition. 295.  
 297  
 Laurét de Medicis restau-  
 rateur des bônes lettres  
 en Italie. 736  
 Lecture assidue d'un li-  
 ure est vne penible ser-  
 uitude. 472  
 Legat creature du Parme-  
 san brigue cõtre le Roy.  
 266

Légionnaires instituez par  
 le Roy François premier.

392

Leon dixiesme Pape prin-  
 cipal instrument du di-  
 uorce de l'Eglise. 600  
 Lepre maladie notoire-  
 mēt incurable guerie  
 par Paracelse. 559

Lettres de Chancellerie  
 comment expedies. 57

Libelles diffamatoires  
 en vogue. 58

Ligue bien nommee sain-  
 cte. 158

Ligerat Capitaine de la  
 Ligue. 19

Ligueux signalez auoient  
 Fff iij

# T A B L E

la clef des champs plus- tost que la prison. 246	gislateurs. 501
Limol'n compris au nou- ueau trouble. 351	Loy de legitime d'où a pris son origine. 504.
Lions & Ours nourris par le Roy. 142. pour- quoy tuez. ibid.	pourquoy introduitte. 508
M. du Lis Conseiller & Aduocat general du Roy en la Cour des Aydes. 711. sa genealo- gie. ibid. extraict de la famille de Ieannela Pu- celle. ibid.	Loix comment deuoient estre faites pour obli- ger. 523
Liures d'histoires doiuent estre mis en lumiere a- pres la mort des histo- riens. 212	Loix de Caligula pour- quoy escrites en menuë lettre, & mises en lieu sombre. 524
Liure de monsieur le Duc de Neuers. 305	Loix donnees afin de tenir les opinions des iuges en bride. 530
Liures contre les Iesuïtes pourchassans leur resta- blissement en France. 699	Louanges du sieur d'Vr- fé. 415
Loix anciennes sont de meilleure trempe que les nouuelles. 445	Louanges sortans de nos bouches ont mauuaïse haleine. 477
Loix du pays doiuent tousiours estre estimees les meilleures. 467	Louchard & trois autres des seize pendus. 315. 316
Loix portoient quelque- fois le surnom des Le-	Louys douzième Roy de France surnommé Pere du peuple. 714.
	S. Louys pourquoy cano- nisé. 735
	Loy que c'est. 120
	Loy Salique est du droit naturel. 465
	Loy Glicia en faueur de

# DES MATIERES.

la legitime des enfans.	500	finance.	491
Loy concernant la legitime des enfans cōbiē signalee.	502	Mahomet quand intro-	
Loy des troubles permet-		duisit sa secte.	597
tant à chacun de dispo-		Mairie de Bourdeaux dō-	
ser par son testament de		nee à Montagne.	584
tous ses biens.	502	Malade a plus d'obligatiō	
Loy falcidie pour quelle		à la nature qu'à l'art de	
raison introduitte.	505	medecine.	561.
Loy generale du Prince		Maladie de Pybrac & l'i-	
efface toutes les coustumes.	526	nutile visite des Medecins.	555. 556. sa guerison.
Loy quoy que rude est			557
neantmoins loy.	530	Maladies enuoyees de	
Loyre mal gitante subiecte à se desborder.	159	Dieu, & guerries par luy	
Lucius Quintius homme		seul.	785
consulaire interdit du		Malheur de monsieur de	
Senat par Caton le		Guise predict communement.	28
Censeur.	435	Malheurs en quoy estimez pour grāds crimes.	
Luculle fist retraits à sa			137
fortune.	753	Maluoisie dōne guerison	
Lyon rendu au Roy.	234.	aux sieurs Boyer & Pybrac.	557
	272	Mammee mere de l'Empereur Alexandre.	514
Lyōnois, Forests, & Beaujolois du party de la Ligue.	59	Manifestes permis aux Censeurs de Rome.	
			436
M		Marcel intendant des finances.	24. est depesché à Paris.
Magistrat ne doit recevoir la loy de ce-			26. & 27
luy qui ne l'a qu'à la sus-		Mareschal d'Aumont	



# TABLE

aduiz du deſſein du Roy contre mōſieur de Gui- ſe. 23. met la main aux armes. 25	Mariages faits par amou- rettes ne ſont ſuiuiz d'vn reciproque cōtētemēt. 188
Marguerite Royne de Nauarre ſœur du Roy François. 1. 756. eſcriuit en Poëſie & proſe. ibid. liure par elle fait intitu- lé la Marguerite des Marguerites. ib d.	Mariages celebres. 221
Marguerite de France fil- le du Roy François 1. 757. mariee avec Ema- nuel Duc de Sauoye & Prince de Piedmōt. 758. louee par les premiers Poëtes de la France. ibid.	Marinus Socinus profes- ſeur à Bologne de quel- le authorité il fuſt. 397
Marguerite de Vallois fil- le de Henry 2. 759. ſe re- tire en Auuergne. 760. fait donation à nos Roys de tous ſes biens. ibid. oyoit trois meſſes le iour. - 61. communioit trois fois la ſemaine ibi- dem. grande aumoſnier- re. ibid. pendant ſon di- ner auoit quatre hōmes doctes qui l'étretenoiēt de queſtions. ibidem. & 762	Marie de Iars fille par al- liance du Sieur de Mō- tagne. 385. traueſe preſ- que tout la Frâce pour le viſiter & cognoiſtre de face. 385
	Marion Aduocat general au parlement de Paris. 679
	Marquis de Canillactué à S. Oüin. 90
	Marius eſtonné par ſa cō- ſtance celuy qui le de- uoit tuer. 365
	Marquiſat de Saluſſe pris par le Duc de Sauoye. 13 & 450
	Marteau Preuoſt des marchāds de Paris arre- ſté priſonnier aux Eſtats de Blois. 25. comment ſauué. 26
	Saincte Marthe Lieutenāt particulier de Poitiers deputé au Roy. 88

## DES MATIERES.

- Martin Luther Religieux** sur la victoire. 453  
**de l'ordre de S. Augustin,** presche contre la  
**Croisade du Pape Leõ** Medecins estoient appel-  
**604. s'attaque au Pa-** lez anciennemēt Phy-  
**pe.** ibid. siciens en France. 538  
**Massacre des Huguenots** Medecins souuent medi-  
**n'a estouffé leur party.** camentent vne partie  
 44. pour l'autre. 544  
**Masurius Sabinus disciple** Medecins estoient ancien-  
**de Capiton.** 534 nement Chirurgiens &  
**M. de Matignon entre le** Apothicaires. 551. & 552  
**premier à Paris.** 239 cōme doiuent conside-  
**Maudissons du peuple** rer leurs maladies. 552:  
**souuentes fois exaucés.** cōme visitent leurs ma-  
 288 lades. 554  
**Maximes de la Reyne me-** Medecin pourquoy doit  
**re pour se maintenir en** estre honoré. 560  
**grandeur.** 55  
**Mōsieur de Mayenne fait** Medecin doit en pre-  
**Lieutenant general de** mier lieu soigner à l'a-  
**l'Estat & Couronne de** me, puis au corps. 561  
**France. 60. s'asleure de** Medecines ameres de dif-  
**toutes les villes de son** ficile prise causēt de  
**gouuernemēt de Bour-** grandestranches auant  
**gongne. ibid. prestefer-** qu'on cognoisse leurs o-  
**mēt au Parlemēt pour** perations. 203  
**sa Lieutenance.** ibid. Medecine art fort incer-  
**Medailles faites par le** tain, 539  
**Duc de Sauoye apres** Medecine combiē de fois  
**auoir vsurpé le Mar-** renuersee, & par qui.  
**quisat.** 450 545  
**Medaille faite par le Roy** Medecine introduitte  
 pour trōper les bourses  
 des riches & de ceux qui  
 veulent estre trompez.

# TABLE

555	Messieurs du grand Con-
Medecine selō les Payens	seil emprisonnez à Vé-
estoit de l'inuention de	dosme. 77
leurs Dieux. 560	Metelan Chancelier d'es-
Medicamens doiuent estre	cosse. 681. sa mort a-
employez selon la tem-	chettee par les Iesuites.
perature des corps. 471	641
Mediocrité mere de vertu	S. Michel Ange tutelaire
290	de la France. 734
Meditations sur l'histoire	Microcosme dit par les
des quatre Euangelistes	anciens, qui est le petit
faites par M. Pasquier.	monde. 406
610	Miracle de Cana en Gali-
Medor soldat couché en-	lee premier que Iesus-
tre les morts en pleine	Christ ait fait. 650
campagne receut guer-	Miracle des cinq pains &
rison par la belle Ange-	deux poissons figure du
lique. 551	S. Sacrement de l'Au-
Meaux reduite au seruice	tel. 615
du Roy. 210	Miracles de la Pucelle
Melancholiques subiects	d'Orleans. 713
aux hemorrhoides. 89	Mithridat, de monsieur
Médiats vōt deux à deux.	Pasquier pour conser-
171	uer en santé, quel. 469
Monsieur de Mercœur	Moderation doit estre en
dernier chef qui tint	toutes choses. 396
pour la Ligue. 280	Modifications que les
Mercuré figuré par les an-	François apportent au
ciens pour le Dieu des	droict Romain. 532
larrons. 725	Molé estably par la Li-
Messala priué de iugemēt	gue Procureur gene-
& doiué de grande me-	ral du Parlement.
moire. 541	244

# DES MATIERES.

La mole decapité en Greue.	480	Mort de la Royne d'escosse mort d'Estat.	480
Monarchies prénét leurs commencemens par les armes & finét par les lettres.	430	Mort de la Royne mere la veille des Roys.	50.
Monde que c'est selon Salomon.	403	aduancee par la nouvelle de la mort de monsieur de Guise.	51
Monsieur frere du Roy vn second Roy. 140. ne veut receuoir l'ordre du S. Esprit. 141. 142		Mort du Conneftable de Montmorency.	135
Montgommery s'empare de Danfron. S. Lo & Carentan. 137. est pris par le sieur de Matignon.		Mort de monsieur frere du roy pretexte aux Ligueux.	142
ibid. decapité & pourquoy.	ibid.	Mort du sieur de Chastillon en son liët.	179
Monsieur de Môt pensier ameine du secours au Roy..	166	Mort du sieur de Montagne.	385
Mort de monsieur de Guise cõparee à celle de Cesar.	41	Mort de monsieur le Cardinal de Guise avec son frere aux Estats tenus à Blois. ibidem.	
Mort de plusieurs grands qui tournerent à desfeins du tout contraires.	43	Mort magnanime du duc de Nemours.	421
Mort de Iules Cesar ouuerture de grâdes guerres. 42. introduisit le triumuirat.	43	Mort inopinée d'henry le Grand pepiniere de maux à la France.	572
		Mort de l'Empereur maximilian.	602
		Mort de Selin.	ibid.
		Mort tres-certaine, & l'heure d'icelle incertaine.	659

# TABLE

Mot de Ligue abhorré en toute republique. 259	gneur pourquoy n'a esté touchee par S. Iean. 612
Mourir au liest d'honneur 181	Nature de prauce par la cheute d'Adam n'est autre chose qu'opiniô. 466
Moyé de viure bien heu- reux en ce monde. 405	Nature sans art est quel- que chose, non tout. 728
Moyens pour restablir l'Eglise. 608	Naturel du Mercure. 433
Moyens de S. magloire transferez à S. Iacques du haut-pas. 146	Natureloper plus en la Poësie qu'en l'art. 728
Musa medecin renuersa la doctrine d'Asclepiades. 545. comme guerist Au- guste. ibid.	Monsieur de Nemours deux fois prisonnier. 421. euade par deux fois. ibid.
Mysteres qu'il y a particu- liers en l'Euangile de S. Iean. 613. ceux qu'il a obmis. ibid. pourquoy. 614	Nerua escholier du Iurif- consulte Labéon. 534
	Monsieur de Neuers en- uoyé à Rome pour fai- re à sa Saincteté les sub- missions de sa Maiesté. 209

## N

<b>N</b> aissance de Henry 4. & mort de mon- sieur de Guise à mes- me iour. 262	Neuol secretaire d'Estat. 24
Naissance de Luther du temps des Iesuites. 562. auoit esté moyne. ibid.	Nice principale ville de Bithynie. 106. se rend à Andronic. 112
Natiuité de nostre Sei-	Nicetas historien vn des premiers seigneurs de Constantinople. 117
	Nicolas que signifie en

# DES MATIERES.

- Grec. 734
- Nigonius de tresgrande  
memoir sàs beaucoup  
de iugement. 541
- Noblesse plus modeste  
aux Estats que nuls au-  
tres. 13
- Nom de Roy detesté &  
abhorré à Paris. 56
- Nô de Dieu en plusieurs  
langues composé de  
quatre lettres. 208
- Nombre de treize à table  
fatal à quelqu'un. 147
- Nombres des hommes  
qu'auoit le Roy en la  
bataille d'Iury, & celuy  
del'ennemy. 169
- Nominations des Eues-  
chez & Abbayes ostées  
au Roy par le Concile  
de Trente. 11
- Normandie donnée au-  
trefois en gouuernemēt  
aux fils aînez de Frâce.  
71
- Normands grands guer-  
riers. 755. ont assiégé  
trois fois Paris. ibid.
- Nostre Dame apparue à  
Ieanne la Pucelle. 711
- La Noüe maison de plai-  
sance proche de Blois. 21
- Monsieur de la Noüe tué  
en Bretagne. 179
- Nouueauté est de peril-  
leuse consequence &  
de dangereux effect.  
560
- Nouvelles bônes ou mau-  
uaises tyrannisent ordi-  
nairement nos esprits.  
469
- O
- Obeissance principal  
sacrifice que Dieu  
desire de nous. 154
- Obeissance du soldat.  
390
- Obeissance au euglè voïee  
au Pape par les Iesuites.  
567. 570
- Obseques de la Royne  
mere celebrees. 52
- Obseques faites du ma-  
reschal de Biron en l'E-  
glise S. Paul. 371
- Occasïō du massacre des  
innocents. 611
- Officiers nouueaux esta-  
blis au lieu des anciens.  
2. pourquoy. 3
- Officiers nouueaux nuisi-  
bles. 144



# TABLE

Officiers establis par la Ligue.	144	215	Ordres des Seigneurs qui prindrent le party du Roy.	270.	tous embrassez & gratifiez par luy.
Officiers establis aux monnoyes prestoiert le sermēt à la chābre des Cōtes.	184	271	Ordre tenu par le Roy en la conduite des troubles arriuez à Limoges.	354	
Officiers de iudicature doiuent estre Docteurs en droict.	332.	auant qu'estre recens en charge publique sont interrogez sur le droict Romain.	ibid.	Ordre des Cheualiers de Sainct Michel pourquoy institué par le Roy Louys vnzielme.	734
Ordinateur & gouuerneur general des monnoyes.	184	Opinions des sages doiuent estre pelees non contees.	82	Opinion de M. Pasquier sur la reformation des loix.	537
Ordonnances n'obligent en France qu'elles n'ayent esté verifiees aux Cours souueraines.	524	Opinions diuerses des medecins touchāt le regimede viure.	546	Opinions diuerses des medecins sur les saignes.	549
Ordōnāces du Roy si elles peuuent ou doiuent estre estendues ou moderees par les iuges selon les rencontres particuliers qui semblent leur donner aduis.	530	Opinion du Catholique au S. Sacremēt de l'Autel.	648	Opinion des sages-mondains.	563
Ordre de l'Estat peruer-ti.	214	Orateur se fait, & le Poëte naist.	747		
Ordre de S. Michel d'oū venu à mespris.	214				
Ordre du Sainct Esprit.					

# DES MATIERES.

Oratoire en soy-mesme est vne belle retraicte. 150	paix. 139
Orgueil extraordinaire est puny de Dieu par dix mille moyens. 375	Paix de l'an 1577. fonde- mēt de nostre ruine. 139
Origine des Seize. 326	Paix honteuse del'Empe- reur Iouinian avec le Roy de Perse. 221. del- critee par toute l'anti- quité. ibid.
Orleans vent remuer, & sous quel voile. 18. n'e- stoit comprise entre les villes de seureté accor- dées par l'Edict d'V- nion. 18	paix entre le Roy de Frâce & celuy d'Espagne. 280
Orleans cōtestée estre vil- le de seureté. 20. de- meure à la Ligue. ibid.	Paix concludē à Lyon en- tre le Roy & le Duc de Sauoye par l'entremise du Pape Clemēt 8. 348
Orleans deliuré du siege par M. de Mayenne. 60	paix de Veruins. 451
Outre plus de moitié de iuste prix, comment doit estre iugée. 533. cō- ment pratiquée en France. ibid.	palais pourquoy basty par la reyne mere en la Parroisse S. Eustache. 51
Ouverture des Estats de Blois. 4	palais fermé. 307
Ouvertures des Parle- mens faites à la feste S. Martin. 85	pancharte causē des mes- contentemens. 353. est abolie. 356
P	rapauté principal joyau de l'Eglise. 603
	rapes du commencēmēt de fort basse condition. 124
	rapes chefs des autres Pa- steurs chacun à part, mais non assemblez en gros. 564
<b>P</b> aix faite par Henry 3. qu'il appelloit sa	rapes sont par dessus le

# TABLE

Concile fuiuant la doctrine des Iefuites, & peuuent de leur volonté transferer les Royaumes d'une main à autre.	566	lege des Iefuites fauteurs de la rebelliõ.	246
Pape de Rome declaré chef de l'Eglise Vniuerselle contre le Constantinopolitain.	597	Parenté de Rauillac meſchante & peruerſe.	575
Papinian preferé à tous les autres Iuriſcõſultes.	493	Parents du Mareſchal de Biron.	339
Papinian mis à mort par le commandement de Caracalla & pourquoy.	519	Paris departie en ſeize quartiers.	226
Parabole de l'enfant prodigue.	130	Paris ville metropolitaine de la France.	754
Paracelſe & ſa medecine toute cõtraire aux principes d'Hyppocrate & Galien.	546	Paris ſiege ordinaire des Roys de France. ibid. depuis quand. ibid.	755.
Paradis promis par les Iefuites aux meutriers des Roys.	677.678	a eſté trois fois aſſiegee par les Normans. 755. contiét trois villes trois Cours ſouueraines, & trois grandes maiſons. ibid.	
Paralleles de monſieur de Guife & de l'Admiral.	40	Parifiens mis en route deuant Senlis.	90
Pardon fait par le Roy aux ſeigneurs de la Ligue.	25	Parlement mené en triõphe depuis le Palais iuſques à la Baſtille par Buſſi le Clerc & ſes complices.	57
Pardon du Roy au College des Iefuites fauteurs de la rebelliõ.	246	Parlement & Chambre des Comptes eſtablis à Tours.	78.81
		Parlement ouuert à Tours	80.
		Parlement tenu à Poitiers dut éps de Charles ſeptieſme.	

# DES MATIERES.

me.	241	pays-bas foustraits del'o-	
parler Latin deuant les		beiffance du rape.	606
Clercs.	183	pechez cause & source de	
paroles dernieres du ma-		nos mal-heurs.	258
reschal de Biron.	370	penard exempt des Gar-	
paroles de la Reyne d'An-		des.	175
gleterre.	374	peres & meres enuers leurs	
parole hardie du Châce-		enfants font les vrayes	
lier de Birague.	440	images de Dieu sur la	
parricides des Iesuites &		terre.	154
attétats qu'ils font sur		peres ne doiuent estre sous	
les vies des princes sou-		la curatelle de leurs en-	
uerains & de leurs		fants.	428
Estats.	700	perte d'Annibal & de	
partage esgal des biens en		rompée d'où proceda.	91
la Republique de Ly-		resche de S. pierre.	621
curgue.	464	peuple accablé de tailles,	
parties de la teste commet		taillon, aydes & subfi-	
disposées des facultez		des.	162
qui y sont logées.	241	peuple ressemble à la mer.	
partisans vermine de l'E-			353
stat.	161	peuple veut estre conduit	
<i>Pasque Dieu serment du</i>		par douceur & support,	
<i>Roy Loys 11.</i>	593	au contraire des grâds.	
<i>M. pasquier haut-loüé par</i>			354
<i>le Iesuite Conterry.</i>	723	peuple fait la plus grande	
<i>paul troisieme salué par</i>		partie de l'Estat.	375
<i>pasquin venant à la pa-</i>		peurs le logent fort aysé-	
<i>pauté.</i>	411	ment aux têtes des	
<i>pauvreté n'est entre nous</i>		plaideurs.	774
<i>que celle que nous y</i>		philippe second appelé	
<i>faisons nous mesmes.</i>		Dieu-donné Auguste &	
405		le Conquerant.	754

# T A B L E

Phormion vouloit faire	bliquement.	678
leçon de l'art militaire	monſieur du Pleſſis-Mor-	
à Hannibal.	nay amène du ſecours	
164	au Roy.	166
Picardie prend le party	Plutarque recomman-	
de la Ligue.	dé pour auoir eſté ſo-	
59	breen ſentences.	207
Picoté Gueſpin réfugié	Poéſie de M. Paſquier.	719
au Pays-bas première	Poète n'acquiert reputa-	
cauſe du mal-heur du	tion que par ſa plume.	
Mareſchal de Birô.	730	
343		
Piece d'or en l'honneur	Pointes d'honneur ſer-	
de Belliſſaire.	uent beaucoup à la	
449	guerre.	392
Pieras Sylueſtre Iacobin	Politics eſtimez pires que	
en quels termes reſ-	Huguenots.	259
pond à Luther en fa-	Politics qui.	326
ueur du Pape.	Pollion n'auoit autresfois	
605	faite le Padoüan de Tite	
Pierre Barriere ſollicité	Liue.	380
par quatre Moynes de	Poltrou tué Monſieur de	
Lyon pour aſſaſſiner	Guile.	229
Henry 4. 232. eſt pris &	Pompée le grand trompé	
executé à Melun. ibid.	par vn mot à deux en-	
& 272. 274	tentes. 52. eſt aſſaſſiné	
Pithou choiſi par le Roy	au mont Caſſius. ibid.	
pour ſon Procureur	Pomponius grand Iuriſ-	
general.	conſulte.	489. 490
242		
Places priſes par les Hu-	Poule d'Æſope qui tous	
guenots.	les iours faiſoit vn œuf	
18	d'or.	161
Plaideurs de Normandie.	Pragmatique ſanction	
157	ſupprimée par le Pape	
Plaidoyé pour Milon fait		
en François par l'au-		
teur.		
201		
Plaidoyé de M. Paſquier		
imprimé & vendu pu-		

## DES MATIERES.

- Leon dixiesme. 606.  
 estoit vn nerf tres-fort  
 de la discipline Eccle-  
 siastique. ibid.
- Predicateurs fort hardis à  
 reprendre le Roy. 17
- Predicateurs allumettes  
 des troubles & diui-  
 sions de la France. 133
- Predictions du Diable  
 sortent effect enuers  
 les meschans. 123
- Predictions de la Pucelle  
 d'Orleans deuant ses  
 iuges. 714
- Premices de Royauté de  
 Héry 3. mal digerées. 137
- Premier President de Pa-  
 ris prisonnier dans la  
 Bastille. 59
- Premier President de Bre-  
 tagne pris par le Duc  
 de Mercœur. 59
- Premier President de  
 Rouen eschappé par la  
 fuite. 59
- Premiers Presidents defa-  
 strés. 59
- Premiers presches de Mar-  
 tin Luther. 604
- Prerogative des vieillards  
 720
- Present fait par la ville de  
 Rouen, à Monsieur  
 d'Elpernon d'une for-  
 tune argétée avec vne  
 belle deuise. 71
- President Brisson lié avec  
 sa robbe du palais &  
 son chapperon sur l'es-  
 paule. 304. ne peut a-  
 uoir relasche d'ache-  
 uer vn liure de droit  
 encommencé. ibid. en  
 quelle façon est estran-  
 glé. ibid.
- President Brisson mené  
 au Chastelet. 202
- President de Harlay me-  
 né prisonnier à la Ba-  
 stille. 328
- President Jeannin enuoyé  
 au Marechal de Bi-  
 ron. 357
- Presidents de la grande  
 Chambre obtindrent  
 de Charles 6. de corri-  
 ger & oster tous les  
 Conseillers mal-gisans  
 en leurs charges. 436
- Preteur fideicommissaire  
 créé pour l'accomplis-  
 sement des fideicom-  
 mis. 506
- Pretexte de la Ligue. 141
- Prieres de Sainte Moni-



# TABLE

Prince & des subiects.	bouteculs.	125
333	Religion fraternise avec	
Reddition de quatre	la iustice. 183. sont deux	
villes en Piedmont par	pilliers de toute la Re-	
Henry 3. cause en par-	publique. ibid.	
tie desõ mal heur. ibi.	Religion des courtisãs.	
Reductions destailles de-	217	
mandées par le tiers	Religion nouvelles'esta-	
Estat. 14	blit avec plus de pied	
Reduction de Paris es-	lors qu'on la vouloit	
merueillable & quelles	abattre. 226	
antitheses y concouru-	Religion Chrestienne	
rët. 272. avec combien	quand commença d'e-	
de modestie & de bon	stre exercée à ouuert.	
ordre. 273	534	
Regilian se treuuant en	Religiõ ancienne ne doit	
vn seuper en compa-	estre changée pour les	
gnie est iugé digne de	abus de quelques Pre-	
la Royauté en riant.	stres. 561	
94. est contrainct d'ac-	Religion prise en deux fa-	
cepter l'Empire. ibid.	çons. 565. Religion est	
Regiment des Gardes	l'ame de la Republi-	
estably & à quel des-	que. ibid. remuement	
sein. 214	de Religion est quel-	
Regle notable qui doit	que remuement de l'E-	
estre obseruée en l'ami-	stat. 565	
tié. 417	Religion Lutherienne en	
Regle generale des Reli-	se defendât s'arma cõ-	
gieux. 565	tre l'Empereur Char-	
Regularité ancienne	les quint, & contre	
changée en comman-	Charles 9. 568	
de. 607	Reliques de sainct Mar-	
Religieux laïcs appelez	tin à Tours. 84	

# DES MATIERES.

Remarques sur la fortune du Pape Sixte 5. 124	par le Sauoyard & Es- pagnol, afin de perdre le Marechal de Biron.
Remarques notables sur la mort & vie de Biron. 374	361
Remedes empruntez des Arabes. 546	Rencheute fort à crain- dre, sur tout au vieil- lard. 471
Remede tel quel porté au malade desesperé vaut mieux que de l'aban- donner. 557	Rencôtres sur les affaires du Roy & de la Ligue. 70
Remedes de nostre santé logez és arbres, herbes, és vegetatiues & sensi- tiues. 785	Republiques de trois ma- nieres. 464
Remonstrance du Roy Henry 3. à ses plus fa- miliers auant l'execu- tion de M. de Guise, & du Cardinal. 22	Requete des parents du Marechal de Biron & la responce du Roy. 359
Remonstrance de Mon- sieur Pasquier à l'ouuer- ture du Parlement. 82	respect que portoient les Apostres à S. Pierre. 616
Remonstrance à M. de Mayenne. 333	resurrection du Lazare vraye pourtraicture de la nostre. 613
Remonstrance de ceux de Guyenne au Roy. 355	retour de fortune estran- ge. 228
Renazé laquais de la Fin. 347. est mis en prison par le Marechal de Bi- ron. 350. luy est con- fronté. 360	retraicte faicte à propos n'est de moindre gloire qu'un combat. 251
Renazé lasché de prison	retraicte des affaires heu- reuses. 415
	reualte generale des Pa- risiens le propreiour de Noel. 56
	la Reyne mere adiou- stoit grande foy aux deuins. 51. est trom- pée sur le mot de saint

# TABLE

Germain.	ibid.	gardes du Roy.	80
Richelieu grand Preuost		le Roy chef & protecteur	
se faist en la sale du		de l'Eglise Gallicane.	
tiers Estat des amis de		10	
monsieur de Guise.	25	le Roy en danger si mon-	
Richeome Prouincial		sieur de Mayenne eust	
des Iesuites.	680	poursuiuy la pointe.	64
Richesses & grandeurs		le Roy en grande perple-	
principales bourrelles		xité.	68
de nos ames.	404	le Roy seul doit auoir des	
Rilly Gouverneur d'Am-		gardes en France.	214
boise.	63	Roy de Nauarre faict	
Monsieur de Ris premier		Lieutenant general du	
President en Bretagne.		Roy par toute la Fran-	
26		ce.	226
M. Robert honneur de		Roy de Nauarre quitte la	
l'Vniuersité d'Orleans.		Religion nouuelle.	
535		227. tué deuant Rouen.	
Rochelois tendent à la di-		229	
uision.	351	Roy d'Espagne a porté	
Rodomontade de Gas-		plus de Couronnes	
con.	387	Royales qu'aucun Roy	
Romàs vrais images des		Chrestien.	282
mœurs anciennes.	550	Rois de France obeis-	
Rome mere generale des		sent à leurs Edits estans	
autres Prouinces.	527	verifiez.	525
Ronsard prophetise du		Roy de France tenu pour	
Roy.	289	tres-Chrestien de tou-	
Rouen prise par les Hu-		te ancienneté.	563
guenots, mais assiegée &		Royaume d'Angleterre	
reprise.	219	peut tomber en que-	
Rouray Lieutenant des		nouille.	465

## DES MATIERES.

Royne d'Angleterre mō-  
stre au Marechal de Bi-  
ron plusieurs testes de  
Grands executez en son  
Royaume, signammēt  
celle du Comte d'Essex.

374

Rhubarbe      pourquoy  
purgela bile.      548

### S

**S**acre du Roy Charies  
miraculeux sous la cō-  
duitte de la Pucelle.

713

Sagesse & magnanimité  
remarquee en l'euation  
de monsieur de Guise.

177

Saignee auant quatorze  
ans aux enfans deffen-  
due anciennement. 548

Saimblancard mere du  
Marechal de Biron.

339

La Sale Gentilhomme  
Auvergnac donne ad-  
uis à monsieur de Gui-  
se de l'entreprise qu'o  
auoit sur sa personne.

23

Salomon grand Philoso-  
phe. 403

Sang des François espar-  
gné par le Roy. 168

Sang transformé en lait  
à l'issuë de la grosseſſe de  
la femme. 540

Sathan representé par les  
Peintres habillé en  
moine. 133. pourquoy.  
ibid.

Saumur donnee au Roy  
de Nauarre. 87

Sauuages cōme traitent  
vn prisonnier de guer-  
re. 284. le mágent. ibid.

Saueuse deffait par mon-  
sieur de Chastillon. 91

Sauoye & Piedmont pos-  
ſedez par les François  
212. rendus à leur Duc.

221

Sauoye prise par le Roy  
cōme en vn clin d'œil.

452

Scœuola celebre Iuriscō-  
sulte. 491

Schisme entre le Catho-  
licque & le Lutherien.  
566

Schisme entre les douze  
Apostres, & les autres

# TABLE

Disciples en presence de Iesus-Christ.	648	lian pourquoy fait.	507
Scribanus Recteur des Iesuites à Anuers.	696.	Senatusconsultes estoient commeloix.	528
fait prouincial, & pourquoy.	ibid.	Senede mere d'Heliogabale.	513
Secours enuoyé au Roy à son besoin par mōsieur d'espernon.	77	Seneque desdaigné pour son trop de sentences.	207
Secours des Pays bas pour la Ligue.	165	Seneque Philosophe Payé faisoit abstinencé de la chair.	622
Secours arriué au Roy fort à propos.	166.167	Sentence digne d'un pere à la mort pour le fait de la succession.	120
Secrets des Iesuites decouverts par la vête de leurs liures.	679	Sentence contre le President Brisson.	300
Secte Lutherienne contre le S. siege, & vne autre pour luy.	599	Sentēces notables de Michel de Montagne.	382
Secte Lutherienne en haine de la Croisade.	ibid.	Sentēce notable de S. Augustin sur le Poëte Perse.	473
Sedition à S. Medar, & quelle insolence.	227	Septimius Seuerus Empereur & grād guerrier n'auoit Dieu, religion, ny conscience.	518
Selin empiete l'Empire d'Orient sur son pere & son frere, & ses conquestes.	601	Serment de l'Vnion renouuellé.	4
Semestre remarquable en l'Estat.	91	Serment presté au Parlement par le Duc d'Aumale pour le gouuernement de Paris.	56
Senateurs Romains interdits du Senat par Caton le Censeur.	435	Sertorius Capitaine general en Espagne.	187.
Senatusconsulte Trebel-			

## DES MATIERES.

- |   |   |
|---|---|
| aimoit mieux estre le<br>dernier à Rome que le<br>premier en Espagne.                           | uersel de l'Eglise Catho-<br>lique.   |
| 188   | 593   |
| Serment de la Sainte V-<br>nion renouuellé.   | Simples soldats aisez à e-<br>stre trompez.                                   |
| 295.  | 393   |
| 297   | Singes d'où creez.  |
| Serment de Messieurs du<br>Parlement.   | 399   |
| 243   | Singes pourquoy demeu-<br>rez sans queue.                                     |
| M. Seruin pourueu parle<br>Roy Henry 3. d'office  | 401   |
| d'Aduocat du Roy  | 150   |
| 80  | Singeries aux femmes sôt<br>toutes leurs singulari-<br>tez.                   |
| Seruiteurs tous executez<br>à mort quand l'un auoit<br>tué leur maistre.                        | 399   |
| 444   | Sixte 5. Pape garde les<br>pourceaux pour son<br>premier mestier.             |
| Seuerité trop cruelle de<br>Galien.   | 125   |
| 93  | Sixte 5. serend Cordelier<br>où il est serf.                                  |
| Seuerité trop grande des<br>peres enuers leurs enfãs<br>le plus souuent les perd.               | 126. est<br>fait procureur du ge-<br>neral del'ordre. ibid.                   |
| 244   | puis General en son ab-<br>sence. ibid. est fait Euef-<br>que, puis Cardinal. |
| Siege de Mets soustenu<br>par M. de Guise tué par<br>Politrot contre l'Empe-<br>reur Charles 5. | ibid. est créé Pape.<br>128   |
| 41  | Soleil leuât adoré plustost<br>que le couchant.                               |
| Siege de Poitiers soustenu<br>par M. de Guise tué à<br>Blois contre l'Admiral.                  | 178   |
| 41  | Songe du Roy Henry. 3.  |
| Siege de Meulan opinia-<br>stre parla Ligue durant<br>six semaines.                             | 142. 147  |
| 165   | Sôges appelez oracles.  |
| Siege Romain, chef vni-   | 475   |
|   | Sophy que signifie.   |
|   | 599   |
|   | Souhait de Martial.   |
|   | 472.  |
|   | 771   |
|   | Statues de Charles sep-<br>tiesme & de Ieanne                                 |



# TABLE

la Paëlle sur le pont d'Orleãs. 711. pourquoy mises sur le pont. 712	Temple de l'honneur & de la vertu pourquoy bastisioignás l'un l'autre. 181
Strossy & son armee def- fait. 54.55	Temples du Patriarche & de Popincour ruinez. 228
Style soldatesque de Môt- luc. 387	Temps remarquez aux loix Romaines. 490
Subuentions aux affaires de la Sainte Vnion. 58	Termes Gascons. 380
Superieurs des Iesuites grands sages-môdains. 569	Testament sans institutiô d'heritier est nul. 505
Superiorité de l'Eglise œcumenique adiugee au Pôtitre Romain par l'Empereur Phocas. 567	Themistocles demande qu'ô luy enseigne plu- tost l'art d'oublier que l'art de memoire. 283
Surprise de place. 363	Theodore de Beze mini- stre, & ce qu'il dit au colloque de Poissy. 648

## T

<b>T</b> ableau de la Mag- delaine donné à Pas- quier. 202	Theologiens pourquoy assemblez au College de Sorbonne. 56
Tacite historien ne doit estre leu & pourquoy. 443	Thresorerie de S. Martin accommodée pour la chambre des Comptes. 80
Tarius prononce senten- ce de relegation contre son fils. 505	Thresoreries de France estoient anciennement du corps de la cham- bre des Compres. 187
Tel refuse qui apres muse prouerbe. 778	Thessale interuertit tout l'ordre ancien de la me-

# DES MATIERES.

- decine par nouueaux 79  
 preceptes, avec reputa-  
 tion admirable de tout  
 le peuple. 546. combat-  
 tu par Galien. ibid.  
 Monsieur de Thou  
 prisonnier à la Bastil-  
 le. 328  
 Tiers ordres par lesquels  
 se soustient la France.  
 754  
 Titus Empereur ne pas-  
 soit aucune iournées sàs  
 bien faire à quelqu'un  
 de ses subiects. 115  
 Tombeau de la Royne  
 mere. 55  
 Touraine iardin de la Frâ-  
 ce. 159  
 Tourbe de Docteurs &  
 deliures sur l'explicatiõ  
 du droit Romain, qui  
 y apporteret plus d'ob-  
 scurité que de lumiere.  
 536  
 Tournelles maison demo-  
 lie & pourquoy. 755  
 Tours apres plusieurs cõ-  
 traistes demeure au Roy.  
 78  
 Tours choisie pour siege  
 du Parlement & de la  
 chambre des Comptes.  
 Tours troublé à la veuë  
 du Baron de la Chastre  
 174  
 Toure petite riuiere pa-  
 uee de truites, tapissée  
 de cygnes, & bordée  
 d'escreuilles. 160  
 Traduction, labeur mise-  
 rable, ingrat & esclau.  
 200  
 Traict de souplesse fort  
 subtilement ioiüé par  
 monsieur de Guise. 175.  
 178  
 Traictes du mespris de la  
 gloire faits par auteurs  
 qui l'ambitionnent. 199  
 Traicts sages & recommã-  
 dables de la Ligue. 235  
 Trefues entre le Roy & le  
 Roy de Nauarre. 87  
 Trefue aduantageuse au  
 Roy. 268. est en finiu-  
 rec. 269  
 Tribonian grand Iurif-  
 consulte. 488. 489. 490.  
 491. 492. 494 496. 497.  
 498  
 Triumvirat introduit par  
 la mort de Iules Cesar.  
 43  
 Trois Seigneurs fort ai-

# TABLE

mez du roy Henry 3. & diuerſement diſgraciez	nances comment modifiees.	524
70	Verité ſouuent deſcouuerte ſous l'eſcorce d'une fable.	398
Trois eſpeces de biens entre nous.	180	
Trois liures promis par l'auteur.	721	
Trois diuerſes lignees des roys de France.	754	
Trois religions exercees au leuant.	570	
Trois grands innouateurs au ſiecle.	150. 597	
Trop fort à craindre aux Grands.	407	
Tyr pris par Alexandre le grand.	252. 299	
Tyrannie des ſeize abolie par la mort de quatre.	332	
V		
V Allois peut eſtre dit Gaullois.	752	
Vâdales chaffeſſez de l'Aſrique & par qui.	449	
Vanité maladie generale & incurable.	404	
Vendredy fatal à noſtre France.	335	
Verification du Concile de Trente demâdee aux Eſtats de Blois.	5	
Verifications des ordon-	nances comment modifiees.	524
	Verité ſouuent deſcouuerte ſous l'eſcorce d'une fable.	398
	Vers de noſtradamus prognostiquants la mort de M. de Guiſe. 28. & 29	
	Vers ſur la mort de Biron.	371
	Verſoris Aduocat des Ieſuites.	675
	Vexation du peuple en ſin punie de Dieu.	375
	Viſtoire de Senlis.	90
	Viſtoire veut eſtre pourſuiuie.	91
	Viſtoires douteuſes.	136
	Viſtoire miraculeuſe du roy à Iury.	165
	Viſtoire obtenuë en la bataille de Coutras.	168
	Viſtoire de Dieppe.	263
	Vie de Montagne pareille à ſes eſcrits.	384
	Vierges à quel tēps doiuent eſtre mariees.	778
	Vigilance doit eſtre grande en vn Capitaine.	394
	Villageois gueris par leur patience.	555
	Villes quittent le party du	

# DES MATIERES.

roy.	59	desguifez en foldats.	158
Ville des Prufiens pillée		Voyfin greffier lit l'arrest	
par Andronic.	113	de mort donné contre	
Villes non rendues, ains		le Marefchal de Biron.	
vendues au roy fans les			369
liurer.	215	Vvittéberg ville du pays	
Villes rédues à l'efpagnol.		de Saxe.	604
	221		
Vin deffédu aux malades.			
	548		
<i>Vine Dieu</i> mot du guet en			
l'armée du roy.	167		
Vniuerfitez pourquoy e-			
ftablies en France.	532		
Voleurs fur les champs			

## X

**X** Eté mere de l'Empe-  
reur Alexius. 108. eft  
cōdānee en priſō à viure  
au pain & à l'eau. 110

**Z** Ele des Iefuites par  
leurs liures & par  
leurs prefches. 569

Fin de la table des Matieres.

---

## *Extrait du Priuilege du Roy.*

**P**AR grace & Priuilege du Roy, il est permis à Laurent Sorius, & à Iean Petit-Pas, Marchands Libraires en l'Vniuersité de Paris, d'imprimer ou faire imprimer vn liure intitulé, *Les Lettres d'Estienne Pasquier Conseiller & Aiuocat general du Roy en la Chambre des Comptes, reueuës & corrigees, & de beaucoup augmentees outre les precedentes editions.* Et faisant deffenses tres-expres- ses à tous Libraires & Imprimeurs, ou autres de nos suiets, de quelque qualité ou condition qu'ils soient, d'imprimer ou faire imprimer ledit Liure, le vendre, debiter, ny distribuer par nostre Royaume, durant le temps de dix ans, sur peine aux contreuens, de deuingt cinq liures tournois d'amende pour chacun exéplaire, applicable moitié à nous & l'autre moitié ausdicts supplians, confiscation d'iceux, despens, dommages & interets, comme plus appert és lettres de Priuilege. Donné à Paris ce 7. iour de May 1619. & de nostre regne le dixiesme.

De Par le Roy en son Conseil.

PAVMIER.

Et scellé du Grand Scau de circ iaune.



















